

Namo tassa bhagavato arahato sammāsambuddhassa

# Aṅguttaranikāye

## Ekakanipāta-aṭṭhakathā

### Ganthārambhakathā

“Karunāsītalahadayam, paññāpajjotavihatamohatamam;  
Sanarāmaralokagarum, vande **sugatam** gativimuttam.

“Buddhopi buddhabhāvam, bhāvetvā ceva sacchikatvā ca;  
Yam upagato gatamalam, vande tamanuttaram **dhammam**.

“Sugatassa orasānam, puttānam mārasenamathanānam;  
Aṭṭhannampi samūham, sirasā vande **ariyasaṅgham**.

“Iti me pasannamatino, ratanattayavandanāmayaṃ puññaṃ;  
Yam suvihatarāyo, hutvā tassānubhāvena.

“Ekakadukādipaṭimaṇḍitassa **aṅguttarāgamavarassa**;  
Dhammakathikapuṅgavānam, vicittapaṭibhānananassa.

“Atthappakāsanattham, **aṭṭhakathā** ādito vasisatehi;  
Pañcahi yā saṅgītā, anusāṅgītā ca pacchāpi.

“Sīhaḷadīpaṃ pana ābhatātha vasinā mahāmahindena;  
Ṭhapitā sīhaḷabhāsāya, dīpavāsīnamatthāya.

“Apanetvāna tatoham, sīhaḷabhāsam manoramam bhāsam;  
Tantīnayānucchavikam, āropento vīgatadosam.

“Samayaṃ avilomento, therānam theravaṃsadīpānam;  
Sunipuṇavinicchayānam, mahāvihāre nivāsīnam.

“Hitvā punappunāgatamattham, attham pakāsayissāmi;  
Sujanassa ca tuṭṭhattham, ciraṭṭhitatthañca dhammassa.

“Sāvatthipabhūtīnam, nagarānam vaṇṇanā katā heṭṭhā;  
Dīghassa majjhimassa ca, yā me attham vadantena.

“Vitthārasena sudam, vatthūni ca tattha yāni vuttāni;  
Tesampi na idha bhiyyo, vitthārakatham karissāmi.

“Suttānam pana atthā, na vinā vatthūhi ye pakāsanti;  
Tesaṃ pakāsanattham, vatthūnipi dassayissāmi.

“Sīlakathā dhutadhammā, kammaṭṭhānāni ceva sabbāni;

Cariyāvidhānasahito, jhānasamāpattivitthāro.

“Sabbā ca abhiññāyo, paññāsankalananicchayo ceva;  
Khandhādhatāyatanindriyāni, ariyāni ceva cattāri.

“Saccāni paccayākāradesanā suparisuddhanipuṇanayā;  
Avimuttatantimaggā, vipassanābhāvanā ceva.

“Iti pana sabbam yasmā, **visuddhimagge** mayā suparisuddham;  
Vuttam tasmā bhiyyo, na tam idha vicārayissāmi.

“Majjhe **visuddhimaggo**, esa catunnampi āgamānañhi;  
Ṭhatvā pakāsayissati, tattha yathābhāsitamattham.

“Iccea kato tasmā, tampi gahetvāna saddhimetāya;  
Aṭṭhakathāya vijānatha, aṅguttaranissitam attha’nti.

### Samkhepakathā

## 1. Rūpādivaggavaṇṇanā

Tattha **aṅguttarāgamo** nāma ekakanipāto dukanipāto tikanipāto catukkanipāto pañcakanipāto chakkanipāto sattakanipāto aṭṭhakanipāto navakanipāto dasakanipāto ekādasakanipātoti ekādasa nipātā honti. Suttato –

“Nava suttasahassāni, pañca suttasatāni ca;  
Sattapaññāsa suttāni, honti aṅguttarāgame”.

Tassa nipātesu **ekakanipāto** ādi, suttasu **cittapariyādānasuttam**. Tassāpi “evaṃ me suta”ntiādikaṃ āyasmatā ānandena paṭhamamahāsaṅgītikāle vuttam nidānamādi. Sā panesā paṭhamamahāsaṅgīti sumaṅgalavilāsiniyā dīghanikāyāṭṭhakathāya ādimhi vittharītā, tasmā sā tattha vitthāritanayeneva veditabbā.

### Nidānavāṇṇanā

1. Yaṃ panetaṃ “evaṃ me suta”ntiādikaṃ nidānaṃ, tattha **evanti** nipātapadaṃ, **metiādīni** nāmapadāni. **Sāvattthiyaṃ viharatīti** ettha vīti upasaggapadaṃ, **haratīti** ākhyātapadanti iminā tāva nayena padavibhāgo veditabbo.

Atthato pana **evam**saddo tāva upamūpadesa-sampahaṃsana-garahaṇavacana-sampaṭiggahākāranidassanāvadhāraṇādi-anekatthappabhedo. Tathā hesa “evaṃ jātena maccena, kattabbaṃ kusalaṃ bahu”nti evamādīsu (dha. pa. 53) upamāyaṃ āgato. “Evaṃ te abhikkamitabbaṃ, evaṃ te paṭikkamitabba”ntiādīsu (a. ni. 4.122) upadeso. “Evametaṃ bhagavā, evametaṃ sugatā”tiādīsu (a. ni. 3.66) sampahaṃsane. “Evamevaṃ panāyaṃ vasalī yasmim vā tasmim vā tassa muṇḍakassa samaṇakassa vaṇṇaṃ bhāsati”tiādīsu (sam. ni. 1.187) garahaṇe. “Evaṃ, bhanteti kho te bhikkhū bhagavato paccassosu”ntiādīsu (ma. ni. 1.1) vacanasampaṭiggāhe. “Evaṃ byākho aham, bhante, bhagavatā dhammaṃ desitaṃ ājānāmī”tiādīsu (ma. ni. 1.398) ākāre. “Ehi tvaṃ, māṇavaka, yena samaṇo ānando tenupasaṅkama; upasaṅkamtivā mama vacanena samaṇaṃ ānandaṃ appābādhaṃ appātāṅkaṃ lahuṭṭhānaṃ balaṃ phāsuvihāraṃ puccha – ‘subho māṇavo todeyyaputto bhavantaṃ ānandaṃ appābādhaṃ...pe... phāsuvihāraṃ pucchatī’ti, evaṃ vadehi “sādhu kira bhavaṃ ānando

yena subhassa māṇavassa todeyyaputtassa nivesanaṃ, tenupasaṅkamatu anukampaṃ upādāyā”tiādīsu (dī. ni. 1.445) nidassane. “Taṃ kiṃ maññatha, kālāmā, ime dhammā kusalā vā akusalā vāti? Akusalā, bhante. Sāvajjā vā anavajjā vāti? Sāvajjā, bhante. Viññugarahitā vā viññuppassatthā vāti? Viññugarahitā, bhante. Samattā samādinna ahitāya dukkhāya saṃvattanti no vā, kathaṃ vo ettha hotīti? Samattā, bhante, samādinna ahitāya dukkhāya saṃvattanti, evaṃ no ettha hotī”tiādīsu (a. ni. 3.66) avadhāraṇe. Svāyamidha ākāranidassanāvadhāraṇesu daṭṭhabbo.

Tattha ākāratthena **evaṃ**saddena etamatthaṃ dīpeti – nānāyanipuṇaṃ anekajjhāsayasamuṭṭhānaṃ atthabyañjanasampannaṃ vividhapāṭihāriyaṃ dhammatthadesanāpaṭivedhagambhīraṃ sabbasattānaṃ sakasakabhāsānurūpato sotapathamāgacchantaṃ tassa bhagavato vacanaṃ sabbappakārena ko samattho viññātuṃ, sabbathāmena pana sotukāmataṃ janetvāpi evaṃ me sutāṃ, mayāpi ekenākārena sutanti.

Nidassanatthena “nāhaṃ sayambhū, na mayā idaṃ sacchikata”nti attānaṃ parimocento “evaṃ me sutāṃ, mayāpi evaṃ suta”nti idāni vattabbaṃ sakalaṃ suttaṃ nidasseti.

Avadhāraṇatthena “etadaggaṃ, bhikkhave, mama sāvakānaṃ bhikkhūnaṃ bahussutānaṃ yadidaṃ ānando, satimantānaṃ, gatimantānaṃ, dhitimantānaṃ, upaṭṭhākānaṃ yadidaṃ ānando”ti (a. ni. 1.219, 223) evaṃ bhagavatā, “āyasmā ānando atthakusalo dhammakusalo byañjanakusalo niruttikusalo pubbāparakusalo”ti (a. ni. 5.169) evaṃ dhammasenāpatinā ca pasatthabhāvānurūpaṃ attano dhāraṇabalaṃ dassento sattānaṃ sotukāmataṃ janeti “evaṃ me sutāṃ, tañca kho atthato vā byañjanato vā anūnāmanadhikaṃ, evameva, na aññathā daṭṭhabba”nti.

**Mesaddo** tīsu atthesu dissati. Tathā hissa “gāthābhigītaṃ me abhojaneyya”ntiādīsu (su. ni. 81; saṃ. ni. 1.194) mayāti attho. “Sādhu me, bhante, bhagavā saṃkhittena dhammaṃ desetū”tiādīsu (saṃ. ni. 4.88) mayhanti attho. “Dhammadāyādā me, bhikkhave, bhavathā”tiādīsu (ma. ni. 1.29) mamāti attho. Idha pana “mayā suta”nti ca, “mama suta”nti ca atthadvaye yujjati.

**Sutanti** ayaṃ **sutasaddo** saupasaggo ca anupasaggo ca gamana-vissuta-kilinnaupacitānuyoga-sotaviññeyya-sotadvārānusāraviññātādiānekatthappabhedo. Tathā hissa – “senāya pasuto”tiādīsu gacchantoti attho. “Sutadhammassa passato”tiādīsu (udā. 11) vissutadhammassāti attho. “Avassutā avassutassā”tiādīsu (pāci. 657) kilinnākilinnassāti attho. “Tumhehi puññaṃ pasutaṃ anappaka”ntiādīsu (khu. pā. 7-12) upacitanti attho. “Ye jhānappasutā dhīrā”tiādīsu (dha. pa. 181) jhānānuyuttāti attho. “Diṭṭhaṃ sutāṃ muta”ntiādīsu (ma. ni. 1.241) sotaviññeyyanti attho. “Sutadharo sutasannicayo”tiādīsu (ma. ni. 1.339) sotadvārānusāraviññātadharoti attho. Idha panassa sotadvārānusārena upadhāritanti vā upadhāraṇanti vāti attho. Me-saddassa hi mayāti atthe sati “evaṃ mayā sutāṃ sotadvārānusārena upadhārita”nti yujjati. Mamāti atthe sati “evaṃ mama sutāṃ sotadvārānusārena upadhāraṇa”nti yujjati.

Evametesu tīsu padesu **evanti** sotaviññādiviññāṅkiccanidassanaṃ. **Meti** vuttaviññāṅasamaṅgipuggalanidassanaṃ. **Sutanti** assavanabhāvapaṭikkhepato anūnādhikāvīparītaggahaṇanidassanaṃ. Tathā **evanti** tassā sotadvārānusārena pavattāya viññānavīthiyā nānappakārena ārammaṇe pavattabhāvappakāsaṇaṃ. **Meti** attappakāsaṇaṃ. **Sutanti** dhammappakāsaṇaṃ. Ayañhettha saṅkhepo – “nānappakārena ārammaṇe pavattāya viññānavīthiyā mayā na aññaṃ kataṃ, idaṃ pana kataṃ, ayaṃ dhammo suto”ti.

Tathā **evanti** niddisitabbappakāsaṇaṃ. **Meti** puggalappakāsaṇaṃ. **Sutanti** puggalakiccappakāsaṇaṃ. Idaṃ vuttaṃ hoti – yaṃ suttaṃ niddisissāmi, taṃ mayā evaṃ sutanti.

Tathā **evanti** yassa cittasantānassa nānākārappavattiyā nānatthabyañjanaggahaṇaṃ hoti, tassa nānākāraniddeso. **Evanti** hi ayaṃ ākārapaññatti. **Meti** kattuniddeso. **Sutanti** visayaniddeso. Ettāvata

nānākārappavattena cittasantānena taṃsamaṅgino kattu visaye gahaṇasanniṭṭhānaṃ kataṃ hoti.

Atha vā **evanti** puggalakiccaniddeso. **Sutanti** viññāṇakiccaniddeso. **Meti** ubhayakiccayuttapuggalaniddeso. Ayaṃ panettha saṅkhepo – mayā savanakiccaviññāṇasamaṅginā puggalena viññāṇavasena laddhasavanakiccavohārena sutanti.

Tattha **evanti** ca **meti** ca saccikaṭṭhaparamatthavasena avijjamānapaññatti. Kiñhettha taṃ paramatthato atthi, yaṃ evanti vā meti vā niddesaṃ labhetha. **Sutanti** vijjamānapaññatti. Yañhi taṃ ettha sotena upaladdhaṃ, taṃ paramatthato vijjamānanti. Tathā **evanti** ca **meti** ca taṃ taṃ upādāya vattabbato upādāpaññatti. **Sutanti** diṭṭhādīni upanidhāya vattabbato upanidhāpaññatti.

Ettha ca **evanti** vacanena asammoḥaṃ dīpeti. Na hi sammūlho nānappakārapaṭivedhasamattho hoti. **Sutanti** vacanena sutassa asammosaṃ dīpeti. Yassa hi sutam sammutṭhaṃ hoti, na so kālantarena mayā sutanti paṭijānāti. Iccassa asammoḥena paññāsiddhi, asammosena pana satisiddhi. Tattha paññāpubbaṅgamāya satiyā byañjanāvadhāraṇasamatthata, satipubbaṅgamāya paññāya atthapaṭivedhasamatthata. Tadubhayasamatthatāyogena atthabyañjanasampannassa dhammakosassa anupālanasamatthato dhammabhaṇḍāgārikattasiddhi.

Aparo nayo – **evanti** vacanena yoniso manasikāraṃ dīpeti, ayoniso manasikaroto hi nānappakārapaṭivedhābhāvato. **Sutanti** vacanena avikkhepaṃ dīpeti, vikkhittacittassa savanābhāvato. Tathā hi vikkhittacitto puggalo sabbasampattiyā vuccamānopi “na mayā sutam, puna bhaṇathā” ti bhaṇati. Yoniso manasikārena cettha attasammāpaṇidhiṃ pubbe ca katapuññataṃ sādheti sammā appaṇihitattassa pubbe akatapuññassa vā tadabhāvato. Tathā avikkhepena saddhammassavanaṃ sappurisūpanissayañca sādheti. Na hi vikkhittacitto sotum sakkoti, na ca sappurise anupassayamānassa savanaṃ atthīti.

Aparo nayo – yasmā “**evanti** yassa cittasantānassa nānākārappavattiyā nānatthabyañjanaggahaṇaṃ hoti, tassa nānākāraniddeso” ti vuttaṃ. So ca evaṃ bhaddako ākāro na sammā appaṇihitattano pubbe akatapuññassa vā hoti, tasmā **evanti** iminā bhaddakenākārena pacchimacakkadvayasampattimattano dīpeti. **Sutanti** savanayogena purimacakkadvayasampattiṃ. Na hi appatirūpadese vasato sappurisūpanissayavirahitassa vā savanaṃ atthi. Iccassa pacchimacakkadvayasiddhiyā āsayasuddhi siddhā hoti, purimacakkadvayasiddhiyā payogasuddhi. Tāya ca āsayasuddhiyā adhigamabyattisiddhi, payogasuddhiyā āgamabyattisiddhi. Iti payogāsayasuddhassa āgamādhigamasampannassa vacanaṃ aruṇuggaṃ viya sūriyassa udayato, yoniso manasikāro viya ca kusalakamma, arahati bhagavato vacanassa pubbaṅgamaṃ bhavitunti tṭhāne nidānaṃ tṭhapento **evaṃ me sutanti**ādīmāha.

Aparo nayo – **evanti** iminā nānappakārapaṭivedhadīpakena vacanena attano atthapaṭibhānapaṭisambhidāsampattisabbhāvaṃ dīpeti. **Sutanti** iminā sotabbabhedapaṭivedhadīpakena vacanena dhammaniruttipaṭisambhidāsampattisabbhāvaṃ. **Evanti** ca idaṃ yoniso manasikāradīpakavacanaṃ bhāsamāno “ete mayā dhammā manasā anupekkhitā diṭṭhiyā suppaṭividdhā” ti dīpeti. **Sutanti** idaṃ savanayogadīpakavacanaṃ bhāsamāno “bahū mayā dhammā sutā dhātā vacasā paricitā” ti dīpeti. Tadubhayenapi atthabyañjanapāripūriṃ dīpento savane ādaraṃ janeti. Atthabyañjanaparipuṇṇaṃ hi dhammaṃ ādarena assuṇanto mahatā hitā paribāhiro hotīti ādaraṃ janetvā sakkaccaṃ dhammo sotabboti.

**Evaṃ me sutanti** iminā pana sakalena vacanena āyasmā ānando tathāgatappaveditaṃ dhammaṃ attano adahanto sappurisabhūmiṃ atikkamati, sāvakattaṃ paṭijānanto sappurisabhūmiṃ okkamati. Tathā asaddhammā cittaṃ vuṭṭhāpeti, saddhamme cittaṃ patiṭṭhāpeti. “Kevalaṃ sutamevetam mayā, tasseva pana bhagavato vacana” nti dīpento attānaṃ parimoceti, sathāraṃ apadisati, jinavacanaṃ appeti, dhammanettiṃ patiṭṭhāpeti.

Apica “evaṃ me suta”nti attanā uppāditabhāvaṃ appaṭijānanto purimavacanaṃ vivaranto “sammukhā paṭiggahitamidaṃ mayā tassa bhagavato catuvesārājjavīsārādassa dasabaladharassa āsabhaṭṭhānaṭṭhāyino sīhanādanādino sabbasattuttamassa dhammissarassa dhammarājassa dhammādhīpatino dhammāḍipassa dhammasaraṇassa saddhammavaracakkavattino sammāsambuddhassa vacanaṃ, na ettha atthe vā dhamme vā pade vā byañjane vā kaṅkhā vā vimati vā kattabbā”ti sabbadevamanussānaṃ imasmiṃ dhamme assaddhiyaṃ vināseti, saddhāsampadaṃ uppādeti. Tenetaṃ vuccati –

“Vināsayati assaddhaṃ, saddhaṃ vaḍḍheti sāsane;  
Evaṃ me sutamiccevaṃ, vadaṃ gotamasāvako”ti.

**Ekanti** gaṇanaparicchedaniddeso. **Samayanti** paricchinnaniddeso. **Ekaṃ samayanti** aniyamitaparidīpanaṃ. Tattha **samayasaddo** –

“Samavāye khaṇe kāle, samūhe hetudiṭṭhisu;  
Paṭilābhe pahāne ca, paṭivedhe ca dissati”.

Tathā hissa “appeva nāma svepi upasaṅkameyyāma kālañca samayañca upādāyā”ti evamādīsu (dī. ni. 1.447) samavāyo attho. “Ekova kho, bhikkhave, khaṇo ca samayo ca brahmacariyavāsāyā”tiādīsu (a. ni. 8.29) khaṇo. “Uṇhasamayo pariḷāhasamayo”tiādīsu (pāci. 358) kālo. “Mahāsamayo pavanasmi”ntiādīsu (dī. ni. 2.332) samūho. “Samayopi kho te bhaddāli appaṭividdho ahoṣi, bhagavā kho sāvatthiyaṃ viharati, bhagavāpi maṃ jānissati ‘bhaddāli nāma bhikkhu satthu sāsane sikkhāya aparipūrakārī’ti, ayampi kho te, bhaddāli, samayo appaṭividdho ahoṣi”tiādīsu (ma. ni. 2.135) hetu. “Tena kho pana samayena uggāhamāno paribbājako samaṇamuṇḍikāputto samayappavādake tindukācīre ekasālake mallikāya ārāme paṭivasatī”tiādīsu (ma. ni. 2.260) diṭṭhi.

“Diṭṭhe dhamme ca yo attho, yo cattho samparāyiko;  
Atthābhisamayā dhīro, paṇḍitoti pavuccatī”ti. –

Ādīsu (saṃ. ni. 1.129) paṭilābho. “Sammā mānābhisamayā antamakāsi dukkhassā”tiādīsu (ma. ni. 1.28) pahānaṃ. “Dukkhassa pīlanaṭṭho saṅkhataṭṭho santāpaṭṭho vipariṇāmaṭṭho abhisamayaṭṭho”tiādīsu (paṭi. ma. 2.8) paṭivedho. Idha panassa kālo attho. Tena saṃvacchara-utu-māsa-aḍḍhamāsa-ratti-dīva-pubbaṇha-majjhānika-sāyanha-paṭhama-majjhima- pacchimayāma-muhuttādīsu kālappabhedabhūtesu samayesu ekaṃ samayanti dīpeti.

Tattha kiñcāpi etesu saṃvaccharādīsu yaṃ yaṃ suttaṃ yaṃ yaṃ saṃvacchare utumhi māse pakkhe rattibhāge divasabhāge vā vuttaṃ, sabbam taṃ therassa suviditaṃ suvatthāpitaṃ paññāya. Yasmā pana “evaṃ me sutaṃ asukasāvacchare asukautumhi asukamāse asukapakke asukarattibhāge asukadivasabhāge vā”ti evaṃ vutte na sakkā sukkena dhāretuṃ vā uddisituṃ vā uddisāpetuṃ vā, bahu ca vattabbaṃ hoti, tasmā ekeneva padena tamatthaṃ samodhānetvā “ekaṃ samaya”nti āha.

Ye vā ime gabbhokkantisamayo jātisamayo saṃvegasamayo abhinikkhamanasamayo dukkarakārikasamayo māravijayasamayo abhisambodhisamayo diṭṭhadhammasukhavihārasamayo desanāsamayo parinibbānasamayoti evamādayo bhagavato devamanussesu ativiya suppakāsā anekakālappabhedā eva samayā, tesu samayesu desanāsamayasaṅkhātaṃ ekaṃ samayanti dīpeti. Yo cāyaṃ ñāṇakarūṇākkiccasamayesu karūṇākkiccasamayo, attahitaparahita-paṭipattisamayesu parahita-paṭipattisamayo, sannipatitānaṃ karaṇīyadvayasamayesu dhammikathāsamayo, desanāpaṭipattisamayesu desanāsamayo, tesupi samayesu aññataraṃ sandhāya “ekaṃ samaya”nti āha.

Kasmā panettha yathā abhidhamme “yasmīṃ samaye kāmāvacara”nti ca, ito aññesu ca suttapadesu “yasmīṃ samaye, bhikkhave, bhikkhu vivicceva kāmehi”ti ca bhummavacanena niddeso

kato, vinaye ca “tena samayena buddho bhagavā”ti karaṇavacanena niddeso kato, tathā akatvā “ekaṃ samaya”nti upayogavacanena niddeso katoti. Tattha tathā, idha ca aññathā atthasambhavato. Tattha hi abhidhamme ito aññesu suttapadesu ca adhikaraṇattho bhāvenabhāvalakkhaṇattho ca sambhavati. Adhikaraṇaṃ hi kālattho samūhattho ca samayo, tattha vuttānaṃ phassādiddhammaṃ khaṇasamavāyahetusāṅkhātassa ca samayassa bhāvena tesam bhāvo lakkhīyati, tasmā tadatthajotanatthaṃ tattha bhummavacanena niddeso kato.

Vinaye ca hetuattho karaṇattho ca sambhavati. Yo hi so sikkhāpadapaññattisamayo sārīputtādīhipi dubbīññeyyo, tena samayena hetubhūtena karaṇabhūtena ca sikkhāpadāni paññāpayanto sikkhāpadapaññattihetuṅca apekkhamāno bhagavā tattha tattha vihāsi. Tasmā tadatthajotanatthaṃ tattha karaṇavacanena niddeso kato.

Idha pana aññasmiṅca evaṃjātike accantasamāyogattho sambhavati. Yañhi samayaṃ bhagavā imaṃ aññaṃ vā suttantaṃ desesi, accantameva taṃ samayaṃ karuṇāvihārena vihāsi. Tasmā tadatthajotanatthaṃ idha upayogavacanāniddeso katoti. Tenetaṃ vuccati –

“Taṃ taṃ atthamapekkhitvā, bhummena karaṇena ca;  
Aññatra samayo vutto, upayogena so idhā”ti.

Porāṇā pana vaṇṇayanti – “tasmiṃ samaye”ti vā “tena samayenā”ti vā “ekaṃ samaya”nti vā abhilāpamattabhedo esa, sabbattha bhummamevatthoti. Tasmā “ekaṃ samaya”nti vuttepi “ekasmiṃ samaye”ti attho veditabbo.

**Bhagavā**ti garu. Garuñhi loke “bhagavā”ti vadanti. Ayañca sabbaguṇavisiṭṭhatāya sabbasattānaṃ garu, tasmā “bhagavā”ti veditabbo. Porāṇehipi vuttaṃ –

“Bhagavāti vacanaṃ seṭṭhaṃ, bhagavāti vacanamuttamaṃ;  
Garu gāravayutto so, bhagavā tena vuccatī”ti.

Apica –

“Bhāgyavā bhaggavā yutto, bhagehi ca vibhattavā;  
Bhattavā vantagamano, bhavesu bhagavā tato”ti. –

Imissāpi gāthāya vasenassa padassa vitthārato attho veditabbo. So ca **visuddhimagge** (visuddhi. 1.142, 144) buddhānussatiniddese vuttoyeva.

Ettāvatā cettha **evaṃ me sutanti** vacanena yathāsutaṃ dhammaṃ dassento bhagavato dhammasarīraṃ paccakkhaṃ karoti. Tena “na idaṃ atikkantasatthukaṃ pāvacanāṃ, ayaṃ vo satthā”ti satthu adassanena ukkaṅṭhitāṃ jaṇaṃ samassāseti. **Ekaṃ samayaṃ bhagavā**ti vacanena tasmiṃ samaye bhagavato avijjamaṇabhāvaṃ dassento rūpakāyapariniḥḥānaṃ sādheti. Tena “evaṃvidhassa nāma ariyadhammassa desako dasabaladharo vajīrasaṅghātasamānakāyo sopi bhagavā parinibbuto, kena aññena jīvite āsā janetabbā”ti jīvitamadamaṭṭaṃ jaṇaṃ samvejeti, saddhamme cassa ussāhaṃ janeti. **Evanti** ca bhaṇanto desanāsampattim niddisati. **Me sutanti** sāvakasampattim. **Ekaṃ samayanti** kālasampattim. **Bhagavā**ti desakasampattim.

**Sāvattihanti** evaṃnāmake nagare. Samīpatthe cetāṃ bhummavacanāṃ. **Viharatī**ti avisesena iriyāpathadibbabrahmaariyavihāresu aññataravihārasamaṅgiparidīpanameṭṭaṃ. Idha pana ṭhānagamananisajjāsayanappabhedesu iriyāpathesu aññatarairiyāpathasamāyogaparidīpanaṃ, tena ṭhitopi gacchantopi nisinnopi sayānopi bhagavā viharaticceva veditabbo. So hi ekaṃ iriyāpathabādhanāṃ aññena iriyāpathena vicchinditvā aparipatantaṃ attabhāvaṃ harati pavatteti, tasmā

“viharatī”ti vuccati.

**Jetavaneti** jetassa rājakumārassa vane. Tañhi tena ropitaṃ saṃvaḍḍhitaṃ paripālitaṃ, so cassa sāmī ahoṣi, tasmā jetavananti saṅkhaṃ gataṃ, tasmim̐ jetavane. **Anāthapiṇḍikassa ārāmeti** anāthapiṇḍikena gahapatinā catupaññāsahiraññaḷoṭtipariccāgena buddhappamukhassa bhikkhusaṅghassa niyyātitattā anāthapiṇḍikassāti saṅkhaṃ gate ārāme. Ayamettha saṅkhepo, vitthāro pana papañcasūdaniyā majjhimaṭṭhakathāya sabbāsavasuttavaṇṇanāyaṃ (ma. ni. aṭṭha. 1.14 ādayo) vutto.

Tattha siyā – yadi tāva bhagavā sāvatthiyaṃ viharati, “jetavane”ti na vattabbaṃ. Atha tattha viharati, “sāvatthiya”nti na vattabbaṃ. Na hi sakkā ubhayattha ekaṃ samayaṃ viharitunti. Na kho panetaṃ evaṃ daṭṭhabbaṃ. Nanu avocumha “samīpatthe bhummavacana”nti. Tasmā yathā gaṅgāyamunādīnaṃ samīpe goyūthāni carantāni “gaṅgāya caranti, yamunāya caranti”ti vuccanti, evamidhāpi yadidaṃ sāvatthiyā samīpe jetavanaṃ, tattha viharanto vuccati “sāvatthiyaṃ viharati jetavane”ti. Gocaragāmanidassanatthaṃ hissa sāvattthivacanaṃ, pabbajitānurūpanivāsanaṭṭhānanidassanatthaṃ sesavacanaṃ.

Tattha sāvattthivacanaena āyasmā ānando bhagavato gahaṭṭhānuggahakaraṇaṃ dasseti, jetavanādikittanena pabbajitānuggahakaraṇaṃ. Tathā purimena paccayaggahaṇato attakilamathānuyogavivajjanaṃ, pacchimena vatthukāmappahānato kāmasukhallikānuyogavivajjanūpāyadassanaṃ. Purimena ca dhammadesanābhiyogaṃ, pacchimena vivekādhimuttiṃ. Purimena karuṇāya upagamaṇaṃ, pacchimena paññāya apagamaṇaṃ. Purimena sattānaṃ hitasukhanipphādanādhimuttiṃ, pacchimena parahitasukhakarāṇe nirupalepataṃ. Purimena dhammikasukhāpariccāganimittapahāsuvihāraṃ, pacchimena uttarimanussadhammānuyoganimittaṃ. Purimena manussānaṃ upakārabahulataṃ, pacchimena devatānaṃ. Purimena loke jātassa loke saṃvaḍḍhabhāvaṃ, pacchimena lokena anupalittataṃ. Purimena “ekapuggalo, bhikkhave, loke uppajjamāno uppajjati bahujaṇahitāya bahujaṇasukhāya lokānukampāya atthāya hitāya sukhāya devamanussānaṃ. Katamo ekapuggalo? Tathāgato arahaṃ sammāsambuddho”ti (a. ni. 1.170) vacanato yadatthaṃ bhagavā uppanno, tadatthapariniṇḍanaṃ, pacchimena yattha uppanno, tadanurūpavihāraṃ. Bhagavā hi paṭhamaṃ lumbinivane, dutiyaṃ bodhimaṇḍeti lokiyalokuttarāya uppattiyā vaneyeva uppanno. Tenassa vaneyeva vihāraṃ dasseti evamādinā nayanettha atthayojanā veditabbā.

**Tatrāti** desakālaparidīpanaṃ. Tañhi yaṃ samayaṃ viharati, tatra samaye. Yasmiṅca ārāme viharati, tatra ārāmeti dīpeti. Bhāsitaḷbayutte vā desakāle dīpeti. Na hi bhagavā ayutte dese vā kāle vā dhammaṃ bhāsati. “Akālo kho tāva, bāhiyā”tiādi (udā. 10) cettha sādhaḷkaṃ. **Khoti** padapūraṇamatte avadhāraṇe ādikālatthe vā nipāto. **Bhagavāti** lokagarudīpanaṃ. **Bhikkhūti** kathāsavanayuttapuggalavacanaṃ. Api cettha “bhikkhakoti bhikkhu, bhikkhācariyaṃ ajjhupagatoti bhikkhū”tiādinā (pārā. 45; vibha. 511) nayena vacanattho veditabbo. **Āmantesi**ti ālapi abhāsi sambodhesiṭi ayamettha attho. Aññatra pana ñāpanepi hoti. Yathāha – “āmantayāmi vo, bhikkhave, paṭivedayāmi vo, bhikkhave”ti. Pakkosanepi. Yathāha – “ehi tvaṃ, bhikkhu, mama vacanena sārīputtaṃ āmantehi”ti (a. ni. 9.11; saṃ. ni. 2.32).

**Bhikkhavoti** āmantanākāraparidīpanaṃ. Tañca bhikkhanasīlatādiguṇayogasiddhattā vuttaṃ. Bhikkhanasīlatāguṇayuttopi hi bhikkhu, bhikkhanadhammatāguṇayuttopi bhikkhu, bhikkhane sādhuḷkāritāguṇayuttopi saddavidū maññanti. Tena ca nesam̐ bhikkhanasīlatādiguṇayogasiddhena vacanena hīnādhikājanasevitaṃ vuttiṃ pakāsento uddhatadīnabhāvaniggahaṃ karoti. **Bhikkhavoti** iminā karuṇāvīpphārasommahadayanayanānipātapubbaṅgamaṇa vacanena te attano mukhābhīmukhe karoti. Teneva ca kathetukamyatādīpakena vacanena tesam̐ sotukamyataṃ janeti. Teneva ca sambodhanatthena sādhuḷkaṃ savanāmanasikārepi te niyojeti. Sādhuḷkaṃ savanāmanasikārāyattā hi sāsanasampatti.

Aparesupi devamanussesu vijjamānesu kasmā bhikkhūyeva āmantesīti ce?  
 Jeṭṭhaseṭṭhāsannasādāsannihitabhāvato. Sabbaparisaśādhāraṇā hi bhagavato dhammadesanā. Parisāya ca jeṭṭhā bhikkhū paṭhamuppannattā, seṭṭhā anagāriyabhāvaṃ ādiṃ katvā satthucariyānuvidhāyakattā sakalāsānapaṭiggāhakattā ca. Āsannā te tattha nisīnesu satthusantikattā. Sadāsannihitā satthusantikāvacarattāti. Apica te dhammadesanāya bhājanam yathānusiṭṭham paṭipattisabbhāvatotipi te eva āmantesi.

Kimattham pana bhagavā dhammam desento paṭhamam bhikkhū āmantesi, na dhammameva desesīti? Satijananattham. Bhikkhū hi aññam cintetāpi vikkhittacittāpi dhammam paccavekkhantāpi kammaṭṭhānam manasikarontāpi nisinnā honti, te anāmantetvā dhamme desiyamāne “ayaṃ desanā kimnidānā kimpaccayā katamāya aṭṭhuppattiyā desitā”ti sallakkhetum asakkontā duggahitam vā gaṇheyyum, na vā gaṇheyyum. Tena nesam satijananattham bhagavā paṭhamam āmantetvā pacchā dhammam deseti.

**Bhadanteti** gāravavacanametam, satthu paṭivacanadānam vā. Api cettha “bhikkhavo”ti vadamāno bhagavā te bhikkhū ālapati. “Bhadante”ti vadamānā te bhagavantam paccālapanti. Tathā “bhikkhavo”ti bhagavā ādimhi bhāsati, “bhadante”ti te paccābhāsanti. “Bhikkhavo”ti paṭivacanam dāpeti, “bhadante”ti paṭivacanam denti. **Te bhikkhūti** ye bhagavā āmantesi, te. **Bhagavato paccassosunti** bhagavato āmantanam paṭiassosum, abhimukhā hutvā suṇiṃsu sampatiṇṇiṃsu paṭiggahesunti attho. **Bhagavā etadvocāti** bhagavā etam idāni vattabham sakalam suttam avoca. Ettāvata ca yaṃ āyasmata ānandena imassa suttassa sukhāvagāhaṇattham kāladesadesakaparisāpadesapaṭimaṇḍitam nidānam bhāsitam, tassa atthavaṇṇanā samattāti.

### Rūpādivaṇṇanā

Idāni **nāham, bhikkhave, aññam ekarūpampi samanupassāmīti**adinā nayena bhagavatā nikkhittassa suttassa vaṇṇanāya okāso anupatto, sā panesā suttavaṇṇanā yasmā suttanikkhepaṃ vicāretvā vuccamānā pākaṭā hoti, tasmā suttanikkhepavicāraṇā tāva vedittabbā. Cattāro hi suttanikkhepā attajjhāsayo parajjhāsayo pucchavasiko aṭṭhuppattikoti. Tattha yāni suttāni bhagavā parehi anajjhīṭṭho kevalam attano ajjhāsayeneva kathesi, seyyathidaṃ – ākaṅkheyyasuttam vatthasuttanti evamādīni, tesam attajjhāsayo nikkhepo. Yāni pana “paripakkā kho rāhulassa vimuttiparipācānīyā dhammā, yaṃnūnāham rāhulam uttari āsavānam khaye vineyya”nti (saṃ. ni. 4.121; ma. ni. 3.416) evam paresam ajjhāsayaṃ khantiṃ manam abhinīhāram bujjanabhāvaṇṇa oloketvā parajjhāsaya vasena kathitāni, seyyathidaṃ – rāhulovādasuttam dhammacakkappavattananti evamādīni, tesam parajjhāsayo nikkhepo. Bhagavantam pana upasankamitvā te te devamanussā tathā tathā pañham pucchanti. Evam puṭṭhena bhagavatā yāni kathitāni devatāsamyuttabojjhaṅgasamyuttādīni, tesam pucchavasiko nikkhepo. Yāni pana uppannam kāraṇam paṭicca kathitāni dhammāyādasuttaputtamaṃsūpamādīni, tesam aṭṭhuppattiko nikkhepo. Evamimesu catūsu nikkhepesu imassa suttassa parajjhāsayo nikkhepo. Parajjhāsaya vasena hetam nikkhittam. Kesam ajjhāsayenāti? Rūpagarukānam purisānam.

Tattha **nāham, bhikkhavi**etiādīsu nakāro paṭisedhattho. **Ahanti** attānam niddisati. **Bhikkhavi**ti bhikkhū ālapati. **Aññanti** idāni vattabbā itthirūpato aññam. **Ekarūpampīti** ekampi rūpaṃ. **Samanupassāmīti** dve samanupassanā ñāṇasamanupassanā ca diṭṭhisamanupassanā ca. Tattha “aniccato samanupassati, no niccato”ti (paṭi. ma. 3.35) ayaṃ **ñāṇasamanupassanā** nāma. “Rūpaṃ attato samanupassati”tiādīkā (paṭi. ma. 1.130) pana **diṭṭhisamanupassanā** nāma. Tāsu idha ñāṇasamanupassanā adhippetā. Imassa pana padassa nakārena sambandho vedittabbo. Idaṃ hi vuttam hoti – aham, bhikkhave, sabbaññutaññāṇena oloketopi aññam ekarūpampi na samanupassāmīti. **Yaṃ evam purisassa cittaṃ pariyādāya tiṭṭhatīti** yaṃ rūpaṃ rūpagarukassa purisassa catubhūmakakusalacittam pariyādiyitvā gaṇhitvā khepetvā tiṭṭhati. “Sabbam hatthikāyaṃ pariyādiyitvā”tiādīsu (saṃ. ni. 1.126) hi gahaṇam pariyādānam nāma. “Aniccasaññā, bhikkhave, bhāvitā bahulikatā sabbam kāmarāgam pariyādiyati”tiādīsu (saṃ. ni. 3.102) khepanam. Idha ubhayampi



vaṭṭati. Tattha idaṃ rūpaṃ catubhūmakakusalacittaṃ gaṇhantaṃ na nīluppalakalāpaṃ puriso viya hatthena gaṇhāti, nāpi khepayamānaṃ aggi viya uddhane udakaṃ santāpetvā khepeti. Uppattiñcassa nivārayamānameva catubhūmakampi kusala-cittaṃ gaṇhāti ceva khepeti cāti veditabbaṃ. Tena vuttaṃ – “purisassa cittaṃ pariyādāya tiṭṭhatī”ti.

**Yathayidanti yathā idaṃ. Itthirūpanti** itthiyā rūpaṃ. Tattha “kiñca, bhikkhave, rūpaṃ vadetha? Ruppattī kho, bhikkhave, tasmā rūpanti vuccati. Kena ruppatti? Sītenapi ruppatti uñhenapi ruppattī”ti (saṃ. ni. 3.79) suttānusārena rūpassa vacanatto ceva sāmāññalakkhaṇaṇca veditabbaṃ. Ayaṃ pana rūpasaddo khandhabhavanimittapaccayasārīraṇṇasaṅghānādīsu anekesu atthesu vattati. Ayañhi “yaṃ kiñci rūpaṃ atītānāgatapaccuppanna”nti (vibha. 2; mahāva. 22) ettha rūpakhandhe vattati. “Rūpūpapattiyā maggaṃ bhāvetī”ti (dha. sa. 161; vibha. 624) ettha rūpabhāve. “Ajḥhattaṃ arūpasāññī bahiddhā rūpāni passaṭī”ti (dha. sa. 204-232 ādayo) ettha kasiṇanimitte. “Sarūpā, bhikkhave, uppajjanti pāpakā akusalā dhammā no arūpā”ti (a. ni. 2.83) ettha paccaye. “Ākāso parivārito rūpanteva saṅkhaṃ gacchatī”ti (ma. ni. 1.306) ettha sarīre. “Cakkhuñca paṭicca rūpe ca uppajjati cakkhuviññāṇa”nti (ma. ni. 1.400; 3.421) ettha vaṇṇe. “Rūpappamāṇo rūpappasanno”ti (a. ni. 4.65) ettha saṅghāne. Ādisaddena “piyarūpaṃ sātārūpaṃ, arasarūpo”tiādīnipi saṅgaṇhitabbāni. Idha panesa itthiyā catusamuṭṭhāne rūpāyatanasaṅkhāte vaṇṇe vattati. Apica yo koci itthiyā nivatthanivāsanassa vā alaṅkāraṇassa vā gandhavaṇṇakādīnaṃ vā piḷandhanamālādīnaṃ vāti kāyappaṭibaddho ca vaṇṇo purisassa cakkhuviññāṇassa āramaṇaṃ hutvā upakappati, sabbametaṃ itthirūpanteva veditabbaṃ. **Itthirūpaṃ, bhikkhave, purisassa cittaṃ pariyādāya tiṭṭhatī**ti idaṃ purimasseva dalhīkaraṇatthaṃ vuttaṃ. Purimaṃ vā “yathayidaṃ, bhikkhave, itthirūpa”nti evaṃ opammavasena vuttaṃ, idaṃ pariyādānānubhāvadassanavasena.

Tatridaṃ itthirūpassa pariyādānānubhāve vatthu – mahādāṭhikanāgarājā kira cetiyagirimhi ambatthale mahāthūpaṃ kārapetvā giribhaṇḍapūjaṃ nāma katvā kālena kālaṃ orodhagaṇaparivuto cetiyagiriṃ gantvā bhikkhusaṅghassa mahādānaṃ deti. Bahūnaṃ sannipātaṭṭhāne nāma na sabbesaṃ sati sūpaṭṭhitā hoti, rañño ca damiḷadevī nāma mahesī paṭhamavaye ṭhitā dassanīyā pāsādikā. Atheko cittaṭṭhero nāma vuddhapabbajito asaṃvaraniyāmena olokento tassā rūpārammaṇe nimittaṃ gahetvā ummādapatto viya ṭhitaniṣinnaṭṭhānesu “handa damiḷadevī, handa damiḷadevī”ti vadanto vicarati. Tato paṭṭhāya cassa daharasāmaṇerā ummattakacittaṭṭherotveva nāmaṃ katvā vohariṃsu. Atha sā devī nacirasseva kālamakāsi. Bhikkhusaṅghe sivathikadassanaṃ gantvā āgate daharasāmaṇerā tassa santikaṃ gantvā evamāhaṃsu – “bhante cittaṭṭhera, yassatthāya tvaṃ vilapasi, mayaṃ tassā deviyā sivathikadassanaṃ gantvā āgatā”ti. Evaṃ vuttepi assaddahanto “yassā vā tassā vā tumhe sivathikadassanatthāya gatā, mukhaṃ tumhākaṃ dhūmaṇṇa”nti. Ummattakavacanameva avoca. Evaṃ ummattakacittaṭṭherassa cittaṃ pariyādāya aṭṭhāsi idaṃ itthirūpaṃ.

Aparampi vatthu – saddhātissamahārājā kira ekadivasam orodhagaṇaparivuto vihāraṃ āgato. Eko daharo lohapāsādadvāraḷakotṭhake ṭhatvā asaṃvare ṭhito ekaṃ itthiṃ olokesi. Sāpi gamaṇaṃ pacchinditvā taṃ olokesi. Ubhopi abbhantare uṭṭhitena rāgagginā ḍayhitvā kālamakaṃsu. Evaṃ itthirūpaṃ daharassa cittaṃ pariyādāya tiṭṭhati.

Aparampi vatthu – kalyāṇiyamahāvihārato kireko daharo uddesatthāya kāḷadīghavāpīgāmadvāravihāraṃ gantvā niṭṭhituddesakicco atthakāmānaṃ vacanaṃ aggahetvā “gataṭṭhāne daharasāmaṇerehi puṭṭhena gāmassa niviṭṭhākāro kathetabbo bhavissatī”ti gāme piṇḍāya caranto visabhāgārammaṇe nimittaṃ gahetvā attano vasanaṭṭhānaṃ gato tāya nivatthavatthaṃ sañjānitvā “kahaṃ, bhante, idaṃ laddha”nti pucchanto tassā matabhāvaṃ ṇatvā “evarūpā nāma itthī maṃ nissāya matā”ti cintento antouṭṭhitena rāgagginā ḍayhitvā jīvitakkhayaṃ pāpuṇi. Evampi idaṃ itthirūpaṃ purisassa cittaṃ pariyādāya tiṭṭhatīti veditabbaṃ.

2. Dutiyādīni saddagarukādīnaṃ āsayavasena vuttāni. Tesu **itthisaddoti** itthiyā cittasamuṭṭhāno kathitagītavādītasaddo. Apica itthiyā nivatthanivāsanassāpi alaṅkatālaṅkāraṇassāpi itthipayoganipphādito

vīṇāsāṅkhapaṇavādisaddopi itthisaddotveva veditabbo. Sabbopi heso purisassa cittaṃ pariyādāya tiṭṭhati.

Tattha suvaṇṇakakkaṭakasuvaṇṇamoradaharabhikkhuādīnaṃ vatthūni veditabbāni. Pabbatantaraṃ kira nissāya mahantaṃ hatthināgakulaṃ vasati. Avidūraṭṭhāne cassa mahāparibhogasaro atthi, tasmim̐ kāyūpapanno suvaṇṇakakkaṭako atthi. So taṃ saraṃ otiṇṇotiṇṇe saṇḍāsena viya aḷehi pāde gahetvā attano vasaṃ netvā māreti. Tassa otārāpekkhā hatthināgā ekaṃ mahāhatthim̐ jeṭṭhakaṃ katvā vicaranti. So ekadivasaṃ taṃ hatthināgaṃ gaṇhi. Thāmasatisampanno hatthināgo cintesi – “sacāhaṃ bhītaravaṃ ravissāmi, sabbe yathāruciyā akīḷitvā palāyissanti”ti niccalova aṭṭhāsi. Atha sabbesaṃ uttiṇṇabhāvaṃ ñatvā tena gahitabhāvaṃ attano bhariyaṃ jānāpetuṃ viravitvā evamāha –

“Siṅgīmigo āyatacakkhunetto,  
Aṭṭhittaco vārisayo alomo;  
Tenābhibhūto kapaṇaṃ rudāmi,  
Mā heva maṃ pānasamaṃ jaheyyā”ti. (jā. 1.3.49);

Sā taṃ sutvā sāmikassa gahitabhāvaṃ ñatvā taṃ tamhā bhayā mocetuṃ hatthinā ca kuḷīrena ca saddhim̐ sallapantī evamāha –

“Ayya na taṃ jahissāmi, kuṇjaraṃ saṭṭhihāyaṇaṃ;  
Pathabyā cāturantāya, suppiyo hosi me tuvaṃ.

“Ye kuḷīrā samuddasmiṃ, gaṅgāya yamunāya ca;  
Tesaṃ tvaṃ vārijo seṭṭho, muñca rodantiyā pati”nti. (jā. 1.3.50-51);

Kuḷīro saha itthisaddassavanena gahaṇaṃ sithilamakāsi. Atha hatthināgo “ayamevetassa okāso”ti ekaṃ pādaṃ gahitākāreneva ṭhapetvā dutiyaṃ ukkhipitvā taṃ piṭṭhikapāle akkamitvā vicuṇṇikaṃ katvā thokaṃ ākaḍḍhitvā tūre khipi. Atha naṃ sabbahatthino sannipatitvā “amhākaṃ verī”ti vicuṇṇayim̐su. Evaṃ tāva itthisaddo suvaṇṇakakkaṭakassa cittaṃ pariyādiyitvā tiṭṭhati.

Suvaṇṇamoropi himavantaṃ anupavisitvā mahantaṃ pabbatagahaṇaṃ nissāya vasanto niccakālaṃ sūriyassa udayakāle sūriyamaṇḍalaṃ ulloketvā attano rakkhaṃ karonto evaṃ vadati –

“Udetayaṃ cakkhumā ekarājā,  
Harissavaṇṇo pathavippabhāso;  
Taṃ taṃ namassāmi harissavaṇṇaṃ pathavippabhāsaṃ,  
Tayājja guttā viharemu divasaṃ.

“Ye brāhmaṇā vedagū sabbadhamme,  
Te me namo te ca maṃ pālayantu;  
Namatthu buddhānaṃ namatthu bodhiyā,  
Namo vimuttānaṃ namo vimuttiyā;  
Imaṃ so parittaṃ katvā,  
Moro carati esanā”ti. (jā. 1.2.17);

So divasaṃ gocaraṃ gahetvā sāyanhasamaye vasanaṭṭhānaṃ pavisanto atthaṅgataṃ sūriyamaṇḍalaṃ oloketvāpi imaṃ gāthaṃ vadati –

“Apetayaṃ cakkhumā ekarājā,  
Harissavaṇṇo pathavippabhāso;  
Taṃ taṃ namassāmi harissavaṇṇaṃ pathavippabhāsaṃ,

Tayājja guttā viharemu rattim.

“Ye brāhmaṇā vedagū sabbadhamme,  
Te me namo te ca maṃ pālayantu;  
Namatthu buddhānaṃ namatthu bodhiyā,  
Namo vimuttānaṃ namo vimuttiyā;  
Imaṃ so parittaṃ katvā,  
Moro vāsamakappayī’ti. (jā. 1.2.18);

Iminā niyāmena satta vassasatāni vītināmetvā ekadivasaṃ parittakammato puretameva morakukkuṭikāya saddaṃ sutvā parittakammaṃ asarivā raññā pesitassa luddakassa vasaṃ upagato. Evaṃ itthisaddo suvaṇṇamorassa cittaṃ pariyādiyivā tiṭṭhatīti. Chātapabbatavāsī daharo pana sudhāmuṇḍakavāsī daharo ca itthisaddaṃ sutvā anayabyasanaṃ pattāti.

3. Tatiye **itthigandhoti** itthiyā catusamuṭṭhānikaṃ gandhāyatanaṃ. Svāyaṃ itthiyā sarīragandho duggandho hoti, kāyaruḷho pana āgantukaanulepanādīgandho idha adhippeto. Ekaccā hi itthī assagandhinī hoti, ekaccā meṇḍakagandhinī, ekaccā sedagandhinī, ekaccā soṇitagandhinī. Ekacco andhabālo evarūpāyapi itthiyā rajjateva. Cakkavattino pana itthiratanassa kāyato candanagandho vāyati, mukhato ca uppalagandho. Ayaṃ na sabbāsaṃ hoti, āgantukaanulepanādīgandhova idha adhippeto. Tiracchānagatā pana hatthiassagoṇādayo tiracchānagatānaṃ sajātiitthīnaṃ utugandhena yojanadvijoyanatiyojanacatuyojanampi gacchanti. Itthikāye gandho vā hotu itthiyā nivatthanivāsanaanulittālepanapiḷandhamālādīgandho vā, sabbopi itthigandhotveva veditabbo.

4. Catutthe **itthirasoti** itthiyā catusamuṭṭhānikaṃ rasāyatanaṃ. Tipiṭakacūḷanāgacūḷābhayattherā pana “svāyaṃ itthiyā kiṃkārapaṭissāvītādivasena savanaraso ceva paribhogaraso ca, ayaṃ itthiraso”ti vadanti. Kiṃ tena? Yo paṇāyaṃ itthiyā oṭṭhamaṃsasammakkhanakheḷādirasopi, sāmikassa dinnayāgubhattādīnaṃ rasopi, sabbo so itthirasotveva veditabbo. Aneke hi sattā attano mātugāmena yaṃkiñci sahatthā dinnameva madhuranti gahetvā anayabyasanaṃ pattāti.

5. Pañcame **itthiphoṭṭhabboti** itthiyā kāyasamphasso, itthisarīraruḷhānaṃ vatthālaṅkāramālādīnampi phasso itthiphoṭṭhabbotveva veditabbo. Sabbopesa purisassa cittaṃ pariyādiyati mahācetiyaṅgaṇe gaṇasajjhāyaṃ gaṇhantassa daharabhikkhuno visabhāgārammaṇaphasso viyāti.

Iti sattā sattānaṃ āsayānusayavasena rūpādīsu ekekaṃ gahetvā aññaṃ īdisaṃ na passāmīti āha. Yathā hi rūpagarukassa purisassa itthirūpaṃ cittuppādaṃ gameti palibundhati bajjhāpeti baddhāpeti moheti saṃmoheti, na tathā sesā saddādayo. Yathā ca saddādigarukānaṃ saddādayo, na tathā rūpādīni ārammaṇāni. Ekaccassa ca rūpādīsu ekamevārammaṇaṃ cittaṃ pariyādiyati, ekaccassa dvepi tīṇipi cattāripi pañcapi. Iti ime pañca suttantā pañcagarukavasena kathitā, na pañcagarukajātakavasena. **Pañcagarukajātakam** pana sakkhibhāvattāya āharitvā kathetabbaṃ. Tatra hi amanussehi kantāramajjhe katāya āpaṇādivicāraṇāya mahāpurisassa pañcasu sahāyesu rūpagaruko rūpārammaṇe bajjhivā anayabyasanaṃ patto, saddādigarukā saddārammaṇādīsu. Iti taṃ sakkhibhāvattāya āharitvā kathetabbaṃ. Ime pana pañca suttantā pañcagarukavaseneva kathitā.

6. Yasmā ca na kevalaṃ purisāyeva pañcagarukā honti, itthiyopi hontiyeva, tasmā tāsampi vasena puna pañca suttante kathesi. Tesampi attho vuttanayeneva veditabbo. Vatthūsupi paṭhamasutte lohapāsādadvāre ṭhitāṃ daharaṃ oloketvā matāya rājorodhāya vatthu veditabbaṃ. Taṃ heṭṭhā vitthāritameva.

7. Dutiyasutte bārāṇasiyaṃ rūpūpajīvino mātugāmassa vatthu veditabbaṃ. Guttilavīṇāvādako kirekissā itthiyā sahasaṃ paṇiṇi, sā taṃ uppaṇḍetvā gaṇhituṃ na icchi. So “karissāmettha kattabba”nti

sāyanhakālasamanantare alaṅkatapaṭiyatto tassā gehassa abhimukhaṭṭhāne aññasmiṃ gehadvāre nisinnō vīṇāya tantiyo same guṇe paṭiṭṭhāpetvā tantissarena gītassaraṃ anatikkamanto gāyi. Sā itthī tassa gītassaddaṃ sutvā dvāranti saññāya “vivaṭavātapānena tassa santikaṃ gamissāmi”ti ākāseyeva jīvitaṃkhaṃ pattā.

8. Tatiyasutte cakkavattirañño kāyato candanagandho vāyati, mukhato ca uppalagandhoti idaṃ āharitabbaṃ. Idaṃ cettha vatthu veditabbaṃ. Sāvattiyaṃ kirekissā kuṭumbikadhītaya sāmiko satthu dhammadesanaṃ sutvā, “na sakkā mayā ayaṃ dhammo gihbhūtena pūretu”nti aññatarassa piṇḍapātikattherassa santike pabbaji. Athassa bhariyaṃ “assāmikā aya”nti ñatvā rājā pasenadikosalo antepuraṃ āharāpetvā ekadivasaṃ ekaṃ nīluppalakalāpaṃ ādāya antepuraṃ pavīṭṭho ekekissā ekekaṃ nīluppalaṃ dāpesi. Puppheṣu bhājiyamānesu tassā itthiyā dve hatthaṃ pattāni. Sā pahaṭṭhākāraṃ dassetvā upasiṅghitvā parodi. Rājā tassā ubhayākāraṃ disvā taṃ pakkosāpetvā pucchi. Sā attano pahaṭṭhākāraṇaṃ rodanakāraṇaṃ kathesi. Yāvattiyaṃ kathitepi rājā assaddahanto punadivase sakalarājanivesane sabbamālāvilepanādisugandhagandhaṃ harāpetvā buddhappamukhassa bhikkhusaṅghassa āsanāni paññāpetvā buddhappamukhassa bhikkhusaṅghassa mahādānaṃ datvā bhattakiccapariyosāne taṃ itthiṃ “kataro te thero”ti pucchitvā, “aya”nti vutte ñatvā satthāraṃ vanditvā, “bhante, tumhehi saddhiṃ bhikkhusaṅgho gacchatu, amhākaṃ asukatthero anumodanaṃ karissati”ti āha. Satthā taṃ bhikkhuṃ ṭhapetvā vihāraṃ gato. There anumodanaṃ vattum āradhamatte sakalaṃ rājanivesanaṃ gandhapūraṃ viya jātaṃ. Rājā “saccamevesā āhā”ti pasīditvā punadivase satthāraṃ taṃ kāraṇaṃ pucchi. Satthā “ayaṃ atīte dhammakathaṃ suṇanto ‘sādhu sādhu’ti sādhuṃkāraṃ pavattento sakkaccaṃ assosi, tammūlako tena mahārāja ayamānisaṃso laddho”ti ācikkhi.

“Saddhammadesanākāle, sādhu sādhuṃti bhāsato;  
Mukhato jāyate gandho, uppalaṃva yathodake”ti.

Sesaṃ sabbattha uttānamevāti. Imasmiṃ vagge vaṭṭameva kathitaṃ.

Rūpādivaggavaṇṇanā.

## 2. Nīvaraṇappahānavaggavaṇṇanā

11. Dutiyassa paṭhame **ekadhammampīti** ettha “tasmiṃ kho pana samaye dhammā hontī”tiādīsu (dha. sa. 121) viya nissattaṭṭhena dhammo veditabbo. Tasmā ekadhammampīti nissattaṃ ekasabhāvampīti ayamettha attho. **Anuppannovāti** ettha pana “bhūtānaṃ vā sattānaṃ ṭhitiyā sambhavesīnaṃ vā anuggahāya (ma. ni. 1.402; saṃ. ni. 2.11) yāvata, bhikkhave, sattā apadā vā dvipadā vā”ti (a. ni. 4.34; itivu. 90) evamādīsu viya samuccayattho vāsaddo daṭṭhabbo, na vikappattho. Ayañhettha attho – yena dhammena anuppanno ca kāmacchando uppajjati, uppanno ca kāmacchando bhīyyobhāvāya vepullāya saṃvattati, tamahaṃ yathā subhanimittaṃ, evaṃ aññaṃ na passāmīti. Tattha **anuppannoti** ajāto asaṅjāto apātubhūto asamudāgato. **Kāmacchandoti** “yo kāmesu kāmacchando kāmarāgo kāmanandī kāmatanḥā”tiādīnā (dha. sa. 1156) nayena vitthāritaṃ kāmacchandanaīvaraṇaṃ. **Uppajjati** nibbattati pātubhavati. So panesa asamudācāravasena vā ananubhūtārammaṇavasena vā anuppanno uppajjati veditabbo. Aññathā hi anamatagge saṃsāre anuppanno nāma natthi.

Tattha ekaccassa vattavasena kilesa na samudācarati, ekaccassa ganthadhutaṅgasamādhi-vipassanānavakammādīnaṃ aññataravasena. Kathaṃ? Ekacco hi vattasampanno hoti, tassa dveasīti khuddakavattāni cuddasa mahāvattāni cetiyaṅgaṇabodhiyaṅgaṇapānīyamālakauposathāgāraāgantukagamikavattāni ca karontasseva kilesa okāsaṃ na labhati. Aparabhāge panassa vattaṃ vissajjetvā bhinnavattassa carato ayonisomanasikāraṇeṃ sativossaggaṃ āgama uppajjati. Evampi asamudācāravasena anuppanno uppajjati nāma.

Ekacco ganthayutto hoti, ekampi nikāyaṃ gaṇhāti dvepi tayopi cattāropi pañcapi. Tassa tepiṭakaṃ buddhavacanaṃ atthavasena pāḷivasena anusandhivasena pubbāparavasena gaṇhantassa sajjhāyantassa vācentassa desentassa pakāsentassa kilesa okāsaṃ na labhati. Aparabhāge panassa ganthakammaṃ pahāya kusītassa carato ayonisomanasikārasativossagge āgamma uppajjati. Evampi asamudācāravasena anuppanno uppajjati nāma.

Ekacco pana dhutaṅgadhara hoti, terasa dhutaṅgaguṇe samādāya vattati. Tassa pana dhutaṅgaguṇe pariharantassa kilesa okāsaṃ na labhati. Aparabhāge panassa dhutaṅgāni vissajjetvā bāhullāya āvattassa carato ayonisomanasikārasativossagge āgamma uppajjati. Evampi asamudācāravasena anuppanno uppajjati nāma.

Ekacco aṭṭhasu samāpattīsu ciñṇavasī hoti, tassa paṭhamajjhānādīsu āvajjanavasiādīnaṃ vasena viharantassa kilesa okāsaṃ na labhati. Aparabhāge panassa parihīnajjhānassa vā vīssaṭṭhajjhānassa vā bhassādīsu anuyuttassa viharato ayonisomanasikārasativossagge āgamma uppajjati. Evampi asamudācāravasena anuppanno uppajjati nāma.

Ekacco pana vipassako hoti, sattu vā anupassanāsu aṭṭhārasasu vā mahāvīpassanāsu kammaṃ karonto viharati. Tassevaṃ viharato kilesa okāsaṃ na labhati. Aparabhāge panassa vipassanākammaṃ pahāya kāyadalhībahulassa viharato ayonisomanasikārasativossagge āgamma uppajjati. Evampi asamudācāravasena anuppanno uppajjati nāma.

Ekacco navakammiko hoti, uposathāgārabbojanasālādīni kāreti. Tassa tesu upakaraṇāni cintentassa kilesa okāsaṃ na labhati. Aparabhāge panassa navakamme niṭṭhite vā vīssaṭṭhe vā ayonisomanasikārasativossagge āgamma uppajjati. Evampi asamudācāravasena anuppanno uppajjati nāma.

Ekacco pana brahmalokā āgato suddhasatto hoti, tassa anāsevanatāya kilesa okāsaṃ na labhati. Aparabhāge panassa laddhāsevanassa ayonisomanasikārasativossagge āgamma uppajjati. Evampi asamudācāravasena anuppanno uppajjati nāma. Evaṃ tāva asamudācāravasena anuppannassa uppannatā veditabbā.

Kathaṃ ananubhūtārammaṇavasena? Idhekacco ananubhūtapubbaṃ manāpiyaṃ rūpādīrammaṇaṃ labhati, tassa tattha ayonisomanasikārasativossagge āgamma rāgo uppajjati. Evaṃ ananubhūtārammaṇavasena anuppanno uppajjati nāma.

**Uppannoti** jāto sañjāto nibbato abhinibbato pātubhūto. **Bhiyyobhāvāyāti** punappunabhāvāya. **Vepullāyāti** vipulabhāvāya rāsibhāvāya. Tattha sakiṃ uppanno kāmaccchando na nirujjhissati, sakiṃ niruddho vā sveva puna uppajjissatīti aṭṭhānametaṃ. Ekasmiṃ pana niruddhe tasmīṃ vā ārammaṇe aññasmiṃ vā ārammaṇe aparāparaṃ uppajjamāno bhiyyobhāvāya vepullāya saṃvattati nāma.

**Subhanimittanti** rāgaṭṭhāniyaṃ ārammaṇaṃ. “Sanimittā, bhikkhave, uppajjanti pāpakā akusalā dhammā, no animittā”ti ettha nimittanti paccayassa nāmaṃ. “Adhicittamanuyuttena, bhikkhave, bhikkhunā pañca nimittāni kālena kālaṃ manasikātabbāni”ti (ma. ni. 1.216) ettha kāraṇassa. “So taṃ nimittaṃ āsevati bhāvetī”ti (a. ni. 9.35) ettha samādhissa. “Yaṃ nimittaṃ āgamma yaṃ nimittaṃ manasikaroto anantarā āsavānaṃ khayō hotī”ti (a. ni. 6.27) ettha vipassanāya. Idha pana rāgaṭṭhāniyo iṭṭhārammaṇadhammo “subhanimitta”nti adhippeto. **Ayonisomanasikarototi**. “Tattha katamo ayonisomanasikāro? Anicce niccanti, dukkhe sukhanti, anattani attāti, asubhe subhanti, ayonisomanasikāro uppathamanasikāro, saccavippaṭikūlena vā cittassa āvajjanā anvāvajjanā ābhogo samannāhāro manasikāro. Ayaṃ vuccati ayonisomanasikāro”ti (vibha. 936) imassa manasikārassa vasena anupāyena manasikarontassāti.

12. Dutīye **byāpādoti** bhattabyāpatti viya cittassa byāpajjanam pakativijahanabhāvo. “Tattha katamam byāpādanīvaraṇam? Anattam me acarīti āghāto jāyati”ti (dha. sa. 1160) evam vitthāritassa byāpādanīvaraṇassetam adhivacanam. **Paṭighanimittanti** anīṭṭham nimittam. Paṭighassapi paṭighārammaṇassapi etaṃ adhivacanam. Vuttampi cetam aṭṭhakathāyam – “paṭighampi paṭighanimittam, paṭighārammaṇopi dhammo paṭighanimitta”nti. Sesametta kāmaccchande vuttanayeneva veditabbam. Yathā cettha, evam ito paresupi. Tattha tattha hi visesamattameva vakkhāmāti.

13. Tatiye **thinamidhdanti** thinañceva middhañca. Tesu cittassa akammaññatā **thinam**, ālasiyabhāvassetam adhivacanam. Tinṇam khandhānam akammaññatā **middham**, kapimiddhassa pacalāyikabhāvassetam adhivacanam. Ubhinnampi “tattha katamam thinam? Yā cittassa akalyatā akammaññatā olīyanā sallīyanā. Tattha katamam middham? Yā kāyassa akalyatā akammaññatā onāho pariyanāho”tiādīnā (dha. sa. 1162-1163) nayena vitthāro veditabbo. **Aratītiādīni** vibhaṅge vibhantanayeneva veditabbāni. Vuttañhetam –

“Tattha katamā **arati**? Pantesu vā senāsanesu aññataraññataresu vā adhikusalesu dhammesu arati aratitā anabhirati anabhiramanā ukkaṅṭhitā paritassitā, ayam vuccati arati. Tattha katamā **tandī**? Yā tandī tandīyanā tandīmanatā ālassam ālassāyanā ālassāyitattam, ayam vuccati tandī. Tattha katamā **vijambhitā**? Yā kāyassa jambhanā vijambhanā ānamanā vinamanā sannamanā paṇamanā byādhiyakam, ayam vuccati vijambhitā. Tattha katamo **bhattasammado**? Yā bhuttāvissa bhattamucchā bhattakilamatho bhattapariḷāho kāyaduṭṭhullam, ayam vuccati bhattasammado. Tattha katamam **cetaso ca līnattam**? Yā cittassa akalyatā akammaññatā olīyanā sallīyanā līnam līyanā līyitattam thinam thīyanā thīyitattam cittassa, idam vuccati cetaso ca līnatta”nti (vibha. 856, 857, 859, 860).

Ettha ca purimā cattāro dhammā thinamidhdanīvaraṇassa sahaḷātavasenāpi upanissayavasenāpi paccayā hontī, cetaso ca līnattam attanova attanā sahaḷātam na hotī, upanissayakoṭṭiyā pana hotīti.

14. Catutthe **uddhaccakukkuccanti** uddhaccañceva kukkuccañca. Tattha **uddhaccam nāma** cittassa uddhatākāro. **Kukkuccam nāma** akatakalyāṇassa katapāpassa tappaccayā vippaṭṭisāro. **Cetaso avūpasamoti** uddhaccakukkuccassevetam nāmam. **Avūpasantacittassāti** jhānena vā vipassanāya vā avūpasamitacittassa. Ayam pana avūpasamo uddhaccakukkuccassa upanissayakoṭṭiyā paccayo hotīti.

15. Pañcame **vicikicchāti** “satthari kaṅkhatī”tiādīnā (dha. sa. 1167) nayena vitthāritam vicikicchānīvaraṇam. Ayonisomanasikāro vuttalakkaṇoyevāti.

16. Chaṭṭhe **anuppanno vā kāmaccchando nuppajjati** asamudācāravasena vā ananubhūtarammaṇavasena vāti dvīheva kāraṇehi anuppanno na uppajjati, tathā vikkhambhitova hoti, puna hetum vā paccayam vā na labhati. Idhāpi vattādīnamyeva vasena asamudācāro veditabbo. Ekaccassa hi vuttanayeneva vatte yuttassa vattam karontasseva kilesa okāsam na labhati, vattavasena vikkhambhito hoti. So tam tathāvikkhambhitameva katvā vivaṭṭetvā arahattam gaṇhāti milakkhatissatthero viya.

So kirāyasmā rohaṇajanapade gāmeṇḍavālamahāvihārassa bhikkhācāre nesādakule nibbato. Vayam āgamma katagharāvāso “puttadāram possessāmi”ti adūhalasatam saṅṭhapetvā pāsasatam yojetvā sūlasatam ropetvā bahum pāpam āyūhanto ekadivasam gehato aggiñca loṇaṅca gahetvā araṇṇam gato. Pāse baddhamigam vadhitvā āngārapakkamaṃsam khādītvā pipāsīto hutvā gāmeṇḍavālamahāvihāram pavīṭṭho pānīyamālake dasamattesu pānīyaghaṭesu pipāsāvīnodanamattampi pānīyam alabhanto, “kim nāmetam ettakānam bhikkhūnam vasanaṭṭhāne pipāsāya āgatānam pipāsāvīnodanamattam pānīyam natthī”ti ujjhāyitum āraddho. Cūḷapiṇḍapātīkatissatthero tassa katham sutvā tassa santikam gacchanto pānīyamālake dasamatte pānīyaghaṭe pūre disvā “jīvamānapetakasatto ayam bhavissati”ti cintetvā,

“upāsaka, sace pipāsitosi, piva pānīya”nti vatvā kuṭaṃ ukkhipitvā tassa hatthesu āsiñci. Tassa kammaṃ paṭicca pīṭapīṭaṃ pānīyaṃ tattakapāle pakkhittamiva nassati, sakalepi ghaṭe pivato pipāsā na pacchijji. Atha naṃ thero āha – “yāva dāruṇaṅca te, upāsaka, kammaṃ kataṃ, idāneva peto jāto, vipāko kīdiso bhavissatī”ti?

So tassa kathaṃ sutvā laddhasaṃvego theram vanditvā tāni adūhalādīni visañkharitvā vegena gharaṃ gantvā puttadāraṃ oloketvā satthāni bhinditvā dīpakamigapakkhino araṅṅe vissajjetvā theram paccupasaṅkamitvā pabbajjaṃ yāci. Dukkarā, āvuso, pabbajjā, kathaṃ tvaṃ pabbajjissasīti? Bhante, evarūpaṃ paccakkhakāraṇaṃ disvā kathaṃ na pabbajjissāmīti? Thero tacapaṅcakakammaṭṭhānaṃ datvā pabbājesi. So vattārabhito hutvā buddhavacanaṃ uggaṇhanto ekadivasaṃ devadūtasutte “tameṇaṃ, bhikkhave, nirayapālā puna mahāniraye pakkhipanti”ti (ma. ni. 3.270; a. ni. 3.36) imaṃ ṭhānaṃ sutvā “ettakaṃ dukkharāsiṃ anubhavasattaṃ puna mahāniraye pakkhipanti, aho bhāriyo, bhante, mahānirayo”ti āha. Āmāvuso, bhāriyoti. Sakkā, bhante, passitunti? “Na sakkā passituṃ, diṭṭhasadisam kātuṃ ekaṃ kāraṇaṃ dassessāmī”ti sāmaṇere samādapetvā pāsāṇapīṭṭhe alladārurāsīṃ kārehīti. So tathā kāresi. Thero yathānisinnova iddhiyā abhisañkharitvā mahānirayato khajjopanakamattaṃ aggipapaṭikaṃ nīharitvā passantasseva tassa therassa dārurāsīmihi pakkhipi. Tassa tattha nipāto ca dārurāsino jhāyitvā chārikabhāvūpagamanaṅca apacchā apurimaṃ ahosi.

So taṃ disvā, “bhante, imasmiṃ sāsane kati dhurāni nāmā”ti pucchi. Āvuso, vipassanādhuraṃ, ganthadhuranti. “Bhante, gantho nāma paṭibalassa bhāro, mayhaṃ pana dukkhūpanisā saddhā, vipassanādhuraṃ pūressāmi kammaṭṭhānaṃ me dethā”ti vanditvā nisīdi. Thero “vattasampanno bhikkhū”ti vattasīse ṭhatvā tassa kammaṭṭhānaṃ kathesi. So kammaṭṭhānaṃ gahetvā vipassanāya ca kammaṃ karoti, vattaṅca pūreti. Ekadivasaṃ cittalapabbatamahāvihāre vattaṃ karoti, ekadivasaṃ gāmeṇḍavālamahāvihāre, ekadivasaṃ gocaragāmamahāvihāre. Thinamiddhe okkantamatte vattaparihānibhayena palālavaraṇakaṃ temetvā sīse ṭhapetvā pāde udake otāretvā nisīdati. So ekadivasaṃ cittalapabbatamahāvihāre dve yāme vattaṃ katvā balavapaccūsakāle niddāya okkamituṃ āraddhāya allapalālaṃ sīse ṭhapetvā nisinno pācīnapabbatapasse sāmaṇerassa aruṇavatiyasuttantaṃ sajjhāyantassa –

“Ārambhatha nikkamatha, yuṅjatha buddhasāsane;  
Dhunātha maccuno senaṃ, naḷāgāraṃva kuṅjaro.

“Yo imasmiṃ dhammavinaye, appamatto vihassati;  
Pahāya jātisamsāraṃ, dukkhassantaṃ karissatī”ti. (saṃ. ni. 1.185) –

Idaṃ ṭhānaṃ sutvā “mādisassa āraddhavīriyassa bhikkhuno sammāsambuddhena idaṃ kathitaṃ bhavissatī”ti pīṭiṃ uppādetvā jhānaṃ nibbattetvā tadeva pādakaṃ katvā anāgāmiṃphale patiṭṭhāya aparāparaṃ vāyamanto saha paṭisambhidāhi arahattaṃ pāpuṇi. Parinibbānakāle ca tadeva kāraṇaṃ dassento evamāha –

“Allaṃ palālapuṅjāhaṃ, sīsenādāya caṅkamim;  
Pattosmi tatiyaṃ ṭhānaṃ, ettha me natthi saṃsayo”ti.

Evarūpassa vattavasena vikkhambhitakilesa tathā vikkhambhitova hoti.

Ekaccassa vuttanayeneva ganthe yuttassa ganthaṃ uggaṇhantassa sajjhāyantassa vācentassa desentassa pakāsantassa ca kilesa okāsaṃ na labhati, ganthavasena vikkhambhitova hoti. So taṃ tathā vikkhambhitameva katvā vivaṭṭetvā arahattaṃ gaṇhāti **maliyadevatthero** viya. So kirāyasmā tivassabhikkhukāle kallaḡāmake maṅḡalārāmamahāvihāre uddesaṅca gaṇhāti, vipassanāya ca kammaṃ karoti. Tassekadivasaṃ kallaḡāme bhikkhāya carato ekā upāsikā yāguuḷuṅkaṃ datvā puttasiṇhaṃ uppādetvā theram antonivesane nisīdapetvā paṇītabhojanaṃ bhojetvā “kataragāmaṃvāsikosi tātā”ti

pucchi. Maṅḍalārāmahāvihāre ganthakammaṃ karomi, upāsiketi. Tena hi tāta yāva ganthakammaṃ karosi, idheva nibaddhaṃ bhikkhaṃ gaṇhāsīti. So taṃ adhvāsetvā tattha nibaddhaṃ bhikkhaṃ gaṇhāti, bhattakiccāvasāne anumodanaṃ karonto “sukhaṃ hotu, dukkhā muccatū”ti padadvayameva kathetvā gacchati. Antovasse temāsaṃ tassāyeva saṅghaṃ karonto piṇḍāpacitīṃ katvā mahāpavāraṇāya saha paṭisambhidāhi arahattaṃ pāpuṇi. Nevāsikamahāthero āha – “āvuso mahādeva, ajja vihāre mahājano sannipattissati, tassa dhammānaṃ dadeyyāsī”ti. Thero adhvāsesi.

Daharasāmaṇerā upāsikāya saññaṃ adamsu – “ajja te putto dhammaṃ kathessati, vihāraṃ gantvā suṇeyyāsī”ti. Tātā, na sabbeva dhammakathaṃ jānanti, mama putto ettakaṃ kālaṃ mayhaṃ kathento “sukhaṃ hotu, dukkhā muccatū”ti padadvayameva kathesi, mā keḷiṃ karoṭhāti. Mā, tvaṃ upāsike, jānanaṃ vā ajānanaṃ vā upaṭṭhahassu, vihāraṃ gantvā dhammameva suṇāhīti. Upāsikā gandhamālādīni gahetvā gantvā pūjetvā parisante dhammaṃ suṇamānā nisīdi. Divādharmakathiko ca sarabhāṇako ca attano pamāṇaṃ ñatvā uṭṭhahimsu. Tato maliyadevatthero dhammāsane nisīditvā cittabjaniṃ gahetvā anupubbīṃ kathaṃ vatvā – “mayā mahāupāsikāya tayo māse dvīheva padehi anumodanā katā, ajja sabbarattīṃ tīhi piṭakehi sammasitvā tasseva padadvayassa atthaṃ kathessāmī”ti dhammadesanaṃ ārabhitvā sabbarattīṃ kathesi. Aruṇuggamane desanāpariyosāne mahāupāsikā sotāpattiṃhale patiṭṭhāsi.

Aparopi tasmīmyeva mahāvihāre **tissabhūtitthero** nāma vinayaṃ gaṇhanto bhikkhācārelāyaṃ antogāmaṃ pavīṭṭho visabhāgāraṃmaṇaṃ olokesi. Tassa lobho uppajji, so patiṭṭhitapādaṃ acāletvā attano patte yāguṃ upaṭṭhākadaharassa patte ākiritvā “ayaṃ vitakko vaḍḍhamāno maṃ catūsu apāyesu saṃsīdāpessati”ti tatova nivattitvā ācariyassa santikaṃ gantvā vanditvā ekamantaṃ ṭhito āha – “eko me byādhi uppanno, ahaṃ etaṃ tikicchitūṃ sakkonto āgamissāmi, itarathā nāgamissāmi. Tumhe divā uddesaṇca sāyaṃ uddesaṇca maṃ oloketvā ṭhapetha, paccūsakāle uddesaṃ pana mā ṭhapayitthā”ti evaṃ vatvā malayavāsīmahāsaṅgharakkhitattherassa santikaṃ agamāsi. Thero attano paṇṇasālāya paribhaṇḍaṃ karonto taṃ anoloketvāva “paṭisāmehi, āvuso, tava pattacīvara”nti āha. Bhante, eko me byādhi atthi, sace tumhe taṃ tikicchitūṃ sakkotha, paṭisāmessāmīti. Āvuso, uppannaṃ rogaṃ tikicchitūṃ samatthassa santikaṃ āgatosi, paṭisāmehi. Subbaco bhikkhu “amhākaṃ ācariyo ajānitvā evaṃ na vakkhatī”ti pattacīvaraṃ ṭhapetvā therassa vattaṃ dassetvā vanditvā ekamantaṃ nisīdi.

Thero “rāgacarito aya”nti ñatvā asubhakammaṭṭhānaṃ kathesi. So uṭṭhāya pattacīvaraṃ amse laggetvā therāṃ punappunaṃ vandi. Kiṃ, āvuso, mahābhūti atirekanipaccakāraṃ dassesīti? Bhante, sace attano kiccaṃ kātūṃ sakkhissāmi, iccetaṃ kusalaṃ. No ce, idaṃ me pacchimadassananti! Gacchāvuso, mahābhūti tādisassa yuttayogassa kulaputtassa na jhānaṃ vā vipassanā vā maggo vā phalaṃ vā dullabhanti. So therassa kathaṃ sutvā nipaccakāraṃ dassetvā āgamanakāle vavatthāpitam channaṃ sepaṇṇigacchamūlaṃ gantvā pallaṅkena nisinna asubhakammaṭṭhānaṃ pādakaṃ katvā vipassanaṃ paṭṭhapetvā arahatte patiṭṭhāya paccūsakāle uddesaṃ sampāpuṇi. Evarūpānaṃ ganthavasena vikkhambhitā kilesā tathā vikkhambhitāva honti.

Ekaccassa pana vuttanayeneva dhutaṅgāni pariharato kilesa okāsaṃ na labhati, dhutaṅgavasena vikkhambhitova hoti. So taṃ tathā vikkhambhitameva katvā vivatṭetvā arahattaṃ gaṇhāti **gāmantaṃpabbhāravāsī mahāsivatthero** viya. Thero kira mahāgāme tissamahāvihāre vasanto tepitakaṃ atthavasena ca pālīvasena ca aṭṭhārasa mahāgaṇe vāceti. Therassa ovāde ṭhatvā saṭṭhisahassa bhikkhū arahattaṃ pāpuṇimsu. Tesu eko bhikkhu attanā paṭividdhadhammaṃ ārabha uppannasomanasso cintesi – “atthi nu kho idaṃ sukhaṃ amhākaṃ ācariyassā”ti. So āvajjento therassa puthujjanabhāvaṃ ñatvā “ekenupāyena therassa saṃvegaṃ uppādessāmī”ti attano vasanaṭṭhānato therassa santikaṃ gantvā vanditvā vattaṃ dassetvā nisīdi. Atha naṃ thero “kiṃ āgatosi, āvuso, piṇḍapātikā”ti āha. “Sace me okāsaṃ karissatha, ekaṃ dhammapadaṃ gaṇhissāmī”ti āgatosmi, bhanteti. Bahū, āvuso, gaṇhanti, tuyhaṃ okāso na bhavissatīti. So sabbesu rattidivasabhāgesu okāsaṃ alabhanto, “bhante, evaṃ okāse asati maraṇassa kathaṃ okāsaṃ labhissathā”ti āha. Tadā thero cintesi – “nāyaṃ uddesatthāya āgato, mayhaṃ panesa saṃvegajananatthāya āgato”ti. Sopi thero “bhikkhunā nāma, bhante, mādisena bhavitabba”nti vatvā therāṃ vanditvā maṇivaṇṇe ākāse uppattitvā agamāsi.



Thero tassa gatakālato paṭṭhāya jātasamvego divā uddesañca sāyaṃ uddesañca vācetvā pattacīvaraṃ hatthapāse ṭhapetvā paccūsakāle uddesaṃ gahetvā otarantena bhikkhunā saddhim pattacīvaramādāya otiṇṇo terasa dhutaguṇe paripuṇṇe adhiṭṭhāya gāmantapabbhārasenāsanam gantvā pabbhāraṃ paṭijaggitvā mañcapīṭham ussāpetvā “arahattaṃ apatvā mañce piṭṭhim na pasāressāmi”ti mānasam bandhitvā caṅkamaṃ otari. Tassa “ajja arahattaṃ gaṇhissāmi ajja arahattaṃ gaṇhissāmi”ti ghaṭentasseva pavāraṇā sampattā. So pavāraṇāya upakaṭṭhāya “puthujjanabhāvaṃ pahāya visuddhipavāraṇam pavāressāmi”ti cintento ativiya kilamati. So tāya pavāraṇāya maggaṃ vā phalaṃ vā uppādetuṃ asakkonto “mādisopi nāma āradhaviṃpassako na labhati, yāva dullabhañca vatidaṃ arahatta”nti vatvā teneva niyāmena ṭhānacaṅkamabahulo hutvā tiṃsa vassāni samaṇadhammaṃ katvā mahāpavāraṇāya majjhe ṭhitaṃ puṇṇacandaṃ disvā “kiṃ nu kho candamaṇḍalaṃ visuddham, udāhu mayham sīla”nti cintento “candamaṇḍale sasalakkaṇaṃ paññāyati, mayham pana upasampadato paṭṭhāya yāvajjadivasā sīlasmiṃ kālakaṃ vā tilako vā natthi”ti āvajjetvā sañjātapītisomanasso paripakkañānattā pītiṃ vikkhambhetvā saha paṭisambhidāhi arahattaṃ pāpuṇi. Evarūpassa dhutaṅgavasena vikkhambhito kilesa tathā vikkhambhitova hoti.

Ekaccassa vuttanayeneva paṭhamajjhānādisamāpajjanabahulatāya kilesa okāsaṃ na labhati, samāpattivasena vikkhambhitova hoti. So taṃ tathā vikkhambhitameva katvā vivaṭṭetvā arahattaṃ gaṇhāti **mahātissatthero** viya. Thero kira avassikakālato paṭṭhāya aṭṭhasamāpattilābhī. So samāpattivikkhambhitānaṃ kilesānaṃ asamudācārena uggahaparipucchāvaseneva ariyamaggasāmantam katheti, saṭṭhivassakālepi attano puthujjanabhāvaṃ na jānāti. Athekadivasam mahāgāme tissamahāvihārato bhikkhusaṅgho talaṅgaravāsiddhammadinnattherassa sāsanam pesesi “thero āgantvā amhākaṃ dhammakathaṃ kathetū”ti. Thero adhiṃvāsetvā “mama santike mahallakatāro bhikkhu natthi, mahātissatthero kho pana me kammaṭṭhānācariyo, taṃ saṅghattheraṃ katvā gamissāmi”ti cintento bhikkhusaṅghaparivuto therassa vihāraṃ gantvā divāṭṭhāne therassa vattaṃ dassetvā ekamantaṃ nisīdi.

Thero āha – “kiṃ, dhammadinna, cirassaṃ āgatosī”ti? “Āma, bhante, tissamahāvihārato me bhikkhusaṅgho sāsanam pesesi, ahaṃ ekako na gamissāmi, tumhehi pana saddhim gantukāmo hutvā āgatomhi”ti sārāṇiyakathaṃ kathentova papañcetvā “kadā, bhante, tumhehi ayaṃ dhammo adhigato”ti pucchi. Saṭṭhimattāni, āvuso dhammadinna, vassāni honṭīti. Samāpattiṃ pana, bhante, vaḷaṅjethāti. Āma, āvusoti. Ekaṃ pokkharāṇiṃ māpetuṃ sakkuṇeyyātha, bhanteti? “Na, āvuso, etaṃ bhāriya”nti vatvā sammukhaṭṭhāne pokkharāṇiṃ māpesi. “Ettha, bhante, ekaṃ padumagacchaṃ māpethā”ti ca vutto tampi māpesi. Idānettha mahantaṃ pupphaṃ dassethāti. Thero tampi dassesi. Ettha soḷasavassuddesikaṃ itthirūpaṃ dassethāti. Thero soḷasavassuddesikaṃ itthirūpaṃ dassesi. Tato naṃ āha – “idaṃ, bhante, punappunaṃ subhato manasi karoṭhā”ti. Thero attanāva māpitaṃ itthirūpaṃ olovento lobham uppādesi. Tadā attano puthujjanabhāvaṃ ñatvā “avassayo me sappurisa hohi”ti antevāsikassa santike ukkuṭikaṃ nisīdi. “Etadatthamevāhaṃ, bhante, āgato”ti therassa asubhavasena sallahukaṃ katvā kammaṭṭhānaṃ kathetvā therassa okāsaṃ kātuṃ bahi nikkhanto. Suparimadditasāṅkhāro thero tasmim divāṭṭhānato nikkhantamatteyeva saha paṭisambhidāhi arahattaṃ pāpuṇi. Atha naṃ saṅghattheraṃ katvā dhammadinnatthero tissamahāvihāraṃ gantvā saṅghassa dhammakathaṃ kathesi. Evarūpassa samāpattivasena vikkhambhito kilesa tathā vikkhambhitova hoti.

Ekaccassa pana vuttanayeneva vipassanāya kammaṃ karontassa kilesa okāsaṃ na labhati, vipassanāvasena vikkhambhitova hoti. So taṃ tathā vikkhambhitameva katvā vivaṭṭetvā arahattaṃ gaṇhāti, buddhakāle saṭṭhimattā āradhaviṃpassakā bhikkhū viya. Te kira satthu santike kammaṭṭhānaṃ gahetvā vivittaṃ araṇṇaṃ pavisitvā vipassanāya kammaṃ karontā kilesānaṃ asamudācāravasena “paṭividdhamaggaphalā maya”nti saññāya maggaphalatthāya vāyāmaṃ akatvā “amhehi paṭividdhadhammaṃ dasabalassa āroccsāmā”ti satthu santikaṃ āgacchanti.

Satthā tesam pure āgamanatova ānandattheraṃ āha – “ānanda, padhānakammikā bhikkhū ajja maṃ passituṃ āgamissanti, tesam mama dassanāya okāsaṃ akatvā ‘āmakasusānaṃ gantvā allaasubhabhāvaṇaṃ karoṭhā’ti paṇiyyāsī”ti. Thero tesam āgatānaṃ satthārā kathitasāsanam ārocesi.

Te “tathāgato ajānitvā na kathessati, addhā ettha kāraṇaṃ bhavissatī”ti āmakasusānaṃ gantvā allaasubhaṃ oloketā lobhaṃ uppādetvā “idaṃ nūna sammāsambuddhena diṭṭhaṃ bhavissatī”ti jātasamvegā laddhamaggaṃ kammaṭṭhānaṃ ādito paṭṭhāya ārabhiṃsu. Satthā tesam vipassanāya āradhabhāvaṃ ñatvā gandhakuṭiyaṃ nisinnova imaṃ obhāsagāthamāha –

“Yānimāni apattāni, alābūneva sārade;  
Kāpotakāni aṭṭhīni, tāni disvāna kā ratī”ti. (dha. pa. 149);

Gāthāpariyosāne arahattaphale patiṭṭhahiṃsu. Evarūpānaṃ vipassanāvasena vikkhambhitā kilesā tathā vikkhambhitāva honti.

Ekaccassa vuttanayeneva navakammaṃ karontassa kilesa okāsaṃ na labhati, navakammavasena vikkhambhitova hoti. So taṃ tathā vikkhambhitameva katvā vivaṭṭetvā arahattaṃ gaṇhāti **cittalapabbate tissatthero** viya. Tassa kira aṭṭhavassikakāle anabhirati uppajji, so taṃ vinodetuṃ asakkonto attano cīvaraṃ dhovivā rajitvā pattaṃ pacitvā kese ohāretvā upajjhāyaṃ vanditvā aṭṭhāsi. Atha naṃ thero āha – “kiṃ, āvuso mahātissa, atuṭṭhassa viya te ākāro”ti? Āma, bhante, anabhirati me uppannā, taṃ vinodetuṃ na sakkomīti. Thero tassāsayaṃ oloketo arahattassa upanissayaṃ disvā anukampāvasena āha – “āvuso tissa, mayaṃ mahallakā, ekaṃ no vasanaṭṭhānaṃ karohī”ti. Dutiyakathaṃ akathitapubbo bhikkhu “sādhu, bhante”ti sampatiṇṇi.

Atha naṃ thero āha – “āvuso, navakammaṃ karonto uddesamaggaṇca mā vissajji, kammaṭṭhānaṇca manasī karohi, kālena ca kālaṃ kasiṇaparikammaṃ karohī”ti. “Evaṃ karissāmi, bhante”ti theram vanditvā tathārūpaṃ sappāyaṭṭhānaṃ oloketvā “ettha kātuṃ sakkā”ti dārūhi pūretvā jhāpetvā sodhetvā iṭṭhakāhi parikkhipitvā dvāravātapānādīni yojetvā saddhiṃ caṅkamanabhūmibhittiparikammādīhi leṇaṃ niṭṭhāpetvā mañcapīṭhaṃ santharivā therassa santikaṃ gantvā vanditvā, “bhante, niṭṭhitam leṇa parikammaṃ, vasathā”ti āha. Āvuso, dukkhena tayā etaṃ kammaṃ kataṃ, ajja ekadivasam tvaññevettha vasāhīti. So “sādhu, bhante”ti vanditvā pāde dhovivā leṇaṃ pavisitvā pallaṅkaṃ ābhujitvā nisinnova attanā katakammaṃ āvajji. Tassa “manāpaṃ mayā upajjhāyassa kāyaveyyāvaccam kata”nti cintentassa abbhantare pīti uppannā. So taṃ vikkhambhetvā vipassanaṃ paṭṭhapetvā aggaphalaṃ arahattaṃ pāpuṇi. Evarūpassa navakammavasena vikkhambhito kilesa tathā vikkhambhitova hoti.

Ekacco pana brahmalokato āgato suddhasatto hoti. Tassa anāsevanatāya kilesa na samudācarati, bhavavasena vikkhambhito hoti. So taṃ tathā vikkhambhitameva katvā vivaṭṭetvā arahattaṃ gaṇhāti **āyasmā mahākassapo** viya. So hi āyasmā agāramajjhepi kāme aparibhuñjitvā mahāsampattiṃ pahāya pabbajitvā nikkhanto antarāmagge paccuggamanatthāya āgataṃ satthāraṃ disvā vanditvā tīhi ovādehi upasampadaṃ labhitvā aṭṭhame aruṇe saha paṭisambhidāhi arahattaṃ pāpuṇi. Evarūpassa bhavavasena vikkhambhito kilesa tathā vikkhambhitova hoti.

Yo pana ananubhūtapubbaṃ rūpādiārammaṇaṃ labhitvā tattheva vipassanaṃ paṭṭhapetvā vivaṭṭetvā arahattaṃ gaṇhāti, evarūpassa ananubhūtārammaṇavasena kāmacchando anuppannova nuppajjati nāma.

**Uppanno vā kāmacchando pahīyatīti** ettha **uppannoti** jāto bhūto samudāgato. **Pahīyatīti** tadaṅgappahānaṃ, vikkhambhanappahānaṃ, samucchedappahānaṃ, paṭipassaddhippahānaṃ, nissaraṇappahānanti imehi pañcahi pahānehi pahīyati, na puna uppajjati attho. Tattha vipassanāya kilesā tadaṅgavasena pahīyantīti vipassanā **tadaṅgappahānanti** veditabbā. Samāpatti pana kilesa vikkhambhetīti sā **vikkhambhanappahānanti** veditabbā. Maggo samucchindanto uppajjati, phalaṃ paṭipassambhayamānaṃ, nibbānaṃ sabbakilesehi nissaṇṭanti imāni tīni **samucchedapaṭipassaddhinissaraṇappahānanti** vuccanti. Imehi lokiyalokuttarehi pañcahi pahānehi pahīyatīti attho.

**Asubhanimittanti** dasasu asubhesu uppannaṃ sārammaṇaṃ paṭhamajjhānaṃ. Tenāhu porāṇā – “asubhampi asubhanimittaṃ, asubhārammaṇā dhammāpi asubhanimitta”nti. **Yonisomanasikarototi**. “Tattha katamo yonisomanasikāro? Anicce anicca”ntiādinā nayena vuttassa upāyamanasikārassa vasena manasikaroto. **Anuppanno ceva kāmacchando nuppajjati** asamudāgato na samudāgacchati. **Uppanno ca kāmacchando pahīyati** samudāgato ca kāmacchando pañcavidhena pahānena pahīyati.

Apica cha dhammā **kāmacchandassa** pahānāya saṃvattanti – asubhanimittassa uggaho, asubhabhāvanānuyogo, indriyesu guttadvāratā, bhojane mattaññutā, kalyāṇamittatā sappāyakathāti. Dasavidhañhi asubhanimittaṃ uggaṇhantassāpi kāmacchando pahīyati, bhāventassāpi, indriyesu pihitadvāressāpi, catunnaṃ pañcannaṃ ālopānaṃ okāse sati udakaṃ pivitvā yāpanasīlatāya bhojane mattaññunopi. Tenetaṃ vuttaṃ –

“Cattāro pañca ālope, abhutvā udakaṃ pive;  
Alaṃ phāsuvihārāya, pahitattassa bhikkhuno”ti. (theragā. 983);

Asubhakammikattatherasadise asubhabhāvanārate kalyāṇamitte sevantassāpi kāmacchando pahīyati, thānanisajjādīsu dasaasubhanissitasappāyakathāyapi pahīyati. Tena vuttaṃ – “cha dhammā kāmacchandassa pahānāya saṃvattanti”ti.

**17. Sattame mettā cetovimuttī**ti sabbasattesu hitapharaṇakā mettā. Yasmā pana taṃsampayuttacittaṃ nīvaraṇādīhi paccanīkadhammehi vimuccati, tasmā sā “cetovimuttī”ti vuccati. Visesato vā sabbabyāpādapariyuṭṭhānena vimuttatā sā cetovimuttīti veditabbā. Tattha “mettā”ti ettāvātā pubbabhāgopi vaṭṭati, “cetovimuttī”ti vuttatā pana idha tikacatukkajjhānavasena appanāva adhippetā. **Yonisomanasikarototi** taṃ mettaṃ cetovimuttiṃ vuttalakkaṇena upāyamanasikārena manasikarontassa.

Apica cha dhammā **byāpādassa** pahānāya saṃvattanti – mettānimittassa uggaho, mettābhāvanānuyogo, kammassakatāpaccavekkhaṇā, paṭisaṅkhānabahulatā, kalyāṇamittatā, sappāyakathāti. Odissakaanodissakadisāpharaṇānañhi aññataravasena mettaṃ uggaṇhantassāpi byāpādo pahīyati, odhiso anodhiso disāpharaṇavasena mettaṃ bhāventassāpi. “Tvaṃ etassa kuddho kiṃ karissasi, kimassa sīlādīni nāsetuṃ sakkhissasi, nanu tvaṃ attano kamma āgantvā attano kammeneva gamissasi? Parassa kujjhaṇaṃ nāma vītaccitaṅgāratattaayasalākagūthādīni gahetvā paraṃ paharitukāmatāsadisam hoti. Esopi tava kuddho kiṃ karissati, kiṃ te sīlādīni nāsetuṃ sakkhissati? Esa attano kamma āgantvā attano kammeneva gamissati, appaṭicchitapahēnakaṃ viya paṭivātaṃ khittarajomuṭṭhi viya ca etassevesa kodho matthake patissati”ti evaṃ attano ca parassa ca kammassakataṃ paccavekkhatopi, ubhayakammassakataṃ paccavekkhitvā paṭisaṅkhāne thitassāpi, assaguttatherasadise mettābhāvanārate kalyāṇamitte sevantassāpi byāpādo pahīyati, thānanisajjādīsu mettānissitasappāyakathāyapi pahīyati. Tena vuttaṃ – “cha dhammā byāpādassa pahānāya saṃvattanti”ti. Sesamidha ito paresu ca vuttanayeneva veditabbaṃ, visesamattameva pana vakkhāmāti.

**18. Aṭṭhame ārambhadhātū**ādīsu **ārambhadhātu** nāma paṭhamārambhavīriyaṃ. **Nikkamadhātu** nāma kosajjato nikkhantatā tato balavataraṃ. **Parakkamadhātu** nāma paraṃ paraṃ thānaṃ akkamanato tatopi balavataraṃ. Aṭṭhakathāyaṃ pana “ārambho cetaso kāmānaṃ panūdanāya, nikkamo cetaso palighughhāṇāya, parakkamo cetaso bandhanacchedanāyā”ti vatvā “tīhi petehi adhimattavīriyameva kathita”nti vuttaṃ.

**Āraddhavīriyassā**ti paripuṇṇavīriyassa ceva paggaḥitavīriyassa ca. Tattha catudosāpagataṃ vīriyaṃ āraddhanti veditabbaṃ. Na ca atilīnaṃ hoti, na ca atipaggaḥitaṃ, na ca ajjhataṃ saṃkhittaṃ, na ca bahiddhā vikkhittaṃ. Tadetam duvidhaṃ hoti – kāyikaṃ, cetasikaṃ. Tattha “idha bhikkhu divasaṃ caṅkamaṇa nisajjāya āvaraṇīyehi dhammehi cittaṃ parisodhetī”ti (vibha. 519) evaṃ rattidivasassa pañca koṭṭhāse kāyena ghaṭentassa vāyamantassa **kāyikavīriyaṃ** veditabbaṃ. “Na

tāvāhaṃ ito leṇā nikkhamissāmi, yāva me na anupādāya āsavehi cittaṃ vimuccatī”ti evaṃ okāsaparicchena vā, “na tāvāhaṃ imaṃ pallaṅkaṃ bhindissāmi”ti evaṃ nisajjādiparicchena vā mānaṣaṃ bandhitvā ghaṭentassa vāyamantassa **cetasikavīriyaṃ** veditabbaṃ. Tadubhayampi idha vaṭṭati. Duvidhenāpi hi iminā vīriyena āradhāvīriyassa anuppannañceva thinamiddhaṃ nuppajjati, uppannañca thinamiddhaṃ pahīyati milakkhatissattherassa viya, gāmantapabbhāravāsimahāsīvatttherassa viya, pītimallakattherassa viya, kuṭumbiyaputtatissattherassa viya ca. Etesu hi purimā tayo aññe ca evarūpā kāyikavīriyena āradhāvīriyā, kuṭumbiyaputtatissatthero aññe ca evarūpā cetasikavīriyena āradhāvīriyā, uccāvālukavāsī mahānāgattthero pana dvīhipi vīriyehi āradhāvīriyova. Thero kira ekaṃ sattāhaṃ caṅkamati, ekaṃ tiṭṭhati, ekaṃ nisīdati, ekaṃ nipajjati. Mahātherassa ekairiyāpathopi asappāyo nāma natthi, catutthe sattāhe vipassanaṃ vaḍḍhetvā arahatte patiṭṭhāsi.

Apica cha dhammā **thinamiddhassa** pahānāya saṃvattanti – atibhojane nimittaggāho, iriyāpathasamparivattanatā, ālokasaññāmanasikāro, abbhokāsavāso, kalyāṇamittatā, sappāyakathāti. Āharahatthaka-bhuttavamitaka-tatravaṭṭaka-alaṃsāṭaka-kākamāsaka-brāhmaṇādayo viya bhojanaṃ bhuñjītvā rattiṭṭhānadivāṭṭhāne nisinnassa hi samaṇadhammaṃ karoto thinamiddhaṃ mahāhatthī viya ottharantaṃ āgacchati, catupañcaālopaokāsaṃ pana ṭhapetvā pānīyaṃ pivitvā yāpanasīlassa bhikkhuno taṃ na hotīti evaṃ atibhojane nimittaṃ gaṇhantassāpi thinamiddhaṃ pahīyati. Yasmiṃ iriyāpathe thinamiddhaṃ okkamati, tato aññaṃ parivattentassāpi, rattiṃ candālokadīpālokaukkāloke divā sūriyālokaṃ manasikarontassāpi, abbhokāse vasantassāpi, mahākassapattherasadise pahīnathinamiddhe kalyāṇamitte sevantassāpi thinamiddhaṃ pahīyati, ṭhānanisajjādīsu dhutaṅganissitasappāyakathāyapi pahīyati. Tena vuttaṃ – “cha dhammā thinamiddhassa pahānāya saṃvattanti”ti.

#### 19. Navame **vūpasantacittassāti** jhānena vā vipassanāya vā vūpasamitacittassa.

Apica cha dhammā **uddhaccakukkuccassa** pahānāya saṃvattanti – bahussutatā, paripucchakatā, vinaye pakataññutā, vuddhasevitā, kalyāṇamittatā, sappāyakathāti. Bāhusaccenāpi hi ekaṃ vā dve vā tayo vā cattāro vā pañca vā nikāye pālīvasena ca atthavasena ca uggaṇhantassāpi uddhaccakukkuccaṃ pahīyati, kappiyākappiyapari-pucchābahulassāpi, vinayapaññattiyaṃ ciṇṇavasībhāvatāya pakataññunopi, vuddhe mahallakatthere upasaṅkamantassāpi, upālītttherasadise vinayadhare kalyāṇamitte sevantassāpi uddhaccakukkuccaṃ pahīyati, ṭhānanisajjādīsu kappiyākappiyānissitasappāyakathāyapi pahīyati. Tena vuttaṃ – “cha dhammā uddhaccakukkuccassa pahānāya saṃvattanti”ti.

#### 20. Dasame **yoniso, bhikkhave, manasikarototi** vuttanayeneva upāyato manasikarontassa.

Apica cha dhammā **vicikicchāya** pahānāya saṃvattanti – bahussutatā, paripucchakatā, vinaye pakataññutā, adhimokkhabahulatā, kalyāṇamittatā, sappāyakathāti. Bāhusaccenāpi hi ekaṃ vā...pe... pañca vā nikāye pālīvasena ca atthavasena ca uggaṇhantassāpi vicikicchā pahīyati, tīṇi ratanāni ārabha paripucchābahulassāpi, vinaye ciṇṇavasībhāvassāpi, tīsu ratanesu okappaniyasaddhāsaṅkhātaadhimokkhabahulassāpi, saddhādhimutte vakkalītttherasadise kalyāṇamitte sevantassāpi vicikicchā pahīyati, ṭhānanisajjādīsu tiṇṇaṃ ratanānaṃ guṇānissitasappāyakathāyapi pahīyati. Tena vuttaṃ – “cha dhammā vicikicchāya pahānāya saṃvattanti”ti. Imasmiṃ nīvaraṇappahānavagge vaṭṭavivaṭṭaṃ kathitanti.

Nīvaraṇappahānavaggaṇṇanā.

### 3. Akammaniyavaggavaṇṇanā

21-22. Tatiyassa paṭhame **abhāvitanti** avaḍḍhitaṃ bhāvanāvasena appavattitaṃ. **Akammaniyaṃ hotīti** kammakkhamaṃ kammayoggaṃ na hoti. Dutiye vuttavipariyāyena attho veditabbo. Ettha ca paṭhame **cittanti** vaṭṭavasena uppannacittaṃ, dutiye vivaṭṭavasena uppannacittaṃ. Tattha ca vaṭṭaṃ

vaṭṭapādaṃ, vivaṭṭaṃ vivaṭṭapādanti ayaṃ pabhedo veditabbo. **Vaṭṭaṃ** nāma tebhūmakavaṭṭaṃ, **vaṭṭapādaṃ** nāma vaṭṭapaṭilābhāya kammaṃ, **vivaṭṭaṃ** nāma nava lokuttaradhammā, **vivaṭṭapādaṃ** nāma vivaṭṭapaṭilābhāya kammaṃ. Iti imesu suttesu vaṭṭavivaṭṭameva kathitanti.

**23-24.** Tatiye vaṭṭavaseneva uppannacittaṃ veditabbaṃ. **Mahato anathāya saṃvattatī** devamanussasampattiyo mārabrahmaissariyāni ca dadamānampi punappunaṃ jātijarābyādhimaraṇasokaparidevadukkhadomanassupāyāse khandhadhātuāyatanapaṭiccasamuppādavaṭṭāni ca dadamānaṃ kevalaṃ dukkhakkhandhameva detīti mahato anathāya saṃvattati nāmāti. Catutthe **cittanti** vivaṭṭavaseneva uppannacittaṃ.

**25-26.** Pañcamachaṭṭhesu **abhāvitaṃ apātubhūtaṃ** ayaṃ viseso. Tatrāmayadhippāyo – vaṭṭavasena uppannacittaṃ nāma uppannampi abhāvitaṃ apātubhūtameva hoti. Kasmā? Lokuttarapādaḥkajjhānavipassanāmaggaḥalanibbānesu pakkhandituṃ asamathattā. Vivaṭṭavasena uppannaṃ pana bhāvitaṃ pātubhūtaṃ nāma hoti. Kasmā? Tesu dhammesu pakkhandituṃ samathattā. Kurundakavāsī phussamittatthero panāha – “maggacittameva, āvuso, bhāvitaṃ pātubhūtaṃ nāma hotī”’ti.

**27-28.** Sattamaṭṭhamesu **abahulikatanti** punappunaṃ akataṃ. Imānipi dve vaṭṭavivaṭṭavasena uppannacittāneva veditabbānīti.

**29.** Navame “jātipi dukkhā”’tiadinā nayena vuttaṃ dukkhaṃ adhivahati āharatīti **dukkhādhivahaṃ**. Dukkhādhivāhantipi pāṭho. Tassattho – lokuttarapādaḥkajjhānādi ariyadhammābhimukhaṃ dukkhena adhivāhīyati pesīyatīti dukkhādhivāhaṃ. Idampi vaṭṭavasena uppannacittameva. Tañhi vuttappakārā devamanussādisampattiyo dadamānampi jātiādīnaṃ adhivahanato dukkhādhivahaṃ, ariyadhammādhigamāya duppesanato dukkhādhivāhaṃ nāma hotīti.

**30.** Dasame vivaṭṭavasena uppannacittameva cittaṃ. Tañhi mānusakasukhato dibbasukhaṃ, dibbasukhato jhānasukhaṃ, jhānasukhato vipassanāsukhaṃ, vipassanāsukhato maggasukhaṃ, maggasukhato phalasukhaṃ, phalasukhato nibbānasukhaṃ adhivahati āharatīti **sukhādhivahaṃ** nāma hoti, sukhādhivāhaṃ vā. Tañhi lokuttarapādaḥkajjhānādiariyadhammābhimukhaṃ supesayaṃ viṣaṭṭhaindavajirasadisāṃ hotīti sukhādhivāhantipi vuccati. Imasmimpi vagge vaṭṭavivaṭṭameva kathitanti.

Akammaniyavaggavaṇṇanā.

## 4. Adantavaggavaṇṇanā

**31.** Catutthassa paṭhame **adantanti** savisevanaṃ adantahatthiassādisadisāṃ. **Cittanti** vaṭṭavasena uppannacittameva.

**32.** Dutiye **dantanti** nibbisevanaṃ dantahatthiassādisadisāṃ. Imasmimpi suttadvaye vaṭṭavivaṭṭavasena uppannacittameva kathitaṃ. Yathā cettha, evaṃ ito paresupīti.

**33.** Tatiye **aguttanti** agopitaṃ satisaṃvararahaṃ aguttahatthiassādisadisāṃ.

**34.** Catutthe **guttanti** gopitaṃ avissaṭṭhasatisaṃvaram guttahatthiassādisadisāṃ.

**35-36.** Pañcamachaṭṭhāni **arakkhitaṃ rakkhitaṃ** padavasena bujjanakānaṃ ajjhāsayaena vuttāni. Attho panettha purimasadisoyeva.

37-38. Sattamaṭṭhamesupi eseva nayo. Upamā panettha asaṃvutagharadvārādivasena veditabbā.

39-40. Navamadasamāni catūhipi padehi yojetvā vuttāni. Imasmimpi vagge vaṭṭavivaṭṭameva kathitanti.

Adantavaggavaṇṇanā.

## 5. Paṇihitaacchavaggavaṇṇanā

41. Pañcamassa paṭhame **seyyathāpīti** opammatthe nipāto. Tatra bhagavā kathhaci atthena upamaṃ parivāretvā dasseti vatthasutte (ma. ni. 1.70 ādayo) viya, pāricchattakopama- (a. ni. 7.69) aggikkhandhopamādisuttesu (a. ni. 7.72) viya ca, kathhaci upamāya atthaṃ parivāretvā dasseti loṇambilasutte (a. ni. 3.101) viya, suvaṇṇakārasuttasūriyopamādisuttesu (a. ni. 7.66) viya ca. Imasmim̐ pana sālīsūkopame upamāya atthaṃ parivāretvā dassento **seyyathāpi**, **bhikkhavi**tiādimāha. Tattha **sālīsūkanti** sālīphalassa sūkaṃ. **Yavasūkepi** eseva nayo. Vā-saddo vikappattho. **Micchāpaṇihitanti** micchāṭhapitaṃ. Yathā vijjhitaṃ sakkoti, na evaṃ uddhaggaṃ katvā ṭhapitanti attho. **Bhecchatīti** bhindissati, chaviṃ chindissatīti attho. **Micchāpaṇihitena cittenāti** micchāṭhapitena cittena. Vaṭṭavasena uppannacittaṃ sandhāyetaṃ vuttaṃ. **Avijjanti** aṭṭhasu ṭhānesu aññābhūtaṃ ghanabahalaṃ mahāavijjaṃ. **Vijjaṃ uppādessatīti** ettha **vijjanti** arahattamaggañāṇaṃ. **Nibbānanti** taṇhāvānato nikkhantabhāvena evaṃ vuttaṃ amataṃ. **Sacchikarissatīti** paccakkhaṃ karissati.

42. Dutiye **sammāpaṇihitanti** yathā bhinditaṃ sakkoti, evaṃ uddhaggaṃ katvā suṭṭhu ṭhapitaṃ. **Akkantanti** ettha pādeneva akkantaṃ nāma hoti, hatthena uppīlitaṃ. Ruḷhisaddavasena pana akkantanteva vuttaṃ. Ayañhettha ariyavohāro. Kasmā pana aññe sepaṇṇikaṇṭakamadanakaṇṭakādayo mahante aggahetvā sukhumaṃ dubbalaṃ sālīsūkayavasūkameva gahitanti? Appamattakassāpi kusalakamassa vivaṭṭāya samatthabhāvadassanattaṃ. Yathā hi sukhumaṃ dubbalaṃ sālīsūkaṃ vā yavasūkaṃ vā hotu, mahantamahantā sepaṇṇikaṇṭakamadanakaṇṭakādayo vā, etesu yaṃkiñci micchā ṭhapitaṃ hatthaṃ vā pādaṃ vā bhinditaṃ lohitaṃ vā uppādetuṃ na sakkoti, sammā ṭhapitaṃ pana sakkoti, evameva appamattakaṃ tiṇamuṭṭhi mattadānakusalaṃ vā hotu, mahantaṃ velāmadānādikusalaṃ vā, sace vaṭṭasampattiṃ patthetvā vaṭṭasannissitavasena micchā ṭhapitaṃ hoti, vaṭṭameva āharitaṃ sakkoti, no vivaṭṭaṃ. “Idaṃ me dānaṃ āsavakkhayāvahaṃ hotū”ti evaṃ pana vivaṭṭaṃ patthentena vivaṭṭavasena sammā ṭhapitaṃ arahattampi paccekabodhiñāṇampi sabbaññutañāṇampi dātuṃ sakkotiyeva. Vuttañhettaṃ –

“Paṭisambhidā vimokkhā ca, yā ca sāvakaṇāramī;  
Paccekabodhi buddhabhūmi, sabbametena labbhatī”ti. (khu. pā. 8.15);

Imasmim̐ suddadvaye ca vaṭṭavivaṭṭaṃ kathitaṃ.

43. Tatiye **paduṭṭhacittanti** dosena paduṭṭhacittam̐. **Cetasā cetopariccāti** attano cittena tassa cittaṃ paricchinditvā. **Yathābhattaṃ nikkhittoti** yathā āharitvā ṭhapito. **Evaṃ nirayeti** evaṃ niraye ṭhitoyevāti vattabbo. **Apāyantiādi** sabbam̐ nirayavevacanameva. Nirayo hi ayasañkhātā sukhā apetaṃ **apāyo**, dukkhassa gati paṭisaraṇanti **duggati**, dukkaṭakārino ettha vivasā nipatantīti **vinipāto**, nirassādatthena **nirayo**.

44. Catutthe **pasannanti** saddhāpasādena pasannaṃ. **Sugatinti** sukhasa gatiṃ. **Saggaṃ lokanti** rūpādisampattīhi suṭṭhu aggaṃ lokaṃ.

45. Pañcame **udakarahadoti** udakadaho. **Āviloti** avippasanno. **Lulitoti** aparisaṇṭhito. **Kalalībhūtoti** kaddamībhūto. **Sippisambukantiādisu** sippiyo ca sambukā ca **sippisambukaṃ**. Sakkharā

ca kaṭhalāni ca **sakkharakaṭhalaṃ**. Macchānaṃ gumbaṃ ghaṭāti **macchagumbaṃ**. **Carantampi tiṭṭhantampī**ti ettha sakkharakaṭhalaṃ tiṭṭhatiyeva, itarāni carantipi tiṭṭhantipi. Yathā pana antarantarā ṭhitāsupi nisinnāsupi nipajjamānāsupi “etā gāviyo carantī”ti carantiyo upādāya itarāpi “carantī”ti vuccanti, evaṃ tiṭṭhantameva sakkharakaṭhalaṃ upādāya itarampi dvayaṃ “tiṭṭhanta”nti vuttaṃ, itaraṃ dvayaṃ carantaṃ upādāya sakkharakaṭhalampi “caranta”nti vuttaṃ.

**Āvilenā**ti pañcahi nīvaraṇehi pariyonaddhena. **Attatthaṃ vā**tiādīsu attano diṭṭhadhammiko lokiyalokuttaramissako attho attattho nāma. Attanova samparāye lokiyalokuttaramissako attho parattho nāma hoti. So hi parattha atthoti parattho. Tadubhayaṃ ubhayattho nāma. Apica attano diṭṭhadhammikasamparāyīkopi lokiyalokuttaro attho attattho nāma, parassa tādisova attho parattho nāma, tadubhayampi ubhayattho nāma. **Uttariṃ vā manussadhammā**ti dasakusalakammapathasaṅkhātā manussadhammā uttariṃ. Ayañhi dasavidho dhammo vināpi aññaṃ samādāpakaṃ satthantarakappāvasāne jātasamvegehi manussehi sayameva samādinattā manussadhammoti vuccati, tato uttariṃ pana jhānavipassanāmaggaṃ phalāni veditabbāni. **Alamariyaññadassanavisesanti** ariyānaṃ yuttaṃ, ariyabhāvaṃ vā kātuṃ samatthaṃ ññadassanasāṅkhātāṃ visesaṃ. Ññaṃeva hi jānanaṭṭhena ññaṃ, dassanaṭṭhena dassananti veditabbāṃ, dibbacakkuññānavipassanāññāmaggaññāphalaññāpaccavekkhaṇāññānametaṃ adhivacanaṃ.

**46.** Chaṭṭhe **accho**ti abahalo, pasannotipi vaṭṭati. **Vippasannoti** suṭṭhu pasanno. **Anāviloti** na āvilo, parisuddhoti attho, pheṇapubbuḷasaṅkhasevālapaṇakavirahitoti vuttaṃ hoti. **Anāvilenā**ti pañcanīvaraṇavimuttana. Sesam catutthe vuttanayameva. Imasmimpi suttadvaye vaṭṭavivaṭṭameva kathitaṃ.

**47.** Sattame **rukkhajātānanti** paccatte sāmivacanaṃ, rukkhajātānāti attho. Rukkhānametaṃ adhivacanaṃ. **Yadidanti** nipātamattaṃ. **Mudutāyā**ti mudubhāvena. Koci hi rukkho vaṇṇena aggo hoti, koci gandhena, koci rasena, koci thaddhatāya. Phandano pana mudutāya ceva kammaññatāya ca aggo seṭṭhoti dasseti. **Cittaṃ, bhikkhave, bhāvitaṃ bahulīkatanti** ettha samathavipassanāvasena bhāvitañceva punappunakatañca cittaṃ adhippetam. Kurundakavāsi phussamittatthero panāha – “ekantaṃ mudu ceva kammaniyañca cittaṃ nāma abhiññāpādakacatutthajjhānacittameva, āvuso”ti.

**48.** Aṭṭhame **evaṃ lahuparivattanti** evaṃ lahuṃ uppajjitvā lahuṃ nirujjhanakaṃ. **Yāvañcā**ti adhimattapamānatthe nipāto, ativiya na sukarāti attho. **Idanti** nipātamattaṃ. **Cittanti** ekacce tāva ācariyā “bhavaṅgacitta”nti vadanti, taṃ pana paṭikkhipitvā “idha cittanti yaṃkiñci antamaso cakkhuvīññānampi adhippetamevā”ti vuttaṃ. Imasmiṃ panatthe milindarājā dhammakathikaṃ nāgasenattheraṃ pucchi, “bhante nāgasena, ekasmiṃ accharākkhaṇe pavattitacittasaṅkhārā sace rūpino assu, kīva mahārāsi bhaveyyā”ti? “Vāhasatānaṃ kho, mahārāja, vīhīnaṃ aḍḍhacūlañca vāhā vīhisattambaṇāni dve ca tumbā ekaccharākkhaṇe pavattitassa cittassa saṅkhampi na upenti, kalampi na upenti, kalabhāgampi na upenti”ti (mi. pa. 4.1.2). Atha kasmā sammāsambuddhena “upamāpi na sukarā”ti vuttaṃ? Yatheva hi upamaṃ paṭikkhipitvāpi kappadīghabhāvassa yojanikapabbatena yojanikasāsapapunānagarena, nirayadukkhassa sattisatāhatopamena, saggasukhassa ca cakkavattisampattiyā upamā katā, evamidhāpi kātabbāti? Tattha “sakkā pana, bhante, upamā kātu”nti evaṃ pucchāvasena upamā katā, imasmiṃ sutte pucchāya abhāvena na katā. Idañhi suttaṃ dhammadesanāpariyosāne vuttaṃ. Iti imasmiṃ sutte cittarāsi nāma kathitoti.

**49.** Navame **pabhassaranti** paṇḍaraṃ parisuddhaṃ. **Cittanti** bhavaṅgacittaṃ. Kiṃ pana cittassa vaṇṇo nāma atthīti? Natthi. Nīlādīnañhi aññataravaṇṇaṃ vā hotu avaṇṇaṃ vā yaṃkiñci parisuddhatāya “pabhassara”nti vuccati. Idampi nirupakkilesatāya parisuddhanti pabhassaraṃ. **Taṅca khoti taṃ** bhavaṅgacittaṃ. **Āgantukehī**ti asahajātehi pacchā javanakkhaṇe uppajjanakehi. **Upakkilesehī**ti rāgādīhi upakkiliṭṭhattā upakkiliṭṭhaṃ nāmāti vuccati. Kathaṃ? Yathā hi sīlavantā ācārasampannā mātāpitara vā ācariyupajjhāyā vā dussīlānaṃ durācārānaṃ avattasampannānaṃ puttānañceva

antevāsikasaddhivihārikānañca vasena “attano putte vā antevāsikasaddhivihārike vā na tajjenti na sikkhāpentī na ovadanti nānusāsanti”’ti vaṇṇaṃ akittiṃ labhanti, evaṃsampaḍaṃsaṃ veditaḍḍhaṃ. Ācārasampannā mātāpitaro viya ca ācariyupajjhāyā viya ca bhavaṅgacittaṃ daṭṭhabbaṃ, puttādīnaṃ vasena tesam akittilābho viya javanakkhaṇe rajjanadussanamuyhanasabhāvānaṃ lobhasahagatādīnaṃ cittānaṃ vasena uppannehi āgantukehi upakkilesehi pakatiparisuddhampi bhavaṅgacittaṃ upakkiliṭṭhaṃ nāma hotīti.

**50.** Dasamepi bhavaṅgacittameva **cittaṃ. Vipamuttanti** javanakkhaṇe arajjamānaṃ adussamānaṃ amuyhamānaṃ tihetukañāṇasampayuttādikusalavasena uppajjamānaṃ āgantukehi upakkilesehi vipamuttaṃ nāma hoti. Idhāpi yathā sīlavantānaṃ ācārasampannānaṃ puttādīnaṃ vasena mātādayo “sobhanā eteyeva attano puttakādayo sikkhāpentī ovadanti anusāsanti”’ti vaṇṇakittilābhino honti, evaṃ javanakkhaṇe uppannakusalacittavasena idaṃ bhavaṅgacittaṃ āgantukehi upakkilesehi vipamuttanti vuccatīti.

Paṇihitaacchavaggavaṇṇanā.

## 6. Accharāsaṅghātavaggavaṇṇanā

**51.** Chaṭṭhassa paṭhame **taṃ assutavā puthujjanoti** taṃ bhavaṅgacittaṃ sutavirahito puthujjano. Tattha āgamādhigamābhāvā ñeyyo assutavā iti. Yo hi idaṃ suttaṃ ādito paṭṭhāya atthavasena upaparikkhanto “idaṃ bhavaṅgacittaṃ nāma pakatiparisuddhampi javanakkhaṇe uppannehi lobhādīhi upakkilesehi upakkiliṭṭha”’nti neva āgamavasena na adhigamavasena jānāti, yassa ca khandhadhātuāyatanapaccayākārasatipaṭṭhānādīsu uggahapariḍaḍḍhāvinicchayavirahitattā yathābhūtañāṇapaṭivedhasādhako neva āgamo, paṭipattiyā adhigantabbassa anadhigatattā na adhigamo atthi. So āgamādhigamābhāvā ñeyyo assutavā iti. Svāyaṃ –

“Puthūnaṃ jananādīhi, kāraṇehi puthujjano;  
Puthujjanantogadhattā, puthuvāyaṃ jano iti”’.

So hi puthūnaṃ nānappakārānaṃ kilesādīnaṃ jananādīhi kāraṇehi puthujjano. Yathāha –

“Puthu kilese janentīti puthujjanā, puthu avihatasakkāyaditṭhikāti puthujjanā, puthu sathārānaṃ mukhullokikāti puthujjanā, puthu sabbagatīhi avuṭṭhitāti puthujjanā, puthu nānābhisaṅkhāre abhisaṅkharontīti puthujjanā, puthu nānāoghehi vuyhantīti puthujjanā, puthu nānāsantāpehi santappantīti puthujjanā, puthu nānāparilāhehi pariḍayhantīti puthujjanā, puthu pañcasu kāmagaṇesu rattā giddhā gadhitā mucchitā ajjhoppānā laggā laggitā palibuddhāti puthujjanā, puthu pañcahi nīvaraṇehi āvutā nivutā ovutā pihitā paṭicchannā paṭikujjitāti puthujjanā”’ti (mahāni. 51, 94).

Puthūnaṃ vā gaṇanapathamatītānaṃ ariyadhammaparammukhānaṃ nīcadhammasamācārānaṃ janānaṃ antogadhattāpi puthujjano, puthu vā ayaṃ visumyeva saṅkhaṃ gato, viśamaṃ saṅgāṭhaṃ sīlasutādiguṇayuttehi ariyehi janoti puthujjano. Evametehi “assutavā puthujjano”’ti dvīhi padehi ye te –

“Dve puthujjanā vuttā, buddhenādiccabandhunā;  
Andho puthujjano eko, kalyāṇeko puthujjano”’ti. –

Dve puthujjanā vuttā, tesu andhaputhujjano vutto hotīti veditaḍḍhaḥ.

**Yathābhūtaṃ nappajānātīti** “idañca bhavaṅgacittaṃ evaṃ āgantukehi upakkilesehi upakkiliṭṭhaṃ nāma hoti, evaṃ vipamuttaṃ nāma”’ti yathāsabhāvato na jānāti. **Tasmāti** yasmā na



jānāti, tasmā. **Cittabhāvanā natthīti** cittaṭṭhiti cittapariggaho natthi, natthibhāvene va “natthī”ti vadāmīti dasseti.

**52.** Dutiye **sutavāti** sutasampanno. Vitthārato panettha assutavāti padassa paṭipakkhavasena attho veditabbo. **Ariyasāvako** atthi ariyo na sāvako, seyyathāpi buddhā ceva paccekabuddhā ca; atthi sāvako na ariyo, seyyathāpi gihī anāgataphalo; atthi neva ariyo na sāvako seyyathāpi puthutitthiyā. Atthi ariyoceva sāvako ca, seyyathāpi samaṇā sakyaputtiyā āgataphalā viññātasāsanā. Idha pana gihī vā hotu pabbajito vā, yo koci sutavāti ettha vuttassa atthassa vasena sutasampanno, ayaṃ ariyasāvako veditabbo. **Yathābhūtaṃ pajānātīti** “evamidaṃ bhavaṅgacittaṃ āgantukehi upakkilesehi vippamuttaṃ hoti, evaṃ upakkiliṭṭha”nti yathāsabhāvato jānāti. **Cittabhāvanā atthīti** cittaṭṭhiti cittapariggaho atthi, atthibhāvene va “atthī”ti vadāmīti dasseti. Imasmiṃ sutte balavavipassanā kathitā. Keci taruṇavipassanāti vadanti.

**53.** Tatiyaṃ aṭṭhuppattiyaṃ kathitaṃ. Katarāyaṃ pana aṭṭhuppattiyaṃ? Aggikkhandhopamasuttanta aṭṭhuppattiyaṃ. Bhagavā kira ekasmiṃ samaye sāvattiṃ upanissāya jetavanamahāvihāre paṭivasati. Buddhānaṃca yattha katthaci paṭivasantānaṃ pañcavidhaṃ kiccaṃ avijahitameva hoti. Pañca hi buddhakiccaṃ – purebhattakiccaṃ, pacchābhattakiccaṃ, purimayāmakiccaṃ, majjhimayāmakiccaṃ, pacchimayāmakiccanti.

Tatridaṃ purebhattakiccaṃ – bhagavā hi pātova vuṭṭhāya upaṭṭhākānuggahatthaṃ sarīraphāsukatthaṃca mukhadhovanādisarīraparikammaṃ katvā yāva bhikkhācāra velā tāva vivittāsane vītina metvā bhikkhācāra velāya nivāsetvā kāyabandhanaṃ bandhitvā cīvaraṃ pārupitvā pattamādāya kadāci ekakova, kadāci bhikkhusaṅghaparivuto gāmaṃ vā nigamaṃ vā piṇḍāya pavisati kadāci pakatiyā, kadāci anekehi pāṭihāriyehi vattamānehi. Seyyathidaṃ – piṇḍāya pavisato lokanāthassa purato purato gantvā mudugata vātā pathaviṃ sodhenti, valāhakā udakaphusitāni muñcantā magge reṇuṃ vūpasametvā upari vitānaṃ hutvā tiṭṭhanti, apare vātā pupphāni upasaṃharitvā magge okiranti, unnatā bhūmippadesā onamanti, onatā unnamanti, pādanikkhepasamaye samāva bhūmi hoti, sukhasamphassāni padumapupphāni vā pāde sampāṭicchanti. Indakhīlassa anto ṭhapitamatte dakkhiṇapāde sarīrato chabbaṇṇarasmiyo nikkhamitvā suvaṇṇarasapiṇḍarāni viya citrapaṭaparikkhittāni viya ca pāsādakūṭāgārādīni alaṅkarontiyo ito cito ca dhāvanti, hatthiassavihaṅgādayo sakasakaṭṭhānesu ṭhitāyeva madhurenākārena saddaṃ karonti, tathā bheriviṇḍāni tūriyāni manussānaṃca kāyūpagāni ābharaṇāni. Tena saññāṇena manussā jānanti “ajja bhagavā idha piṇḍāya pavitṭho”ti. Te sunivatthā supārutā gandhapupphādīni ādāya gharā nikkhamitvā antaravīthiṃ paṭipajjitvā bhagavantaṃ gandhapupphādīhi sakkaccaṃ pūjetvā vanditvā “amhākaṃ, bhante, dasa bhikkhū, amhākaṃ vīsati, paññāsaṃ...pe... sataṃ dethā”ti yācitvā bhagavatopi pattaṃ gahetvā āsanaṃ paññāpetvā sakkaccaṃ piṇḍapātena paṭimānenti. Bhagavā katabhattakicco tesam upanissayacittasantānāni oloketvā tathā dhammaṃ deseti, yathā keci saraṇagamanesu paṭiṭṭhahanti, keci pañcasu sīlesu, keci sotāpattisakadāgāmianāgāmiphalaṇaṃ aññatarasmiṃ, keci pabbajitvā aggaphale arahatteti. Evaṃ mahājanaṃ anuggahetvā utṭhāyāsanaṃ vihāraṃ gacchati. Tattha gantvā gandhamaṇḍalamāle paññattavarabuddhāsane nisīdati bhikkhūnaṃ bhattakiccapariyosānaṃ āgamayamāno. Tato bhikkhūnaṃ bhattakiccapariyosāne upaṭṭhāko bhagavato nivedeti. Atha bhagavā gandhakuṭiṃ pavisati. Idam tāva **purebhattakiccaṃ**.

Atha bhagavā evaṃ katapurebhattakicco gandhakuṭiyā upaṭṭhāne nisīditvā pāde pakkhāletvā pādapiṭṭhe ṭhatvā bhikkhusaṅghaṃ ovadati – “bhikkhave, appamādena sampādetha, dullabho buddhuppādo lokasmiṃ, dullabho manussatta paṭilābho, dullabhā khaṇasampatti, dullabhā pabbajjā, dullabhaṃ saddhammassavana”nti. Tattha keci bhagavantaṃ kammaṭṭhānaṃ pucchanti. Bhagavā tesam cariyānurūpaṃ kammaṭṭhānaṃ deti. Tato sabbepi bhagavantaṃ vanditvā attano attano rattitṭhānadivāṭṭhānāni gacchanti. Keci araṇṇaṃ, keci rukkhamaṇḍalaṃ, keci pabbatādīnaṃ aññataraṃ, keci cātumahārājikabhavanaṃ...pe... keci vasavattibhavanaṃ. Tato bhagavā gandhakuṭiṃ pavisitvā sace ākaṅkhati, dakkhiṇena passena sato sampajāno muhuttaṃ sīhaseyyaṃ kappeti. Atha samassāsita kāyo utṭhahitvā dutiyabhāge lokaṃ voloketi. Tatiyabhāge yaṃ gāmaṃ vā nigamaṃ vā upanissāya viharati,

tattha mahājano purebhattaṃ dānaṃ datvā pacchābhattaṃ sunivattho supāruto gandhapupphādīni ādāya vihāre sannipatati. Tato bhagavā sampattaparīsāya anurūpena pāṭihāriyena gantvā dhammasabhāyaṃ paññattavarabuddhāsane nisajja dhammaṃ deseti kālayuttaṃ samayayuttaṃ, atha kālaṃ viditvā pariśaṃ uyyojeti, manussā bhagavantaṃ vanditvā pakkamanti. Idaṃ **pacchābhattakiccaṃ**.

So evaṃ niṭṭhitapacchābhattakicco sace gattāni osiñcitukāmo hoti, buddhāsanaṃ uṭṭhāya nhānakoṭṭhakaṃ pavisitvā upaṭṭhākena paṭiyāditaudakena gattāni utuṃ gaṇhāpeti. Upaṭṭhākopi buddhāsanaṃ ānetvā gandhakuṭṭipariveṇe paññāpeti. Bhagavā surattadupaṭṭaṃ nivāsetvā kāyabandhanaṃ bandhitvā uttarāsāṅgaṃ ekaṃsaṃ katvā tattha āgantvā nisīdati ekakova muhuttaṃ paṭisallīno, atha bhikkhū tato tato āgamma bhagavato upaṭṭhānaṃ āgacchanti. Tattha ekacce pañhaṃ pucchanti, ekacce kammaṭṭhānaṃ, ekacce dhammassavanaṃ yācanti. Bhagavā tesāṃ adhippāyaṃ sampādentō purimayāmaṃ vitināmeti. Idaṃ **purimayāmakiccaṃ**.

Purimayāmakiccapariyosāne pana bhikkhūsu bhagavantaṃ vanditvā pakkantesu sakaladasasahasilokadhātudevatāyo okāsaṃ labhamānā bhagavantaṃ upasaṅkamitvā pañhaṃ pucchanti yathābhisaṅkhataṃ antamaso caturakkharampi. Bhagavā tāsāṃ devatānaṃ pañhaṃ vissajjento majjhimayāmaṃ vitināmeti. Idaṃ **majjhimayāmakiccaṃ**.

Pacchimayāmaṃ pana tayo koṭṭhāse katvā purebhattato paṭṭhāya nisajjāpīlitassa sarīrassa kilāsubhāvamocanattaṃ ekaṃ koṭṭhāsaṃ caṅkamaṇa vitināmeti, dutiyakoṭṭhāse gandhakuṭṭiṃ pavisitvā dakkhiṇena passena sato sampajāno sīhaseyyaṃ kappeti. Tatiyakoṭṭhāse paccuṭṭhāya nisīditvā purimabuddhānaṃ santike dānasīlādivasena katādhikārapuggaladassanattaṃ buddhacakkhunā lokaṃ voloketi. Idaṃ **pacchimayāmakiccaṃ**.

Tampi divasaṃ bhagavā imasmiṃyeva kicce ṭhito lokaṃ oloketō idaṃ addasa – mayā kosalaratṭhe cārikaṃ carantena aggikkhandhena upamētvā ekasmiṃ sutte desite saṭṭhi bhikkhū arahattaṃ pāpuṇissanti, saṭṭhimattānaṃ uṇhaṃ lohitaṃ mukhato uggacchissati, saṭṭhimattā gihibhāvaṃ gamissanti. Tattha ye arahattaṃ pāpuṇissanti, te yaṃkiñci dhammadeśanaṃ sutvā pāpuṇissanteva. Itaresaṃ pana bhikkhūnaṃ saṅgahatthāya cārikaṃ caritukāmo hutvā, “ānanda, bhikkhūnaṃ ārochehi”’ti āha.

Thero anupariveṇaṃ gantvā, “āvuso, satthā mahājanassa saṅgahatthāya cārikaṃ caritukāmo, gantukāma āgacchathā”’ti āha. Bhikkhū mahālābhaṃ labhitvā viya tuṭṭhamānasā “labhissāma vata mahājanassa dhammaṃ desentassa bhagavato suvaṇṇavaṇṇaṃ sarīraṃ oloketuṃ madhuraṅca dhammakathaṃ soto”’nti paruḥhakesā kese ohāretvā malaggahitapattā patte pacitvā kiliṭṭhacīvarā cīvarāni dhovitvā gamanasajjā ahesuṃ. Satthā aparicchinnena bhikkhusaṅghena parivuto kosalaratṭhaṃ cārikāya nikkhanto gāmanigamaṭṭipāṭiyā ekadivasaṃ gāvutaadḍhayojanatigāvutayojanaparamaṃ cārikaṃ caranto ekasmiṃ padese mahantaṃ susirarukkhaṃ agginā sampajjalitaṃ disvā “imameva vatthuṃ katvā sattahi aṅgehi paṭimaṇḍetvā dhammadeśanaṃ kathessāmi”’ti gamaṇaṃ pacchinditvā aññataraṃ rukkhamūlaṃ upasaṅkamitvā nisajjākāraṃ dassesi. Ānandatthero satthu adhippāyaṃ ṇatvā “addhā kāraṇaṃ bhavissati, na akāraṇena tathāgatā gamaṇaṃ pacchinditvā nisīdanti”’ti catugguṇaṃ saṅghāṭiṃ paññāpesi. Satthā nisīditvā bhikkhū āmantetvā “passatha no tumhe, bhikkhave, amuṃ mahantaṃ aggikkhandha”’nti **aggikkhandhopamasuttantaṃ** (a. ni. 7.72) deseti.

Imasmiṅca pana veyyākaraṇe bhaññamāne saṭṭhimattānaṃ bhikkhūnaṃ uṇhaṃ lohitaṃ mukhato uggañchi, saṭṭhimattā bhikkhū sikkhaṃ paccakkhāya hīnāyāvattiṃsu, saṭṭhimattānaṃ bhikkhūnaṃ anupādāya āsavehi cittāni vimuccīṃsu. Tañhi veyyākaraṇaṃ sutvā saṭṭhimattānaṃ bhikkhūnaṃ nāmakāyo santatto, nāmakāye santatte karajakāyo santatto, karajakāye santatte nidhānagataṃ uṇhaṃ lohitaṃ mukhato uggañchi. Saṭṭhimattā bhikkhū “dukkaraṃ vata buddhasāsane yāvajivaṃ paripuṇṇaṃ parisuddhaṃ brahmacariyaṃ caritu”’nti sikkhaṃ paccakkhāya hīnāyāvattā, saṭṭhimattā bhikkhū satthu

desanābhimukhaṃ ñāṇaṃ pesetvā saha paṭisambhidāhi arahattaṃ pattā.

Tattha yesaṃ uṇhaṃ lohitaṃ mukhato uggañchi, te pārājikaṃ āpajjimsu. Ye gihbhāvaṃ pattā, te khuddānukhuddakāni sikkhāpadāni maddantā vicariṃsu. Ye arahattaṃ pattā, te parisuddhasīlāva ahesuṃ. Satthu dhammadesanā imesaṃ tiṇṇampi saphalāva jātāti. Arahattaṃ pattānaṃ tāva saphalā hotu, itaresaṃ kathaṃ saphalā jātāti? Tepi hi sace imaṃ dhammadesanaṃ na suṇeyyūṃ, pamattāva hutvā ṭhānaṃ jahituṃ na sakkuṇeyyūṃ. Tato nesaṃ taṃ pāpaṃ vaḍḍhamānaṃ apāyesuyeva saṃsīdāpeyya. Imaṃ pana desanaṃ sutvā jātasamvegā ṭhānaṃ jahitvā sāmaṇerabhūmiyaṃ ṭhitā dasa sīlāni pūretvā yoniso manasikāre yuttappayuttā keci sotāpannā keci sakadāgāmino keci anāgāmino ahesuṃ, keci devaloke nibbattiṃsu, evaṃ pārājikāpannānaṃpi saphalā ahoṣi. Itare pana sace imaṃ dhammadesanaṃ na suṇeyyūṃ, gacchante gacchante kāle anupubbena saṅghādisesampi pārājikampi pāpuṇitvā apāyesuyeva uppajjitvā mahādukkhaṃ anubhaveyyūṃ. Imaṃ pana desanaṃ sutvā “aho sallekhitā buddhasāsaṇaṃ, na sakkā amhehi yāvajīvaṃ imaṃ paṭipattiṃ pūretuṃ, sikkhaṃ paccakkhāya upāsakadhammaṃ pūretvā dukkhā muccissāmā”ti gihbhāvaṃ upagamimsu. Te tīsu saraṇesu paṭiṭṭhāya pañca sīlāni rakkhitvā upāsakadhammaṃ pūretvā keci sotāpannā keci sakadāgāmino keci anāgāmino jātā, keci devaloke nibbattāti. Evaṃ tesampi saphalāva ahoṣi.

Imaṃ pana satthu dhammadesanaṃ sutvā devasaṅghā yehipi sutā, yehipi na sutā, sabbesaṃyeva ārocentā vicariṃsu. Bhikkhū sutvā sutvā “dukkaraṃ, bho, buddhānaṃ sāsane yāvajīvaṃ paripuṇṇaṃ parisuddhaṃ brahmacariyaṃ caritu”nti ekakkhaṇeṇeva dasapi bhikkhū vīsatiṃ saṭṭhipi satampi sahaṃsaṃpi bhikkhū gihī honti. Satthā yathāruciyaṃ cārikaṃ caritvā puna jetavanaṃ eva āgantvā bhikkhū āmantesi – “bhikkhave, tathāgato cārikaṃ caramāno ciraṃ ākiṇṇo vihāsi, icchāmaṃ, bhikkhave, aḍḍhamāsaṃ paṭisallīyituṃ, nāmi kenaci upasaṅkamitabbo aññatra ekena piṇḍapātanihāraṇā”ti. Aḍḍhamāsaṃ ekībhāvena vītināmetvā paṭisallānaṃ vuṭṭhito ānandattherena saddhiṃ vihāracārikaṃ caramāno olokitolokitattāhāne tanubhūtaṃ bhikkhusaṅghaṃ disvā jānantoyeva therāṃ pucchi – “ānanda, aññasmiṃ kāle tathāgate cārikaṃ caritvā jetavanaṃ āgate sakalavihāro kāsāvapajjoto isivātappaṭivāto hoti, idāni pana tanubhūto bhikkhusaṅgho dissati, yebhuyyena ca uppaṇḍupaṇḍukajātā bhikkhū, kiṃ nu kho eta”nti? Etarahi bhagavā tumhākaṃ aggikkhandhopamadhammadesanaṃ kathitakālato paṭṭhāya bhikkhū saṃvegappattā hutvā “mayā etaṃ dhammaṃ sabbappakārena paripūretuṃ na sakkhissāma, asammāvattantānaṃ janassa saddhādeyyaṃ paribhuñjituṃ ayutta”nti gihbhāvaṃ saṅkamantīti.

Tasmim khāṇe bhagavato dhammasaṃvego uppajji. Tato therāṃ āha – “mayi paṭisallāne vītināmente na koci mama puttānaṃ ekaṃ assāsaṭṭhānaṃ kathesi. Sāgarassa hi otaraṇatitthāni viya bahūni imasmiṃ sāsane assāsakāraṇāni. Gacchānanda, gandhakuṭipariveṇe buddhāsaṇaṃ paññāpetvā bhikkhusaṅghaṃ sannipātehi”ti. Thero tathā akāsi. Satthā buddhāsanavaragato bhikkhū āmantetvā, “bhikkhave, mettāya sabbapubbabhāgo nāma neva appanā, na upacāro, sattānaṃ hitapharaṇamattamevā”ti vatvā imissā aṭṭhuppattiyā imaṃ cūlaccharāsaṅghātasuttaṃ desesi.

Tattha **accharāsaṅghātamattanti** accharāpharaṇamattam, dve aṅguliyo paharivā saddakaraṇamattanti attho. **Mettācittanti** sabbasattānaṃ hitapharaṇacittam. **Āsevatīti** kathaṃ āsevatī? Āvajjento āsevatī, jānanto āsevatī, passanto āsevatī, paccavekkhanto āsevatī, cittaṃ adhiṭṭhahanto āsevatī, saddhāya adhimuccanto āsevatī, vīriyaṃ paggaṇhanto āsevatī, satim upaṭṭhāpentō āsevatī, cittaṃ samādahanto āsevatī, paññāya pajānanto āsevatī, abhiññeyyaṃ abhijānanto āsevatī, pariññeyyaṃ parijānanto āsevatī, pahātabbaṃ pajahanto āsevatī, bhāvetabbaṃ bhāvento āsevatī, sacchikātabbaṃ sacchikaronto āsevatīti (paṭi. ma. 2.2). Idha pana mettāpubbabhāgena hitapharaṇappavattanamatteneva āsevatīti veditabbo.

**Arittajjhānoti** atucchajjhāno apariccattajjhāno vā. **Viharatīti** iriyati pavattati pāleti yapeti yāpeti carati viharati. Tena vuccati viharatīti. Iminā padena mettāṃ āsevantassa bhikkhuno iriyāpathavihāro kathito. **Satthusāsanakaroti** satthu anusāsanikaro. **Ovādatipakaroti** ovādakārako. Ettha ca sakimvacanaṃ ovādo, punappunavacanaṃ anusāsani. Sammukhāvacanaṃpi ovādo, pesetvā

parammukhāvacaṇaṃ, anusāsānī. Otiṇṇe vatthusmiṃ vacaṇaṃ ovādo, otiṇṇe vā anotiṇṇe vā vatthusmiṃ tantiṭhapanavasena vacaṇaṃ anusāsānī. Evaṃ viseso vedītabbo. Paramatthato pana ovādoti vā anusāsānīti vā ese eke ekaṭṭhe same samabhāge tajiṇṇe taññevāti. Ettha ca “accharāsaṅghātamattampi ce, bhikkhave, bhikkhu mettācittaṃ āsevati”ti idameva satthusāsanañceva ovādo ca, tassa karaṇato esa sāsanakaro ovādatikaroti vedītabbo.

**Amoghanti** atucchaṃ. **Raṭṭhapiṇḍanti** ñātiparivaṭṭaṃ pahāya raṭṭhaṃ nissāya pabbajitena paresaṃ gehato paṭiladdhattā piṇḍapāto raṭṭhapiṇḍo nāma vuccati. **Paribhuñjati** cattāro paribhogā theyyaparibhogo iṇaparibhogo dāyajaparibhogo sāmiparibhogoti. Tattha dussīlassa paribhogo **theyyaparibhogo** nāma. Sīlavato apaccavekkhitaparibhogo **iṇaparibhogo** nāma. Sattannaṃ sekkhānaṃ paribhogo **dāyajaparibhogā** nāma. Khīṇāsavassa paribhogo **sāmiparibhogo** nāma. Tattha imassa bhikkhuno ayaṃ raṭṭhapiṇḍaparibhogo dvīhi kāraṇehi amogho hoti. Accharāsaṅghātamattampi mettācittaṃ āsevanto bhikkhu raṭṭhapiṇḍassa sāmiko hutvā, aṇaṇo hutvā, dāyādo hutvā paribhuñjatītipissa amogho raṭṭhapiṇḍaparibhogo. Accharāsaṅghātamattampi mettaṃ āsevanta bhikkhuno dinnadānaṃ mahatṭhiyaṃ hoti mahapphalaṃ mahānisamsaṃ mahājutikaṃ mahāvippahāntipissa amogho raṭṭhapiṇḍaparibhogo. **Ko pana vādo ye naṃ bahulikarontīti** ye pana imaṃ mettācittaṃ bahulaṃ āsevanti bhāventi punappunaṃ karonti, te amoghaṃ raṭṭhapiṇḍaṃ paribhuñjantīti ettha vattabbameva kiṃ? Evarūpā hi bhikkhū raṭṭhapiṇḍassa sāmīno aṇaṇā dāyādā hutvā paribhuñjantīti.

**54-55.** Catutthe **bhāvetīti** uppādeti vaḍḍheti. Pañcame **manasi karotīti** manasmīṃ karoti. Sesāṃ imesu dvīsūpi tatiye vuttanayeneva vedītabbaṃ. Yo hi āsevati, ayameva bhāveti, ayaṃ manasi karoti. Yena cittaṃ āsevati, teneva bhāveti, tena manasi karoti. Sammāsambuddho pana yāya dhammadhātuyā suppaṭividdhattā desanāvīlāsappatto nāma hoti, tassā suppaṭividdhattā attano desanāvīlāsaṃ dhammissariyataṃ paṭisambhidāpabhedakusalataṃ appaṭihatasabbaññūtaññāṇaṃ nissāya ekakkhaṇe uppannaṃ ekacittameva tīhi koṭṭhāsehi vibhajitvā dassesīti.

**56.** Chaṭṭhe **ye kecīti** aniyāmitavacaṇaṃ. **Akusalāti** tesāṃ niyāmitavacaṇaṃ. Ettāvataṃ sabbākusalā asesato pariyādinnā honti. **Akusalabhāgiyā akusalapakkhikāti** akusalānamevettaṃ nāmaṃ. Akusalāyeva hi ekacce akusalaṃ sahaṇātasena, ekacce upanissayavasena bhajanti ceva, tesāṃ pakkhā bhavanti “akusalabhāgiyā akusalapakkhikā”ti vuccanti. **Sabbete manopubbaṅgamāti** mano pubbaṃ paṭhamataraṃ gacchati etesanti manopubbaṅgamā. Ete hi kiñcāpi manena saddhiṃ ekuppādā ekavattukā ekanirodhā ekārammaṇā ca honti. Yasmā pana tesāṃ mano uppādako kārako janako samuṭṭhāpako nibbattako, tasmā manopubbaṅgamā nāma honti.

**Paṭhamaṃ uppajjati**ti yathā nāma “rājā nikkhanto”ti vutte “rājāyeva nikkhanto, sesā rājasenā nikkhantā anikkhantā”ti pucchitabbakāraṇaṃ natthi, sabbā nikkhantāteva paññāyanti, evameva mano uppannoti vuttakālato paṭṭhāya avasesā sahaṇātasasatṭhasampayuttā uppannā na uppannāti pucchitabbakāraṇaṃ natthi, sabbe te uppannā tveva paññāyanti. Etamatthavasāṃ paṭicca tehi sasatṭhasampayutto ekuppādekanirodhopi samāno mano tesāṃ dhammānaṃ paṭhamaṃ uppajjati vutto. **Anvadevāti** anudeva, saheva ekatoyevāti attho. Byañjanacchāyaṃ pana gahetvā paṭhamaṃ cittaṃ uppajjati, pacchā cetasiṅgāti na gahetabbaṃ. Attho hi paṭisaraṇaṃ, na byañjanaṃ. “Manopubbaṅgamā dhammā, manoseṭṭhā manomayā”ti gāthāyapi eseva nayo.

**57.** Sattame **kusalāti** catubhūmakāpi kusalā dhammā kathitā. Sesāṃ chaṭṭhe vuttanayeneva vedītabbaṃ.

**58.** Aṭṭhame **yathayidaṃ, bhikkhave, pamādoti** ettha, **bhikkhavi** ālapanāṃ, yathā ayaṃ pamādoti attho. **Pamādoti** pamajjanākāro. Vuttañhetamaṃ –

“Tattha katamo pamādo? Kāyaduccarite vā vacīduccarite vā manoduccarite vā pañcasu vā

kāmaguṇesu cittassa vossaggo vossaggānuppadānaṃ kusalānaṃ vā dhammānaṃ bhāvanāya asakkaccakiriyatā asātaaccakiriyatā anattāhitakiriyatā olīnavuttitā nikkhittachandatā nikkhittadhuratā anadhiṭṭhānaṃ ananuyogo anāsevanā abhāvanā abahulīkammaṃ. Yo evarūpo pamādo pamajjanā pamajjitattaṃ, ayaṃ vuccati pamādo’’ti (vibha. 846).

**Uppannā ca kusalā dhammā parihāyantīti** idaṃ jhānavipassanānaṃ vasena vuttaṃ. Maggaphalānaṃ pana sakiṃ uppannānaṃ puna parihānaṃ nāma natthi.

59. Navame appamādo pamādassa paṭipakkhavasena vitthārato veditabbo.

60. Dasame **kosajjanti** kusītabhāvo. Sesam vuttanayamevāti.

Accharāsaṅghātavaggavaṇṇanā.

## 7. Vīriyārambhādivaggavaṇṇanā

61. Sattamassa paṭhame **vīriyārambhoti** catukiccassa sammappadhānavīriyassa ārambho, āraddhapaggahitaparipuṇṇavīriyatāti attho.

62. Dutīye **mahicchatāti** mahālobho. Yaṃ sandhāya vuttaṃ –

‘‘Tattha katamā mahicchatā?

Itarītaracīvarapiṇḍapātasenāsanagilānapaccayabhesajjaparikkhārehi pañcahi vā kāmaguṇehi asantuṭṭhassa bhīyokamyatā, yā evarūpā icchā icchāgatā mahicchatā rāgo sārāgo cittassa sārāgo. Ayaṃ vuccati mahicchatā’’ti (vibha. 850).

63. Tatiye **appicchatāti** alobho. **Appicchassāti** anicchassa. Ettha hi byañjanaṃ sāvasesaṃ viya, attho pana niravaseso. Na hi appamattikāya icchāya atthibhāvena so appicchoti vutto, icchāya pana abhāvena punappunaṃ āsevitassa alobhasseva bhāvena appicchoti vutto.

Apicettha atricchatā, pāpicchatā, mahicchatā appicchatāti ayaṃ bhedo veditabbo. Tattha sakalābhe atittassa paralābhe patthanā **atricchatā** nāma, yāya samannāgatassa ekabhājane pakkapūvepi attano patte patite na supakko viya khuddako ca viya khāyati, sveva pana parassa patte pakkhitto supakko viya mahanto viya ca khāyati. Asantaguṇasambhāvanatā pana paṭiggahaṇe ca amattaññutā **pāpicchatā** nāma, sā ‘‘idhekacco assaddho samāno saddhoti maṃ jano jānātū’’tiadinā nayena abhidhamme āgatāyeva, tāya samannāgato puggalo kohaṇṇe patiṭṭhāti. Santaguṇasambhāvanatā pana paṭiggahaṇe ca amattaññutā **mahicchatā** nāma, sāpi ‘‘idhekacco saddho samāno saddhoti maṃ jano jānātūti icchati, sīlavā samāno sīlavāti maṃ jano jānātū’’ti iminā nayena āgatāyeva. Tāya samannāgato puggalo dussantappayo hoti, vijātamātāpissa cittaṃ gahetuṃ na sakkoti. Tenetaṃ vuccati –

‘‘Aggikkhandho samuddo ca, mahiccho cāpi puggalo;  
Sakaṭena paccaye dentu, tayopete atappayā’’ti.

Santaguṇanigūhanatā pana paṭiggahaṇe ca mattaññutā **appicchatā** nāma, tāya samannāgato puggalo attanī vijjāmanampi guṇaṃ paṭicchādetukāmatāya saddho samāno ‘‘saddhoti maṃ jano jānātū’’ti na icchati. Sīlavā, pavivitto, bahussuto, āraddhavīriyo, samādhisampanno, paññavā, khīṇāsavo samāno ‘‘khīṇāsavoti maṃ jano jānātū’’ti na icchati seyyathāpi **majjhantikathero**.

Thero kira mahākhīṇāsavo ahosi, pattacīvaraṃ panassa pādāmatteva agghati. So asokassa dhammarañño vihāramahadivase saṅghatthero ahosi. Athassa atilūkhabhāvaṃ disvā manussā, ‘‘bhante,

thokaṃ bahi hothā”ti āhaṃsu. Thero “mādise khīṇāsavo rañño saṅgahaṃ akaronte añño ko karissatī”ti pathaviyaṃ nimujjitvā saṅghattherassa ukkhittapiṇḍaṃ gaṇhantoyeva ummujji. Evaṃ khīṇāsavo samāno “khīṇāsavoti maṃ jāno jānātū”ti na icchatī. Evaṃ appiccho ca pana bhikkhu anuppannaṃ lābhaṃ uppādeti, uppannaṃ thāvaraṃ karoti, dāyakānaṃ cittaṃ ārādheti. Yathā yathā hi so attano appicchatāya appaṃ gaṇhāti, tathā tathā tassa vatte pasannā manussā bahū denti.

Aparopi catubbidho appiccho – paccayaappiccho, dhutaṅgaappiccho, pariyattiappiccho, adhigamaappiccho. Tattha catūsu paccayesu appiccho **paccayaappiccho** nāma. So dāyakassa vasaṃ jānāti, deyyadhammassa vasaṃ jānāti, attano thāmaṃ jānāti. Yadi hi deyyadhammo bahu hoti, dāyako appamattakaṃ dātukāmo, dāyakassa vasena appaṃ gaṇhāti. Deyyadhammo appo, dāyako bahuṃ dātukāmo, deyyadhammassa vasena appaṃ gaṇhāti. Deyyadhammopi bahu, dāyakopi bahuṃ dātukāmo, attano thāmaṃ ñatvā pamāṇeneva gaṇhāti.

Dhutaṅgasamādānassa attani atthibhāvaṃ najānāpetukāmo **dhutaṅgaappiccho** nāma. Tassa vibhāvanatthaṃ imāni vatthūni – **sosānikamahākumārathero** kira saṭṭhi vassāni susāne vasi, añño ekabhikkhupi na aññāsi. Tenevāha –

“Susāne saṭṭhi vassāni, abbokiṇṇaṃ vasāmaham;  
Dutiyo maṃ na jāneyya, aho sosānikuttamo”ti.

Cetiyaḥabbate dve **bhātikattherā** vasiṃsu. Kaniṭṭho upaṭṭhākena pesitaṃ ucchukhaṇḍikaṃ gahetvā jeṭṭhassa santikaṃ agamāsi “paribhogaṃ, bhante, karoṭhā”ti. Therassa ca bhattakiccaṃ katvā mukhavikkhālanakālo ahosi. So “alaṃ, āvuso”ti āha. Kacci, bhante, ekāsanikatthāti? Āharāvuso, ucchukhaṇḍikanti paññāsa vassāni ekāsaniko samānopi dhutaṅgaṃ nigūhamāno paribhogaṃ katvā mukhaṃ vikkhāletvā puna dhutaṅgaṃ adhiṭṭhāya gato.

Yo pana **sāketatissatthero** viya bahussutabhāvaṃ jānāpetuṃ na icchatī, ayaṃ **pariyattiappiccho** nāma. Thero kira “khaṇo natthīti uddesaparipucchāsu okāsaṃ akaronto kadā maraṇakkhaṇaṃ, bhante, labhissathā”ti codito gaṇaṃ vissajjetvā kaṇikāravālikasamuddavīhāraṃ gato. Tattha antovassaṃ theranavamajjhimanāṃ upakāro hutvā mahāpavāraṇāya uposathadivase dhammakathāya janapadaṃ khobhetvā gato.

Yo pana sotāpannādīsu aññataro hutvā sotāpannādibhāvaṃ jānāpetuṃ na icchatī, ayaṃ **adhigamaappiccho** nāma tayo kulaputtā (ma. ni. 1.325) viya ghaṭṭikārakumbhakāro (ma. ni. 2.282 ādayo) viya ca. Imasmiṃ panatthe laddhāsevanena balavaalobhena samannāgato sekkhopi puthujjanopi appicchoṭi veditabbo.

**64.** Catutthe **asantuṭṭhitāti** asantuṭṭhe puggale sevantassa bhajantassa payirupāsantassa uppanno asantosasaṅkhāto lobho.

**65.** Pañcame **santuṭṭhitāti** santuṭṭhe puggale sevantassa bhajantassa payirupāsantassa uppanno alobhasaṅkhāto santoso. **Santuṭṭhassāti** itarītarapaccayasantosenā samannāgatassa. So panesa santoso dvādasavidho hoti. Seyyathidaṃ – cīvare yathālābhasantoso, yathābalasantoso, yathāsārupasantosoti tividho. Evaṃ piṇḍapātādīsu.

Tassāyaṃ pabhedasaṃvaṇṇanā – idha bhikkhu cīvaraṃ labhati sundaraṃ vā asundaraṃ vā. So teneva yāpeti aññaṃ na pattheti, labhantopi na gaṇhāti. Ayamassa cīvare **yathālābhasantoso**. Atha pana pakatidubbalo vā hoti ābādhajarābhībhūto vā, garuṃ cīvaraṃ pārupanto kilamati. So sabhāgena bhikkhunā saddhiṃ taṃ parivattetvā lahukena yāpentopi santuṭṭhova hoti. Ayamassa cīvare **yathābalasantoso**. Aparo paṇītapaccayaalābhī hoti. So paṭṭacīvarādīnaṃ aññataraṃ mahagghacīvaraṃ bahūni vā pana cīvarāni labhitvā “idaṃ therānaṃ cirapabbajitānaṃ, idaṃ bahussutānaṃ anurūpaṃ,

idaṃ gilānānaṃ, idaṃ appalābhānaṃ hotū’’ti datvā tesam purāṇacīvaraṃ vā saṅkārakūṭādito vā nantakāni uccinitvā tehi saṅghāṭiṃ katvā dhārentopi santuṭṭhova hoti. Ayamassa cīvare **yathāsārappasantoso**.

Idha pana bhikkhu piṇḍapātaṃ labhati lūkhaṃ vā paṇītaṃ vā, so teneva yāpeti, aññaṃ na pattheti, labhantopi na gaṇhāti. Ayamassa piṇḍapāte **yathālābhasantoso**. Yo pana attano pakativiruddhaṃ vā byādhiviruddhaṃ vā piṇḍapātaṃ labhati, yenassa paribhuttana aphāsu hoti, so sabhāgassa bhikkhuno taṃ datvā tassa hatthato sappāyabhojanaṃ bhuñjitvā samaṇadhammaṃ karontopi santuṭṭhova hoti. Ayamassa piṇḍapāte **yathābalasantoso**. Aparo bahuṃ paṇītaṃ piṇḍapātaṃ labhati. So taṃ cīvaraṃ viya theracirapabbajitabahussutaappalābhagilānānaṃ datvā tesam vā sesakaṃ piṇḍāya vā caritvā missakāhāraṃ bhuñjantopi santuṭṭhova hoti. Ayamassa piṇḍapāte **yathāsārappasantoso**.

Idha pana bhikkhu senāsanaṃ labhati manāpaṃ vā amanāpaṃ vā, so tena neva somanassaṃ na domanassaṃ uppādeti, antamaso tiṇasanthārakenāpi yathāladdheneva tussati. Ayamassa senāsane **yathālābhasantoso**. Yo pana attano pakativiruddhaṃ vā byādhiviruddhaṃ vā senāsanaṃ labhati, yatthassa vasato aphāsu hoti, so taṃ sabhāgassa bhikkhuno datvā tassa santake sappāyaseṇāsane vasantopi santuṭṭhova hoti. Ayamassa senāsane **yathābalasantoso**.

Aparo mahāpuñño leṇamaṇḍapakūṭāgārādīni bahūni paṇītasenāsānāni labhati. So tāni cīvarādīni viya theracirapabbajitabahussutaappalābhagilānānaṃ datvā yattha katthaci vasantopi santuṭṭhova hoti. Ayamassa senāsane **yathāsārappasantoso**. Yopi “uttamasenāsanaṃ nāma pamādaṭṭhānaṃ, tattha nisinnassa thinamiddhaṃ okkamati, niddābhibhūtassa puna paṭibujjhato pāpavitakkā pātubhavanti’’ti paṭisañcikkhitvā tādisaṃ senāsanaṃ pattampi na sampaṭicchati, so taṃ paṭikkhipitvā abbhokāsarukkhamulādīsu vasantopi santuṭṭhova hoti. Ayampissa senāsane **yathāsārappasantoso**.

Idha pana bhikkhu bhesajjaṃ labhati lūkhaṃ vā paṇītaṃ vā, so yaṃ labhati, teneva tussati, aññaṃ na pattheti, labhantopi na gaṇhāti. Ayamassa gilānapaccaye **yathālābhasantoso**. Yo pana telena atthiko phāṇītaṃ labhati, so taṃ sabhāgassa bhikkhuno datvā tassa hatthato telaṃ gahetvā aññaḍeva vā pariyesitvā bhesajjaṃ karontopi santuṭṭhova hoti. Ayamassa gilānapaccaye **yathābalasantoso**.

Aparo mahāpuñño bahuṃ telamadhuphāṇitādīpaṇītabhesajjaṃ labhati. So taṃ cīvaraṃ viya theracirapabbajitabahussutaappalābhagilānānaṃ datvā tesam ābhatena yena kenaci yāpentopi santuṭṭhova hoti. Yo pana ekasmiṃ bhājane muttahaṛitakaṃ ṭhapetvā ekasmiṃ catumadhuraṃ – “gaṇhatha, bhante, yadicchaka’’nti vuccamāno “sacassa tesu aññatarenapi rogo vūpasammati, atha muttahaṛitakaṃ nāma buddhādīhi vaṇṇita’’nti catumadhuraṃ paṭikkhipitvā muttahaṛitakena bhesajjaṃ karontopi paramasantuṭṭhova hoti. Ayamassa gilānapaccaye **yathāsārappasantoso**. Imesaṃ pana paccapakaccayesu tiṇṇaṃ tiṇṇaṃ santosaṇaṃ yathāsārappasantosova aggo.

**66-67.** Chaṭṭhasattamesu ayonisomanasikārayonisomanasikārā heṭṭhā vuttalakkhaṇāva. Sesametta uttānatthamevāti.

**68.** Atṭhame **asampajaññanti** asampajānabhāvo, mohassetam adhivacanaṃ. **Asampajānassāti** ajānantassa sammulhasa.

**69.** Navame **sampajaññanti** sampajānabhāvo, paññāyetaṃ nāmaṃ. **Sampajānassāti** sampajānantassa.

**70.** Dasame **pāpamittatāti** yassa pāpā lāmakā mittā, so pāpamitto. Pāpamittassa bhāvo pāpamittatā, tenākārena pavattānaṃ catunnaṃ khandhānamevetam nāmaṃ. Vuttampi cetam –

“Tattha katamā pāpamittatā? Ye te puggalā assaddhā dussīlā appassutā maccharino

duppañña. Yā tesam sevanā nisevanā samsevanā bhajanā sambhajanā bhatti sambhatti sampavaṅkatā. Ayaṃ vuccati pāpamittatā’’ti (vibha. 901).

Vīriyārambhādivaggavaṇṇanā.

## 8. Kalyāṇamittatādivaggavaṇṇanā

71. Aṭṭhamassa paṭhame **kalyāṇamittatā**ti kalyāṇā mittā assāti kalyāṇamitto, tassa bhāvo kalyāṇamittatā. Sesam vuttapaṭipakkhanayena veditabbaṃ.

72-73. Dutiye **anuyogoti** yogo payogo. **Ananuyogoti** ayogo appayogo. **Anuyogāti** anuyogena. **Ananuyogāti** ananuyogena. **Kusalānaṃ dhammānanti** catubhūmakakusaladhammānaṃ. Tatiyaṃ uttānatthameva.

74. Catutthe **bojjhaṅgāti** bujjanakasattassa aṅgabhūtā satta dhammā. Yāya vā dhammasāmaggiyā so bujjhati, sammohaniddāto vā vuṭṭhāti, catusaccadhammaṃ vā sacchikaroti. Tassā bodhiyā aṅgabhūtātīpi bojjhaṅgā. ‘‘Bojjhaṅgāti kenatṭhena bojjhaṅgā? Bujjhantīti bojjhaṅgā, anubujjhantīti bojjhaṅgā, paṭibujjhantīti bojjhaṅgā, sambujjhantīti bojjhaṅgā, bodhāya samvattantīti bojjhaṅgā’’ti (paṭi. ma. 2.17). Evaṃ panetaṃ padaṃ vibhattameva.

75. Pañcame **bhāvanāpāripūriṃ gacchantīti** iminā padena bojjhaṅgānaṃ yāthāvasarasabhūmi nāma kathitā. Sā panesā catubbidhā hoti – vipassanā, vipassanāpāḍakajjhānaṃ, maggo, phalanti. Tattha vipassanāya uppajjanakāle bojjhaṅgā kāmāvacarā honti, vipassanāpāḍakajjhānaṃhi uppajjanakāle rūpāvacaraarūpāvacarā, maggaphalesu uppajjanakāle lokuttarā. Iti imasmiṃ sutte bojjhaṅgā catubbūmakā kathitā.

76. Chaṭṭhassa aṭṭhuppattiko nikkhepo. Aṭṭhuppattiyāṃ hetam nikkhattam, sambahulā kira bhikkhū dhammasabhāyaṃ sannisinnā. Tesam antare bandhulamallasenāpatim ārabha ayaṃ kathā udapādi, ‘‘āvuso, asukaṃ nāma kulaṃ pubbe bahuñātikam ahoṣi bahupakkham, idāni appaṇātikam appapakkham jāta’’nti. Atha bhagavā tesam cittācāraṃ ñatvā ‘‘mayi gate mahatī desanā bhavissatī’’ti ñatvā gandhakuṭīto nikkhamma dhammasabhāyaṃ paññattavarabuddhāsane nisīditvā ‘‘kāya nuttha, bhikkhave, etarahi kathāya sannisinnā’’ti āha. Bhagavā aññā gāmanigamādikathā natthi, asukaṃ nāma kulaṃ pubbe bahuñātikam ahoṣi bahupakkham, idāni appaṇātikam appapakkham jātanti vadantā nisinnamhāti. Satthā imissā aṭṭhuppattiyā **appamattikā esā, bhikkhave, parihānīti** idaṃ suttaṃ ārabhi.

Tattha **appamattikāti** parittā parittappamāṇā. Etāya hi parihāniyā saggato vā maggato vā parihāni nāma natthi, diṭṭhadhammikaparihānimattameva etanti āha. **Etam patikiṭṭhanti** etaṃ pacchimaṃ etaṃ lāmakam. **Yadidaṃ paññāparihānīti** yā esā mama sāsane kammassakatapaññāya jhānapaññāya vipassanāpaññāya maggapaññāya phalapaññāya ca parihāni, esā pacchimā, esā lāmakā, esā chaḍḍanīyāti attho.

77. Sattamampi aṭṭhuppattiyameva kathitaṃ. Dhammasabhāyaṃ kira nisennesu bhikkhūsu ekacce evaṃ āhaṃsu – ‘‘asukaṃ nāma kulaṃ pubbe appaṇātikam appapakkham ahoṣi, idāni tam bahuñātikam bahupakkham jāta’’nti. Kam sandhāya evamāhaṃsūti? Visākham upāsikam vesālike ca licchavī. Satthā tesam cittācāraṃ ñatvā purimanayeneva āgantvā dhammāsane nisinnā ‘‘kāya nuttha, bhikkhave, etarahi kathāya sannisinnā’’ti pucchi. Te yathābhūtaṃ kathayimṃsu. Satthā imissā aṭṭhuppattiyā imaṃ suttaṃ ārabhi. Tattha **appamattikāti** tam sampattim nissāya saggam vā maggam vā sampattānaṃ abhāvato parittā. **Yadidaṃ paññāvuddhīti** kammassakatapaññādīnaṃ vuddhi. **Tasmāti** yasmā ñātīnaṃ vuddhi nāma diṭṭhadhammikamattā appā parittā, sā saggam vā maggam vā pāpetum asamattā, tasmā. **Paññāvuddhiyāti** kammassakatādipaññāya vuddhiyā.



78. Aṭṭhamampi aṭṭhuppattiyameva kathitaṃ. Sambahulā kira bhikkhū dhammasabhāyaṃ sannisinnā mahāadhanasetṭhiputtaṃ ārabha “asukāṃ nāma kulāṃ pubbe mahābhogaṃ mahāhiraññasuvaṇṇaṃ ahoṣi, taṃ idāni appabhogaṃ jāta”nti kathayaṃsu. Sathā purimanayeneva āgantvā tesāṃ vacanaṃ sutvā imaṃ suttaṃ ārabhi.

79. Navamampi aṭṭhuppattiyameva vuttaṃ. Dhammasabhāyaṃ kira sannisinnā bhikkhū kākavaliyasetṭhiṅca puṇṇasetṭhiṅca ārabha “asukāṃ nāma kulāṃ pubbe appabhogaṃ ahoṣi, taṃ idāni mahābhogaṃ jāta”nti kathayaṃsu. Sathā purimanayeneva āgantvā tesāṃ vacanaṃ sutvā imaṃ suttaṃ ārabhi. Sesāṃ imesu dvīsupi heṭṭhā vuttanayeneva veditabbaṃ.

80. Dasamampi aṭṭhuppattiyāṃ vuttaṃ. Dhammasabhāyaṃ kira bhikkhū kosalamahārājānaṃ ārabha “asukāṃ nāma kulāṃ pubbe mahāyasaṃ mahāparivāraṃ ahoṣi, idāni appayasaṃ appaparivāraṃ jāta”nti kathayaṃsu. Bhagavā purimanayeneva āgantvā tesāṃ vacanaṃ sutvā imaṃ dhammadesanaṃ ārabhi. Sesāṃ vuttanayeneva veditabbanti.

Kalyāṇamittatādivaggaṇṇanā.

## 9. Pamādādivaggaṇṇanā

81. Navamassāpi paṭhamaṃ aṭṭhuppattiyameva kathitaṃ. Sambahulā kira bhikkhū dhammasabhāyaṃ nisinnā kumbhaghosakaṃ ārabha “asukāṃ nāma kulāṃ pubbe appayasaṃ appaparivāraṃ ahoṣi, idāni mahāyasaṃ mahāparivāraṃ jāta”nti kathayaṃsu. Sathā purimanayeneva āgantvā tesāṃ vacanaṃ sutvā imaṃ suttaṃ ārabhi. Tassattho heṭṭhā vuttanayeneva veditabbo.

82. Dutiyādīsu **mahato anattāyāti** mahantassa anattassa atthāya. Sesamettha uttānamevāti.

Pamādādivaggaṇṇanā.

## 10. Dutiyapamādādivaggaṇṇanā

98. Dasame **ajjhāntikanti** niyakajjhāntavasena ajjhāntikaṃ. **Aṅganti** kāraṇaṃ. **Iti karitvāti** evaṃ katvā. Imaṃ vuttaṃ hoti – bhikkhave, ajjhāntaṃ paccattaṃ attano santāne samuṭṭhitaṃ kāraṇanti katvā na aññaṃ ekaṃ kāraṇampi samanupassāmīti.

110-114. **Bāhiranti** ajjhāntasantānato bahi bhavaṃ. **Saddhammassāti** suddhammassa, sāsanaṃ sātī attho. **Sammasāyāti** vināsāya. **Antaradhānāyāti** apaññāntathāya.

115. **Ṭhitiyāti** ciraṭṭhitatthaṃ. **Asammasāya anantaradhānāyāti** vuttapaṭipakkhanayeneva veditabbaṃ. Sesamettha catukkoṭṭike vuttanayameva.

130. Ito paresu **adhammaṃ dhammoti dīpentī**tiādīsu suttantapariyāyena tāva dasa kusalakammaṃ pathā dhammo, dasa akusalakammaṃ pathā adhammo. Tathā cattāro satipaṭṭhānā cattāro sammappadhānā cattāro iddhipādā pañcindriyāni pañca balāni satta bojjaṅgā ariyo aṭṭhaṅgiko maggoti sattaṃsa bodhipakkhiyadhammā dhammo nāma; tayo satipaṭṭhānā tayo sammappadhānā tayo iddhipādā cha indriyāni cha balāni aṭṭha bojjaṅgā navaṅgiko maggoti ca cattāro upādānā pañca nīvaraṇāni satta anusayā aṭṭha micchattāni ca ayaṃ adhammo.

Tattha yaṃkiñci ekaṃ adhammakotṭhāsaṃ gahetvā “imaṃ adhammaṃ dhammoti karissāma, evaṃ amhākaṃ ācariyakulaṃ niyyānikaṃ bhavissati, mayaṃ ca loke pākāṭā bhavissāmā”ti taṃ adhammaṃ

“dhammo aya”nti kathayantā **adhammaṃ dhammoti** dīpenti nāma. Tatheva dhammakotṭhāsesu ekaṃ gahetvā “ayaṃ adhammo”ti kathentā **dhammaṃ adhammoti** dīpenti nāma. Vinayapariyāyena pana bhūtena vatthunā codetvā sāretvā yathapaṭiññāya kattabbaṃ kammaṃ dhammo nāma, abhūtena vatthunā acodetvā asāretvā apaṭiññāya kattabbaṃ kammaṃ adhammo nāma.

Suttantapariyāyena rāgavinayo dosavinayo mohavinayo saṃvaro pahānaṃ paṭisaṅkhāti ayaṃ **vinayo** nāma, rāgādīnaṃ avinayo asaṃvaro appahānaṃ apaṭisaṅkhāti ayaṃ **avinayo** nāma. Vinayapariyāyena vatthusampatti, ñattisampatti, anussāvanasampatti, sīmāsampatti, parisasampattīti ayaṃ vinayo nāma. Vatthuvipatti, ñattivipatti, anussāvanavipatti, sīmāvipatti parisavipattīti ayaṃ avinayo nāma.

Suttantapariyāyena cattāro satipaṭṭhānā cattāro sammappadhānā...pe... ariyo aṭṭhaṅgiko maggoti idaṃ **bhāsitaṃ lapitaṃ tathāgatena**; tayo satipaṭṭhānā tayo sammappadhānā tayo iddhipādā cha indriyāni cha balāni aṭṭha bojjhaṅgā navaṅgiko maggoti idaṃ **abhāsitaṃ alapitaṃ tathāgatena**. Vinayapariyāyena cattāro pārājikā terasa saṅghādisesā dve aniyatā tiṃsa nissaggiyā pācittiyāti idaṃ bhāsitaṃ lapitaṃ tathāgatena; tayo pārājikā cuddasa saṅghādisesā tayo aniyatā ekatiṃsa nissaggiyā pācittiyāti idaṃ abhāsitaṃ alapitaṃ tathāgatena.

Suttantapariyāyena devasikaṃ phalasaṃpattisaṃpajjanaṃ mahākaruṇāsaṃpattisaṃpajjanaṃ buddhacakkhunā lokavolokanaṃ aṭṭhuppattivāsena suttantadesanā jātakakathāti idaṃ **āciṇṇaṃ**, na devasikaṃ phalasaṃpattisaṃpajjanaṃ...pe... na jātakakathāti idaṃ **anāciṇṇaṃ**. Vinayapariyāyena nīmantitassa vassāvāsaṃ vasitvā apaloketvā cārikāpakkamaṃ pavāretvā cārikāpakkamaṃ, āgantukehi saddhiṃ paṭhamam paṭisaṅhāraṇanti idaṃ āciṇṇaṃ, tasseva āciṇṇassa akaraṇam anāciṇṇaṃ nāma.

Suttantapariyāyena cattāro satipaṭṭhānā...pe... aṭṭhaṅgiko maggoti idaṃ **paññattaṃ** nāma; tayo satipaṭṭhānā...pe... navaṅgiko maggoti idaṃ **apaññattaṃ** nāma. Vinayapariyāyena cattāro pārājikā...pe... tiṃsanissaggiyā pācittiyāti idaṃ paññattaṃ nāma; tayo pārājikā...pe... ekatiṃsa nissaggiyā pācittiyāti idaṃ apaññattaṃ nāma.

Yaṃ panetaṃ sabbasuttānaṃ pariyosāne **tecimaṃ saddhammaṃ antaradhāpentīti** vuttaṃ, tattha **pañca antaradhānāni** nāma adhigamaantaradhānaṃ, paṭipattiantaradhānaṃ, pariyattiantaradhānaṃ, līngaantaradhānaṃ, dhātuantaradhānanti. Tattha **adhigamoti** cattāro maggā, cattāri phalāni, catasso paṭisambhidā, tisso vijjā, cha abhiññāti. So parihāyamāno paṭisambhidāto paṭṭhāya parihāyati. Buddhānaṃ hi parinibbānato vassasahassameva paṭisambhidā nibbattetuṃ sakkonti, tato paraṃ cha abhiññā, tato tāpi nibbattetuṃ asakkontā tisso vijjā nibbattenti. Gacchante gacchante kāle tāpi nibbattetuṃ asakkontā sukkhavipassakā honti. Eteneva upāyena anāgāmino sakadāgāmino sotāpannāti. Tesu dharantesu adhigamo anantarāhito nāma na hoti. Pacchimakassa pana sotāpannassa jīvitakkhayena adhigamo antarāhito nāma hoti. Idaṃ **adhigamaantaradhānaṃ** nāma.

Paṭipattiantaradhānaṃ nāma jhānavipassanāmaggaṃ phalāni nibbattetuṃ asakkontā catupārisuddhisīlamattaṃ rakkhanti. Gacchante gacchante kāle “sīlaṃ paripuṇṇaṃ katvā rakkhāma, padhānaṃ anuyuñjāma, na ca maggaṃ vā phalaṃ vā sacchikātuṃ sakkoma, natthi idāni ariyadhammapaṭivedho”ti voṣānaṃ āpajjitvā kosajjabahulā aññamaññaṃ na codenti na sārenti akukkucakā honti, tato paṭṭhāya khuddānukhuddakāni maddanti. Gacchante gacchante kāle pācittiyathullaccayāni āpajjanti, tato garukāpattim. Pārājikamattameva tiṭṭhati. Cattāri pārājikāni rakkhantānaṃ bhikkhūnaṃ satepi sahassepi dharamāne paṭipatti anantarāhitā nāma na hoti. Pacchimakassa pana bhikkhuno sīlabhedena vā jīvitakkhayena vā antarāhitā hotīti idaṃ **paṭipattiantaradhānaṃ** nāma.

**Pariyattīti** teṭṭakam buddhavacanaṃ sātṭhakathā pāli. Yāva sā tiṭṭhati, tāva pariyatti paripuṇṇā

nāma hoti. Gacchante gacchante kāle rājayuvarājāno adhammikā honti, tesu adhammikesu rājāmaccādayo adhammikā honti, tato raṭṭhajanapadavāsini. Etesaṃ adhammikataṃ devo na sammā vassati, tato sassāni na sampajjanti. Tesu asampajjantesu paccayadāyakā bhikkhusaṅghassa paccaye dātum na sakkonti, bhikkhū paccayehi kilamantā antevāsike saṅgahetum na sakkonti. Gacchante gacchante kāle pariyatti parihāyati, atthavasena dhāretum na sakkonti, pāḷivaseneva dhārenti. Tato gacchante gacchante kāle pāḷimpi sakalaṃ dhāretum na sakkonti, paṭhamam abhidhammapiṭakam parihāyati. Parihāyamānam matthakato paṭṭhāya parihāyati. Paṭhamameva hi paṭṭhānamahāpakaraṇam parihāyati, tasmim parihīne yamakam, kathāvatthu, puggalapaññatti, dhātukathā, vibhaṅgo, dhammasaṅgahoti.

Evaṃ abhidhammapiṭake parihīne matthakato paṭṭhāya suttantapiṭakam parihāyati. Paṭhamañhi aṅguttaranikāyo parihāyati, tasmimpi paṭhamam ekādasakanipāto, tato dasakanipāto...pe... tato ekakanipātoti. Evaṃ aṅguttare parihīne matthakato paṭṭhāya saṃyuttanikāyo parihāyati. Paṭhamam hi mahāvaggo parihāyati, tato saḷāyatanavaggo, khandhavaggo, nidānavaggo, sagāthāvaggoti. Evaṃ saṃyuttanikāye parihīne matthakato paṭṭhāya majjhimanikāyo parihāyati. Paṭhamam hi uparipaṇṇāsako parihāyati, tato majjhimaṇṇāsako, tato mūlapaṇṇāsakoti. Evaṃ majjhimanikāye parihīne matthakato paṭṭhāya dīghanikāyo parihāyati. Paṭhamañhi pāthikavaggo parihāyati, tato mahāvaggo, tato sīlakkhandhavaggoti. Evaṃ dīghanikāye parihīne suttantapiṭakam parihīnam nāma hoti. Vinayapiṭakena saddhim jātakameva dhārenti. Vinayapiṭakam lajjinova dhārenti, lābhakāma pana “suttante kathitepi sallakkhentā natthī” ti jātakameva dhārenti. Gacchante gacchante kāle jātakampi dhāretum na sakkonti. Atha tesam paṭhamam vessantarajātakam parihāyati, tato paṭilomakkamena puṇṇakajātakam, mahānāradajātakanti pariyosāne apanṇakajātakam parihāyati. Evaṃ jātake parihīne vinayapiṭakameva dhārenti.

Gacchante gacchante kāle vinayapiṭakampi matthakato paṭṭhāya parihāyati. Paṭhamañhi parivāro parihāyati, tato khandhako, bhikkhunīvibhaṅgo, mahāvibhaṅgoti anukkamena uposathakkhandhakamattameva dhārenti. Tadāpi pariyatti antarahitā na hoti. Yāva pana manussesu cātuppadiḅagāthāpi pavattati, tāva pariyatti anantarahitāva hoti. Yādā saddho pasanno rājā hatthikkhandhe suvaṇṇacaṅkoṭakamhi sahasatthavikam ṭhapāpetvā “buddhehi kathitam cātuppadiḅagātham jānanto imam sahasam gaṇhatū” ti nagare bherim carāpetvā gaṇhanakam alabhitvā “ekavāram carāpīte nāma suṇantāpi honti assuṇantāpi” ti yāvatiyam carāpetvā gaṇhanakam alabhitvā rājapurisā tam sahasatthavikam puna rājakulam pavesenti, tadā pariyatti antarahitā nāma hoti. Idam **pariyattiantaradhānam** nāma.

Gacchante gacchante kāle cīvaraggahaṇam pattaḅgahaṇam sammiṅjanapasāraṇam ālokitavilokitam na pāsādikam hoti. Niḅaṅṭhasamaṇā viya alābupattam bhikkhū pattam agḅabāhāya pakkhipitvā ādāya vicaranti, ettāvatapi līḅgam anantarahitameva hoti. Gacchante gacchante pana kāle agḅabāhato otāretvā hatthena vā sikkāya vā olambitvā vicaranti, cīvarampi rajanasāruppam akatvā oṭṭhaṭṭhivaṇṇam katvā vicaranti. Gacchante gacchante kāle rajanampi na hoti dasacchindanampi ovaṭṭikavijjhanampi, kappamattam katvā vaḷaṅḅenti. Puna ovaṭṭikam vijjhivā kappam na karonti. Tato ubhayampi akatvā dasā chetvā paribbājakā viya caranti. Gacchante gacchante kāle “ko iminā amhākam attho” ti khuddakam kāśāvakaḅam hatthe vā gīvāya vā bandhanti, kesesu vā allīyāpenti, dārabharaṇam vā karontā kasitvā vapitvā jīvikam kappetvā vicaranti. Tadā dakkhiṇam dentā saṅham uddissa etesam denti. Idam sandhāya bhagavatā vuttam – “bhavissanti kho, paṇānanda, anāḅatamaddhānam gotrabhuno kāśāvakaṅṭhā dussīlā pāpadhammā, tesu dussīlesu saṅham uddissa dānam dassanti, tadāpāham, ānanda, saṅhagatam dakkhiṇam asaṅkheyyam appameyyam vadāmī” ti (ma. ni. 3.380). Tato gacchante kāle nānāvidhāni kammāni karontā “papaṅico esa, kiṃ iminā amhāka” nti kāśāvakaḅam chinditvā araṅṅe khipanti. Etasmim kāle līḅgam antarahitam nāma hoti. Kassapadasabalassa kira kālato paṭṭhāya yonakānam setavattham pārupitvā caraṇam cārittam jātanti. Idam **līḅgantaradhānam** nāma.

Dhātuantaradhānam pana evam veditabbam – tīṅi parinibbānāni, kilesaparinibbānam –

khandhparinibbānaṃ, dhātuparinibbānanti. Tattha kilesaparinibbānaṃ bodhipallaṅke ahoṣi, khandhparinibbānaṃ kusinārāyaṃ, dhātuparinibbānaṃ anāgate bhavissati. Kathaṃ? Tato tattha tattha sakkārasammānaṃ alabhamānā dhātuyo buddhānaṃ adhiṭṭhānabalena sakkārasammānalabhanakaṭṭhānaṃ gacchanti. Gacchante gacchante kāle sabbaṭṭhānesu sakkārasammāno na hoti. Sāsanassa hi osakkanakāle imasmiṃ tambapaṇṇidīpe sabbā dhātuyo sannipatitvā mahācetiyaṃ, tato nāgadīpe rājāyatanacetiyaṃ, tato bodhipallaṅkaṃ gamissanti. Nāgabhavanatopi devalokatopi brahmalokatopi dhātuyo mahābodhipallaṅkameva gamissanti. Sāsapamattāpi dhātu antarā na nassissati. Sabbā dhātuyo mahābodhimaṇḍe sannipatitvā buddharūpaṃ gahetvā bodhimaṇḍe pallaṅkena nisinnabuddhasarīrasiriṃ dassenti. Dvattiṃsa mahāpurisalakkhaṇāni asīti anubyañjanāni byāmapabhāti sabbaṃ paripuṇṇameva hoti. Tato yamakapāṭihāriyadivase viya pāṭihāriyaṃ katvā dassenti. Tadā manussabhūtasatto nāma tattha gato natthi, dasasahassacakkavāle pana devatā sabbāva sannipatitvā “ajja dasabalo parinibbāyati, itodāni paṭṭhāya andhakāraṃ bhavissati”ti paridevanti. Atha dhātusarīrato tejo samuṭṭhāya taṃ sarīraṃ apanṇattikabhāvaṃ gameti. Dhātusarīrato samuṭṭhitā jālā yāva brahmalokā uggacchissati, sāsapamattāya sesāyapi dhātuyā sati ekajālāva bhavissati. Dhātūsu pariyādānaṃ gatāsu pacchijjissati. Evaṃ mahantaṃ ānubhāvaṃ dassetvā dhātuyo antaradhāyanti. Tadā sannipatitā devasaṅghā buddhānaṃ parinibbutadivase viya dibbagandhamālātūriyādīhi sakkāraṃ katvā tikkhattuṃ padakkhiṇaṃ katvā vanditvā “anāgate uppajjanakaṃ buddhaṃ passituṃ labhissāma bhagavā”ti vatvā sakasakaṭṭhānameva gacchanti. Idaṃ **dhātuantaradhānaṃ** nāma.

Imassa pañcavidhassa antaradhānassa pariyattiantaradhānameva mūlaṃ. Pariyattiyā hi antarahitāya paṭipatti antaradhāyati, pariyattiyā ṭhitāya paṭipatti patitṭhāti. Teneva imasmiṃ dīpe caṇḍālatissamahābhaye sakko devarājā mahāuḷumpaṃ māpetvā bhikkhūnaṃ ārocāpesi “mahantaṃ bhayaṃ bhavissati, na sammā devo vassissati, bhikkhū paccayehi kilamantā pariyattiṃ sandhāretuṃ na sakkhissanti, paratīraṃ gantvā ayyehi jīvitaṃ rakkhituṃ vaṭṭati. Imaṃ mahāuḷumpaṃ āruya gacchatha, bhante. Yesaṃ ettha nisajjaṭṭhānaṃ nappahoti, te kaṭṭhakhaṇḍepi uraṃ ṭhapetvā gacchantu, sabbesampi bhayaṃ na bhavissati”ti. Tadā samuddatīraṃ patvā saṭṭhi bhikkhū katikaṃ katvā “amhākaṃ ettha gamanakiccaṃ natthi, mayaṃ idheva hutvā tepiṭakaṃ rakkhissāmā”ti tato nivattitvā dakkhiṇamalayajanapadaṃ gantvā kandaṃūlapanṇehi jīvikaṃ kappentā vasimsu. Kāye vahante nisīditvā sajjhāyaṃ karonti, avahante vālikaṃ ussāretvā parivāretvā sīsāni ekaṭṭhāne katvā pariyattiṃ sammasanti. Iminā niyāmena dvādasa saṃvaccharāni sātṭhakathaṃ tepiṭakaṃ paripuṇṇaṃ katvā dhārayimsu.

Bhaye vūpasante sattasatā bhikkhū attano gataṭṭhāne sātṭhakathe tepiṭake ekakkharampi ekabyañjanampi anāsetvā imameva dīpamāgama kallaḡāmajanapade maṇḍalārāmahāvihāraṃ pavisimsu. Therānaṃ āgamanappavattiṃ sutvā imasmiṃ dīpe ohīnā saṭṭhi bhikkhū “there passissāmā”ti gantvā therehi saddhiṃ tepiṭakaṃ sodhentā ekakkharampi ekabyañjanampi asamentaṃ nāma na passimsu. Tasmīṃ ṭhāne therānaṃ ayaṃ kathā udapādi “pariyatti nu kho sāsanassa mūlaṃ, udāhu paṭipatti”ti. Paṃsukūlikattherā “paṭipattimūla”nti āhaṃsu, dhammakathikā “pariyatti”ti. Atha ne therā “tumahākaṃ dvinnaṃpi janānaṃ vacanamatteneva na karoma, jinabhāsitaṃ suttaṃ āharathā”ti āhaṃsu. Suttaṃ āharitūṃ na bhāroti “ime ca, subhadda, bhikkhū sammā vihareyyuṃ, asuñño loko arahantehi assāti (dī. ni. 2.214). Paṭipattimūlakaṃ, mahārāja, satthusāsanāṃ paṭipattisāraṃ. Paṭipattiyā dharantāya tiṭṭhati”ti (mi. pa. 4.1.7) suttaṃ āharimsu. Imaṃ suttaṃ sutvā dhammakathikā attano vādathapanatthāya imaṃ suttaṃ āharimsu –

“Yāva tiṭṭhanti suttantā, vinayo yāva dippati;  
Tāva dakkhanti ālokaṃ, sūriye abbhuṭṭhite yathā.

“Suttantesu asantesu, pamuṭṭhe vinayamhi ca;  
Tamo bhavissati loke, sūriye atthaṅgate yathā.

“Suttante rakkhite sante, paṭipatti hoti rakkhitā;

Paṭipattiyam ṭhito dhīro, yogakkhemā na dhamṣatī’ṭi.

Imasmim sutte āhaṭe paṃsukūlikattherā tuṅhī ahesuṃ, dhammakathikattherānaṃyeva vacanaṃ purato ahosi. Yathā hi gavasatassa vā gavasahassassa vā antare paveṇipālikāya dhenuyā asati so vaṃso sā paveṇi na ghaṭiyati, evamevaṃ āradhaviṃpassakānaṃ bhikkhūnaṃ satepi sahassepi saṃvijjamāne pariyattiyā asati ariyamaggapaṭivedho nāma na hoti. Yathā ca nidhikumbhiyā jānanatthāya pāsānapitṭhe akkharesu ṭhapitesu yāva akkharāni dharanti, tāva nidhikumbhi natṭhā nāma na hoti. Evamevaṃ pariyattiyā dharamānāya sāsanaṃ antarahitaṃ nāma na hotīti.

Dutiyapamādādivaggavaṇṇanā.

## 11. Adhammavaggavaṇṇanā

140. Ekādasame vagge **adhammaṃ adhammoti**ādīni vuttanayeneva veditabbāni. Sesamettha uttānamevāti.

Adhammavaggavaṇṇanā.

## 12. Anāpattivaggavaṇṇanā

150. Dvādasame pana **anāpattiṃ āpatti**tiādīsu “anāpatti ajānantassa atheyyacittassa namaraṇādhippāyassa anullapanādhippāyassa namocanādhippāyassā”ṭi tattha tattha vuttā anāpatti **anāpatti** nāma, “jānantassa theyyacittassā”ṭiādīni nayena vuttā āpatti **āpatti** nāma, pañcāpattikkhandhā **lahukāpatti** nāma, dve āpattikkhandhā **garukāpatti** nāma. Dve āpattikkhandhā **duṭṭhullāpatti** nāma, pañcāpattikkhandhā **aduṭṭhullāpatti** nāma. Cha āpattikkhandhā **sāvasesāpatti** nāma, eko pārājikāpattikkhandho **anavasesāpatti** nāma. **Sappaṭikammāpatti** nāma sāvasesāpattiyeva, **appaṭikammāpatti** nāma anavasesāpattiyeva. Sesam sabbattha uttānamevāti.

Anāpattivaggavaṇṇanā.

## 13. Ekapuggalavaggavaṇṇanā

170. Ekapuggalavaggassa paṭhame **ekapuggaloti** eko puggalo. Ettha **ekoti** dutiyādipaṭikkhepatho gaṇanaparichedo. **Puggaloti** sammutikathā, na paramatthakathā. Buddhassa hi bhagavato duvidhā desanā – sammutidesanā, paramatthadesanā cāti. Tattha “puggalo satto itthī puriso khattiyo brāhmaṇo devo māro”ṭi evarūpā **sammutidesanā**, “aniccaṃ dukkhaṃ anattā khandhā dhātū āyatanāni satipaṭṭhānā”ṭi evarūpā **paramatthadesanā**. Tattha bhagavā ye sammutivasena desanaṃ sutvā atthaṃ paṭivijjhivā mohaṃ pahāya visesaṃ adhigantaṃ samatthā, tesam sammutidesanaṃ deseti. Ye pana paramatthavasena desanaṃ sutvā atthaṃ paṭivijjhivā mohaṃ pahāya visesaṃ adhigantaṃ samatthā, tesam paramatthadesanaṃ deseti.

Tatrāyaṃ upamā – yathā hi desabhāsākusalo tiṇṇaṃ vedānaṃ atthasaṃvaṇṇanako ācariyo ye dāmiḷabhāsāya vutte atthaṃ jānanti, tesam dāmiḷabhāsāya ācikkhati. Ye andhabhāsādīsu aññatarāya bhāsāya, tesam tāya tāya bhāsāya. Evaṃ te māṇavakā chekaṃ byattaṃ ācariyamāgama khippameva sippaṃ uggaṇhanti. Tattha ācariyo viya buddho bhagavā, tayo vedā viya kathetabbabhāve ṭhitāni tīṇi piṭakāni, desabhāsākosallamiva sammutiparamatthakosallaṃ, nānādesabhāsā māṇavakā viya sammutiparamatthavasena paṭivijjhanasamatthā veneyyasattā, ācariyassa dāmiḷabhāsādiācikkhanaṃ viya bhagavato sammutiparamatthavasena desanā veditabbā. Āha cettha –

“Duve saccāni akkhāsi, sambuddho vadatam varo;  
Sammutim paramatthañca, tatiyam nupalabbhati.

“Saṅketavacanam saccam, lokasammutikāraṇā;  
Paramatthavacanam saccam, dhammānam bhūtakāraṇā.

“Tasmā vohārakusalassa, lokanāthassa satthuno;  
Sammutim voharantassa, musāvādo na jāyatī” ti.

Apica aṭṭhahi kāraṇehi bhagavā puggalakatham katheti – hirottappadīpanattham, kammassakatādīpanattham, paccattapurisakāradīpanattham, ānantariyadīpanattham, brahmavihāradīpanattham, pubbenivāsadīpanattham, dakkhiṇāvisuddhidīpanattham, lokasammutiyā appahānatthañcāti. “Khandhadhātuāyatanāni hiriyanti ottappantī” ti hi vutte mahājano na jānāti, sammohamāpajjati, paṭisattu hoti “kimidaṃ khandhadhātuāyatanāni hiriyanti ottappanti nāmā” ti? “Itthī hiriyati ottappati, puriso khattiyo brāhmaṇo devo māro” ti vutte pana jānāti, na sammohamāpajjati, na paṭisattu hoti. Tasmā bhagavā **hirottappadīpanattham** puggalakatham katheti.

“Khandhā kammassakā, dhātuyo āyatanānī” ti vuttepi ese va nayo. Tasmā bhagavā **kammassakatādīpanattham** puggalakatham katheti.

“Veḷuvanādayo mahāvihārā khandhehi kārapitā, dhātūhi āyatanehī” ti vuttepi ese va nayo. Tasmā bhagavā **paccattapurisakāradīpanattham** puggalakatham katheti.

“Khandhā mātarāṃ jīvītā voropenti, pitaraṃ, arahantaṃ, ruhiruppādakammaṃ, saṅghabhedakammaṃ karonti, dhātuyo āyatanānī” ti vuttepi ese va nayo. Tasmā bhagavā **ānantariyadīpanattham** puggalakatham katheti.

“Khandhā mettāyanti, dhātuyo āyatanānī” ti vuttepi ese va nayo. Tasmā bhagavā **brahmavihāradīpanattham** puggalakatham katheti.

“Khandhā pubbenivāsamanussaranti, dhātuyo āyatanānī” ti vuttepi ese va nayo. Tasmā bhagavā **pubbenivāsadīpanattham** puggalakatham katheti.

“Khandhā dānaṃ paṭiggaṇhanti, dhātuyo āyatanānī” ti vuttepi mahājano na jānāti, sammohaṃ āpajjati, paṭisattu hoti “kimidaṃ khandhadhātuāyatanāni paṭiggaṇhanti nāmā” ti? “Puggalā paṭiggaṇhanti sīlavanto kalyāṇadhammo” ti vutte pana jānāti, na sammohaṃ āpajjati, na paṭisattu hoti. Tasmā bhagavā **dakkhiṇāvisuddhidīpanattham** puggalakatham katheti.

Lokasammutiñca buddhā bhagavanto nappajahanti, lokasamaññāya lokaniruttīyā lokābhilāpe thitāyeva dhammaṃ desenti. Tasmā bhagavā **lokasammutiyā appahānatthampi** puggalakatham katheti.

Iti eko ca so puggalo cāti **ekapuggalo**. Kenatṭhena ekapuggalo? Asadisatṭhena guṇavisiṭṭhatṭhena asamasatṭhenāti. So hi dasannaṃ pāramīnaṃ paṭipāṭiyā āvajjanaṃ ādiṃ katvā bodhisambhāraguṇehi ceva buddhaguṇehi ca sesamahājanena asadisoti **asadisatṭhenapi** ekapuggalo. Ye cassa te guṇā, te sesasattānaṃ guṇehi visiṭṭhāti **guṇavisiṭṭhatṭhenapi** ekapuggalo. Purimakā sammāsambuddhā sabbasattehi asamā, tehi saddhiṃ ayameva eko rūpakāyaguṇehi ceva nāmākāyaguṇehi ca samoti **asamasatṭhenapi** ekapuggalo.

**Loketi** tayo lokā – sattaloko, okāsaloko, saṅkhāralokoti. Tesam vitthārakathā visuddhimagge (visuddhi. 1.135-136) vuttā. Tesu idha sattaloko adhippeto. Sattaloke uppajjamānopi cesa na devaloke,

na brahmaloke, manussalokeyeva uppajjati. Manussalokepi na aññasmiṃ cakkavāle, imasmimyeva cakkavāle uppajjati. Tatrāpi na sabbatthānesu.

“Puratthimāya disāya gajaṅgalaṃ nāma nigamo, tassa parena mahāsālā, tato parā paccantimā janapadā, orato majjhe. Puratthimadakkhiṇāya disāya sallavatī nāma nadī, tato parā paccantimā janapadā, orato majjhe. Dakkhiṇāya disāya setakaṇṇikaṃ nāma nigamo, tato parā paccantimā janapadā, orato majjhe. Pacchimāya disāya thūṇaṃ nāma brāhmaṇagāmo, tato parā paccantimā janapadā, orato majjhe. Uttarāya disāya usīraddhajo nāma pabbato, tato parā paccantimā janapadā, orato majjhe”ti (mahāva. 259) evaṃ paricchinne āyāmato tiyojanasate vitthārato aḍḍhateyyayojanasate parikkhepato navayojanasate majjhimadesa uppajjati. Na kevalañca tathāgatova, paccekabuddhā aggasāvaka asīti mahātherā buddhamātā buddhapitā cakkavattī rājā aññe ca sārappattā brāhmaṇagahapatikā ettheva uppajjanti.

**Uppajjamāno uppajjati**ti idaṃ pana ubhayampi vippakatavacanameva. Uppajjamāno bahujanahitāya uppajjati, na aññena kāraṇenāti evaṃ panettha attho veditabbo. Evarūpañcettha lakkhaṇaṃ na sakkā etaṃ aññena saddalakkhaṇena paṭibāhituṃ.

Apica uppajjamāno nāma, uppajjati nāma, uppanno nāmāti ayamettha bhedo veditabbo. Esa hi dīpaṅkarapādāmūlato paṭṭhāya laddhabyākaraṇo buddhakārake dhamme pariyesanto dasa pāramiyo disvā “ime dhammā mayā pūretabbā”ti katasanniṭṭhāno dānapāramiṃ pūrentopi **uppajjamāno** nāma. Sīlapāramī...pe... upekkhāpāramīti imā dasa pāramiyo pūrentopi, dasa upapāramiyo pūrentopi uppajjamāno nāma. Dasa paramatthapāramiyo pūrentopi uppajjamānova nāma. Pañca mahāpariccāge pariccajantopi uppajjamāno nāma. Attatthacariyaṃ nātatthacariyaṃ lokatthacariyaṃ pūrayamānopi uppajjamāno nāma. Kappasatasahassādhikāni cattāri asaṅkhyeyyāni buddhakārake dhamme matthakaṃ pāpentopi uppajjamāno nāma. Vessantarattabhāvaṃ pahāya tusitapure paṭisandhiṃ gahetvā saṭṭhivassasatasahassādhikā sattapaṇṇāsavassakoṭiyo tiṭṭhantopi uppajjamāno nāma. Devatāhi yācito pañcamahāvīlokitaṃ viloketvā mahāmāyādeviyā kucchimhi paṭisandhiṃ gaṇhantopi, anūnādhike dasa māse gabbhavāsaṃ vasantopi uppajjamāno nāma. Ekūnatimsa vassāni agāramajjhe tiṭṭhantopi uppajjamāno nāma. Kāmesu ādīnaṃ nekkhamme ca ānisaṃsaṃ disvā rāhulabhaddassa jātadivase channasahāyo kaṇḍakaṃ vāhanavaraṃ āruya nikkhamantopi uppajjamānova nāma. Tīṇi rajjāni atikkamantopi anomānadīre pabbajantopi uppajjamāno nāma. Chabbassāni mahāpadhānaṃ karontopi uppajjamāno nāma. Paripakkagata ṇaṇe oḷārikāhāraṃ āharantopi uppajjamānova nāma. Sāyanhasamaye visākhapuṇṇamāya mahābodhimaṇḍaṃ āruya mārabalaṃ vidhametvā paṭhamayāme pubbenivāsaṃ anussaritvā majjhimayāme dibbacakkuṃ parisodhetvā pacchimaṃmasamanantare dvādasaṅgaṃ paṭiccasamuppādaṃ anulomapaṭilomato sammāsivā sotāpattimaggā paṭivijjhantopi uppajjamānova nāma. Sotāpattiphalakkhaṇepi sakadāgāmimaggakkhaṇepi sakadāgāmiphallakkhaṇepi anāgāmimaggakkhaṇepi anāgāmiphallakkhaṇepi uppajjamānova nāma. Arahattamaggakkhaṇe pana **uppajjati** nāma. Arahattaphalakkhaṇe **uppanno** nāma. Buddhānaṃ hi sāvakaṇaṃ viya na paṭipāṭiyā iddhividhaññādīni uppajjanti, saheva pana arahattamaggena sakalopi sabbaññutaññādi guṇarāsi āgatova nāma hoti. Tasmā te nipphattasabbakiccattā arahattaphalakkhaṇe uppannā nāma honti. Imasmimpi sutte arahattaphalakkhaṇaṃyeva sandhāya “uppajjati”ti veditabbo, uppanno hotīti ayañhettha attho.

**Bahujanahitāyāti** mahājanassa hitatthāya uppajjati. **Bahujanasukhāyāti** mahājanassa sukhatthāya uppajjati. **Lokānukampāyāti** sattalokassa anukampaṃ paṭicca uppajjati. Katarasattalokassāti? Yo tathāgatassa dhammadesanaṃ sutvā amatapānaṃ pivivā dhammaṃ paṭivijjhi, tassa. Bhagavatā hi mahābodhimaṇḍe sattaṣṭāhaṃ vītināmetvā bodhimaṇḍā isipatanāṃ āgamma “dveme, bhikkhave, antā pabbajitena na sevitaṭṭā”ti dhammacakkappavattanasutte (mahāva. 13; saṃ. ni. 5.1081) desīte āyasmātā aññāsikoṇḍaññattherena saddhiṃ atthārasakoṭisaṅkhā brahmāno amatapānaṃ pivimsu, etassa sattalokassa anukampāya uppanno. Pañcamadivase anattalakkhaṇasuttantapariyosāne (mahāva. 20; saṃ. ni. 3.59) pañcavaggiyā therā arahatte patitthahimsu, etassapi sattalokassa anukampāya uppanno. Tato

yasadārakappamukhe pañcapanṇāsa purise arahatte patiṭṭhāpesi, tato kappāsikavanasanḍe tiṃsa bhaddavaggiye tayo magge ca tīṇi phalāni ca sampāpesi, etassapi sattalokassa anukampāya uppanno. Gayāsīse ādittapariyāyasuttapariyosāne (mahāva. 54) jaṭilasahassaṃ arahatte patiṭṭhāpesi, tālaṭṭhivane bimbisārappamukhā ekādasa nahutā brāhmaṇagahapatikā satthu dhammadesanaṃ sutvā sotāpattiphale patiṭṭhahimsu, ekaṃ nahutaṃ saraṇesu patiṭṭhitaṃ. Tirokuṭṭaanumodanāvasāne caturāsītiyā pānasahasseehi amatapānaṃ pītaṃ. Sumanamālākārasamāgame caturāsītiyā ca. Dhanapālakasamāgame dasahi pānasahasseehi, khadirāṅgārajātakasamāgame caturāsītiyā pānasahasseehi, jambukaājīvakasamāgame caturāsītiyā ca. Ānandasetṭhisamāgame caturāsītiyā ca pānasahasseehi amatapānaṃ pītaṃ. Pāsānakacetiye pārāyanasuttantakathādivase cuddasa koṭiyo amatapānaṃ pivimsu. Yamakapāṭihāriyadivase vīsati pāṇakoṭiyo, tāvatimsabhavane paṇḍukambalasilāya nisīditvā mātaraṃ kāyasakkhiṃ katvā sattappakaraṇaṃ abhidhammaṃ desentassa asīti pāṇakoṭiyo, devorohane tiṃsa pāṇakoṭiyo, sakkapañhasuttante asīti devatāsahassāni amatapānaṃ pivimsu. Mahāsamayasuttante maṅgalasuttante cūlarāhulovāde samacittapaṭipadāyāti imesu catūsu ṭhānesu abhisamayaṃ pattasattānaṃ paricchedo natthi. Etassapi sattalokassa anukampāya uppannoti. Yāvajjadivasā ito paraṃ anāgate ca sāsaṇaṃ nissāya saggamokkhamagge patiṭṭhahantānaṃ vasaṇāpi ayamatto veditabbo.

**Devamanussānanti** na kevalaṃ devamanussānaṃyeva, avasesānaṃ nāgasupaṇṇādīnampi atthāya hitāya sukhāyeva uppanno. Sahetukapaṭisandhike pana maggaphalāsacchikiriyāya bhabbe puggale dassetuṃ etaṃ vuttaṃ. Tasmā etesampi atthāya hitāya sukhāyeva uppannoti veditabbo.

**Katamo ekapuggaloti** ayaṃ pucchā. Pucchā ca nāmesā pañcavidhā hoti – adīṭṭhajotanā pucchā, diṭṭhasaṃsandanaṃ pucchā, vimaticchedanaṃ pucchā, anumatipucchā, kathetukamyatāpucchāti.

Tāsaṃ idaṃ nānattaṃ – katamā **adīṭṭhajotanā pucchā**? Pakatiyā lakkhaṇaṃ aññātaṃ hoti adīṭṭhaṃ atulitaṃ atīritaṃ avibhūtaṃ abhāvitaṃ. Tassa ñāṇāya dassanāya tulanāya tīraṇāya vibhūtatthāya vibhāvanatthāya pañhaṃ pucchati, ayaṃ adīṭṭhajotanā pucchā.

Katamā **diṭṭhasaṃsandanaṃ pucchā**? Pakatiyā lakkhaṇaṃ ñātaṃ hoti diṭṭhaṃ tulitaṃ tīritaṃ vibhūtaṃ vibhāvitaṃ. So aññehi paṇḍitehi saddhiṃ saṃsandanaṭṭhāya pañhaṃ pucchati, ayaṃ diṭṭhasaṃsandanaṃ pucchā.

Katamā **vimaticchedanaṃ pucchā**? Pakatiyā saṃsayapakkhanto hoti vimatipakkhanto dveḥhakajāto “evaṃ nu kho, na nu kho, kiṃ nu kho, kathaṃ nu kho”ti. So vimaticchedanaṭṭhāya pañhaṃ pucchati, ayaṃ vimaticchedanaṃ pucchā.

Katamā **anumatipucchā**? Bhagavā hi bhikkhūnaṃ anumatiyā pañhaṃ pucchati – “taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ, dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu kho taṃ samanupassituṃ etaṃ mama, esohamasmi, eso me attā”ti? “No hetuṃ, bhante”ti, ayaṃ anumatipucchā.

Katamā **kathetukamyatāpucchā**? Bhagavā bhikkhūnaṃ kathetukamyatāya pañhaṃ pucchati – “cattārome, bhikkhave, satipaṭṭhānā. Katame cattāro”ti? Ayaṃ kathetukamyatāpucchāti.

Tattha buddhānaṃ purimā tisso pucchā natthi. Kasmā? Buddhānaṃ hi tīsu addhāsu kiñci saṅkhatāṃ addhāvimuttaṃ vā asaṅkhatāṃ adīṭṭhaṃ ajānitaṃ atulitaṃ atīritaṃ avibhūtaṃ avibhāvitaṃ nāma natthi, tasmā tesāṃ adīṭṭhajotanāpucchā natthi. Yaṃ pana bhagavatā attano ñāṇena paṭividdhaṃ, tassa aññena samaṇena vā brāhmaṇena vā devena vā mārena vā brahmunā vā saddhiṃ saṃsandanaṅkiccaṃ natthi. Tenassa diṭṭhasaṃsandanaṅpucchā natthi. Yasmā panesa akathaṃkathī tiṇṇavicikiccho sabbadhammesu vihatasaṃsayo, tenassa vimaticchedanaṅpucchā natthi. Itarā pana dve pucchā bhagavato atthi, tāsu ayaṃ kathetukamyatāpucchāti veditabbā.



Idāni tāya pucchāya puṭṭhaṃ ekapuggalaṃ vibhāvento **tathāgato arahaṃ sammāsambuddhoti** āha. Tattha **tathāgatoti** aṭṭhahi kāraṇehi bhagavā tathāgato – tathā āgatoti tathāgato, tathā gatoti tathāgato, tathalakkhaṇaṃ āgatoti tathāgato, tathadhamme yāthāvato abhisambuddhoti tathāgato, tathadassitāya tathāgato, tathavāditāya tathāgato, tathākāritāya tathāgato, abhibhavanaṭṭhena tathāgatoti.

Kathaṃ bhagavā **tathā āgatoti tathāgato**? Yathā sabbalokahitāya ussukkamāpannā purimakā sammāsambuddhā āgatā, yathā vipassī bhagavā āgato, yathā sikhī bhagavā, yathā vessabhū bhagavā, yathā kakusandho bhagavā, yathā koṇāgamano bhagavā, yathā kassapo bhagavā āgatoti. Kiṃ vuttaṃ hoti? Yena abhinīhārena ete bhagavanto āgatā, teneva amhākampi bhagavā āgato. Atha vā yathā vipassī bhagavā...pe... yathā kassapo bhagavā dānapāramiṃ pūretvā, sīlanekkhammaṇṇāvīriyakhantisaccādhiṭṭhānamettāupekkhāpāramiṃ pūretvā imā dasa pāramiyo, dasa upapāramiyo, dasa paramatthapāramiyoti samatiṃsa pāramiyo pūretvā, aṅgapariccāgaṃ nayanadhanarajjaputtadārapariccāgantī ime pañca mahāpariccāge pariccajītvā, pubbayogapubbacariyadhammakkhānañātathacariyādayo pūretvā buddhicariyāya koṭiṃ patvā āgato, tathā amhākampi bhagavā āgato. Yathā ca vipassī bhagavā ...pe... kassapo bhagavā cattāro satipaṭṭhāne cattāro sammappadhāne cattāro iddhipāde pañcendriyāni pañca balāni satta bojjhaṅge ariyaṃ aṭṭhaṅgikaṃ maggaṃ bhāvetvā brūhetvā āgato, tathā amhākampi bhagavā āgatoti tathāgato.

“Yatheva lokamhi vipassīādayo,  
Sabbaññubhāvaṃ munayo idhāgatā;  
Tathā ayaṃ sakyamunīpi āgato,  
Tathāgato vuccati tena cakkhumā”ti.

Evam tathā āgatoti tathāgato.

Kathaṃ **tathā gatoti tathāgato**? Yathā sampatijāto vipassī bhagavā gato...pe... kassapo bhagavā gato. Kathaṅca so gatoti? So hi sampatijātova samehi pādehi pathaviyaṃ patiṭṭhāya uttarābhimukho sattapadavītiḥārena gato. Yathāha – “sapatijāto, ānanda, bodhisatto samehi pādehi pathaviyaṃ patiṭṭhahitvā uttarābhimukho sattapadavītiḥārena gacchati setamhi chatte anudhāriyamāne, sabbā ca disā anuviloketi, āsabiṅca vācaṃ bhāsati ‘aggohamasmi lokassa, jeṭṭhohamasmi lokassa, seṭṭhohamasmi lokassa, ayamantimā jāti, natthi dāni punabbhavo””ti (ma. ni. 3.207). Tañcassa gamanaṃ tathaṃ ahosi avitathaṃ anekesaṃ visesādhigamānaṃ pubbanimittabhāvena. Yañhi so sampatijātova samehi pādehi patiṭṭhahi, idamassa caturiddhipādapaṭilābhassa pubbanimittaṃ, uttarābhimukhabhāvo pana sabbalokuttarabhāvassa pubbanimittaṃ, sattapadavītiḥāro sattabojjhaṅgaratanapaṭilābhassa, “suvaṇṇadaṇḍā vītipatanti cāmarā”ti (su. ni. 693) ettha vuttacāmarukkhepo pana sabbatitthiyanimathanassa pubbanimittaṃ, setacchattadhāraṇaṃ arahattaphalavimuttivaravimalasetacchattapaṭilābhassa pubbanimittaṃ, sabbadisānuvilokanaṃ sabbaññutānāvarenañāpaṭilābhassa pubbanimittaṃ, āsabhivācābhāsaṇaṃ appaṭivattiyavaradhammacakkappavattanassa pubbanimittaṃ. Tathā ayaṃ bhagavāpi gato. Tañcassa gamanaṃ kathaṃ ahosi avitathaṃ tesamēve visesādhigamānaṃ pubbanimittabhāvena. Tenāhu porāṇā

“Muhuttajātova gavampatī yathā,  
Samehi pādehi phusī vasundharaṃ;  
So vikkamī satta padāni gotamo,  
Setaṅca chattaṃ anudhārayuṃ marū.

“Gantvāna so satta padāni gotamo,  
Disā vilokesi samā samantato;  
Aṭṭhaṅgupetaṃ giramabbhudīrayi,  
Sīho yathā pabbatamuddhaniṭṭhito”ti.

Evam tathā gatoti tathāgato.

Atha vā yathā vipassī bhagavā...pe... yathā kassapo bhagavā, ayampi bhagavā tatheva nekkhammena kāmacchandam pahāya gato, abyāpādena byāpādam, ālokasaññāya thinamiddham, avikkhepena uddhaccakukkuccam, dhammavavatthānena vicikiccham pahāya gato, ñāṇena avijjam padāletvā gato, pāmojjena aratiṃ vinodetvā, paṭhamajjhānena nīvaraṇakavāṭam ugghāṭetvā, dutiyajjhānena vitakkavicāram vūpasametvā, tatiyajjhānena pītiṃ virājetvā, catutthajjhānena sukhadukkham pahāya, ākāsaññācāyatanasamāpattiyā rūpasaññāpaṭiḥhasaññānānattasaññāyo samatikkamitvā, viññāṇañcāyatanasamāpattiyā ākāsaññācāyatanasaññam, ākiñcaññāyatanasamāpattiyā viññāṇañcāyatanasaññam, nevasaññānāsaññāyatanasamāpattiyā ākiñcaññāyatanasaññam samatikkamitvā gato.

Aniccānupassanāya niccasaññam pahāya, dukkhānupassanāya sukhasaññam, anattānupassanāya attasaññam, nibbidānupassanāya nandiṃ, virāgānupassanāya rāgam, nirodhānupassanāya samudayam, paṭinissaggānupassanāya ādānam, khayānupassanāya ghanasaññam, vayānupassanāya āyūhanam, vipariṇāmānupassanāya dhuvasaññam, animittānupassanāya nimittasaññam, appaṇihitānupassanāya paṇidhiṃ, suññatānupassanāya abhinivesam, adhipaññādharmavipassanāya sārādānābhinivesam, yathābhūtaññāḍassanena sammohābhinivesam, ādīnavānupassanāya ālayābhinivesam, paṭisañkhānupassanāya appaṭisañkham, vivaṭṭānupassanāya saṃyogābhinivesam, sotāpattimaggena diṭṭhekaṭṭhe kilese bhañjītvā, sakadāgāmaggena oḷārike kilese pahāya, anāgāmaggena aṇusahagata kilese samugghāṭetvā, arahattamaggena sabbakilese samucchinditvā gato. Evampi tathā gatoti tathāgato.

Katham **tathalakkhaṇam āgatoti tathāgato**? Pathavīdhātuyā kakkhaḷattalakkhaṇam tatham avitatham, āpodhātuyā paggharaṇalakkhaṇam, tejodhātuyā uṇhattalakkhaṇam, vāyodhātuyā vitthambhanalakkhaṇam, ākāsadhātuyā asamphuṭṭhalakkhaṇam, viññāṇadhātuyā vijānanalakkhaṇam.

Rūpassa ruppanalakkhaṇam, vedanāya vedayitalakkhaṇam, saññāya sañjānanalakkhaṇam, sañkhārānam abhisañkharaṇalakkhaṇam, viññāṇassa vijānanalakkhaṇam.

Vitakkassa abhiniropanalakkhaṇam, vicārassa anumajjanalakkhaṇam, pītiyā pharaṇalakkhaṇam, sukhasa sātālakkhaṇam, cittekaggaṭāya avikkhepalakkhaṇam, phassassa phusanalakkhaṇam.

Saddhindriyassa adhimokkhalakkhaṇam, vīriyindriyassa paggahalakkhaṇam, satindriyassa upaṭṭhānalakkhaṇam, samādhindriyassa avikkhepalakkhaṇam, paññindriyassa pajānanalakkhaṇam.

Saddhābalassa assaddhiye akampiyalakkhaṇam, vīriyabalassa kosajje, satibalassa muṭṭhassacce, samādhibalassa uddhacce, paññābalassa avijjāya akampiyalakkhaṇam.

Satisambojjhaṅgassa upaṭṭhānalakkhaṇam, dhammavicayasambojjhaṅgassa pavicayalakkhaṇam, vīriyasambojjhaṅgassa paggahalakkhaṇam, pītisambojjhaṅgassa pharaṇalakkhaṇam, passaddhisambojjhaṅgassa vūpasamalakkhaṇam, samādhisambojjhaṅgassa avikkhepalakkhaṇam, upekkhāsambojjhaṅgassa paṭisañkhānalakkhaṇam.

Sammādiṭṭhiyā dassanalakkhaṇam, sammāsañkappassa abhiniropanalakkhaṇam, sammāvācāya pariḡgahalakkhaṇam, sammākammantassa samuṭṭhānalakkhaṇam, sammāājīvassa vodānalakkhaṇam, sammāvāyāmassa paggahalakkhaṇam, sammāsatiyā upaṭṭhānalakkhaṇam, sammāsamādhissa avikkhepalakkhaṇam.

Avijjāya aññāṇalakkhaṇam, sañkhārānam cetanālakkhaṇam, viññāṇassa vijānanalakkhaṇam, nāmassa namanalakkhaṇam, rūpassa ruppanalakkhaṇam, saḷāyatanassa āyatanalakkhaṇam, phassassa phusanalakkhaṇam, vedanāya vedayitalakkhaṇam, taṇhāya hetulakkhaṇam, upādānassa

gahaṇalakkhaṇaṃ, bhavassa āyūhanalakkhaṇaṃ, jātiyā nibbattilakkhaṇaṃ, jarāya jīraṇalakkhaṇaṃ, maraṇassa cutilakkhaṇaṃ.

Dhātūnaṃ suññatālakkaṇaṃ, āyatanānaṃ āyatanalakkhaṇaṃ, satipaṭṭhānānaṃ upaṭṭhānalakkhaṇaṃ, sammappadhānānaṃ padahanalakkhaṇaṃ, iddhipādānaṃ ijghanalakkhaṇaṃ, indriyānaṃ adhipatilakkhaṇaṃ, balānaṃ akampiyalakkhaṇaṃ, bojjhaṅgānaṃ niyyānalakkhaṇaṃ, maggassa hetulakkhaṇaṃ.

Saccānaṃ tathalakkhaṇaṃ, samathassa avikkhepalakkhaṇaṃ, vipassanāya anupassanālakkaṇaṃ, samathavipassanānaṃ ekarasalakkhaṇaṃ, yuganaddhānaṃ anativattanalakkhaṇaṃ.

Sīlavisuddhiyā saṃvaraṇalakkhaṇaṃ, cittavisuddhiyā avikkhepalakkhaṇaṃ, diṭṭhivissuddhiyā dassanalakkhaṇaṃ.

Khaye ñāṇassa samucchadalakkhaṇaṃ, anuppāde ñāṇassa passaddhilakkhaṇaṃ.

Chandassa mūlalakkhaṇaṃ, manasikārassa samuṭṭhānalakkhaṇaṃ, phassassa samodhānalakkhaṇaṃ, vedanāya samosaraṇalakkhaṇaṃ, samādhissa pamukhalakkhaṇaṃ, satiyā ādhipateyyalakkhaṇaṃ, paññāya tatuttariyalakkhaṇaṃ, vimuttiyā sārālakkaṇaṃ, amatogadhassa nibbānassa pariyosānalakkhaṇaṃ tathaṃ avitathaṃ. Evaṃ tathalakkhaṇaṃ ñāṇagatiyā āgato avirajjhivā patto anuppattoti tathāgato. Evaṃ tathalakkhaṇaṃ āgatoti tathāgato.

Kathaṃ **tathadhamme yāthāvato abhisambuddhoti tathāgato**? Tathadhammā nāma cattāri ariyasaccāni. Yathāha – ‘cattārimāni, bhikkhave, tathāni avitathāni anaññathāni. Katamāni cattāri? ‘Idaṃ dukkha’nti, bhikkhave, tathametam avitathametam anaññathameta’nti (saṃ. ni. 5.1090) vitthāro. Tāni ca bhagavā abhisambuddho, tasmā tathānaṃ abhisambuddhattā tathāgatoti vuccati. Abhisambodhattho hi ettha gatasaddo.

Apica jarāmarāṇassa jātipaccayasambhūtasamudāgataṭṭho tatho avitatho anaññatho...pe... saṅkhārānaṃ avijjāpaccayasambhūtasamudāgataṭṭho tatho avitatho anaññatho. Tathā avijjāya saṅkhārānaṃ paccayaṭṭho, saṅkhārānaṃ viññāṇassa paccayaṭṭho...pe... jātiyā jarāmarāṇassa paccayaṭṭho tatho avitatho anaññatho. Taṃ sabbaṃ bhagavā abhisambuddho. Tasmāpi tathānaṃ dhammānaṃ abhisambuddhattā tathāgatoti vuccati. Evaṃ tathadhamme yāthāvato abhisambuddhoti tathāgato.

Kathaṃ **tathadassitāya tathāgato**? Bhagavā yaṃ sadevake loke...pe... sadevamanussāya aparimāṇāsu lokadhātūsu aparimāṇānaṃ sattānaṃ cakkhuvāre āpāthaṃ āgacchantam rūpārammaṇaṃ nāma atthi, taṃ sabbākārato jānāti passati. Evaṃ jānatā passatā ca tena taṃ iṭṭhāniṭṭhādivasena vā diṭṭhasutamutaviññātesu labbhamānakapadavasena vā ‘katamaṃ taṃ rūpaṃ rūpāyatanam? Yaṃ rūpaṃ catunnaṃ mahābhūtānaṃ upādāya vaṇṇanibhā sanidassanaṃ sappatighaṃ nīlaṃ pītaka’ntiādinā (dha. sa. 616) nayena anekehi nāmehi terasahi vārehi dvepaññāsāya nayehi vibhajjamānaṃ tathameva hoti, vitathaṃ natthi. Esa nayo sotadvārādīsipi āpāthamāgacchantesu saddādīsū. Vuttañhetam bhagavatā – ‘yaṃ, bhikkhave, sadevakassa lokassa...pe... sadevamanussāya diṭṭham sutam mutam viññātam pattam pariyesitam anuvicaritam manasā, tamaṃ jānāmi, tamaṃ abbaññāsim, taṃ tathāgatassa viditam, taṃ tathāgato na upaṭṭhāsī’ti (a. ni. 4.24). Evaṃ tathadassitāya tathāgato. Tattha tathadassīatthe tathāgatoti padasambhavo veditabbo.

Kathaṃ **tathavāditāya tathāgato**? Yaṃ rattim bhagavā bodhimaṇḍe aparājitaṭṭhānke nisinnō tiṇṇaṃ mārānaṃ matthakaṃ madditvā anuttaraṃ sammāsambodhim abhisambuddho, yañca rattim yamakasālānaṃ antare anupādīsēsāya nibbānadhātuyā parinibbāyi, etthantare pañcacattālīsavassaparimāṇe kāle paṭhamabodhiyāpi majjhimabodhiyāpi pacchimabodhiyāpi yaṃ

bhagavatā bhāsitaṃ suttaṃ geyyaṃ...pe... vedallaṃ, sabbaṃ taṃ atthato ca byañjanato ca anupavajjaṃ anūnaṃ anadhikaṃ sabbākāraparipuññaṃ rāgamadanimmadanaṃ dosamohadanimmadanaṃ, natthi tattha vālaggamattampi avakkhalitaṃ, sabbaṃ taṃ ekamuddikāya lañchitaṃ viya ekanālikāya mitaṃ viya ekatulāya tulitaṃ viya ca tathameva hoti avitathaṃ. Tenāha – “yañca, cunda, rattiṃ tathāgato anuttaraṃ sammāsambodhiṃ abhisambujjhati, yañca rattiṃ anupādisesāya nibbānadhātuyā parinibbāyati, yaṃ etasmiṃ antare bhāsati lapati niddisati, sabbaṃ taṃ tatheva hoti no aññathā. Tasmā tathāgatoti vuccatī”’ti (dī. ni. 3.188). Gadattho hi ettha gatasaddo. Evaṃ tathavāditāya tathāgato.

Apica āgadanaṃ āgado, vacananti attho. Tatho aviparīto āgado assāti dakārassa takāraṃ katvā tathāgatoti evampetasmiṃ atthe padasiddhi veditabbā.

Kathaṃ **tathākāritāya tathāgato**? Bhagavato hi vācāya kāyo anulometi kāyassapi vācā, tasmā yathāvādī tathākārī yathākārī tathāvādī ca hoti. Evaṃ bhūtassa cassa yathā vācā, kāyopi tathā gato, pavattoti attho. Yathā ca kāyo, vācāpi tathā gatāti tathāgato. Tenevāha – “yathāvādī, bhikkhave, tathāgato tathākārī, yathākārī tathāvādī. Iti yathāvādī tathākārī, yathākārī tathāvādī. Tasmā ‘tathāgato’’ti vuccatī”’ti (a. ni. 4.23). Evaṃ tathākāritāya tathāgato.

Kathaṃ **abhibhavanaṭṭhena tathāgato**? Upari bhavaggaṃ heṭṭhā avīciṃ pariyantaṃ katvā tiriyaṃ aparimāṇāsu lokadhātūsu sabbasatte abhibhavati sīlenapi samādhināpi paññāyapi vimuttiyāpi, na tassa tulā vā pamāṇaṃ vā atthi, atulo appameyyo anuttaro rājarājo devadevo sakkānamatisakko brahmānamatibrahmā. Tenāha – “sadevake loke, bhikkhave...pe... sadevamanussāya tathāgato abhibhū anabhibhūto aññadatthu daso vasavattī. Tasmā ‘tathāgato’’ti vuccatī”’ti (a. ni. 4.23).

Tatrevam padasiddhi veditabbā – agado viya agado. Ko panesa? Desanāvīlāso ceva puññussayo ca. Tena hesa mahānubhāvo bhisakko dibbāgadena sappe viya sabbaparappavādino sadevakañca lokam abhibhavati. Iti sabbalokābhibhavane tatho aviparīto desanāvīlāso ceva puññussayo ca agado assāti dakārassa takāraṃ katvā tathāgatoti veditabbo. Evaṃ abhibhavanaṭṭhena tathāgato.

Apica tathāya gatotipi tathāgato, tathaṃ gatotipi tathāgato, gatoti avagato atīto patto paṭipannoti attho. Tattha sakalalokaṃ tīraṇapariññāya tathāya gato avagatoti tathāgato. Lokasamudayaṃ pahānapariññāya tathāya gato atītoti tathāgato, lokanirodhaṃ sacchikiriyāya tathāya gato pattoti tathāgato, lokanirodhagāminiṃ paṭipadaṃ tathāya gato paṭipannoti tathāgato. Tena yaṃ vuttaṃ bhagavatā –

“Loko, bhikkhave, tathāgatena abhisambuddho, lokasmā tathāgato viyaṃyutto.

Lokasamudayo, bhikkhave, tathāgatena abhisambuddho, lokasamudayo tathāgatassa pahīno.

Lokanirodho, bhikkhave, tathāgatena abhisambuddho, lokanirodho tathāgatassa sacchikato.

Lokanirodhagāminī paṭipadā, bhikkhave, tathāgatena abhisambuddhā, lokanirodhagāminī

paṭipadā tathāgatassa bhāvitā. Yaṃ, bhikkhave, sadevakassa lokassa...pe... sabbaṃ taṃ

tathāgatena abhisambuddhaṃ. Tasmā ‘tathāgato’’ti vuccatī”’ti (a. ni. 4.23).

Tassapi evaṃ attho veditabbo. Idampi ca tathāgatassa tathāgatabhāvādīpane mukhamattameva. Sabbākārena pana tathāgatova tathāgatassa tathāgatabhāvaṃ vaṇṇeyya.

**Arahaṃ sammāsambuddhoti** padadvaye pana ārakattā, arīnaṃ arānañca hatattā, paccayādīnaṃ arahattā, pāpakaraṇe rahābhāvāti imehi tāva kāraṇehi arahanti veditabbo. Sammā sāmāñca sabbadhammānaṃ buddhattā pana **sammāsambuddhoti** ayamettha saṅkhepo, vitthārato panetaṃ padadvayaṃ visuddhimagge (visuddhi. 1.123 ādayo) buddhānussatīvaṇṇanāyaṃ pakāsītanti.

**171.** Dutiye **pātubhāvoti** uppatti nipphatti. **Dullabho lokasminti** imasmiṃ sattaloke dullabho

sudullabho paramadullabho. Kasmā dullabhoti? Ekavāraṃ dānapāramiṃ pūretvā buddhena bhavituṃ na sakkā, dve vāre dasa vāre vīsati vāre paññāsa vāre vārasataṃ vārasahassaṃ vārasatasahassaṃ vāraakoṭisatasahassampi dānapāramiṃ pūretvā buddhena bhavituṃ na sakkā, tathā ekadivasāṃ dve divase dasa divase vīsati divase paññāsa divase divasasataṃ divasasahassaṃ divasasatasahassaṃ divasakoṭisatasahassaṃ. Ekamāsāṃ dve māse...pe... māsaakoṭisatasahassaṃ. Ekasamvaccharaṃ dve samvacchare...pe... samvaccharakoṭisatasahassaṃ. Ekakappaṃ dve kappe...pe... kappakoṭisatasahassaṃ. Kappānaṃ ekaṃ asaṅkhyeyyaṃ dve asaṅkhyeyyāni tīṇi asaṅkhyeyyāni dānapāramiṃ pūretvā buddhena bhavituṃ na sakkā. Sīlapāramīnekkhammapāramī...pe...upekkhāpāramīsopi eseva nayo. Pacchimakoṭiyā pana kappasatasahassādhikāni cattāri asaṅkhyeyyāni dasa pāramiyo pūretvā buddhena bhavituṃ sakkāti iminā kāraṇena dullabho.

**172.** Tatiye **acchariyamanusso**ti acchariyo manusso. Acchariyoti andhassa pabbatārohaṇaṃ viya niccaṃ na hotīti attho. Ayaṃ tāva saddanayo. Ayaṃ pana aṭṭhakathānayo – accharāyoggoti acchariyo, accharam paharitvā passitabboti attho. Apica “tathāgatassa, bhikkhave, arahato sammāsambuddhassa pātubhāvā cattāro acchariyā abbhutaṃ dhammā pātubhavanti” ti (a. ni. 4.127) evamādihi anekehi acchariyabbhutatdhammehi samannāgatattāpi acchariyamanusso. Āciṇṇamanussotipi acchariyamanusso.

Abhinīhārassa hi sampādake aṭṭha dhamme samodhānetvā ekabuddhassa sammukhe mahābodhimaṇḍe mānaṃ bandhitvā nisajjanaṃ nāma na aññassa kassaci āciṇṇaṃ, sabbaññubodhisattasseva āciṇṇaṃ. Tathā buddhānaṃ santike byākaraṇaṃ labhitvā anivattakena hutvā vīriyādhiṭṭhānaṃ adhiṭṭhāya buddhakāradharmānaṃ pūraṇampi na aññassa kassaci āciṇṇaṃ, sabbaññubodhisattasseva āciṇṇaṃ. Tathā pāramiyo gabbhaṃ gaṇhāpetvā vessantarattabhāvasadise attabhāve ṭhatvā sabbālaṅkārapaṭimaṇḍitānaṃ hatthīnaṃ sattasatāni assānaṃ sattasatānīti evaṃ sattasatakamahādānaṃ datvā jālikumārasadisāṃ puttāṃ, kaṇhājinaśadisāṃ dhītaṃ, maddīdevīsadisāṃ bhariyañca dānamukhe niyyātetvā yāvātāyukaṃ ṭhatvā dutiye attabhāve tusitabhavane paṭisandhiggahaṇampi na aññassa kassaci āciṇṇaṃ, sabbaññubodhisattasseva āciṇṇaṃ. Tusitapure yāvātāyukaṃ ṭhatvā devatānaṃ āyācanaṃ sampatichitvā pañcamahāvilocanaṃ viloketvā satassa sampajānassa tusitapurā cavitvā mahābhogakule paṭisandhiggahaṇampi na aññassa kassaci āciṇṇaṃ, sabbaññubodhisattasseva āciṇṇaṃ. Tathā paṭisandhiggahaṇadivase dasasahasilokadhātukampanampi, satassa sampajānassa mātukucchiyaṃ nivāsopi, satassa sampajānassa mātukucchito nikkhamanadivase dasasahasilokadhātukampanampi, sampatijātassa sattapadavīti hāragamanampi, dibbasetacchatta. dhāraṇampi, dibbavālabījānukkhepopi, sabbadisāsu sīhāvilocanaṃ viloketvā attanā paṭisamaṃ kañci sattaṃ adīsvā “aggohamasmi lokassā” ti evaṃ sīhanādanadanampi, paripākagate ñāṇe mahāsampattiṃ pahāya mahābhinikkhamanampi, mahābodhimaṇḍe pallaṅkena nisinnassa māvijayaṃ ādiṃ katvā pubbenivāsānussatidibbacakkhūvisodhanāni katvā paccūsasamaye sabbaññutaññāṇaṇarāsipaṭi vidhakkhaṇe dasasahasilokadhātukampanampi, paṭhamadhammadeśanāya anuttaraṃ tiparivaṭṭaṃ dhammacakkappavattanampi evamādi sabbaṃ na aññassa kassaci āciṇṇaṃ, sabbaññubuddhasseva āciṇṇaṃ. Evaṃ āciṇṇamanussotipi acchariyamanusso.

**173.** Catutthe **kālakiriya**ti ekasmiṃ kāle pākāṭā kiriyāti kālakiriya. Tathāgato hi pañcacattālīsa vassāni ṭhatvā tīṇi piṭakāni pañca nikāye navaṅgaṃ satthusāsaṃ caturāsīti dhammakkhandaśahassāni pakāsetvā mahājanaṃ nibbānaninnaṃ nibbānaṇaṃ katvā yamakasālānamantare nipanna bhikkhusaṅghaṃ āmantetvā appamādena ovaditvā sato sampajāno anupādisesāya nibbānadhātuyā parinibbāyi. Ayamassa kiriyā yāvajjatanā pākāṭāti ekasmiṃ kāle pākāṭā kiriyāti kālakiriya. **Anutappā hotīti** anutāpakarā hoti. Tattha cakkavattirañño kālakiriya ekacakkavāle devamanussānaṃ anutāpakarā hoti. Buddhānaṃ kālakiriya dasasahassacakkavālesu devamanussānaṃ anutāpakarā hoti. Tena vuttaṃ – “bahuno janassa anutappā hoti” ti.

**174.** Pañcame **adutiya**ti dutiyassa buddhassa abhāvā adutiyo. Cattāro hi buddhā sutabuddho, catusaccabuddho, paccēkabuddho, sabbaññubuddhoti. Tattha bahussuto bhikkhu **sutabuddho** nāma. Khīṇāsavo **catusaccabuddho** nāma. Kappasatasahassādhikāni dve asaṅkhyeyyāni pāramiyo pūretvā

sāmaṃ paṭividdhapaccekabodhiññaṃ **paccekabuddho** nāma. Kappasatasahassādhikāni cattāri vā aṭṭha vā soḷasa vā asaṅkhyeyyāni pāramiyo pūretvā tiṇṇaṃ mārānaṃ matthakaṃ madditvā paṭividdhasabbaññutaññaṃ **sabbaññubuddho** nāma. Imesu catūsu buddhesu sabbaññubuddhova adutiyo nāma. Na hi tena saddhiṃ añño sabbaññubuddho nāma uppajjati.

**Asahāyoti** attabhāvena vā paṭividdhadhammehi vā sadiso sahāyo nāma assa natthīti asahāyo. “Laddhasahāyo kho pana so bhagavā sekhānañceva paṭipadāna”nti iminā pana pariyāyena sekhāsekhā buddhānaṃ sahāyā nāma honti. **Appaṭimoti** paṭimā vuccati attabhāvo, tassa attabhāvasadisā añña paṭimā natthīti appaṭimo. Yāpi ca manussā suvaṇṇarajatādīmayā paṭimā karonti, tāsu vālaggamattampi okāsaṃ tathāgatassa attabhāvasadisāṃ kātuṃ samattho nāma natthīti sabbathāpi appaṭimo.

**Appaṭisamoti** attabhāvenevassa paṭisamo nāma koci natthīti appaṭisamo. **Appaṭibhāgoti** ye tathāgatena “cattāro satipaṭṭhānā”tiādīnā nayena dhammā desitā, tesu “na cattāro satipaṭṭhānā, tayo vā pañca vā”tiādīnā nayena paṭibhāgaṃ kātuṃ samattho nāma natthīti appaṭibhāgo. **Appaṭipuggaloti** añña koci “ahaṃ buddho”ti evaṃ paṭiññaṃ kātuṃ samattho puggalo natthīti appaṭipuggalo. **Asamoti** appaṭipuggalattāva sabbasattehi asamo. **Asamasamoti** asamā vuccanti atītānāgatā sabbaññubuddhā, tehi asamehi samoti asamasamo.

**Dvipadānaṃ aggoti** sammāsambuddho apadānaṃ dvipadānaṃ catuppadānaṃ bahuppadānaṃ rūpīnaṃ arūpīnaṃ saññīnaṃ asaññīnaṃ nevasaññīnāsaññīnaṃ sattānaṃ aggo. Kasmā idha dvipadānaṃ aggoti vutto? Setṭhataravasena. Imasmiñhi loke setṭho nāma uppajjamāno apadacatuppadabahuppadesu na uppajjati, dvipadesuyeva uppajjati. Kataradvipadvesūti? Manussesu ceva devesu ca. Manussesu uppajjamāno tisahassimahāsahassilokadhātuṃ vase vattetuṃ samattho buddho hutvā uppajjati. Devesu uppajjamāno dasasahassilokadhātuṃ vasavattī mahābrahmā hutvā uppajjati. So tassa kappiyakārako vā ārāmiko vā sampajjati. Iti tatopi setṭhataravasenesa dvipadānaṃ aggoti vutto.

**175-186.** Chaṭṭhādīsū **ekapuggalassa, bhikkhave, pātubhāvā mahato cakkhussa pātubhāvo hotīti**, bhikkhave, ekapuggalassa tathāgatassa arahato sammāsambuddhassa pātubhāvena mahantassa cakkhussa pātubhāvo hoti. Tasmim̐ puggale pātubhūte taṃ pātubhūtameva hoti, na vinā tassa pātubhāvena pātubhavati. **Pātubhāvoti** uppatti nipphatti. Katamassa cakkhussāti? Paññācakkhussa. Kīvarūpassāti? Sāriputtattherassa vipassanāpaññāsadisassa mahāmoggallānattherassa samādhipaññāsadisassāti. **Ālokādīsūpi** eseva nayo. Ubhinnaṃ aggasāvakanāṃ paññāālokasadisoyeva hi ettha āloko, paññāobhāsasadisoyeva obhāso adhippeto. “Mahato cakkhussa, mahato ālokassa, mahato obhāsassā”ti imāni ca pana tīṇipi lokiyalokuttaramissakāni kathitānīti veditabbāni.

**Channaṃ anuttariyānanti** uttaritaravirahitānaṃ channaṃ uttamadhammānaṃ. Tattha dassanānuttariyaṃ, savanānuttariyaṃ, lābhānuttariyaṃ, sikkhānuttariyaṃ, pāricariyānuttariyaṃ, anussatānuttariyanti imāni cha anuttariyāni. Imesaṃ pātubhāvo hotīti attho. Āyasmā hi ānandatthero sāyampātaṃ tathāgataṃ cakkhuvīññaṇena daṭṭhuṃ labhati, idaṃ **dassanānuttariyaṃ**. Aññopi sotāpanno vā sakadāgāmī vā anāgāmī vā ānandatthero viya tathāgataṃ dassanāya labhati, idampi dassanānuttariyaṃ. Aparo pana puthujjanakalyāṇako ānandatthero viya dasabalaṃ dassanāya labhitvā taṃ dassanaṃ vaḍḍhetvā sotāpattimaggaṃ pāpeti. Idaṃ dassanameva nāma, mūladassanaṃ pana dassanānuttariyaṃ nāma.

Ānandattheroyeva ca abhikkhaṇaṃ dasabalassa vacanaṃ sotaviññaṇena sotuṃ labhati, idaṃ **savanānuttariyaṃ**. Aññepi sotāpannādayo ānandatthero viya tathāgatassa vacanaṃ savanāya labhanti, idampi savanānuttariyaṃ. Aparo pana puthujjanakalyāṇako ānandatthero viya tathāgatassa vacanaṃ sotuṃ labhitvā taṃ savanaṃ vaḍḍhetvā sotāpattimaggaṃ pāpeti. Idaṃ savanameva nāma, mūlasavanaṃ pana savanānuttariyaṃ nāma.

Ānandattheroyeva ca dasabale saddham paṭilabhanti, idaṃ **lābhānuttariyaṃ**. Aññepi sotāpannādayo ānandatthero viya dasabale saddhāpaṭilābham labhanti, idampi lābhānuttariyaṃ. Aparo pana puthujjanakalyāṇako ānandatthero viya dasabale saddhāpaṭilābham labhitvā taṃ lābham vaḍḍhetvā sotāpattimaggaṃ pāpeti, ayaṃ lābhoyeva nāma, mūlalābho pana lābhānuttariyaṃ nāma.

Ānandattheroyeva ca dasabalassa sāsane tisso sikkhā sikkhati, idaṃ **sikkhānuttariyaṃ**. Aññepi sotāpannādayo ānandatthero viya dasabalassa sāsane tisso sikkhā sikkhanti, idampi sikkhānuttariyaṃ. Aparo pana puthujjanakalyāṇako ānandatthero viya dasabalassa sāsane tisso sikkhā sikkhitvā tā sikkhā vaḍḍhetvā sotāpattimaggaṃ pāpeti. Ayaṃ sikkhāyeva nāma, mūlasikkhā pana sikkhānuttariyaṃ nāma.

Ānandattheroyeva ca abhiñham dasabalaṃ paricaranti, idaṃ **pāricariyānuttariyaṃ**. Aññepi sotāpannādayo ānandatthero viya abhiñham dasabalaṃ paricaranti, idampi pāricariyānuttariyaṃ. Aparo pana puthujjanakalyāṇako ānandatthero viya dasabalaṃ paricaritvā taṃ pāricariyaṃ vaḍḍhetvā sotāpattimaggaṃ pāpeti, ayaṃ pāricariyāyeva nāma, mūlapāricariyā pana pāricariyānuttariyaṃ nāma.

Ānandattheroyeva ca dasabalassa lokiyalokuttare guṇe anussarati, idaṃ **anussatānuttariyaṃ**. Aññepi sotāpannādayo ānandatthero viya dasabalassa lokiyalokuttare guṇe anussaranti, idampi anussatānuttariyaṃ. Aparo pana puthujjanakalyāṇako ānandatthero viya dasabalassa lokiyalokuttare guṇe anussaritvā taṃ anussatiṃ vaḍḍhetvā sotāpattimaggaṃ pāpeti, ayaṃ anussatiyeva nāma, mūlanussati pana anussatānuttariyaṃ nāma. Imāni cha anuttariyāni, imesaṃ pātubhāvo hoti. Imāni ca pana cha anuttariyāni lokiyalokuttaramissakāni kathitānti veditabbāni.

**Catunnaṃ paṭisambhidānaṃ sacchikiriyā hotīti** catasso hi paṭisambhidāyo atthapaṭisambhidā, dhammapaṭisambhidā, niruttipaṭisambhidā, paṭibhānapaṭisambhidāti. Tattha atthesu ñāṇaṃ atthapaṭisambhidā, dhammesu ñāṇaṃ dhammapaṭisambhidā, atthadhammaniruttābhilāpe ñāṇaṃ niruttipaṭisambhidā, ñāṇesu ñāṇaṃ paṭibhānapaṭisambhidā. Ayamettha saṅkhepo, vitthāro panetāsaṃ abhidhamme (vibha. 718 ādayo) āgatoyeva. Imāsaṃ catassannaṃ paṭisambhidānaṃ buddhuppāde paccakkhikiriyā hoti, na vinā buddhuppādā. Etāsaṃ sacchikiriyāti attho. Imāpi lokiyalokuttarāva kathitāti veditabbā.

**Anekadhātupaṭivedhoti** “cakkhudhātu rūpadhātū” tiādīnaṃ aṭṭhārasannaṃ dhātūnaṃ buddhuppādeyeva paṭivedho hoti, na vinā buddhuppādenāti attho. **Nānādhātupaṭivedhoti** ettha imāva aṭṭhārasa dhātuyo nānāsabhāvato nānādhātuyoti veditabbā. Yo panetāsaṃ “nānāsabhāvā etā” ti evaṃ nānākaraṇato paṭivedho, ayaṃ nānādhātupaṭivedho nāma. **Vijjāvimumttiphalasacchikiriyāti** ettha **vijjāti** phale ñāṇaṃ, **vimuttīti** tadavasesā phalasampayuttā dhammā. **Sotāpattiphalasacchikiriyāti** sototi paṭhamamaggo, tena sotena pattabbaṃ phalanti sotāpattiphalāṃ. **Sakadāgāmiṃphalā**ni pākāṭāneva.

**187. Anuttaranti niruttaraṃ. Dhammacakkanti seṭṭhacakkaṃ.** Cakkasaddo hesa –

“Catubbhi aṭṭhājḡagamā, aṭṭhāhipi ca soḷasa;  
Soḷasāhi ca bāṭṭiṃsa, atricchaṃ cakkamāsado;  
Icchāhatassa posassa, cakkaṃ bhamati matthake” ti. (jā. 1.1.104; 1.5.103) –

Ettha uracakke āgato. “Cakkasamāruḷhā jānapadā pariyāyanti” ti (a. ni. 3.63; 5.54) ettha iriyāpathacakke. “Atha kho so, bhikkhave, rathakāro yaṃ taṃ cakkaṃ chahi māsehi niṭṭhitaṃ, taṃ pavattesī” ti (a. ni. 3.15) ettha dārucakke. “Addasā kho doṇo brāhmaṇo bhagavato pādesu cakkāni sahasārāni” ti (a. ni. 4.36) ettha lakkhaṇacakke. “Cattārimāni, bhikkhave, cakkāni, yehi samannāgatānaṃ devamanussānaṃ catucakkaṃ vattatī” ti (a. ni. 4.31) ettha sampatticakke. “Dibbaṃ cakkarataṃ pātubhavatī” ti (dī. ni. 2.243; ma. ni. 3.256) ettha ratanacakke. Idha pana dhammacakke āgato.

**Pavattitanti** ettha dhammacakkaṃ abhinīharati nāma, abhinīhaṭaṃ nāma, uppādeti nāma, uppāditaṃ nāma, pavatteti nāma, pavattitaṃ nāmāti ayaṃ pabhedo veditaḃbo. Kuto paṭṭhāya dhammacakkaṃ **abhinīharati** nāmāti? Yadā sumedhabrahmaṇo hutvā kāmesu ādīnaṃ nekkhamme ca ānisamsaṃ disvā sattasatakamahādānaṃ datvā isipabbajjaṃ pabbajitvā pañca abhiññā aṭṭha samāpattiyo nibbatteti, tato paṭṭhāya dhammacakkaṃ abhinīharati nāma.

Kuto paṭṭhāya **abhinīhaṭaṃ** nāmāti? Yadā aṭṭha dhamme samodhānetvā dīpaṅkarapādamūle mahābodhimaṇḍatthāya mānasaṃ bandhitvā “byākaraṇaṃ aladdhā na vuṭṭhahissāmī” ti vīriyādhiṭṭhānaṃ adhiṭṭhāya nipanno dasabalassa santikā byākaraṇaṃ labhi, tato paṭṭhāya dhammacakkaṃ abhinīhaṭaṃ nāma.

Kuto paṭṭhāya **uppādeti** nāmāti? Tato paṭṭhāya dānapāramiṃ pūrentopi dhammacakkaṃ uppādeti nāma. Sīlapāramiṃ pūrentopi...pe... upekkhāpāramiṃ pūrentopi dhammacakkaṃ uppādeti nāma. Dasa pāramiyo dasa upapāramiyo dasa paramatthapāramiyo pūrentopi, pañca mahāpariccāge pariccajantopi, ñātattacariyaṃ pūrentopi dhammacakkaṃ uppādeti nāma. Vessantarattabhāve ṭhatvā sattasatakamahādānaṃ datvā puttadāraṃ dānamukhe niyyātetvā pāramikūṭaṃ gahetvā tusitapure nibbattitvā tattha yāvātayukaṃ ṭhatvā devatāhi āyācito paṭiññaṃ datvā pañcamahāvilocanaṃ vilokentopi dhammacakkaṃ uppādetiyeva nāma. Mātukucchiyaṃ paṭisandhiṃ gaṇhantopi, paṭisandhikkhaṇe dasahassacakkavāḷaṃ kampaṇtopi, mātukucchito nikkhantadivase tatheva lokaṃ kampaṇtopi, sampatijāto satta padāni gantvā “aggomahasmī” ti sīhanādaṃ nadantopi, ekūnatimsa saṃvaccharāni agāramajjhe vasantopi, mahābhikkhamaṇaṃ nikkhamantopi, anomānadītīre pabbajantopi, mahāpadhāne chabbassāni vīriyaṃ karontopi, sujātāya dinnāṃ madhupāyāsaṃ bhujjivā suvaṇṇapātiṃ nadiyā pavāhetvā sāyanhasamaye bodhimaṇḍavaragato puratthimaṃ lokadhātuṃ olokento nisīditvā sūriye dhamaṇeyeva mārabalaṃ vidhametvā paṭhamayāme pubbenivāsaṃ anussarantopi, majjhimayāme dibbacakkhuṃ visodhentopi, paccūsakālasamanantare paccayākāraṃ sammasitvā sotāpattimaggaṃ paṭivijjhantopi, sotāpattiphalaṃ sacchikarontopi, sakadāgāmimaggaṃ sakadāgāmiphalaṃ anāgāmimaggaṃ anāgāmiphalaṃ sacchikarontopi, arahattamaggaṃ paṭivijjhantopi dhammacakkaṃ uppādetiyeva nāma.

Arahattaphalakkhaṇe pana tena dhammacakkaṃ **uppāditaṃ** nāma. Buddhānañhi sakalalokiyalokuttaragūṇarāsi arahattaphaleneva saddhiṃ ijjhati. Tasmā tena tasmim khāṇe dhammacakkaṃ uppāditaṃ nāma hoti.

Kadā **pavatteti** nāma? Bodhimaṇḍe sattasattāhaṃ vītināmetvā isipatane migadāye aññākoṇḍaññattheraṃ kāyasakkiṃ katvā dhammacakkappavattanasuttantaṃ desento dhammacakkaṃ pavatteti nāma.

Yadā pana aññākoṇḍaññattherena dasabalassa desanāññānubhāvanibbattaṃ savanaṃ labhitvā sabbapaṭhamaṃ dhammo adhigato, tato paṭṭhāya dhammacakkaṃ **pavattitaṃ** nāma hotīti veditaḃbaṃ. Dhammacakkanti cetaṃ desanāññāṇassapi nāmaṃ paṭivedhaññāṇassapi. Tesu desanāññāṇaṃ lokiyaṃ, paṭivedhaññāṇaṃ lokuttaraṃ. Kassa desanāpaṭivedhaññāṇanti? Na aññassa kassaci, sammāsambuddhasseva desanāññāṇaṃ paṭivedhaññāṇācāti veditaḃbaṃ.

**Sammadevāti** hetunā nayena kāraṇeneva. **Anuppavatteti**ti yathā purato gacchantassa pacchato gacchanto taṃ anugacchati nāma, evaṃ paṭhamataraṃ satthārā pavattitaṃ thermo anuppavatteti nāma. Kathaṃ? Satthā hi “cattārome, bhikkhave, satipaṭṭhānā. Katame cattāro” ti kathento dhammacakkaṃ pavatteti nāma, dhammasenāpati sārīputtattheropi “cattārome, āvuso, satipaṭṭhānā” ti kathento dhammacakkaṃ anuppavatteti nāma. Sammappadhānādīsupi eseṃ nayo. Na kevalaṇca bodhipakkiyadhammesu, “cattārimāni, bhikkhave, ariyasaccāni. Cattārome, bhikkhave, ariyavaṃsā” tiādīsupi ayaṃ nayo netabbova. Evaṃ sammāsambuddho dhammacakkaṃ pavatteti nāma, thermo dasabalena pavattitaṃ dhammacakkaṃ anuppavatteti nāma.



Evaṃ dhammacakkaṃ anuppavattentena pana therena dhammo desitopi pakāsitopi satthārāva desito pakāsito hoti. Yo hi koci bhikkhu vā bhikkhunī vā upāsako vā upāsikā vā devo vā sakko vā māro vā brahmā vā dhammaṃ desetu pakāsetu, sabbo so satthārā desito pakāsitova nāma hoti, sesajano pana lekhaṅgāpakakkhe tṭhitova nāma hoti. Kathaṃ? Yathā hi rañña dinnam paṇṇam vācetaṃ yaṃ yaṃ kammaṃ karonti, taṃ taṃ kammaṃ yena kenaci katampi kāritampi rañña kāritanteva vuccati. Mahārājā viya hi sammāsambuddho. Rājapaṇṇam viya teṭṭakam buddhavacanam. Paṇṇadānam viya teṭṭake nayamukhadānam paṇṇam vācetaṃ taṃtaṃkammānam karaṇam viya catunnam parisānam attano balena buddhavacanam uggaṅhitvā paresam desanā pakāsana. Tattha yathā paṇṇam vācetaṃ yena kenaci katampi kāritampi taṃ kammaṃ rañña kāritameva hoti, evameva yena kenaci desitopi pakāsitopi dhammo satthārā desito pakāsitova nāma hotīti vedītabbo. Sesam sabbattha uttānatthamevāti.

Ekapuggalavaggaṇṇanā.

## 14. Etadaggavaggo

### (14) 1. Paṭhamaetadaggavaggo

#### Etadaggapadavaṇṇanā

**188.** Etadaggesu paṭhamavaggassa paṭhame **etadagganti** etaṃ aggaṃ. Ettha ca ayaṃ aggasaddo ādikoṭikoṭṭhāsasetṭhesu dissati. “Ajjatagge, samma dovārika, āvarāmi dvāraṃ nigaṅṭhānaṃ nigaṅṭhīna” ntiādīsu (ma. ni. 2.70) hi ādimhi dissati. “Teneva aṅgulaggena taṃ aṅgulaggaṃ parāmaseyya (kathā. 441), ucchaggaṃ veḷagga” ntiādīsu koṭiyam. “Ambilaggaṃ vā madhuraggaṃ vā tittakaggaṃ vā (saṃ. ni. 5.374), anujānāmi, bhikkhave, viharaggaṃ vā parivenaggaṃ vā bhājetu” ntiādīsu (cūlava. 318) koṭṭhāse. “Yāvata, bhikkhave, sattā apadā vā...pe... tathāgato tesam aggamakkhāyatī” tiādīsu (a. ni. 4.34; itivu. 90) setṭhe. Svāyamidha koṭiyampi vaṭṭati setṭhepi. Te hi therā attano attano tṭhāne koṭibhūtātipi aggā, setṭhabhūtātipi. Tasmā etadagganti esā koṭi eso setṭhoti ayamettha attho. Eseva nayo sabbasuttesu.

Ayaṅca etadaggasannikkhepo nāma catūhi kāraṇehi labbhati aṭṭhuppattito āgamanato ciṅṇavasito guṇāṭirekatoti. Tattha koci thero ekena kāraṇena etadaggaṭṭhānaṃ labhati, koci dvīhi, koci tīhi, koci sabbeveva catūhipi āyasmā sarīputtatthero viya. So hi aṭṭhuppattitopi mahāpaṇṇatāya etadaggaṭṭhānaṃ labhi āgamanādīhipi. Kathaṃ? Ekasmim hi samaye satthā jetavanamahāvihāre viharanto kaṇḍambarukkhamūle titthiyamaddanaṃ yamakapāṭihāriyaṃ dassetvā “kahaṃ nu kho purimabuddhā yamakapāṭihāriyaṃ katvā vassaṃ upagacchantī” ti āvajjento “tāvatiṃsabhavane” ti ṇatvā dve padantarāni dassetvā tatiyena padena tāvatīṃsabhavane paccuṭṭhāsi. Sakko devarājā bhagavantaṃ disvā paṇḍukambalasilāto uṭṭhāya saddhim devagaṇena paccuggamanaṃ agamāsi. Devā cintayimṣu – “sakko devarājā devagaṇaparivuto satṭhiyojanāyāmāya paṇḍukambalasilāya nisīditvā sampattiṃ anubhavati, buddhānaṃ nāma nisinnakālato paṭṭhāya na sakkā aññaena ettha hatthampi tṭhpetu” nti. Satthāpi tattha nisinno tesam cittācāraṃ ṇatvā mahāpaṃsukūliko viya muṇḍapīṭhakaṃ sabbameva paṇḍukambalasilam avattharivā nisīdi. Evaṃ nisīdanto pana attano vā sarīraṃ mahantaṃ katvā māpesi, paṇḍukambalasilam vā khuddakaṃ akāsīti na sallakkhetabbaṃ. Acinteyyo hi buddhavisayo. Evaṃ nisinno pana mātaraṃ kāyasakkhim katvā dasasahassacakkavāḷadevatānaṃ “kusalā dhammā akusalā dhammā abyākata dhammā” ti abhidhammapīṭhakaṃ desesi.

Pāṭihāriyaṭṭhānēpi sabbāpi dvādasayojanikā parisā anuruddhattheraṃ upasaṅkamitvā “kahaṃ, bhante, dasabalo gato” ti pucchi. Tāvatiṃsabhavane paṇḍukambalasilāyaṃ vassaṃ upagantvā abhidhammakathaṃ desetuṃ gatoti. Bhante, na mayaṃ satthāraṃ adisvā gamissāma. Kadā satthā āgamissatīti satthu āgamanakālam jānāthāti? Mahāmogallānattherassa bhāraṃ karoṭha, so buddhānaṃ santikaṃ gantvā sāsanaṃ āharissatīti. Kim pana therassa tattha gantuṃ balaṃ natthīti? Atthi, visesavantaṃ pana visesaṃ passantūti evamāha. Mahājano mahāmogallānattheraṃ upasaṅkamitvā

satthu sāsanaṃ gahetvā āgamanatthāya yāci. Thero passanteyeva mahājane pathaviyaṃ nimujjitvā antosinerunā gantvā sathhāraṃ vanditvā āha – “bhante, mahājano tumhākaṃ dassanakāmo, āgamanadivasāṃ vo jānitum icchatī”ti. Tena hi “ito temāsaccayena saṅkassanagaradvāre passathā”tissa vadehīti. Thero bhagavato sāsanaṃ āharitvā mahājanassa kathesi. Mahājano tattheva temāsaṃ khandhāvāraṃ bandhitvā vasi. Cūlaanāthapiṇḍiko dvādasayojanāya parisāya temāsaṃ yāgubhattaṃ ādāsi.

Satthāpi sattappakaraṇāni desetvā manussalokaṃ āgamanatthāya ākappaṃ dassesi. Sakko devarājā vissakammaṃ āmantetvā tathāgatassa otaraṇatthāya sopānaṃ māpetum āṇāpesi. So ekato sovaṇṇamayaṃ ekato rajatamayaṃ sopānaṃ māpetvā majjhe maṇimayaṃ māpesi. Satthā maṇimaye sopāne tathā “mahājano maṃ passatū”ti adhiṭṭhāsi. Attano ānubhāveneva “mahājano avīcimahānirayaṃ passatū”tipi adhiṭṭhāsi. Nirayadassanena cassa uppannasaṃvegataṃ ñatvā devalokaṃ dassesi. Athassa otarantassa mahābrahmā chattaṃ dhāresi, sakko devarājā pattaṃ gaṇhi, suyāmo devarājā dibbaṃ vālabījaṃ bīji, pañcasikho gandhabbadevaputto beluvapaṇḍuvīṇaṃ samapaññāsāya mucchanāhi mucchitvā vādentō purato otari. Buddhānaṃ pathaviyaṃ patiṭṭhitakāle “ahaṃ paṭhamaṃ vandissāmi, ahaṃ paṭhamaṃ vandissāmi”ti mahājano aṭṭhāsi. Saha mahāpathaviākkamanena pana bhagavato neva mahājano na asītimahāsāvakaṃ paṭhamakavandanāṃ sampāpuṇḥsu, dhammasenāpati sārīputtattheroyeva pana sampāpuṇi.

Atha satthā dvādasayojanāya parisāya antare “therassa paññānubhāvaṃ jānantū”ti puthujjanapañcakaṃ pañhaṃ ārabhi. Paṭhamaṃ lokiyamahājano sallakkhessatīti puthujjanapañhaṃ pucchi. Ye ye sallakkhiṃsu, te te kathayīṃsu. Dutiyaṃ puthujjanavisayaṃ atikkamitvā sotāpattimagge pañhaṃ pucchi. Puthujjanā tuṅhī ahesuṃ, sotāpannāva kathayīṃsu. Tato sotāpannānaṃ visayaṃ atikkamitvā sakadāgāminimagge pañhaṃ pucchi. Sotāpannā tuṅhī ahesuṃ, sakadāgāminova kathayīṃsu. Tesampi visayaṃ atikkamitvā anāgāminimagge pañhaṃ pucchi. Sakadāgāmino tuṅhī ahesuṃ, anāgāminova kathayīṃsu. Tesampi visayaṃ atikkamitvā arahattamagge pañhaṃ pucchi. Anāgāmino tuṅhī ahesuṃ, arahantāva kathayīṃsu. Tato heṭṭhimakoṭṭito paṭṭhāya abhiññāte abhiññāte sāvake pucchi, te attano attano paṭisambhidāvisaye tathā kathayīṃsu. Atha mahāmoggallānaṃ pucchi, sesasāvakaṃ tuṅhī ahesuṃ, therova kathesi. Tassāpi visayaṃ atikkamitvā sārīputtattherassa visaye pañhaṃ pucchi. Mahāmoggallāno tuṅhī ahosi, sārīputtattherova kathesi. Therassāpi visayaṃ atikkamitvā buddhavisaye pañhaṃ pucchi. Dhammasenāpati āvajjenti passitum na sakkoti, puratthimapacchimuttaradakkhiṇā catasso disā catasso anudisāti ito cito ca olokento pañhuppattiṭṭhānaṃ sallakkhetum nāsakkhi.

Satthā therassa kilamanabhāvaṃ jānitvā “sārīputto kilamati, nayamukhamassa dassessāmi”ti “āgamehi tvam, sārīputtā”ti vatvā “nāyaṃ tuyhaṃ visayo pañho, buddhānaṃ esa visayo sabbaññūnaṃ yasassīna”nti buddhavisayabhāvaṃ ācikkhitvā “bhūtamidanti, sārīputta, samanupassasī”ti āha. Thero “catumahābhūtikakāyapariggahaṃ me bhagavā ācikkhatī”ti ñatvā “aññātaṃ bhagavā, aññātaṃ sugatā”ti āha. Etasmiṃ tṭhāne ayaṃ kathā udapādi – mahāpañño vata, bho, sārīputtatthero, yatra hi nāma sabbehi anaññātaṃ pañhaṃ kathesi, buddhehi ca dinnanaye tathā buddhavisaye pañhaṃ kathesi, iti therassa paññānubhāvo yattakaṃ tṭhānaṃ buddhānaṃ kittisaddena otthaṭaṃ, sabbaṃ ajjhottharivā gatoti evaṃ tāva thero **aṭṭhuppattito** mahāpaññātāya etadaggaṭṭhānaṃ labhi.

Kathaṃ **āgamanato**? Imissāyeva hi aṭṭhuppattiyā satthā āha – sārīputto na idāneva paññāvā, atīte pañca jātisatāni isipabbajjaṃ pabbajitvāpi mahāpaññova ahosi –

“Yo pabbajī jātisatāni pañca,  
Pahāya kāmāni manoramāni;  
Taṃ vītarāgaṃ susamāhitindriyaṃ,  
Parinibbutaṃ vandatha sārīputta”nti.

Evaṃ pabbajjaṃ upabrūhayamāno ekasmiṃ samaye bārānasiyaṃ brāhmaṇakule nibbato. Tayo

vede uggaṇhitvā tattha sāraṃ apassanto “pabbajitvā ekaṃ mokkhadhammaṃ gavesituṃ vaṭṭatī”ti cittaṃ uppādesi. Tasmim̄ kāle bodhisatto pi kāsiṇṇa udiccabrāhmaṇamaḥāsālakule nibbatta vuddhimanvāya uggaḥitasippo kāmesu ādīnavaṃ nekkhamme ca āniṣaṃsaṃ disvā gharāvāsaṃ pahāya himavantaṃ pavisitvā kaṣiṇaparikkamaṃ katvā pañca abhiññā aṭṭha samāpattiyo nibbattetvā vanamūlaphalāhāro himavantaṃ appadese vasati. Sopi māṇavo nikkhamitvā tasseeva santike pabbaji. Parivāro mahā ahoṣi pañcasatamattā isayo.

Athassa so jeṭṭhantevāsiko ekadesaṃ paraṃsaṃ gahetvā loṇambilasevanatthaṃ manussapathaṃ agamāsi. Tasmim̄ samaye bodhisatto tasmim̄yeva himavantaṃ appadese kālaṃ akāsi. Kālakiriyaṃ samaye va naṃ antevāsikā sannipatitvā pucchimsu – “atthi tumhehi koci viṣeso adhigato”ti. Bodhisatto “natthi kiñcī”ti vatvā aparihīnaṃ jhāno ābhassara brahmaloke nibbatta. So kiñcāpi ākiñcaññāyatanassa lābhī, bodhisattānaṃ pana arūpāvacare paṭisandhi nāma na hoti. Kasmā? Abhabbatthānattā. Iti so arūpasamāpattilābhī samānopi rūpāvacare nibbatti. Antevāsikāpissa “ācariyo ‘natthi kiñcī’ti āha, moghā tassa kālakiriya”ti na kiñci sakkārasammānaṃ akaṃsu. Atha so jeṭṭhantevāsiko atikkante vassāvāse āgantvā “kahaṃ ācariyo”ti pucchi. Kālaṃ katoti. Api nu ācariyena laddhaguṇaṃ pucchitthāti? Āma pucchimhāti. Kiṃ vadetīti? Natthi kiñcīti. Mayampi “ācariyena laddhaguṇo nāma natthī”ti nāssa sakkārasammānaṃ karimhāti. Tumhe bhāsītassa atthaṃ na jānittha, ācariyo ākiñcaññāyatanassa lābhīti.

Atha te jeṭṭhantevāsikassa kathaṃ na saddahiṃsu. So punappunaṃ kathentopi saddahāpetuṃ nāsakkhi. Atha bodhisatto āvajjamāno “andhabālo mahājano mayhaṃ jeṭṭhantevāsikassa kathaṃ na gaṇhāti, imaṃ kāraṇaṃ pākaṭaṃ karissāmī”ti brahmalokato otaritvā assamaṃ padamaṭṭhake ṭhito ākāsaṃ gatova jeṭṭhantevāsikassa paññānubhāvaṃ vaṇṇetvā imaṃ gāthaṃ abhāsi –

“Parosahassampi samāgatānaṃ,  
Kandeyyumaṃ te vassasataṃ apaññā;  
Ekova seyyo puriso sapañño,  
Yo bhāsītassa vijānāti attha”nti. (jā. 1.1.101);

Evamaṃ isigaṇaṃ saññāpetvā bodhisatto brahmalokameva gato. Sesaisigaṇopi aparihīnaṃ jhāno hutvā kālaṃ katvā brahmalokaparāyaṇo jāto. Tattha bodhisatto sabbaññutaṃ patto, jeṭṭhantevāsiko sārīputtatthero jāto, sesā isayo buddhapaṇṇāsā jātāti evamaṃ atītepi sārīputto mahāpañño va samkhittena bhāsītassa vitthārena atthaṃ jānitumaṃ samatthoti veditabbo.

Idameva ca puthujjanapañcakaṃ aṭṭhuppattiṃ katvā –

“Parosatañcepi samāgatānaṃ,  
Jhāyeyyumaṃ te vassasataṃ apaññā;  
Ekova seyyo puriso sapañño,  
So bhāsītassa vijānāti attha”nti. (jā. 1.1.101) –

Imampi jātaṃ kathaṃ. Tassa purimajātake vuttanayeneva attho veditabbo.

Aparampi idameva puthujjanapañcakaṃ aṭṭhuppattiṃ katvā –

“Ye saññino tepi duggatā, yepi asaññino tepi duggatā;  
Etaṃ ubhayaṃ vivajjaya, taṃ samāpattisukhaṃ anaṅgaṇa”nti. (jā. 1.1.134) –

Imaṃ anaṅgaṇajātaṃ kathaṃ. Ettha ca ācariyo kālaṃ karonto antevāsikehi pucchito “nevasaññī nāsaññī”ti āha. Sesamaṃ vuttanayeneva veditabbaṃ.

Aparampi idameva puthujjanapañcakaṃ aṭṭhuppattiṃ katvā –

“Candābhaṃ sūriyābhañca, yodha paññāya gādhati;  
Avitakkena jhānena, hoti ābhassarūpago”’ti. (jā. 1.1.135) –

Idaṃ candābhajātakaṃ kathesi. Etthāpi ācariyo kālaṃ karonto antevāsikehi pucchito “odātakasiṇaṃ candābhaṃ nāma, pītakasiṇaṃ sūriyābhaṃ nāmāti taṃ ubhayaṃ yo paññāya gādhati pavisati pakkhandati, so avitakkena dutiyajjhānena ābhassarūpago hoti, tādiso aha”’nti sandhāya – “candābhaṃ sūriyābha”’nti āha. Sesama purimanayeneva veditabbaṃ.

Idameva ca puthujjanapañcakaṃ aṭṭhuppattiṃ katvā –

“Āsīsetheva puriso, na nibbindeyya paṇḍito;  
Passāmi vohaṃ attānaṃ, yathā icchiṃ tathā ahu.

“Āsīsetheva puriso, na nibbindeyya paṇḍito;  
Passāmi vohaṃ attānaṃ, udakā thalamubbhataṃ.

“Vāyametheva puriso, na nibbindeyya paṇḍito;  
Passāmi vohaṃ attānaṃ, yathā icchiṃ tathā ahu.

“Vāyametheva puriso, na nibbindeyya paṇḍito;  
Passāmi vohaṃ attānaṃ, udakā thalamubbhataṃ.

“Dukkhūpanītopi naro sapañño,  
Āsaṃ na chindeyya sukhāgamāya;  
Bahū hi phassā ahitā hitā ca,  
Avitakkitaṃ maccamupabbajanti.

“Acintitampi bhavati, cintitampi vinassati;  
Na hi cintāmayā bhogā, itthiyā purisassa vā.

“Sarabhaṃ giriduggasmiṃ, yaṃ tvaṃ anusarī pure;  
Alīnacittassa tuvaṃ, vikkantamanujīvasi.

“Yo taṃ viduggā narakā samuddhari,  
Silāya yoggaṃ sarabho karitvā;  
Dukkhūpanītaṃ maccumukhā pamocayi,  
Alīnacittaṃ ta miggaṃ vadesi.

“Kiṃ tvaṃ nu tattheva tadā ahosi,  
Udāhu te koci naṃ etadakkhā;  
Vivaṭṭacchaddo nusi sabbadassī,  
Ñānaṃ nu te brāhmaṇa bhiṃsarūpaṃ.

“Na cevahaṃ tattha tadā ahosiṃ,  
Na cāpi me koci naṃ etadakkhā;  
Gāthāpadānañca subhāsitaṃ,  
Atthaṃ tadānenti janinda dhīrā”’ti. (jā. 1.13.134-143) –

Imaṃ terasanipāte sarabhajātakañca kathesi. Imāni pana pañcapi jātakāni atītepi saṃkhittena bhāsitaṃ vitthārena atthaṃ mayhaṃ putto jānātīti satthārā dhammasenāpatisāriputtattherassa paññānubhāvappakāsanatthameva kathitānīti evaṃ āgamanatopi thero mahāpaññātaṃ etadaggaṭṭhānaṃ

labhi.

Kathaṃ **ciñṇavasitoti**? Ciñṇaṃ kiretaṃ therassa catuparisamajjhe dhammaṃ kathento cattāri saccāni amuñcitvā kathetīti evaṃ ciñṇavasitopi thero mahāpaññatāya etadaggaṭṭhānaṃ labhi.

Kathaṃ **guṇātirekatoti**? Ṭhapetvā hi dasabalaṃ añño koci ekasāvakopi mahāpaññatāya dhammasenāpatinā sadiso nāma natthīti evaṃ guṇātirekatopi thero mahāpaññatāya etadaggaṭṭhānaṃ labhi.

Yathā ca sārīputtatthero, evaṃ **mahāmoggallānattheropi** sabbeheva catūhipi imehi kāraṇehi etadaggaṭṭhānaṃ labhi. Kathaṃ? Thero hi mahiddhiko mahānubhāvo nandopanandasadisampi nāgarājānaṃ damesīti evaṃ tāva aṭṭhuppattito labhi. Na panesa idāneva mahiddhiko mahānubhāvo, aṭṭe pañca jātisatāni isipabbajjaṃ pabbajitopi mahiddhiko mahānubhāvo ahosīti.

“Yo pabbajī jātisatāni pañca,  
Pahāya kāmāni manoramāni;  
Taṃ vītarāgaṃ susamāhitindriyaṃ,  
Parinibbutaṃ vandatha moggallāna’nti. –

Evaṃ āgamanatopi labhi. Ciñṇaṃ cetāṃ therassa nirayaṃ gantvā attano iddhibalena nirayasattānaṃ assāsajananatthaṃ sītaṃ adhiṭṭhāya cakkamattaṃ padumaṃ māpetvā padumakaṇṇikāyaṃ nisīditvā dhammakathaṃ katheti, devalokaṃ gantvā devasaṅghaṃ kammagatiṃ jānāpetvā saccakathaṃ kathetīti evaṃ ciñṇavasito labhi. Ṭhapetvā ca sammāsambuddhaṃ añño sāvako mahāmoggallāno viya mahiddhiko mahānubhāvo natthīti evaṃ guṇātirekato labhi.

Yathā cesa, evaṃ **mahākassapattheropi** sabbehevimehi kāraṇehi etadaggaṭṭhānaṃ labhi. Kathaṃ? Sammāsambuddho hi therassa tigāvutaṃ maggaṃ paccuggamaṃ katvā tīhi ovādehi upasampādetvā cīvaraṃ parivattetvā adāsi. Tasmīṃ samaye mahāpathavī udakapariyantaṃ katvā kampi, mahājanassa abhantare therassa kittisaddo ajjhottharivā gato. Evaṃ aṭṭhuppattito labhi. Na cesa idāneva dhutadharo, aṭṭe pañca jātisatāni isipabbajjaṃ pabbajitopi dhutadharova ahoṣi.

“Yo pabbajī jātisatāni pañca,  
Pahāya kāmāni manoramāni;  
Taṃ vītarāgaṃ susamāhitindriyaṃ,  
Parinibbutaṃ vandatha mahākassapa’nti. –

Evaṃ āgamanatopi labhi. Ciñṇaṃ cetāṃ therassa catuparisamajjhagato dhammaṃ kathento dasa kathāvattḥūni avijahitvāva kathetīti evaṃ ciñṇavasito labhi. Ṭhapetvā ca sammāsambuddhaṃ añño sāvako terasahi dhutagaṇehi mahākassapasadiso natthīti evaṃ guṇātirekato labhi. Imināva niyāmena tesāṃ tesāṃ therānaṃ yathālābhato gaṇe kittetum vaṭṭati.

Guṇavaseneva hi sammāsambuddho yathā nāma rājā cakkavattī cakkaratanānubhāvena cakkavāḷagabbhe rajjasiriṃ patvā “pattabbaṃ me pattaṃ, kiṃ me idāni mahājanena olokiteṇā”ti na apposukko hutvā rajjasiriṃyeva anubhoti, kālena pana kālaṃ vinicchayaṭṭhāne nisīditvā niggahetabbe niggāṇhāti, paggahetabbe paggaṇhāti, ṭhānantaresu ca ṭhapetabbayuttake ṭhānantaresu ṭhapeti, evamevaṃ mahābodhimaṇḍe adhiगतassa sabbaññūtaññāssa ānubhāvena anuppattadhammarajjo dhammarājāpi “kiṃ me idāni lokena olokiteṇa, anuttaraṃ phalasamāpattisukhaṃ anubhavissāmi”ti apposukkataṃ anāpajjitvā catuparisamajjhe paññattavarabuddhāsane nisīno aṭṭhaṅgasamannāgataṃ brahmassaṃ nicchāretvā dhammaṃ desayamāno niggahetabbayutte kaṇhadhamme puggale sinerupāde pakkhipanto viya apāyabhayasantajanena niggahetvā paggahetabbayutte kalyāṇadhamme puggale ukkhipitvā bhavagge nisīdāpento viya paggaṇhitvā ṭhānantaresu ṭhapetabbayuttake

aññāsikoṇḍaññattherādayo sāvake yāthāvasarasaguṇavaseneva ṭhānantaresu ṭhapento **etadaggaṃ, bhikkhave, mama sāvakānaṃ bhikkhūnaṃ rattaññūnaṃ, yadidaṃ aññāsikoṇḍaññoti**ādīmāha.

### Aññāsikoṇḍaññattheravatthu

Tattha **etadagganti** padaṃ vuttatthameva. **Rattaññūnanti** rattiyo jānantānaṃ. Ṭhapetvā hi sammāsambuddhaṃ añño sāvako aññāsikoṇḍaññattherato paṭhamataraṃ pabbajito nāma natthīti pabbajitakālato paṭṭhāya thero cirakālaṃ rattiyo jānātīti rattaññū. Sabbapaṭhamamaṃ dhammassa paṭividdhattā yadā tena dhammo paṭividdho, cirakālato paṭṭhāya taṃ rattiṃ jānātīti rattaññū. Apica khīṇāsavānaṃ rattidivasaparicchedo pākaṭova hoti, ayañca paṭhamakhīṇāsavoti evampi rattaññūnaṃ sāvakānaṃ ayameva aggo purimakoṭibhūto seṭṭho. Tena vuttaṃ – “rattaññūnaṃ yadidaṃ aññāsikoṇḍañño”ti.

Ettha ca **yadidanti** nipāto, tassa theramaṃ avekkhitvā yo esoti, aggasaddamaṃ avekkhitvā yaṃ etanti attho. **Aññāsikoṇḍaññoti** nātaṅḍañño paṭividdhakoṇḍañño. Tenevāha – “aññāsi vata, bho, koṇḍañño, aññāsi vata, bho, koṇḍaññoti. Iti hidaṃ āyasmato koṇḍaññassa aññāsikoṇḍañño tveva nāmaṃ ahoṣī”ti (saṃ. ni. 5.1081; mahāva. 17).

Ayamaṃ pana thero katarabuddhakāle pubbapatthanaṃ abhinīhāraṃ akāsi, kadā pabbajito, kadānena paṭhamamaṃ dhammo adhigato, kadā ṭhānantare ṭhapitoti iminā nayena sabbesupi etadaggesu pañhakammaṃ vedītabbaṃ.

Tattha imassa tāva therassa pañhakamme ayamanupubbikathā – ito kappasatasahassamatthake padumuttaro nāma buddho loke udapādi, tassa paṭividdhasabbaññutaññāṇassa mahābodhipallaṅkato utṭhahantassa mahāpathaviyamaṃ ṭhapetumaṃ pāde ukkhittamatte pādasampaṭicchanatthamaṃ mahantaṃ padumapupphaṃ uggañchi, tassa dhurapattāni navutihatthāni honti, kesaraṃ tiṃsahatthamaṃ, kaṇṇikā dvādasahatthā, pādena paṭiṭṭhitaṭṭhānaṃ ekādasahatthamaṃ. Tassa pana bhagavato sarīraṃ aṭṭhapaṇṇāsahatthubbedhamaṃ ahoṣi. Tassa padumakaṇṇikāya dakkhiṇapāde paṭiṭṭhahante mahātumbamattā reṇu uggantvā sarīraṃ okiramānā otari, vāmapādassa ṭhapanakālepi tathārūpaṃyeva padumaṃ uggantvā pādaṃ sampaṭicchi. Tatopi uggantvā vuttappamaññaṃ reṇu sarīraṃ okiri. Taṃ pana reṇuṃ abhibhavamānā tassa bhagavato sarīrappabhā nikkhamitvā yantanālikāya vissatṭhasuvaṇṇarasadhārā viya samantā dvādasayojanaṭṭhānaṃ ekobhāsaṃ akāsi. Tatiyapāduddharaṇakāle pathamuggataṃ padumaṃ antaradhāyi, pādasampaṭicchanatthamaṃ aññaṃ navamaṃ padumaṃ uggañchi. Imināva niyāmena yattha yattha gantukāmo hoti, tattha tatthāpi mahāpadumaṃ uggaṇṇati. Tenevassa “padumuttarasammāsambuddho”ti nāmaṃ ahoṣi.

Evamaṃ so bhagavā loke uppajjivā bhikkhusatasahassaparivāro mahājanassa saṅghatthāya gāmanigamarājadhānīsu bhikkhāya caranto haṃsavatīnagaraṃ sampāpuṇi. Tassa āgatabhāvaṃ sutvā pitā mahārājā paccuggamaṃ akāsi. Satthā tassa dhammakathaṃ kathesi. Desanāpariyosāne keci sotāpannā keci sakadāgāmī keci anāgāmī keci arahattaṃ pāpuṇimsu. Rājā svātānāya dasabalaṃ nimantetvā punadivase kālaṃ ārocāpetvā bhikkhusatasahassaparivārassa bhagavato sakanivesane mahādānaṃ adāsi. Satthā bhattānumodanaṃ katvā vihārameva gato. Teneva niyāmena punadivase nāgarā, punadivase rājāti dīghamaddhānaṃ dānaṃ adāmsu.

Tasmiṃ kāle ayamaṃ thero haṃsavatīnagare gahapatimahāsālakule nibbato. Ekadivasaṃ buddhānaṃ dhammadesanākāle haṃsavatīnagaravāsino gandhamālādihatthe yena buddho, yena dhammo, yena saṅgho, tanninne tappoṇe tappabbhāre gacchante disvā tena mahājanena saddhiṃ dhammadesanaṭṭhānaṃ agamāsi. Tasmiñca samaye padumuttaro bhagavā attano sāsane paṭhamamaṃ paṭividdhadhammaṃ ekamaṃ bhikkhumaṃ etadaggaṭṭhāne ṭhapesi. So kulaputto taṃ kāraṇamaṃ sutvā “mahā vatāyamaṃ bhikkhu, ṭhapetvā kira buddhamaṃ añño iminā paṭhamataraṃ paṭividdhadhammo nāma natthi. Aho vatāhampi anāgate ekassa buddhassa sāsane paṭhamamaṃ dhammaṃ paṭivijjhanasamattho

bhaveyya’’nti cintetvā desanāpariyosāne bhagavantam upasaṅkamtivā ‘‘sve mayham bhikkham gaṇhathā’’ti nimantesi. Sathā adhivāsesi.

So bhagavantam abhivādetvā padakkhiṇam katvā sakanivesanam gantvā sabbarattim buddhānam nisajjanatthānam gandhadāmamālādāmādīhi alaṅkaritvā paṇītam khādanīyam bhojanīyam paṭiyādāpetvā tassā rattiyā accayena sakanivesane bhikkhusatasahassaparivārassa bhagavato vicitrāyāgukhajjakaparivāram nānārasasūpabyañjanam gandhasālibhojanam datvā bhattakiccapariyosāne ticīvarapahonake vaṅgapaṭṭe tathāgatassa pādāmūle ṭhapetvā cintesi – ‘‘nāham parittakassa ṭhānassatthāya carāmi, mahantaṃ ṭhānam patthento carāmi, na kho pana sakkā ekameva divasaṃ dānam datvā taṃ ṭhānantaram patthetu’’nti ‘‘anupaṭipāṭiyā satta divasāni mahādānam datvā patthessāmi’’ti. So teneva niyāmena satta divasāni mahādānam datvā bhattakiccapariyosāne dussakoṭṭhāgāram vivarāpetvā uttamasukhumavattham buddhānam pādāmūle ṭhapetvā bhikkhusatasahassam ticīvarena acchādetvā tathāgataṃ upasaṅkamtivā, ‘‘bhante, yo tumhehi ito sattadivasaṃ patthake bhikkhu etadagge ṭhapito, ahampi so bhikkhu viya anāgate uppajjanakabuddhassa sāsane pabbajitvā paṭhamam dhammam paṭivijjhitaṃ samattho bhaveyya’’nti vatvā satthu pādāmūle sīsam katvā nipajji.

Sathā tassa vacanam sutvā ‘‘iminā kulaputtana mahāadhikāro kato, samijjhissati nu kho etassa ayaṃ patthanā no’’ti anāgataṃsaññaṃ pesetvā āvajjento ‘‘samijjhissati’’ti passi. Buddhānañhi aṭṭam vā anāgataṃ vā paccuppannam vā ārabba āvajjentaṃ āvaraṇam nāma natthi, anekakappaṇṇasahasasantarampi ca aṭṭam vā anāgataṃ vā cakkavāḷasahasasantarampi ca paccuppannam vā āvajjanapaṭibaddhameva manasikārapaṭibaddhameva hoti. Evaṃ appaṭivattiyena ṇāṇena so bhagavā idaṃ addasa – ‘‘anāgate satasahasakappapariyosāne gotamo nāma buddho loke uppajjissati, tadā imassa patthanā samijjhissati’’ti. Atha naṃ evamāha – ‘‘ambho, kulaputta, anāgate satasahasakappapariyosāne gotamo nāma buddho loke uppajjissati, tvaṃ tassa paṭhamakadhammadesanāya teparivaṭṭadhammacakkappavattanasuttantapariyosāne aṭṭhārasahi brahmakoṭṭhi saddhiṃ sahasanayasampanne sotāpattiṃphale paṭiṭṭhahissasi’’ti.

Iti sathā taṃ kulaputtaṃ byākaritvā caturāsīti dhammakkhandaṃ sahasāni desetvā anupādisesāya nibbānadhātuyā parinibbāyi. Tassa parinibbutassa sarīraṃ suvaṇṇakkhandho viya ekagghanaṃ ahoṣi, sarīracetiyaṃ panassubbedhena sattayojanikaṃ akaṃsu. Itthakā suvaṇṇamayā ahesuṃ, haritālanosilāya mattikākiccaṃ, telena udakakiccaṃ sādhayiṃsu. Buddhānam dharamānakāle sarīrapabhā dvādasayojanikaṃ phari, parinibbutānaṃ pana tesam rasmi nikkhamitvā samantā yojanasataṃ avatthari.

Ayaṃ seṭṭhi buddhānam sarīracetiyaṃ parivāretvā sahasaratanagghiyāni kāresi. Cetiyaṃ paṭiṭṭhāpanadivase antocetiye ratanagharam kāresi. So vassasatasahasam mahantaṃ dānādimaṃ kalyāṇakammaṃ katvā tato cuto devapure nibbatti. Tassa devesu ca manussesu ca saṃsarantasseva navanavuti kappasahasāni nava kappasatāni nava ca kappā samatikkantā. Ettakassa kālassa accayena ito ekanavutikappamatthake ayaṃ kulaputto bandhumatīnagarassa dvārasamīpe gāme kuṭumbiyagehe nibbatta. Tassa **mahākāloti** nāmaṃ ahoṣi, kaniṭṭhabhātā panassa cūḷakālo nāma.

Tasmim samaye vipassī bodhisatto tusitapurā cavitvā bandhumatīnagare bandhumassa rañño aggamaṃhesiyā kucchimim nibbatta. Anukkamena sabbaññutaṃ patvā dhammadesanattāya mahābrahmunā āyācito ‘‘kassa nu kho paṭhamam dhammam desessāmi’’ti cintetvā attano kaniṭṭham khaṇḍam nāma rājakumāram tissaṇca purohitaputtaṃ ‘‘paṭhamam dhammam paṭivijjhitaṃ samatthā’’ti disvā ‘‘tesaṇca dhammam desessāmi, pitu ca saṅgham karissāmi’’ti bodhimaṇḍato ākāseneva āgantvā kheme migadāye oṭiṇṇo te pakkosāpetvā dhammam desesi. Desanāpariyosāne te dvepi janā caturāsītiyā pānasahashehi saddhiṃ arahattaphale paṭiṭṭhahimṃsu.

Athāparepi bodhisattakāle anupabbajitā caturāsītisahasā kulaputtā taṃ pavattim sutvā satthu santikaṃ āgantvā dhammadesanaṃ sutvā arahattaphale paṭiṭṭhahimṃsu. Sathā taṃ tattheva

khaṇḍattheraṃ aggasāvakaṭṭhāne, tissattheraṃ dutiyasāvakaṭṭhāne ṭhapesi. Rājāpi taṃ pavattim sutvā “puttaṃ passissāmi”ti uyyānaṃ gantvā dhammadesanaṃ sutvā tīsu saraṇesu paṭiṭṭhāya satthhāraṃ svātanāya nimantetvā abhivādetvā padakkhiṇaṃ katvā pakkāmi.

So pāsādavaragato nisīditvā cintesi – “mayhaṃ jeṭṭhaputto nikkhamitvā buddho jāto, dutiyaputto me aggasāvako, purohitaputto dutiyasāvako. Ime ca avasesabhikkhū gihikālepi mayhaṃ puttameva parivāretvā vicariṃsu, ime pubbepi dānīpi mayhameva bhārā, ahameva te catūhi paccayehi upaṭṭhahissāmi, aññesaṃ okāsaṃ na dassāmi”ti. Vihāradvāraḷakato paṭṭhāya yāva rājagehadvārā ubhosu passesu khadirapākāraṃ kāretvā vatthehi paṭicchādāpetvā upari suvaṇṇatārakavicittaṃ samolambitatālakkhandhamattavividhapupphadānavitānaṃ kāretvā heṭṭhābhūmiṃ vicittattharaṇehi santharāpetvā anto ubhosu passesu mālāgacchakesu puṇṇaghaṭe sakalamaggavāsathhāya ca gandhantaresu pupphāni pupphantaresu gandhe ca ṭhapāpetvā bhagavato kālaṃ ārocāpesi. Bhagavā bhikkhusaṅghaparivuto antosāṇiyāva rājagehaṃ gantvā bhattakiccaṃ katvā vihāraṃ paccāgacchati. Añño koci daṭṭhumpi na labhati, kuto pana bhikkhaṃ vā dātuṃ pūjaṃ vā kātuṃ.

Nāgarā cintesuṃ – “ajja satthu loka uppanassa sattamāsādhikāni satta saṃvaccharāni, mayañca daṭṭhumpi na labhāma, pageva bhikkhaṃ vā dātuṃ pūjaṃ vā kātuṃ dhammaṃ vā sotuṃ. Rājā ‘mayhaṃ eva buddho, mayhaṃ dhammo, mayhaṃ saṅgho’ti mamāyitvā sayameva upaṭṭhahati. Satthā ca uppajjamāno sadevakassa lokassa atthāya uppanno, na rañño yeva atthāya. Na hi rañño yeva nirayo uṇho, aññesaṃ nīluppalavanasadiso. Tasmā rājānaṃ evaṃ vadāma ‘sace no satthhāraṃ deti, iccetaṃ kusalaṃ. No ce deti, raññā saddhiṃ yujjhivā saṅghaṃ gahetvā dānādāni puññāni karoma. Na sakkā kho pana suddhanāgareheva evaṃ kātuṃ, ekaṃ jeṭṭhakapurisampi gaṇhāmā”ti senāpatiṃ upasaṅkamitvā tassa tamatthaṃ ārocetvā “sāmi kiṃ amhākaṃ pakkho hohisi, udāhu rañño”ti āhaṃsu. So āha – “tumhākaṃ pakkho homi, apica kho pana paṭhamadivaso mayhaṃ dātabbo”ti. Te sampaṭicchīṃsu.

So rājānaṃ upasaṅkamitvā “nāgarā, deva, tumhākaṃ kupitā”ti āha. Kimatthaṃ tātāti? Satthhāraṃ kira tumheva upaṭṭhahatha, amhe na labhāmāti. Sace idānīpi labhanti, na kuppanti. Alabhantā tumhehi saddhiṃ yujjhikāmā, devāti. Yujjhāmi, tāta, na bhikkhusaṅghaṃ demīti. Deva, tumhākaṃ dāsā tumhehi saddhiṃ yujjhāmāti vadanti, tumhe kaṃ gaṇhitvā yujjhissathāti? Nanu tvaṃ senāpatīti? Nāgarehi vinā asamattho ahaṃ, devāti. Tato rājā “balavanto nāgarā, senāpatipi tesameva pakkho”ti ñatvā “aññāni sattamāsādhikāni satta saṃvaccharāni mayhaṃ bhikkhusaṅghaṃ dentū”ti āha. Nāgarā na sampaṭicchīṃsu. Rājā “chabbassāni pañcavassāni”ti evaṃ hāpetvā aññe satta divase yāci. Nāgarā “atikakkaḷaṃ dāni raññā saddhiṃ kātuṃ na vaṭṭatī”ti anujāṇiṃsu. Rājā sattamāsādhikānaṃ sattannaṃ saṃvaccharānaṃ sajjitaṃ dānamukhaṃ sattannaṃ eva divasānaṃ sajjetvā cha divase kesañci apassantānaṃ yeva dānaṃ datvā sattame divase nāgare pakkosāpetvā “sakkhissatha, tātā, evarūpaṃ dānaṃ dātu”nti āha. Tepi “nanu amhe yeva nissāyetaṃ devassa uppanna”nti vatvā “sakkhissāmā”ti āhaṃsu. Rājā piṭṭhihatthena assūni puñchamāno bhagavantaṃ vanditvā, “bhante, aṭṭhasaṭṭhibhikkhusatasahassaṃ aññassu bhāraṃ akatvā yāvajīvaṃ catūhi paccayehi upaṭṭhahissāmīti cintesiṃ, nāgarānaṃ dāni me anuññātaṃ, nāgarā hi ‘mayhaṃ dānaṃ dātuṃ na labhāmā’ti bhagavā kuppanti. Sveva paṭṭhāya tesamā anuggahaṃ karothā”ti āha.

Atha dutiyadivase senāpati mahādānaṃ adāsi. Tato nāgarā raññā katasakkārato uttaritaraṃ sakkārasammānaṃ katvā dānaṃ adāsu. Eteneva niyāmena sakalanagarassa paṭipāṭiyā gatāya dvāragāmaṃ vāsino sakkārasammānaṃ sajjayiṃsu. Mahākālakuṭumbiko cūlakālaṃ āha – “dasabalassa sakkārasammānaṃ sveva amhākaṃ pāpuṇāti, kiṃ sakkāraṃ karissāmā”ti? Tvameva bhātika jānāhīti. Sace mayhaṃ ruciyā karosi, amhākaṃ soḷasakarīsamattesu khettesu gahitagabbhā sāliyo atthi. Sāligabbhaṃ phāletvā ādāya buddhānaṃ anucchavikaṃ pacāpemāti. Evaṃ kayiramāne kassaci upakāro na hoti, tasmā netamā mayhaṃ rucati. Sace tvaṃ evaṃ na karosi, ahaṃ mayhaṃ santakaṃ mamāyitūṃ labhāmīti soḷasakarīsamattaṃ khettaṃ majjhe bhinditvā aṭṭhakarīsaṭṭhāne sīmaṃ ṭhapetvā sāligabbhaṃ phāletvā ādāya asamabhinne khīre pacāpetvā catumadhuraṃ pakkhipitvā buddhappamukhassa saṅghassa adāsi. Kuṭumbikassa kho gabbhaṃ phāletvā gahitagahitaṭṭhānaṃ puna pūrati. Puthukakāle puthukaggaṃ



nāma adāsi, gāmaṅgāsihi saddhiṃ aggasassaṃ nāma adāsi, lāyane lāyanaggaṃ, veṇikaraṇe veṇaggaṃ, kalāpādīsu kalāpaggāṃ khalaggaṃ khalabhaṇḍaggaṃ koṭṭhaggaṃti. Evaṃ so ekasasseva nava vāre aggaḍānaṃ adāsi. Tampi sassaṃ atirekaṃ uṭṭhānasampannaṃ ahoṣi.

Yāva buddhā dharati, yāva ca saṅgho dharati, eteneva niyāmena kalyāṇakammaṃ katvā tato cuto devaloke nibbattitvā devesu ceva manussesu ca saṃsaranto ekanavutikappe sampattiṃ anubhavitvā amhākaṃ satthu loke uppannakāle kapilavatthunagarassa avidūre doṇavatthubrāhmaṇagāme brāhmaṇamahāsālakule nibbatti. Tassa nāmaggaṇadivase **koṇḍaññaṃ māṇavo**ti nāmaṃ akāṃsu. So vuḍḍhimanvāya tayo vede uggahetvā lakkhaṇamantānaṃ pāraṃ agamāsi. Tena samayena amhākaṃ bodhisatto tusitapurā cavitvā kapilavatthupure nibbatti. Tassa nāmaggaṇadivase aṭṭhuttaraṃ brāhmaṇasataṃ ahatavatthehi acchādetvā appodakaṃ madhupāyāsaṃ pāyevā tesāṃ antare aṭṭha jane uccinitvā mahātale nisīdāpetvā alaṅkatapaṭiyattaṃ bodhisattaṃ dukūlacumbaṭake nipajjāpetvā lakkhaṇapariggahaṇatthaṃ tesāṃ santikaṃ ānayaṃsu. Dhurāsane nisinnabrāhmaṇo mahāpurisassa sarīrasampattiṃ oloketvā dve aṅguliyo ukkhipi. Evaṃ paṭipāṭiyā satta janā ukkhipiṃsu. Tesāṃ pana sabbanavako koṇḍaññaṃ māṇavo, so bodhisattassa lakkhaṇavaraniṭṭhitaṃ oloketvā “agāramajjhe ṭhānakāraṇaṃ natthi, ekantenesa vivaṭṭacchaddo buddho bhavissati”ti ekameva aṅguliṃ ukkhipi. Itare pana satta janā “sace agāraṃ ajjhāvasissati, rājā bhavissati cakkavattī. Sace pabbajissati, buddho bhavissati”ti dve gatiyo disvā dve aṅguliyo ukkhipiṃsu. Ayaṃ pana koṇḍañño katādhikāro pacchimabhavikasatto paññāya itare satta jane abhibhavitvā “imehi lakkhaṇehi samannāgatassa agāramajjhe ṭhānakāraṇaṃ nāma natthi, nissāmsayaṃ buddho bhavissati”ti ekameva gatiṃ addasa, tasmā ekaṃ aṅguliṃ ukkhipi. Tato brāhmaṇā attano gharāni gantvā putte āmantayaṃsu – “tātā, amhe mahallakā, suddhodanamahārājassa puttaṃ sabbaññutappattaṃ mayaṃ sambhāveyyāma vā no vā. Tumhe tasmiṃ kumāre sabbaññutaṃ patte tassa sāsane pabbajeyyāthā”ti.

Suddhodanamahārājāpi bodhisattassa dhātiyo ādim katvā parihāraṃ upaṭṭhapento bodhisattaṃ vuddhiṃ āpādesi. Mahāsattopi vuddhippatto devo viya sampattiṃ anubhavitvā paripakke ñāṇe kāmesu ādīnavāṃ nekkhamme ca ānisaṃsaṃ disvā rāhulakumārassa jātaḍivase channasahāyo kaṇḍakaṃ āruya devatāhi vivaṭṭena dvārena mahābhinnikkhamaṇaṃ nikkhamitvā teneva rattibhāgena tīṇi rajjāni atikkamitvā anomānadīre pabbajitvā ghaṭikāramahābrahmunā ābhate arahaddhaje gahitamatteyeva vassasatṭhikatthero viya pāsādikena iriyāpathena rājagahaṃ patvā tattha piṇḍāya caritvā paṇḍavapabbatacchāyāya piṇḍapātaṃ paribhuñjitvā rañña māgadheṇa rajjasiriyā nimantiyamānopi taṃ paṭikkhipitvā anukkamena uruvelaṃ gantvā “ramaṇīyo vata ayaṃ bhūmibhāgo, alaṃ vatidaṃ kulaputtassa padhānatthikassa padhānāyā”ti padhānābhimukhaṃ cittaṃ uppādetvā tattha vāsaṃ upagato.

Tena samayena itare satta brāhmaṇā yathākammaṃ gatā, sabbadaharo pana lakkhaṇapariggāhako koṇḍaññaṃ māṇavo arogo. So “mahāpuriso pabbajito”ti sutvā tesāṃ brāhmaṇānaṃ putte upasaṅkamitvā evamāha – “siddhatthakumāro kira pabbajito. So hi nissāmsayaṃ buddho bhavissati. Sace tumhākaṃ pītarō arogā assu, ajja nikkhamitvā pabbajeyyūṃ. Sace tumhepi icchatha, etha mayaṃ taṃ mahāpurisamanupabbajissāmā”ti. Te sabbe ekacchanda bhavituṃ nāsakkhiṃsu. Tayo janā na pabbajīṃsu, koṇḍaññaṃ brāhmaṇaṃ jeṭṭhakaṃ katvā itare cattāro pabbajīṃsu. Ime pañca pabbajitvā gāmanigamarājadhānīsu bhikkhāya carantā bodhisattassa santikaṃ agamiṃsu. Te chabbassāni bodhisatte mahāpadhānaṃ padahante “idāni buddho bhavissati idāni buddho bhavissati”ti mahāsattaṃ upaṭṭhahamānā santikāvacarāvassa ahesuṃ. Yadā pana bodhisatto ekatīlanaḍulādīhi vītināmentopi dukkarakārikāya ariyadhammapaṭivedhassa abhāvaṃ ñatvā oḷārikaṃ āhāraṃ āhari, tadā te pakkamitvā isipatanāṃ agamaṃsu.

Atha bodhisatto oḷārikāhāraparibhogena chavimaṃsalohitapāripūriṃ katvā visākhapuṇṇamadivase sujātāya dīnaṃ varabhojanaṃ bhuñjitvā suvaṇṇapātiṃ nadiyā paṭisotaṃ khipitvā “ajja buddho bhavissāmī”ti katasanniṭṭhāno sāyanhasamayā kālena nāgarājena anekehi thutisatehi abhitthaviyamāno mahābodhimaṇḍaṃ āruya acalaṭṭhāne pācīnalokadhātuabhimukho pallaṅkena nisīditvā

caturaṅgasamannāgataṃ vīriyaṃ adhiṭṭhāya sūriye dharamāneyeva mārabalaṃ vidhamitvā paṭhamayāme pubbenivāsaṃ anussaritvā majjhimayāme dibbacakkhuṃ visodhetvā paccūsakālasamanantare paṭiccasamuppāde ñāṇaṃ otāretvā anulomapaṭilomaṃ paccayākāravatṭaṃ sammasanto sabbabuddhehi paṭividdhaṃ asādhāraṇaṃ sabbaññutaññāṇaṃ paṭivijjhivā nibbānārammaṇāya phalasaṃpattiyā tattheva sattāhaṃ vītināmesi.

Eteneva upāyena sattasattāhaṃ bodhimaṇḍe viharitvā rājāyatanamūle madhupiṇḍikabhojanaṃ paribhuñjitvā puna ajapālanigrodhamūlaṃ āgantvā tattha nisinno dhammagambhīrataṃ paccavekkhitvā appossukkatāya citte namante mahābrahmunā yācito buddhacakkhunā lokaṃ volokento tikkhindriyādibhede satte disvā mahābrahmuno dhammadesanāya paṭiññaṃ datvā “kassa nu kho ahaṃ paṭhamaṃ dhammaṃ desessāmi”ti ālārudakānaṃ kālakatabhāvaṃ ñatvā puna cintento “bahūpakārā kho pana me pañcavaggiyā bhikkhū, ye maṃ padhānapahitattaṃ upaṭṭhahimsu. Yaṃnūnāhaṃ pañcavaggiyānaṃ bhikkhūnaṃ paṭhamaṃ dhammaṃ deseyya”nti cittaṃ uppādesi. Idaṃ pana sabbameva buddhānaṃ parivittakamattameva, ṭhapetvā pana koṇḍaññabrāhmaṇaṃ añño koci paṭhamaṃ dhammaṃ paṭivijjhituṃ samattho nāma natthi. Sopi etadattameva kappasatasahassaṃ adhikārakammaṃ akāsi, buddhappamukhassa bhikkhusaṅghassa nava vāre aggasassadānaṃ adāsi.

Atha sathā pattacīvaramādāya anupubbena isipatanaṃ gantvā yena pañcavaggiyā bhikkhū, tenupasaṅkami. Te tathāgataṃ āgacchantaṃ disvāva attano katikāya saṅghātuṃ nāsakkhimsu. Eko pattacīvaraṃ paṭiggahesi, eko āsanaṃ paññāpesi, eko pādodakaṃ paccupaṭṭhāpesi, eko pāde dhovi, eko tālavaṇṭaṃ gahetvā bījamāno ṭhito. Evaṃ tesu vattaṃ dassetvā santike nisennesu koṇḍaññattheraṃ kāyasakkhiṃ katvā sathā anuttaraṃ te parivaṭṭaṃ dhammacakkappavattanasuttantaṃ ārabhi. Manussaparisaṃ pañca janāva ahesuṃ, devaparisaṃ aparicchinnā. Desanāpariyosāne koṇḍaññatthero aṭṭhārasahi mahābrahmakotīhi saddhiṃ sotāpattiphale paṭiṭṭhito. Atha sathā “mayā dukkarasatābhatam dhammaṃ paṭhamameva aññāsīti aññāsikoṇḍañño nāma aya”nti theram ālapanto “aññāsi vata, bho, koṇḍañño, aññāsi vata, bho, koṇḍañño”ti āha. Tassa tadeva nāmaṃ jātaṃ. Tena vuttaṃ – “iti hidam āyasmato koṇḍaññassa aññāsikoṇḍañnotveva nāmaṃ aho”ti.

Iti thero āsāḥhipuṇṇamāyaṃ sotāpattiphale paṭiṭṭhito, pāṭipadadivase bhaddiyatthero, dutiyapakkhadivase vappatthero, tatiyapakkhadivase mahānāmatthero, pakkhassa catutthiyaṃ assajitthero sotāpattiphale paṭiṭṭhito. Pañcamiyā pana pakkhassa anattalakkhaṇasuttantadesanāpariyosāne sabbepi arahatte paṭiṭṭhitā.

Tena kho pana samayena cha loke arahanto honti. Tato paṭṭhāya sathā yasadārakappamukhe pañcapanñāsa purise, kappāsiyavanasaṇḍe tiṃsamatte bhaddavaggiye, gayāsīse piṭṭhipāsāne sahasamatte purāṇajaṭileti evaṃ mahājanaṃ ariyabhūmiṃ otāretvā bimbisārappamukhāni ekādasanahutāni sotāpattiphale, ekaṃ nahutaṃ saraṇattaye paṭiṭṭhāpetvā jambudīpatale sāsaṇaṃ pupphitaphalitaṃ katvā sakalajambudīpamaṇḍalaṃ kāsāvapajjotaṃ isivātapāṭivātaṃ karonto ekasmiṃ samaye jetavanamahāvihāraṃ patvā tattha vasanto bhikkhusaṅghamajjhe paññattavarabuddhāsanagato dhammaṃ desento “paṭhamaṃ dhammaṃ paṭividdhabhikkhūnaṃ antare mama putto koṇḍañño aggo”ti dassetuṃ etadaggaṭṭhāne ṭhapesi.

Theropi dve aggasāvake attano nipaccakāraṃ karonte disvā buddhānaṃ santikā apakkamitukāmo hutvā “puṇṇamāṇavo pabbajitvā sāsane aggadhammakathiko bhavissati”ti disvā doṇavattubhrāhmaṇagāmaṃ gantvā attano bhāgineyyaṃ puṇṇamāṇavaṃ pabbājetvā “ayaṃ buddhānaṃ santike vasissati”ti tassa buddhānaṃ antevāsikabhāvaṃ katvā sayam dasabalaṃ upasaṅkamitvā “bhagavā mayhaṃ gāmantasenāsaṇaṃ asappāyaṃ, ākiṇṇo viharituṃ na sakkomi, chaddantadaṃ gantvā vasissāmi”ti bhagavantaṃ anujānāpetvā utṭhāyāsanaṃ sathāraṃ vanditvā chaddantadaṃ gantvā chaddantahatthikulaṃ nissāya dvādasa vassāni vītināmetvā tattheva anupādīsēsāya nibbānadhātuyā parinibbāyi.

## Sāriputta-moggallānattheravatthu

**189-190.** Dutiyatatiyesu **mahāpaññānanti** mahatiyā paññāya samannāgatānaṃ. **Iddhimantānanti** iddhiyā sampannānaṃ. **Sāriputto moggallānoti** tesam therānaṃ nāmaṃ.

Imesampi pañhakamme ayamanupubbikathā – ito satasahassakappādhike asaṅkhyeyyakappamatthake sāriputto brāhmaṇamahāsālakule nibbatti, nāmena saradamāṇavo nāma ahosi. Moggallāno gahapatimahāsālakule nibbatti, nāmena sirivaḍḍhanakuṭumbiyo nāma ahosi. Te ubhopi sahapamsukīlitāva sahāyakā ahesuṃ. Saradamāṇavo pitu accayena kulasantakaṃ mahādhanam paṭipajjitvā ekadivasam rahogato cintesi – “ahaṃ idhalokattabhāvameva jānāmi, no paralokattabhāvaṃ, jātasattānañca maraṇam nāma dhuvam, mayā ekaṃ pabbajjam pabbajitvā mokkhadhammagavesanaṃ kātuṃ vaṭṭatī”ti. So sahāyakaṃ upasaṅkamitvā āha – “samma sirivaḍḍhana, ahaṃ pabbajitvā mokkhadhammaṃ gavesissāmi, tvam mayā saddhiṃ pabbajituṃ sakkhissasī”ti. Na sakkhissāmi, samma, tvameva pabbajāhīti. So cintesi – “paralokaṃ gacchantā sahāye vā ñātimitte vā gahetvā gatā nāma natthi, attanā kataṃ attanova hotī”ti. Tato ratanakoṭṭhāgāraṃ vivarāpetvā kapaṇaddhikavaṇṇibbakayācakānaṃ mahādānaṃ datvā pabbatapādaṃ pavisitvā isipabbajjam pabbaji. Tassa eko dve tayoti evaṃ anupabbajjam pabbajitā catusattatisahassamattā jaṭilā ahesuṃ. So pañcābhīññā aṭṭha ca samāpattiyo nibbattetvā tesampi jaṭilānaṃ kasiṇaparikkammaṃ ācikkhi. Tepi sabbe pañca abhiññā aṭṭha ca samāpattiyo nibbattesuṃ.

Tena samayena anomadassī nāma buddho loke udapādi. Nagaraṃ candavatī nāma ahosi, pitā yasavanto nāma khattiyo, mātā yasodharā nāma devī, bodhi ajjunarukkho, nisabhatthero ca anomatthero cāti dve aggasāvaka, varuṇatthero nāma upaṭṭhāko, sundarā ca sumanā cāti dve aggasāvika, āyu vassasatasahassam ahosi, sarīraṃ aṭṭhapaññāsahatthubbedham, sarīrapabhā dvādasayojanaṃ phari, bhikkhusatasahassaparivāro ahosi.

Athekadivasam paccūsakāle mahākaruṇāsamāpattito vuṭṭhāya lokaṃ volokento saradatāpasam disvā “ajja mayham saradatāpasassa santikaṃ gatapaccayena dhammadesanā ca mahatī bhavissati, so ca aggasāvakaṭṭhānaṃ patthessati, tassa sahāyako sirivaḍḍhanakuṭumbiyo dutiyasāvakaṭṭhānaṃ, desanāpariyosāne cassa parivārā catusattatisahassajaṭilā arahattaṃ pāpuṇissanti, mayā tattha gantum vaṭṭatī”ti attano pattacīvaramādāya aññaṃ kañci anāmantetvā siho viya ekacaro hutvā saradatāpasassa antevāsikesu phalāphalathāya gatesu “buddhabhāvaṃ me jānātū”ti tassa passantasseva saradatāpasassa ākāsato otarivā pathaviyaṃ patiṭṭhāsī. Saradatāpaso buddhānubhāvaṃ ceva sarīrasampattiṃ cassa disvā lakkhaṇamante sammāsivā “imehi lakkhaṇehi samannāgato nāma agāramajjhe vasanto rājā hoti cakkavattī, pabbajjanto loke vivaṭṭacchado sabbaññu buddho hoti, ayaṃ puriso nissamsayaṃ buddho”ti jānitvā paccuggamaṃ katvā pañcapatiṭṭhitena vanditvā āsanaṃ paññāpetvā adāsī. Nisīdi bhagavā paññattāsane. Saradatāpasopi attano anucchavikaṃ āsanaṃ gahetvā ekamantaṃ nisīdi.

Tasmiṃ samaye catusattatisahassajaṭilā paṇītapāṇīṭāni ojavantāni phalāphalāni gahetvā ācariyassa santikaṃ sampattā buddhānañceva ācariyassa ca nisinnāsanam oloketvā āhaṃsu – “ācariya, mayam ‘imasmim loke tumhehi mahantataro natthi’ti vicarāma, ayaṃ pana puriso tumhehi mahantataro maññe”ti. Tātā, kiṃ vadatha? Sāsapena saddhiṃ aṭṭhasaṭṭhiyojanasatasahassubbedham sineruṃ samaṃ kātuṃ icchatha, sabbaññubuddhena saddhiṃ mayham upamaṃ mā karittha puttakāti. Atha te tāpasā “sace ayaṃ ittarasatto abhavissa, na amhākaṃ ācariyo evarūpaṃ upamaṃ āhareyya, yāva mahā vatāyaṃ puriso”ti sabbeva pādesu nipatitvā sirasā vandimsu.

Atha ne ācariyo āha – “tātā, amhākaṃ buddhānaṃ anucchaviko deyyadhammo natthi, sathā ca bhikkhācāravelāya idhāgato, mayam yathābalaṃ deyyadhammaṃ dassāma. Tumhe yaṃ yaṃ paṇītaṃ phalāphalaṃ, taṃ taṃ āharathā”ti. Āharāpetvā hatthe dhovivā sayam tathāgatassa patte patiṭṭhāpesi. Sathārā ca phalāphale paṭiggahitamatte devatā dibbojaṃ pakkhipimsu. Tāpaso udakampi sayameva parissāvetvā adāsī. Tato bhattakiccaṃ niṭṭhāpetvā hatthaṃ dhovivā nisinne sathari sabbe antevāsike

pakkositvā satthu santike sāraṇīyaṃ katham̐ kathento nisīdi. Satthā “dve aggasāvakā bhikkhusaṅghena saddhiṃ āgacchantū”ti cintesi. Te satthu cittaṃ ñatvā satasahasakkhīṇāsavaparivārā āgantvā satthāraṃ vanditvā ekamantaṃ aṭṭhaṃsu.

Tato saradatāpaso antevāsike āmantesi – “tātā, buddhānaṃ nisinnāsanampi nīcaṃ, samaṇasatasahasānampi āsanaṃ natthi, tumhehi ajja uḷāraṃ buddhasakkāraṃ kātuṃ vaṭṭati, pabbatapādato vaṇṇagandhasampannāni pupphāni āharathā”ti. Kathanakālo papañco viya hoti, iddhimantānaṃ pana visayo acinteyyoti muhuttamatteneva te tāpasā vaṇṇagandhasampannāni pupphāni āharitvā buddhānaṃ yojanappamānaṃ pupphāsaṃ paññāpesuṃ, ubhinnaṃ aggasāvakanāṃ tigāvutaṃ, sesabhikkhūnaṃ aḍḍhayojanikādibhedam̐, saṅghanavakassa usabhamattaṃ ahosi. Evaṃ paññattesu āsanesu saradatāpaso tathāgatassa purato añjaliṃ paggahetvā ṭhito, “bhante, mayhaṃ dīgharattaṃ hitasukhatthāya imaṃ pupphāsaṃ abhiruhathā”ti āha.

“Nānāpupphañca gandhañca, sampādetvāna ekato;  
Pupphāsaṃ paññāpetvā, idaṃ vacanamabravim̐.

“Idaṃ te āsanaṃ vīra, paññattaṃ tavanucchavim̐;  
Mama cittaṃ pasādentō, nisīda pupphamāsane.

“Sattarattidivaṃ buddho, nisīdi pupphamāsane;  
Mama cittaṃ pasādetvā, hāsavitvā sadevake”ti.

Evaṃ nisinne satthari dve aggasāvakā ca sesabhikkhū ca attano attano pattāsanesu nisīdim̐su. Saradatāpaso mahantaṃ pupphacchattaṃ gahetvā tathāgatassa matthake dhārayanto aṭṭhāsi. Satthā “jaṭilānaṃ ayaṃ sakkāro mahapphalo hotū”ti nirodhasamāpattiṃ samāpajji. Satthu samāpanabhāvaṃ ñatvā dve aggasāvakāpi sesabhikkhūpi samāpattiṃ samāpajjim̐su. Tathāgate sattāhaṃ nirodhasamāpattiṃ samāpajjitvā nisinne antevāsikā bhikkhācārakāle sampatte vanamūlaphalāphalaṃ paribhuñjitvā sesakāle buddhānaṃ añjaliṃ paggayha tiṭṭhanti. Saradatāpaso pana bhikkhācārampi āgantvā pupphacchattaṃ gahitaniyāmeneva sattāhaṃ pītisukhena vītināmesi.

Satthā nirodhato vuṭṭhāya dakkhiṇapasse nisinnaṃ aggasāvakaṃ nisabhattheraṃ āmantesi – “nisabha sakkārakārakānaṃ tāpasānaṃ pupphāsanānumodanaṃ karohī”ti. Thero cakkavattirañño santikā paṭiladdhamahālābho mahāyodho viya tuṭṭhamānaso sāvakaṃ pāramiññaṃ ṭhatvā pupphāsanānumodanaṃ ārabhi. Tassa desanāvasāne dutiyasāvakaṃ āmantesi – “tvampi dhammaṃ desehi”ti. Anomatthero teṭṭhakaṃ buddhavaṇaṃ sammāsivā dhammaṃ kathesi. Dvinnāṃ sāvakanāṃ desanāya ekassapi abhisamayo nāhosi. Atha satthā aparimāṇe buddhavisaye ṭhatvā dhammadeśanaṃ ārabhi. Desanāpariyosāne ṭhapetvā saradatāpasam̐ sabbeṃ catusattatisahasajaṭilā arahattaṃ pāpuṇim̐su. Satthā “etha bhikkhavo”ti hatthaṃ pasāresi. Tesam̐ tāvadeva kesamassu antaradhāyi, aṭṭha parikkhārā kāye paṭimukkāva ahesuṃ.

Saradatāpaso kasmā arahattaṃ na pattoti? Vikkhittacittatā. Tassa kira buddhānaṃ dutiyāsane nisīditvā sāvakaṃ pāramiññaṃ ṭhatvā dhammaṃ desayato aggasāvakassa desanaṃ sotuṃ āradhakālato paṭṭhāya “aho vatāhampi anāgate uppajjanakassa buddhassa sāsane imināva sāvakena laddhadhuraṃ labheyya”nti cittaṃ udapādi. So tena parivittakkena maggaphalapaṭivedhaṃ kātuṃ nāsakki. Tathāgataṃ pana vanditvā sammukhe ṭhatvā āha – “bhante, tumhākaṃ anantarāsane nisino bhikkhu tumhākaṃ sāsane ko nāma hotī”ti? Mayā pavattitaṃ dhammacakkaṃ anuppavattetā sāvakaṃ pāramiññaṃ soḷasa paññā paṭivijjhivā ṭhito mayhaṃ sāsane aggasāvako nisabhatthero nāma esoti. “Bhante, yvāyaṃ mayā sattāhaṃ pupphacchattaṃ dhārentena sakkāro kato, ahaṃ imassa phalena aññaṃ sakkattaṃ vā brahmattaṃ vā na patthemī, anāgate pana ayaṃ nisabhatthero viya ekassa buddhassa aggasāvako bhaveyya”nti patthanaṃ akāsi.

Satthā “samijjhissati nu kho imassa purisassa patthanā”ti anāgataṃsaññāṃ pesetvā olokeno kappasatasahassādhikāṃ asaṅkhyeyyaṃ atikkamitvā samijjhanabhāvaṃ addasa. Disvā saradatāpasam āha – “na te ayaṃ patthanā moghā bhavissati, anāgate pana kappasatasahassādhikāṃ asaṅkhyeyyaṃ atikkamitvā gotamo nāma buddho loke uppajjissati. Tassa mātā mahāmāyā nāma devī bhavissati, pitā suddhodano nāma rājā, putto rāhulo nāma, upaṭṭhāko ānando nāma, dutiyasāvako moggallāno nāma, tvaṃ pana tassa aggasāvako dhammasenāpati sārīputto nāma bhavissasi”ti. Evaṃ tāpasam byākaritvā dhammakathaṃ kathetvā bhikkhusaṅghaparivāro ākāsaṃ pakkhandi.

Saradatāpasopi antevāsikattherānaṃ santikaṃ gantvā sahāyakassa sirivaḍḍhanakuṭumbikassa sāsanaṃ pesesi – “bhante, mama sahāyakassa vadetha ‘sahāyakena te saradatāpasena anomadassibuddhassa pādāmūle anāgate uppajjanakassa gotamabuddhassa sāsane aggasāvakaṭṭhānaṃ patthitaṃ, tvaṃ dutiyasāvakaṭṭhānaṃ patthehi”ti. Evañca pana vatvā therehi puretameva ekapassena gantvā sirivaḍḍhassa nivesanadvāre aṭṭhāsi.

Sirivaḍḍhano “cirassaṃ vata me ayyo āgato”ti āsane nisīdāpetvā attanā nīcāsane nisinno “antevāsikaparīsā pana vo, bhante, na paññāyati”ti pucchi. Āma samma, amhākaṃ assamaṃ anomadassī nāma buddho āgato, mayaṃ tassa attano balena sakkāraṃ akarimha. Satthā sabbesaṃ dhammaṃ desesi, desanāpariyosāne ṭhapetvā maṃ sesā arahattaṃ patvā pabbajimsūti. Tumhe kasmā na pabbajitāti? Ahaṃ satthu aggasāvakaṃ nisabhattheraṃ disvā anāgate uppajjanakassa gotamassa nāma buddhassa sāsane aggasāvakaṭṭhānaṃ patthesiṃ, tvampi tassa sāsane dutiyasāvakaṭṭhānaṃ patthehīti. Mayhaṃ buddhehi saddhiṃ paricayo natthi, bhanteti. Buddhehi saddhiṃ kathanam mayhaṃ bhāro hotu, tvaṃ mahantaṃ adhikāraṃ sajjehīti.

Sirivaḍḍhano saradatāpasassa vacanaṃ sutvā attano nivesanadvāre rājamānena aṭṭhakarīsamattaṃ ṭhānaṃ samatalaṃ kāretvā vālukaṃ okirāpetvā lājapañcamāni pupphāni vikiritvā nīluppallacchadanaṃ maṇḍapaṃ kāretvā buddhāsanam paññāpetvā sesabhikkhūnampi āsanāni paṭiyādāpetvā mahantaṃ sakkārasammānaṃ sajjetvā buddhānaṃ nimantanatthāya saradatāpasassa saññaṃ adāsi. Tāpaso tassa vacanaṃ sutvā buddhappamukhaṃ bhikkhusaṅghaṃ gahetvā tassa nivesanaṃ agamāsi. Sirivaḍḍhano paccuggamaṃ katvā tathāgatassa hatthato pattaṃ gahetvā maṇḍapaṃ pavesetvā paññattāsanesu nisinnassa buddhappamukhassa bhikkhusaṅghassa dakkhiṇodakaṃ datvā paṇītena bhojanaṃ parivisitvā bhattakiccapariyosāne buddhappamukhaṃ bhikkhusaṅghaṃ mahārahehi vatthehi acchādetvā, “bhante, nāyaṃ ārambho appamattakaṭṭhānatthāya, imināva niyāmena sattāhaṃ anukampaṃ karoṭhā”ti āha. Satthā adhvāsesi. So teneva niyāmena sattāhaṃ mahādānaṃ pavattetvā bhagavantaṃ vanditvā añjaliṃ paggahetvā ṭhito āha – “bhante, mama sahāyo saradatāpaso yassa satthu aggasāvako homīti patthesi, ahampi tasseva dutiyasāvako bhavāmi”ti.

Satthā anāgataṃ oloketvā tassa patthanāya samijjhanabhāvaṃ disvā byākāsi – “tvaṃ ito kappasatasahassādhikāṃ asaṅkhyeyyaṃ atikkamitvā gotamabuddhassa dutiyasāvako bhavissasi”ti. Buddhānaṃ byākaraṇaṃ sutvā sirivaḍḍhano haṭṭhapahaṭṭho ahoṣi. Satthāpi bhattānumodanaṃ katvā saparivāro vihārameva gato. Sirivaḍḍhano tato paṭṭhāya yāvajīvaṃ kalyāṇakammaṃ katvā dutiyattavāre kāmāvacaradevaloke nibbatta. Saradatāpaso cattāro brahmavihāre bhāvetvā brahmaloke nibbatta.

Tato paṭṭhāya imesaṃ ubhinnaṃ antarākammaṃ na kathitaṃ. Amhākaṃ pana buddhassa nibbattito puretameva saradatāpaso rājagahanagaraṃ avidūre upatissagāme sārībrāhmaṇiyā kucchimīṃ paṭisandhiṃ gaṇhi. Taṃdivasameva cassa sahāyopi rājagahasseeva avidūre kolitagāme moggallibrāhmaṇiyā kucchiyāṃ paṭisandhiṃ gaṇhi. Tāni kira dvepi kulāni yāva sattamā kulaparivaṭṭā ābaddhapaṭibaddhasahāyakāneva. Tesāṃ dvinnampi ekadivasameva gabbhāparihāraṃ adāsu. Dasamāsaccayena jātānampi tesāṃ chasatthi dhātiyo upaṭṭhahimsu. Nāmaggaṇadivase sārībrāhmaṇiyā puttassa upatissagāme jeṭṭhakulassa puttattā **upatissoti** nāmaṃ akāmsu, itarassa kolitagāme jeṭṭhakulassa puttattā **kolitoti** nāmaṃ akāmsu. Te ubhopi vuddhimanvāya sabbasippānaṃ pāraṃ agamaṃsu.

Upatisamāṇavassa kīḷanattāya nadiṃ vā uyyānaṃ vā pabbataṃ vā gamanakāle pañca suvaṇṇasivikāsatāni parivārā honti, kolitamāṇavassa pañca ājaññarathasatāni. Dvepi janā pañcapañcamāṇavakasataparivārā honti. Rājagahe ca anusamvaccharaṃ giraggasamajjaṃ nāma hoti, tesam dvinnampi ekaṭṭhāneyeva mañcaṃ bandhanti. Dvepi janā ekatova nisīditvā samajjaṃ passantā hasitabbaṭṭhāne hasanti, samvegaṭṭhāne samvijjanti, dāyaṃ dātuṃ yuttaṭṭhāne dāyaṃ denti. Tesam imināva niyāmena ekadivasam samajjaṃ passantānaṃ paripākagatatā ñāṇassa purimadivasesu viya hasitabbaṭṭhāne hāso vā samvegaṭṭhāne samvejanaṃ vā dāyaṃ dātuṃ yuttaṭṭhāne dāyadānaṃ vā nāhosi. Dvepi pana janā evaṃ cintayimṣu – “kiṃ ettha oloketabbaṃ atthi, sabbepime appatte vassasate apaṇṇattikabhāvaṃ gamissanti. Amhehi pana ekaṃ mokkhadhammaṃ gavesituṃ vaṭṭatī”ti ārammaṇaṃ gahetvā nisīdimṣu.

Tato kolito upatisaṃ āha – “samma upatissa, na tvaṃ aññasu divasesu viya haṭṭhapahaṭṭho, anattamanadhātukosi, kiṃ te sallakkhita”nti? Samma kolita, “etesam olokane sāro natthi, niratthakametaṃ, attano mokkhadhammaṃ gavesituṃ vaṭṭatī”ti idaṃ cintayanto nisinnomhīti, tvaṃ pana kasmā anattamanosīti? Sopi tatheva āha. Athassa attanā saddhiṃ ekajjhāsayaṃ ñatvā upatisso taṃ evamāha – “amhākaṃ ubhinnaṃ sucintitaṃ, mokkhadhammaṃ gavesantehi pana ekā pabbajjā laddhuṃ vaṭṭati, kassa santike pabbajāmā”ti.

Tena kho pana samayena sañcayo paribbājako rājagahe paṭivasati mahatiyā paribbājakaparisāya saddhiṃ. Te “tassa santike pabbajissāmā”ti pañcahi māṇavakasatehi saddhiṃ sañcayassa santike pabbajimṣu. Tesam pabbajitakālato paṭṭhāya sañcayo atirekalābhaggayasaggappatto ahoṣi. Te katipāheneva sabbaṃ sañcayassa samayaṃ pariggaṇhitvā, “ācariya, tumhākaṃ jānanaṃ samayo ettakova, udāhu uttaripi atthī”ti pucchimṣu. Sañcayo “ettakova, sabbaṃ tumhehi ñāta”nti āha. Te tassa kathaṃ sutvā cintayimṣu – “evaṃ satī imassa santike brahmacariyavāso niratthako, mayaṃ mokkhadhammaṃ gavesituṃ nikkhantā, so imassa santike uppādetuṃ na sakkā. Mahā kho pana jambudīpo, gāmanigamarājadhāniyo carantā mayaṃ avassaṃ mokkhadhammadesakaṃ ekaṃ ācariyaṃ labhissāmā”ti. Te tato paṭṭhāya yattha yattha paṇḍitā samaṇabrāhmaṇā atthīti suṇanti, tattha tattha gantvā pañhasākacchaṃ karonti. Tehi puṭṭhaṃ pañhaṃ aññe kathetuṃ samatthā natthi, te pana tesam pañhaṃ vissajjenti. Evaṃ sakalajambudīpaṃ pariggaṇhitvā nivattitvā sakaṭṭhānameva āgantvā, “samma kolita, yo paṭṭhaṃ amataṃ adhigacchati, so ārocetū”ti katikaṃ akaṃsu.

Tena samayena amhākaṃ satthā paṭṭhamābhisambodhiṃ patvā pavattitavaradhammacakko anupubbena rājagahaṃ sampatto hoti. Atha “ekasaṭṭhi arahanto loke uppannā hontī”ti vuttakāle “caratha, bhikkhave, cārikaṃ bahujaṇahitāyā”ti ratanattayaguṇappakāsanatthaṃ uyyojitānaṃ bhikkhūnaṃ antare pañcavaggiyabbhantaro assajitthero paṭinivattitvā rājagahameva āgato. Punadivase pātova pattacīvaraṃ ādāya rājagahaṃ piṇḍāya pāvīsi.

Tasmiṃ samaye upatisparibbājako pātova bhattakiccaṃ katvā paribbājakārāmaṃ gacchanto theram disvā cintesi – “mayā evarūpo pabbajito nāma na diṭṭhapubbo. Ye vata loke arahanto vā arahattamaggaṃ vā samāpannā, ayaṃ tesam bhikkhūnaṃ aññataro, yaṃnūnāhaṃ imaṃ bhikkhuṃ upasaṅkamitvā pañhaṃ puccheyyaṃ – ‘kaṃsi tvaṃ, āvuso uddissa, pabbajito, ko vā te satthā, kassa vā tvaṃ dhammaṃ rocesi’”ti. Athassa etadahosi – “akālo kho imaṃ bhikkhuṃ pañhaṃ pucchituṃ, antaragharaṃ pavitṭho piṇḍāya carati, yaṃnūnāhaṃ imaṃ bhikkhuṃ piṭṭhito piṭṭhito anubandheyyaṃ atthikehi upaññātaṃ magga”nti. So theram laddhapiṇḍapātaṃ aññataraṃ okāsaṃ gacchantam disvā nisīditukāmatañcassa ñatvā attano paribbājakapīṭhakaṃ paññāpetvā adāsi. Bhattakiccaparīyosānepissa attano kuṇḍikāya udakaṃ adāsi.

Evaṃ ācariyavattaṃ katvā katabhattakiccena therena saddhiṃ madhurapaṭisaṅghāraṃ katvā “vippasannāni kho te, āvuso, indriyāni, parisuddho chavivaṇṇo pariyodāto, kaṃsi tvaṃ, āvuso uddissa, pabbajito, ko vā te satthā, kassa vā tvaṃ dhammaṃ rocesi”ti pucchi. Thero “atthāvuso, mahāsamaṇo sakyaputto sakyakulā pabbajito, tāhaṃ bhagavantaṃ uddissa pabbajito, so ca me bhagavā satthā,

tashevāhaṃ bhagavato dhammaṃ rocemī”ti āha. Atha naṃ “kiṃvādī panāyasmato satthā, kimakkhāyī”ti pucchi. Thero cintesi – “ime paribbājakā nāma sāsanaṃ paṭipakkhabhūtā, imassa sāsanaṃ gambhīratam dassessāmī”ti. Attano navakabhāvaṃ dassento āha – “ahaṃ kho, āvuso, navo acirapabbajito, adhunāgato imaṃ dhammavinayaṃ, na tāvāhaṃ sakkomi vitthārena dhammaṃ desetu”nti. Paribbājako “ahaṃ upatisso nāma, tvaṃ yathāsattiyā appaṃ vā bahuṃ vā vada, etaṃ nayasatena nayasahassena paṭivijjhitaṃ mayhaṃ bhāro”ti cintetvā āha –

“Appaṃ vā bahuṃ vā bhāsassu, atthaṃyeva me brūhi;  
Attheneva me attho, kiṃ kāhasi byañjanaṃ bahu”nti. (mahāva. 60);

Evam vutte thero “ye dhammā hetuppabhavā”ti (mahāva. 60; apa. thera. 1.1.286) gātham āha. Paribbājako paṭhamapadadvayameva sutvā sahasanayasampanne sotāpattimagge paṭiṭṭhahi. Itaram padadvayaṃ sotāpannakāle niṭṭhāsi.

So sotāpanno hutvā uparivise appavattante “bhavissati ettha kāraṇa”nti sallakkhetvā theram āha – “bhante, mā upari dhammadesanaṃ vaḍḍhayittha, ettakameva hotu, kahaṃ amhākaṃ satthā vasatī”ti? Veḷuvane paribbājakāti. Bhante, tumhe purato yātha, mayhaṃ eko sahāyako atthi. Amhehi ca aññamaññaṃ katikā katā “yo paṭhamam amataṃ adhigacchati, so ārocetū”ti. Aham tam paṭiññaṃ mocetvā sahāyakaṃ gahetvā tumhākaṃ gatamaggeneva satthu santikaṃ āgamissāmīti pañcapaṭiṭṭhitena therassa pādesu nipatitvā tikkhattuṃ padakkhiṇaṃ katvā theram uyyojetvā paribbājakārāmābhimukho agamāsi.

Kolitariparibbājako tam dūratova āgacchantam disvā “ajja mayhaṃ sahāyakassa mukhavaṇṇo na aññesu divasesu viya, addhā tena amataṃ adhigataṃ bhavissatī”ti amatādhigamaṃ pucchi. Sopissa “āma āvuso, amataṃ adhigata”nti paṭijānitvā tameva gātham abhāsi. Gāthāpariyosāne kolito sotāpattiphale paṭiṭṭhahitvā āha – “kahaṃ kira, samma, satthā vasatī”ti? “Veḷuvane kira, samma, vasatī”ti evam no ācariyena assajittherena kathitanti. Tena hi samma āyāma, satthāraṃ passissāmīti. Sāriputtatthero ca nāmesa sadāpi ācariyapūjakova, tasmā sahāyam kolitamāṇavaṃ evamāha – “samma, amhehi adhigataṃ amataṃ amhākaṃ ācariyassa sañcayaparibbājakassāpi kathessāma. Bujjhamāno paṭivijjhissati, appaṭivijjhanto amhākaṃ saddahitvā satthu santikaṃ gamissati, buddhānaṃ desanaṃ sutvā maggaphalapaṭivedham karissatī”ti.

Tato dvepi janā sañcayassa santikaṃ gantvā, “ācariya, tvaṃ kiṃ karosi, buddho loke uppanno, svākkhāto dhammo, suppaṭipanno saṅgho. Āyāma, dasabalam passissāmā”ti. So “kiṃ vadetha, tātā”ti tepi vāretvā lābhaggayasaggappattimeva tesam dīpesi. Te “amhākaṃ evarūpo antevāsikavāso niccaveva hotu, tumhākaṃ pana gamanaṃ vā agamanaṃ vā jānāthā”ti āhaṃsu. Sañcayo “ime ettakaṃ jānantā mama vacanaṃ na karissantī”ti ṇatvā “gacchatha tumhe, tātā, aham mahallakakāle antevāsikavāsaṃ vasitum na sakkomī”ti āha. Te anekhipi kāraṇehi tam bodhetum asakkontā attano ovāde vattamānaṃ janaṃ ādāya veḷuvanaṃ agamaṃsu. Atha tesam pañcasu antevāsikasatesu aḍḍhateyyasatā nivattiṃsu, aḍḍhateyyasatā tehi saddhiṃ agamaṃsu.

Satthā catuparisamajjhe dhammaṃ desento te dūratova disvā bhikkhū āmantesi – “ete, bhikkhave, dve sahāyā āgacchanti kolito ca upatisso ca, etaṃ me sāvakaṃ bhavissati aggaṃ bhaddayuga”nti. Atha tesam parisāya cariyavasena dhammadesanaṃ vaḍḍhesi. Ṭhapetvā dve aggasāvake sabbepi te aḍḍhateyyasatā paribbājakā arahattaṃ pāpuṇṇisu. Satthā “etha bhikkhavo”ti hattham pasāresi. Sabbesam kesamassa antaradhāyī, iddhiyamaṃ pattacīvaraṃ kāyappaṭibaddham ahoṣi. Dvinnaṃ aggasāvakanampi iddhiyapattacīvaraṃ āgataṃ, uparimaggattayakiccaṃ pana na niṭṭhāsi. Kasmā? Sāvakaṃ pāramiññaṃ mahantatāya.

Athāyasmā mahāmogallāno pabbajitadivasato sattame divase magadharaṭṭhe kallavālagāmakam upanissāya samaṇadhammaṃ karonto thinamidde okkante satthārā samvejito thinamidham vinodetvā

tathāgatena dinnam dhātukammaṭṭhānam suṇantova uparimaggattayakiccam niṭṭhāpetvā sāvakaṭṭhānāssa matthakam patto. Sāriputtatheropi pabbajitadivasato addhamāsaṃ atikkamitvā satthārā saddhiṃ tameva rājagahaṃ upanissāya sūkarakhatalaṇe viharanto attano bhāgineyyassa dīghanakhaparibbājakassa vedanāpariggahasuttante (ma. ni. 2.205-206) desiyamāne suttānusārena ṇāṇam pesetvā parassa vaḍḍhitabhattam bhuñjanto viya sāvakaṭṭhānāssa matthakam patto. Bhāgineyyo panassa desanāpariyosāne sotāpattiphale patiṭṭhito. Iti dvinnampi mahāsāvakaṇāṃ tathāgate rājagahe viharanteyeva sāvakaṭṭhānākkiccam matthakam pattam. Aparabhāge pana satthā jetavane viharanto “mahāpaṇṇānam yadidaṃ sāriputto, iddhimantānam yadidaṃ mahāmoggallāno”ti dvepi mahāsāvake ṭhānantare ṭhapesīti.

### Mahākassapattheravatthu

**191.** Catutthe **dhutavādānanti** ettha dhuto veditabbo, dhutavādo veditabbo, dhutadhammā veditabbā, dhutaṅgāni veditabbāni. Tattha **dhutoti** dhutakilesa vā puggalo kilesadhunano vā dhammo.

**Dhutavādoti** ettha pana atthi dhuto na dhutavādo, atthi na dhuto dhutavādo, atthi neva dhuto na dhutavādo, atthi dhuto ceva dhutavādo ca. Tattha yo dhutaṅgena attano kilese dhuni, param pana dhutaṅgena na ovadati nānusāsati bākulatthero viya, ayaṃ dhuto na dhutavādo. Yathāha – “tayidaṃ āyasmā bākulo dhuto na dhutavādo”ti. Yo pana dhutaṅgena attano kilese na dhuni, kevalaṃ aññe dhutaṅgena ovadati anusāsati upanandatthero viya, ayaṃ na dhuto dhutavādo. Yathāha – “tayidaṃ āyasmā upanando na dhuto dhutavādo”ti. Yo pana ubhayavipanno lāḷudāyī viya, ayaṃ neva dhuto na dhutavādo. Yathāha – “tayidaṃ āyasmā lāḷudāyī neva dhuto na dhutavādo”ti. Yo pana ubhayasampanno āyasmā mahākassapatthero viya, ayaṃ dhuto ceva dhutavādo ca. Yathāha – “tayidaṃ āyasmā mahākassapo dhuto ceva dhutavādo cā”ti.

**Dhutadhammā veditabbāti** appicchatā santuṭṭhitā sallekhatā pavivekatā idamaṭṭhikatāti ime dhutaṅgacetanāya parivārā pañca dhammā “appicchamaṃyeva nissāyā”tiādivacanato (a. ni. 5.181; pari. 325) dhutadhammā nāma. Tattha appicchatā ca santuṭṭhitā ca alobho, sallekhatā ca pavivekatā ca dvīsu dhammesu anupatanti alobhe ceva amohe ca, idamaṭṭhitā ṇāṇameva. Tattha alobhena paṭikkhepavatthūsu lobham, amohena tesveva ādīnavappaṭicchādakaṃ moham dhunāti. Alobhena ca anuññātānam paṭisevanamukhena pavattam kāmasukhallikānuyogaṃ, amohena dhutaṅgesu atisallekhamukhena pavattam attakilamathānuyogaṃ dhunāti. Tasmā ime dhammā dhutadhammāti veditabbā.

**Dhutaṅgāni veditabbānīti** terasa dhutaṅgāni veditabbāni paṃsukūlikaṅgaṃ...pe... nesajjikaṅganti.

**Dhutavādānam yadidaṃ mahākassapoti** yattakā dhutavādaṃ vadanti, tesam sabbesampi antare ayaṃ mahākassapatthero aggoti aggaṭṭhāne ṭhapesi. **Mahākassapoti** uruveḷakassapo nadīkassapo gayākassapo kumārakassapoti ime khuddānukhuddake there upādāya ayaṃ mahā, tasmā mahākassapoti vutto.

Imassāpi pañhakamme ayamanupubbikathā – atīte kira kappasatasahassamatthake padumuttaro nāma satthā loke udapādi, tasmim haṃsavatīnagaraṃ upanissāya khome migadāye viharante vedehe nāma kuṭumbiko asīkoṭidhanavibhavo pātova subhojanam bhuñjitvā uposathaṅgāni adhiṭṭhāya gandhapupphādīni gahetvā vihāram gantvā satthāram pūjetvā vanditvā ekamantaṃ nisīdi. Tasmīṃca khaṇe satthā mahānisabhattheram nāma tatiyasāvakaṃ “etadaggaṃ, bhikkhave, mama sāvakaṇāṃ bhikkhūnam dhutavādānam, yadidaṃ nisabho”ti etadagge ṭhapesi. Upāsako taṃ sutvā pasanno dhammakathāvasāne mahājane uṭṭhāya gate satthāram vanditvā, “bhante, sve mayhaṃ bhikkham adhvāsethā”ti āha. Mahā kho, upāsaka, bhikkhusaṅghoti. Kittako bhagavāti? Aṭṭhasaṭṭhibhikkhusatasahassanti. Bhante, ekaṃ sāmaṇerampi vihāre asesetvā bhikkham adhvāsethāti.



Adhivāsesi bhagavā tuṅhībhāvena. Upāsako satthu adhivāsanaṃ viditvā gehaṃ gantvā mahādānaṃ sajjitvā punadivase satthu kālaṃ ārocāpesi. Sathā pattacīvaramādāya bhikkhusaṅghaparivuto upāsakassa gharaṃ gantvā paññatte āsane nisinno dakkhiṇodakāvasāne yāguādīni sampaṭicchanto bhattavissaggaṃ akāsi. Upāsakopi satthu santike nisīdi.

Tasmiṃ antare **mahānisabhatthero** piṇḍāya caranto tameva vīthi paṭipajji. Upāsako disvā utthāya gantvā therāṃ vanditvā “pattaṃ, bhante, dethā”ti āha. Thero pattaṃ adāsi. “Bhante, idheva pavisatha, sathāpi gehe nisinno”ti. Na vaṭṭissati upāsakāti. Upāsako therassa pattaṃ gahetvā piṇḍapātassa pūretvā nīharitvā adāsi. Tato therāṃ anugantvā nivatto satthu santike nisīditvā evamāha – “bhante, mahānisabhatthero ‘sathā gehe nisinno’ti vuttepi pavisituṃ na icchi, atthi nu kho etassa tumhākaṃ guṇehi atireko guṇo”ti. Buddhānañca vaṇṇamaccheraṃ nāma natthi. Atha sathā evamāha – “upāsaka, mayaṃ bhikkhaṃ āgamayamānā gehe nisīdāma, so bhikkhu na evaṃ nisīditvā bhikkhaṃ udikkhati. Mayaṃ gāmantasenāsane vasāma, so araññasmimyeva vasati. Mayaṃ channe vasāma, so abbhokāsamhiyeva vasati. Iti tassa ayañca ayañca guṇo”ti mahāsamuddaṃ pūrayamāno viya kathesi. Upāsako pakatiyāpi jalamānadīpo telena āsitto viya suṭṭhutamaṃ pasanno hutvā cintesi – “kiṃ mayhaṃ aññāya sampattiyā, anāgate ekassa buddhassa santike dhutavādānaṃ aggabhāvathāya patthanāṃ karissāmi”ti?

So punapi sathāraṃ nimantetvā teneva niyāmena satta divasāni mahādānaṃ datvā sattame divase buddhappamukhassa mahābhikkhusaṅghassa ticīvarāni datvā satthu pādāmūle nipajjitvā evamāha – “yaṃ me, bhante, satta divasāni dānaṃ dentassa mettaṃ kāyakammaṃ mettaṃ vacīkammaṃ mettaṃ manokammaṃ paccupaṭṭhitaṃ, imināhaṃ na aññaṃ devasampattiṃ vā sakkamārabrahmasampattiṃ vā patthemī, idaṃ pana me kammaṃ anāgate ekassa buddhassa santike etassa mahānisabhattherena pattaṭṭhānantaraṃ pāpuṇanathāya terasadhutaṅgadharānaṃ aggabhāvassa saccakāro hotū”ti. Sathā “mahantaṃ ṭhānaṃ iminā patthitaṃ, samijjhissati nu kho, no”ti olovento samijjhanabhāvaṃ disvā āha – “manāpaṃ te ṭhānaṃ patthitaṃ, anāgate satasahassakappāvasāne gotamo nāma buddho uppajjissati, tassa tvaṃ tatiyasāvako mahākassapatthero nāma bhavissasi”ti. Taṃ sutvā upāsako “buddhānaṃ dve kathā nāma natthi”ti punadivase pattabbaṃ viya taṃ sampattiṃ amaññittha. So yāvatāyukaṃ nānappakāraṃ dānaṃ datvā sīlaṃ rakkhitvā nānappakāraṃ kalyāṇakammaṃ katvā tatha kālaṃ kato sagge nibbatti.

Tato paṭṭhāya devamanussesu sampattiṃ anubhavanto ito ekanavutikappe vipassisammāsambuddhe bandhumatiṃ nissāya kheme migadāye viharante devalokā cavitvā aññatarasmiṃ parijjñe brāhmaṇakule nibbatti. Tasmiñca kāle vipassī bhagavā sattame sattame saṃvacchare dhammaṃ katheti, mahantaṃ kolāhalaṃ ahosi. Sakalajambudīpe devatā “sathā dhammaṃ kathessati”ti ārocenti. Brāhmaṇo taṃ sāsanaṃ assosi. Tassa ca nivāsanasāṭako ekova hoti, tathā brāhmaṇiyā. Pārūpanaṃ pana dvinnampi ekameva. Sakalanagare **ekasāṭakabrāhmaṇoti** paññāyati. Brāhmaṇānaṃ kenacideva kiccena sannipāte sati brāhmaṇiṃ gehe ṭhapetvā sayāṃ gacchati. Brāhmaṇīnaṃ sannipāte sati sayāṃ gehe tiṭṭhati, brāhmaṇī taṃ vatthaṃ pārūpitvā gacchati. Tasmiṃ pana divase brāhmaṇo brāhmaṇiṃ āha – “bhoti, kiṃ rattiṃ dhammassavanaṃ suṇissasi, divā”ti. “Mayaṃ mātugāmajātikā nāma rattiṃ sotuṃ na sakkoma, divā sossāmi”ti brāhmaṇaṃ gehe ṭhapetvā taṃ vatthaṃ pārūpitvā upāsikāhi saddhiṃ divā gantvā sathāraṃ vanditvā ekamante nisinnā dhammaṃ sutvā upāsikāhiyeva saddhiṃ āgamāsi. Atha brāhmaṇo brāhmaṇiṃ gehe ṭhapetvā taṃ vatthaṃ pārūpitvā vihāraṃ gato.

Tasmiñca samaye sathā parisamajjhe alaṅkatadhammāsane nisinno cittabījanīṃ ādāya ākāsagaṅgaṃ otārento viya sineruṃ matthaṃ katvā sāgaraṃ nimmathento viya dhammakathaṃ kathesi. Brāhmaṇassa parisante nisinnassa dhammaṃ suṇantassa paṭhamayāmasmimyeva sakalasarīraṃ pūrayamānā pañcavaṇṇā pīti uppajji. So pārutavatthaṃ saṅgharhitvā “dasabalassa dassāmi”ti cintesi. Athassa ādīnavasahassaṃ dassayamānaṃ maccheraṃ uppajji. So “brāhmaṇiyā ca mayhañca ekameva vatthaṃ, aññaṃ kiñci pārūpanaṃ natthi, apārūpitvā ca nāma bahi carituṃ na sakkā”ti sabbathāpi adātukāmo ahosi. Athassa nikkhante paṭhamayāme majjhimayāme pi tatheva pīti uppajji. So tatheva

cintetvā tatheva adātukāmo ahoṣi. Athassa majjhimayāme nikkhante pacchimayāmeṇi tatheva pīti uppajji. So “taraṇaṃ vā hotu maraṇaṃ vā, pacchāpi jānissāmī”ti vatthaṃ saṅgharivā satthu pādamūle ṭhapesi. Tato vāmahatthaṃ ābhujitvā dakkhiṇena hatthena tikkhattuṃ apphoṭetvā “jitaṃ me, jitaṃ me”ti tayo vāre nadi.

Tasmiṅca samaye bandhumarājā dhammāsanassa pacchato antosāṇiyaṃ nisinno dhammaṃ suṇāti. Rañño ca nāma “jitaṃ me”ti saddo amanāpo hoti. So purisaṃ pesesi – “gaccha etaṃ pucchā kiṃ vadaṣī”ti. So tena gantvā pucchito āha – “avasesā hatthiyānādīni āruyha asicammādīni gahetvā parasenaṃ jinanti, na taṃ jitaṃ acchariyaṃ, ahaṃ pana pacchato āgacchantassa duṭṭhagoṇassa muggarena sīsaṃ bhinditvā taṃ palāpento viya maccheracittaṃ madditvā pārutavatthaṃ dasabalassa adāsiṃ, taṃ me macchariyaṃ jita”nti āha. So puriso āgantvā taṃ pavattim rañño ārocesi. Rājā āha – “amhe bhāṇe dasabalassa anurūpaṃ na jānimha, brāhmaṇo jānī”ti vatthayugaṃ pesesi. Taṃ disvā brāhmaṇo cintesi – “ayaṃ mayhaṃ tuṅhī nisinnassa paṭhamaṃ kiñci adatvā satthu guṇe kathentassa adāsi, satthu guṇe paṭicca uppanna mayhaṃ ko attho”ti? Tampi vatthayugaṃ dasabalasseva adāsi. Rājāpi “kiṃ brāhmaṇena kata”nti pucchitvā “tampi tena vatthayugaṃ tathāgatasseva dinna”nti sutvā aññānīpi dve vatthayugāni pesesi. So tānīpi adāsi. Rājā aññānīpi cattārīti evaṃ yāva dvattimsavatthayugāni pesesi. Atha brāhmaṇo “idaṃ vaḍḍhetvā gahaṇaṃ viya hotī”ti attano atthāya ekaṃ, brāhmaṇiyā ekanti dve vatthayugāni gahetvā tiṃsa yugāni tathāgatasseva adāsi. Tato paṭṭhāya cassa satthu vissāsiko jāto.

Atha naṃ rājā ekadivasaṃ sītasamaye satthu santike dhammaṃ suṇantaṃ disvā sataṣaṣṭhaṅganaṃ attano pārutarattakambalaṃ datvā āha – “ito patthāya imaṃ pārupitvā dhammaṃ suṇāhī”ti. So “kiṃ me iminā kambalena imasmiṃ pūtikāye upanītenā”ti cintetvā antogandhakuṭiyaṃ tathāgataṃ mañcassa upari vitānaṃ katvā agamāsi. Athekadivasaṃ rājā pātova vihāraṃ gantvā antogandhakuṭiyaṃ satthu santike nisīdi. Tasmiṅca samaye chabbannā buddharasmiyo kambale paṭihaññanti, kambalo ativiya virocāti. Rājā olokento sañjānitvā āha – “bhante, amhākaṃ esa kambalo, amhehi ekasātakabrāhmaṇassa dinno”ti. Tumhehi, mahārāja, brāhmaṇo pūjito, brāhmaṇena mayaṃ pūjītāti. Rājā “brāhmaṇo yuttaṃ aññāsi, na maya”nti pasīditvā yaṃ manussānaṃ upakārahūtaṃ, taṃ sabbaṃ aṭṭhaṭṭhakaṃ katvā sabbaaṭṭhakaṃ nāma dānaṃ datvā purohitaṭṭhāne ṭhapesi. Sopi “aṭṭhaṭṭhakaṃ nāma catusaṭṭhi hotī”ti catusaṭṭhi salākābhattāni upanibandhāpetvā yāvajīvaṃ dānaṃ datvā sīlaṃ rakkhitvā tato cuto sagge nibbatti.

Puna tato cuto imasmiṃ kappe koṇāgamanassa ca bhagavato kassapadasabalassa cāti dvinnaṃ buddhānaṃ antare bārāṇasiyaṃ kuṭumbiyaghare nibbato. So vuddhimanvāya gharāvāsaṃ vasanto ekadivasaṃ araṇṇe jaṅghavilhāraṃ carati, tasmīṃ ca samaye paccekabuddho nadītīre cīvarakammaṃ karonto anuvāte appahonte saṅgharivā ṭhāpetuṃ āradḍho. So disvā “kasmā, bhante, saṅgharivā ṭhāpethā”ti āha. Anuvāto nappahotīti. “Iminā, bhante, karoṭhā”ti sāṭakaṃ datvā “nibbattanibbattaṭṭhāne me kenaci parihāni mā hotū”ti patthanaṃ paṭṭhapesi.

Atha gharepissa bhaginiyā saddhiṃ bhariyāya kalahaṃ karontiyā paccekabuddho piṇḍāya pāvīsi. Athassa bhaginī paccekabuddhassa piṇḍapātaṃ datvā tassa bhariyaṃ sandhāya, “evarūpaṃ bālaṃ yojanasatena parivajjeyya”nti patthanaṃ paṭṭhapesi. Sā gehadvāre ṭhitā sutvā “imāya dinnāṃ bhattaṃ mā esa bhujātū”ti pattaṃ gahetvā piṇḍapātaṃ chaḍḍetvā kalalassa pūretvā adāsi. Itarā disvā “bāle maṃ tāva akkosa vā pahara vā, evarūpassa pana dve asaṅkhyeyyāni pūritapāramissa pattato bhattaṃ chaḍḍetvā kalalaṃ dātuṃ na yutta”nti āha. Athassa bhariyāya paṭisaṅkhānaṃ uppajji. Sā “tiṭṭhatha, bhante”ti kalalaṃ chaḍḍetvā pattaṃ dhovitvā gandhacuṇṇena ubbaṭṭetvā catumadhurassa pūretvā upari āsittena padumagabbhavaṇṇena sappinā vijjotamānaṃ paccekabuddhassa hatthe ṭhāpetvā “yathā ayaṃ piṇḍapāto obhāsajāto, evaṃ obhāsajātaṃ me sarīraṃ hotū”ti patthanaṃ paṭṭhapesi. Paccekabuddho anumoditvā ākāsaṃ pakkhandi. Tepi dve jāyampatikā yāvātāyukaṃ kusalaṃ katvā sagge nibbattitvā puna tato cavitvā upāsako kassapasammāsambuddhakāle bārāṇasiyaṃ asītikoṭivibhavassa seṭṭhino putto hutvā nibbatti, itarāpi tādisasseva seṭṭhino dhītā hutvā nibbatti.

Tassa vuddhippattassa tameva seṭṭhidhītaṃ ānayaṃsu. Tassā pubbe adinnavipākassa tassa kammassa ānubhāvena patikūlaṃ pavitṭhamattāya ummārabhantare sakalasarīraṃ ugghāṭitavaccakuṭi viya duggandhaṃ jātaṃ. Seṭṭhikumāro “kassāyaṃ gandho”ti pucchitvā “seṭṭhikaññāyā”ti sutvā “nīharathā”ti ābhātanīyāmeneva kulagharaṃ pesesi. Sā eteneva nīhārena sattasu ṭhānesu paṭinivattitā.

Tena ca samayena kassapadasabalo parinibbāyi, tassa ghanakoṭṭimāhi satasahassagghanikāhi rattasuvanṇaiṭṭhakāhi yojanubbedhaṃ cetiyaṃ ārabhiṃsu. Tasmim̐ cetiye kariyamāne sā seṭṭhidhīta cintesi – “ahaṃ sattasu ṭhānesu paṭinivattitā, kiṃ me jīvitena”ti attano sarīrabharaṇabhaṇḍakaṃ bhañjāpetvā suvaṇṇaiṭṭhakaṃ kāresi ratanāyataṃ vidatthivittinnaṃ caturaṅgulubbedhaṃ. Tato haritālamanosilāpiṇḍaṃ gahetvā aṭṭha uppalahatthake ādāya cetiyakaraṇaṭṭhānaṃ gatā. Tasmiṃca khāṇe ekā iṭṭhakāpanti parikkhipitvā āgacchamānā ghaṭṭaniṭṭhakāya unā hoti. Seṭṭhidhīta vaḍḍhakim̐ āha – “imaṃ iṭṭhakaṃ ettha ṭhapethā”ti. Amma, bhaddake kāle āgatāsi, sayameva ṭhapehīti. Sā āruya telena haritālamanosilaṃ yojetvā tena bandhanena iṭṭhakaṃ patiṭṭhapetvā upari aṭṭhahi uppalahatthakehi pūjaṃ katvā vanditvā “nibbattanibbattaṭṭhāne me kāyato candanagandho vāyatu, mukhato uppalagandho”ti patthanaṃ katvā cetiyaṃ vanditvā padakkhiṇaṃ katvā agamāsi.

Atha tasmim̐yeva khāṇe yassa seṭṭhiputtassa paṭhamaṃ gehaṃ nīta, tassa taṃ ārabha sati udapādi. Nagarepi nakkhattaṃ saṅghuṭṭhaṃ hoti. So upaṭṭhāke āha – “tadā idha ānīta seṭṭhidhīta atthi, kahaṃ sā”ti? Kulagehe sāmīti. Anetha naṃ, nakkhattaṃ kiṭṭissāmīti. Te gantvā taṃ vanditvā ṭhitā “kiṃ, tātā, āgatathā”ti tāya puṭṭhā taṃ pavattiṃ ācikkhiṃsu. Tātā, mayā ābharaṇabhaṇḍena cetiyaṃ pūjitaṃ, ābharaṇaṃ me natthīti. Te gantvā seṭṭhiputtassa ārocesuṃ. Anetha naṃ, piḷandhanaṃ labhissāmīti. Te ānayaṃsu. Tassā saha gharappavesanena sakalagehaṃ candanagandhañceva nīluppalagandhañca vāyi.

Seṭṭhiputto taṃ pucchi “paṭhamaṃ tava sarīrato duggandho vāyi, idāni pana te sarīrato candanagandho, mukhato uppalagandho vāyati, kiṃ eta”nti? Sā ādito paṭṭhāya attanā katakammaṃ ārocesi. Seṭṭhiputto “niyyānikaṃ vata buddhasāsana”nti pasīditvā yojanikaṃ suvaṇṇacetiyaṃ kambalakañcukena parikkhipitvā tattha tattha rathacakkappamāṇehi suvaṇṇapadumehi alaṅkari. Tesam̐ dvādasahatthā olambakā honti. So tattha yāvātāyukaṃ ṭhatvā sagge nibbattitvā tato cuto bārāṇasito yojanamatte ṭhāne aññatarasmim̐ amaccakule nibbatti. Seṭṭhikaññāpi devalokato cavitvā rājakule jeṭṭhadhīta hutvā nibbatti.

Tesu vayapattesu kumārassa vasanagāme nakkhattaṃ saṅghuṭṭhaṃ. So mātaraṃ āha – “sātaṃ me, amma, dehi, nakkhattaṃ kiṭṭissāmī”ti. Sā dhotavatthaṃ nīharitvā adāsi. Amma, thūlaṃ idaṃ, aññaṃ dehīti. Aññaṃ nīharitvā adāsi, tampi paṭikkhipi. Aññaṃ nīharitvā adāsi, tampi paṭikkhipi. Atha naṃ mātā āha – “tātā, yādise gehe mayā jātā, natthi no ito sukhumatarassa paṭilābhāya puñña”nti. Tena hi labhanaṭṭhānaṃ gacchāmi, ammāti. Putta ahaṃ ajjeva tuyhaṃ bārāṇasinagare rajjapaṭilābhaṃ icchāmīti. So mātaraṃ vanditvā āha – “gacchāmi, ammā”ti. Gaccha, tātāti. Evaṃ kirassā cittaṃ ahosi – “kahaṃ gamissati, idha vā ettha vā gehe nisīdissati”ti? So pana puññaniyāmena nikkhamitvā bārāṇasiṃ gantvā uyyāne maṅgalasilāpaṭṭe sasisaṃ pārupitvā nipajji. So ca bārāṇasirañño kālakatassa sattamo divaso hoti.

Amaccā rañño sarīrakiccaṃ katvā rājaṅgaṇe nisīditvā mantayim̐su – “rañño ekā dhīta atthi, putto natthi, arājakaṃ rajjaṃ na vaṭṭati, ko rājā hoti”ti mantetvā “tvam̐ hohi, tvam̐ hohi”ti āhaṃsu. Purohito āha – “bahuṃ oloketuṃ na vaṭṭati, phussarathaṃ vissajjemā”ti. Te kumudavaṇṇe cattāro sindhave yojetvā pañcavidhaṃ rājakakudhabhaṇḍaṃ setacchattañca rathasmim̐yeva ṭhapetvā rathaṃ vissajjetvā pacchato tūriyāni paggaṇhāpesuṃ. Ratho pācīnadvārena nikkhamitvā uyyānābhimukho ahosi. “Paricayena uyyānābhimukho gacchati, nivattamā”ti keci āhaṃsu. Purohito “mā nivattayitthā”ti āha. Ratho kumāraṃ padakkhiṇaṃ katvā ārohanasajjo hutvā aṭṭhāsi. Purohito pārupanakaṇṇaṃ apantvā pādatalāni oloketo “tiṭṭhatu ayaṃ dīpo, dvisahassadīparivāresu catūsu dīpesu eso rajjaṃ kāretuṃ yutto”ti vatvā “punapi tūriyāni paggaṇhatha, punapi tūriyāni paggaṇhathā”ti tikkhattuṃ tūriyāni paggaṇhāpesi.

Atha kumāro mukhaṃ vivarivā oloketvā “kena kamma āgatathā”ti āha. Deva tumhākaṃ rajjaṃ pāpuṇātīti. Rājā kahanti? Devattaṃ gato sāmīti. Kati divasā atikkantāti? Ajja sattamo divasoti. Putto vā dhītā vā natthīti? Dhītā atthi deva, putto natthīti. Karissāmi rajjanti. Te tāvadeva abhisekamaṇḍapaṃ kāretvā rājadhītaṃ sabbālaṅkārehi alaṅkaritvā uyyānaṃ ānetvā kumārassa abhisekaṃ akaṃsu.

Athassa katābhisekassa sahasagghanakaṃ vatthaṃ upaḥariṃsu. So “kimidaṃ, tātā”ti āha. Nivāsanavattaṃ devāti. Nanu, tātā, thūlaṃ, aññaṃ sukhumataṃ natthīti? Manussānaṃ paribhogavattesu ito sukhumataṃ natthi devāti. Tumhākaṃ rājā evarūpaṃ nivāsesīti? Āma, devāti. Na maññe puññavā tumhākaṃ rājā, suvaṇṇabhiṅgāraṃ āharatha, labhissāma vatthanti. Te suvaṇṇabhiṅgāraṃ āhariṃsu. So uttāhāya hatthe dhovivā mukhaṃ vikkhāletvā hatthena udakaṃ ādāya puratthimāya disāya abbhukkiri, tāvadeva ghanapathaviṃ bhindivā aṭṭha kapparukkhā uttāhāṃsu. Puna udakaṃ gahetvā dakkhiṇaṃ pacchimaṃ uttaranti evaṃ catassopi disā abbhukkiri, sabbadisāsu aṭṭhaṭṭha katvā dvattiṃsa kapparukkhā uttāhāṃsu. So ekaṃ dibbadussaṃ nivāsetvā ekaṃ pārupitvā “nandarañño vijite suttakantikā itthiyo mā suttaṃ kantīṃsūti evaṃ bheriṃ carāpethā”ti vatvā chatthaṃ ussāpetvā alaṅkatapaṭiyatto hatthikkhandhavaragato nagaraṃ pavisitvā pāsādaṃ āruya mahāsampattiṃ anubhavi.

Evaṃ kāle gacchante ekadivasaṃ devī rañño mahāsampattiṃ disvā “aho tapassī”ti kāruññākāraṃ dassesi. “Kimidaṃ devī”ti ca puṭṭhā “atimahaṭī te deva sampatti, atīte buddhānaṃ saddahitvā kalyāṇaṃ akattha, idāni anāgatassa paccayaṃ kusalaṃ na karoṭhā”ti āha. Kassa dassāmi, sīlavanto natthīti. “Asuñño, deva, jambudīpo arahantehi, tumhe dānameva sajjetha, ahaṃ arahante lacchāmī”ti āha. Rājā punadivase pācīnadvāre dānaṃ sajjāpesi. Devī pātova uposathaṅgāni adhiṭṭhāya uparipāsāde puratthābhimukhā urena nipajjitvā “sace etissā disāya arahanto atthi, sve āgantvā amhākaṃ bhikkhaṃ gaṇhantū”ti āha. Tassaṃ disāyaṃ arahanto nāhesuṃ, taṃ sakkāraṃ kapaṇayācakānaṃ adāṃsu.

Punadivase dakkhiṇadvāre dānaṃ sajjitvā tatheva akāsi, punadivase pacchimadvāre. Uttaradvāre sajjanadivase pana deviyā tatheva nimantite himavante vasantānaṃ padumavatiyā puttānaṃ pañcasātānaṃ paccekabuddhānaṃ jeṭṭhako mahāpadumapaccekabuddho bhātike āmantesi – “mārisā, nandarājā tumhe nimanteti, adhivāsetha tassā”ti. Te adhivāsetvā punadivase anotattadahe mukhaṃ dhovivā ākāse āgantvā uttaradvāre otariṃsu. Manussā gantvā “pañcasatā, deva, paccekabuddhā āgatā”ti rañño ārocesuṃ. Rājā saddhiṃ deviyā gantvā vanditvā pattaṃ gahetvā paccekabuddhe pāsādaṃ āropetvā tatra tesāṃ dānaṃ datvā bhattakiccāvasāne rājā saṅghattherassa, devī saṅghanavakassa pādāmūle nipajjitvā, “ayyā, paccayehi na kilamissanti, mayaṃ puñña na hāyissāma, amhākaṃ yāvajīvaṃ idha nivāsāya paṭiññaṃ dethā”ti. Paṭiññaṃ kāretvā uyyāne pañca paṇṇasālāsātāni pañca caṅkamanasātānīti sabbākārena nivāsaṭṭhānaṃ sampādetvā tattha vasāpesuṃ.

Evaṃ kāle gacchante rañño paccanto kupito. So “ahaṃ paccantaṃ vūpasametū gacchāmi, tvāṃ paccekabuddhesu mā pamajjī”ti devī ovadivā gato. Tasmīṃ anāgateyeva paccekabuddhānaṃ āyusaṅkhārā khīṇā. Mahāpadumapaccekabuddho tiyāmarattiṃ jhānakīlaṃ kīlītvā aruṇuggamane ālambanaphalakaṃ ālambitvā ṭhitakova anupādisesāya nibbānadhātuyā parinibbāyi. Etenupāyena sesāpīti sabbeva parinibbutā. Punadivase devī paccekabuddhānaṃ nisīdanatthānaṃ haritupalittaṃ kāretvā pupphāni vikiritvā dhūmaṃ datvā tesāṃ āgamaṃ oloketi nisinnā; āgamaṃ apassanti purisaṃ pesesi “gaccha, tātā, jānāhi, kiṃ ayyānaṃ kiñci aphāsuka”nti. So gantvā mahāpadumassa paṇṇasālādvāraṃ vivarivā tattha apassanto caṅkamaṃ gantvā ālambanaphalakaṃ nissāya ṭhitaṃ disvā vanditvā “kālo, bhante”ti āha. Parinibbutasarīraṃ kiṃ kathessati? So “niddāyati maññe”ti gantvā piṭṭhipāde hatthena parāmasitvā pādānaṃ sīlatāyā ceva thaddhatāya ca parinibbutabhāvaṃ ṇatvā dutiyassa santikaṃ agamāsi, evaṃ tatiyassāti sabbesaṃ parinibbutabhāvaṃ ṇatvā rājakulaṃ gato. “Kahaṃ, tātā, paccekabuddhā”ti puṭṭho “parinibbutā devī”ti āha. Devī kandantī rodantī nikkhamitvā nāgarehi saddhiṃ tattha gantvā sādhuṅkīlitaṃ kāretvā paccekabuddhānaṃ sarīrakiccaṃ katvā dhātuyo gahetvā cetiyaṃ paṭiṭṭhāpesi.

Rājā paccantaṃ vūpasametvā āgato paccuggamaṇaṃ āgataṃ devim̐ pucchi – “kiṃ, bhadda, paccekabuddhesu nappamajji, nirogā ayyā”ti? Parinibbutā devāti. Rājā cintesi – “evarūpānampi paṇḍitānaṃ maraṇaṃ uppajjati, amhākaṃ kuto mokkha”ti? So nagaraṃ agantvā uyyānameva pavisitvā jeṭṭhaputtaṃ pakkosāpetvā tassa rajjaṃ paṭiyādetvā sayamaṃ samaṇakapabbajjaṃ pabbaji. Devīpi “imasmim̐ pabbajite ahaṃ kiṃ karissāmi”ti tattheva uyyāne pabbajitā. Dvepi jhānaṃ bhāvetvā tato cutā brahmaloke nibbattiṃsu.

Tesu tattheva vasantesu amhākaṃ satthā loke uppajjitvā pavattitavaradhammacakko anupubbena rājagahaṃ pāvisi. Satthari tattha vasante ayaṃ pippalimāṇavo magadharatthe mahātitthabrāhmaṇagāme kapilabrāhmaṇassa aggamaheṣiyā kucchimhi nibbatta, ayaṃ bhaddā kāpilānī maddaratthe sāgalanagare kosiyagottabrāhmaṇassa aggamaheṣiyā kucchimhi nibbattā. Tesamaṃ anukkamena vaḍḍhamānaṃ pippalimāṇavassa vīsatime vasse bhaddāya soḷasame vasse sampatte mātāpitaraṃ puttaṃ oloketa, “tāta, tvaṃ vayapatto, kulavaṃso nāma paṭiṭṭhāpetabbo”ti ativiya nippīlayiṃsu. Māṇavo āha – “mayhaṃ sotapathe evarūpaṃ kathaṃ mā kathetha, ahaṃ yāva tumhe dharatha, tāva paṭijaggissāmi, tumhākaṃ accayena nikkhamitvā pabbajissāmi”ti. Te katipāhaṃ atikkamitvā puna kathayiṃsu, sopi tattheva paṭikkhipi. Punapi kathayiṃsu, punapi paṭikkhipi. Tato paṭṭhāya mātā nirantaraṃ kathesiyeva.

Māṇavo “mama mātaraṃ saññāpessāmi”ti rattasuvanṇassa nikkhasahassaṃ datvā suvaṇṇakārehi ekaṃ itthirūpaṃ kārapeta tassa majjanaghaṭṭanādikkammaṃ pariyosāne taṃ rattavatthaṃ nivāsāpetvā vaṇṇasampannehi pupphehi ceva nānālaṅkārehi ca alaṅkārapeta mātaraṃ pakkosāpetvā āha – “amma, evarūpaṃ āramaṇaṃ labhanto gehe vasissāmi, alabhanto na vasissāmi”ti. Paṇḍitā brāhmaṇī cintesi – “mayhaṃ putto puñṇavā dinnadāno katābhinihāro, puñṇaṃ karonto na ekakova akāsi, addhā etena saha katapuñṇā suvaṇṇarūpakapaṭibhāgāva bhavissati”ti aṭṭha brāhmaṇe pakkosāpetvā sabbakāmehi santappeta suvaṇṇarūpakaṃ rathaṃ āropeta “gacchatha, tāta, yattha amhākaṃ jātigottabhogehi samānakule evarūpaṃ dārikaṃ passatha, imameva suvaṇṇarūpakaṃ paṇṇākāraṃ katvā dethā”ti uyyojesi.

Te “amhākaṃ nāma etaṃ kamma”nti nikkhamitvā “kattha gamissāma”ti cinteta “maddaratthaṃ nāma itthākarō, maddaratthaṃ gamissāma”ti maddaratthe sāgalanagaraṃ agamaṃsu. Tattha taṃ suvaṇṇarūpakaṃ nhānatitthe ṭhapeta ekamante nisīdiṃsu. Atha bhaddāya dhātī bhaddaṃ nhāpetvā alaṅkaritvā sirigabbhe nisīdāpetvā nhāyitumaṃ āgacchantī taṃ rūpakaṃ disvā “ayyadhītā me idhāgatā”ti saññāya santajjeta “dubbinīte kiṃ tvaṃ idhāgatā”ti talasattikaṃ uggiritvā “gaccha sīgha”nti gaṇḍapasse pahari. Hattho pāsāne paṭihato viya kampittha. Sā paṭikkamitvā “evaṃ thaddhaṃ nāma mahāgīvaṃ disvā ‘ayyadhītā me’ti saññaṃ uppādesiṃ, ayyadhītāya hi me nivāsanapaṭiggāhikāyapi ayuttā”ti āha. Atha naṃ te manussā parivāretvā “evarūpā te sāmīdhītā”ti pucchiṃsu. Kiṃ esā, imāya satagaṇena sahasagaṇena mayhaṃ ayyādhītā abhirūpataṃ, dvādasahatthe gabbhe nisinnāya padīpakiccaṃ natthi, sarīrobhāseneva tamaṃ vidhamatīti. “Tena hi āgacchā”ti khujjaṃ gaheta suvaṇṇarūpakaṃ rathaṃ āropeta kosiyagottassa brāhmaṇassa gharadvāre ṭhatvā āgamaṇaṃ nivedayiṃsu.

Brāhmaṇo paṭisanthāraṃ katvā “kuto āgatathā”ti pucchi. Magadharatthe mahātitthagāme kapilabrāhmaṇassa gharatoti. Kiṃ kāraṇā āgatāti? Iminā nāma kāraṇenāti. “Kalyāṇaṃ, tāta, samajātigottavibhavo amhākaṃ brāhmaṇo, dassāmi dārika”nti paṇṇākāraṃ gaṇhi. Te kapilabrāhmaṇassa sāsanaṃ paṇiṃsu “laddhā dārikā, kattabbaṃ karoṭhā”ti. Taṃ sāsanaṃ sutvā pippalimāṇavassa ārocayiṃsu “laddhā kira dārikā”ti. Māṇavo “ahaṃ ‘na labhissanti’ti cintesiṃ, ‘ime laddhāti vadanti’, anattiko hutvā paṇṇaṃ pesessāmi”ti rahogato paṇṇaṃ likhi “bhaddā attano jātigottabhogānurūpaṃ gharāvāsaṃ labhatu, ahaṃ nikkhamitvā pabbajissāmi, mā pacchā vippaṭisārini ahoṣi”ti. Bhaddāpi “asukassa kira maṃ dātukāmo”ti sutvā rahogataṃ paṇṇaṃ likhi “ayyaputto attano jātigottabhogānurūpaṃ gharāvāsaṃ labhatu, ahaṃ nikkhamitvā pabbajissāmi, mā pacchā vippaṭisārī ahoṣi”ti. Dve paṇṇāni antarāmagge samāgacchiṃsu. Idaṃ kassa paṇṇanti? Pippalimāṇavena bhaddāya pahitanti. Idaṃ kassāti? Bhaddāya pippalimāṇavassa pahitanti ca vutte dvepi vāceta “passatha

dārakānaṃ kamma’’nti phāletvā araññe chaḍḍetvā samānapaṇṇaṃ likhitvā ito ca etto ca pesesuṃ. Iti tesam anicchamānānaṃyeva samāgamo ahosi.

Taṃdivasameva māṇavo ekaṃ pupphadāmaṃ gahetvā ṭhapesi. Bhaddāpi, tāni sayanamajjhe ṭhapesi. Bhuttasāyamaṃsā ubhopi ‘‘sayanaṃ abhiruhissamā’’ti samāgantvā māṇavo dakkhiṇapassena sayanaṃ abhiruhi. Bhaddā vāmapassena abhiruhitvā āha – ‘‘yassa passe pupphāni milāyanti, tassa rāgacittaṃ uppananti vijānissāma, imaṃ pupphadāmaṃ na allīyitabba’’nti. Te pana aññamaññaṃ sarīrasamphassabhayena tiyāmarattiṃ niddaṃ anokkamantāva vītināmenti, divā pana hāsamattampi nāhosi. Te lokāmisena asaṃsaṭṭhā yāva mātāpitaro dharanti, tāva kuṭumbaṃ avicāretvā tesu kālaṅkatesu vicārayiṃsu. Mahatī māṇavassa sampatti sattāsītikoṭidhanaṃ, ekadivasaṃ sarīraṃ ubbaṭṭetvā chaḍḍetabbaṃ suvaṇṇacuṇṇameva magadhanāḷiyā dvādasanāḷimattaṃ laddhuṃ vaṭṭati. Yantabaddhāni saṭṭhi mahātaḷākāni, kammanto dvādasayojaniko, anurādhapurappamaṇā cuddasa gāma, cuddasa hatthānīkā, cuddasa assānīkā, cuddasa rathānīkā.

So ekadivasaṃ alaṅkataassaṃ āruya mahājanaparivuto kammantaṃ gantvā khettakoṭiyaṃ ṭhito naṅgalehi bhinnatṭhānato kākādayo sakūṇe gaṇḍuppādāpāṇake uddharitvā khādante disvā, ‘‘tātā, ime kiṃ khādanti’’ti pucchi. Gaṇḍuppāde, ayyāti. Etehi kataṃ pāpaṃ kassa hotīti? Tumhākaṃ, ayyāti. So cintesi – ‘‘sace etehi kataṃ pāpaṃ mayhaṃ hoti, kiṃ me karissati sattāsītikoṭidhanaṃ, kiṃ dvādasayojaniko kammanto, kiṃ saṭṭhiyantabaddhāni taḷākāni, kiṃ cuddasa gāma? Sabbametaṃ bhaddāya kāpilāniyā niyyātetvā nikkhamma pabbajissāmi’’ti.

Bhaddāpi kāpilānī tasmim khāṇe antaravattumhi tayo tilakumbhe pattharāpetvā dhātīhi parivutā nisinnā kāke tilapāṇake khādante disvā, ‘‘ammā, kiṃ ime khādanti’’ti pucchi. Pāṇake, ayyeti. Akusalaṃ kassa hotīti? Tumhākaṃ, ayyeti. Sā cintesi – ‘‘mayhaṃ catuhatthavatthaṃ nāḷikodanamattaṅca laddhuṃ vaṭṭati, yadi panetaṃ ettakena janena kataṃ akusalaṃ mayhaṃ hoti, addhā bhavasahassenapi vaṭṭato sīsaṃ ukkhipituṃ na sakkā, ayyaputte āgatamatteyeva sabbam tassa niyyātetvā nikkhamma pabbajissāmi’’ti.

Māṇavo āgantvā nhāyitvā pāsādaṃ āruya mahārahe pallaṅke nisīdi. Athassa cakkavattino anucchavikaṃ bhojanaṃ sajjayiṃsu. Dvepi bhuñjitvā parijane nikkhante rahogaṭā phāsukaṭṭhāne nisīdiṃsu. Tato māṇavo bhaddaṃ āha – ‘‘bhadda imaṃ gharaṃ āgacchantī kittakaṃ dhanaṃ āharī’’ti? Pañcapanṇāsa sakaṭasahassāni, ayyāti. Etaṃ sabbam, yā ca imasmim ghare sattāsīti koṭiyo yantabaddhā saṭṭhitaḷākādibhedā sampatti atthi, sabbam tuyhaṃyeva niyyātemīti. Tumhe pana kahaṃ gacchatha, ayyāti? Ahaṃ pabbajissāmi. Ayya, ahampi tumhākaṃyeva āgamaṃ olokayamānā nisinnā, ahampi pabbajissāmi. Tesam ādittapaṇṇakuṭi viya tayo bhavā upaṭṭhahiṃsu. Te antarāpaṇato kasāvarasapītāni vatthāni mattikāpatte ca āharāpetvā aññamaññaṃ kese ohārāpetvā ‘‘ye loke arahanto, te uddissa amhākaṃ pabbajjā’’ti vatvā thavikāya patte osāretvā aṃse laggetvā pāsādato otariṃsu. Gehe dāsesu vā kammakāresu vā na koci sañjāni.

Atha ne brāhmaṇagāmato nikkhamma dāsaḡāmadvārena gacchante ākappakuttavasena dāsaḡāmaṃvāsino sañjāniṃsu. Te rodantā pādesu nipatitvā ‘‘kiṃ amhe anāthe karotha, ayyā’’ti āhaṃsu. ‘‘Mayaṃ bhaṇe ādittapaṇṇasālā viya tayo bhavāti pabbajimhā, sace tumhesu ekekaṃ bhujissaṃ karoma, vassasatampi nappahoti. Tumheva tumhākaṃ sīsaṃ dhovitvā bhujissā hutvā jīvathā’’ti vatvā tesam rodantānaṃyeva pakkamiṃsu. Thero purato gacchanto nivattitvā olovento cintesi – ‘‘ayaṃ bhaddā kāpilānī sakalajambudīpagghanikā itthī mayhaṃ pacchato āgacchati. Ṭhānaṃ kho panetaṃ vijjati, yaṃ kocideva evaṃ cinteyya ‘ime pabbajitvāpi vinā bhavituṃ na sakkonti, ananucchavikaṃ karontī’’ti. Koci vā pana amhesu manam padūsetvā apāyapūrako bhavēyya. Imaṃ pahāya mayā gantuṃ vaṭṭatī’’ti cittaṃ uppādesi.

So purato gacchanto dvedhāpathaṃ disvā tassa matthake aṭṭhāsi. Bhaddāpi āgantvā vanditvā aṭṭhāsi. Atha naṃ āha – ‘‘bhadda tādisim itthim mama pacchato āgacchantim disvā ‘ime pabbajitvāpi

vinā bhavitum na sakkontī’ ti cintetvā amhesu paduṭṭhacitto mahājano apāyapūraḥko bhavēyya. Imasmim dvedhāpathe tvaṃ ekaṃ gaṇha, ahaṃ ekena gamissāmī’ ti. “Āma, ayya, pabbajitānaṃ mātugāmo nāma malaṃ, ‘pabbajitvāpi vinā na bhavanti’ ti amhākaṃ dosaṃ dassanti, tumhe ekaṃ maggaṃ gaṇhatha, ahaṃ ekaṃ gaṇhitvā vinā bhavissāmā’ ti tikkhattuṃ padakkhiṇaṃ katvā catūsu ṭhānesu pañcapatitṭhitena vanditvā dasanakhasamodhānasamujjalaṃ añjaliṃ paggayha “satasahassakappamāṇe addhāne kato mittasanthavo ajja bhijjati’ ti vatvā “tumhe dakkhiṇajātikā nāma, tumhākaṃ dakkhiṇamaggo vaṭṭati. Mayāṃ mātugāmā nāma vāmajātikā, amhākaṃ vāmamaggo vaṭṭati’ ti vanditvā maggaṃ paṭipannā. Tesāṃ dvedhābhūtakāle ayaṃ mahāpathavī “ahaṃ cakkavālagirisinerupabbate dhāretuṃ sakkontīpi tumhākaṃ guṇe dhāretuṃ na sakkomī’ ti vadantī viya viravamānā akampī, ākāse asanisaddo viya pavatti, cakkavālapabbato unnadi.

Sammāsambuddho veḷuvanamahāvihāre gandhakuṭiyāṃ nisinno pathavīkampanasaddaṃ sutvā “kassa nu kho pathavī kampaṭī’ ti āvajjento “pippalimāṇavo ca bhaddā ca kāpilānī maṃ uddissa appameyyaṃ sampattim pahāya pabbajitā, tesāṃ viyogaṭṭhāne ubhinnaṃpi guṇabalena ayaṃ pathavīkampo jāto, mayāpi etesaṃ saṅghaṃ kātuṃ vaṭṭati’ ti gandhakuṭito nikkhamma sayameva pattacīvaramādāya asītimahātheresu kañci anāmantetvā tigāvutaṃ maggaṃ paccuggamaṃ katvā rājagahassa ca nālandāya ca antare bahuputtakanigrodharukkhamūle pallāṅkaṃ ābhujitvā nisīdi. Nisīdanto pana aññatarapaṃsukūliko viya anisīditvā buddhavesaṃ gahetvā asītihatthā ghanabuddharasmiyo vissajjento nisīdi. Iti tasmim khaṇe paññacchattasakaṭacakkakūṭāgārādippamāṇā buddharasmiyo ito cito ca vipphandantiyo vidhāvantiyo candasahassa-sūriyasahassa-uggamanakālo viya kurumānā taṃ vanantaṃ ekobhāsaṃ akaṃsu. Dvattimsamahāpurisalakkhaṇasiriyaṃ samujjalatārāgaṇaṃ viya gaganāṃ, supupphitakamalakuvalayaṃ viya salilaṃ vanantaṃ virocittha. Nigrodharukkhaṇaṃ khandho nāma seto hoti, pattāni nāma nīlāni, pakkāni rattāni. Tasmim pana divase satasākho nigrodho suvaṇṇavaṇṇova ahoṣi.

Mahākassapatthero “ayaṃ mayhaṃ satthā bhavissati, imāhaṃ uddissa pabbajito’ ti diṭṭhaṭṭhānato paṭṭhāya oṇatoṇato gantvā tīsu ṭhānesu vanditvā “satthā me, bhante bhagavā, sāvakoḥamasmi, satthā me, bhante bhagavā, sāvakoḥamasmi’ ti āha. Atha naṃ bhagavā avoca – “kassapa, sace tvaṃ imaṃ nipaccakāraṃ mahāpathaviyā kareyyāsi, sāpi dhāretuṃ na sakkuṇeyya. Tathāgatassa evaṃ guṇamahantataṃ jānatā tayā kato nipaccakāro mayhaṃ lomampi cāletuṃ na sakkoti. Nisīda, kassapa, dāyajjaṃ te dassāmī’ ti. Athassa bhagavā tīhi ovādehi upasampadaṃ adāsi. Datvā bahuputtakanigrodhamūlato nikkhamitvā therāṃ pacchāsamaṇaṃ katvā maggaṃ paṭipajji. Satthu sarīraṃ dvattimsamahāpurisalakkhaṇavicittaṃ, mahākassapassa sattamahāpurisalakkhaṇapaṭimaṇḍitaṃ. So kañcanamahānāvāya pacchābandho viya satthu padānupadikaṃ anugañchi. Satthā thokaṃ maggaṃ gantvā maggā okkamma aññatarasmiṃ rukkhamūle nisajjākāraṃ dassesi, therō “nisīditukāmo satthā’ ti ṇatvā attano pārūpanapilotikasaṅghāṭim catugguṇaṃ katvā paññāpesi.

Satthā tasmim nisīditvā hatthena cīvaraṃ parāmasitvā “mudukā kho tyāyaṃ, kassapa, pilotikasaṅghāṭī’ ti āha. Thero “satthā me saṅghāṭiyā mudukabhāvaṃ katheti, pārūpitukāmo bhavissati’ ti ṇatvā “pārūpatu, bhante, bhagavā saṅghāṭī’ nti āha. Kiṃ tvaṃ pārūpissasi kassapāti? Tumhākaṃ nivāsaṇaṃ labhanto pārūpissāmi, bhanteti. “Kiṃ pana tvaṃ, kassapa, imaṃ paribhogajjinaṃ paṃsukūlaṃ dhāretuṃ sakkhissasi? Mayā hi imassa paṃsukūlassa gahitadivase udakapariyantaṃ katvā mahāpathavī kampi, imaṃ buddhānaṃ paribhogajjinaṃ cīvaraṃ nāma na sakkā parittaguṇena dhāretuṃ, paṭibalenevidaṃ paṭipattipūraṇasamatthena jātipaṃsukūlikena gahetuṃ vaṭṭati’ ti vatvā therena saddhim cīvaraṃ parivattesi.

Evaṃ pana cīvaraparivattaṃ katvā therena pārūtacīvaraṃ bhagavā pārūpi, satthu cīvaraṃ thero pārūpi. Tasmim samaye acetanāpi ayaṃ mahāpathavī “dukkaraṃ, bhante, akattha, attanā pārūtacīvaraṃ sāvakassa dinnapubbaṃ nāma natthi, ahaṃ tumhākaṃ guṇaṃ dhāretuṃ na sakkomī’ ti vadantī viya udakapariyantaṃ katvā kampi. Theropi “laddhaṃ dāni mayā buddhānaṃ paribhogacīvaraṃ, kiṃ me idāni uttari kattabbaṃ atthi’ ti unnatim akatvā buddhānaṃ santikeyeva terasa dhutaṅge samādāya

sattadivasamattam puthujjano hutvā aṭṭhame aruṇe saha paṭisambhidāhi arahattam pāpuṇi. Sattāpi “kassapo, bhikkhave, candūpamo kulāni upasāṅkamati, apakasseva kāyaṃ apakassa cittaṃ niccanavako kulesu appagabbho”ti (saṃ. ni. 2.146) evamādīhi suttehi theram thometvā aparabhāge etadeva kassapasamyuttam aṭṭhuppattim katvā “mama sāsane dhutavādānam bhikkhūnam mahākassapo aggo”ti theram ṭhānantare ṭhapesīti.

### Anuruddhattheravatthu

**192.** Pañcame **dibbacakkhukānam yadidaṃ anuruddhoti** dibbacakkhukabhikkhūnam anuruddhatthero aggoti vadati. Tassa ciṇṇavasitāya aggabhāvo veditabbo. Thero kira bhojanapapañcamattam ṭhapetvā sesakālam ālokaṃ vaḍḍhetvā dibbacakkhunā satte olokontova viharati. Iti ahorattam ciṇṇavasitāya esa dibbacakkhukānam aggo nāma jāto. Apica kappasatasahassam patthitabhāvenapesa dibbacakkhukānam aggo jāto.

Tatrassa pañhakamme ayamanupubbikathā – ayampi hi kulaputto padumuttarasseva bhagavato kāle pacchābhattam dhammassavanattam vihāram gacchantena mahājanena saddhiṃ agamāsi. Ayaṃ hi tadā aññataro apākaṭānāmo issarakuṭumbiko ahosi. So dasabalam vanditvā parisapariyante ṭhito dhammakatham suṇāti. Sattā desanam yathānusandhikam ghaṭetvā ekam dibbacakkhukam bhikkhum etadaggaṭṭhāne ṭhapesi.

Tato kuṭumbikassa etadahosi – “mahā vatāyaṃ bhikkhu, yaṃ evaṃ sattā sayam dibbacakkhukānam aggaṭṭhāne ṭhapesi. Aho vatāhampi anāgate uppajjanakabuddhassa sāsane dibbacakkhukānam aggo bhaveyya”nti cittaṃ uppādetvā parisantarena gantvā svātanāya bhagavantam bhikkhusaṅghena saddhiṃ nimantetvā punadivase buddhappamukhassa bhikkhusaṅghassa mahādānam datvā “mahantam ṭhānantaram mayā patthita”nti teneva niyāmena ajjatanāya svātanāyāti nimantetvā satta divasāni mahādānam pavattetvā saparivārassa bhagavato uttamavattāni datvā “bhagavā nāham imaṃ sakkāram dibbasampattiyā na manussasampattiyā atthāya karomi. Yaṃ pana tumhe ito sattadivasamatthake bhikkhum dibbacakkhukānam aggaṭṭhāne ṭhapayittha, ahampi anāgate ekassa buddhassa sāsane so bhikkhu viya dibbacakkhukānam aggo bhaveyya”nti patthanam katvā pādāmūle nipajji. Sattā anāgataṃ oloketvā tassa patthanāya samijjanabhāvaṃ ṇatvā evamāha – “ambho purisa, anāgate kappasatasahassapariyosāne gotamo nāma buddho uppajjissati, tassa sāsane tvam dibbacakkhukānam aggo anuruddho nāma bhavissasi”ti. Evañca pana vatvā bhattānumodanam katvā vihārameva agamāsi.

Kuṭumbikopi yāva buddho dharati, tāva avijahitameva kalyāṇakammaṃ katvā parinibbute satthari niṭṭhite sattayojanike suvaṇṇacetiye bhikkhusaṅgham upasāṅkamitvā, “bhante, kiṃ dibbacakkhussa parikamma”nti pucchi. Padīpadānam nāma dātuṃ vaṭṭati upāsakāti. Sādhu, bhante, karissāmīti sahasadīpānamyeva tāva dīparukkānam sahasam kāresi, tadanantaram tato parittatare, tadanantaram tato pariyattatareti anekasahasas dīparukkhe kāresi. Sesapadīpā pana aparimāṇā ahesum.

Evaṃ yāvajīvaṃ kalyāṇakammaṃ katvā devesu ca manussesu ca saṃsaranto kappasatasahassam atikkamitvā kassapasammāsambuddhassa kāle bārāṇasiyaṃ kuṭumbiyagehe nibbattitvā parinibbute satthari niṭṭhite yojanike cetiye bahu kaṃsapātiyo kārapetvā sappimaṇḍassa pūretvā majjhe ekekaṃ guḷapiṇḍam ṭhapetvā ujjāletvā mukhavaṭṭiyā mukhavaṭṭim phusāpento cetiyaṃ parikkhipāpetvā attano sabbamahantam kaṃsapātim kāretvā sappimaṇḍassa pūretvā tassā mukhavaṭṭiyaṃ samantato vaṭṭisahassam jālapetvā majjhaṭṭhāne thūpikam pilotikāya veṭhetvā jālapetvā kaṃsapātim sisenādāya sabbarattim yojanikam cetiyaṃ anupariyāyi. Evaṃ tenāpi attabhāvena yāvajīvaṃ kalyāṇakammaṃ katvā devaloke nibbato.

Puna anuppanne buddhe tasmimyeva nagare duggatakulassa gehe paṭisandhim gaṇhitvā sumanasetṭhim nāma nissāya vasi, **annabhārotissa** nāmam ahosi. So pana sumanasetṭhi devasikam



kapaṇaddhikavaṇibbakayācakānaṃ gehadvāre mahādānaṃ deti. Athekadivasam upariṭṭho nāma paccekabuddho gandhamādanapabbate nirodhasamāpattiṃ samāpanno. Tato vuṭṭhāya “ajja kassa anuggahaṃ kātuṃ vaṭṭati”ti vīmaṃsi. Paccekabuddhā ca nāma duggatānukampakā honti. So “ajja mayā annabhāraṃ anuggahaṃ kātuṃ vaṭṭati”ti cintetvā “idāni annabhāro aṭavito attano geham āgamissati”ti ñatvā pattacīvaramādāya gandhamādanapabbatā vehāsam abbhuggantvā gāmadvāre annabhāraṃ sammukhe paccuṭṭhāsi.

Annabhāro paccekabuddham tuccchapattahattham disvā paccekabuddham abhivādetvā “api, bhante, bhikkham labhitthā”ti pucchi. Labhissāma mahāpuññāti. “Bhante, thokaṃ idheva hothā”ti vegena gantvā attano gehe mātuḡamaṃ pucchi – “bhadde, mayham ṭhapitaṃ bhāgabhattam atthi, natthi”ti? Atthi sāmīti. So tatova gantvā paccekabuddhassa hatthato pattamādāya āgantvā “bhadde, mayam purimabhava kalyāṇakammassa akatattā bhattam paccāsīsamānā viharāma, amhākaṃ dātukāmatāya sati deyyadhammo na hoti, deyyadhamme sati paṭiggāhakaṃ na labhāma, ajja me upariṭṭhapaccekabuddho diṭṭho, bhāgabhattaṃca atthi, mayham bhāgabhattam imasmiṃ patte pakkhipāhi”ti.

Byatā itthi “yato mayham sāmiko bhāgabhattam deti, mayāpi imasmiṃ dāne bhāginiyā bhavitabba”nti attano bhāgabhattampi upariṭṭhassa paccekabuddhassa patte patiṭṭhapetvā adāsi. Annabhāro pattam āharitvā paccekabuddhassa hatthe ṭhapetvā, “bhante, evarūpā dujjiṅvitā muccamā”ti āha. Evaṃ hotu, mahāpuññāti. So attano uttarasāṭakaṃ ekasmiṃ padese attharivā, “bhante, idha nisīditvā paribhuñjathā”ti āha. Paccekabuddho tatttha nisīditvā navavidham paṭikūlyam paccavekkhanto paribhuñji. Paribhuttakāle annabhāro pattadhovanaudakaṃ adāsi. Paccekabuddho niṭṭhitabhattakicco –

“Icchitam patthitam tuyham, sabbameva samijjhatu;  
Sabbe pūrentu sankappā, cando pannaraso yathā”ti. –

Anumodanam katvā maggaṃ paṭipajji. Sumanasetṭhissa chatte adhivatthā devatā “aho dānam paramadānam upariṭṭhe suppatiṭṭhita”nti tikkhattuṃ vatvā sādhuḡaram adāsi. Sumanasetṭhi “kiṃ tvam maṃ ettakaṃ kālam dānam dadamānaṃ na passasi”ti āha. Nāham tava dāne sādhuḡaram demi, annabhārena upariṭṭhapaccekabuddhassa dinnapiṇḍapāte pasīditvā sādhuḡaram demīti.

Sumanasetṭhi cintesi – “acchariyam vatidaṃ, aham ettakaṃ kālam dānam dento devatam sādhuḡaram dāpetuṃ nāsakkhiṃ. Ayam annabhāro maṃ nissāya vasanto anurūpassa paṭiggāhakupuggalassa laddhattā ekapiṇḍapātadāneneva sādhuḡaram dāpesi, etassa anucchavikaṃ datvā etaṃ piṇḍapātam mama santakaṃ kātuṃ vaṭṭati”ti annabhāram pakkosāpetvā “ajja tayā kassaci kiñci dānam dinna”nti pucchi. Āma, ayya, upariṭṭhapaccekabuddhassa me attano bhāgabhattam dinnanti. Handa, bho, kahāpaṇam gaṇhitvā etaṃ piṇḍapātam mayham dehīti. Na demi ayyāti. So yāva sahasam vaḍḍhesi, annabhāro “sahassenāpi na demī”ti āha. Hotu, bho, yadi piṇḍapātam na desi, sahasam gaṇhitvā pattim me dehīti. “Etampi dātuṃ yuttam vā ayuttam vā na jānāmi, ayyam pana upariṭṭhapaccekabuddham pucchitvā sace dātuṃ yuttam bhavissati, dassāmi”ti gantvā paccekabuddham sampāpuṇitvā, “bhante, sumanasetṭhi mayham sahasam datvā tumhākaṃ dinnapiṇḍapāte pattim yācati, dammi vā na dammi vā”ti. Upamaṃ te paṇḍita karissāmi. Seyyathāpi kulasatike gāme ekasmiṃyeva ghare dīpaṃ jāleyya, sesā attano attano telena vaṭṭim temetvā jālapetvā gaṇheyyuṃ, purimadīpassa pabhā atthi, natthīti. Atirekatarā, bhante, pabhā hotīti. Evameva paṇḍita uḷūnkayāgu vā hotu kaṭacchubbhikkhā vā, attano piṇḍapāte paresam pattim dentassa satassa vā detu sahasassa vā, yattakānam deti, tattakānam puññaṃ vaḍḍhati. Tvam dento ekameva piṇḍapātam adāsi, sumanasetṭhissa pana pattiyā dinnāya dve piṇḍapātā honti eko tava, eko ca tassāti.

So paccekabuddham abhivādetvā sumanasetṭhissa santikaṃ gantvā “piṇḍapāte pattim gaṇha sāmī”ti āha. Handa, kahāpaṇasahasam gaṇhāti. Nāham piṇḍapātam vikkiṇāmi, saddhāya pana tumhākaṃ pattim demīti. Tāta, tvam mayham saddhāya pattim desi, aham pana tuyham guṇam pūjento sahasam demi, gaṇha, tātāti. So “evaṃ hotu”ti sahasam gaṇhi. Tāta, tuyham sahasam laddhakālato

paṭṭhāya sahatthā kammakaraṇakiccaṃ natthi, vīthiyaṃ gharaṃ māpetvā vasa. Yena tuyhaṃ attho, taṃ maṃ āharāpetvā gaṇhāhīti. Nirodhasamāpattito vuṭṭhitapaccekabuddhassa dinnapiṇḍapāto nāma taṃdivasameva vipākaṃ deti. Tasmā sumanasetṭhi aññaṃ divasaṃ annabhāraṃ gahetvā rājakulaṃ agacchantopi taṃdivasaṃ gahetvāva gato.

Annabhārasa puññaṃ āgamma rājā seṭṭhiṃ anoloketvā annabhārameva olokesi. Kiṃ, deva, imaṃ purisaṃ ativiya olokesīti? Aññaṃ divasaṃ aditṭhapubbattā olokemīti. Oloketabbayuttako esa devāti. Ko panassa oloketabbayuttako guṇoti? Ajja attano bhāgabhattaṃ sayamaṃ abhuñjitvā upariṭṭhapaccekabuddhassa dinnattā mama hatthato sahassaṃ labhi devāti. Konāmo esoti? Annabhāro nāma devāti. “Tava hatthato laddhattā mamapi hatthato laddhuṃ arahati, ahampissa pūjamaṃ karissāmī”ti vatvā sahassaṃ adāsī. Etassa vasanagehaṃ jānātha bhaṇeti? Sādhu devāti ekaṃ gehatṭhānaṃ sodhentā kuddālena āhatāhataṭṭhāne nidhikumbhiyo gīvāya gīvaṃ āhacca ṭhitā disvā rañño ārocayimsu. Rājā “tena hi gantvā khanathā”ti āha. Tesamaṃ khanantānaṃ khanantānaṃ heṭṭhā gacchanti. Puna gantvā rañño ārocayimsu. Rājā “annabhārasa vacanena khanathā”ti āha. Te gantvā “annabhārasseva vacana”nti kaniṃsu. Kuddālena āhatāhataṭṭhāne ahicchattakamakulāni viya kumbhiyo utṭhahimsu. Te dhanamaṃ āharitvā rañño santike rāsimaṃ akaṃsu. Rājā amacce sannipātetvā “imasmiṃ nagare kassa aññassa ettakaṃ dhanamaṃ atthī”ti pucchi. Natthi kassaci devāti. Tena hi ayamaṃ annabhāro imasmiṃ nagare dhanasetṭhi nāma hotūti. Taṃdivasameva seṭṭhicchattaṃ labhi.

So tato paṭṭhāya yāvajīvaṃ kalyāṇakammaṃ katvā tato cuto devaloke nibbato. Dīgharattaṃ devamanussesu saṃsaritvā amhākaṃ satthu uppajjanakāle kapilavatthunagare amittodanasakkassa gehe paṭisandhiṃ gaṇhi. Nāmaggaḥaṇadivase panassa **anuruddhoti** nāmaṃ akaṃsu. Mahānāmasakkassa kaniṭṭhabhātā satthu cūlapituputto paramasukhumālo mahāpuñño ahoṣi. Suvannaṇapātiyaṃyevassa bhattaṃ uppajji. Athassa mātā ekadivasaṃ “mama puttaṃ natthīti padaṃ jānāpessāmī”ti ekaṃ suvaṇṇapātiṃ aññāya suvaṇṇapātiyā pidahitvā tucchakamaṃyeva pesesi. Antarāmagge devatā dibbapūvehi pūresuṃ. Evaṃ mahāpuñño ahoṣi. Tiṇṇamaṃ utūnaṃ anucchavikesu tīsu pāsādesu alaṅkatanāṭakitthīhi parivuto devo viya sampattiṃ anubhavi.

Amhākampi bodhisatto tasmimaṃ samaye tusitapurā cavitvā suddhodanamahārājassa aggamaḥesiyā kucchimaṃ paṭisandhiṃ gahetvā anukkamena vuddhippato ekūnatimsa vassāni agāramaṃjhe vasitvā mahābhinnikkhamaṃ nikkhamitvā anukkamena paṭividdhasabbaññaṇānaṃ bodhimaṇḍe sattaṣaṭṭhamaṃ vītināmetvā isipatane migadāye dhammacakkappattanaṃ pavattetvā lokānuggahaṃ karonto rājagahaṃ āgamma “putto me rājagahaṃ āgato”ti sutvā “gacchatha bhaṇe mama puttaṃ ānethā”ti pitarā pahite sahasasahasaparivāre dasa amacce ehibhikkhupabbajjāya pabbājetvā kāludāyittherena cārikāgamaṃ āyācīto rājagahato vīsatisahasabhikkhuparivāro nikkhamitvā kapilavatthupuraṃ gantvā nātisamāgame anekehi iddhipāṭihāriyehi sappāṭihāriyaṃ vicitraddhammadeśanaṃ katvā mahājanaṃ amatapānaṃ pāyetvā dutiyadivase pattacīvaramādāya nagaradvāre ṭhatvā “kiṃ nu kho kulanagaraṃ āgatānaṃ sabbaññubuddhānaṃ āciṇṇa”nti āvajjamāno “sapaḍānaṃ piṇḍāya caraṇamaṃ āciṇṇa”nti nātivā sapaḍānaṃ piṇḍāya caranto “putto me piṇḍāya caratī”ti sutvā āgatassa rañño dhammaṃ kathetvā tena sakanivesanaṃ pavesetvā katasakkārasammāno tatha kātabbaṃ nātijanānuggahaṃ katvā rāhulakumāraṃ pabbājetvā nacirasseva kapilavatthupurato mallaraṭṭhe cārikaṃ caramāno anupiyaambavanaṃ agamaṣi.

Tasmimaṃ samaye suddhodanamahārājā sākiyjanaṃ sannipātetvā āha – “sace mama putto agāraṃ ajjhāvasissa, rājā abhaviṣsa cakkavattī sattaratanaṣamannāgato. Natthāpi me rāhulakumāro khattiyagaṇena saddhiṃ taṃ parivāretvā acarissa, tumhepi etamatthaṃ jānātha. Idāni pana me putto buddho jāto, khattiyāvassa parivārā hontu. Tumhe ekekakulato ekekaṃ dāraṃ dethā”ti. Evaṃ vutte ekappahāreṇeva sahasakhattiyakumārā pabbajimsu. Tasmimaṃ samaye mahānāmo kuṭumbasāmiko hoti. So anuruddhasakkaṃ upasaṅkamitvā etadavoca – “etarahi, tāta anuruddha, abhiññātā abhiññātā sakyakumārā bhagavantaṃ pabbajitaṃ anupabbajanti, amhākaṃ kule natthi koci agārasmā anagāriyaṃ pabbajito. Tena hi tvamaṃ vā pabbaja, ahaṃ vā pabbajissāmī”ti. So tassa vacanaṃ sutvā gharāvāse ruṇiṃ

akatvā attasattamo agāasmā anagāriyaṃ pabbajito. Tassa pabbajjānukkamo saṅghabhedakakkhandhake (cūlava. 330 ādayo) āgatova.

Evam anupiyaambavanaṃ gantvā pabbajitesu pana tesu tasmimyeva antovasse bhaddiyatthero arahattaṃ pāpuṇi. Anuruddhatthero dibbacakkhuṃ nibbatesi, devadatto aṭṭha samāpattiyo nibbatesi, ānandatthero sotāpattiphale patiṭṭhāsi, bhagutthero ca kimilatthero ca pacchā arahattaṃ pāpuṇimsu. Tesam pana sabbesampi therānaṃ attano attano āgatattṭhāne pubbapatthanābhīnāro āgamissati. Ayaṃ pana anuruddhatthero dhammasenāpatissa santike kammaṭṭhānaṃ gahetvā cetiyaraṭṭhe pācīnavamsamigadāyaṃ gantvā samaṇadhammaṃ karonto satta mahāpurisavitakke vitakkesi, aṭṭhame kilamati. Satthā “anuruddho aṭṭhame mahāpurisavitakke kilamati”ti ñatvā “tassa saṅkappaṃ pūressāmī”ti tattha gantvā paññattavarabuddhāsane nisinnō aṭṭhamaṃ mahāpurisavitakkaṃ pūretvā catupaccayasantosabhāvanārāmapaṭimaṇḍitaṃ mahāariyavaṃsapaṭipadaṃ (a. ni. 8.30) kathetvā ākāse uppatitvā bhesakalāvanameva gato.

Thero tathāgate gatamatteyeva tevijjo mahākhīṇāsavo hutvā “satthā mayhaṃ manam jānitvā āgantvā aṭṭhamaṃ mahāpurisavitakkaṃ pūretvā adāsi. So ca me manoratho matthakaṃ patto”ti buddhānaṃ dhammadesanaṃ attano ca paṭividdhadhammaṃ ārabba imā gāthā abhāsi –

“Mama saṅkappamaññāya, satthā loke anuttaro;  
Manomayena kāyena, iddhiyā upasaṅkamaṃ.

“Yathā me ahu saṅkappo, tato uttari desayi;  
Nippapañcarato buddho, nippapañcamadesayi.

“Tassāhaṃ dhammamaññāya, vihāsiṃ sāsane rato;  
Tisso vijjā anupatto, kataṃ buddhassa sāsana”nti. (theragā. 901-903);

Atha naṃ aparabhāge satthā jetavanamahāvihāre viharanto “mama sāsane dibbacakkhukānaṃ anuruddho aggo”ti aggaṭṭhāne ṭhapesi.

### Bhaddiyattheravatthu

**193.** Chaṭṭhe **uccākulikānanti** uce kule jātānaṃ. **Bhaddiyoti** anuruddhattherena saddhiṃ nikkhamanto sakyaṛājā. **Kāḷigodhāya puttoti** kāḷavaṇṇā sā devī, godhāti panassā nāmaṃ. Tasmā kāḷigodhāti vuccati, tassā puttoti attho. Kasmā panāyaṃ uccākulikānaṃ aggoti vutto, kiṃ tato uccākulikatarā natthīti? Āma natthi. Tassa hi mātā sākiyānīnaṃ antare vayena sabbajettṭhikā, soyeva ca sākiyakule sampattaṃ rajjaṃ pahāya pabbajito. Tasmā uccākulikānaṃ aggoti vutto. Apica pubbapatthanānubhāvena cesa anupaṭipāṭiyā pañca jātisatāni rājakule nibbattitvā rajjaṃ kāresiyeva. Imināpi kāraṇena uccākulikānaṃ aggoti vutto.

Pañhakamme panassa ayamanupubbikathā – ayampi hi atīte padumuttarabuddhakāle mahābhogakule nibbatto vuttanayeneva dhammassavanatthāya gato. Taṃdivasaṃ satthāraṃ ekaṃ bhikkhuṃ uccākulikānaṃ bhikkhūnaṃ aggaṭṭhāne ṭhapentaṃ disvā “mayāpi anāgate ekassa buddhassa sāsane uccākulikānaṃ bhikkhūnaṃ aggena bhavituṃ vaṭṭatī”ti tathāgataṃ nimantetvā satta divasāni buddhappamukhassa bhikkhusaṅghassa mahādānaṃ datvā, “bhante, ahaṃ imassa dānassa phalena nāññaṃ sampattiṃ ākañkhāmi, anāgate pana ekassa buddhassa sāsane uccākulikānaṃ bhikkhūnaṃ aggo bhaveyya”nti patthayitvā pādamaṃle nipajji.

Satthā anāgataṃ olokento samijjhanabhāvaṃ disvā “samijjhissati te idaṃ kammaṃ, ito kappasatasahassāvāsāne gotamo nāma buddho uppajjissati, tvaṃ tassa sāsane uccākulikānaṃ bhikkhūnaṃ aggo bhavissasī”ti byākaritvā bhattānumodanaṃ katvā vihāraṃ agamāsi. Sopi taṃ

byākaraṇaṃ labhitvā uccākulikasaṃvattanikakammaṃ pucchitvā dhammāsanāni kāretvā tesu paccattharaṇāni santharāpetvā dhammabjaniyo dhammakathikavaṭṭaṃ uposathāgāre padīpateladānanti evaṃ yāvajīvaṃ bahuvidhaṃ kalyāṇakammaṃ katvā tattha kālakato devesu ca manussesu ca saṃsaranto kassapadasabalassa ca amhākaṇca bhagavato antare bārāṇasiyaṃ kuṭumbiyaghare nibbatto.

Tena ca samayena sambahulā paccekabuddhā gandhamādanapabbatā āgamma bārāṇasiyaṃ gaṅgāya tīre phāsukaṭṭhāne nisīditvā piṇḍapātaṃ paribhuñjanti. So kuṭumbiyo tesam nibaddhameva tasmim ṭhāne bhattavissaggakaraṇaṃ ñatvā aṭṭha pāsāṇaphalakāni attharivā yāvajīvaṃ paccekabuddhe upaṭṭhahi. Athekaṃ buddhantaṃ devamanussesu saṃsaritvā imasmim buddhuppāde kapilavatthunagare khattiyakule nibbatti. Nāmaggaṇadivase cassa **bhaddiyakumāro**ti nāmaṃ akaṃsu. So vayaṃ āgamma heṭṭhā anuruddhasutte vuttanayeneva channaṃ khattiyānaṃ abhantaro hutvā satthari anupiyaambavane viharante satthu santike pabbajitvā arahattaṃ pāpuṇi. Atha satthā aparabhāge jetavanamahāvihāre viharanto “mama sāsane uccākulikānaṃ kāḷigodhāya putto bhaddiyatthero aggo”ti aggaṭṭhāne ṭhapesi.

### Lakuṇḍakabhaddiyattheravatthu

**194.** Sattame **mañjussarānanti** madhurassarānaṃ. **Lakuṇḍakabhaddiyoti** ubbedhena rasso, nāmena bhaddiyo. Tassāpi pañhakamme ayamanupubbikathā – ayampi hi padumuttarabuddhakāle haṃsavatīnagare mahābhogakule nibbatto vuttanayeneva dhammassavanatthāya vihāraṃ gato. Tasmim samaye satthāraṃ ekaṃ mañjussaraṃ bhikkhuṃ etadagge ṭhapentaṃ disvā “aho vatāhampi anāgate ayaṃ bhikkhu viya ekassa buddhassa sāsane mañjussarānaṃ bhikkhūnaṃ aggo bhaveyya”nti cittaṃ uppādetvā satthāraṃ nimantetvā satta divasāni buddhappamukhassa bhikkhusaṅghassa mahādānaṃ datvā, “bhante, ahaṃ imassa dānassa phalena na aññaṃ sampattiṃ ākaṅkhāmi, anāgate pana ekassa buddhassa sāsane mañjussarānaṃ bhikkhūnaṃ aggo bhaveyya”nti patthayitvā satthupādamaṃ nipajji. Satthā anāgataṃ olokeno samijjhanabhāvaṃ disvā “samijjhissati te idaṃ kammaṃ, ito kappasatasahassāvāsāne gotamo nāma buddho uppajjissati, tvaṃ tassa sāsane mañjussarānaṃ bhikkhūnaṃ aggo bhavissasi”ti byākaritvā vihāraṃ agamāsi.

Sopi taṃ byākaraṇaṃ labhitvā yāvajīvaṃ kalyāṇakammaṃ katvā tato kālakato devesu ca manussesu ca saṃsaranto vipassīsammasambuddhakāle **cittapattakokilo** nāma hutvā kheme migadāye vasanto ekadivasaṃ himavantaṃ gantvā madhuraṃ ambaphalaṃ tuṇḍena gahetvā āgacchanto bhikkhusaṅghaparivutaṃ satthāraṃ disvā cintesi – “ahaṃ aññesu divasesu rittako tathāgataṃ passāmi, ajja pana me imaṃ ambapakkaṃ puttakānaṃ atthāya āgataṃ. Tesam aññampi āharitvā dassāmi, imaṃ pana dasabalassa dātuṃ vaṭṭati”ti otarivā ākāse carati. Satthā tassa cittaṃ ñatvā asokattheraṃ nāma upaṭṭhākaṃ olokesi. So pattaṃ nīharitvā satthu hatthe ṭhapesi. So kokilo dasabalassa patte ambapakkaṃ patiṭṭhāpesi. Satthā tattheva nisīditvā taṃ paribhuñji. Kokilo pasannacitto punappunaṃ dasabalassa guṇe āvajjetvā dasabalaṃ vanditvā attano kulāvakaṃ gantvā sattāhaṃ pītisukhena vītināmesi. Ettakaṃ tasmim attabhāve kalyāṇakammaṃ, imināssa kammena saro madhuro aho.

Kassapasammāsambuddhakāle pana cetiye āradde “kiṃpamāṇaṃ karoma? Sattayojanappamāṇaṃ. Atimahantaṃ etaṃ, chayojanaṃ karoma. Idampi atimahantaṃ, pañcayojanaṃ karoma, catuyojanaṃ, tiyojanaṃ, dviyojana”nti vutte ayaṃ tadā jeṭṭhavaḍḍhakī hutvā “etha, bho, anāgate sukhaṭṭhijaggiyaṃ kātuṃ vaṭṭati”ti vatvā rajjuṃ ādāya parikkhipanto gāvutamattake ṭhatvā “eekaṃ mukhaṃ gāvutaṃ gāvutaṃ hotu, cetiyaṃ yojanāvaṭṭaṃ yojanubbedhaṃ bhavissati”ti āha. Te tassa vacane aṭṭhaṃsu. Iti appamāṇassa buddhassa pamāṇaṃ akāsīti. Tena kammena nibbattanibbattaṭṭhāne aññehi hīnatarappamaṇo aho. So amhākaṃ satthu kāle sāvattiyaṃ mahābhogakule nibbatti. “Bhaddiyo”tissa nāmaṃ akaṃsu. So vayappatto satthari jetavanamahāvihāre paṭivasante vihāraṃ gantvā dhammadesanaṃ sutvā paṭiladdhasaddho pabbajitvā satthu santike kammatṭhānaṃ gahetvā vipassanāya kammaṃ karonto arahattaṃ pāpuṇi. Atha naṃ satthā aparabhāge ariyavaragaṇamajjhe nisinna mañjussarānaṃ bhikkhūnaṃ aggaṭṭhāne ṭhapesi.

## Piṇḍolabhāradvājattheravatthu

195. Aṭṭhame **sīhanādikānanti** sīhanādaṃ nadantānaṃ. **Piṇḍolabhāradvājoti** so kira arahattaṃ pattadivase avāpuraṇaṃ ādāya vihārena vihāraṃ pariveṇena pariveṇaṃ gantvā “yassa magge vā phale vā kaṅkhā atthi, so maṃ pucchatū”ti sīhanādaṃ nadanto vicari. Buddhānampi purato ṭhatvā “imasmiṃ, bhante, sāsane katabbakiccaṃ mayhaṃ matthakaṃ patta”nti sīhanādaṃ nadi. Tasmā sīhanādikānaṃ aggo nāma jāto.

Pañhakamme panassa ayaṃ amanupubbikathā – ayaṃ kira padumuttarabuddhakāle pabbatapāde sīhayoniyāṃ nibbatta. Sathā paccūsasamaye lokaṃ volokento tassa hetusampattiṃ disvā haṃsavatiyaṃ piṇḍāya caritvā pacchābhattaṃ sīhe gocarāya pakkante tassa vasanaguhaṃ pavisitvā ākāse pallaṅkaṃ ābhujitvā nirodhaṃ samāpajjitvā nisīdi. Sīho gocaraṃ labhitvā nivatto guhādvāre ṭhito antoguhāyaṃ dasabalaṃ nisinnaṃ disvā “mama vasanaṭṭhānaṃ āgantvā añño satto nisīdituṃ samattho nāma natthi, mahanto vatāyaṃ puriso, yo antoguhāyaṃ pallaṅkaṃ ābhujitvā nisinno. Sarīrappabhāpissa samantā pharivā gatā, mayā evarūpaṃ acchariyaṃ nadiṭṭhapubbaṃ. Ayaṃ puriso imasmiṃ loke pūjaneyyānaṃ aggo bhavissati, mayāpissa yathāsatti yathābalaṃ sakkāraṃ kātuṃ vaṭṭati”ti jalajathalajāni nānākusumāni āharitvā bhūmito yāva nisinnapallaṅkaṭṭhānā pupphāsanaṃ santharivā sabbarattiṃ sammukhaṭṭhāne tathāgataṃ namassamāno aṭṭhāsi. Punadivase purāṇapupphāni apanetvā navapupphehi āsanaṃ santhari.

Eteneva niyāmena satta divasāni pupphāsanaṃ paññāpetvā balavapītisomanassaṃ nibbattetvā guhādvāre ārakkhaṃ gaṇhi. Sattame divase sathā nirodhato vuṭṭhāya guhādvāre aṭṭhāsi. Sīhopi migarājā tathāgataṃ tikkhattuṃ padakkhiṇaṃ katvā catūsu ṭhānesu vanditvā paṭikkamitvā aṭṭhāsi. Sathā “vaṭṭissati ettako upanissayo etassā”ti vehāsaṃ abhuggantvā vihārameva gato.

Sopi sīho buddhaviyogena dukkhito kālaṃ katvā haṃsavatīnagare mahāsālakule paṭisandhiṃ gaṇhitvā vayappatto ekadivasāṃ nagaravāsīhi saddhiṃ vihāraṃ gantvā dhammadesanaṃ suṇanto sathāraṃ ekaṃ bhikkhuṃ sīhanādikānaṃ aggaṭṭhāne ṭhapentaṃ disvā vuttanayeneva sattāhaṃ mahādānaṃ pavattetvā taṃ ṭhānantaraṃ patthetvā sathārā samijjhanabhāvaṃ disvā byākato yāvajīvaṃ kusalaṃ katvā tattha kālakato devesu ca manussesu ca saṃsaranto imasmiṃ buddhuppāde rājagahanagare brāhmaṇamahāsālakule nibbatti. Nāmena bhāradvājo nāma ahoṣi. So vayappatto tayo vede uggahetvā pañca māṇavasatāni mante vācento vicarati. So attano jeṭṭhakabhāvena nimantanaṭṭhānesu sabbesaṃ bhikkhaṃ sayameva sampaṭicchī. Eso kira īsakaṃ loladhātuko ahoṣi. So tehi māṇavehi saddhiṃ “kuhiṃ yāgu kuhiṃ bhatta”nti yāgubhattakhajjakāneva pariyesamāno carati. So gatagataṭṭhāne piṇḍameva paṭimānento caratīti **piṇḍolabhāradvājoteva** paññāyi.

So ekadivasāṃ sathari rājagahamanuppatte dhammakathaṃ sutvā paṭiladdhasaddho pabbajitvā vipassanāya kammaṃ karonto arahattaṃ pāpuṇi. Arahattaṃ pattavelāyameva avāpuraṇaṃ ādāya vihārena vihāraṃ pariveṇena pariveṇaṃ gantvā “yassa magge vā phale vā kaṅkhā atthi, so maṃ pucchatū”ti sīhanādaṃ nadanto vicari. So ekadivasāṃ rājagahasetṭhinā veḷuparamparāya ussāpetvā ākāse laggitaṃ jayasumanavaṇṇaṃ candanasārapattaṃ iddhiyā ādāya sādhuḥkāraṃ dadantena mahājanena parivuto vihāraṃ āgantvā tathāgatassa hatthe ṭhapesi. Sathā jānantova paṭipucchi – “kuto te, bhāradvāja, ayaṃ patto laddho”ti? So laddhakāraṇaṃ kathesi. Sathā “tvaṃ evarūpaṃ uttarimanussadhammaṃ mahājanassa dassesi, akattabbaṃ tayā kata”nti anekapariyāyena vigarahitvā “na, bhikkhave, gihīnaṃ uttarimanussadhammaṃ iddhipāṭihāriyaṃ dassetabbaṃ, yo dasseyya, āpatti dukkaṭṭassā”ti (cūḷava. 252) sikkhāpadaṃ paññāpesi.

Atha bhikkhusaṅghamajjhe kathā udapādi – “sīhanādiyatthero arahattaṃ pattadivase bhikkhusaṅghamajjhe ‘yassa magge vā phale vā kaṅkhā atthi, so maṃ pucchatū’ti kathesi. Buddhānampi sammukhe attano arahattappattiṃ kathesi, añño sāvakaṃ tuṅhī ahesuṃ. Attano sīhanādiyabhāvene va mahājanassa pasādaṃ janetvā vehāsaṃ abhuggantvā candanasārapattaṃ gaṇhī”ti. Te bhikkhū ime

tayopi guṇe ekato katvā satthu kathayim̐su. Buddhā ca nāma garahitabbayuttakaṃ garahanti, pasamsitabbayuttakaṃ pasamsantīti imasmim̐ ṭhāne therassa pasamsitabbayuttameva aṅgaṃ gahetvā “tiṇṇaṃ kho pana, bhikkhave, indriyānaṃ bhāvitattā bahulikatattā bhāradvājo bhikkhu aññaṃ byākāsi – ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyāti pajānāmi’”ti. Katamesaṃ tiṇṇaṃ? Satindriyassa, samādhindriyassa, paññindriyassa. Imesaṃ kho, bhikkhave, tiṇṇaṃ indriyānaṃ bhāvitattā bahulikatattā bhāradvājo bhikkhu aññaṃ byākāsi – ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyāti pajānāmi’”ti (sam. ni. 5.519) theram̐ pasamsitvā sīhanādikānaṃ bhikkhūnaṃ aggaṭṭhāne ṭhapesi.

### Mantāṇiputtapūṇṇattheravatthu

**196.** Navame **pūṇṇo mantāṇiputtoti** nāmena pūṇṇo, mantāṇibrāhmaṇiyā pana so puttoti mantāṇiputto. Tassa pañhakamme ayamanupubbikathā – ayaṃ kira padumuttaradasabalassa uppattito puretameva haṃsavatīnagare brāhmaṇamahāsālakule nibbatti. Tassa nāmaggaṇadivase gotamoti nāmaṃ akaṃsu. So vayappatto tayo vede uggaṇhitvā sabbasippesu kovido hutvā pañcamāṇavakasataparivāro vicaranto tayopi vede oloketvā mokkhadhammaṃ adisvā “idaṃ vedattayaṃ nāma kadalikkhandho viya bahi maṭṭhaṃ anto nissāraṃ, imaṃ gahetvā vicaraṇaṃ thusakoṭṭanasadisam̐ hoti. Kiṃ me iminā”ti isipabbajjaṃ pabbajitvā brahmavihāre nibbattetvā “aparihīnājjhāno brahmalokokūpapanno bhavissāmi”ti pañcahi māṇavakasatehi saddhim̐ pabbatapādaṃ gantvā isipabbajjaṃ pabbaji. Tassa parivārāni aṭṭhārassa jaṭilasahassāni ahesuṃ. So pañca abhiññā aṭṭha samāpattiyo nibbattetvā tesampi kaṣiṇaparikkammaṃ ācikkhi. Te tassa ovāde ṭhatvā sabbepi pañca abhiññā aṭṭha samāpattiyo nibbatesuṃ.

Addhāne atikkante tassa gotamatāpasassa mahallakakāle padumuttaradasabalo paṭhamābhisambodhim̐ patvā pavattitavaradhammacakko bhikkhusatasahassaparivāro haṃsavatīnagaraṃ upanissāya vihāsi. So ekadivasam̐ paccūsamaye lokaṃ olokeno gotamatāpasassa parisāya arahattūpanissayaṃ gotamatāpasassa ca “ahaṃ anāgate uppajjamānakabuddhassa sāsane dhammakathikabhikkhūnaṃ aggo bhavēyya”nti patthanabhāvañca disvā pātova sarīrapaṭijagganaṃ katvā attano pattacīvaraṃ sayameva gahetvā aññātakavesena gotamatāpasassa antevāsikesu vanamūlaphalāphalathāya gatesu gantvā gotamassa paṇṇasālādvāre aṭṭhāsi. Gotamo buddhānaṃ uppannabhāvaṃ ajānantopi dūrato va dasabalaṃ disvā “ayaṃ puriso lokato mutto hutvā paññāyati, yathā assa sarīranipphatti yehi ca lakkhaṇehi samannāgato agāramajjhe vā tiṭṭhanto cakkavattī rājā hoti, pabbajanto vā vivaṭṭacchado sabbaññubuddho hoti”ti ñatvā paṭhamadassaneneva dasabalaṃ abhivādetvā “ito etha bhagavā”ti buddhānaṃ paññāpetvā adāsi. Tathāgato tāpasassa dhammaṃ desayamāno nisīdi.

Tasmim̐ samaye te jaṭilā “pañītapañītaṃ vanamūlaphalāphalaṃ ācariyassa datvā sesakaṃ paribhuñjissāmā”ti āgacchantā dasabalaṃ uccāsane, ācariyaṃ pana nīcāsane nisinnaṃ disvā “passatha, mayaṃ imasmim̐ loke amhākaṃ ācariyena uttaritaro natthi”ti vicarāma. Idāni pana no ācariyaṃ nīcāsane nisīdāpetvā uccāsane nisinnako eko paññāyati, mahanto vatāyaṃ puriso bhavissati”ti piṭakāni gahetvā āgacchanti. Gotamatāpasaso “ime maṃ dasabalassa santike vandēyyu”nti bhīto dūrato āha – “tātā, mā maṃ vandittha, sadevake loke aggapuggalo sabbesaṃ vandanāraho puriso idha nisinno, etaṃ vandathā”ti. Tāpasā “na ajānitvā ācariyo kathessati”ti sabbeva tathāgatassa pāde vandim̐su. “Tātā, amhākaṃ aññaṃ dasabalassa dātabbayuttakaṃ bhojanaṃ natthi, imaṃ vanamūlaphalāphalaṃ dassāmā”ti pañītapañītaṃ buddhānaṃ patte patiṭṭhāpesi. Satthā vanamūlaphalāphalaṃ paribhuñji. Tadanantaraṃ tāpasopi saddhim̐ antevāsikehi paribhuñji. Satthā bhattakiccaṃ katvā “dve aggasāvaka bhikkhusatasahassaṃ gahetvā āgacchantū”ti cintesi. Tasmim̐ khaṇe aggasāvako mahādevalatthero “kahaṃ nu kho satthā gato”ti āvajjento “satthā amhākaṃ āgamaṃ paccāsīsatī”ti bhikkhusatasahassaṃ gahetvā satthu santikaṃ gantvā vanditvā namassamāno aṭṭhāsi.

Gotamo antevāsike āha – “tātā, amhākaṃ añño sakkāro natthi, bhikkhusaṅgho dukkhena ṭhito.

Buddhappamukhassa bhikkhusaṅghassa pupphāsanaṃ paññāpessāma, jalajathalajapupphāni āharathā’’ti. Te tāvadeva pabbatapādato vaṇṇagandhasampannāni pupphāni iddhiyā āharitvā sārīputtattherassa vatthumhi vuttanayeneva āsanāni paññāpayiṃsu. Nirodhasamāpattisamāpajjanampi chattadhāraṇampi sabbaṃ vuttanayeneva veditabbaṃ.

Satthā sattame divase nirodhato vuṭṭhāya parivāretvā ṭhite tāpase disvā dhammakathikabhāve etadaggappattaṃ sāvakaṃ āmantesi – ‘‘iminā bhikkhu isigaṇena mahāsakkāro kato, etesaṃ pupphāsānumodanaṃ karohī’’ti. So satthu vacanaṃ sampaṭicchitvā tīṇi piṭākāni sammasitvā anumodanaṃ akāsi. Tassa desanāpariyosāne satthā sayāṃ brahmaghosaṃ nicchāretvā dhammaṃ desesi. Desanāpariyosāne ṭhapetvā gotamatāpasamṃ sesā aṭṭhārasa sahasasajāṭilā arahattaṃ pāpuṇiṃsu.

Gotamo pana tenattabhāvena paṭivedhaṃ kātuṃ asakkonto bhagavantaṃ āha – ‘‘bhagavā yena bhikkhunā paṭhamaṃ dhammo desito, ko nāma ayaṃ tumhākaṃ sāsane’’ti? Ayaṃ gotama mayhaṃ sāsane dhammakathikānaṃ aggoti. ‘‘Ahampi, bhante, imassa satta divasāni katassa adhikārassa phalena ayaṃ bhikkhu viya anāgate ekassa buddhassa sāsane dhammakathikānaṃ aggo bhavēyya’’nti patthanaṃ katvā pādamaṃle nipajji.

Satthā anāgataṃ oloketvā anantarāyenassa patthanāya samijjhanabhāvaṃ ñatvā ‘‘anāgate kappasatasahassāvāsāne gotamo nāma buddho uppajjissati, tvaṃ tassa sāsane dhammakathikānaṃ aggo bhavissasi’’ti byākāritvā te arahattappatte tāpase ‘‘etha bhikkhavo’’ti āha. Sabbe antarahitakesamassū iddhimayapattacīvaradharā vassasaṭṭhikattherasadisā ahesuṃ. Satthā bhikkhusaṅghamādāya vihāraṃ gato.

Gotamopi yāvajīvaṃ tathāgataṃ paricaritvā yathābalaṃ kalyāṇakammaṃ katvā kappasatasahassaṃ devesu ca manussesu ca saṃsaritvā amhākaṃ bhagavato kāle kapilavatthunagarassa avidūre doṇavatthubrāhmaṇagāme brāhmaṇamahāsālakule nibbatti. Tassa nāmaggaṇadivase puṇṇamāṇavoti nāmaṃ akaṃsu. Satthari abhisambodhiṃ patvā pavattitavaradhammacakke anupubbena āgantvā rājagaṇaṃ upanissāya viharante aññāsikoṇḍaññatthero kapilavatthumṃ gantvā attano bhāgineyyaṃ puṇṇamāṇavaṃ pabbājetvā punadivase dasabalassa santikaṃ āgantvā bhagavantaṃ vanditvā āpucchitvā nivāsathāya chaddantadaḥaṃ gato. Puṇṇopi mantāniputto mātulena aññāsikoṇḍaññattherena saddhiṃ dasabalassa santikaṃ āgantvā ‘‘mayhaṃ pabbajitakiccaṃ matthakaṃ pāpetvāva dasabalassa santikaṃ gamissāmi’’ti kapilavatthusmiṃyeva ohīno yonisomanasikāre kammaṃ karonto nacirasseva arahattaṃ pāpuṇi. Tassa santike pabbajitakulaputtāpi pañcasatā ahesuṃ. Thero sayāṃ dasakathāvatthulābhītāya tepi dasahi kathāvatthūhi ovadati. Te tassa ovāde ṭhatvā sabbeva arahattaṃ pattā.

Te attano pabbajitakiccaṃ matthakaṃ pattāṃ ñatvā upajjhāyaṃ upasaṅkamitvā āhaṃsu – ‘‘bhante, amhākaṃ kiccaṃ matthakaṃ pattāṃ, dasannañca mahākathāvatthūnaṃ lābhino, samayo no dasabalaṃ passitu’’nti. Thero tesamṃ kathaṃ sutvā cintesi – ‘‘mama dasakathāvatthulābhitaṃ satthā jānāti, ahaṃ dhammaṃ desento dasa kathāvatthūni amuñcantova desemi. Mayi gacchante sabbepeṃme bhikkhū parivāretvā gacchissanti, evaṃ gaṇasaṅgaṇikāya gantvā pana ayuttaṃ mayhaṃ dasabalaṃ passituṃ, ime tāva gantvā passantu’’ti te bhikkhū āha – ‘‘āvuso, tumhe purato gantvā tathāgataṃ passatha, mama vacanena dasabalassa pāde vandatha, ahampi tumhākaṃ gatamaggena gamissāmi’’ti.

Te therā sabbepeṃ dasabalassa jātibhūmiratṭhavāsino sabbe khīṇāsavā sabbe dasakathāvatthulābhino attano upajjhāyassa ovādaṃ abhinditvā anupubbena cārikaṃ carantā saṭṭhiyojanamaggaṃ atikkamma rājagaṇe veḷuvanamahāvihāraṃ gantvā dasabalassa pāde vanditvā ekamantaṃ nisīdiṃsu. Āciṇṇaṃ kho panetaṃ buddhānaṃ bhagavantaṃ āgantukehi bhikkhūhi saddhiṃ paṭisammoditūnti bhagavā tehi saddhiṃ ‘‘kacci, bhikkhave, khamaṇīya’’ntiadinā nayena madhurapaṭisaṅghāraṃ katvā ‘‘kuto ca tumhe, bhikkhave, āgacchathā’’ti pucchi. Tehi ‘‘jātibhūmito’’ti vutte ‘‘ko nu kho, bhikkhave, jātibhūmiyaṃ jātibhūmakānaṃ bhikkhūnaṃ sabrahmacārīhi evaṃ sambhāvito attanā ca appiccho appicchakathañca bhikkhūnaṃ kattā’’ti dasakathāvatthulābhīhi bhikkhuṃ pucchi. Tepi ‘‘puṇṇo nāma, bhante, āyasmā

mantāṇiputto’’ti ārocayim̐su. Taṃ katham̐ sutvā āyasmā sārīputto therassa dassanakāmo ahoṣi.

Atha satthā rājagahato sāvattim̐ agamāsi. Puṇṇatthero dasabalassa tatha āgatabhāvaṃ sutvā ‘‘satthāraṃ passissāmī’’ti gantvā antogandhakuṭiyam̐yeva tathāgataṃ sampāpuṇi. Satthā tassa dhammaṃ desesi. Thero dhammaṃ sutvā dasabalaṃ vanditvā paṭisallānatthāya andhavanaṃ gantvā aññatarasmim̐ rukkhamūle divāvihāraṃ nisīdi. Sārīputtattheropi tassa gamanaṃ sutvā sīsānulokiko gantvā okāsaṃ sallakkhetvā taṃ rukkhamūlaṃ upasaṅkamtivā therena saddhim̐ sammoditvā sattavisuddhikkamaṃ pucchi. Theropissa pucchitaṃ pucchitaṃ byākāsi. Te aññamaññassa subhāsitaṃ samanumodim̐su. Atha satthā aparabhāge bhikkhusaṅghamajjhe nisinno theram̐ dhammakathikānaṃ aggaṭṭhāne ṭhapesīti.

### Mahākaccānattheravatthu

**197.** Dasame **saṃkhittena bhāsītassā**ti saṃkhittena kathitadhammassa. **Vitthārena atthaṃ vibhajantāna**nti taṃ desanaṃ vitthāretvā atthaṃ vibhajamānānaṃ. Aññe kira tathāgatassa saṅkhepavacanaṃ atthavasena vā pūretuṃ sakkonti byañjanavasena vā, ayaṃ pana thero ubhayavasenaṃ sakkoti. Tasmā aggoti vutto. Pubbapatthanāpi cassa evarūpāva.

Ayaṃ panassa pañhakamme anupubbikathā – ayaṃ kira padumuttarasammāsambuddhakāle gahapatimahāsālakule nibbattitvā vuddhippato ekadivasam̐ vuttanayeneva vihāraṃ gantvā parisapariyante ṭhito dhammaṃ suṇanto satthāraṃ attanā saṃkhittena bhāsītassa vitthārena atthaṃ vibhajantānaṃ aggaṭṭhāne ṭhapentaṃ ekaṃ bhikkhuṃ disvā ‘‘mahanto vatāyaṃ bhikkhu, yaṃ satthā evaṃ vaṇṇeti, mayāpi anāgate ekassa buddhassa sāsane evarūpena bhavituṃ vaṭṭati’’ti satthāraṃ nimantetvā vuttanayeneva sattāhaṃ mahādānaṃ datvā, ‘‘bhante, ahaṃ imassa sakkārassa phalena na aññaṃ sampattim̐ patthemi, anāgate pana ekassa buddhassa sāsane ito sattadivasamatthake tumhehi ṭhānantare ṭhapitabhikkhu viya ahampi taṃ ṭhānantaraṃ labheyya’’nti patthanaṃ katvā pādāmūle nīpajji. Satthā anāgataṃ olokento ‘‘samijjhissati imassa kulaputtassa patthanā’’ti disvā ‘‘ambho, kulaputta, anāgate kappasatasahassāvasāne gotamo nāma buddho uppajjissati, tvaṃ tassa sāsane saṃkhittena bhāsītassa vitthārena atthaṃ vibhajantānaṃ aggo bhavissasi’’ti byākartivā anumodanaṃ katvā pakkāmi.

Sopi kulaputto yāvajīvaṃ kusalaṃ katvā kappasatasahassaṃ devamanussesu saṃsaritvā kassapabuddhakāle bārāṇasiyaṃ kulagehe paṭisandhim̐ gahetvā satthari parinibbute suvaṇṇacetiyakaraṇaṭṭhānaṃ gantvā satasahassagghanikāya suvaṇṇiṭṭhakāya pūjaṃ katvā ‘‘bhagavā mayhaṃ nibbattanibbattaṭṭhāne sarīraṃ suvaṇṇavaṇṇaṃ hotū’’ti patthanaṃ akāsi. Tato yāvajīvaṃ kusalakammaṃ katvā ekaṃ buddhantaraṃ devamanussesu saṃsaritvā amhākaṃ dasabalassa uppattikāle ujjeninagare purohitassa gehe nibbatti. Tassa nāmaggaṇadivase ‘‘mayhaṃ putto suvaṇṇavaṇṇasarīro attanāva attano nāmaṃ gahetvā āgato’’ti kañcanaṃānavotevassa nāmaṃ akāmsu. So vuddhimanvāya tayo vede uggaṇhitvā pitu accayena purohitaṭṭhānaṃ labhi. So gottavasena kaccāno nāma jāto.

Caṇḍapajjotarājā amacce sannipātetvā āha – ‘‘buddho loke nibbato, taṃ ānetuṃ samatthā gantvā ānetha tātā’’ti. Deva, añño dasabalaṃ ānetuṃ samattho nāma natthi, ācariyo kaccānabrāhmaṇova samattho, taṃ pahiṇathāti. Rājā taṃ pakkosāpetvā, ‘‘tāta, dasabalassa santikaṃ gacchāhi’’ti āha. Gantvā pabbajituṃ labhanto gamissāmi, mahārājāti. Yaṃkiñci katvā tathāgataṃ ānehi, tātāti. So ‘‘buddhānaṃ santikaṃ gacchantassa mahāparisāya kammaṃ natthi’’ti attatṭhāmo agamāsi. Athassa satthā dhammaṃ desesi. Desanāpariyosāne saddhim̐ sattahi janehi saha paṭisambhidāhi arahattaṃ pāpuṇi. Satthā ‘‘etha bhikkhavo’’ti hatthaṃ pasāresi. Taṃkhaṇam̐yeva sabbeva antarahitakesamassū iddhimayaṃpattacīvaradharā vassasaṭṭhikattherā viya jātā.

Thero attano kicce matthakaṃ patte tuṅhībhāvena anisīditvā kāludāyitthero viya satthu ujjenigamanatthāya gamanaṃvānaṃ kathesi. Satthā tassa vacanaṃ sutvā ‘‘kaccāno attano jātibhūmiyaṃ



mama gamanaṃ paccāsīsatī’ ti aññāsi. Buddhā ca nāma ekaṃ kāraṇaṃ paṭicca gantaṃ ayuttatthānaṃ na gacchanti. Tasmā therāṃ āha – “tvamaṃyeva bhikkhu gaccha, tayi gatepi rājā pasīdissatī’ ti. Thero “buddhānaṃ dve kathā nāma natthī’ ti tathāgataṃ vanditvā attanā saddhiṃ āgatehi sattahi bhikkhūhi saddhiṃ ujjeniṃ gacchanto antarāmagge telapanāli nāma nigamo, tattha piṇḍāya cari. Tasmim ca nigame dve seṭṭhidhītarō. Tāsu ekā pariṇṇakule nibbattā duggatā mātāpitūnaṃ accayena dhātiṃ nissāya jīvati. Attabhāvo panassā samiddho, kesā aññāhi ativiya dīghā. Tasmimyeva nigame aññā issaraseṭṭhikulassa dhītā nikkessikā. Sā tato pubbe tassā samīpaṃ pesetvā “satam vā sahasam vā dassāmi’ ti vatvāpi kese āharāpetuṃ nāsakkhi.

Tasmim pana divase sā seṭṭhidhītā mahākaccānattherāṃ sattahi bhikkhūhi parivutaṃ tucchapattam āgacchantaṃ disvā “ayaṃ suvaṇṇavaṇṇo eko brahmabandhubhikkhu yathāhoteneva pattena āgacchati, mayhañca aññaṃ dhanam natthi. Asukaseṭṭhidhītā pana imesaṃ kesānaṃ atthāya pesesi. Idāni ito laddhauppādena sakkā therassa deyyadhammaṃ dātu’ nti dhātiṃ pesetvā there nimantetvā antogehe nisīdāpesi. Therānaṃ nisinnakāle gabbhaṃ pavisitvā dhātiyā attano kese kappāpetvā, “amma, ime kese asukāya nāma seṭṭhidhītāya datvā yaṃ sā deti, taṃ āhara, ayyānaṃ piṇḍapātaṃ dassāma’ ti. Dhāti piṭṭhihatthena assūni puñchitvā ekena hatthena hadayamaṃsaṃ sandhāretvā therānaṃ santike paṭicchādetvā te kese ādāya tassā seṭṭhidhītāya santikaṃ gatā.

Paṇiyam nāma sāravantampi sayam upanītam gāraṃ na janeti, tasmā sā seṭṭhidhītā cintesi – “ahaṃ pubbe bahunāpi dhanena ime kese āharāpetuṃ nāsakkhim, idāni pana chinnaḷato paṭṭhāya na yathāmūlameva labhissatī’ ti. Dhātiṃ āha – “ahaṃ pubbe tava sāmīniṃ bahunāpi dhanena kese āharāpetuṃ nāsakkhim, yattha katthaci vinipātā pana nijjīvakesā nāma attha kahāpaṇe agghanti’ ti attheva kahāpaṇe adāsi. Dhāti kahāpaṇe āharitvā seṭṭhidhītāya adāsi. Seṭṭhidhītā ekekaṃ piṇḍapātaṃ ekekakahāpaṇagghanakaṃ katvā therānaṃ dāpesi. Thero āvajjitvā seṭṭhidhītāya upanissayaṃ disvā “kahaṃ seṭṭhidhītā’ ti pucchi. Gabbhe, ayyāti. Pakkosatha nanti. Sā ca theresu gāravena ekavacaneneva āgantvā there vanditvā balavasaddham uppādesi. Sukhette patiṭṭhitapiṇḍapāto diṭṭheva dhamme vipākaṃ detīti saha therānaṃ vandanena kesā pakatibhāveveva atthamsu. Therāpi taṃ piṇḍapātaṃ gahetvā passantiyāyeva seṭṭhidhītāya vehāsaṃ abbhuggantvā kañcanavanuyyāne otariṃsu.

Uyyānapālo therāṃ disvā rañño santikaṃ gantvā “deva, me ayyo purohito kaccāno pabbajitvā uyyānamāgato’ ti āha. Rājā caṇḍapajjoto uyyānaṃ gantvā katabhattakiccaṃ therāṃ pañcapatiṭṭhitena vanditvā ekamantaṃ nisinno “kahaṃ, bhante, bhagavā’ ti pucchi. Satthā sayam anāgantvā maṃ pesesi mahārājāti. Kahaṃ, bhante, ajja bhikkhaṃ alatthāti? Thero rañño pucchāsabhāgena sabbaṃ seṭṭhidhītāya kataṃ dukkaraṃ ārocesi. Rājā therassa vasanaṭṭhānaṃ paṭiyādetvā therāṃ nimantetvā nivesanaṃ gantvā seṭṭhidhītaraṃ āṇāpetvā aggamahesitthāne ṭhapesi. Imissā itthiyā diṭṭhadhammikova yasapaṭilābho ahoṣi.

Tato paṭṭhāya rājā therassa mahāsakkāraṃ karoti. Therassa dhammakathāya pasīditvā mahājano therassa santike pabbaji. Tato paṭṭhāya sakalanagaraṃ ekakāsāvapajjotaṃ isivātaṭṭhānaṃ ahoṣi. Sāpi devī gabbhaṃ labhitvā dasamāsaccayena puttaṃ vijāyi. Tassa nāmaggaṇadivase gopālakumārōti mātāmahaseṭṭhino nāmaṃ akamsu. Sā puttassa nāmasena gopālamātā nāma devī jātā. Sā devī there ativiya pasīditvā rājānaṃ sampaṭicchāpetvā kañcanavanuyyāne therassa vihāraṃ kāresi. Thero ujjeninagaraṃ pasādetvā puna satthu santikaṃ gato. Atha satthā aparabhāge jetavane viharanto madhupiṇḍikasuttaṃ (ma. ni. 1.199 ādayo) kaccānapeyyālaṃ (ma. ni. 3.279 ādayo) pārāyanasuttanti ime tayo suttante atthupattim katvā therāṃ samkhittena bhāsītassa vitthārena atthaṃ vibhajantānaṃ aggaṭṭhāne ṭhapesīti.

Paṭhamavaggavaṇṇanā.

#### 14. Etadaggavaggo

## (14) 2. Dutiyætaðagga

### Cūlapanthaðatthera

**198-200.** Dutiyassa paðame **manomaya**nti manena nibbatti. “Manomayena kâyena, iddhiyâ upasañkamî”ti (theragâ. 901) vuttaððhânañmiñhi manena katakâyo manomayakâyo nâma jâto. “Aññatarañ manomayañ kâyañ upapajjati”ti (cūlava. 333) vuttaððhâne manena nibbattitakâyo manomayakâyo nâma jâto. Ayamidha adhippeto. Tattha aññe bhikkhū manomayañ kâyañ nibbattentâ tayo vâ cattâro vâ nibbattenti, na bahuke. Ekasadiyeva ca katvâ nibbattenti ekavidhameva kammañ kurumâne. Cūlapanthaðatthero pana ekāvajjanena samañasahassañ mâpesi. Dvepi ca jane na ekasadiye akâsi na ekavidhañ kammañ kurumâne. Tasmâ manomayañ kâyañ abhinimminantânañ aggo nâma jâto.

Cetovivaððakusalânañpi cūlapanthaðatthero aggo, saññâvivaððakusalânañ pana mahâpanthaðatthero aggoti vutto. Tattha cūlapanthaðatthero catunnañ rūpâvacarañjñhânañ lābhitya “cetovivaððakusalâ”ti vutto, mahâpanthaðatthero catunnañ arūpâvacarañjñhânañ lābhitya “saññâvivaððakusalâ”ti vutto. Cūlapanthaðatthero ca samādhikusalatâya cetovivaððakusalâ nâma, mahâpanthaðatthero vipassanâkusalatâya saññâvivaððakusalâ nâma. Eko cettha samādhilakkhañe cheko, eko vipassanâlakkhañe. Tathâ eko samādhigālo, eko vipassanâgālo. Eko cettha añgasamkhitte cheko, eko añrammañasamkhitte. Tathâ eko añgavavattâne cheko, eko añrammañavavattâneti evametta yojanâ kâtabbâ.

Apica cūlapanthaðatthero rūpâvacarañjñhânalābhî hutvâ jñhânañgehi vuððhâya arahattañ pattoti cetovivaððakusalâ, mahâpanthaðatthero arūpâvacarañjñhânalābhî hutvâ jñhânañgehi vuððhâya arahattañ pattoti saññâvivaððakusalâ. Ubhopi panthe jâtattâ panthaðatthero nâma jâtâ. Tesañ paðamañjâto mahâpanthaðatthero nâma, pacchajâto cūlapanthaðatthero nâma.

Imesañ pana ubhinnampi pañhakamma ayamanupubbikathâ – atîte kira padumuttarabuddhakâle hañsavatînagaravâsino dve bhâtikâ kuñumbikâ saddhâ pasannâ nibaddhañ satthu santikañ gantvâ dhammañ suñanti. Tesu ekadivasañ kaniððho satthârañ dvîhañgehi samannâgatañ ekañ bhikkhuñ “mama sâsane manomayañ kâyañ abhinimminantânañ cetovivaððakusalânañca ayañ bhikkhu aggo”ti etadaggaððhâne ðhapentañ disvâ cintesi – “mahâ vatâyañ bhikkhu eko hutvâ dve añgâni paripûretvâ carati, mayâpi anâgate ekassa buddhassa sâsane añgadvayañpûrakena hutvâ vicarituñ vaððati”ti. So purîmanayeneva satthârañ nimantetvâ sattâhañ mahâdânañ datvâ evamâha – “yañ, bhante, bhikkhuñ tumhe ito sattadivasamatthake manomayañgena ca cetovivaððakusalânañgena ca ‘ayañ mama sâsane aggo’ti etadagge ðhapayittha, ahampi imassa adhikârañkamma phalena so bhikkhu viya añgadvayañpûrako bhaveyya”nti patthanañ akâsi.

Satthâ anâgatañ oloketvâ anantarâyenassa patthanañya samijñhanabhâvañ disvâ “anâgate kappasatasahassâvasâne gotamo nâma buddho uppajjissati, so tañ imasmiñ ðhânavaye ðhapessati”ti byâkaritvâ anumodanañ katvâ pakkâmi. Bhâtâpissa ekadivasañ satthârañ saññâvivaððakusalânañ bhikkhuñ etadaggaððhâne ðhapentañ disvâ tatheva adhikârañ katvâ patthanañ akâsi, satthâpi tañ byâkâsi.

Te ubhopi janâ satthari dhamañne kusalakammañ karitvâ satthu parinibbutakâle sarîracetiye suvaññapûjañ katvâ tato cutâ devaloke nibbattâ. Tesañ devamanussesu sañsarantânañyeva kappasatasahassañ atikkantañ. Tattha mahâpanthaðatthero antarâ katakalyâñakammañ na kathiyati, cūlapanthaðatthero pana kassapabhagavato sâsane pabbajitvâ vîsati vassasahassâni odâtakasiñakammañ katvâ devapure nibbatti. Atha amhâkañ satthâ abhisambodhiñ patvâ pavattitavaradhammacakko râjagahañ upanissâya veļuvanamahâvihâre pañivasati.

Imasmiñ ðhâne ðhatvâ imesañ dvînañ nibbattiñ kathetuñ vaððati. Râjagahe kira

dhanasetṭhikulassa dhītā attano dāseneva saddhiṃ santhavaṃ katvā “aññeṃpi me imaṃ kammaṃ jāneyyu”nti cintetvā evamāha – “amhehi imasmiṃ ṭhāne vasitūṃ na sakkā, sace me mātāpitaro imaṃ dosaṃ jānissanti, khaṇḍākhaṇḍaṃ karissanti, videsaṃ gantvā vasissāmā”ti hatthasāraṃ gahetvā aggadvārena nikkhamitvā “yattha vā tattha vā aññehi ajānanaṭṭhānaṃ gantvā vasissāmā”ti ubhopi agamaṃsu.

Tesaṃ ekasmiṃ ṭhāne vasantānaṃ saṃvāsamanvāya tassā kucchiyaṃ gabbho patitṭhāsi. Sā gabbhassa paripākaṃ āgamma sāmikena saddhiṃ mantesi – “gabbho me paripākaṃ gato, ñātimittādivirahite ṭhāne gabbhavuṭṭhānaṃ nāma ubhinnaṃpi amhākaṃ dukkhameva, kulagehameva gacchāmā”ti. So “ajja gacchāma, sve gacchāmā”ti divase atikkamāpesi. Sā cintesi – “ayaṃ bālo attano dosamahantāya gantūṃ na ussahati, mātāpitaro ca nāma ekantahitā, ayaṃ gacchatu vā mā vā, mayā gantūṃ vaṭṭati”ti. Tasmaṃ gehā nikkhante sā gehe parikkhāraṃ paṭisāmetvā attano kulagharaṃ gatabhāvaṃ anantaragehavāsīnaṃ ārocetvā maggaṃ paṭipajji.

Atha so puriso gharaṃ āgato taṃ adisvā paṭivissake pucchitvā “kulagharaṃ gatā”ti sutvā vegena anubandhitvā antarāmagge sampāpuṇi. Tassāpi tattheva gabbhavuṭṭhānaṃ ahosi. So “kiṃ idaṃ bhaddhe”ti pucchi. Sāmi eko putto jātoti. Idāni kiṃ karissāmāti? Yassa atthāya mayaṃ kulagharaṃ gacchāma, taṃ kammaṃ antarāva nipphannaṃ, tattha gantvā kiṃ karissāma, nivattāmāti dveṃpi ekacittā hutvā nivattiṃsu. Tassa dāraḥassa ca panthe jātattā panthakoti nāmaṃ akaṃsu. Tassā nacirasseva aparopi gabbho patitṭhahi. Sabbhaṃ purimanayeneva vitthāretabbaṃ. Tassapi dāraḥassa panthe jātattā paṭhamajātassa mahāpanthakoti nāmaṃ katvā pacchājātassa cūḷapanthakoti nāmaṃ akaṃsu.

Te dveṃpi dāraḥ gahetvā attano vasanaṭṭhānameva gatā. Tesaṃ tattha vasantānaṃ ayaṃ mahāpanthakadāraḥ aññe dāraḥajane “cūḷapitā mahāpitā ayyako ayyikā”ti vadante sutvā mātaraṃ paṭipucchi – “amma, aññe dāraḥā kathenti ‘ayyako ayyikā’ti, kiṃ amhākaṃ ñātakā natthi”ti? Āma, tāta, tumhākaṃ ettha ñātakā natthi, rājagahanagare pana vo dhanasetṭhi nāma ayyako, tattha tumhākaṃ bahū ñātakāti. Kasmā tattha na gacchatha ammāti? Sā attano agamanakāraṇaṃ puttassa akathetvā puttesu punappunaṃ kathentesu sāmikamāha – “ime dāraḥā ativiya maṃ kilamenti, kiṃ no mātāpitaro disvā maṃsaṃ khādissanti, ehi dāraḥānaṃ ayyakakulaṃ dassemā”ti. Ahaṃ sammukhā bhavitūṃ na sakkhissāmi, taṃ pana nayissāmīti. “Sādhu sāmi, yena kenaci upāyena dāraḥānaṃ ayyakakulameva datṭhūṃ vaṭṭati”ti dveṃpi janā dāraḥā ādāya anupubbena rājagahaṃ patvā nagaradvāre ekissā sālāya nivāsaṃ katvā dāraḥamātā dve dāraḥ gahetvā āgatabhāvaṃ mātāpitūnaṃ ārocāpesi.

Te taṃ sāsanaṃ sutvā saṃsāre saṃsarantānaṃ na putto na dhītā nāma natthi, te amhākaṃ mahāparādhikā, na sakkā tehi amhākaṃ cakkhupathe ṭhātūṃ. Ettakaṃ pana dhanāṃ gahetvā dveṃpi janā phāsukaṭṭhānaṃ gantvā jīvantu, dāraḥā pana idha pesentūti. Setṭhidhītā mātāpitūhi pesitaṃ dhanāṃ gahetvā dāraḥā āgatadūtānaṃ hattheyeva datvā pesesi. Dāraḥā ayyakakule vaḍḍhanti. Tesu cūḷapanthako atidaharo, mahāpanthako pana ayyakena saddhiṃ dasabalassa dhammakathaṃ sotuṃ gacchati. Tassa niccaṃ satthu sammukhe dhammaṃ suṇantassa pabbajjāya cittaṃ namī. So ayyakaṃ āha – “sace tumhe anujāneyyātha, ahaṃ pabbajjeyya”nti. “Kiṃ vadesi, tāta, mayhaṃ sakalalokassapi pabbajjato taveva pabbajjā bhaddikā. Sace sakkosi, pabbaja, tāta”ti sampatiḥchitvā satthu santikaṃ gato. Satthā “kiṃ, mahāsetṭhi, dāraḥā te laddho”ti? “Āma, bhante, ayaṃ dāraḥā mayhaṃ nattā, tumhākaṃ santike pabbajāmīti vadati”ti āha.

Satthā aññataraṃ piṇḍacārikaṃ “imaṃ dāraḥānaṃ pabbājehi”ti āṇāpesi. Thero tassa tacapañcakammaṭṭhānaṃ ācikkhitvā pabbājesi. So bahuṃ buddhavacanaṃ uggaṇhitvā paripuṇṇavasso upasampadaṃ labhi. Upasampanno hutvā yonisomanasikāre kammaṃ karonto catunnaṃ arūpāvacaṃ rājānaṃ lābhī hutvā jhānaṅgehi vuṭṭhāya arahattaṃ pāpuṇi. Iti so saññāvivaṭṭakusalānaṃ aggo jāto. So jhānasukhena phalasukhena vītināmento cintesi – “sakkā nu kho imaṃ sukhaṃ cūḷapanthakassa dātu”nti. Tato ayyakasetṭhissa santikaṃ gantvā “mahāsetṭhi sace tumhe sampatiḥchatha, ahaṃ cūḷapanthakaṃ pabbājeyya”nti āha. Pabbājetha, bhanteti. Thero

cūḷapanthakadārakaṃ pabbājetvā dasasu sīlesu patitṭhāpesi. Cūḷapanthakasāmaṇero bhātikassa santike.

“Padumaṃ yathā kokanadaṃ sugandhaṃ,  
Pāto siyā phullamavītagandhaṃ;  
Aṅgīrasaṃ passa virocamaṇaṃ,  
Tapantaṃ mādiccamivantalikkhe”ti. (saṃ. ni. 1.123; a. ni. 5.195) –

Imaṃ gāthaṃ gaṇhāti. Gahitagaḥitapadaṃ uparūparipadaṃ gaṇhantassa nassati. Tassa imaṃ gāthaṃ gahetuṃ vāyamaṇṭasseva cattāro māsā atikkantā. Atha naṃ mahāpanthako āha – “cūḷapanthaka, tvaṃ imasmiṃ sāsane abhabbo, catūhi māsehi ekagāthampi gahetuṃ na sakkosi, pabbajitakiccaṃ pana tvaṃ kathaṃ matthakaṃ pāpessasi, nikkhama ito”ti. So therena paṇāmito vihārapaccante rodamāno aṭṭhāsi.

Tena samayena satthā rājagahaṃ upanissāya jīvakaṃ bavane viharati. Tasmīṃ samaye jīvako purisaṃ pesesi “pañcahi bhikkhusatehi saddhiṃ satthāraṃ nimantehi”ti. Tena kho pana samayena mahāpanthako bhattuddesako hoti. So “pañcannaṃ bhikkhusatānaṃ bhikkhaṃ sampaṭicchatha, bhante”ti vutto “cūḷapanthakaṃ ṭhapetvā sesānaṃ sampaṭicchāmi”ti āha. Cūḷapanthako taṃ kathaṃ sutvā bhīyosomattāya domanassapatto ahoṣi. Satthā cūḷapanthakassa khedaṃ disvā “cūḷapanthako mayi gate bujjhissati”ti gantvā avidūre ṭhāne attānaṃ dassetvā “kiṃ tvaṃ, panthaka, rodasi”ti āha. Bhātā maṃ, bhante, paṇāmetīti. Panthaka, tuyhaṃ bhātikassa parapuggalānaṃ āsayānusayaññaṃ natthi, tvaṃ buddhāveneyyapuggalo nāmaṃ itiddhiyā abhisankharitvā suddhaṃ coḷakhaṇḍaṃ adāsi “imaṃ gahetvā ‘rajoḥaraṇaṃ rajoḥaraṇa’nti vatvā bhāvehi panthakā”ti.

So satthārā dinnāṃ coḷakhaṇḍaṃ “rajoḥaraṇaṃ rajoḥaraṇa”nti hatthena parimajjanto nisīdi. Tassa parimajjantassa lomāni kiliṭṭhadhātukāni jātāni. Puna parimajjantassa ukkhaliparipuñchanasadiṣaṃ jātaṃ. So ñāṇaparipākaṃ āgamma tattha khayavayaṃ paṭṭhapetvā cintesi – “idaṃ coḷakhaṇḍaṃ pakatiyā paṇḍaraṃ parisuddhaṃ, upādinnakasaṇṭhāraṃ nissāya kiliṭṭhaṃ jātaṃ, idaṃ cittampi evaṃgatikamevā”ti. Samādhīṃ bhāvetvā cattāri rūpāvacarajjhānāni pādakāni katvā saha paṭisambhidāhi arahattaṃ pāpuṇi. So manomayajjhānalābhī hutvā eko hutvā bahudhā, bahudhā hutvā eko bhavituṃ samattho ahoṣi. Arahattamaggena cassa tepiṭakañca cha abhiññā ca āgamimsu.

Punadivase satthā ekūnehi pañcahi bhikkhusatehi saddhiṃ gantvā jīvakaṃ nivesane nisīdi. Cūḷapanthako pana attano bhikkhāya asampaṭicchitattāyeva na gato. Jīvako yāguṃ dātuṃ ārabhi, satthā hatthena pattaṃ pidahi. Kasmā, bhante, na gaṇhathāti? Vihāre eko bhikkhu atthi jīvakaṃ. So purisaṃ paṇiṇi “gaccha, bhāṇe, vihāre nisinnaṃ ayyaṃ gahetvā ehi”ti. Cūḷapanthakattheropi tassa purisassa pure āgamaṇāyeva bhikkhusahassaṃ nimminivā ekampi ekena asadiṣaṃ, ekassapi ca cīvaravicāraṇādisamaṇakammaṃ aññena asadiṣaṃ akāsi. So puriso vihāre bhikkhūnaṃ bahubhāvaṃ disvā gantvā jīvakaṃ katesi – “bhante, imasmiṃ vihāre bhikkhusaṅgho bahutaro, tato pakkosittabbaṃ bhadantaṃ na jānāmi”ti. Jīvako satthāraṃ paṭipucchi – “konāmo, bhante, vihāre nisinnabhikkhū”ti? Cūḷapanthako nāma jīvakaṃ. Gaccha bho “cūḷapanthako nāma kataro”ti pucchitvā ānehīti. So vihāraṃ gantvā “cūḷapanthako nāma, bhante, kataro”ti pucchi. “Ahaṃ cūḷapanthako ahaṃ cūḷapanthako”ti bhikkhusahassampi katesi. So punāgantvā jīvakaṃ katesi “sahassamattā bhikkhū sabbepe ‘ahaṃ cūḷapanthako ahaṃ cūḷapanthako’ti kathenti, ahaṃ ‘asuko nāma pakkosittabbo’ti na jānāmi”ti. Jīvakopi paṭividdhasaccatāya “iddhimā bhikkhū”ti nayato ñatvā “paṭhamāṃ kathanabhikkhumeva ‘tumhe satthā pakkosati’ti vatvā cīvarakaṇṇe gaṇha tātā”ti āha. So vihāraṃ gantvā tathā akāsi, tāvadeva sahassamattā bhikkhū antaradhāyimsu. So therāṃ gahetvā agamāsi. Satthā tasmīṃ khaṇe yāguṃ gaṇhi.

Dasabale bhattakiccaṃ katvā vihāraṃ gate dhammasabhāyaṃ kathā udapādi “yāva mahantā vata buddhā nāma cattāro māse ekagāthaṃ gaṇhituṃ asakkontaṃ bhikkhuṃ evaṃmahiddhikaṃ akamsū”ti. Satthā tesāṃ bhikkhūnaṃ cittācāraṃ ñatvā gantvā paññattāsane nisajja “kiṃ vadetha, bhikkhave”ti pucchi. Na bhagavā aññaṃ kiñci kathema, cūḷapanthakena tumhākaṃ santikā mahālābho laddhoti

tumhākaṃyeva guṇaṃ kathamāti. Anacchariyaṃ, bhikkhave, idāni mayhaṃ ovādaṃ katvā lokuttaradāyajjalābho, ayaṃ atītepi aparipakkaññaṇe t̥hitassa mayhaṃ ovādaṃ katvā lokiyadāyajjaṃ labhīti. Bhikkhū “kadā, bhante”ti āyaciṃsu. Sathā tesam bhikkhūnaṃ atītaṃ āharitvā dassesi.

Bhikkhave, atīte bārāṇasīnagare brahmadatto nāma rājā rajjaṃ kāresi. Tasmim samaye cūlakasetthi nāma paṇḍito byatto sabbanimittāni jānāti. So ekadivasaṃ rājūpaṭṭhānaṃ gacchanto antaravithiyaṃ matamūsikaṃ disvā tasmim khaṇe nakkhattaṃ samānetvā idamāha – “sakkā cakkhumatā kulaputtana imaṃ undūraṃ gahetvā dārabharaṇaṇca kātuṃ kammante ca payojetu”nti. Aññataro duggatakulaputto taṃ seṭṭhissa vacanaṃ sutvā “nāyaṃ ajānitvā kathessatī”ti mūsikaṃ gahetvā ekasmim āpaṇe biḷārassatthāya datvā kākaṇikaṃ labhi. Tāya kākaṇikāya phāṇitaṃ kiṇitvā ekena kuṭena pānīyaṃ gaṇhitvā araññato āgacchante mālākāre disvā thokaṃ thokaṃ phāṇitakhaṇḍaṃ datvā uḷuṅkena pānīyaṃ adāsi. Te tassa ekekaṃ pupphamuṭṭhiṃ adamsu. So tena pupphamūlena punadivasepi phāṇitaṇca pānīyaghaṭaṇca gahetvā pupphārāmameva gato. Tassa taṃdivasaṃ mālākārā aḍḍhaocitake pupphagacche datvā agamaṃsu. So nacirasseva iminā upāyena aṭṭha kahāpaṇe labhi.

Puna ekasmim vātavuṭṭhividivase chaḍḍitauyyānaṃ gantvā patitadārūnaṃ rāsīm katvā nisinno rājakumbhakārassa santikā soḷasa kahāpaṇe labhi. So catuvīsatiyā kahāpaṇesu jātesu “atthi ayaṃ upāyo mayha”nti nagaradvārato avidūre t̥hāne ekaṃ pānīyacāṭiṃ t̥hapetvā pañcasate tiṇahārake pānīyena upaṭṭhahi. Te āhaṃsu – “tvam, samma, amhākaṃ bahupakāro, kiṃ te karomā”ti? Sopi “mayhaṃ kicce uppanne karissathā”ti vatvā ito cito ca vicaranto thalpathakammikena ca jalapathakammikena ca saddhiṃ mittasanthavaṃ akāsi. Tassa thalpathakammiko “sve imaṃ nagaraṃ assavāṇijako pañca assasatāni gahetvā āgamissatī”ti ācikkhi. So tassa vacanaṃ sutvā tiṇahārakānaṃ saññaṃ datvā ekekaṃ tiṇakalāpaṃ diguṇaṃ katvā āharāpesi. Atha so assānaṃ nagaraṃ pavitṭhavelāya tiṇakalāpasahassaṃ antaradvāre rāsīm katvā nisīdi. Assavāṇijo sakalanagare assānaṃ cāriṃ alabhivā tassa sahasaṃ datvā taṃ tiṇaṃ gaṇhi.

Tato katipāhaccayenassa samuddakammikasahāyako ārocesi “paṭṭanaṃ mahānāvā āgatā”ti. So “atthi ayaṃ upāyo”ti aṭṭhahi kahāpaṇehi sabbaparivārasampannaṃ tāvakālikaṃ rathaṃ gahetvā nāvāpaṭṭanaṃ gantvā ekaṃ aṅgulimuddikaṃ nāvikaṃ saccakāraṃ datvā avidūre t̥hāne sāṇiṃ parikkhipāpetvā tattha nisinno purise āṇāpesi “bāhirakesu vāṇijesu āgatesu tatiyena paṭihārena ārocethā”ti. “Nāvā āgatā”ti sutvā bārāṇasito satamattā vāṇijā “bhaṇḍaṃ gaṇhāmā”ti āgamaṃsu. Bhaṇḍaṃ tumhe na labhissatha, asukaṭṭhāne nāma mahāvāṇijena saccakāro dīnnoti. Te tesam sutvā tassa santikaṃ āgatā, pādāmūlikapurisā purimasaññāvasena tatiyena pāṭihārena tesam āgatabhāvaṃ ārocesuṃ. Te satamattāpi vāṇijā ekekaṃ sahasaṃ datvā tena saddhiṃ nāvāya pattikā hutvā puna ekekaṃ sahasaṃ datvā pattim vissajjāpetvā bhaṇḍaṃ attano santakaṃ akamsu. So puriso dve satasahassāni gahetvā bārāṇasiṃ āgantvā “kataññunā bhavituṃ vaṭṭatī”ti ekaṃ satasahassaṃ gahetvā cūlasetthissa santikaṃ gato.

Atha taṃ cūlasetthi “kiṃ te, tāta, katvā idaṃ dhaṇaṃ laddha”nti pucchi. So “tumhehi kathitauṇyaṃ t̥hatvā catumāsabbhantareyeva laddha”nti āha. Seṭṭhi tassa vacanaṃ sutvā “idāni evarūpaṃ dāraṃ parasantakaṃ kātuṃ na vaṭṭatī”ti vayappattaṃ dhītaṃ datvā sakalakuṭumbassa sāmikaṃ akāsi. Sopi kulaputto seṭṭhino accayena tasmim nagare seṭṭhiṭṭhānaṃ gahetvā yāvātāyukaṃ t̥hatvā yathākammaṃ gato. Sathā dve vatthūni kathetvā anusandhiṃ ghaṭetvā abhisambuddhakāle imaṃ gāthamāha –

“Appakenapi medhāvī, pābhatena vicakkhaṇo;  
Samuṭṭhāpeti attānaṃ, aṇuṃ aggimva sandhama”nti. (jā. 1.1.4);

Iti sathā dhammasabhāyaṃ sannisinnānaṃ imaṃ kāraṇaṃ dassesi. Ayaṃ dvinnampi mahāsāvakaṇaṃ pubbapatthanato paṭṭhāya anupubbikathā. Aparabhāge pana sathā ariyagaṇaparivuto dhammāsane nisinno manomayaṃ kāyaṃ abhinimminantānaṃ cetovivaṭṭakusalānaṇca

cūlapanthakattheraṃ aggaṭṭhāne ṭhapesi, saññāvivaṭṭakusalānaṃ mahāpanthakanti.

### Subhūtītheravatthu

**201.** Tatiye **araṇavihārīnanti** nikkilesavihārīnaṃ. **Raṇanti** hi rāgādayo kilesā vuccanti, tesam abhāvena nikkilesavihāro araṇavihāro nāma. So yesam atthi, te araṇavihārino. Tesam araṇavihārīnaṃ subhūtīthero aggoti. Kiñcāpi hi aññepi khīṇāsavā araṇavihārīnova, therena pana dhammadesanāya etaṃ nāmaṃ laddhaṃ. Aññe hi bhikkhū dhammaṃ desento uddissakaṃ katvā vaṇṇaṃ vā avañṇaṃ vā kathenti, thero pana dhammaṃ desento satthārā desitaniyāmato anokkamitvā deseti, tasmā araṇavihārīnaṃ aggo nāma jāto.

**202.** Catutthe **dakkhīṇeyyānanti** dakkhīṇārahānaṃ. Tattha kiñcāpi aññepi khīṇāsavā aggadakkhīṇeyyā, thero pana piṇḍāya caranto ghare ghare mettājhānaṃ samāpajjitvā samāpattito vuṭṭhāya bhikkhaṃ gaṇhāti “evaṃ bhikkhādāyakānaṃ mahapphalaṃ bhavissatī”ti. Tasmā dakkhīṇeyyānaṃ aggoti vutto. Attabhāvo panassa susamiddho, alaṅkatatorānaṃ viya cittapaṭo viya ca ativiya virocāti. Tasmā subhūtīti vuccati.

Tassa pañhakamme ayamanupubbikathā – ayaṃ kira padumuttare bhagavati anuppanneyeva haṃsavatīnagare brāhmaṇamahāsālakule nibbatti, nandamāṇavotissa nāmaṃ akaṃsu. So vayappatto tayo vede uggaṇhitvā tattha sāraṃ apassanto attano parivārehi catucattālīsāya māṇavakasahashehi saddhiṃ pabbatapāde isipabbajjaṃ pabbajitvā pañca abhiññā aṭṭha samāpattiyo nibbatesi, antevāsikepi jhānalābhino akāsi.

Tasmim samaye padumuttaro bhagavā loke nibbattitvā haṃsavatīnagaraṃ upanissāya viharanto ekadivasam paccūsasamaye lokaṃ olokento nandatāpasassa antevāsikānaṃ jaṭilānaṃ arahattūpanissayaṃ nandatāpasassa ca dvīhaṅgehi samannāgatassa sāvakassa ṭhānantarapatthanaṃ disvā pātova sarīrapaṭijjaggaṃ katvā pubbaṇhasamayam pattacīvaramādāya sārīputtattherassa vatthumhi vuttanayeneva nandatāpasassa assamaṃ agamāsi. Tattha phalāphaladānañca pupphāsanaṇāpanaṇānañca nirodhasamāpattisamāpajjanañca vuttanayeneva veditabbaṃ.

Satthā pana nirodhā vuṭṭhito araṇavihāriṅgena ca dakkhīṇeyyāṅgena cāti dvīhaṅgehi samannāgataṃ ekaṃ sāvakaṃ “isigaṇassa pupphāsanaṇanumodanaṃ karohī”ti āṇāpesi. So attano visaye ṭhatvā tepiṭakaṃ sammasitvā anumodanaṃ akāsi. Tassa desanāvasāne satthā sayam dhammaṃ desesi. Desanāpariyosāne sabbe catucattālīsahasasāpi tāpasā arahattaṃ pāpuṇṇisu. Nandatāpaso pana anumodakassa bhikkhuno nimittaṃ gaṇhitvā satthu desanānusārena ñāṇaṃ pesetuṃ nāsakkhi. Satthā “etha, bhikkhavo”ti sesabhikkhūnaṃ hatthaṃ pasāresi. Sabbepi antarahitakesamassū iddhiṃaparikkhārā vassasaṭṭhikattherā viya ahesuṃ.

Nandatāpaso tathāgataṃ vanditvā sammukhe ṭhito āha – “bhante, yena bhikkhunā isigaṇassa pupphāsanaṇanumodanā katā, ko nāmo yaṃ tumhākaṃ sāsane”ti? Araṇavihāriṅgena ca dakkhīṇeyyāṅgena ca etadaggaṃ patto esoti. “Bhante, ahampi iminā sattāhakatena adhikārakammaena aññaṃ sampattim na patthemī, anāgate panāhaṃ ekassa buddhassa sāsane ayaṃ thero viya dvīhaṅgehi samannāgato bhavēyya”nti patthanaṃ akāsi. Satthā anantarāyaṃ disvā byākaritvā pakkāmi. Nandatāpasopi kālena kālaṃ dasabalassa santike dhammaṃ sutvā aparihīnājjhāno brahmaloke nibbatto. Idamassa kalyāṇakammaṃ. Antarā pana kammaṃ na kathiyati.

So kappasatasahasam atikkamitvā sāvattiyam sumanasetṭhissa gehe nibbatti, **subhūtī**tissa nāmaṃ akaṃsu. Aparabhāge amhākaṃ satthā loke nibbatto rājagahaṃ upanissāya viharati. Tadā anāthapiṇḍiko seṭṭhi sāvattiyam utṭhānakabhaṇḍam gahetvā attano sahāyakassa rājagahasetṭhino gharaṃ gato satthu uppanabhāvaṃ ñatvā satthāraṃ sītavane viharantaṃ upasaṅkamitvā paṭhamadassaneneva sotāpattiphale patiṭṭhāya satthāraṃ sāvattim āgamanatthāya yācitvā pañcacattālīsajoyane magge yojane

vojane satahassapariccāgena vihāre patiṭṭhāpetvā sāvattiyam rājamānena aṭṭhakarīsappamāṇam jetarājakumārassa uyyānabhūmiṃ koṭisanthārena kiṇṭvā tattha bhagavato vihāram kāretvā adāsi. Vihāramahadivase ayam subhūti kuṭimbiko anāthapiṇḍikaseṭṭhinā saddhiṃ gantvā dhammam suṇanto saddham paṭilabhivā pabbaji. So upasampanno dve mātikā paguṇam katvā kammaṭṭhānam kathāpetvā araṇṇe samaṇadhammam karonto vipassanam vaḍḍhetvā mettājhānam pādakam katvā arahattam pāpuṇi. Dhammam desento vuttanayeneva dhammam katheti, piṇḍāya caranto vuttanayeneva mettājhānato vuṭṭhāya bhikkham gaṇhāti. Atha nam satthā imam kāraṇadvayam paṭicca araṇavīhārīnaṅca dakkhiṇeyyānaṅca bhikkhūnam aggaṭṭhāne ṭhapesīti.

### **Khadiravaniyarevatattheravatthu**

**203.** Pañcame **āraṇṇakānanti** araṇṇavāsīnam. **Revato khadiravaniyoti** dhammasenāpatittherassa kaniṭṭhabhātiko. So yathā añṇe therā araṇṇe vasamānā vanasabhāgam udakasabhāgam bhikkhācārasabhāgaṅca sallakkhetvā araṇṇe vasanti, na evam vasi. Etāni pana sabhāgāni anādiyitvā ujjāngalasakkharapāsānavisame khadiravane paṭivasati. Tasmā āraṇṇakānam aggoti vutto.

Tassa pañhakamme ayamanupubbikathā – ayam kira aṭṭe padumuttarabuddhakāle haṃsavatīnagare nibbato mahāgaṅgāya payāgapatitṭhānatitthe nāvākamam karonto paṭivasati. Tasmim samaye satthā satahassabhikkhuparivāro cārikam caranto payāgapatitṭhānatittham sampāpuṇi. So dasabalam disvā cintesi – “mayham kālena kālam buddhadassanam nāma natthi, ayam me kalyāṇakammāyūhanakkaṇo”ti nāvāsaṅghātam bandhāpetvā upari celavitānam kāretvā gandhamālādāmāni osāretvā heṭṭhā varapotthakam cittattharaṇam attharāpetvā saparivāram satthāram paratīram tāresi.

Tasmim samaye satthā ekam āraṇṇakam bhikkhum etadagge ṭhapesi. So nāviko tam disvā “mayāpi evamevam anāgate ekassa buddhassa sāsane āraṇṇakānam aggena bhavitum vaṭṭati”ti satthāram nimantevā sattāham mahādānam datvā satthu pādāmūle nipajjivā, “bhante, tumhehi etadagge ṭhapito so bhikkhu viya ahampi anāgate ekassa buddhassa sāsane āraṇṇakānam aggo bhaveyya”nti patthanam akāsi. Satthā anantarāyam disvā “anāgate gotamabuddhassa sāsane tvam āraṇṇakānam aggo bhavissasi”ti byākaritvā pakkāmi. Antarā pana añṇam kammam na kathiyati.

So yāvajīvam kalyāṇakammam katvā devamanussesu saṃsaranto imasmim buddhuppāde magadhakkhette nālakabrāhmaṇagāme sārībrāhmaṇiyā kucchimhi paṭisandhim gahetvā tiṇṇam bhātikānam tissannaṅca bhaginīnam sabbakaniṭṭho hutvā nibbatti, **revatotissa** nāmam akaṃsu. Athassa māṭāpitaro cintesum – “vaḍḍhitavaḍḍhite dārake samaṇā sakyaputtiyā netvā pabbājenti, amhākam puttam revatam daharameva gharabandhanena bandhissāmā”ti samānakulato dārikam ānetvā revatassa ayyikam vandāpetvā, “amma, tava ayyikāya mahallakatarā hohi”ti āhaṃsu. Revato tesam katham sutvā cintesi – “ayam dārikā daharā paṭhamavaye ṭhitā, imissā kira evamvidham rūpam mama ayyikāya rūpasadisam bhavissati, pucchissāmi tāva nesam adhippāya”nti cintetvā āha – “tumhe kim kathethā”ti? Tāta, “ayam dārikā ayyikā viya te jaram pāpuṇātū”ti vadāmāti. So “imissā rūpam evamvidham bhavissati”ti pucchi. Tāta, kim vadesi, mahāpuṇṇā evamvidhā hontīti.

So cintesi – “idaṃ kira rūpam iminā niyāmena valittacam bhavissati palitakesam khaṇḍadantam, aham evarūpe rūpe rajjivā kim karissāmi, mama bhātikānam gatamaggameva gamissāmi”ti kīlanto viya hutvā samavaye taruṇadārake āha – “etha, bho, vidhāvanikam karissāmā”ti nikkhami. Tāta, maṅgaladivase mā bahi gacchāti. So dārakehi saddhim kīlanto viya attano dhāvanavāre sampatte thokam gantvā papañcetvā āgacchati. Puna dutiyavāre sampatte tato turitam viya gantvā āgato, tatiyavāre sampatte “ayam me kālo”ti ṇatvā sammukhaṭṭhāneneva palāyitvā paṃsukūlikabhikkhūnam nivāsaṭṭhānam araṇṇam gantvā there abhivādetvā pabbajjam yāci. Sappurisa mayam tam na jānāma “kassāsi putto”ti, tvaṅca alaṅkataniyāmeneva āgato, ko tam pabbājetum ussahissatīti. So ubho bāh paggayha “vilumpanti mam vilumpanti ma”nti mahāravam viravi. Ito cito ca bhikkhū sannipatitvā

“sappurisa, imasmim ðhāne tava vattham vā piḷandhanam vā koci gaṇhanto nāma natthi, tvañca ‘vilumpanti’ ti vadasi, kiṃ sandhāya vadasi’ ti? Bhante, nāham vatthālaṅkāraṃ sandhāya vadāmi, tissannaṃ pana me sampattīnaṃ vilopo vattati, taṃ sandhāya vadāmi. Maṃ tāva tumhe mā pabbājayittha, bhātaraṃ pana me jānāthāti. Konāmo pana te bhātāti? Gihikāle upatisso nāma, idāni pana sārīputto nāma jātoti vadantīti. “Āvuso, evaṃ sante ayaṃ kulaputto amhākaṃ kaniṭṭhabhātiko nāma hoti, jeṭṭhabhātiko no dhammasenāpati puretaraṃyeva āha – ‘amhākaṃ ñātakā sabbeva micchādīṭṭhikā, yo koci amhākaṃ ñātīti āgacchati, taṃ yena tenupāyena pabbājeyyathā’ ti. Ayaṃ pana therassa ajjhatabhātiko, pabbājetha na’ nti vatvā tacapañcakakammaṭṭhānaṃ ācikkhitvā pabbājayimsu. Atha naṃ paripuṇṇavassaṃ upasampādetvā kammaṭṭhāne yojayimsu.

Thero kammaṭṭhānaṃ gahetvā ācariyupajjhāyānaṃ avidūre ðhāne vuttappakāraṃ khadiravanaṃ pavisitvā samaṇadhammaṃ karoti. Tassa “arahattaṃ appatvā dasabalaṃ vā bhātikattheraṃ vā na passissāmi” ti vāyamantasseva tayo māsā atikkantā, sukhumālakulaputtassa lūkhahojanaṃ bhuñjantassa cittaṃ valītaṃ nāma hoti, kammaṭṭhānaṃ vimokkhaṃ na gataṃ. So temāsaccayena pavāretvā vutthavasso hutvā tasmimyeva ðhāne samaṇadhammaṃ karoti. Tassa samaṇadhammaṃ karontassa cittaṃ ekaggaṃ ahosi, so vipassanaṃ vaḍḍhetvā arahattaṃ pāpuṇi.

Athāyasmā sārīputto satthāraṃ āha – “bhante, mayhaṃ kira kaniṭṭhabhātā revato pabbajito, so abhirameyya vā na vā, gantvā naṃ passissāmi” ti. Bhagavā revatassa āradhavi-passakabhāvaṃ ñatvā dve vāre paṭikkhipitvā tatiyavāre yācito arahattaṃ pattabhāvaṃ ñatvā, “sārīputta, ahampi gamissāmi, bhikkhūnaṃ ārocehi” ti. Thero bhikkhusaṅghaṃ sannipātetvā, “āvuso, satthā cārikaṃ caritukāmo, gantukāma āgacchantū” ti sabbesaṃyeva ārocesi. Dasabalassa cārikatthāya gamanakāle ohīnakabhikkhū nāma appakā honti, “satthu suvaṇṇavaṇṇaṃ saṭīraṃ passissāma, madhuradhammakathaṃ vā suṇissāma” ti yebhuyyena gantukāmāva bahukā honti. Iti satthā mahābhikkhusaṅghaparivāro “revataṃ passissāmi” ti nikkhanto.

Athekasmim padese ānandatthero dvedhāpathaṃ patvā bhagavantaṃ pucchi – “bhante, imasmim ðhāne dve maggā, kataramaggena saṅgho gacchatū” ti. Kataramaggo, ānanda, ujukoti? Bhante, ujumaggo tiṃsayojano amanussapatho, pariḥāramaggo pana saṭṭhiyojaniko khemo subhikkhoti. Ānanda, sīvali amhehi saddhiṃ āgatoti? Āma, bhante, āgatoti. Tena hi saṅgho ujumaggameva gaṇhatu, sīvalissa puññaṃ vīmaṃsissāmāti. Satthā bhikkhusaṅghaparivāro sīvalittherassa puññavīmaṃsanatthaṃ aṭavimaggam abhiruhi. Maggaṃ abhiruhanaṭṭhānato paṭṭhāya devasaṅgho yojane yojane ðhāne nagaraṃ māpetvā buddhappamukhassa bhikkhusaṅghassa vasanaṭṭhāya vihāre paṭiyādesi. Devaputtā rañña pesitakammakārā viya hutvā yāgukhajjakādīni gahetvā “kaḥaṃ ayyo sīvali, kaḥaṃ ayyo sīvali” ti pucchantā gacchanti. Thero taṃ sakkārasammānaṃ gaṇhāpetvā satthu santikaṃ gacchati. Satthā bhikkhusaṅghena saddhiṃ paribhuñji.

Imināva niyāmena satthā sakkārasammānaṃ anubhavanto devasikaṃ yojanaparamaṃ gantvā tiṃsayojanikaṃ kantāraṃ atikkamma khadiravanīyattherassa sabhāgaṭṭhānaṃ patto. Thero satthu āgamaṃ ñatvā attano vasanaṭṭhāne buddhappamukhassa bhikkhusaṅghassa pahonakavihāre dasabalassa gandhakuṭim rattitṭhānadivāṭṭhānādīni ca iddhiyā māpetvā tathāgatassa paccuggamaṃ gato. Satthā alaṅkatapaṭiyattena maggena vihāraṃ pāvīsi. Atha tathāgate gandhakuṭim pavitṭhe bhikkhū vassaggena pattasenāsanāni pavisiṃsu. Devatā “akālo āhārassā” ti aṭṭhavidhaṃ pānakaṃ āharīsu. Satthā saṅghena saddhiṃ pānakaṃ pivi. Imināva niyāmena tathāgatassa sakkārasammānaṃ anubhavantasseva addhamāso atikkanto.

Athekacce ukkaṅṭhitabhikkhū ekasmim ðhāne nisīditvā kathaṃ uppādayīmsu “satthā dasabalo ‘mayhaṃ aggasāvakaṃ kaniṭṭhabhātā’ ti vatvā evarūpaṃ navakammikabhikkhuṃ passitū āgato, imassa vihārassa santike jetavanamahāvihāro vā veḷuvanavihārādayo vā kiṃ karissanti. Ayampi bhikkhu evarūpassa navakammaṃ kārako, kiṃ nāma samaṇadhammaṃ karissati’ ti? Atha satthā cintesi – “mayi ciraṃ vasante idaṃ ðhānaṃ ākiṇṇaṃ bhavissati, āraññaṃ bhikkhū nāma pavivekatthikā honti,



revatassa aphāsuvihāro bhavissatī”ti tato revatassa divāṭṭhānaṃ gato. Thero ekakova caṅkamanakoṭiyāṃ ālambanaphalakaṃ nissāya pāsāṇaphalake nisinno satthāraṃ dūratova āgacchantāṃ disvā paccugantvā vandi.

Atha naṃ satthā pucchi – “revata, imaṃ vālamigaṭṭhānaṃ, caṇḍānaṃ hatthiassādīnaṃ saddaṃ sutvā kinti karosī”ti? Tesāṃ me, bhante, saddaṃ suṇato araṇṇarati nāma uppajjatīti. Satthā tasmim̄ ṭhāne revatattherassa pañcahi gāthāsatehi araṇṇe nivāsānisamsaṃ nāma kathetvā punadivase avidūre ṭhāne piṇḍāya caritvā revatatheraṃ nivattetvā yehi bhikkhūhi therassa avaṇṇo kathito, tesāṃ kattarayaṭṭhiupāhanātelanālichattānaṃ pamussanabhāvaṃ akāsi. Te attano parikkhāratthāya nivattā āgatamaggeneva gacchantāpi taṃ ṭhānaṃ sallakkhetuṃ na sakkonti. Paṭhamāṃ hi te alaṅkatapaṭiyattena maggena gantvā taṃdivasaṃ pana visamamaggena gacchantā tasmim̄ tasmim̄ ṭhāne ukkuṭikaṃ nisīdanti, jāṇukena gacchanti. Te gumbhe ca gacche ca kaṇṭake ca maddantā attano vasitasabhāgaṭṭhānaṃ gantvā tasmim̄ tasmim̄ khadirakhāṇuke attano chattaṃ sañjānanti, upāhanaṃ kattarayaṭṭhiṃ telanāliṃ sañjānanti. Te tasmim̄ samaye “iddhimā ayaṃ bhikkhū”ti ṇatvā attano parikkhāre ādāya “dasabalassa paṭiyattasakkāro nāma evarūpo hotī”ti vadantā āgamamsu.

Purato gatabhikkhū, visākhā upāsikā, attano gehe nisinnakāle pucchati – “manāpaṃ nu kho, bhante, revatattherassa vasanaṭṭhāna”nti? Manāpaṃ upāsike nandanavanacittalatādipaṭibhāgaṃ taṃ senāsananti. Atha nesaṃ sabbapacchato āgatabhikkhū pucchi – “manāpaṃ, ayyā, revatattherassa vasanaṭṭhāna”nti. Mā puccha upāsike, kathetuṃ ayuttaṭṭhānametaṃ, ujjāṅgalaṃ sakkharapāsāṇavisamaṃ khadiravanaṃ etaṃ, tattha so bhikkhu viharatīti. Visākhā, purimānañca pacchimānañca bhikkhūnaṃ kathaṃ sutvā “kesaṃ nu kho kathā saccā”ti pacchābhatte gandhamālaṃ ādāya dasabalassa upaṭṭhānaṃ gantvā, vanditvā ekamantaṃ nisinnā satthāraṃ pucchi – “bhante, revatattherassa vasanaṭṭhānaṃ ekacce, ayyā, vaṇṇenti, ekacce nindanti, kiṃ nāmetaṃ, bhante”ti? Visākhe ramaṇīyaṃ vā hotu mā vā, yasmim̄ ṭhāne ariyānaṃ cittaṃ ramati, tadeva ṭhānaṃ ramaṇīyaṃ nāmāti vatvā imaṃ gāthamāha –

“Gāme vā yadi vāraṇṇe, ninne vā yadi vā thale;

Yattha arahanto viharanti, taṃ bhūmirāmaṇeyyaka”nti. (dha. pa. 98; saṃ. ni. 1.261);

Atha satthā aparabhāge jetavanamahāvihāre ariyagaṇamajjhe nisinno therāṃ āraṇṇakānaṃ bhikkhūnaṃ aggaṭṭhāne ṭhapesīti.

### Kaṅkhārevatattheravatthu

**204.** Chaṭṭhe **jhāyīnanti** jhānalābhīnaṃ jhānābhiratānaṃ. So kira thero yā jhānasamāpattiyo dasabalo samāpajjati, tato appataraṃ ṭhapetvā bahutarā samāpajjati. Tasmā jhāyīnaṃ aggo nāma jāto. Kaṅkhāyanabhāvena **kaṅkhārevatoti** vuccati. Kaṅkhā nāma kukkuccaṃ, kukkuccakoti attho. Kiṃ pana añṇe kukkuccakā natthīti? Atthi, ayaṃ pana thero kappiyepi kukkuccaṃ uppādesi. Tenassa kukkuccakā atipākaṭā jātāti kaṅkhārevatotveva saṅkhaṃ gato.

Tassa pañhakamme ayamanupubbikathā – ayaṃ kira padumuttarabuddhakāle purimanayeneva mahājanena saddhiṃ vihāraṃ gantvā parisapariyante ṭhito dhammaṃ suṇanto satthāraṃ ekaṃ bhikkhuṃ jhānābhiratānaṃ aggaṭṭhāne ṭhapentaṃ disvā “mayāpi anāgate evarūpena bhavituṃ vaṭṭati”ti desanāvasāne satthāraṃ nimantetvā purimanayeneva sattāhaṃ mahāsakkāraṃ katvā bhagavantaṃ āha – “bhante, ahaṃ iminā adhiṅgākammena na añṇaṃ sampattiṃ patthemī, yathā pana so tumhehi ito sattadivasamatthake bhikkhu jhāyīnaṃ aggaṭṭhāne ṭhapito, evaṃ ahampi anāgate ekassa buddhassa sāsane jhāyīnaṃ aggo bhavyeyya”nti patthanaṃ akāsi. Satthā anāgataṃ oloketvā samijjhanabhāvaṃ disvā “anāgate kappasatasahassāvasāne gotamo nāma buddho uppajjissati, tassa sāsane tvam̄ jhāyīnaṃ aggo bhavissatī”ti byākāritvā pakkāmi.

So yāvajīvaṃ kalyāṇakammaṃ katvā kappasatasahassaṃ devamanussesu saṃsaritvā amhākaṃ bhagavato kāle sāvattthinagare mahābhogakule nibbato pacchābhattaṃ dhammassavanatthaṃ gacchantena mahājanena saddhiṃ vihāraṃ gantvā parisapariyante t̥hito dasabalassa dhammakathaṃ sutvā saddhaṃ paṭilabhitvā pabbajito upasampadaṃ labhitvā kammaṭṭhānaṃ kathāpetvā jhānaparikammaṃ karonto jhānalābhī hutvā jhānameva pādakaṃ katvā arahattaphalaṃ pāpuṇi. So dasabalena samāpajjitabbasamāpattīnaṃ appatarā t̥hapetvā bahutarā samāpajjanto ahorattaṃ jhānesu ciṅṇavasī ahoṣi. Atha naṃ aparabhāge satthā imaṃ guṇaṃ gahetvā jhāyīnaṃ aggaṭṭhāne t̥hapesi. “Akappiyo, āvuso guḷo, akappiyā muggā”ti (mahāva. 272) evaṃ pana kappiyesveva vatthūsu kukkuccassa uppādītāya kukkuccasaṅkhātāya kaṅkhāya bhāvena kaṅkhārevatoti saṅkhaṃ gatoti.

### Soṇakoḷivisattheravatthu

**205.** Sattame āraddhavīriyānanti paggahitavīriyānaṃ paripuṇṇavīriyānaṃ. Soṇo koḷivisoti soṇoti tassa nāmaṃ, koḷivisoti gottaṃ. Koṭivessoti vā attho, issariyena koṭippattassa vessakulassa dārakoti adhippāyo. Yasmā pana aññesaṃ bhikkhūnaṃ vīriyaṃ nāma vaḍḍhetabbaṃ hoti, therassa pana hāpetabbameva ahoṣi. Tasmā esa āraddhavīriyānaṃ aggo nāma jāto.

Tassa pañhakamme ayamanupubbikathā – ayaṃ kira atīte padumuttarabuddhakāle seṭṭhikule nibbatti, sirivaḍḍhakumārotissa nāmaṃ akaṃsu. So vayappatto purimanayeneva vihāraṃ gantvā parisapariyante t̥hito dhammaṃ suṇanto satthāraṃ ekaṃ bhikkhuṃ āraddhavīriyānaṃ aggaṭṭhāne t̥hapentaṃ disvā “mayāpi anāgate evarūpena bhavituṃ vaṭṭatī”ti desanāpariyosāne dasabalaṃ nimantetvā sattāhaṃ mahādānaṃ datvā vuttanayeneva patthanaṃ akāsi. Satthā tassa patthanāya samijjhanabhāvaṃ disvā purimanayeneva byākaritvā vihāraṃ gato.

Sopi sirivaḍḍhaseṭṭhi yāvajīvaṃ kusalaṃ katvā devamanussesu saṃsaranto kappasatasahassaṃ atikkamitvā imasmiṃ kappe parinibbute kassapadasabale anuppanne amhākaṃ bhagavati bārāṇasiyaṃ kulagehe paṭisandhiṃ gaṇhi. So attano sahāyakehi saddhiṃ gaṅgāyaṃ kīlati. Tasmīṃ samaye eko jīṇṇacīvariko paccekabuddho “bārāṇasiṃ upanissāya gaṅgātīre paṇṇasālaṃ katvā vassaṃ upagacchissāmī”ti udakena samupabyūḷhe daṇḍake ca valliyo ca saṃkaḍḍhati. Ayaṃ kumāro sahāyakehi saddhiṃ gantvā abhivādetvā t̥hito, “bhante, kiṃ karoṭhā”ti pucchi. Kumāra upakaṭṭhe antovasse pabbajitānaṃ vasanaṭṭhānaṃ nāma laddhuṃ vaṭṭatīti. “Bhante, ajjeva ekadivasaṃ ayyo yathā tathā āgametu, ahaṃ sve ayyassa vasanaṭṭhānaṃ karissāmī”ti āha. Paccekabuddho “tasseva kumārassa saṅgahaṃ karissāmī”ti āgatattā adhvāsesi. So tassa adhvāsanāṃ viditvā gato punadivase sakkārasammānaṃ sajjetvā paccekabuddhassa āgamaṃ olokento aṭṭhāsi. Paccekabuddhopi “kahaṃ nu kho ajja bhikkhācāraṃ labhissāmī”ti āvajjento ñatvā tasseva gehadvāraṃ agamāsi.

Kumāro paccekabuddhaṃ disvā sampiyāyamāno pattaṃ ādāya bhikkhaṃ datvā “imaṃ antovassaṃ mayhaṃ gehadvārameva āgacchatha, bhante”ti paṭiññaṃ gahetvā paccekabuddhe bhattakiccaṃ katvā pakkante attano sahāyakehi saddhiṃ gantvā ekadivaseneva paccekabuddhassa vasanaṭṭhānaṃ caṅkamaṇaṃca rattit̥ṭhānadivāṭṭhānāni ca kārapetvā adāsi. Tasseva paṇṇasālaṃ pavisanavelāya haritūpalittāya bhūmiyā “pādesu kalalaṃ mā laggī”ti attano pārūpanaṃ satasahassagghanaṃ rattakambalaṃ bhūmattharaṇaṃ santharitvā kambalassa vaṇṇena saddhiṃ paccekabuddhassa sarīrapabhaṃ ekasadiṣaṃ disvā ativiya pasanno hutvā āha – “yathā tumhehi akkantakālato paṭṭhāya imassa kambalassa ativiya pabhā virocati, evameva mayhampi nibbattaniḥbattaṭṭhāne hatthapādānaṃ vaṇṇo bandhujīvakapupphavaṇṇo hotu, satakkhattuṃ vihatakkappāsaṭṭhalaphassasadiṣova phasso hotū”ti. So temāsāṃ paccekabuddhaṃ upaṭṭhahitvā pavāritakāle ticīvaraṃ adāsi. Paccekabuddho paripuṇṇapattacīvaro gandhamādanameva gato.

Sopi kulaputto devamanussesu saṃsaranto amhākaṃ bhagavato kāle kālacampānagare upaseṭṭhissa ghare paṭisandhiṃ gaṇhi. Tassa paṭisandhiggahaṇakālato paṭṭhāya seṭṭhikulāṃ anekāni paṇṇākārasahassāni āgacchanti. Jātadivase ca sakalanagaraṃ ekasakkārasammānaṃ ahoṣi. Athassa

nāmaggaṇḍivase mātāpitāro “amhākaṃ putto attano nāmaṃ gaṇhitvāva āgato, rattasuvaṇṇarasaparīsittā viyassa sarīracchavi”ti soṇakumārotvevassa nāmaṃ akamaṃsu.

Athassa saṭṭhi dhātiyo upanetvā devakumāraṃ viya naṃ sukkena vaḍḍhesuṃ. Tassa evarūpaṃ āhāraviddhānaṃ ahosi – saṭṭhikarīsamattaṃ ṭhānaṃ kasitvā tividhena udakena posenti. Kedāre pavisaṅṭṭi udakamātikāsu khīrodakassa ca gandhodakassa ca anekāni cāṭisahasāni āsiṅcanti. Sālisīsānaṃ khīraggaṇḍakāle sukādīnaṃ pāṇānaṃ ucchiṭṭhakarāṇanivāraṇatthaṃ vīhigabbhānaṃ sukhumālabhāvattathānaṃ pariyaṅtaparikkhepe ca antarantarā ca thambhe nikhānitvā upari daṇḍake datvā kilāṅjehi chādetvā samantā sāṇiyā parikkhipitvā sabbapariyante ārakkhaṃ gaṇhanti. Sasse nipphanne koṭṭhe catujātigandhehi paribhaṇḍaṃ katvā upari uttamagandhehi paribhāventi. Anekasahasapurisā khettaṃ oruyha sālisīsāni vaṇṭesu chinditvā muṭṭhimuṭṭhiyo katvā rajjukehi bandhitvā sukkhāpentī. Tato koṭṭhakassa heṭṭhimatale gandhe santharivā upari sālisīsāni santharanti. Evaṃ ekantarikaṃ katvā santharantā koṭṭhakaṃ pūretvā dvāraṃ pidahanti, tivassasampattakāle koṭṭhakaṃ vivaranti. Vivaṭakāle sakalanagaraṃ sugandhagandhikaṃ hoti. Sālimhi pahate dhuttā thuse kiṇitvā gaṇhanti, kuṇḍakaṃ pana cūlupaṭṭhākā labhanti. Musalaghaṭṭitake sālitāṇḍule vicinitvā gaṇhanti. Te suvaṇṇahīrakapacchiyaṃ pakkhipitvā satakālaṃ parissāvetvā gahite pakkuthitajātirase ekavāraṃ pakkhipitvā uddharanti, pamukhaṭṭhānaṃ sumanapupphasadisāṃ hoti. Taṃ bhojanaṃ suvaṇṇasarake pakkhipitvā pakkuthitaappodakamadhupāyāsapūritassa rajatathālassa upari katvā ādāya gantvā seṭṭhiputtassa purato ṭhapenti.

So attano yāpanamattaṃ bhujjivā gandhavāsitena udakena mukhaṃ vikkhāletvā hatthapāde dhovati. Athassa dhotahatthapādassa nānappakāraṃ mukhavāsaṃ upanenti. Tassa akkamaṇaṭṭhāne varapottakacittattharaṇaṃ attharanti. Hatthapādatalānissa bandhujīvakaṃ pupphavaṇṇāni honti, satakālavihataṅkappāsassa viya phasso, pādālesu maṇikuṇḍalāvattavaṇṇāni lomāni jāyimsu. So kassacideva kujjhitvā “ājānāhi bhūmiṃ akkamissāmi”ti vadati. Tassa vāyappattassa tiṇṇaṃ utūnaṃ anucchavike tayo pāsāde kāretvā nāṭakāni ca upaṭṭhāpesuṃ. So mahāsampattiṃ anubhavanto devo maññe paṭivasati.

Atha amhākaṃ satthari sabbaññutaṃ patvā pavattitavaradhammacakke rājagaṇaṃ upanissāya viharante pādalomadassanattaṃ raññā māgadheṇa pakkosāpetvā asītiyā gāmiyasahashehi saddhiṃ satthu santikaṃ pahito dhammadesanaṃ sutvā paṭiladdhasaddho satthāraṃ pabbajjaṃ yāci. Atha naṃ bhagavā “anuññātosī mātāpitūhi”ti pucchitvā ananuññātabhāvaṃ sutvā “na kho, soṇa, tathāgatā mātāpitūhi ananuññātaṃ puttaṃ pabbājenti”ti paṭikkhipi. So “sādhu bhagavā”ti tathāgatassa vacanaṃ sirasā sampācchitvā mātāpitūnaṃ santikaṃ gantvā anujānāpetvā satthu santikaṃ āgamma aññatarassa bhikkhuno santike pabbajī. Ayamettha saṅkhepo, vitthārato panassa pabbajjāviddhānaṃ pāliyaṃ (mahāva. 243) āgatameva.

Tassa pabbajjaṇca upasampadaṇca labhitvā rājagaṇe viharantassa sambahulā ñātisālohitā ca sandiṭṭhasambhattā ca sakkārasammānaṃ āharanti, rūpanipphattiyā vaṇṇaṃ kathenti, aññepi jānā passituṃ āgacchanti. Thero cintesi – “mama santikaṃ bahū jānā āgacchanti, kammaṭṭhāne vā vipassanāya vā kammaṃ kātuṃ kathaṃ sakkhissāmi, yaṃnūnāhaṃ satthu santike kammaṭṭhānaṃ kathāpetvā sītavanāsūsānaṃ gantvā samaṇadhammaṃ kareyyaṃ. Tatra hi susānanti jigucchitvā bahū jānā nāgamissanti, evaṃsante mama kiccaṃ matthakaṃ pāpuṇissati”ti satthu santike kammaṭṭhānaṃ kathāpetvā sītavanaṃ gantvā samaṇadhammaṃ kātuṃ ārabhi. So cintesi – “mayhaṃ sarīraṃ paramasukhumālaṃ, na kho pana sakkā sukheṇeva sukhaṃ pāpuṇituṃ, kāyaṃ kilamētvāpi samaṇadhammaṃ kātuṃ vaṭṭati”ti. Tato ṭhānacaṅkamaṃ eva adhiṭṭhāya padhānamakāsi. Tassa sukhumālānaṃ pādatalānaṃ antantehi phoṭṭā utṭhāya bhijjimsu, caṅkamo ekalohitova ahosi. Pādesu avahantesu jaṇṇukehipi hatthehipi vāyamitvā caṅkamati. Evaṃ vīriyaṃ daḷhaṃ karontopi obhāsamattampi nibbattetuṃ asakkonto cintesi – “sace aññopi āradhāvīriyo bhavēyya, mādisova bhavēyya. Ahaṃ kho pana evaṃ vāyamantopi maggaṃ vā phalaṃ vā uppādetuṃ na sakkomi, addhā nevāhaṃ ugghaṭṭitaññū, na vipaṇcitaññū, na neyyo, padaparamena mayā bhavitabbaṃ. Kiṃ me

pabbajjāya, hīnāyāvattitvā bhoge ca bhuñjissāmi puññāni ca karissāmi’ ti.

Tasmim samaye satthā therassa vitakkaṃ ñatvā sāyanhasamaye bhikkhusaṅghaparivuto tattha gantvā lohiteṇa phuṭṭhaṃ caṅkamaṃ disvā therāṃ vīṇovādena (mahāva. 243) ovaditvā vīriyasamathayojanatthāya tassa kammaṭṭhānaṃ kathetvā gijjhakūṭameva gato. Soṇattheropi dasabalassa sammukhā ovādaṃ labhitvā nacirasseva arahatte patiṭṭhāsi. Atha satthā aparabhāge jetavane bhikkhusaṅghaparivuto dhammaṃ desento therāṃ āradhāvīriyānaṃ aggaṭṭhāne ṭhapesīti.

### Soṇakuṭikaṇṇattheravatthu

**206.** Aṭṭhame **kalyāṇavākkaraṇānanti** vākkaraṇaṃ vuccati vacanakiriyā, madhuravacanānanti attho. Ayañhi thero dasabalena saddhiṃ ekagandhakuṭiyā tathāgatassa madhurena sareṇa dhammakathaṃ kathesi. Athassa satthā sādhuṅkāraṃ adāsi. Tasmā so kalyāṇavākkaraṇānaṃ aggo nāma jāto. **Soṇoti** tassa nāmaṃ, koṭiagghanakaṃ pana kaṇṇapiḷandhanaṃ dhāresi. Tasmā **kuṭikaṇṇoti** vuccati, koṭikaṇṇoti attho.

Tassa pañhakamme ayamanupubbikathā – ayampi padumuttarabuddhakāle purimanayeneva mahājanena saddhiṃ vihāraṃ gantvā parisapariyante ṭhatvā satthu dhammaṃ suṇanto satthāraṃ ekaṃ bhikkhuṃ kalyāṇavākkaraṇānaṃ aggaṭṭhāne ṭhapaṇṭaṃ disvā “mayāpi anāgate ekassa buddhassa sāsane kalyāṇavākkaraṇānaṃ aggena bhavituṃ vaṭṭati” ti cintetvā dasabalaṃ nimantetvā satthāraṃ mahādānaṃ datvā, “bhante, yaṃ bhikkhuṃ tumhe ito sattadivasamatthake kalyāṇavākkaraṇānaṃ aggaṭṭhāne ṭhapayittha, ahampi imassa adhikārakammaṃ phaleṇa anāgate ekassa buddhassa sāsane tathārūpo bhaveyya” nti patthanaṃ akāsi. Satthā tassa anantarāyaṃ disvā “anāgate gotamabuddhassa sāsane kalyāṇavākkaraṇānaṃ aggo bhavissasī” ti byākaritvā pakkāmi.

Sopi yāvajīvaṃ kusalaṃ katvā kappasatasahassaṃ devesu ca manussesu ca saṃsaranto amhākaṃ dasabalassa uppattito puretameva devalokā cavitvā kāliyā nāma kuraragharikāya upāsikāya kucchismiṃ paṭisandhiṃ gaṇhi. Sā paripakke gabbhe rājagahanagare attano kulanivesanaṃ āgatā.

Tasmim samaye amhākaṃ satthā sabbaññutaṃ patto isipatane dhammacakkaṃ pavattesi. Dhammacakkappavattane dasasahassacakkavāḷadevatā sannipatiṃsu. Tattha eko aṭṭhavīsatiyā yakkhasenāpatīnaṃ abbhantare sātāgiro nāma yakkho dasabalassa dhammakathaṃ sutvā sotāpattiṃphale patiṭṭhāya cintesi – “kiṃ nu kho ayaṃ evaṃ madhuradhammakathā mama sahāyena hemavatena sutā na sutā” ti? So devasaṅghassa antare olokento taṃ apassitvā “addhā mama sahāyo tiṇṇaṃ ratanānaṃ uppanabhāvaṃ na jānāti, gacchāmi dasabalassa ceva vaṇṇaṃ kathessāmi, paṭividdhadhammaṃca āroccasāmi” ti attano parisāya saddhiṃ rājagahamatthakena tassa santikaṃ pāyāsi.

Hemavatopi tiyojanasahassaṃ himavantaṃ akālapupphitaṃ disvā “mama sahāyena sātāgirena saddhiṃ himavantaḷītaṃ kīḷissāmi” ti attano parisāya saddhiṃ rājagahamatthakeneva pāyāsi. Tesam dvinnampi aggalakāyā kulagharikāya kāliupāsikāya nivesanamatthake samāgantvā “tumhe kassa parisā, mayaṃ sātāgirassa. Tumhe kassa parisā, mayaṃ hemavatassā” ti āhaṃsu. Te haṭṭhatuṭṭhāva gantvā tesam yakkhasenāpatīnaṃ ārocayīṃsu. Tepi taṃkhaṇaṇṇeva upāsikāya nivesanamatthake samāgacchīṃsu. Sātāgiro hemavataṃ āha – “kaṃ, samma, gacchasi” ti? Tava santikaṃ sammāti. Kiṃkāraṇāti? Himavantaṃ pupphitaṃ disvā tayā saddhiṃ tattha kīḷissāmi. Tvaṃ pana, samma, kaṃ gacchasi? Tava santikaṃ, sammāti. Kiṃkāraṇāti? Tvaṃ himavantaṃ kena pupphitabhāvaṃ jānāsīti? Na jānāmi, sammāti. Suddhodanamahārājassa putto siddhatthakumāro dasasahassilokadhātuṃ kampetvā paṭividdhasabbaññutaññāno dasasahassacakkavāḷadevatānaṃ majjhe anuttaraṃ dhammacakkaṃ pavattesi. Tassa pavattitabhāvaṃ na jānāsīti? Na jānāmi, sammāti. Tvaṃ ettakameva ṭhānaṃ pupphitanti aññāsi, tassa pana purisassa sakkāratthāya sakaladasasahassacakkavāḷaṃ ekamālāgūlasadisam aḷḷaṃ jātamaṃ sammāti. Mālā tava pupphantu, tayā so satthā akkhīni puretvā diṭṭhoti. Āma, samma, satthā ca me diṭṭho, dhammo ca suto, amataṃca pītaṃ. Ahaṃ “etaṃ amatadhammaṃ tampi jānāpessāmi” ti tava santikaṃ

āgatosmi, sammāti. Tesam aññamaññaṃ kathentānaṃyeva upāsikā sirisayanato uṭṭhāya nisinnā taṃ kathāsallāpaṃ sutvā sadde nimittaṃ gaṇhi. “Ayaṃ saddo uddham, na heṭṭhā, amanussabhāsito, no manussabhāsito”ti sallakkhetvā ohitasotā paggahitamānasā hutvā nisīdi. Tato –

“Ajja pannaraso uposatho (iti sātāgiro yakkho),  
Dibbā ratti upaṭṭhitā;  
Anomanāmaṃ satthāraṃ,  
Handa passāma gotama”nti. (su. ni. 153) –

Evam sātāgirena vutte –

“Kacci mano supaṇihito (iti hemavato yakkho),  
Sabbabhūtesu tādino;  
Kacci iṭṭhe aniṭṭhe ca,  
Sāṅkappaṃ vasiṅkatā”ti. (su. ni. 154);

Evam hemavato satthu kāyasamācāraṇa ājīvaṇa manosamācāraṇa pucchi. Pucchitaṃ pucchitaṃ sātāgiro vissajjesi. Evam satthu sarīraṇaṃ gaṇaṇaṃ kathanavasena hemavatasuttante niṭṭhite hemavato sahāyakassa dhammadesanānusāreṇa ñāṇaṃ pesetvā sotāpattiphale patiṭṭhahi.

Atha, kālī upāsikā, parassa dhamme desīyamāne tathāgataṃ adīṭṭhapubbāva hutvā anussavappasādaṃ uppādetvā parassa vaḍḍhitaṃ bhojanaṃ bhuñjamānā viya sotāpattiphale patiṭṭhāsi. Sā sabbamātugāmānaṃ antare paṭhamakasotāpannā sabbajetṭhikā ahosi. Tassā saha sotāpattibhāvena tameva rattiṃ gabbhavuṭṭhānaṃ jātaṃ, paṭiladdhadārakassa nāmaggaṇaḍḍivase soṇoti nāmaṃ akāsi. Sā yathāruciya kulagehe vasitvā kulaghameva agamāsi.

Tasmiṃ samaye mahākaccānatthero taṃ nagaraṃ upanissāya upavatte pabbate paṭivasati. Upāsikā theram upaṭṭhāti. Thero nibaddham tassā nivesanaṃ gacchati. Soṇadārakopi nibaddham therassa santike vicaranto vissāsiko ahosi. So aparena samayena therassa santike pabbaji. Thero taṃ upasampādetukāmo tīṇi vassāni gaṇaṃ pariyesitvā upasampādesi. So upasampanno kammaṭṭhānaṃ kathāpetvā vipassanaṃ vaḍḍhetvā arahattaṃ patvā therasseva santike suttanipātaṃ uggaṇhitvā vutthavasso pavāretvā satthāraṃ passitukāmo hutvā upajjhāyaṃ āpucchi. Thero āha – “soṇa, tayi gate satthā taṃ ekagandhakuṭiyaṃ vasāpetvā dhammaṃ ajjhessati, tvaṃ dhammaṃ kathessasi. Satthā tava dhammakathāya pasīditvā tuyhaṃ varaṃ dassati. Tvaṃ varaṃ gaṇhanto imaṇca imaṇca gaṇhāhi, mama vacanena dasabalassa pāde vandāhi”ti. So upajjhāyena anuññāto mātuupāsikāya gehaṃ gantvā ārocesi. Sāpi “sādhu, tāta, tvaṃ dasabalaṃ passitum gacchanto imaṃ kambalaṃ āharitvā satthu vasanagandhakuṭiyaṃ bhūmattharaṇaṃ katvā attharāhi”ti kambalaṃ adāsi. Soṇatthero taṃ ādāya senāsanaṃ saṃsāmetvā anupubbena satthu vasanaṭṭhānaṃ gantvā dasabalassa buddhāsane nisinnavelāyameva upasaṅkamitvā abhivādetvā ekamantaṃ aṭṭhāsi. Satthā tena saddhiṃ paṭisanthāraṃ katvā ānandattheraṃ āmantesi – “ānanda, imassa bhikkhussa senāsanaṃ jānāhi”ti. Thero satthu adhippāyaṃ ñatvā antogandhakuṭiyaṃyeva bhūmattharaṇaṃ ussārento viya atthari.

Atha kho bhagavā bahudevarattiṃ ajjhokāse vītināmetvā vihāraṃ pāvīsi, āyasmāpi kho soṇo bahudevarattiṃ ajjhokāse vītināmetvā vihāraṃ pāvīsi. Satthā pacchimayāme sīhaseyyaṃ kappetvā paccūsasamaye vūṭṭhāya nisīditvā “ettakena kālena soṇassa kāyadaratho paṭippassaddho bhavissati”ti ñatvā āyasmantaṃ soṇaṃ ajjhesi – “paṭibhātu taṃ bhikkhu dhammo bhāsitu”nti. Soṇatthero madhurassarena ekabyañjanaṃ avināsento aṭṭhakavaggiyāni suttāni (su. ni. 772 ādayo) abhāsi. Kathāpariyosāne bhagavā sādhuṅkāraṃ datvā “suggahito te bhikkhu dhammo, mayā desitakāle ca ajja ca ekasadisāva desanā, kiñci ūnaṃ vā adhikaṃ vā natthi”ti pasannabhāvaṃ pakāsesi. Soṇattheropi “ayaṃ okāso”ti sallakkhetvā upajjhāyassa vacanena dasabalaṃ vanditvā vinayadharapañcamena gaṇena upasampadaṃ ādiṃ katvā sabbe vare yāci, satthā adāsi. Puna thero mātuupāsikāya vacanena vanditvā

“ayam, bhante, upāsikāya tumhākaṃ vasanagandhakuṭiyam bhūmattharaṇattham kambalo pahito”ti kambalam datvā uṭṭhāyāsanaṃ satthāraṃ vanditvā padakkhiṇaṃ katvā pakkāmi. Ayamettha saṅkhepo, vitthārato pana therassa pabbajjam ādiṃ katvā sabbam sutte āgatameva.

Iti thero satthu santikā aṭṭha vare labhitvā upajjhāyassa santikaṃ gantvā sabbam tam pavattim ārocesi. Punadivase mātuupāsikāya nivesanadvāraṃ gantvā bhikkhāya aṭṭhāsi. Upāsikā “putto kira me dvāre ṭhito”ti sutvā vegena āgantvā abhivādetvā hatthato pattam gahetvā antonivesane nisīdāpetvā bhojanaṃ adāsi. Atha naṃ bhattakiccapariyosāne āha – “diṭṭho te, tāta, dasabalo”ti? Āma upāsiketi. Vandito te mama vacanenāti? Āma vandito, sopi ca me kambalo tathāgatassa vasanaṭṭhāne bhūmattharaṇaṃ katvā atthatotī. Kiṃ, tāta, tayā kira satthu dhammakathā kathitā, satthārā ca te sādhuṅkāro dinnoti? Tayā katham nītaṃ upāsiketi? Tāta, mayham gehe adhivatthā devatā dasabalena tuyham sādhuṅkāraṃ dinnadivase “sakaladasasahassacakkavāḷe devatā sādhuṅkāraṃ adamsū”ti āha – tāta, tayā kathitadhammakathaṃ buddhānaṃ kathitaniyāmeneva mayhampi kathetuṃ paccāsīsāmīti. Thero mātu katham sampaṭicchi. Sā tassa adhivāsaṇaṃ viditvā dvāre maṇḍapaṃ kāretvā dasabalassa kathitaniyāmeneva attano dhammakathaṃ kathāpesīti vatthu ettha samuṭṭhitaṃ. Satthā aparabhāge ariyagaṇamajjhe nisinnō theram kalyāṇavākkaraṇānaṃ aggaṭṭhāne ṭhapesīti.

### Sīvalittheravatthu

**207.** Navame **lābhīnaṃ yadidaṃ sīvalīti** ṭhāpetvā tathāgataṃ lābhīnaṃ bhikkhūnaṃ sīvalitthero aggoti dasseti. Tassa pañhakamme ayamanupubbikathā – ayampi atīte padumuttarabuddhakāle vuttanayeneva vihāraṃ gantvā parisapariyante ṭhito dhammaṃ suṇanto satthāraṃ ekaṃ bhikkhuṃ lābhīnaṃ aggaṭṭhāne ṭhāpentaṃ disvā “mayāpi anāgate evarūpena bhavituṃ vaṭṭatī”ti dasabalaṃ nimantetvā purimanayeneva sattāhaṃ mahādānaṃ datvā “bhagavā ahampi iminā adhiṅkarakamma añaṇaṃ sampattim na patthemī, anāgate pana ekassa buddhassa sāsane ahampi tumhehi so etadagge ṭhāpitabhikkhu viya lābhīnaṃ aggo bhavēyya”nti patthanaṃ akāsi. Satthā anantarāyaṃ disvā “ayam te patthanaṃ anāgate gotamassa buddhassa sāsane samijjhissatī”ti byākaritvā pakkāmi.

Sopi kulaputto yāvajīvaṃ kusalaṃ katvā devamanussesu saṃsaranto vipassībuddhakāle bandhumatīnagarato avidūre ekasmiṃ gāme paṭisandhiṃ gaṇhi. Tasmim samaye bandhumatīnagaravāsino raññā saddhiṃ sākacchitvā sākacchitvā dasabalassa dānaṃ denti. Te ekadivasaṃ sabbeva ekato hutvā dānaṃ dentā “kiṃ nu kho amhākaṃ dānamukhe natthī”ti madhuñca guḷadadhiñca na addasaṃsu. Te “yato kutoci āharissāmā”ti janapadato nagaraṃ pavisanamagge purisaṃ ṭhāpesuṃ. Tadā esa kulaputto attano gāmato guḷadadhivāraṃ gahetvā “kiñcīdeva āharissāmī”ti nagaraṃ gacchanto mukhaṃ dhovitvā “dhotahatthapādo pavisissāmī”ti phāsukaṭṭhānaṃ olovento naṅgalasīsamattaṃ nimmakkhikaṃ daṇḍakamadhuṃ disvā “puñña me idaṃ uppanna”nti gahetvā nagaraṃ pavisati. Nāgarehi ṭhāpitapuriso taṃ disvā, “bho purisa, kassimaṃ āharasī”ti pucchi. Na kassaci sāmī, vikkiṇituṃ pana me idaṃ ānīnti. Tena hi, bho purisa, imaṃ kahāpaṇaṃ gahetvā etaṃ madhuñca guḷadadhiñca dehīti.

So cintesi – “idaṃ na bahumūlaṃ, ayañca ekappahāreneva bahuṃ deti, vīmaṃsituṃ vaṭṭatī”ti. Tato naṃ “nāhaṃ ekakahāpaṇena demī”ti āha. Yadi evaṃ, dve gahetvā dehīti. Dvīhipi na demīti. Etenupāyena vaḍḍhantaṃ vaḍḍhantaṃ sahasaṃ pāpuṇi. So cintesi – “atīañchituṃ na vaṭṭatī, hotu tāva, imassa kattabbakiccaṃ pucchissāmī”ti. Atha naṃ āha – “idaṃ na bahuagghanakaṃ, tvañca bahuṃ desi, kena kamma idaṃ gaṇhāsī”ti? Idha, bho, nagaravāsino raññā saddhiṃ paṭivirujjhivā vipassīdasabalassa dānaṃ dentā idaṃ dvayaṃ dānamukhe apassantā pariyesanti. Sace idaṃ dvayaṃ na labhissanti, nāgarānaṃ parājayo bhavissati. Tasmā sahasaṃ datvā gaṇhāmīti. Kiṃ panetaṃ nāgarānameva vaṭṭatī, na aññesaṃ dātuṃ vaṭṭatīti? Yassa kassaci dātuṃ avāritametanti. Atthi pana te koci nāgarānaṃ dāne ekadivasaṃ sahasaṃ dātāti? Natthi sammāti. Imesaṃ pana dvinnaṃ sahasagghanakabhāvaṃ jānāsīti? Āma jānāmīti. Tena hi gaccha, nāgarānaṃ ācikkha – “eko puriso imāni dve mūlena na deti, sahattheneva dātukāmo, tumhe imesaṃ dvinnaṃ kāraṇā nirussukkā hothā”ti.

Tvaṃ pana me imasmiṃ dānamukhe jeṭṭhakabhāvassa kāyasakkhī hohīti.

So gāmvāsī paribbayatthaṃ gahitamāsakena pañcakaṭukaṃ gahetvā cuṇṇaṃ katvā dadhito kañjiyaṃ vāhetvā tattha madhupaṭalaṃ piḷetvā pañcakaṭukacuṇṇena yojetvā ekasmiṃ paduminipatte pakkhipitvā taṃ saṃvidahitvā ādāya dasabalassa avidūre ṭhāne nisīdi. Mahājanena āhāriyamānassa sakkārassa antare attano pattavāraṃ olokayamāno okāsaṃ ñatvā satthu santikaṃ gantvā “bhagavā ayaṃ mayhaṃ duggatapaṇṇākāro, imaṃ me anukampaṃ paṭicca gaṇhathā”ti. Satthā tassa anukampaṃ paṭicca catumahārājadattiyena selamayena pattena taṃ paṭiggahetvā yathā aṭṭhasaṭṭhibhikkhusatasahassassa diyyamānaṃ na khīyati, evaṃ adhiṭṭhāsi. Sopi kulaputto niṭṭhitabhattakiccaṃ bhagavantam abhivādetvā ekamantaṃ ṭhito āha – “diṭṭho me bhagavā ajja bandhumatīnagaravāsikehi tumhākaṃ sakkāro āhāriyamāno, ahampi imassa kamma nissandena nibbattanibbattabhava lābhaggayasaggappatto bhaveyya”nti. Satthā “evaṃ hotu kulaputtā”ti vatvā tassa ca nagaravāsīnaṃca bhattānumodanaṃ katvā pakkāmi.

Sopi kulaputto yāvajīvaṃ kusalaṃ katvā devamanussesu saṃsaranto imasmiṃ buddhuppāde suppvāsāya rājadhītāya kucchismiṃ paṭisandhiṃ gaṇhi. Paṭisandhiggahaṇato paṭṭhāya sāyaṃ pātaṇca paṇṇākārasatāni pāpuṇanti, suppvāsā sampattiṃ gacchati. Atha naṃ puñṇavīmaṃsanatthaṃ hatthena bījapacchiṃ phusāpentī, ekekaḍḍhato salākasatampi salākasahassampi nigacchati. Ekakarīsakhattato pañṇāsampi saṭṭhipi sakaṭāni uppajjanti. Koṭṭhapūraṇakālepi koṭṭhadvāraṃ hatthena phusāpentī, rājadhītāya puñṇena gaṇhantānaṃ gahitagahitaṭṭhānaṃ puna pūrati. Paripuṇṇabhattakumbhitopi “rājadhītāya puñṇa”nti vatvā yassa kassaci dentānaṃ yāva na ukkaḍḍhanti, na tāva bhattaṃ khīyati. Dārake kucchigateyeva satta vassāni atikkamiṃsu.

Gabbhe pana paripakke sattāhaṃ mahādukkhaṃ anubhosi. Sā sāmikaṃ āmantetvā “pure maraṇā jīvamānāva dānaṃ dassāmī”ti satthu santikaṃ pesesi – “gaccha imaṃ pavattiṃ satthu ārocetvā satthāraṃ nimantehi, yaṅca satthā vadeti, taṃ sādhukaṃ upalakkhetvā āgantvā mayhaṃ kathehi”ti. So gantvā tassā sāsanaṃ bhagavato ārocesi. Satthā “sukhinī hotu suppvāsā koliyadhītā, sukhinī arogā arogaṃ puttaṃ vijāyatū”ti āha. Rājā taṃ sutvā bhagavantam abhivādetvā antogāmābhimukho pāyāsi. Tassa pure āgamaṇāyeva suppvāsāya kucchito dhamakaraṇā udakaṃ viya gabbho nikkhami, parivāretvā nisinnajano assumukhova hasitum āraddho. Haṭṭhatuṭṭho mahājano rañño puttāsānaṃ ārocetum agamāsi.

Rājā tesam iṅgitaṃ disvāva “dasabalena kathitakathā nipphannā mañṇe”ti cintesi. So āgantvā satthu sāsanaṃ rājadhītāya ārocesi. Rājadhītā “tayā nimantitaṃ jīvitabhattameva maṅgalabhattaṃ bhavissati, gaccha sattāhaṃ dasabalaṃ nimantehi”ti. Rājā tathā akāsi. Sattāhaṃ buddhappamukhassa bhikkhusaṅghassa mahādānaṃ pavattayiṃsu. Dārako sabbesaṃ ñātīnaṃ santattacittaṃ nibbāpento jātoti **sīvalidārakot**vevassa nāmaṃ akaṃsu. So satta vassāni gabbhe vasitattā jātakālato paṭṭhāya sabbakammakkhamo ahoṣi. Dhammasenāpati sārīputto sattame divase tena saddhiṃ kathāsallāpaṃ akāsi. Satthāpi dhammapade gāthaṃ abhāsi –

“Yomaṃ palipathaṃ duggaṃ, saṃsāraṃ mohamaccagā;  
Tiṇṇo pāraṅgato jhāyī, anejo akathaṃkathī;  
Anupādāya nibbuto, tamahaṃ brūmi brāhmaṇa”nti. (dha. pa. 414);

Atha naṃ thero evamāha – “kiṃ pana tayā evarūpaṃ dukkharāsiṃ anubhavitvā pabbajitum na vaṭṭatī”ti? Labhamāno pabbajeyyaṃ, bhanteti. Suppvāsā taṃ dārakaṃ therena saddhiṃ kathentaṃ disvā “kiṃ nu kho me putto dhammasenāpatinā saddhiṃ kathetī”ti theram upasaṅkamitvā pucchi – “mayhaṃ putto tumhehi saddhiṃ kiṃ katheti, bhadante”ti? Attanā anubhūtaṃ gabbhavasādukkhaṃ kathetvā tumhehi anuñṇāto pabbajissāmīti vadatīti. Sādhu, bhante, pabbājetha nanti. Thero taṃ vihāraṃ netvā tacapaṇcakakammaṭṭhānaṃ datvā pabbājento, “sīvali, na tuyhaṃ añṇena ovādena kammaṃ atthi, tayā satta vassāni anubhūtaḍḍhameva paccavekkhāhi”ti. Bhante, pabbājanameva tumhākaṃ bhāro,

yaṃ pana mayā kātum sakkā, tamahaṃ jānissāmīti. So paṭhamakesavaṭṭiyā ohāritakkhaṇeyeva sotāpattiphale patiṭṭhāsi, dutiyāya ohāritakkhaṇe sakadāgāmiphale, tatiyāya anāgāmiphale. Sabbesaṃyeva pana kesānaṃ oropanaṃca arahattasacchikiriyā ca apacchā apurimā ahoṣi. Tassa pabbajitadivasato paṭṭhāya bhikkhusaṅghassa cattāro paccayā yadicchakaṃ uppajjanti. Evaṃ ettha vatthu samuṭṭhitam.

Aparabhāge satthā sāvattim agamāsi. Thero satthāraṃ abhivādetvā, “bhante, mayhaṃ puññaṃ vīmaṃsissāmi, pañca me bhikkhusatāni dethā”ti āha. Gaṇha, sīvalīti. So pañcasate bhikkhū gahetvā himavantābhimukhaṃ gacchanto aṭavimaggaṃ gacchati. Tassa paṭhamaṃ diṭṭhā nigrodhe adhivatthā devatā satta divasāni dānaṃ adāsi. Iti so –

“Nigrodhaṃ paṭhamaṃ passi, dutiyaṃ paṇḍavapabbataṃ;  
Tatiyaṃ aciravatiyaṃ, catutthaṃ varasāgaraṃ.

“Pañcamaṃ himavantaṃ so, chaṭṭhaṃ chaddantupāgami;  
Sattamaṃ gandhamādanaṃ, aṭṭhamaṃ atha revata”nti.

Sabbaṭṭhānesu satta satta divasāneva dānaṃ adāsu. Gandhamādanapabbate pana nāgadattadevarājā nāma sattadivasesu ekadivasaṃ khīraṇḍapātāṃ adāsi, ekadivasaṃ sappiṇḍapātāṃ adāsi. Bhikkhusaṅgho āha – “āvuso, imassa devarāṇṇo neva dhenuyo duyhamānā paññāyanti, na dadhinimathanaṃ, kuto te, devarāja, imaṃ uppajjati”ti? “Bhante, kassapadasabalassa kāle khīrasalākabhattadānassetam phala”nti devarājā āha. Aparabhāge satthā khadiravaniyarevatassa paccuggamaṃ aṭṭhuppattim katvā theram attano sāsane lābhaggayasaggappattānaṃ aggaṭṭhāne ṭhapesīti.

### Vakkalītheravatthu

**208.** Dasame **saddhādhimuttānanti** saddhāya adhimuttānaṃ, balavasaddhānaṃ bhikkhūnaṃ vakkalīthero aggoti dasseti. Aññesaṃ hi saddhā vaḍḍhetabbā hoti, therassa pana hāpetabbā jātā. Tasmā so saddhādhimuttānaṃ aggoti vutto. **Vakkalīti** panassa nāmaṃ.

Tassa pañhakamme ayamanupubbikathā – ayampi hi atīte padumuttarabuddhakāle vuttanayeneva vihāraṃ gantvā parisapariyante ṭhito dhammaṃ suṇanto satthāraṃ ekaṃ bhikkhuṃ saddhādhimuttānaṃ aggaṭṭhāne ṭhapentaṃ disvā “mayāpi anāgate evarūpena bhavitum vaṭṭati”ti vuttanayeneva satthāraṃ nīmantevā sattāhaṃ mahādānaṃ datvā dasabalaṃ vanditvā, “bhante, ahampi iminā adhiḱārakamma tumhehi saddhādhimuttānaṃ etadagge ṭhapitabhikkhu viya anāgate ekassa buddhassa sāsane saddhādhimuttānaṃ aggo bhaveyya”nti patthanaṃ akāsi. Satthā tassa anantarāyaṃ disvā byākaritvā pakkāmi.

Sopi yāvajīvaṃ kusalaṃ katvā devamanussesu saṃsaranto amhākaṃ satthukāle sāvattiyaṃ brāhmaṇakule paṭisandhiṃ gaṇhi, vakkalītiṃ nāmaṃ akāsu. So vuddhippatto tayo vede uggaṇhitvā dasabalaṃ bhikkhusaṅghaparivutaṃ sāvattiyaṃ carantaṃ disvā satthu sarīrasampattim olovento sarīrasampattidassanena atitto dasabalena saddhiṃyeva vicarati. Vihāraṃ gacchantena saddhiṃ vihāraṃ gantvā sarīranipphattim olokontova tiṭṭhati. Dhammasabhāyaṃ nisīditvā dhammaṃ kathentassa sammukhaṭṭhāne ṭhito dhammaṃ suṇāti. So saddhaṃ paṭilabhitvā “agāramajjhe vasanto nibaddhaṃ dasabalassa dassanaṃ na labhissāmī”ti pabbajjaṃ yācitvā satthu santike pabbaji.

Tato paṭṭhāya ṭhapetvā āhāraṇavelaṃ avasesakāle yattha ṭhitena sakkā dasabalaṃ passitum, tattha ṭhito yonisomanasikāraṃ pahāya dasabalaṃ olokontova viharati. Satthā tassa nānaparipākaṃ āgamento dīghampi addhānaṃ tasmim rūpadassanavaseneva vicarante kiñci avatvā “idānissa nānaṃ paripākagataṃ, sakkā etaṃ bodhetu”nti nītvā evamāha – “kiṃ te, vakkali, iminā pūtikāyena diṭṭhena,



yo kho, vakkali, dhammaṃ passati, so maṃ passati. Yo maṃ passati, so dhammaṃ passati. Dhammañhi, vakkali, passanto maṃ passati, maṃ passanto dhammaṃ passati’ ti.

Satthari evaṃ ovaḍantepi thero dasabalassa dassanaṃ pahāya neva aññattha gantuṃ sakkoti. Tato satthā “nāyaṃ bhikkhu saṃvegaṃ alabhitvā bujjhissati” ti upakaṭṭhāya vassūpanāyikāya rājagahaṃ gantvā vassūpanāyikadivase “apehi, vakkali” ti therāṃ paṇāmeti. Buddhā ca nāma ādeyyavacanā honti, tasmā thero satthāraṃ paṭippharivā ṭhātuṃ asakkonto temāsaṃ dasabalassa sammukhe āgantuṃ avisahanto “kiṃ dāni sakkā kātuṃ, tathāgatenamhi paṇāmito, sammukhībhāvaṃ na labhāmi, kiṃ mayhaṃ jīvitena” ti gijjhakūṭapabbate papātaṭṭhānaṃ abhiruhi. Satthā tassa kilamanabhāvaṃ ñatvā “ayaṃ bhikkhu mama santikā assāsaṃ alabhanto maggaphalānaṃ upanissayaṃ nāseyyā” ti attānaṃ dassetuṃ obhāsaṃ vissajjesi. Athassa satthu diṭṭhakālato paṭṭhāya eva mahantaṃ sokasallaṃ pahīnaṃ. Satthā sukkhataḷāke oghaṃ āharanto viya vakkalitherassa balavapītisomanassaṃ uppādetuṃ dhammapade imaṃ gāthamāha –

“Pāmojjabahulo bhikkhu, pasanno buddhasāsane;  
Adhigacche padaṃ santaṃ, saṅkhārūpasamaṃ sukha” nti. (dha. pa. 381);

Vakkalitherassa ca “ehi, vakkali” ti hatthaṃ pasāresi. Thero “dasabalo me diṭṭho, ehī avhāyanampi laddha” nti balavapītiṃ uppādetvā “kuto gacchāmi” ti attano gamanabhāvaṃ ajānitvāva dasabalassa sammukhe ākāse pakkhandivā paṭhamapādena pabbate ṭhitoyeva satthārā vuttagāthaṃ āvajjento ākāseyeva pītiṃ vikkhambhetvā saha paṭisambhidāhi arahattaṃ patvā tathāgataṃ vandamānova otari. Aparabhāge satthā ariyagaṇamajjhe nisinno therāṃ saddhādhimuttānaṃ aggaṭṭhāne ṭhapesīti.

Dutiyavaggavaṇṇanā.

## 14. Etadaggavaggo

### (14) 3. Tatiyaetadaggavaggo

**209.** Tatiyavaggassa paṭhame **sikkhākāmānanti** tisso sikkhā kāmayamānānaṃ sampiyāyivā sikkhantānanti attho. **Rāhuloti** attano puttaṃ rāhulatheraṃ dasseti. Thero kira pabbajitadivasato paṭṭhāya pātova utṭhahanto hatthapūraṃ vālikaṃ ukkhipivā “aho vatāhaṃ ajja dasabalassa ceva ācariyupajjhāyānañca santikā ettakaṃ ovādañceva anusāsaniñca labheyya” nti pattheti. Tasmā sikkhākāmānaṃ aggo nāma jātoti.

**210.** Dutīye **saddhāpabbajitānanti** saddhāya pabbajitānaṃ. **Raṭṭhapāloti** raṭṭhaṃ pāletuṃ samattho, bhinnaṃ vā raṭṭhaṃ sandhāretuṃ samatthe kule jātotipi raṭṭhapāloti saṅkhaṃ gato. So hi satthu dhammadesanaṃ sutvā paṭiladdhasaddho cuddasabhattacchede katvā mātāpitaro pabbajjaṃ anujānāpetvā pabbajito. Tasmā saddhāpabbajitānaṃ aggo nāma jāto.

### Rāhula-raṭṭhapālattheravatthu

Imesaṃ pana ubhinnaṃpi therānaṃ pañhakamme ayamanupubbikathā – ete kira dvepi atīte padumuttarabuddhakāle haṃsavatīnagare gahapatimahāsālakule nibbattiṃsu. Tesāṃ daharakāle nāmaṃ vā gottaṃ vā na kathiyati. Vayappattā pana gharāvāse patiṭṭhāya attano attano pitu accayena ubhopi attano attano ratanakoṭṭhāgarakammike pakkosāpetvā aparimānaṃ dhanam diṅsvā – “imaṃ ettakaṃ dhanarāsiṃ ayyakapayyakādayo attanā saddhiṃ gahetvā gantuṃ nāsakkhiṃsu, amhehi dāni yena kenaci upāyena imaṃ dhanam gahetvā gantuṃ vaṭṭati” ti te ubhopi janā catūsu ṭhānesu kapaṇaddhikādīnaṃ mahādānaṃ dātuṃ āraddhā. Eko attano dānagge āgatāgatajanaṃ pucchitvā yāgukhajjakādīsu yassa yaṃ paṭibhāti, tassa taṃ adāsi, tassa teneva kāraṇena āgatapākotī nāmaṃ jātaṃ. Itaro apucchitvāva

gahitagahitabhājanam pūretvā pūretvā deti, tassapi teneva kāraṇena anaggapākoti nāmaṃ jātam, appamāṇapākoti attho.

Te ubhopi ekadivasam pātova mukhadhovanattham bahigāmaṃ agamaṃsu. Tasmim samaye himavantato dve mahiddhikā tāpasā bhikkhācārathāya ākāsenā āgantvā tesam sahāyakānaṃ avidūre otarivā “mā no ete passimsū”ti ekapasse atthamṃsu. Te ubhopi janā tesam lābubhājanādiparikkhāraṃ samvidhāya antogāmaṃ sandhāya bhikkhāya gatānaṃ santikaṃ āgamma vandimsu. Atha ne tāpasā “kāya velāya āgatatha mahāpuñña”ti āhamṃsu. Te “adhunāva, bhante”ti vatvā tesam hatthato lābubhājanaṃ gahetvā attano attano gehaṃ netvā bhattakiccapariyosāne nibaddham bhikkhāgahaṇattham paṭiññaṃ gaṇhiṃsu.

Tesu eko tāpaso sapaṇiḷāhakāyadhātuko hoti. So attano ānubhāvena mahāsamuddaudakaṃ dvedhā katvā pathavindharanāgarājassa bhavanaṃ gantvā divāvihāraṃ nisīdati. So utusappāyaṃ gahetvā paccāgantvā attano upaṭṭhākassa gehe bhattānumodanaṃ karonto “pathavindharanāgabhavanaṃ viya hotū”ti vadati. Atha naṃ ekadivasam upaṭṭhāko pucchi – “bhante, tumhe anumodanaṃ karontā ‘pathavindharanāgabhavanaṃ viya hotū’ti vadatha, mayamassa attham na jānāma, kiṃ vuttaṃ hoti idaṃ, bhante”ti? Āma, kuṭumbiya ahaṃ “tumhākaṃ sampatti pathavindharanāgarājasampattisadisā hotū”ti vadāmīti. Kuṭumbiko tato paṭṭhāya pathavindharanāgarājabhavane cittaṃ ṭhapesi.

Itaro tāpaso tāvatimsabhavanaṃ gantvā suññe serisakavimāne divāvihāraṃ karoti. So āgacchanto gacchanto ca sakkassa devarājassa sampattiṃ disvā attano upaṭṭhākassa anumodanaṃ karonto “sakkavimānaṃ viya hotū”ti vadati. Atha naṃ sopi kuṭumbiyo itaro sahāyako taṃ tāpasam viya pucchi. So tassa vacanaṃ sutvā sakkabhavane cittaṃ ṭhapesi. Te ubhopi patthitaṭṭhānesuyeva nibbattā.

Pathavindharabhavane nibbatta pathavindharanāgarājā nāma jāto. So nibbattakkhaṇe attano attabhāvaṃ disvā “amanāpassa vata me ṭhānassa kulupakatāpaso vaṇṇam kathesi, urena parisakkitvā vicaraṇaṭṭhānametaṃ, nūna so aññaṃ ṭhānaṃ na jānāti”ti vippaṭisārī ahoṣi. Athassa taṃkhaṇeyeva alaṅkatapaṭiyattāni nāganāṭakāni sabbadisāsu tūriyāni paggaṇhiṃsu. So tasmimyeva khaṇe taṃ attabhāvaṃ vijahitvā māṇavakavaṇṇī ahoṣi. Anvaddhamāsaṅca cattāro mahārājāno sakkassa upaṭṭhānaṃ gacchanti. Tasmā sopi virūpakkhena nāgarañña saddhiṃ sakkassa upaṭṭhānaṃ gato. Sakko taṃ dūratova āgacchantaṃ disvā sañjāni. Atha naṃ samīpe āgantvā ṭhitakāle “kahaṃ nibbattosi sammā”ti pucchi. Mā kathesi, mahārāja, urena parisakkanatthāne nibbattomhi, tumhe pana kalyāṇamittaṃ labhitthāti. Samma, tvam “atthāne nibbattomhī”ti mā vitakkayi, padumuttaradasabalo loke nibbatta, tassa adhikārakammaṃ katvā imaṃyeva ṭhānaṃ patthehi, ubho sukhaṃ vasissāmāti. So “evaṃ, deva, karissāmī”ti gantvā padumuttaradasabalaṃ nimantevā attano nāgabhavane nāgaparīsāya saddhiṃ sabbarattiṃ sakkārasammānaṃ sajjesi.

Satthā punadivase utthite aruṇe attano upaṭṭhākaṃ sumanattheraṃ āmantesi – “sumana, aṇṇa tathāgato dūraṃ bhikkhācāraṃ gamissati, mā puthujjanabhikkhū āgacchantu, teṭṭakā paṭisambhidāpattā chaḷabhiññaṃ āgacchantū”ti. Thero satthu vacanaṃ sutvā sabbesaṃ ārocesi. Satthārā saddhiṃ satasahassā bhikkhū ākāsaṃ pakkhandimsu. Pathavindharo nāgaparīsāya saddhiṃ dasabalassa paccuggamaṃ āgato satthāraṃ parivāretvā samuddamatthake maṇivaṇṇā ūmiyo maddamānaṃ bhikkhusaṅghaṃ oloketvā ādito satthāraṃ, pariyoṣāne saṅghanavakaṃ tathāgatassa puttaṃ uparevatasāmaṇeraṃ nāma oloketto “anacchariyo sesasāvakaṃ evarūpo iddhānubhāvo, imassa pana taruṇabālādāraṃ evarūpo iddhānubhāvo ativiya acchariyo”ti pītipāmojjaṃ uppādesi.

Athassa bhavane dasabale nisinne sesabhikkhūsu koṭīto paṭṭhāya nisīdantesu satthu sammukhaṭṭhāneyeva uparevatasāmaṇerassa āsanaṃ pāpuṇi. Nāgarājā yāguṃ dentopi khajjakaṃ dentopi sakiṃ dasabalaṃ oloketi, sakiṃ uparevatasāmaṇeraṃ. Tassa kira sarīre satthu sarīre viya dvattiṃsa mahāpurisalakkhaṇāni paññāyanti. Tato nāgarājā “ayaṃ sāmaṇero buddhānaṃ sadiso paññāyati, kiṃ nu kho hoti”ti avidūre nisinnaṃ aññataraṃ bhikkhuṃ pucchi – “ayaṃ, bhante,

sāmaṇero dasabalassa kiṃ hotī”ti? Putto, mahārājāti. So cintesi – “mahā vatāyaṃ bhikkhu, evarūpassa sobhaggappattassa tathāgatassa puttabhāvaṃ labhi. Sarīrampissa ekadesena buddhānaṃ sarīrasadisāṃ paññāyati, mayāpi anāgate evarūpena bhavituṃ vaṭṭatī”ti sattāhaṃ mahādānaṃ datvā, “bhante, ahaṃ imassa adhikārakamassānubhāvena ayaṃ uparevato viya anāgate ekassa buddhassa putto bhaveyya”nti patthanaṃ akāsi. Satthā anantarāyaṃ disvā “anāgate gotamabuddhassa putto bhavissasi”ti byākaritvā pakkāmi.

Pathavindharopi puna addhamāse sampatte virūpakkhena saddhiṃ sakkassa upaṭṭhānaṃ gato. Atha naṃ samīpe ṭhitaṃ sakko pucchi – “patthito te, samma, ayaṃ devaloko”ti? Na patthito mahārājāti. Kiṃ dosaṃ addasāti? Doso natthi, mahārāja, ahaṃ pana dasabalassa puttaṃ uparevatasāmaṇeraṃ passim. Tassa me diṭṭhakālato paṭṭhāya aññattha cittaṃ na nami, svāhaṃ “anāgate ekassa buddhassa evarūpo putto bhaveyya”nti patthanaṃ akāsim. Tvampi, mahārāja, ekaṃ patthanaṃ karohi, te mayā nibbattaṭṭhāne na vinā bhavissāmāti. Sakko tassa vacanaṃ sampaṭicchitvā ekaṃ mahānubhāvaṃ bhikkhuṃ disvā “katarakulā nu kho nikkhamitvā ayaṃ kulaputto pabbajito”ti āvajjento “ayaṃ bhinnaṃ raṭṭhaṃ sandhāretuṃ samatthassa kulassa putto hutvā cuddasa bhattacchede katvā mātāpitaro pabbajjaṃ anujānāpetvā pabbajito”ti aññāsi. Natvā ca pana ajānanto viya dasabalaṃ pucchitvā sattāhaṃ mahāsakkāraṃ katvā, “bhante, ahaṃ imassa kalyāṇakamassa nissandena tumhākaṃ sāsane ayaṃ kulaputto viya anāgate ekassa buddhassa sāsane saddhāpabbajitānaṃ aggo bhaveyya”nti patthanaṃ akāsi. Satthā anantarāyaṃ disvā “tvaṃ, mahārāja, anāgate gotamassa buddhassa sāsane saddhāpabbajitānaṃ aggo bhavissasi”ti byākaritvā pakkāmi. Sakkopi attano devapurameva gato.

Te ubhopi nibbattaṭṭhānato cavitvā devamanussesu saṃsaranā anekasahassakappe atikkamiṃsu. Ito pana dvānavutikappamatthake phusso nāma buddho loke udapādi. Tassa pitā mahindo nāma rājā ahoṣi, vemātikā tayo kaniṭṭhabhātaro. Rājā divase divase “mayhamyeva buddho mayhaṃ dhammo mayhaṃ saṅgho”ti mamāyanto sayameva dasabalaṃ nibaddhaṃ bhojanaṃ bhojeti.

Athassa ekadivasaṃ paccanto kupito. So putte āmantesi – “tātā, paccanto kupito, tumhehi vā mayā vā gantabbaṃ. Yadi ahaṃ gacchāmi, tumhehi iminā niyāmena dasabalo paricaritabbo”ti. Te tayopi ekappahārenea āhaṃsu – “tātā, tumhākaṃ gamanakkiccaṃ natthi, mayā core vidhamissāmā”ti pitaraṃ vanditvā paccantaṃ gantvā core vidhamitvā vijitasāṅgāmā hutvā nivattiṃsu. Te antarāmagge pādāmūlikehi saddhiṃ mantayimṃsu – “tātā, amhākaṃ gatakkhaṇeyeva pitā varaṃ dassati, kataraṃ varaṃ gaṇhāmā”ti? Ayyā, tumhākaṃ pitu accayena dullabhaṃ nāma natthi, tumhākaṃ pana jeṭṭhabhātikaṃ phussabuddhaṃ paṭijagganavaraṃ gaṇhathā”ti āhaṃsu. Te “kalyāṇaṃ tumhehi vutta”nti sabbepi ekacittā hutvā gantvā pitaraṃ addasaṃsu. Tadā pitā tesāṃ pasīditvā varaṃ adāsi. Te “temāsaṃ tathāgataṃ paṭijaggissāmā”ti varaṃ yāciṃsu. Rājā “ayaṃ dātuṃ na sakkā, aññaṃ varaṃ gaṇhathā”ti āha. Tātā, amhākaṃ aññena varena kiccaṃ natthi, sace tumhe dātukāmā, etaṃyeva no varaṃ dethāti. Rājā tesu punappunaṃ kathentesu attanā paṭiññātattā “na sakkā na dātu”nti cintetvā āha – “tātā, ahaṃ tumhākaṃ varaṃ demi, apica kho pana buddhā nāma durāsadā honti sīhā viya ekacarā, dasabalaṃ paṭijaggantā appamatā bhaveyyāthā”ti.

Te cintayimṃsu – “amhehi tathāgataṃ paṭijaggantehi anucchavikaṃ katvā paṭijaggituṃ vaṭṭatī”ti sabbepi ekacittā hutvā dasasilāni samādāya nirāmagandhā hutvā satthu dānaggaparivahanake tayo purise ṭhapayimṃsu. Tesu eko dhanadhaññuppādako ahoṣi, eko māpako, eko dānasaṃvidhāyako. Tesu dhanadhaññuppādako paccuppanne bimbisāro mahārājā jāto, māpako visākho upāsako, dānasaṃvidhāyako raṭṭhapālatheroti. So tattha yāvajīvaṃ kusalaṃ katvā devapure nibbatto. Ayaṃ pana rāhulathero nāma kassapadasabalassa kāle kikissa kāsirañño jeṭṭhaputto hutvā nibbatti, pathavindharakumārōtissa nāmaṃ akaṃsu. Tassa satta bhaginiyo ahesuṃ. Tā dasabalassa satta pariveṇāni kārayimṃsu. Pathavindharo oparajjaṃ labhi. So tā bhaginiyo āha – “tumhehi kāritapariveṇesu mayhampi ekaṃ dethā”ti. Bhātika, tumhe uparājāṭṭhāne ṭhitā, tumhehi nāma amhākaṃ dātappaṃ, tumhe aññaṃ pariveṇaṃ karothāti. So tāsāṃ vacanaṃ sutvā pañca vihārasatāni kāresi. Pañca pariveṇasatānītipi vadanti. So tattha yāvajīvaṃ kusalaṃ katvā devapure nibbatti. Imasmiṃ pana

buddhuppāde pathavindharakumāro amhākaṃ bodhisattassa aggamahesiyā kucchismiṃ paṭisandhiṃ gaṇhi, tassa sahāyako kururaṭṭhe thullakoṭṭhitanigame raṭṭhapālasetṭhigehe nibbatti.

Atha amhākaṃ dasabalo abhisambodhiṃ patvā pavattitavaradhammacakko anupubbena kapilavatthuṃ āgantvā rāhulakumāraṃ pabbājesi. Tassa pabbajjāvidhānaṃ pāḷiyaṃ (mahāva. 105) āgatameva. Evaṃ pabbajitassa panassa satthā abhiṇṇhaovādavasena rāhulovādasuttaṃ abhāsi. Rāhulopi pātova vuṭṭhāya hatthena vālukaṃ ukkhipitvā “dasabalassa ceva ācariyupajjhāyānañca santikā ajja ettakaṃ ovādaṃ labheyya”nti vadati. Bhikkhusaṅghamajjhe kathā udapādi “ovādakkhamo vata rāhulasāmaṇero pitu anucchaviko putto”ti. Satthā bhikkhūnaṃ cittācāraṃ ñatvā “mayi gate ekā dhammadesanā ca vaḍḍhissati, rāhulassa ca guṇo pākaṭo bhavissati”ti gantvā dhammasabhāyaṃ buddhāsāne nisinnō bhikkhū āmantesi – “kāya nuttha, bhikkhave, etarahi kathāya sannisinnā”ti. Rāhulasāmaṇerassa ovādakkhamabhāvaṃ kathema bhagavāti. Satthā imasmimṃ ṭhāne ṭhatvā rāhulassa guṇadīpanatthaṃ migajātakaṃ āharitvā kathesi –

“Migaṃ tipallatthamanekamāyaṃ,  
Aṭṭhakkhuraṃ aḍḍharattā papāyiṃ;  
Ekena sotena chamā’ssanto,  
Chahi kalāhitibhoti bhāgineyyo”ti. (jā. 1.1.16);

Athassa sattavassikasāmaṇerakāle “mā heva kho rāhulo daharabhāvena kīlanatthāyapi sampajānamusā bhāseyyā”ti ambalaṭṭhiyarāhulovādaṃ (ma. ni. 2.107 ādayo) desesi. Aṭṭhārasavassikasāmaṇerakāle tathāgatassa pacchato piṇḍāya pavasantassa satthu ceva attano ca rūpasampattiṃ disvā gehasitaṃ vitakkaṃ vitakkentassa “yaṃkiñci, rāhula, rūpa”ntiadinā nayena mahārāhulovādasuttantaṃ (ma. ni. 2.113) kathesi. Saṃyuttake (saṃ. ni. 4.121) pana rāhulovādopi aṅguttare (a. ni. 4.177) rāhulovādopi therassa vipassanācāroyeva. Athassa satthā ñāṇapariṇāmaṃ ñatvā avassikabhikkhukāle andhavane nisinnō cūlarāhulovādaṃ (ma. ni. 3.416 ādayo) kathesi. Desanāpariyosāne rāhulathero koṭisatasahassadevatāhi saddhiṃ arahattaṃ pāpuṇi, sotāpannasakadāgāmanāgāmidēvatānaṃ gaṇanā natthi. Atha satthā aparabhāge ariyasaṅghamajjhe nisinnō theramṃ imasmimṃ sāsane sikkhākāmaṇaṃ aggaṭṭhāne ṭhapesi.

Satthari pana kururaṭṭhe cārikāya nikkhamitvā thullakoṭṭhitaṃ anuppatte raṭṭhapālo kulaputto satthu dhammadesanaṃ sutvā paṭiladdhasaddho mātāpitaro anujānāpetvā dasabalaṃ upasaṅkamtivā satthu āṇattiyā aññatarassa therassa santike pabbajī. Tassa pabbajitadivasato paṭṭhāya seṭṭhigahapati bhikkhū attano nivesanadvārena gacchante disvā “kiṃ tumhākaṃ imasmimṃ gehe kammaṃ, ekova puttako ahoṣi, taṃ gaṇhitvā gatatta, idāni kiṃ karissathā”ti akkosati paribhāsati. Satthā addhamāsaṃ thullakoṭṭhite vasitvā puna sāvattameva agamāsi. Tattāyasmā raṭṭhapālo yoniso manasikaronto kammaṃ katvā vipassanaṃ vaḍḍhetvā arahattaṃ pāpuṇi. So satthāraṃ anujānāpetvā mātāpitaro dassanatthaṃ thullakoṭṭhitaṃ gantvā tatha sapadānaṃ piṇḍāya caranto pitu nivesane ābhidosikaṃ kummāsaṃ labhitvā taṃ amataṃ viya paribhuñjanto pitarā nimantito adhvāsetvā dutiyadvāse pitu nivesane piṇḍapātaṃ paribhuñjitvā alaṅkatapaṭiyatte itthijane asubhasaññaṃ uppādetvā ṭhitakova dhammaṃ desetvā jiyā mutto viya nārāco ākāsaṃ uppatitvā korabyarañño migacīraṃ gantvā maṅgalasilāpaṭṭe nisinnō dassanatthāya āgatassa rañño catupārijuññaṃ paṭimaṇḍitaṃ dhammaṃ (ma. ni. 2.304) desetvā anupubbena cārikaṃ caramāno puna satthu santikaṃyeva āgato. Evametamṃ vatthu samuṭṭhitaṃ. Atha satthā aparabhāge ariyagaṇamajjhe nisinnō theramṃ imasmimṃ sāsane saddhāpabbajitānaṃ kulaputtānaṃ aggaṭṭhāne ṭhapesīti.

### Kuṇḍadhānattheravatthu

**211.** Tatiye paṭṭhamaṃ salākaṃ gaṇhantānanti sabbapaṭṭhamaṃ salākagāhakaṇaṃ bhikkhūnaṃ kuṇḍadhānatthero aggoti dasseti. So kira thero mahāsubhaddāya nimantitadvāse tathāgate uggaṇagaraṃ gacchante “ajja satthā dūraṃ bhikkhācāraṃ gamissati, puthujjanā salākaṃ mā gaṇhantu, pañcasatā

khīṇāsavāva gaṇhantū’’ti vutte paṭhamameva sīhanādaṃ nadvā salākaṃ gaṇhi. Cūḷasubhaddāya nimantitadvase tathāgate sāketam gacchantepi pañcannaṃ bhikkhusatānaṃ antare paṭhamameva salākaṃ gaṇhi, sunāparantajanapadaṃ gacchantepi. Imehi kāraṇehi thero paṭhamam salākaṃ gaṇhantānaṃ aggo nāma jāto. **Kuṇḍadhānoti** panassa nāmaṃ.

Tassa pañhakamme ayamanupubbikathā – ayaṃ kira padumuttarabuddhakāle hamsavatīnagare kulagehe nibbato vuttanayeneva vihāraṃ gantvā dhammaṃ suṇanto satthāraṃ ekaṃ bhikkhuṃ paṭhamam salākaṃ gaṇhantānaṃ aggaṭṭhāne ṭhapentaṃ disvā buddhānaṃ adhikārakammaṃ katvā taṃ ṭhānantaram patthetvā satthārā anantarāyaṃ disvā byākato yāvajīvaṃ kusalaṃ katvā devesu ca manussesu ca saṃsaranto kassapabuddhakāle bhūmaṭṭhakadevatā hutvā nibbatti. Dīghāyukabuddhānañca nāma na anvaddhamāsiko uposatho hoti. Vipassīdasabalassa hi chabbassantare chabbassantare uposatho ahoṣi, kassapadasabalassa pana chaṭṭhe chaṭṭhe māse pātimokkhaṃ osāresi. Tassa pātimokkhaṃ osāraṇakāle disāvāsikā dve saḥāyakā bhikkhū ‘‘uposatham karissāmā’’ti gacchanti. Ayaṃ bhummadevatā cintesi – ‘‘imesaṃ dvinnam bhikkhūnaṃ metti ativiya daḷhā, kiṃ nu kho bhedake sati bhijjeyya, na bhijjeyyā’’ti? Tesam okāsam olokayamānā tesam avidūrenea gacchati.

Atheko thero ekassa hatthe pattacīvaraṃ datvā sarīraṇaṃ janattham udakaphāsukaṭṭhānaṃ gantvā dhotahatthapādo hutvā gumbasabhāgato nikkhamati. Bhummadevatā tassa therassa pacchato pacchato uttamarūpā itthī hutvā kese vidhunitvā saṃvidhāya bandhantī viya piṭṭhito paṃsum puñchamānā viya sātakaṃ saṃvidhāya nivāsayaṃ nāma viya ca hutvā therassa padānupadikā hutvā gumbato nikkhantā. Ekamante ṭhito saḥāyakatthero imaṃ kāraṇam disvā domanassajāto ‘‘naṭṭho dāni me iminā bhikkhunā saddhiṃ dīgharattānugato sineho. Sacāham evaṃvidhabhāvaṃ jāneyyaṃ, ettakaṃ addhānaṃ iminā saddhiṃ vissāsam na kareyya’’nti cintetvā āgacchantassevassa ‘‘handāvuso, tuyhaṃ pattacīvaraṃ, tādisena pāpena saḥāyena saddhiṃ ekamaggaṃ na gacchāmī’’ti āha. Taṃ katham sutvā tassa lajjibhikkhuno hadayaṃ tikhiṇasattim gahetvā viddham viya ahoṣi. Tato naṃ āha – ‘‘āvuso, kiṃ nāmetam vadasi, aham ettakaṃ kālam dukkaṭamattampi āpattim na jānāmi. Tvam pana maṃ ajja ‘pāpo’’ti vadasi, kiṃ te diṭṭha’’nti? Kiṃ aññena diṭṭhena, kiṃ tvam evaṃvidhena alaṅkatapaṭiyattena mātuḡāmena saddhiṃ ekaṭṭhāne hutvā nikkhantoti? Natthetaṃ, āvuso, mayham, nāham evarūpaṃ mātuḡāmaṃ passāmīti. Tassa yāvattiyam kathentassāpi itaro thero katham asaddahitvā attanā diṭṭhakāraṇameva attham gahetvā tena saddhiṃ ekamaggaṃ agantvā aññena maggaṃ satthu santikaṃ gato. Itaropi aññena maggaṃ satthu santikameva gato.

Tato bhikkhusaṅghassa uposathāgāraṃ pavisanavelāya so bhikkhu taṃ bhikkhuṃ uposathagge sañjānitvā ‘‘imasmiṃ uposathagge evarūpo nāma pāpabhikkhu atthi, nāham tena saddhiṃ uposatham karissāmī’’ti nikkhamitvā bahi atṭhāsi. Bhummadevatā ‘‘bhāriyam mayā kammaṃ kata’’nti mahallakaupāsakavaṇṇena tassa santikaṃ gantvā ‘‘kasmā, bhante, ayyo imasmiṃ ṭhāne ṭhito’’ti āha. Upāsaka, imaṃ uposathaggaṃ eko pāpabhikkhu pavitṭho, aham tena saddhiṃ uposatham na karomīti vatvā nikkhamitvā bahi ṭhitomhīti. Bhante, mā evaṃ gaṇhatha, parisuddhasīlo esa bhikkhu. Tumhehi diṭṭhamātuḡāmo nāma aham, mayā tumhākaṃ vīmaṃsanatthāya ‘‘daḷhā nu kho imesaṃ therānaṃ metti, no daḷhā’’ti lajjialajjibhāvaṃ olokentena taṃ kammaṃ katanti. Ko pana tvam sappurisāti? Aham ekā bhummadevatā, bhanteti. Devaputto kathentova dibbānubhāvena ṭhatvā therassa pādesu patitvā ‘‘mayham, bhante, khamatha, etaṃ dosaṃ thero na jānāti, uposatham karothā’’ti theram yācitvā uposathaggaṃ pavesesi. So thero uposatham tāva ekaṭṭhāne akāsi, mittasanthavavasena na puna tena saddhiṃ ekaṭṭhāne ahoṣīti. Imassa therassa kammaṃ na kathiyati, cuditakatthero pana aparāparam vipassanāya kammaṃ karonto arahattaṃ pāpuṇi.

Bhummadevatā tassa kammaṃ nissandena ekaṃ buddhantaram apāyato na mucchittha. Sace pana kālena kālam manussattaṃ āgacchati, aññena yena kenaci kato doso tasseva upari patati. So amhākaṃ bhagavato kāle sāvatthiyam brāhmaṇakule nibbatti, dhānamāṇavotissa nāmaṃ akāmsu. So vayappatto tayo vede uggaṇhitvā mahallakakāle satthu dhammadesanaṃ sutvā paṭiladdhasaddho pabbaji, tassa upasampannadivasato paṭṭhāya ekā alaṅkatapaṭiyattā itthī tasmiṃ gāmaṃ pavisante saddhiṃyeva

gāmaṃ pavisati, nikkhamante nikkhamati. Vihāraṃ pavisantepi pavisati, tiṭṭhantepi tiṭṭhatīti evaṃ niccānubandhā paññāyati. Thero taṃ na passati, tassa pana purimassa kammassa nissandena sā aññesaṃ upaṭṭhāti.

Gāme yāgubhikkhaṃ dadamānā itthiyo, “bhante, ayaṃ eko yāguuḷuṅko tumhākaṃ, eko imissā amhākaṃ sahāyikāyā”ti parihāsaṃ karonti. Therassa mahatī vihesā hoti. Vihāraṃ gatampi naṃ sāmaṇerā ceva daharabhikkhū ca parivāretvā “dhāno koṇḍo jāto”ti parihāsaṃ karonti. Athassa teneva kāraṇena kuṇḍadhānattheroti nāmaṃ jātaṃ. So uṭṭhāya samuṭṭhāya tehi kayiramānaṃ keḷiṃ sahituṃ asakkonto ummādaṃ gahetvā “tumhe koṇḍā, tumhākaṃ upajjhāyā koṇḍā, ācariyā koṇḍā”ti vadati. Atha naṃ satthu ārocesuṃ – “kuṇḍadhāno daharasāmaṇerehi saddhiṃ evaṃ pharusavācaṃ vadatī”ti. Satthā taṃ pakkosāpetvā “saccaṃ bhikkhū”ti pucchitvā “saccaṃ bhagavā”ti vutte “kasmā evaṃ vadesī”ti āha. Bhante, nibaddhaṃ vihesaṃ asahanto evaṃ kathemīti. “Tvaṃ pubbe katakammaṃ yāvajjadivasā jīrāpetuṃ na sakkosi, puna evarūpaṃ pharusāṃ mā vada bhikkhū”ti vatvā āha –

“Māvoca pharusāṃ kañci, vuttā paṭivadeyyu taṃ;  
Dukkhaṃ hi sārāmbhakathā, paṭidaṇḍā phuseyyu taṃ.

“Sace neresi attānaṃ, kaṃso upahato yathā;  
Esa pattosi nibbānaṃ, sārāmbho te na vijjati”ti. (dha. pa. 133-134);

Imaṅca pana tassa therassa mātuḡāmena saddhiṃ vicaraṇabhāvaṃ kosalaraññopi kathayīmsu. Rājā “gacchatha, bhāṇe, vīmaṃsathā”ti pesetvā sayampi mandeneva parivārena saddhiṃ therassa vasanaṭṭhānaṃ gantvā ekamante olokento aṭṭhāsī. Tasmīṃ khaṇe thero sūcikkammaṃ karonto nisīno hoti, sāpissa itthī avidūre ṭhāne ṭhitā viya paññāyati.

Rājā taṃ disvā “atthidaṃ kāraṇa”nti tassā ṭhitaṭṭhānaṃ agamāsī. Sā tasmīṃ āgacchante therassa vasanaṭṭhānaṃ pavīṭṭhā viya ahoṣi. Rājāpi tāya saddhiṃyeva paṇṇasālaṃ pavisitvā sabbattha olokento adisvā “nāyaṃ mātuḡāmo, therassa eko kammavipāko”ti saññaṃ katvā paṭhamaṃ therassa samīpena gacchantopi therāṃ avanditvā tassa kāraṇassa abhūtabhāvaṃ ñatvā āgamma therāṃ vanditvā ekamantaṃ nisīno “kacci, bhante, piṇḍakena na kilamathā”ti pucchi. Thero “vaṭṭati mahārājā”ti āha. “Jānāmi, bhante, ayyassa kathaṃ, evarūpena ca parikkilesena saddhiṃ carantānaṃ tumhākaṃ ke nāma pasīdissanti, ito paṭṭhāya vo katthaci gamanakkiccam natthi, ahaṃ catūhi paccayehi upaṭṭhahissāmi, tumhe yonisomanasikāre mā pamajjitthā”ti nibaddhaṃ bhikkhaṃ paṭṭhapesi. Thero rājānaṃ upatthambhakaṃ labhitvā bhojanasappāyena ekaggacitto hutvā vipassanaṃ vaḍḍhetvā arahattaṃ pāpuṇi. Tato paṭṭhāya sā itthī antaradhāyi.

Mahāsubhaddā uggaṇagare micchādīṭṭhikule vasamānā “satthā maṃ anukampatū”ti uposathaṃ adhiṭṭhāya nirāmagandhā hutvā uparipāsādātaḷe ṭhitā “imāni pupphāni antare aṭṭhatvā dasabalassa matthake vitānaṃ hutvā tiṭṭhantu, dasabalo imāya saññāya sve pañcahi bhikkhusatehi saddhiṃ mayhaṃ bhikkhaṃ gaṇhatū”ti saccakiriyaṃ katvā aṭṭha sumanapupphamuṭṭhiyo vissajjesi. Pupphāni gantvā dhammadesanāvelāya satthu matthake vitānaṃ hutvā aṭṭhaṃsu. Satthā taṃ sumanapupphavitānaṃ disvā citteneva subhaddāya bhikkhaṃ adhiṃvāsetvā punadivase aruṇe uṭṭhite ānandattherāṃ āha – “ānanda, mayaṃ ajja dūraṃ bhikkhācāraṃ gamissāma, puthujjanānaṃ adatvā ariyānaṃyeva salākaṃ dehi”ti. Thero bhikkhūnaṃ ārocesi – “āvuso, satthā ajja dūraṃ bhikkhācāraṃ gamissati, puthujjanā mā gaṇhantu, ariyāva salākaṃ gaṇhantū”ti. Kuṇḍadhānatthero “āharāvuso, salāka”nti paṭhamaṃyeva hatthaṃ pasāresi. Ānandā “satthā tādisānaṃ bhikkhūnaṃ salākaṃ na dāpeti, ariyānaṃyeva dāpeti”ti vitakkaṃ uppādetvā gantvā satthu ārocesi. Satthā “āharāpentassa salākaṃ dehi”ti āha. Thero cintesi – “sace kuṇḍadhānassa salākā dātuṃ na yuttā assa, atha satthā paṭibāheyya, bhavissati ekaṃ kāraṇa”nti. “Kuṇḍadhānassa salākaṃ dassāmī”ti gamanaṃ abhinīhari. Kuṇḍadhānatthero tassa pure āgamaṇāva abhiññāpādakaṃ catutthajjhānaṃ samāpajjitvā iddhiyā ākāse ṭhatvā “āharāvuso ānanda, satthā maṃ jānāti, mādisaṃ bhikkhuṃ paṭhamaṃ salākaṃ gaṇhantaṃ na satthā vāretī”ti hatthaṃ pasāretvā salākaṃ

gaṇhi. Satthā taṃ aṭṭhuppattim katvā theram imasmiṃ sāsane paṭhamam salākam gaṇhantānam aggaṭṭhāne ṭhapesīti.

### Vaṅṅisattheravatthu

**212.** Catutthe **paṭibhānavantānanti** sampannapaṭibhānānam vaṅṅisathero aggoti dasseti. Ayaṃ kira thero dasabalassa santikaṃ upasaṅkamanto cakkhupathato paṭṭhāya candena saddhim upametvā, sūriyena, ākāsenā, mahāsamuddena, hatthināgena, sīhena migaraññā saddhim upametvāpi anekehi padasatehi padasahashehi satthu vaṇṇam vadantoyeva upasaṅkamati. Tasmā paṭibhānavantānam aggo nāma jāto.

Tassa pañhakamme ayamanupubbikathā – ayampi kira padumuttarabuddhakāle haṃsavatīnagare mahābhogakule paṭisandhim gaṇhitvā purimanayeneva vihāram gantvā dhammam suṇanto satthāram ekaṃ bhikkhum paṭibhānavantānam aggaṭṭhāne ṭhapatam disvā satthu adhikārakammaṃ katvā “ahampi anāgate paṭibhānavantānam aggo bhavēyya”nti patthanam katvā satthārā byākato yāvajīvam kusalam katvā devamanussesu saṃsaranto imasmiṃ buddhuppāde sāvattiyam brāhmaṇakule nibbatti. Vaṅṅisamāṇavotissa nāmam akamsu. So vayappatto tayo vede uggaṇhanto ācariyam ārādhētva chavasīsamantaṃ nāma sikkhitvā chavasīsam nakhena ākoṭetvā “ayaṃ satto asukayoniyam nāma nibbatto”ti jānāti.

Brāhmaṇā “ayaṃ amhākam jīvikamaggo”ti ñatvā vaṅṅisamāṇavam paṭicchannayāne nisīdāpetvā gāmanigamarājadhāniyo carantā nagaradvāre vā nigamadvāre vā ṭhapatvā mahājanassa rāsibhūtabhāvam ñatvā “yo vaṅṅisam passati, so dhanam vā labhati, yasaṃ vā labhati, saggam vā gacchatī”ti vadanti. Tesam katham sutvā bahū janā lañjam datvā passitukāmā honti. Rājarājamahāmattā tesam santikaṃ gantvā “ko ācariyassa jānaviseso”ti pucchanti. Tumhe na jānātha, sakalajambudīpe amhākam ācariyasadiso añño paṇḍito nāma natthi, tivassamatthake matakānam sīsam āharāpetvā nakhena ākoṭetvā “ayaṃ satto asukayoniyam nibbatto”ti jānāti. Vaṅṅisopi mahājanassa kaṅkhachedanatham te te jane āvāhetvā attano attano gatim kathāpeti. Tam nissāya mahājanassa hatthato satampi sahasampi labhati.

Brāhmaṇā vaṅṅisamāṇavam ādāya yathārucciṃ vicarivā puna sāvattim āgamamsu. Vaṅṅiso jetavanamahāvihārassa avidūraṭṭhāne ṭhito cintesi – “samaṇo gotamo paṇḍitoti vadanti, na kho pana sabbakālam mayā imesaṃyeva vacanam karontena caritum vaṭṭati, paṇḍitānampi santikaṃ gantum vaṭṭatī”ti. So brāhmaṇe āha – “tumhe gacchatha, aham na bahukehi saddhim gantvā samaṇam gotamaṃ passissāmi”ti. Te āhamsu – “vaṅṅisa, mā te rucci samaṇam gotamaṃ passitum. Yo hi nam passati, tam so māyāya āvaṭṭetī”ti. Vaṅṅiso tesam katham anādiyitvā satthu santikaṃ gantvā madhurapaṭisanthāram katvā ekamantaṃ nisīdi.

Atha nam satthā pucchi – “vaṅṅisa, kiñci sippam jānāsī”ti. Āma, bho gotama, chavasīsamantaṃ nāmekam jānāmīti. Kiṃ so manto karotīti? Tivassamatthake matānampi tam mantam jappitvā sīsam nakhena ākoṭetvā nibbattaṭṭhānam jānāmīti. Satthā tassa ekaṃ niraye uppanassa sīsam dassesi, ekaṃ manussesu uppanassa, ekaṃ devesu, ekaṃ parinibbutassa sīsam dassesi. So paṭhamam sīsam ākoṭetvā, “bho gotama, ayaṃ satto nirayam gato”ti āha. Sādhu sādhu, vaṅṅisa, sudiṭṭham tayā, ayaṃ satto kham gatoti pucchi. Manussalokam, bho gotamāti. Ayaṃ satto kham gatoti? Devalokam, bho gotamāti tiṇṇampi gataṭṭhānam kathesi. Parinibbutassa pana sīsam nakhena ākoṭento neva antam na koṭim passati. Atha nam satthā “na sakkosi tvam, vaṅṅisā”ti pucchi. “Passatha, bho gotama, upaparikkhāmi tāvā”ti punappunam parivatteti. Bāhirakamantena khīṇāsavassa gatim katham jānissati, athassa matthakato sedo mucci. So lajjitvā tuṅhībhūto aṭṭhāsī. Atha nam satthā “kilamasi, vaṅṅisā”ti āha. Āma, bho gotama, imassa sattassa gataṭṭhānam jānitum na sakkomi. Sace tumhe jānātha, kathethāti. “Vaṅṅisa, aham etampi jānāmi ito uttaritarampī”ti vatvā dhammapade imā dve gāthā abhāsi –

“Cutim yo vedi sattānam, upapattim ca sabbaso;

Asattaṃ sugataṃ buddhaṃ, tamaḥaṃ brūmi brāhmaṇaṃ.

“Yassa gatiṃ na jānanti, devā gandhabbamānusa;  
Khīṇāsavaṃ arahantaṃ, tamaḥaṃ brūmi brāhmaṇa”nti. (dha. pa. 419-420);

Tato vaṅgīso āha – “bho gotama, vijjāya vijjaṃ dentassa nāma parihāni natthi, ahaṃ attanā jānanakaṃ mantāṃ tumhākaṃ dassāmi, tumhe etaṃ mantāṃ mayhaṃ dethā”ti. Vaṅgīsa, na mayaṃ mantena mantāṃ dema, evameva demāti. “Sādhu, bho gotama, detha me manta”nti apacitiṃ dassetvā hatthakacchapakaṃ katvā nisīdi. Kiṃ, vaṅgīsa, tumhākaṃ samaye mahagghamantaṃ vā kiñci vā gaṇhantānaṃ parivāso nāma na hotīti? Hoti, bho gotamāti. Amhākaṃ pana manto nipparivāsoti saññaṃ karosīti? Brāhmaṇā nāma mantehi atittā honti, tasmā so bhagavantaṃ āha – “bho gotama, tumhehi kathitaniyāmaṃ karissāmī”ti. Bhagavā āha – “vaṅgīsa, mayaṃ imaṃ mantāṃ dentā amhehi samānaliṅgassa demā”ti. Vaṅgīso “yaṃkiñci katvā mayā imaṃ mantāṃ gaṇhitvā gantuṃ vaṭṭatī”ti brāhmaṇe āha. Tumhe mayi pabbajante mā cintayittha, ahaṃ imaṃ mantāṃ gaṇhitvā sakalajambudīpe jeṭṭhako bhavissāmi. Evaṃ sante tumhākampi bhaddakaṃ bhavissatī”ti mantatthāya satthu santike pabbaji. Satthā “mantaparivāsaṃ tāva vasāhi”ti dvattiṃsākāraṃ ācikkhi. Paññavā satto dvattiṃsākāraṃ sajjhāyantova tattha khayavayaṃ paṭṭhapetvā vipassanaṃ vaḍḍhetvā arahattaṃ pāpuṇi.

Tasmiṃ arahattaṃ patte brāhmaṇā “kā nu kho vaṅgīsassa pavatti, passissāma na”nti tassa santikaṃ gantvā “kiṃ, bho vaṅgīsa, samaṇassa gotamassa santike sippaṃ sikkhita”nti pucchimsu. Āma, sikkhitanti. Tena hi ehi gamissāmāti. Gacchatha tumhe, tumhehi saddhiṃ gantabbakiccaṃ mayhaṃ niṭṭhitanti. Paṭhamameva amhehi tuyhaṃ kathitaṃ “samaṇo gotamo attānaṃ passituṃ āgate māyāya āvaṭṭetī”ti. Tvaṃ hi idāni samaṇassa gotamassa vasaṃ āpanno, kiṃ mayaṃ tava santike karissāmāti āgatamaggena pakkamimsu. Vaṅgīsattheropi yaṃ yaṃ velaṃ dasabalaṃ passituṃ gacchati, ekaṃ thutiṃ karontova gacchati. Tena taṃ satthā saṅghamaññhe nisinna paṭibhānavantānaṃ aggaṭṭhāne ṭhapesīti.

### Upasenaṅgantaputtattheravatthu

**213.** Pañcame **samantapāsādikānanti** sabbapāsādikānaṃ. **Upasenoti** tassa therassa nāmaṃ. Vaṅgantabrāhmaṇassa pana so putto, tasmā **vaṅgantaputtoti** vuccatī. Ayaṃ pana thero na kevalaṃ attanāva pāsādiko, parisāpissa pāsādikā, iti parisāṃ nissāya laddhanāmasena samantapāsādikānaṃ aggo nāma jāto.

Pañhakamme panassa ayamanupubbikathā – ayampi hi padumuttarabuddhakāle haṃsavatīnagare kulagehe nibbato vayaṃ āgamma purimanayeneva satthu santikaṃ gantvā dhammaṃ suṇamāno satthāraṃ ekaṃ bhikkhuṃ samantapāsādikānaṃ aggaṭṭhāne ṭhapentaṃ disvā satthu adhikāraṃ katvā taṃ ṭhānantaraṃ patthetvā yāvajīvaṃ kusalaṃ katvā devamanussesu saṃsaranto imasmiṃ buddhuppāde nālakabrāhmaṇagāme sārībrāhmaṇiyā kucchismiṃ paṭisandhiṃ gaṇhi, upasenaḍḍarakotissa nāmaṃ akaṃsu.

So vayappatto tayo vede uggaṇhitvā dasabalassa santike dhammaṃ sutvā paṭiladdhasaddho pabbaji. So upasampadāya ekavassiko hutvā “ariyagabbhaṃ vaḍḍhemī”ti ekaṃ kulaputtaṃ attano santike pabbajetvā upasampādesi. So pavāretvā saddhivihārikassa ekavassikakāle attanā duvasso “dasabalo maṃ passitvā tusissatī”ti saddhivihārikaṃ ādāya dasabalaṃ passituṃ āgato. Satthā taṃ vanditvā ekamante nisinnaṃ pucchi – “kativassosi tvaṃ bhikkhū”ti? Duvasso ahaṃ bhagavāti. Ayaṃ pana bhikkhu kativassoti? Ekavasso bhagavāti. Kintāyaṃ bhikkhu hotīti? Saddhivihāriko me bhagavāti. Atha naṃ satthā “atīlahaṃ kho tvaṃ, moghapurisa, bāhullāya āvatto”ti vatvā anekapariyāyena vigarahi. Thero satthu santikā garahaṃ labhitvā bhagavantaṃ vanditvā “imināva puṇṇacandasassirikena mukhena satthāraṃ parisameva nissāya sādhuḍḍhāraṃ dāpessāmī”ti taṃdivaseyeva ekaṃ ṭhānaṃ gantvā vipassanāya kammaṃ katvā nacirasseva arahattaṃ pāpuṇi.



Tato yasmā thero mahākulato nikkhamitvā pabbajito pathavighuṭṭhadhammakathikova, tasmā tassa dhammakathāya ceva pasīditvā mittāmaccañātikulehi ca nikkhamitvā bahū kuladārakā therassa santike pabbajanti. “Ahaṃ āraññako, tumhepi āraññakā bhavitum sakkontā pabbajathā”ti terasa dhutaṅgāni ācikkhitvā “sakkhissāma, bhante”ti vadante pabbājeti. Te attano balena taṃ taṃ dhutaṅgaṃ adhiṭṭhahanti. Thero attano dasavassakāle vinayaṃ paguṇaṃ katvā sabbeva upasampādesi. Evaṃ upasampannā cassa pañcasatamattā bhikkhū parivārā ahesum.

Tasmim samaye satthā jetavanamahāvihāre vasanto “icchāmahaṃ, bhikkhave, addhamāsaṃ paṭisalliyitu”nti bhikkhusaṅghassa ārocetvā ekavihārī hoti. Bhikkhusaṅghopi “yo bhagavantaṃ dassanāya upasaṅkamati, so pācittiyaṃ desāpetabbo”ti katikaṃ akāsi. Tadā upasenatthero “bhagavantaṃ passissāmī”ti attano parisāya saddhiṃ jetavanaṃ gantvā satthāraṃ upasaṅkamitvā abhivādetvā ekamantaṃ nisīdi. Satthā kathāsamuṭṭhāpanattham aññataraṃ therassa saddhivihārikaṃ āmantesi – “manāpāni te bhikkhu paṃsukūlānī”ti. “Na kho me, bhante, manāpāni paṃsukūlānī”ti vatvā upajjhāye gāravena paṃsukūlikabhāvaṃ ārocesi. Imasmim ṭhāne satthā “sādhu sādhu, upasenā”ti therassa sādhuṅgaṃ datvā anekapariyāyena guṇakathaṃ kathesi. Ayamettha saṅkhepo, vitthārato pana idaṃ vatthu pāliyaṃ (pārā. 565) āgatameva. Atha satthā aparabhāge ariyagaṇamaṃjhe nisinno imasmim sāsane theram samantapāsādikānaṃ aggaṭṭhāne ṭhapesīti.

### Dabbattheravatthu

**214.** Chaṭṭhe **senāsanapaññāpakānanti** senāsaṃ paññāpentānaṃ. Therassa kira senāsanapaññāpanakāle aṭṭhārasasu mahāvihāresu asammaṭṭhaṃ pariveṇaṃ vā apaṭijaggitaṃ senāsaṃ vā asodhitam mañcapīṭhaṃ vā anupaṭṭhitaṃ pāṇiyaparibhojanīyaṃ vā nāhosi. Tasmā senāsanapaññāpakānaṃ aggo nāma jāto. **Dabbotissa** nāmaṃ. Mallarājakule pana uppannattā **mallaputto** nāma jāto.

Tassa pañhakamme ayamanupubbikathā – ayañhi padumuttarabuddhakāle haṃsavatīnagare kulagehe nibbattitvā vayappatto vuttanayeneva vihāraṃ gantvā dhammaṃ suṇanto satthāraṃ ekaṃ bhikkhum senāsanapaññāpakānaṃ aggaṭṭhāne ṭhapaṇtaṃ disvā adhiṅgāraṃ katvā taṃ ṭhānantaraṃ patthetvā satthārā byākato yāvajīvaṃ kusalaṃ katvā devamanussesu saṃsaritvā kassapadasabalassa sāsanaṃ osakkanakāle pabbaji, tadā tena saddhiṃ apare cha janāti satta bhikkhū ekacittā hutvā aññe sāsane agāraṃ karonte disvā “idha kiṃ karoma, ekamante samaṇadhammaṃ katvā dukkhassantaṃ karissāmī”ti nisseṇim bandhitvā uccapabbatasikharaṃ abhiruhitvā “attano cittaḥāṇaṃ jānantaṃ nisseṇim pātentu, jīvite sālayā otarantu, mā pacchānutāpino ahuvatthā”ti vatvā sabbe ekacittā hutvā nisseṇim pātetvā “appamattā hotha, āvuso”ti aññamaññaṃ ovaditvā cittaṃrucciyesu ṭhānesu nisīditvā samaṇadhammaṃ kātuṃ ārabhiṃsu.

Tatreko thero pañcame divase arahattaṃ patvā “mama kiccaṃ nipphannaṃ, ahaṃ imasmim ṭhāne kiṃ karissāmī”ti iddhiyā uttarakuruto piṇḍapātaṃ āharitvā, “āvuso, imaṃ piṇḍapātaṃ paribhuñjatha, bhikkhācāraṃ kiccaṃ mamāyattaṃ hotu, tumhe attano kammaṃ karoṭhā”ti āha. Kiṃ nu kho mayaṃ, āvuso, nisseṇim pātentā evaṃ avocumhā “yo paṭhamaṃ dhammaṃ sacchikaroti, so bhikkhaṃ āharatu, tena ābhattaṃ sesā paribhuñjitvā samaṇadhammaṃ karissanti”ti. Natthi, āvusoti. Tumhe attano pubbahetunā labhittha, mayampi sakkontā vaṭṭassantaṃ karissāma, gacchatha tumheti. Thero te saññāpetum asakkonto phāsukaṭṭhāne piṇḍapātaṃ paribhuñjitvā gato. Aparo thero sattame divase anāgāmiṃphalaṃ patvā tato cuto suddhāvāsabrahmaloke nibbato.

Itarepi therā tato cutā ekaṃ buddhantaṃ devamanussesu saṃsaritvā imasmim buddhuppāde tesu tesu kulesu nibbattā. Eko gandhāraṭṭhe takkasilanagare rājagehe nibbato, eko pabbateyyaraṭṭhe paribbājikāya kucchimhi nibbato, eko bāhiyaraṭṭhe kuṭumbikagehe nibbato, eko rājagehe kuṭumbikagehe nibbato. Ayaṃ pana dabbatthero mallaraṭṭhe anupiyānagare ekassa mallarañño gehe paṭisandhiṃ gaṇhi. Tassa mātā upavijaññakāle kālāmakāsi, matasarīraṃ susānaṃ netvā dāruccitakaṃ

āropetvā aggiṃ adamsu. Tassā aggivegasantattam udarapaṭalam dvedhā ahoṣi. Dārako attano puññabalena uppativā ekasmiṃ dabbatthambhe nipati. Tam dāraṃ gahetvā ayyikāya adamsu. Sā tassa nāmaṃ gaṇhantī dabbatthambhe nipatitvā laddhajīvitattā dabbotissa nāmaṃ akāsi.

Tassa sattavassikakāle satthā bhikkhusaṅghaparivāro mallaraṭṭhe cārikaṃ caramāno anupiyaniṃgamam patvā anupiyambavane viharati. Dabbakumāro satthāraṃ disvā dassaneneva pasīditvā pabbajitukāmo hutvā “ahaṃ dasabalassa santike pabbajissāmi”ti ayyikaṃ āpucchi. Sā “sādhu, tātā”ti dabbakumāraṃ ādāya satthu santikaṃ gantvā, “bhante, imaṃ kumāraṃ pabbājethā”ti āha. Satthā aññatarassa bhikkhuno saññaṃ adāsi “bhikkhu imaṃ dāraṃ pabbājehi”ti. So thero satthu vacanaṃ sutvā dabbakumāraṃ pabbājento tacapañcakaṃ kammaṭṭhānaṃ ācikkhi. Pubbaḥetusampanno katābhinihāro satto paṭhamakesavaṭṭiyā oropiyamānāya sotāpattiphale patiṭṭhāsi, dutiyakesavaṭṭiyā oropiyamānāya sakadāgāmiphale, tatiyāya anāgāmiphale. Sabbakesānaṃ pana oropanañca arahattaphalāsacchikiriyā ca apacchā apure ahoṣi.

Satthā mallaraṭṭhe yathābhirantaṃ viharitvā rājagahaṃ gantvā veḷuvane vāsaṃ kappesi. Tatrāyasmā dabbo mallaputto rahogato attano kiccanipphattim oloketvā saṅghassa veyyāvaccakaraṇe kāyaṃ yojetukāmo cintesi – “yaṃnūnāhaṃ saṅghassa senāsanañca paññāpeyyaṃ, bhattāni ca uddiseyya”nti. So satthu santikaṃ gantvā attano parivitakkaṃ ārocesi. Satthā tassa sādhuṃ karam datvā senāsanaṃ paññāpakattañca bhattuddesakattañca sampaṭicchi. Atha naṃ “ayaṃ dabbo daharova samāno mahantaṭṭhāne ṭhito”ti sattavassikakāleyeva upasampādesi. Thero upasampannakālatoyeva paṭṭhāya rājagahaṃ upanissāya viharantānaṃ sabbabhikkhūnaṃ senāsanaṃ ca paññāpeti, bhikkhañca sampaṭicchitvā uddisati. Tassa senāsanaṃ paññāpakabhāvo sabbadisāsu pākato ahoṣi – “dabbo kira mallaputto sabhāgasabhāgānaṃ bhikkhūnaṃ ekaṭṭhāne senāsanaṃ paññāpeti, dūrepi senāsanaṃ paññāpetiyeva. Gantuṃ asakkonte iddhiyā netīti.

Atha naṃ bhikkhū kālepi vikālepi “amhākaṃ, āvuso, jīvakambavane senāsanaṃ paññāpehi, amhākaṃ maddakuchismiṃ migadāye”ti evaṃ senāsanaṃ uddisāpetvā tassa iddhiṃ passantā gacchanti. Sopi iddhiyā manomaye kāye abhisankharitvā ekekassa therassa ekekaṃ attanā sadisaṃ bhikkhuṃ nimminitvā ānguliyā jalamānāya purato purato gantvā “ayaṃ mañco, idaṃ pīṭha”ntiādīni vatvā senāsanaṃ paññāpetvā puna attano vasantaṭṭhānameva āgacchati. Ayamettha saṅkhepo, vitthārato panidaṃ vatthu pāliyaṃ āgatameva. Satthā idameva kāraṇaṃ aṭṭhuppattim katvā aparabhāge ariyagaṇamaṃjhe nisinnō theram senāsanaṃ paññāpakānaṃ aggaṭṭhāne ṭhapesīti.

### Pilindavacchattheravatthu

**215. Sattame devatānaṃ piyamaṇāpānanti** devatānaṃ piyānañceva maṇāpānañca pilindavacchatthero aggoti dasseti. So kira anuppanne buddhe cakkavattī rājā hutvā mahājanaṃ pañcasu sīlesu patiṭṭhāpetvā saggaparāyaṇaṃ akāsi. Yebhuyyena kira chasu kāmasaggesu nibbattadevatā tasseva ovādaṃ labhitvā nibbattanibbattaṭṭhāne attano sampattim oloketvā “kaṃ nu kho nissāya imaṃ saggasampattim labhimhā”ti āvajjamaṇā imaṃ theram disvā “theram nissāya amhehi sampati laddhā”ti sāyaṃpātaṃ theram namassanti. Tasmā so devatānaṃ piyamaṇāpānaṃ aggo nāma jāto. **Pilindoti** panassa gottaṃ, **vacchoti** nāmaṃ. Tadubhayaṃ saṃsandetvā pilindavacchoti vuccati.

Tassa pañhakamme ayamanupubbikathā – ayaṃ kira padumuttarabuddhakāle haṃsavatīnagare mahābhogakule nibbato purimanayeneva satthu dhammadesanaṃ suṇanto satthāraṃ ekaṃ bhikkhuṃ devatānaṃ piyamaṇāpaṭṭhāne ṭhapentaṃ disvā taṃ ṭhānantaraṃ patthetvā yāvajivaṃ kusalaṃ katvā devamanussesu saṃsaranto imasmiṃ buddhuppāde sāvattiyaṃ brāhmaṇakule nibbatti. Pilindavacchotissa nāmaṃ akaṃsu. So aparena samayena satthu dhammadesanaṃ sutvā paṭiladdhasaddho pabbajitvā upasampanno vipassanaṃ vaḍḍhetvā arahattaṃ pāpuṇi. So gihīhipi bhikkhūhipi saddhiṃ kathento “ehi, vasala, gaccha, vasala, āhara, vasala, gaṇha, vasalā”ti vasalavādeneva samudācarati. Tam kathaṃ āharitvā tathāgataṃ pucchimsu – “bhagavā ariyā nāma

pharusavācā na hontī”ti. Bhikkhave, ariyānaṃ paravambhanavasena pharusavācā nāma natthi, apica kho pana bhavantare āciñṇavasena bhaveyyāti. Bhante, pilindavacchatthero uṭṭhāya samuṭṭhāya gihīhipi bhikkhūhipi saddhiṃ kathento, “vasala, vasalā”ti katheti, kimettha kāraṇaṃ bhagavāti. Bhikkhave, na mayhaṃ puttassa etaṃ idāneva āciñṇaṃ, atīte panesa pañca jātisatāni vasalavādibrāhmaṇakule nibbatti. Iccesa bhavāciñṇeneva kathesi, na pharusavasena. Ariyānañhi vohāro pharusopi samāno cetaṇāya aphaṇusabhāvena parisuddhova, appamattakampettha pāpaṃ na upalabbhatīti vatvā dhammapade imaṃ gāthamāha –

“Akakkasaṃ viññāpaniṃ, giraṃ saccamudīraye;  
Yāya nābhisaje kañci, tamahaṃ brūmi brāhmaṇa”nti.

Athekadivasāṃ thero rājagahaṃ piṇḍāya pavisanto ekaṃ purisaṃ pippalīnaṃ bhājanaṃ pūretvā ādāya antonagaraṃ pavisantaṃ disvā “kiṃ te, vasala, bhājane”ti āha. So cintesi – “ayaṃ samaṇo mayā saddhiṃ pātova pharusakathaṃ kathesi, imassa anucchavikameva vattuṃ vaṭṭatī”ti “mūsikavaccaṃ me, bhante, bhājane”ti āha. Evaṃ bhavissati, vasalāti. Tassa therassa dassanaṃ vijahantassa sabbhaṃ mūsikavaccameva ahosi. So cintesi – “imā pippaliyo mūsikavaccasadisā paññāyanti, sabhāvo nu kho no”ti vīmaṃsanto hatthena uppīlesi. Athassa undūravaccabhāvaṃ ñatvā balavadomanassaṃ uppajji. So “imāyeva nu kho evarūpā, udāhu sakatepī”ti gantvā olokeno sabbāpi pippaliyo tādisāva disvā hadayaṃ hatthena sandhāretvā “idaṃ na aññassa kammaṃ, mayā pātova diṭṭhabhikkhussetaṃ kammaṃ, addhā ekaṃ upāyaṃ bhavissati, tassa gataṭṭhānaṃ anuvicinitvā etaṃ kāraṇaṃ jānissāmī”ti therassa gatamaggaṃ pucchitvā pāyāsi.

Atheko puriso taṃ ativiya caṇḍikataṃ gacchantāṃ disvā, “bho purisa, tvaṃ ativiya caṇḍikatova gacchasi, kena kammena gacchasi”ti pucchi. So tassa taṃ pavattim ārocesi. So tassa kathaṃ sutvā evamāha – “bho, mā cintayi, mayhaṃ ayyo pilindavaccho bhavissati, tvaṃ etadeva bhājanaṃ pūretvā ādāya gantvā therassa purato tiṭṭha. ‘Kiṃ nāmetāṃ, vasalā’ti vuttakāle ca ‘pippaliyo, bhante’ti vada, thero ‘evaṃ bhavissati, vasalā’ti vakkhati. Puna sabbāpi pippaliyo bhavissanti”ti. So tathā akāsi. Sabbā pippaliyo paṭipākatikā ahesuṃ. Idamettakaṃ vatthu. Aparabhāge pana satthā devatānaṃ piyamaṇāpakāraṇameva vatthuṃ katvā therāṃ devatānaṃ piyamaṇāpānaṃ aggaṭṭhāne ṭhapesīti.

### Bāhiyadārucīriyattheravatthu

**216.** Aṭṭhame **khippābhiññānanti** khippaṃ adhigataabhiññānaṃ dārucīriyatthero aggoti dasseti. Ayañhi thero saṃkhattadhammadesanāpariyosāne arahattaṃ pāpuṇi, maggaphalānaṃ parikkammakiccaṃ nāhosi. Tasmā khippābhiññānaṃ aggo nāma jāto. Bāhiyaraṭṭhe pana jātattā **bāhiyotissa** nāmaṃ ahosi. So aparabhāge dārucīraṃ nivāsesi. Tasmā **dārucīriyo** nāma jāto.

Tassa pañhakamme ayamanupubbikathā – ayampi hi padumuttarabuddhakāle haṃsavatīnagare kulagehe nibbato dasabalassa dhammadesanaṃ suṇanto satthāraṃ ekaṃ bhikkhuṃ khippābhiññānaṃ aggaṭṭhāne ṭhapentaṃ disvā adhikāraṃ katvā taṃ ṭhānantaraṃ patthetvā yāvajīvaṃ kusalaṃ katvā devamanussesu saṃsaranto kassapadasabalassa sāsanassa osakkanakāle heṭṭhā vuttehi bhikkhūhi saddhiṃ samaṇadhammaṃ katvā paripuññasīlo jīvitakkhayaṃ patvā devaloke nibbatti.

So ekaṃ buddhantaṃ devaloke vasitvā imasmim buddhuppāde bāhiyaraṭṭhe kulagehe nibbato. Vayaṃ āgama gharāvāsaṃ vasanto “vohāraṃ karissāmī”ti suvaṇṇabhūmigamaṇīyaṃ nāvaṃ abhiruhi. Nāvā icchitaṃ desaṃ appatvāva samuddamajjhe bhinnā, mahājano macchakacchapabhakkho ahosi. Ayaṃ pana ekaṃ dārukhaṇḍaṃ gahetvā sattame divase suppārapaṭṭane uttiṇṇo manussāvāsaṃ patvā “acelakaniyāmena manusse upasaṅkamituṃ ayutta”nti avidūre ṭhāne ekaṃ mahātaḷakā sevālaṃ gahetvā sarīraṃ veṭhetvā ekasmim ṭhāne patitaṃ ekaṃ kapālaṃ ādāya bhikkhāya pāvīsi.

Manussā taṃ disvā cintesuṃ – “sace loke arahantā nāma atthi, evaṃvidhehi bhavitabbaṃ. Kiṃ nu

kho ayyo ukkaṭṭhabhāvena vatthaṃ na gaṇhāti, udāhu diyyamānaṃ gaṇheyyā”ti vīmaṃsantā nānādisāhi vatthāni āhariṃsu. So cintesi – “sacāhaṃ na iminā niyāmena āgamissaṃ, na me ete pasīdeyyuṃ, yaṃkiñci katvā ime vañcetvā jīvikuṇṇāyaṃ kātuṃ vaṭṭatī”ti vatthāni na paṭiggaṇhi. Manussā bhīyosomattāya pasannā mahāsakkāraṃ kariṃsu. Sopi bhattakiccaṃ katvā avidūraṭṭhāne devakulaṃ gato. Mahājano tena saddhiṃyeva gantvā devakulaṃ paṭijaggitvā adāsi. So cintesi – “ime mayhaṃ sevāle nivāsanamate pasīditvā evaṃvidhaṃ sakkāraṃ karonti, etesaṃ mayā ukkaṭṭheneva bhavituṃ vaṭṭatī”ti sallahukāni rukkhaphalakāni gahetvā tacchetvā vākesu āvuṇṇitvā cīraṃ katvā nivāsetvā pārūpitvā jīvikāṃ kappento vasi.

Atha yo so kassapabuddhakāle sattu su janesu samaṇadhammaṃ karontesu eko bhikkhu suddhāvāsabrahmaloke nibbato. So nibbattasamanantameva attano brahmasampattiṃ oloketvā āgataṭṭhānaṃ āvajjento sattannaṃ janānaṃ pabbataṃ āruya samaṇadhammakaraṇaṭṭhānaṃ disvā sesānaṃ channaṃ nibbattaṭṭhānaṃ āvajjento ekassa parinibbutabhāvaṃ itaresaṃ pañcannaṃ kāmāvacaradevaloke nibbattabhāvaṃ ñatvā kālānukālaṃ te pañca jane āvajjeti. Imasmiṃ pana kāle “kahaṃ nu kho”ti āvajjento dārucīriyaṃ supparakapaṭṭanaṃ upanissāya kuhanakammaṃ jīvikāṃ kappentaṃ disvā “nattho vatāyaṃ bālo, pubbe samaṇadhammaṃ karonto atiukkaṭṭhabhāvena arahatāpi ābhattaṃ piṇḍapātaṃ aparibhuñjitvā idāni udarattāya anarahāva arahattaṃ paṭijānitvā lokaṃ vañcento vicarati, dasabalassa ca nibbattabhāvaṃ na jānāti, gacchāmi naṃ saṃvejetvā dasabalassa nibbattabhāvaṃ jānāpemi”ti taṃkhaṇaṃyeva brahmalokato supparakapaṭṭane rattibhāgasamanantare dārucīriyassa sammukhe pāturahosi.

So attano vasanaṭṭhāne obhāsaṃ disvā bahi nikkhamitvā ṭhito mahābrahmaṃ oloketvā añjaliṃ paggayha “ke tumhe”ti pucchi. Ahaṃ tuyhaṃ porāṇakasahāyo anāgāmiphalaṃ patvā brahmaloke nibbato. Amhākaṃ pana sabbajetthako arahattaṃ patvā parinibbuto, tumhe pañca janā devaloke nibbattā. Svāhaṃ taṃ imasmiṃ ṭhāne kuhanakammaṃ jīvantaṃ disvā dametuṃ āgatoti vatvā idaṃ kāraṇamāha – “na kho tvam, bāhiya arahā, napi arahattamaggaṃ samāpanno, sāpi te paṭipadā natthi, yāya tvam arahā vā assa arahattamaggaṃ vā samāpanno”ti. Athassa satthu uppanabhāvaṃ sāvattthiyaṃ vasanabhāvaṃ ācikkhitvā “satthu santikaṃ gacchāhi”ti taṃ uyyojetvā brahmalokameva agamāsi.

Dārucīriyo mahābrahmunā saṃvejito “mokkhamaggaṃ gavesissāmī”ti vīsayojanasataṃ maggaṃ ekarattivāseṇa gantvā satthāraṃ piṇḍāya pavitthaṃ antaraghare sampāpuṇṇitvā satthu pādesu nipatitvā “desetu me, bhante, bhagavā dhammaṃ, desetu sugato dhamma”nti yāvattthiyaṃ yāci. Satthā “ettāvata bāhiyassa ñāṇaṃ paripākāṃ gata”nti ñatvā “tasmātiha te, bāhiya, evaṃ sikkhitabbaṃ diṭṭhe diṭṭhamattaṃ bhavissatī”ti (udā. 10) iminā ovādena ovadi. Sopi desanāpariyosāne antaravīthiyaṃ ṭhitova desanānūsāreṇa ñāṇaṃ pesetvā saha paṭisambhidāhi arahattaṃ pāpuṇi.

So attano kiccaṃ matthakappattaṃ ñatvā bhagavantaṃ pabbajjaṃ yācitvā aparipuṇṇapattacīvaratāya pattacīvaraṃ pariyesanto saṅkāraṭṭhānato coḷakkhaṇḍāni saṃkaḍḍhati. Atha naṃ pubbaveriko amanusso ekissā taruṇavacchāya gāviyā sarīre adhimuccitvā jīvitakkhayaṃ pāpesi. Satthā sāvattthito nikkhamanto antaravīthiyaṃ bāhiyaṃ saṅkāraṭṭhāne patitaṃ disvā “gaṇhatha, bhikkhave, bāhiyassa dārucīriyassa sarīra”nti nīharāpetvā sarīrakiccaṃ kāretvā cātumahāpathe cetiyaṃ kārāpesi. Tato saṅghamajjhe kathā udapādi – “tathāgato bhikkhusaṅghena bāhiyassa sarīrajjhāpanakiccaṃ kāresi, dhātuyo gahetvā cetiyaṃ kāresi, kataramaggo nu kho tena sacchikato, sāmāṇero nu kho so, bhikkhu nu kho”ti cittaṃ uppādayiṃsu. Satthā taṃ aṭṭhuppattiṃ katvā “paṇḍito, bhikkhave, bāhiyo”ti upari dhammadesanaṃ vaḍḍhetvā tassa parinibbutabhāvaṃ pakāsesi. Puna saṅghamajjhe kathā udapādi “na ca satthārā bāhiyassa bahu dhammo desito, arahattaṃ pattoti ca vadeti. Kiṃ nāmeta”nti? Satthā “dhammo mando bahūti akāraṇaṃ, visapītakassa agado viya ceso”ti vatvā dhammapade gāthamāha –

“Sahassamapi ce gāthā, anattapadasaṃhitā;

Ekāṃ gāthāpadaṃ seyyo, yaṃ sutvā upasammatī”ti. (dha. pa. 100);

Desanāpariyosāne caturāsīti pāṇasahassāni amatapānaṃ pivimsu. Idañca pana bāhiyattherassa vatthu sutte (udā. 10) āgatattā vitthārena na kathitaṃ. Aparabhāge pana satthā saṅghamajjhe nisinnō bāhiyattheraṃ khippābhiññānaṃ aggaṭṭhāne ṭhapesīti.

### **Kumārakassapattheravatthu**

**217.** Navame **cittakathikānanti** vicittaṃ katvā dhammaṃ kathentānaṃ. Thero kira ekassapi dvinnampi dhammaṃ kathento bahūhi upamāhi ca kāraṇehi ca maṇḍayitvā bodhento katheti. Tasmā cittakathikānaṃ aggo nāma jāto.

Tassa pañhakamme ayamanupubbikathā – ayampi hi padumuttarabuddhakāle haṃsavatīnagare kulagehe paṭisandhiṃ gaṇhitvā vayappatto dasabalassa dhammakathaṃ suṇanto satthāraṃ ekaṃ bhikkhuṃ cittakathikānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthetvā devamanussesu saṃsaranto kassapabuddhasāsanosakkanakāle sattannaṃ bhikkhūnaṃ abbhantaro hutvā pabbatamatthake samaṇadhammaṃ katvā aparihīnasīlo tato cuto devaloke nibbattitvā ekaṃ buddhantaraṃ sampattiṃ anubhavamāno amhākaṃ satthu kāle rājagahe ekissā kuladārikāya kucchimhi uppanno. Sā ca paṭhamaṃ mātāpitaro yācitvā pabbajjaṃ alabhamānā kulagharaṃ gatā gabbhaṃ gaṇhi. Tampi ajānantī sāmikaṃ ārādhetvā tena anuññātā bhikkhunīsu pabbajitā. Tassā gabbhanimittaṃ disvā bhikkhuniyo devadattaṃ pucchiṃsu, so “assamaṇī”ti āha. Dasabalaṃ pucchiṃsu, satthā upālittheraṃ paṭicchāpesi. Thero sāvattihinagaravāsīni kulāni visākhañca upāsikaṃ pakkosāpetvā sodhento “pure laddho gabbho, pabbajjā arogā”ti āha. Satthā “suvinicchitaṃ adhikaraṇa”nti therassa sādhuakāraṃ adāsi.

Sā bhikkhunī suvaṇṇabimbāsādisaṃ puttaṃ vijāyi. Taṃ gahetvā rājā pasenadikosalo posāpesi, kassapoti cassa nāmaṃ katvā aparabhāge alaṅkaritvā satthu santikaṃ netvā pabbājesi. Kumārakāle pana pabbajitattā bhagavatā “kassapaṃ pakkosatha, idaṃ phalaṃ vā khādanīyaṃ vā kassapassa dethā”ti vutte “katarakassapassāti. Kumārakassapassā”ti evaṃ gahitanāmatā tato paṭṭhāya vuḍḍhakālepi **kumārakassapotveva** vuccati. Apica rañño posāvanikaputtattāpi kumārakassapoti taṃ sañjāniṃsu.

So pabbajitakālato paṭṭhāya vipassanāya ceva kammaṃ karoti, buddhavacanañca gaṇhāti. Atha so tena saddhiṃ pabbatamatthake samaṇadhammaṃ katvā anāgāmiphalaṃ patvā suddhāvāse nibbatta mahābrahmā tasmim̐ samaye āvajjento kumārakassapaṃ disvā “sahāyako me vipassanāya kilamati, gantvā tassa vipassanāya nayamukhaṃ dassetvā maggaphalapattiyā upāyaṃ karissāmī”ti brahmaloke ṭhitova pañcadasa pañhe abhisankharitvā rattibhāgasamanantare kumārakassapattherassa vasanaṭṭhāne andhavane pāturahosi. Thero ālokaṃ disvā “ko etthā”ti āha. “Ahaṃ pubbe tayā saddhiṃ samaṇadhammaṃ katvā anāgāmiphalaṃ patvā suddhāvāse nibbattabrahmā”ti āha. Kena kammaṃ āgatattāti? Mahābrahmā attano āgatakāraṇaṃ dipetuṃ te pañhe ācikkhitvā “tvam̐ ime pañhe uggaṇhitvā aruṇe uṭṭhite tathāgataṃ upasaṅkamitvā puccha, ṭhapetvā hi tathāgataṃ añño ime pañhe kathetuṃ samattho nāma natthī”ti vatvā brahmalokameva gato.

Theropi punadivase satthāraṃ upasaṅkamitvā vanditvā mahābrahmunā kathitaniyāmeneva pañhe pucchi. Satthā kumārakassapattherassa arahattaṃ pāpetvā pañhe kathesi. Thero satthāraṃ kathitaniyāmeneva uggaṇhitvā andhavanaṃ gantvā vipassanaṃ gabbhaṃ gāhāpetvā arahattaṃ pāpuṇi. Tato paṭṭhāya catunnaṃ parisānaṃ dhammakathaṃ kathento bahukāhi upamāhi ca kāraṇehi ca maṇḍetvā cittakathameva katheti. Atha naṃ satthā pāyāsirañño pañcadāsahi pañhehi paṭimaṇḍetvā suttante (dī. ni. 2.406 ādayo) desite taṃ suttantaṃ aṭṭhuppattiṃ katvā imasmim̐ sāsane cittakathikānaṃ aggaṭṭhāne ṭhapesīti.

### **Mahākoṭṭhitattheravatthu**

**218.** Dasame **paṭisambhidāpattānanti** catasso paṭisambhidā patvā ṭhitānaṃ mahākoṭṭhitatthero

aggoti dasseti. Ayam hi thero attano paṭisambhidāsu ciṅṅavasibhāvena abhiññāte abhiññāte mahāsāvake upasankamitvā pañhaṃ pucchantopi dasabalaṃ upasankamitvā pañhaṃ pucchantopi paṭisambhidāsuyeva pañhaṃ pucchati. Iti iminā ciṅṅavasibhāvena paṭisambhidāpattānaṃ aggo nāma jāto.

Tassa pañhakamme ayamanupubbikathā – ayampi hi padumuttarabuddhakāle haṃsavatīnagare mahābhogakule nibbato aparena samayena satthu dhammakathaṃ suṇanto satthāraṃ ekaṃ bhikkhuṃ paṭisambhidāpattānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. So yāvajīvaṃ kusalaṃ katvā devamanussesu saṃsaranto imasmiṃ buddhuppāde sāvattiyāṃ brāhmaṇakule nibbatti. Koṭṭhitamaṇavotissa nāmaṃ akāmsu. So vayappatto tayo vede uggaṇhitvā ekadivasaṃ satthu dhammakathaṃ sutvā paṭiladdhasaddho pabbaji. So upasampannakālato paṭṭhāya vipassanāya kammaṃ karonto saha paṭisambhidāhi arahattaṃ patvā niccakālaṃ paṭisambhidāsu ciṅṅavasī hutvā pañhaṃ pucchanto paṭisambhidāsuyeva pucchati. Atha naṃ satthā aparabhāge mahāvedallasuttaṃ (ma. ni. 1.449 ādayo) aṭṭhuppattiṃ katvā paṭisambhidāpattānaṃ aggaṭṭhāne ṭhapesīti.

Tatiyavaggavaṇṇanā.

## 14. Etadaggavaggo

### (14) 4. Catutthaetadaggavaggo

#### Ānandattheravatthu

**219-223.** Catutthassa paṭhame **bahussutānantiādīsu** aññepi therā bahussutā satimantā gatimantā dhitimantā upaṭṭhākā ca atthi. Ayam panāyasmā buddhavacanaṃ uggaṇhanto dasabalassa sāsane bhaṇḍāgārikapariyattiyāṃ ṭhatvā gaṇhi. Tasmā bahussutānaṃ aggo nāma jāto. Imasseva ca therassa buddhavacanaṃ gahetvā dhāraṇakasati aññehi therehi balavatarā ahoṣi, tasmā **satimantānaṃ** aggo nāma jāto. Ayameva cāyasmā ekapade ṭhatvā saṭṭhi padasahassāni gaṇhanto satthārā kathitaniyāmeneva sabbapadāni jānāti, tasmā **gatimantānaṃ** aggo nāma jāto. Tasseva cāyasmato buddhavacanaṃ uggaṇhanavīriyaṃ sajjhāyanavīriyaṃ dhāraṇavīriyaṃ satthu upaṭṭhānavīriyaṃ aññehi asadisāṃ ahoṣi, tasmā **dhitimantānaṃ** aggo nāma jāto. Tathāgataṃ upaṭṭhahanto cesa na aññesaṃ upaṭṭhākabhikkhūnaṃ upaṭṭhānākārena upaṭṭhahi, aññe hi tathāgataṃ upaṭṭhahantā na ciraṃ upaṭṭhahiṃsu, na ca buddhānaṃ manaṃ gahetvā upaṭṭhahiṃsu. Ayam thero pana upaṭṭhākappaṭṭhānaṃ laddhadivasato paṭṭhāya āradhaviṇṇāyo hutvā tathāgatassa manaṃ gahetvā upaṭṭhahi. Tasmā **upaṭṭhākānaṃ** aggo nāma jāto.

Tassa pañhakamme ayamanupubbikathā – ito kira satasahassamatthake kappe padumuttaro nāma satthā loke uppajji. Tassa haṃsavatī nāma nagaraṃ ahoṣi, nando nāma rājā pitā, sumedhā nāma devī mātā, bodhisatto uttarakumāro nāma ahoṣi. So puttassa jātadivase mahābhinnikkhamaṃ nikkhamma pabbajitvā padhānāmanuyutto anukkamena sabbaññutaṃ patvā “anekajātisaṃsāra”nti udānaṃ udānetvā sattāhaṃ bodhipallāṅke vītināmetvā “pathaviyaṃ ṭhapessāmī”ti pādaṃ abhinīhari. Atha pathaviyaṃ bhinditvā heṭṭhā vuttappamānaṃ padumaṃ utṭhāsi. Tadupādāya bhagavā padumuttaroteva paññāyittha. Tassa devalo ca sujāto ca dve aggasāvaka ahesuṃ, amitā ca asamā ca dve aggasāvika, sumano nāma upaṭṭhāko. Padumuttaro bhagavā pitu saṅghaṃ kurumāno bhikkhusatasahassaparivāro haṃsavatiyā rājadhāniyā vasati.

Kaniṭṭhabhātā panassa sumanakumāro nāma. Tassa rājā haṃsavatito vīsayojanasate bhogagāmaṃ adāsi. So kadāci kadāci āgantvā pitarāṅca satthārāṅca passati. Athekadivasaṃ paccanto kupito sumano rañño pesesi. Rājā “tvam mayā tattha kasmā ṭhapito”ti paṭipesesi. So core vūpasamētvā “upasanto, deva, janapado”ti rañño pesesi. Rājā tuṭṭho “sīghaṃ mama putto āgacchatū”ti āha. Tassa saṃsāraṃ amaccā honti. So tehi saddhiṃ antarāmagge mantesi – “mayhaṃ pitā tuṭṭho sace me varaṃ deti, kiṃ

gaṇhāmī”ti? Atha naṃ ekacce “hatthiṃ gaṇhatha, assaṃ gaṇhatha, janapadaṃ gaṇhatha, satta ratanāni gaṇhathā”ti āhaṃsu. Apare “tumhe pathavissarassa puttā, na tumhākaṃ dhanam dullabham, laddhampi cetam sabbam pahāya gamanīyaṃ, puññameva ekaṃ ādāya gamanīyaṃ. Tasmā deve varaṃ dadamāne temāsaṃ padumuttarabhagavantam upaṭṭhātuṃ varaṃ gaṇhathā”ti āhaṃsu. So “tumhe mayham kalyāṇamittā, na metaṃ cittaṃ atthi, tumhehi pana uppāditaṃ, evaṃ karissāmi”ti gantvā pitaraṃ vanditvā pitarā āliṅgetvā matthake cumbetvā “varaṃ te putta demī”ti vutte “icchāmahaṃ, mahārāja, bhagavantam temāsaṃ catūhi paccayehi upaṭṭhahanto jīvitaṃ avañjham kātuṃ, imaṃ me deva varaṃ dehi”ti āha. Na sakkā, tāta, aññaṃ varehīti. Deva, khattiyānaṃ nāma dve kathā natthi, etadeva me varaṃ dehi, na mama aññaena atthoti. Tāta, buddhānaṃ nāma cittaṃ dujjānaṃ, sace bhagavā na icchissati, mayā dinnepi kiṃ bhavissatīti? “Sādhu, deva, aham bhagavato cittaṃ jānissāmi”ti vihāraṃ gato.

Tena ca samayena bhattakiccaṃ niṭṭhāpetvā bhagavā gandhakuṭiṃ pavitṭho hoti, so maṇḍalamāle sannipatitānaṃ bhikkhūnaṃ santikaṃ agamāsi. Te naṃ āhaṃsu – “rājaputta, kasmā āgatosī”ti? Bhagavantam dassanāya, dassetha me bhagavantanti. Na mayam, rājaputta, icchiticchitakkhaṇe satthāraṃ daṭṭhuṃ labhāmāti. Ko pana, bhante, labhatīti? Sumanatthero nāma rājaputtāti. So “kuhiṃ, bhante, thero”ti? Therassa nisinnaṭṭhānaṃ pucchitvā gantvā vanditvā “icchāmahaṃ, bhante, bhagavantam passituṃ, dassetha me bhagavanta”nti āha. Thero passantasseva rājakumārassa āpokasiṇajjhānaṃ samāpajjitvā mahāpathaviṃ udakaṃ adhiṭṭhāya pathaviyaṃ nimujjitvā satthu gandhakuṭiyaṃyeva pāturaḥosi. Atha naṃ bhagavā “sumana kasmā āgatosī”ti āha. Rājaputto, bhante, bhagavantam dassanāya āgatoti. Tena hi bhikkhu āsanaṃ paññāpehīti. Puna thero passantasseva rājakumārassa buddhāsaṇaṃ gahetvā antogandhakuṭiyaṃ nimujjitvā bahipariveṇe pātubhavitvā pariveṇe āsanaṃ paññāpesi. Rājakumāro imāni dve acchariyākārāni disvā “mahanto vatāyaṃ bhikkhū”ti cintesi.

Bhagavāpi gandhakuṭito nikkhamitvā paññatte āsane nisīdi. Rājaputto bhagavantam vanditvā paṭisanthāraṃ akāsi. “Kadā āgatosi rājaputtā”ti vutte, “bhante, tumhesu gandhakuṭiṃ pavitṭhesu, bhikkhū pana ‘na mayam icchiticchitakkhaṇe bhagavantam daṭṭhuṃ labhāmā’ti maṃ therassa santikaṃ pāhesuṃ. Thero pana ekavacaneneva dasseti, thero, bhante, tumhākaṃ sāsane vallabho mañña”ti. Āma rājakumāra, vallabho esa bhikkhu mayham sāsaneṭi. Bhante, buddhānaṃ sāsane kiṃ katvā vallabhā hontīti? Dānaṃ datvā sīlaṃ samādiyitvā uposathakammaṃ katvā kumārāti. Bhagavā aham thero viya buddhasāsane vallabho hotukāmo, sve mayham bhikkham adhivāsethāti. Adhivāsesi bhagavā tuṅhībhāvena. Rājakumāro attano vasanaṭṭhānaṃ gantvā sabbarattiṃ mahāsakkāraṃ sajjitvā satta divasāni khandhāvārabhattam nāma adāsi.

Sattame divase satthāraṃ vanditvā, bhante, mayā pitu santikā temāsaṃ antovassaṃ tumhākaṃ paṭijagganavaro laddho, temāsaṃ me vassāvāsaṃ adhivāsethāti. Bhagavā “atthi nu kho tattha gatena attho”ti oloketvā “atthi”ti disvā “suññāgāre kho, rājakumāra, tathāgatā abhiraṃanti”ti āha. Kumāro “aññātaṃ bhagavā aññātaṃ sugatā”ti vatvā “aham, bhante, purimataṃ gantvā vihāraṃ kāremi, mayā pesite bhikkhusatasahassena saddhiṃ āgacchathā”ti bhagavantam paṭiññaṃ gāhāpetvā pitu santikaṃ gantvā “dinnā me, deva, bhagavatā paṭiñña, mayā pahite bhagavantam peseyyathā”ti vatvā pitaraṃ vanditvā nikkhamitvā yojane yojane vihāraṃ kārento vīsayojanasataṃ addhānaṃ gato. Gantvā ca attano nagare vihāraṭṭhānaṃ vicinanto sobhananāmassa kuṭumbikassa uyyānaṃ disvā satasahassena kiṇitvā satasahassaṃ vissajjetvā vihāraṃ kāresi. Tattha bhagavato gandhakuṭiṃ sesabhikkhūnaṃca rattitṭhānadivāṭṭhānatthāya kuṭiṇamaṇḍape kāretvā pākāraparikkhepaṃ dvārakoṭṭhakaṃca niṭṭhāpetvā pitu santikaṃ pesesi – “niṭṭhitam mayham kiccaṃ, satthāraṃ paṇiṇathā”ti.

Rājā bhagavantam bhojetvā “bhagavā sumanassa kiccaṃ niṭṭhitam, tumhākaṃ gamaṇaṃ paccāsīsatī”ti āha. Bhagavā bhikkhusatasahassaparivuto yojane yojane vihāresu vasamāno agamāsi. Kumāro “satthā āgacchatī”ti sutvā yojanaṃ paccuggantvā gandhamālādīhi pūjayamāno vihāraṃ pavesetvā –

“Satasahassena me kītaṃ, satasahassena māpitaṃ;  
Sobhanaṃ nāma uyyānaṃ, paṭiggaṇha mahāmuni”’ti. –

Vihāraṃ niyyādesi. So vassūpanāyikādivase dānaṃ datvā attano puttadāre ca amacce ca pakkosāpetvā āha – “satthā amhākaṃ santikaṃ dūratova āgato, buddhā ca nāma dhammagarukā na āmisacakkhukā. Tasmā ahaṃ imaṃ temāsaṃ dve sātaka nivāsetvā dasa sīlāni samādiyitvā idheva vasissāmi, tumhe khīṇāsavasatasahassassa imināva nīhārena temāsaṃ dānaṃ dadeyyāthā”’ti.

So sumanattherassa vasanaṭṭhānasabhāgeyeva ṭhāne vasanto yaṃ thero bhagavato vattaṃ karoti, taṃ sabbaṃ disvā “imasmiṃ ṭhāne ekantavallabho esa thero, etasseva me ṭhānantaraṃ patthetuṃ vaṭṭatī”’ti cintevā upakaṭṭhāya pavāraṇāya gāmaṃ pavisitvā sattāhaṃ mahādānaṃ datvā sattame divase bhikkhusatasahassassa pādamūle ticīvaraṃ ṭhapetvā bhagavantaṃ vanditvā, “bhante, yadetaṃ mayā sattāhaṃ khandhāvāradānato paṭṭhāya puññaṃ kataṃ, taṃ neva sakkasampattiṃ, na mārabrahmasampattiṃ patthayantena, buddhassa pana upaṭṭhākabhāvaṃ patthentena kataṃ. Tasmā ahampi bhagavā anāgate sumanatthero viya ekassa buddhassa upaṭṭhāko homī”’ti pañcapaṭiṭṭhitena paṭiṭṭhahitvā vandī. Satthā tassa anantarāyaṃ disvā byākaritvā pakkāmi. Kumāro taṃ sutvā “buddhā ca nāma advejjhakathā hontī”’ti dutiyadivase gotamabuddhassa pattaṭṭhāraṃ gahetvā piṭṭhito piṭṭhito gacchanto viya ahoṣi.

So tasmīṃ buddhuppāde vassasatasahassaṃ dānaṃ datvā sagge nibbattitvā kassapabuddhakāle piṇḍāya carato therassa pattaḡgahaṇatthaṃ uttarisātaḡaṃ datvā pūjaṃ akāsi. Puna sagge nibbattitvā tato cuto bārāṇasirājā hutvā uparipāsādaragato gandhamādanato ākāseṇa āgacchante aṭṭha paccekabuddhe disvā nimantāpetvā bhojetvā attano maṅgalauiyyāne tesāṃ aṭṭha paṇṇasālāyo kāretvā tesāṃ nisīdanatthāya attano nivesane aṭṭha sabbaratanamayāni piṭṭhāni ceva maṇiādhāraḡaḡe ca paṭiyādetvā dasa vassasahassāni upaṭṭhānaṃ akāsi. Etāni pākaṭṭhānāni.

Kappasatasahassaṃ pana dānaṃ dadamānova amhākaṃ bodhisattena saddhiṃ tusitapure nibbattitvā tato cuto amitodanasakkassa gehe nibbatti. Athassa sabbeva nītake ānandite pamudite karonto jātoti ānandotveva nāmaṃ akaṃsu. So anupubbena katābhiniḡkhamane sammāsambodhiṃ patvā paṭhamagamanena kapilavatthuṃ āgantvā tato nikkhante bhagavati bhagavato parivāratthaṃ rājakumāresu pabbajantesu bhaddiyādīhi saddhiṃ nikkhamitvā bhagavato santike pabbajitvā nacirasseva āyasmato puṇṇassa mantāṇiputtassa santike dhammakathaṃ sutvā sotāpattiḡhale paṭiṭṭhahi.

Tena kho pana samayena bhagavato paṭhamabodhiyaṃ vīsati vassāni anibaddhā upaṭṭhākā ahesuṃ. Ekadā nāgasamālo pattaṭṭhāraṃ gahetvā vicari ekadā nāgito, ekadā upavāno, ekadā sunakkhatto, ekadā cundo samaṇuddeso, ekadā sāgato, ekadā rādho, ekadā meghiyo. Tattha ekadā bhagavā nāgasamālattherena saddhiṃ addhānamaggappaṭipanno dvedhāpathaṃ patto. Thero maggā okkamma “bhagavā ahaṃ iminā maggena gacchāmi”’ti āha. Atha naṃ bhagavā “ehi bhikkhu, iminā maggena gacchāmā”’ti āha. So “handa bhagavā tumhākaṃ pattaṭṭhāraṃ gaṇhatha, ahaṃ iminā maggena gacchāmi”’ti vatvā pattaṭṭhāraṃ bhūmiyaṃ ṭhapetuṃ āraddho. Atha naṃ bhagavā “āhara bhikkhū”’ti vatvā pattaṭṭhāraṃ gahetvā gato. Tassapi bhikkhuno itarena maggena gacchato corā pattaṭṭhāraṇceva hariṃsu, sīsaṇca bhindīṃsu. So “bhagavā idāni me paṭisaraṇaṃ, na añño”’ti cintevā lohiteṇa galanteṇa bhagavato santikaṃ āgami. “Kimidaṃ bhikkhū”’ti ca vutte taṃ pavattiṃ ārocesi. Atha naṃ bhagavā “mā cinteyi bhikkhu, etassa kāraṇāyeva taṃ nivārayimhā”’ti vatvā samassāsesi.

Ekadā pana bhagavā meghiyattherena saddhiṃ pācīnavamse migadāye jantugāmaṃ agamāsi. Tatrāpi meghiyo jantugāme piṇḍāya caritvā nadīṭṭre pāsādikāṃ ambavanaṃ disvā “bhagavā tumhākaṃ pattaṭṭhāraṃ gaṇhatha, ahaṃ tasmīṃ ambavane samaṇadhammaṃ karomī”’ti vatvā bhagavatā tikkhattuṃ nivāriyamānopi gantvā akusalavitakkehi anvāsatto paccāgantvā taṃ pavattiṃ ārocesi. Tampi bhagavā “imameva te kāraṇaṃ sallakkhetvā nivārayimhā”’ti vatvā anupubbena sāvatthiṃ agamāsi. Tattha gandhakuṭipariveṇe paññattavarabuddhāsane nisinnō bhikkhusaṅghaparivuto bhikkhū āmantesi –



“bhikkhave, idānimhi mahallako, ‘ekacce bhikkhū iminā maggena gacchāmā’ ti vutte aññena gacchanti, ekacce mayhaṃ pattacīvaraṃ bhūmiyaṃ nikkhipanti, mayhaṃ nibaddhupaṭṭhākaṃ ekaṃ bhikkhuṃ jānāthā” ti. Bhikkhūnaṃ dhammasaṃvego udapādi. Athāyasmā sārīputto uṭṭhāyāsanaṃ bhagavantaṃ vanditvā “ahaṃ, bhante, tumheyeva patthayamāno satasahassakappādhikaṃ asaṅkhyeyyaṃ pāramiyo pūrayiṃ, nanu mādiso mahāpañño upaṭṭhāko nāma vaṭṭati, ahaṃ upaṭṭhahissāmī” ti āha. Taṃ bhagavā “alaṃ, sārīputta, yassaṃ disāyaṃ tvaṃ viharasi, asuññā ve sā disā, tava hi ovādo buddhānaṃ ovādasadisso, tena me tayā upaṭṭhākakiccaṃ atthī” ti paṭikkhipi. Eteneva upāyena mahāmogallānaṃ ādiṃ katvā asīti mahāsāvakaṃ uṭṭhahimsu. Te sabbe bhagavā paṭikkhipi.

Ānandatthero pana tuṅhīyeva nisīdi. Atha naṃ bhikkhū āhaṃsu – “āvuso ānanda, bhikkhusaṅgho upaṭṭhākaṭṭhānaṃ yācati, tvampi yācāhī” ti. Yācitvā laddhaṭṭhānaṃ nāma, āvuso, kīdisaṃ hoti, kiṃ maṃ sathā na passati? Sace sathā rocissati, “ānando maṃ upaṭṭhahatū” ti vakkhatīti. Atha bhagavā “na, bhikkhave, ānando aññehi ussāhetabbo, sayameva jānitvā maṃ upaṭṭhahissatī” ti āha. Tato bhikkhū “uṭṭhehi, āvuso ānanda, uṭṭhehi, āvuso ānanda, dasabalaṃ upaṭṭhākaṭṭhānaṃ yācāhī” ti āhaṃsu. Thero uṭṭhahitvā cattāro paṭikkhepā catasso ca āyācanāti aṭṭha vare yāci.

**Cattāro paṭikkhepā** nāma – “sace me, bhante, bhagavā attanā laddhaṃ paṇītaṃ cīvaraṃ na dassati, piṇḍapātaṃ na dassati, ekagandhakuṭīyaṃ vasitūṃ na dassati, nimantanaṃ gahetvā na gamissati, evāhaṃ bhagavantaṃ upaṭṭhahissāmī” ti vatvā “kaṃ panettha, ānanda, ādīnavaṃ addasā” ti vutte āha – “sacāhaṃ, bhante, imāni vatthūni labhissāmi, bhavissanti vattāro ‘ānando dasabalena laddhaṃ paṇītaṃ cīvaraṃ paribhuñjati, piṇḍapātaṃ paribhuñjati, ekagandhakuṭīyaṃ vasati, ekato nimantanaṃ gacchati. Etaṃ lābhaṃ labhanto tathāgataṃ upaṭṭhāti, ko evaṃ upaṭṭhahato bhāro” ti? Ime cattāro paṭikkhepe yāci.

**Catasso āyācanā** nāma – “sace, bhante, bhagavā mayā gahitanimantanaṃ gamissati, sacāhaṃ tiroraṭṭhā tirojanapadā bhagavantaṃ daṭṭhuṃ āgataṃ parisāṃ āgatakkhaṇeyeva bhagavantaṃ dassetuṃ lacchāmi, yadā me kaṅkhā uppajjati, tasmīmyeva khaṇe bhagavantaṃ upasaṅkamtūṃ lacchāmi, tathā yaṃ bhagavā mayhaṃ parammukhe dhammaṃ deseti, taṃ āgantvā mayhaṃ kathessati, evāhaṃ bhagavantaṃ upaṭṭhahissāmī” ti vatvā “kaṃ panettha, ānanda, ānisaṃsaṃ passasī” ti vutte āha – “idha, bhante, saddhā kulaputtā bhagavato okāsaṃ alabhantā maṃ evaṃ vadanti ‘sve, bhante ānanda, bhagavatā saddhiṃ amhākaṃ ghare bhikkhaṃ gaṇheyyāthā’ ti. Sace bhagavā tattha na gamissati, icchiticchitakkhaṇeyeva parisāṃ dassetuṃ, kaṅkhaṇca vinodetuṃ okāsaṃ na lacchāmi, bhavissanti vattāro ‘kiṃ ānando dasabalaṃ upaṭṭhāti. Ettakampissa bhagavā anuggahaṃ na karotī’ ti. Bhagavato ca parammukhā maṃ pucchissanti ‘ayaṃ, āvuso ānanda, gāthā, idaṃ suttaṃ, idaṃ jātaṃ kattha desita’ nti. Sacāhaṃ taṃ na sampādayissāmi, bhavissanti vattāro – ‘ettakampi, āvuso, na jānāsi, kasmā tvaṃ chāyā viya bhagavantaṃ avijahanto dīgharattaṃ vicarasī’ ti. Tenāhaṃ parammukhā desitassapi dhammassa puna kathanaṃ icchāmī” ti. Imā catasso āyācanā yāci. Bhagavāpissa adāsi.

Evaṃ ime aṭṭha vare gahetvā nibaddhupaṭṭhāko ahoṣi. Tasseva ṭhānantarassa atthāya kappasatasahassaṃ pūritānaṃ pāramīnaṃ phalaṃ pāpuṇi. So upaṭṭhākaṭṭhānaṃ laddhadvivāso paṭṭhāya dasabalassa duvidhena udakena tividhena dantakaṭṭhena hatthapādaparikkammaṃ piṭṭhiparikkammaṃ gandhakuṭīpariveṇaṃ sammajjanenāti evamādīhi kiccehi upaṭṭhahanto “imāya nāma velāya sattu imaṃ nāma laddhuṃ vaṭṭati, idaṃ nāma kātuṃ vaṭṭatī” ti divasabhāgaṃ santikāvācaro hutvā rattibhāgasamanantare daṇḍadīpikaṃ gahetvā ekarattimā gandhakuṭīpariveṇaṃ nava vāre anupariyāyati. Evañhissa ahoṣi – “sace me thinamiddhaṃ okkameyya, dasabale pakkosante paṭivacanaṃ dātuṃ na sakkuṇeyya” nti. Tasmā sabbarattimā daṇḍadīpikaṃ hatthena na muñcati. Idamettakaṃ vatthu. Aparabhāge pana sathā jetavane viharanto anekapariyāyena dhammabhaṇḍāgārīkānandattherassa vaṇṇaṃ kathetvā therāṃ imasmimā sāsane bahussutānaṃ satimantānaṃ gatimantānaṃ dhitimantānaṃ upaṭṭhākānaṃca bhikkhūnaṃ aggaṭṭhāne ṭhapesīti.

### Uruvelakassapattheravatthu

**224.** Dutīye **mahāparisānanti** mahāparivārānaṃ uruvelakassapo aggoti dasseti. Aññesañhi therānaṃ kañci kālaṃ parivāro mahā hoti kañci kālaṃ appo, imassa pana therassa dvīhi bhātikēhi saddhiṃ ekaṃ samaṇasahassaṃ nibaddhparivārova ahoṣi. Tesu ekekasmīṃ ekekaṃ pabbājente dve samaṇasahassāni honti, dve dve pabbājente tīṇi saḥassāni honti. Tasmā so mahāparivārānaṃ aggo nāma jāto. **Kassapoti** panassa gottaṃ. Uruvelāyaṃ pabbajitattā **uruvelakassapoti** paññāyittha.

Tassa pañhakamme ayamanupubbikathā – ayampi hi padumuttarabuddhakāle haṃsavatīnagare kulagehe paṭisandhiṃ gahevā vayappatto satthu dhammakathaṃ suṇanto satthāraṃ ekaṃ bhikkhuṃ mahāparisānaṃ aggaṭṭhāne ṭhapentaṃ disvā “mayāpi anāgate evarūpena bhavituṃ vaṭṭatī”ti sattāhaṃ buddhappamukhassa bhikkhusaṅghassa mahādānaṃ datvā ticīvarena acchādetvā satthāraṃ vanditvā mahāparisānaṃ aggabhāvattaṃ patthanaṃ akāsi. Satthā anantarāyaṃ disvā anāgate gotamabuddhassa sāsane mahāparisānaṃ aggo bhavissatī”ti byākaritvā pakkāmi.

Sopi kulaputto yāvajīvaṃ kalyāṇakammaṃ katvā devamanussesu saṃsaranto ito dvenavutikappamatthake phussabuddhassa vemātikakaniṭṭhabhātā hutvā nibbatta, pitā mahindarājā nāma. Apare panassa dve kaniṭṭhabhātaro ahesuṃ. Evaṃ te tayo bhātaro visuṃ visuṃ ṭhānantaraṃ labhiṃsu. Te heṭṭhā vuttanayeneva kupitaṃ paccantaṃ vūpasametvā pitu santikā varaṃ labhitvā “temāsaṃ dasabalaṃ paṭijaggissāmā”ti varaṃ gaṇhiṃsu. Atha nesaṃ etadahosi – “amhehi dasabalaṃ paṭijaggantehi anucchavikaṃ kātuṃ vaṭṭatī”ti ekaṃ amaccaṃ uppādakaṭṭhāne ṭhapetvā ekaṃ āyavayajānanakaṃ katvā ekaṃ buddhappamukhassa bhikkhusaṅghassa parivesakaṭṭhāne ṭhapetvā attanā dasa sīlāni samādāya temāsaṃ sikkhāpadāni rakkhiṃsu. Te tayo amaccā heṭṭhā vuttanayeneva imasmīṃ buddhupāde bimbisāraṇisākharaṭṭhapālā jātā.

Te pana rājakumārā vutthavasse dasabale sahatthā buddhappamukhaṃ bhikkhusaṅghaṃ paccayapūjāya pūjetvā yāvajīvaṃ kalyāṇakammaṃ katvā amhākaṃ dasabalassa nibbattito puretameva brāhamaṇakule nibbattitvā attano gottavasena tayopi janā kassapā eva nāma jātā. Te vayappattā tayo vede uggaṇhiṃsu. Tesam jeṭṭhabhātikassa pañca māṇavakasatāni parivāro ahoṣi, majjhimassa tīṇi, kaniṭṭhassa dve. Te attano ganthe sāraṃ oloketā diṭṭhadhammikameva passiṃsu, na samparāyikaṃ. Atha nesaṃ jeṭṭhabhātā attano parivārena saddhiṃ uruvelaṃ gantvā isipabbajjaṃ pabbajitvā uruvelakassapo nāma jāto, mahāgaṅgānadīvaṅke pabbajito nadīkassapo nāma jāto, gayāsīse pabbajito gayākassapo nāma jāto.

Evaṃ tesu isipabbajjaṃ pabbajitvā tattha vasantesu bahūnaṃ divasānaṃ accayena amhākaṃ bodhisatto mahābhinnikkhamaṇaṃ nikkhamitvā paṭividdhasabbaññutaññāṇo anukkamena dhammacakkaṃ pavattetvā pañcavaggiye there arahatte paṭiṭṭhāpetvā yasadāraṇakappamukhe pañcapanāñña saḥāyakepi vinetvā satṭhi arahante “caratha, bhikkhave, cārika”nti bahujanahitāya cārikaṃ pesetvā bhaddavaggiye vinetvā uruvelakassapassa hetuṃ disvā “mayi gate tayo bhātikā saparivārā arahattaṃ pāpuṇissantī”ti ñatvā ekako adutiyo uruvelakassapassa vasanaṭṭhānaṃ gantvā vasanaṭṭhāya agyāgāraṃ yācitvā tattha kataṃ nāgadamaṇaṃ ādiṃ katvā aḍḍhuḍḍhasahashehi pāṭihāriyehi uruvelakassapaṃ saparivāraṃ vinetvā pabbājesi. Tassa pabbajitabhāvaṃ ñatvā itarepi dve bhātaro saparivārā āgantvā pabbajīṃsu, sabbepi ehibhikkhū iddhiṃapattacīvaradharā ahesuṃ.

Satthā taṃ samaṇasahassaṃ ādāya gayāsīsaṃ gantvā piṭṭhipāsāṇe nisinno “kathaṃrūpā nu kho etesaṃ dhammadesanā sappāyā”ti oloketto “ime aggaṃ paricarantā vicariṃsu, imesaṃ tayo bhava ādittāgārasadise katvā dassetuṃ vaṭṭatī”ti ādittapariyāyasuttaṃ (mahāva. 54) desesi. Desanāpariyosāne sabbeva arahattaṃ pattā. Satthā tehi parivuto pubbe bimbisārarañño dinnapaṭiññattā rājagahanagare laṭṭhivanuyyānaṃ agamāsi. Rājā dasabalassa āgatabhāvaṃ sutvā dvādasanahutehi brāhmaṇagahapatikehi saddhiṃ satthāraṃ upasaṅkamitvā vanditvā ekamantaṃ nisīdi. Satthā sabbāvantaṃ parisaṃ oloketvā mahājānaṃ uruvelakassapassa nipaccakāraṃ karontaṃ disvā “ime mayhaṃ vā kassapassa vā mahantabhāvaṃ na jānanti, savitakkā ca nāma desanaṃ sampācchitūṃ na sakkontī”ti cintevā, “kassapa, tuyhaṃ upaṭṭhākānaṃ vitakkaṃ chindā”ti therassa saññaṃ adāsi. Thero

satthu vacanaṃ sampaṭicchitvā uṭṭhāyāsanaṃ satthāraṃ pañcapaṭiṭṭhitena vanditvā tālappamaṇaṃ ākāsaṃ uppatitvā iddhivikubbaṃ dassetvā “satthā me, bhante, bhagavā, sāvako hamasmi, satthā me, bhante, bhagavā, sāvako hamasmi”ti vatvā oruyha dasabalassa pāde vandī. Etenupāyena sattame vāre sattaṭalappamaṇaṃ ākāsaṃ abbhuggantvā puna āgantvā dasabalassa pāde vanditvā ekamantaṃ nisīdi.

Tasmiṃ kāle mahājano “ayaṃ loke mahāsamaṇo”ti satthari nibbitakko jāto, athassa satthā dhammaṃ desesi. Desanāpariyosāne rājā ekādasanahutehi brāhmaṇagahapatikehi saddhiṃ sotāpattiphale paṭiṭṭhito, ekanahutaṃ upāsakattaṃ paṭivedesi. Tepi uruvelakassapassa parivārā sahasamattā bhikkhū attano āsevanavasena cintesuṃ – “amhākaṃ pabbajitakiccaṃ matthakaṃ pattaṃ, bahi gantvā kiṃ karissāmā”ti uruvelakassapattheraṃyeva parivāretvā vicariṃsu. Tesu ekekasmim ekekaṃ nissitakaṃ gaṇhante dve sahasāni honti, dve dve gaṇhante tīṇi sahasāni honti. Tato paṭṭhāya yattakā tesu nissitakā, tattake kathetuṃ vaṭṭatīti. Idamettha vatthu. Aparabhāge pana satthā jetavane viharanto therāṃ mahāparisānaṃ aggaṭṭhāne ṭhapesīti.

### Kāḷudāyittheravatthu

**225.** Tatiye kulappasādakānanti kulaṃ pasādentānaṃ. Ayaṃ hi thero adiṭṭhabuddhadassanaṃyeva suddhodanamahārājassa nivesanaṃ pasādesi, tasmā kulappasādakānaṃ aggo nāma jāto.

Tassa pañhakamme ayamanupubbikathā – ayampi hi padumuttarabuddhakāle haṃsavatīnagare kulagehe nibbato satthu dhammadesanaṃ suṇanto satthāraṃ ekaṃ bhikkhuṃ kulappasādakānaṃ aggaṭṭhāne ṭhapentaṃ disvā adhiṅgāraṃ katvā taṃ ṭhānantaraṃ patthesi. So yāvajīvaṃ kusalaṃ katvā devamanussesu saṃsāranto amhākaṃ bodhisattassa mātukucchiyaṃ paṭisandhiggahaṇadivase kapilavatthusmiṃyeva amaccagehe paṭisandhiṃ gaṇhi. Jātadivase bodhisattena saddhiṃyeva jātoti taṃdivasaṃyeva taṃ dukūlacumbuṭake nipajjāpetvā bodhisattassa upaṭṭhānatthāya nayiṃsu. Bodhisattena hi saddhiṃ bodhirukkho rāhulamātā catasso nidhikumbhiyo ārohaniyahatthī kaṇḍako channo kāḷudāyīti ime satta ekadivase jātattā sahaṅgātā nāma ahesuṃ. Athassa nāmaggaṇadivase sakalanagaraṃ udaggacittadivase jātoti udāyīteva nāmaṃ akāṃsu. Thokaṃ kāḷadhātukattā pana **kāḷudāyī** nāma jāto. So bodhisattena saddhiṃ kumārakīḷaṃ kīḷanto vuddhiṃ agamāsi.

Aparabhāge bodhisatto mahābhikkhamaṇaṃ nikkhamitvā anukkamena sabbaññutaṃ patvā pavattitavaradhammacakko lokānuggahaṃ karonto rājagahaṃ upanissāya viharati. Tasmiṃ samaye suddhodanamahārājā “siddhatthakumāro abhisambodhiṃ patvā rājagahaṃ upanissāya veḷuvane viharati”ti sutvā purisasahassaparivāraṃ ekaṃ amaccaṃ “puttaṃ me idha ānehi”ti pesesi. So saṭṭhiyojanamaggaṃ gantvā dasabalassa catuparisamajje nisīditvā dhammadesanāvelāya viharāṃ pāvīsi. So “tiṭṭhatu tāva rañña pahitasāsana”nti parisapariyante ṭhito satthu dhammadesanaṃ sutvā yathāṭṭhitova saddhiṃ purisasahassehi arahattaṃ pāpuṇi. Atha nesuṃ satthā “etha bhikkhavo”ti hatthaṃ pasāresi, sabbe taṃkhaṇaṃyeva iddhimayaṃpattacīvaradharā vassasaṭṭhikattherā viya ahesuṃ. Arahattaṃ pattakālato paṭṭhāya pana ariyā nāma majjhātāva hontīti rañña pahitasāsanaṃ dasabalassa na kathesi. Rājā “neva gato āgacchati, na sāsanaṃ suyati”ti “ehi, tāta, tvaṃ gacchā”ti teneva niyāmena aññaṃ amaccaṃ pesesi. Sopi gantvā purimanayeneva saddhiṃ parisāya arahattaṃ patvā tuṅhī ahoṣi. Evaṃ navahi amaccehi saddhiṃ nava purisasahassāni pesesi. Sabbe attano kiccaṃ niṭṭhāpetvā tuṅhī ahesuṃ.

Atha rājā cintesi – “ettakā janā mayi sinehābhāvena dasabalassa idhāgamanatthāya na kiñci kathayiṃsu, añña gantvāpi dasabalaṃ ānetuṃ na sakkhissanti. Mayhaṃ kho pana putto udāyī dasabalena saddhiṃ ekavayo sahaṃsukīḷiko, mayi cassa sineho atthī”ti kāḷudāyīṃ pakkosāpetvā, “tāta, purisasahassaparivāro gantvā dasabalaṃ ānehi”ti āha. Paṭṭhamaṃ gatapurisā viya pabbajitūṃ labhanto ānessāmi, devāti. Yaṃkiñci katvā mama puttaṃ dassēhīti. “Sādhu, devā”ti rañña sāsanaṃ ādāya rājagahaṃ gantvā satthu dhammadesanāvelāya parisapariyante ṭhito dhammaṃ sutvā saparivāro arahattaphalaṃ patvā ehibhikkhubhāve paṭiṭṭhāsi. Tato cintesi – “na tāva dasabalassa kulanagaraṃ

gantum esa kālo, vasantasamaye supupphitesu vanasaṇḍesu haritaṇṇasañchannāya pathaviyā esa kālo bhavissatī”ti kālaṃ paṭimānento tassa kālassa āgatabhāvaṃ ñatvā –

“Nātisītaṃ nātiṇṇaṃ, nātidubbhikkhachātakam;  
Saddalā haritā bhūmi, esa kālo mahāmuni”ti. –

Saṭṭhimattāhi gāthāhi dasabalassa kulanagaraṃ gamanattāya gamanavaṇṇaṃ vaṇṇesi. Sattā “udāyī gamanavaṇṇaṃ katheti, kapilavattunagaraṃ gantum esa kālo”ti vīsatisahassabhikkhuparivāro aturitagamanena cārikaṃ nikkhami.

Udāyitthero satthu nikkhantabhāvaṃ ñatvā “pitu mahārājassa saññaṃ dātuṃ vaṭṭatī”ti vehāsaṃ abbhuggantvā rañño nivesane pāturahosi. Suddhodanamahārājā therāṃ disvā tuṭṭhacitto mahārahe pallaṅke nisīdāpetvā attano paṭiyāditassa nānaggarasabhojanassa pattaṃ pūretvā adāsi. Thero uṭṭhāya gamanākappaṃ dassesi. Nisīditvāva bhuñja, tātāti. Satthu santikaṃ gantvā bhuñjissāmi, mahārājāti. Kahaṃ pana, tāta, satthāti? Vīsatisahassabhikkhuparivāro tumhākaṃ dassanattāya cārikaṃ nikkhanto, mahārājāti. Tumhe imaṃ piṇḍapātaṃ paribhuñjitvā yāva mama putto imaṃ nagaraṃ sampāpuṇāti, tāvassa itova piṇḍapātaṃ harathāti. Thero bhattakiccaṃ katvā dasabalassa āharitabbaṃ bhattaṃ gahetvā dhammakathaṃ kathetvā dasabalassa adassaneneva sakalarājanivesanaṃ saddhāpaṭilābhaṃ labhāpetvā sabbesaṃ passantānaññaṃ pattaṃ ākāse vissajjetvā sayampi vehāsaṃ abbhuggantvā piṇḍapātaṃ ādāya satthu hatthe ṭhapesi, satthā taṃ piṇḍapātaṃ paribhuñji. Thero saṭṭhiyojanamaggaṃ yojanaparamaṃ gacchantassa satthuno divase divase rājagehato bhattaṃ āharitvā adāsi. Evaṃ vatthu veditabbaṃ. Atha aparabhāge satthā “mayhaṃ pitu mahārājassa sakalanivesanaṃ pasādesī”ti therāṃ kulappasādakānaṃ aggaṭṭhāne ṭhapesīti.

### Bākulattheravatthu

**226.** Catutthe **appābādhānanti** nirābādhānaṃ. **Bākuloti** dvīsu kulesu vaḍḍhitattā evaṃladdhanāmo thero.

Tassa pañhakamme ayamanupubbikathā – ayaṃ kira atīte ito kappasatasahassādhike asaṅkhyeyyamattake anomadassidasabalassa nibbattito puretameva brāhmaṇakule paṭisandhiṃ gaṇhitvā vayaṃ āgamma uggahitavedo vedattaye sāraṃ apassanto “sampaṛāyikatthaṃ gavesissāmi”ti pabbatapāde isipabbajjaṃ pabbajitvā pañcābhīṇṇā-aṭṭhasamāpattilābhī hutvā jhānakīlitāya vītināmesi. Tasmīṃ samaye anomadassī bodhisatto sabbaññutaṃ patvā ariyagaṇaparivuto cārikaṃ carati. Tāpaso “tīṇi ratanāni uppanāni”ti sutvā satthu santikaṃ gantvā dhammaṃ sutvā desanāpariyosāne saraṇesu paṭiṭṭhito, attano ṭhānaṃ pana vijahitum nāsakkhi. So kālena kālaṃ satthu dassanāya ceva gacchati, dhammañca suṇāti.

Athekasmīṃ samaye tathāgatassa udaravāto uppajji. Tāpaso satthu dassanattāya āgato “satthā gilāno”ti sutvā “ko, bhante, ābādhō”ti. “Udaravāto”ti vutte “ayaṃ kālo mayhaṃ puññaṃ kātu”nti pabbatapādaṃ gantvā nānāvidhāni bhesajjāni samodhānetvā “idaṃ bhesajjaṃ satthu upanethā”ti upaṭṭhakattherassa adāsi. Saha bhesajjassa upayogena udaravāto paṭippassambhi. So satthu phāsukakāle gantvā evamāha – “bhante, yadidaṃ mama bhesajjena tathāgatassa phāsukaṃ jātaṃ, tassa me nissandena nibbattanibbattabhava gaddūhanamattampi sarīre byādhi nāma mā hotū”ti. Idamassa tasmīṃ attabhāve kalyāṇakammaṃ.

So tato cuto brahmaloke nibbattitvā ekaṃ asaṅkhyeyyaṃ devamanussesu saṃsaranto padumuttarabuddhakāle haṃsavatīnagare kulagehe paṭisandhiṃ gahetvā satthāraṃ ekaṃ bhikkhuṃ appābādhānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. So yāvātāyukaṃ kusalaṃ katvā devamanussesu saṃsaranto vipassīdasabalassa nibbattito puretameva bandhumatīnagare brāhmaṇakule nibbatto purimanayeneva isipabbajjaṃ pabbajitvā jhānalābhī hutvā

pabbatapāde vasati.

Vipassībodhisattopi sabbaññutaṃ patvā aṭṭhasaṭṭhibhikkhusatasahassaparivāro bandhumatīnagaraṃ upanissāya pitu mahārājassa saṅgahaṃ karonto khome migadāye viharati. Athāyaṃ tāpaso dasabalassa loke nibbattabhāvaṃ ñatvā āgantvā satthu dhammakathaṃ sutvā saraṇesu paṭiṭṭhāsi, attano pabbajjaṃ jahitum nāsakkhi, kālena kālaṃ pana satthu upaṭṭhānaṃ gacchati.

Athekasmiṃ samaye ṭhapetvā satthārañceva dve aggasāvake ca himavati pupphitānaṃ visarukkhaṇaṃ vātasamphassaena sesabhikkhūnaṃ matthakarogo nāma udapādi. Tāpaso satthu upaṭṭhānaṃ āgato bhikkhū sasīsaṃ pārupitvā nipanne disvā – “kiṃ, bhante, bhikkhusaṅghassa aphāsuka”nti pucchi. Bhikkhūnaṃ tiṇapupphakarogo, āvusoti. Tāpaso cintesi – “ayaṃ kālo mayhaṃ bhikkhusaṅghassa kāyaveyyāvaticakammaṃ katvā puññaṃ nibbattetu”nti attano ānubhāvena nānāvīdhāni bhesajjāni saṃkaḍḍhitvā yojetvā adāsi. Sabbabhikkhūnaṃ rogo taṃkhaṇaṃyeva vūpasanto.

So yāvātāyukaṃ ṭhatvā brahmaloke nibbattitvā ekanavutikappe devamanussesu saṃsaranto kassapabuddhakāle bārāṇasiyaṃ kulagehe nibbatta gharāvāsaṃ vasanto “mayhaṃ vasanagehaṃ dubbalaṃ, paccantaṃ gantvā dabbasambhāraṃ āharitvā gehaṃ karissāmī”ti vaḍḍhakīhi saddhiṃ gacchanto antarāmagge ekaṃ jīṇṇaṃ mahāvihāraṃ disvā “tiṭṭhatu tāva mayhaṃ gehakammaṃ, na taṃ mayā saddhiṃ gamissati, yaṃkiñci katvā pana saddhiṃ gamanakammameva puretaraṃ kātum vaṭṭatī”ti teheva vaḍḍhakīhi dabbasambhāraṃ gāhāpetvā tasmīṃ vihāre uposathāgāraṃ kāresi, bhojanasālaṃ aggisālaṃ dīghacānkamaṃ jantāgharaṃ kappiyakuṭiṃ vaccakuṭiṃ ārogyasālaṃ kāresi, yaṃkiñci bhikkhusaṅghassa upabhogaparibhogaṃ bhesajjaṃ nāma sabbaṃ paṭiyādetvā ṭhapesi.

So yāvajīvaṃ kusalaṃ katvā ekaṃ buddhantaṃ devamanussesu saṃsaranto amhākaṃ dasabalassa nibbattito puretaraṃyeva kosambiyaṃ seṭṭhigehe paṭisandhiṃ gaṇhi. Tassa paṭisandhiggahaṇadivasato paṭṭhāya taṃ seṭṭhikulaṃ lābhaggayasaggappattaṃ ahoṣi. Athassa mātā puttā vijāyitvā cintesi – “ayaṃ dārako puññavā katādhikāro, yattakaṃ kālaṃ arogo dīghāyuko hutvā tiṭṭhati, tattakaṃ amhākaṃ sampattidāyako bhavissati. Jātadivaseyeva mahāyamunāya nhātadārakā nirogā hontī”ti nhāpanatthāya naṃ pesesi. “Pañcame divase sīsaṃ nhāpetvā nadikīlanatthāya naṃ pesesī”ti majjhimabhāṇakā. Tattha dhātīyā dārakaṃ nimujjanumujjanavasena kīlāpentiyā eko maccho dārakaṃ disvā “bhakkho me aya”nti maññamāno mukhaṃ vivaritvā upagato. Dhātī dārakaṃ chaḍḍetvā palātā, maccho taṃ gili. Puññavā satto dukkhaṃ na pāpuṇi, sayanagabbhaṃ pavisitvā nipanno viya ahoṣi. Maccho dārakassa tejena tattaphālaṃ gilitvā ḍayhamāno viya vegena tiṃsayojanaṃ gantvā bārāṇasinagaravāsino macchabandhassa jālaṃ pāvisi. Mahāmacchā nāma jālena baddhā māriyamānāva maranti, ayaṃ pana dārakassa tejena jālato nīhaṭamattova mato. Macchabandhā ca mahāmacchaṃ labhitvā phāletvā vikkiṇanti, taṃ pana dārakassa ānubhāvena aphāletvā sakalameva kājena haritvā “sahassena demā”ti vadantā nagare vicariṃsu, koci na gaṇhātī.

Tasmīṃ pana nagare aputtakaṃ asītikotiṃvibhavaṃ seṭṭhikulaṃ atthi. Tassa dvāramūlaṃ patvā “kiṃ gahetvā dethā”ti vuttā “kahāpaṇa”nti āhaṃsu. Tehi kahāpaṇaṃ datvā gahito. Seṭṭhibhariyāpi aññesu divasesu macche na keḷāyati, taṃdivasaṃ pana macchaṃ phalake ṭhapetvā sayameva phālesi. Macchañca nāma kucchito phāleṇti, sā pana piṭṭhito phāleṇti macchakucchiyaṃ suvaṇṇavaṇṇaṃ dārakaṃ disvā “macchakucchiyaṃ me putto laddho”ti nādaṃ naditvā dārakaṃ ādāya sāmikassa santikaṃ agamāsi. Seṭṭhi tāvadeva bheriṃ carāpetvā dārakamādāya rañño santikaṃ gantvā “macchakucchiyaṃ me, deva, dārako laddho, kiṃ karomā”ti āha. Puññavā esa, yo macchakucchiyaṃ ārogo vasi, posehi nanti.

Assosi kho itaraṃ kulaṃ “bārāṇasiyaṃ kira ekaṃ seṭṭhikulaṃ macchakucchiyaṃ dārakaṃ labhī”ti. Te tattha agamaṃsu. Athassa mātā dārakaṃ alaṅkaritvā kīlāpiyamānaṃ disvā “manāpo vatāyaṃ dārako”ti gahetvā pakatiṃ ācikkhi. Itarā “mayhaṃ putto”ti āha. Kahaṃ te laddhoti. Macchakucchiyanti. Na tuyhaṃ putto, mayhaṃ puttoti. Kahaṃ te laddhoti. Mayā dasa māse kucchiyā

dhārito, atha naṃ nadiyā kīlāpiyamānaṃ maccho gilīti. Tuyhaṃ putto aññena macchena gilito bhavissati, ayaṃ pana mayā macchakucchiyaṃ laddhoti ubhopi rājakulaṃ agamaṃsu. Rājā āha – “ayaṃ dasa māse kucchiyā dhāritattā amātā kātuṃ na sakkā, macchaṃ gaṇhantāpi vakkayakanādīni bahi katvā gaṇhantā nāma natthīti macchakucchiyaṃ laddhattā ayampi amātā kātuṃ na sakkā, dārako ubhinnampi kulānaṃ dāyādo hotū”ti. Tato paṭṭhāya dvepi kulāni ativiya lābhaggayasaggappattāni ahesuṃ. Tassa dvīhi kulehi vaḍḍhitattā bākulakumāroti nāmaṃ karīṃsu.

Tassa viññutaṃ pattassa dvīsūpi nagaresu tayo tayo pāsāde kāretvā nāṭakāni paccupaṭṭhapesuṃ. Ekekasmīṃ nagare cattāro cattāro māse vasati. Ekasmīṃ nagare cattāro māse vutthassa saṅghāṇāvāsu maṇḍapaṃ kāretvā tattha naṃ saddhiṃ nāṭakehi āropenti. So sampattiṃ anubhavamāno catūhi māsehi itaraṃ nagaraṃ gacchati. Taṃnagaravāsīni nāṭakāni “dvīhi māsehi upaḍḍhamaggaṃ āgato bhavissati”ti paccuggantvā taṃ parivāretvā dvīhi māsehi attano nagaraṃ nenti, itarāni nāṭakāni nivattitvā attano nagarameva gacchati. Tattha cattāro māse vasitvā teneva niyāmena puna itaraṃ nagaraṃ gacchati. Evamassa sampattiṃ anubhavantassa asīti vassāni paripuṇṇāni.

Tasmīṃ samaye amhākaṃ bodhisatto sabbaññutaṃ patvā pavattitavaradhammacakko anukkamena cārikaṃ caramāno kosambīṃ pāpuṇi, bārāṇasinti majjhimabhāṇakā. Bākulo seṭṭhipi kho “dasabalo āgato”ti sutvā bahuṃ gandhamālaṃ ādāya satthu santikaṃ gantvā dhammakathaṃ sutvā paṭiladdhasaddho pabbaji. So sattāhameva puthujjano hutvā aṭṭhame aruṇe saha paṭisambhidāhi arahattaṃ pāpuṇi. Athassa dvīsū nagaresu gihikāle paricārikamātugāmā attano kulagharāni āgantvā tattha vasamānā cīvarāni katvā pahīṃsu. Thero ekaṃ addhamāsaṃ kosambivāsikehi pahitaṃ cīvaraṃ bhūñjati, ekaṃ addhamāsaṃ bārāṇasivāsikehīti. Eteneva niyāmena dvīsūpi nagaresu yaṃ yaṃ uttamaṃ, taṃ taṃ therasseva āhariyati. Therassa asīti vassāni agāramajjhe vasantassa dvīhaṅgulehi gandhapinḍaṃ gahetvā upasiṅghanamattampi kālaṃ na koci ābādho nāma ahosi. Āsītime vasse sukheveva pabbajjaṃ upagato. Pabbajitassāpissa appamattakopi ābādho vā catūhi paccayehi vekallaṃ vā nāhosi. So pacchime kāle parinibbānasamayepi purāṇagihisahāyakassa acelakassapassa attano kāyikacetasikasukhadīpanavaseneva sakalaṃ bākulasuttaṃ (ma. ni. 3.209 ādayo) kathetvā anupādisesāya nibbānadhātuyā parinibbāyi. Evaṃ aṭṭhuppatti samuṭṭhitā. Satthā pana therassa dharamānakāleyeva there yathā paṭipāṭiyā ṭhānantare ṭhapento bākulatheraṃ imasmīṃ sāsane appābādhānaṃ aggaṭṭhāne ṭhapesīti.

### Sobhitattheravatthu

**227.** Pañcame **pubbenivāsaṃ anussarantānanti** pubbe nivutthakkhandhasantānaṃ anussaraṇasamatthānaṃ sobhitatthero aggoti dasseti. So kira pubbenivāsaṃ anupaṭipāṭiyā anussaramāno pañca kappasatāni asaṅñibhave acittakapaṭisandhiṃ nayato aggahesi ākāse padaṃ dassento viya. Tasmā pubbenivāsaṃ anussarantānaṃ aggo nāma jāto.

Tassa pañhakamme ayamanupubbikathā – ayampi kira padumuttarabuddhakāle haṃsavatīnagare kulagehe paṭisandhiṃ gaṇhitvā vayappatto satthu dhammadesanaṃ suṇanto satthāraṃ ekaṃ bhikkhuṃ pubbenivāsaññalābhīnaṃ bhikkhūnaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. So yāvajīvaṃ kusalakammaṃ katvā devamanussesu saṃsaranto imasmīṃ buddhuppāde sāvattīyaṃ brāhmaṇakule nibbatti, **sobhitotissa** nāmaṃ akaṃsu.

So aparena samayena satthu dhammadesanaṃ sutvā paṭiladdhasaddho pabbajitvā vipassanaṃ vaḍḍhetvā arahattaṃ patvā pubbenivāsaññe ciṅṇavasī ahoṣi. So anupaṭipāṭiyā attano nibbattaṭṭhānaṃ anussaranto yāva asaṅñibhave acittakapaṭisandhi, tāva paṭisandhiṃ addasa. Tato paraṃ antare pañca kappasatāni pavattiṃ adisvā avasāne cutiṃ disvā “kiṃ nāmeta”nti āvajjamāno nayavasena “asaṅñibhavo bhavissati”ti niṭṭhaṃ agamāsi. Satthā imaṃ kāraṇaṃ aṭṭhuppattiṃ katvā therāṃ pubbenivāsaṃ anussarantānaṃ aggaṭṭhāne ṭhapesīti.

## Upāliththeravattu

**228.** Chaṭṭhe **vinayadharānaṃ yadidaṃ upālīti** vinayadharānaṃ bhikkhūnaṃ upāliththero aggoti dasseti. Thero kira tathāgatasseva santike kammaṭṭhānaṃ gahetvā vipassanaṃ vaḍḍhetvā arahattaṃ pāpuṇi. Tathāgatasseva santike vinayapiṭakaṃ uggaṇhivā bhārukacchakavatthum, ajjukavatthum, (pārā. 158) kumārakassapavattuntū imāni tīṇi vatthūni sabbaññutaññāṇena saddhiṃ saṃsandetvā kathesi. Tasmā vinayadharānaṃ aggo nāma jāto.

Tassa pañhakamme ayamanupubbikathā – padumuttarabuddhakāle kiresa haṃsavatiyaṃ kulaghare nibbato ekadivasaṃ satthu dhammakathaṃ suṇanto satthāraṃ ekaṃ bhikkhum vinayadharānaṃ aggaṭṭhāne ṭhapentaṃ disvā adhiṅkarakammaṃ katvā taṃ ṭhānantaraṃ patthesi. So yāvajīvaṃ kusalaṃ katvā devamanussesu saṃsaranto imasmim buddhuppāde kappakagehe paṭisandhiṃ gaṇhi, upālidārakotissa nāmaṃ akaṃsu. So vayappatto channaṃ khattiyānaṃ pasādhako hutvā tathāgate anupiyambavane viharante pabbajjattṭhāya nikkhamantehi teti chahi khattiyehi saddhiṃ nikkhamitvā pabbaji. Tassa pabbajjāvidhānaṃ pāliyaṃ (cūḷava. 330) āgatameva.

So pabbajitvā upasampanno satthāraṃ kammaṭṭhānaṃ kathāpetvā “mayhaṃ, bhante, araññavāsaṃ anujānāthā”ti āha. Bhikkhu tava araññe vasantassa ekameva dhuraṃ vaḍḍhissati, amhākaṃ pana santike vasantassa vipassanādhurañca ganthadhurañca paripūressatīti. Thero satthu vacanaṃ sampaṭicchitvā vipassanāya kammaṃ karonto nacirasseva arahattaṃ pāpuṇi. Atha naṃ satthā sayameva sakalaṃ vinayapiṭakaṃ uggaṇhāpesi. So aparabhāge heṭṭhā vuttāni tīṇi vatthūni vinicchini. Satthā ekekasmim vinicchite sādhuṅkaraṃ datvā tayopi vinicchaye aṭṭhuppattim katvā theram vinayadharānaṃ aggaṭṭhāne ṭhapeti.

## Nandakattheravattu

**229.** Sattame **bhikkhunovādakānaṃ yadidaṃ nandakoti** ayaṃ hi thero dhammakathaṃ kathento ekasamodhāne pañca bhikkhunīsātāni arahattaṃ pāpesi. Tasmā bhikkhunovādakānaṃ aggo nāma jāto.

Tassa pañhakamme ayamanupubbikathā – ayañhi padumuttarabuddhakāle haṃsavatīnagare kulagehe nibbato satthu dhammadesanaṃ suṇanto satthāraṃ ekaṃ bhikkhum bhikkhunovādakānaṃ aggaṭṭhāne ṭhapentaṃ disvā adhiṅkarakammaṃ katvā taṃ ṭhānantaraṃ patthesi. So yāvajīvaṃ kusalaṃ katvā devamanussesu saṃsaranto imasmim buddhuppāde sāvattiyaṃ kulagehe paṭisandhiṃ gahetvā vayappatto satthu dhammadesanaṃ sutvā paṭiladdhasaddho satthu santike pabbajitvā vipassanaṃ vaḍḍhetvā arahattaṃ pāpuṇi, pubbenivāsaññaṃ ca ciṇṇavasī ahoṣi. So catūsu parisāsu sampattāsu “sabbesaṃyeva manaṃ gahetvā kathetum sakkotī”ti dhammakathikanandako nāma jāto. Tathāgatopi kho rohiṇīnadītīre cumbaṭakakalahe nikkhamitvā pabbajitānaṃ pañcannaṃ sākiyakumārasatānaṃ anabhiratiyā uppannāya te bhikkhū ādāya kuṇāladahaṃ gantvā kuṇāljātakakathāya (jā. 2.21.kuṇāljātaka) nesam saṃviggabhāvaṃ ñatvā catusaccakathaṃ kathetvā sotāpattiṭṭhāle patiṭṭhāpesi. Aparabhāge mahāsamayasuttaṃ (dī. ni. 2.331 ādayo) kathetvā aggaṭṭhānaṃ arahattaṃ pāpesi. Tesam therānaṃ purāṇadutiyaṃ “amhe dāni idha kiṃ karissāmā”ti vatvā sabbāva ekacittā hutvā mahāpajāpatiṃ upasaṅkamitvā pabbajjam yāciṃsu. Tāpi pañcasatā theriyā santike pabbajjañca upasampadañca labhiṃsu. Atītānantarāya pana jātiyā sabbāva tā nandakattherassa rājaputtabhāve ṭhitassa pādapariṅkārā ahesum.

Tena samayena satthā “bhikkhū bhikkhuniyo ovadantū”ti āha. Thero attano vāre sampatte tāsam purimabhāve attano pādapariṅkārābhāvaṃ ñatvā cintesi – “maṃ imassa bhikkhunīsāṅghassa majjhe nisinnaṃ upamāyo ca kāraṇāni ca āharitvā dhammaṃ kathayamānaṃ disvā añño pubbenivāsaññānalābhī bhikkhu imaṃ kāraṇaṃ oloketvā ‘āyasmā nandako yāvajjādivasā orodhe na vissajjeti, sobhatāyamaṃyasmā orodhaparivuto’ti vattabbaṃ maññeyyā”ti. Tasmā sayam agantvā aññaṃ bhikkhum pesesi. Tā pana pañcasatā bhikkhuniyo therasseva ovādaṃ paccāsanti. Iminā kāraṇena bhagavā

“attano vāre sampatte aññaṃ apesetvā sayameva gantvā bhikkhunīsaṅghaṃ ovaḍāhī”ti therāṃ āha. So satthu kathāṃ paṭibāhituṃ asakkonto attano vāre sampatte cātuddase bhikkhunisaṅghassa ovaḍaṃ datvā sabbāva tā bhikkhuniyo saḷāyatanapaṭimaṇḍitāya dhammadesanāya sotāpattiṃphale paṭiṭṭhāpesi.

Tā bhikkhuniyo therassa dhammadesanāya attamanā hutvā satthu santikaṃ gantvā attano paṭividdhaguṇaṃ ārocesuṃ. Sathā “kasmim nu kho dhammaṃ desente imā bhikkhuniyo uparimaggaphalāni pāpuṇeyyu”nti āvajjento puna “taṃyeva nandakassa dhammadesanaṃ sutvā pañcasatāpi etā arahattaṃ pāpuṇissanti”ti disvā punadivasepi therasseva santikaṃ dhammassavanatthāya pesesi. Tā punadivase dhammaṃ sutvā sabbāva arahattaṃ pattā. Taṃdivasaṃ bhagavā tāsāṃ bhikkhunīnaṃ attano santikaṃ āgatakāle dhammadesanāya saphalabhāvaṃ ñatvā “hiyyo nandakassa dhammadesanā cātuddasiyaṃ candasadiṣi ahoṣi, aḷḷa pannarasiyaṃ candasadiṣi”ti vatvā therassa sādhuḷāraṃ datvā tadeva ca kāraṇaṃ aṭṭhupattiṃ katvā therāṃ bhikkhunovāḍakānaṃ aggaṭṭhāne ṭhapesi.

### Nandattheravatthu

**230.** Aṭṭhame **indriyesu guttadvārānanti** chasu indriyesu pihitadvārānaṃ nandatthero aggoti dasseti. Kiñcāpi hi satthusāvakaṃ aguttadvārā nāma natthi, nandatthero pana dasasu disāsu yaṃ yaṃ disaṃ oloketukāmo hoti, na taṃ catusampajāññavasena aparicchinditvā oloketi. Tasmā indriyesu guttadvārānaṃ aggo nāma jāto.

Tassa pañhakamme ayamanupubbikathā – ayampi hi padumuttarabuddhakāle haṃsavatīnagare kulagehe paṭisandhiṃ gahetvā vayappatto satthu santike dhammaṃ suṇanto sathāraṃ ekaṃ bhikkhuṃ indriyesu guttadvārānaṃ aggaṭṭhāne ṭhapentaṃ disvā adhiḷāraḷakammaṃ katvā taṃ ṭhānantaraṃ patthesi. So yāvajīvaṃ kusalaṃ katvā devamanussesu saṃsaranto kapilavatthupure mahāpajāpatigotamiyā kucchimhi paṭisandhiṃ gaṇhi. Athassa nāmaggaṇadivase ñātisaṅghaṃ nandayanto toṣento jātoti **nandakumāroteva** nāmaṃ akāṃsu.

Mahāsattopi sabbaññutaṃ patvā pavattitavaradhammacakko lokānuggahaṃ karonto rājagahato kapilavatthupuraṃ gantvā paṭhamadassaneneva pitaraṃ sotāpattiṃphale paṭiṭṭhāpesi. Punadivase pitu nivesanaṃ gantvā rāhulamātāya ovaḍaṃ datvā sesajanassapi dhammaṃ kathesi. Punadivase nandakumārassa abhisekagehapavesanaāvāhamaṅgalesu vattamānesu tassa nivesanaṃ gantvā kumāraṃ pattaṃ gāhāpetvā pabbājetuṃ viharābhimukho pāyāsi. Nandakumāraṃ abhisekamaṅgalaṃ na tathā pīlesi, pattaṃ ādāya gamanakāle pana janapadakalyāṇī upariṃpāsāḍavaragatā sīhapañjaraṃ ugghāṭetvā “tuvaṭaṃ kho, ayyaputta, āgaccheyyāsi”ti yaṃ vācaṃ nicchāresi. Taṃ sutvā gehasitachandarāgavasena oloketto panesa sathari gāravena yathāruḷiyā nimittaṃ gahetuṃ nāsakkhi, tenassa cittasantaṭpo ahoṣi. Atha naṃ “imasmim ṭhāne nivattessati, imasmim ṭhāne nivattessati”ti cintentameva sathā viharāṃ netvā pabbājesi. Pabbajitopi paṭibāhituṃ asakkonto tuṇhī ahoṣi. Pabbajitadivasato paṭṭhāya pana janapadakalyāṇiyā vuttavacanameva sarati. Athassa sā āgantvā avidūre ṭhitā viya ahoṣi. So anabhiratiyā pīlito thokaṃ ṭhānaṃ gacchati, tassa gumbaṃ vā gacchaṃ vā atikkamantasseva dasabalo purato ṭhitako viya ahoṣi. So aggimhi pakkhittaṃ kukkuṭapattaṃ viya paṭinivattitvā attano vasanaṭṭhānameva pavasati.

Sathā cintesi – “nando ativiya pamatto viharati, anabhiratiṃ vūpasametūṃ na sakkoti, etassa cittanibbāpanaṃ kātuṃ vaṭṭati”ti. Tato naṃ āha – “ehi, nanda, devacārikaṃ gacchissāmā”ti. Bhagavā kathāhaṃ iddhiṃantehi gantabbaṭṭhānaṃ gamissāmīti. Tvāṃ kevalaṃ gamanacittaṃ uppādehi, gantvā passissasīti. So dasabalassa ānubhāvena tathāgateneva saddhiṃ devacārikaṃ gantvā sakkassa devarañña nivesanaṃ oloketvā pañca accharāsātāni addasa. Sathā nandattheraṃ subhanimittavasena tā oloketāṃ disvā, “nanda, imā nu kho accharā manāpā, atha janapadakalyāṇī”ti pucchi. Bhante, janapadakalyāṇī imā accharā upanidhāya kaṇṇanāsacchinnakā makkaṭṭi viya khāyatīti. Nanda, evarūpā accharā samaṇadhammaṃ karontānaṃ na dullabhāti. Sace me, bhante bhagavā, paṭibhogo hoti, ahaṃ samaṇadhammaṃ karissāmīti. Vissattho tvāṃ, nanda, samaṇadhammaṃ karohi. Sace te sappaṭisandhikā



kālakiriyā bhavissati, ahaṃ etāsaṃ paṭilābhatthāya pāṭibhogoti. Iti satthā yathāruciyā devacārikam caritvā jetavanameva paccāgañchi.

Tato paṭṭhāya nandatthero accharānaṃ hetu rattindivaṃ samaṇadhammaṃ karoti. Satthā bhikkhū āṇāpesi – “tumhe nandassa vasaṇaṭṭhāne ‘eko kira bhikkhu dasabalaṃ pāṭibhogaṃ katvā accharānaṃ hetu samaṇadhammaṃ karoti’ ti tattha tattha kathentā vicarathā” ti. Te satthu vacanaṃ sampaṭicchitvā “bhatako kirāyasmā nando, upakkitaṃ kirāyasmā nando, accharānaṃ hetu brahmacariyaṃ carati, bhagavā kirassa pāṭibhogo pañcannaṃ accharāsātānaṃ paṭilābhāya kakuṭapādīna” nti therassa savanūpacāre kathentā vicaranti. Nandatthero taṃ kathaṃ sutvā “ime bhikkhū na aññaṃ kathenti, maṃ ārabba kathenti, ayuttaṃ mama kamma” nti paṭisaṅkhānaṃ uppādetvā vipassanaṃ vadḍhetvā arahattaṃ pāpuṇi. Athassa arahattapattakkhaṇeyeva aññatarā devatā bhagavato etamattaṃ ārocesi, sayampi bhagavā aññāsiyeva. Punadivase nandatthero bhagavantaṃ upasaṅkamitvā evamāha – “yaṃ me, bhante bhagavā, pāṭibhogo pañcannaṃ accharāsātānaṃ paṭilābhāya kakuṭapādīnaṃ, muñcāmaṃ, bhante, bhagavantaṃ etasmā paṭissavā” ti. Evaṃ vatthu (udā. 22) samuṭṭhitam. Satthā aparabhāge jetavanavihāre viharanto theram indriyesu guttadvārānaṃ aggaṭṭhāne ṭhapesīti.

### Mahākappinattheravatthu

**231.** Navame **bhikkhuovādakānanti** bhikkhū ovaḍantānaṃ mahākappinatthero aggoti dasseti. Ayaṃ kira thero ekasamodhānasmimyeva dhammakathaṃ kathento bhikkhusahassaṃ arahattaṃ pāpesi. Tasmā bhikkhuovādakānaṃ aggo nāma jāto.

Tassa pañhakamme ayamanupubbikathā – ayampi hi padumuttarabuddhakāle hamsavatiyaṃ kulaghare nibbattitvā aparabhāge satthu dhammakathaṃ suṇanto satthāraṃ ekaṃ bhikkhuṃ bhikkhuovādakānaṃ aggaṭṭhāne ṭhapaṇtaṃ disvā adhiḅkārakammaṃ katvā taṃ ṭhānantaraṃ patthesi. So yāvajīvaṃ kusalaṃ katvā devamanussesu saṃsaranto kassapasammāsambuddhakāle bārāṇasiyaṃ kulagehe paṭisaṅghaṃ gahetvā purisaṃsahassaṃ gaṇajetṭhako hutvā gabbhasahassaṃ paṭimaṇḍitaṃ mahāparivenaṃ kāresi. Te sabbe pi janā yāvajīvaṃ kusalaṃ katvā kappinaupāsakaṃ jetṭhakaṃ katvā saputtadārā devaloke nibbattā. Ekaṃ buddhantaraṃ devamanussesu saṃsariṃsu.

Atha amhākaṃ satthu nibbattito puretameva ayaṃ kappino paccantadese kukkuṭavatīnagare rājagehe paṭisaṅghaṃ gaṇhi, sesapurisā tasmimyeva nagare amaccakulesu nibbattiṃsu. Tesu kappinakumāro pitu accayena chattaṃ ussāpetvā mahākappinarājā nāma jāto. Pubbe kalyāṇakammakaraṇakāle tassa gharasāminī itthi samānājātikke rājakule nibbattitvā mahākappinarañño aggamahesī jātā, anojāpupphasadisavaṇṇatāya panassā anojādevitveva nāmaṃ ahosi. Mahākappinarājāpi sutavittako ahosi. So pātova utṭhāya catūhi dvārehi sīghaṃ dūte pesesi – “yattha bahussute sutadhare passatha, tato nivattitvā mayhaṃ ārocethā” ti.

Tena kho pana samayena amhākaṃ satthā loke nibbattitvā sāvatthiṃ upanissāya paṭivasati. Tasmim kāle sāvatthinagaravāsino vāñijā sāvatthiyaṃ utṭhānakabhaṇḍaṃ gahetvā, taṃ nagaraṃ gantvā, bhaṇḍaṃ paṭisaṃmetvā, “rājānaṃ passissāmā” ti paṇṇākāraṃ gahetvā, rājakuladvāraṃ gantvā, “rājā uyyānaṃ gato” ti sutvā, uyyānaṃ gantvā, dvāre ṭhitā paṭihārakassa ārocayiṃsu. Atha rañño nivedi, te rājā pakkosāpetvā niyyātitapaṇṇākāre vanditvā ṭhite, “tātā, kuto āgacchathā” ti pucchi. Sāvattithito, devāti. Kacci vo raṭṭhaṃ subhikkhaṃ, dhammiko rājāti? Āma, devāti. Atthi pana tumhākaṃ dese kiñci sāsananti? Atthi deva, na pana sakkā ucchiṭṭhamukhehi kathetunti. Rājā suvaṇṇabhiṅgārena udakaṃ dāpesi. Te mukhaṃ vikkhāletvā dasabalābhimukhā añjaliṃ paggahetvā, “deva, amhākaṃ dese buddharatanaṃ nāma uppanna” nti āhaṃsu. Rañño “buddho” ti vacane sutamatteyeva sakalasarīraṃ pharamānā pīti uppajji. Tato “buddhoti, tātā, vadathā” ti āha. Buddhoti, deva, vadāmāti. Evaṃ tikkhattuṃ vadāpetvā “buddhotipadaṃ aparimāṇaṃ, nāssa sakkā parimāṇaṃ kātu” nti tasmimyeva pade pasanno sataṃsahassaṃ datvā “aparaṃ kiṃ sāsaṇa” nti pucchi. Deva dhammaratanaṃ nāma uppannanti. Tampi sutvā tatheva tikkhattuṃ paṭiññaṃ gahetvā aparampi sataṃsahassaṃ datvā puna “aññaṃ kiṃ

sāsana’nti pucchi. Saṅgharatanam deva uppananti. Tampi sutvā tatheva paṭiññaṃ gahetvā aparampi satahassam datvā dinnabhāvam paṇṇe likhitvā, “tātā, deviyā santikaṃ gacchathā”ti pesesi. Tesu gatesu amacce pucchi – “tātā, buddho loke uppanno, tumhe kiṃ karissathā”ti? Deva tumhe kiṃ kattukāmāti? Aham pabbajissāmīti. Mayampi pabbajissāmāti. Te sabbepi gharam vā kuṭumbaṃ vā anapaloketvā ye asse āruyha gatā teheva nikkhamiṃsu.

Vāṇijā anojādeviyā santikaṃ gantvā paṇṇam dassesum. Sā taṃ vācetvā “raññā tumhākaṃ bahū kahāpaṇā dinnā, kiṃ tumhehi kataṃ, tātā”ti pucchi. Piyasānaṃ, devī, ānīnti. Amhepi sakkā, tātā, suṇāpetuntī? Sakkā, devī, ucchiṭṭhamukhehi pana vattum na sakkāti. Sā suvaṇṇabhiṅgarena udakaṃ dāpesi. Te mukhaṃ vikkhāletvā rañño ārocitanīyāmeneva ārocesum. Sāpi taṃ sutvā uppannapāmojjā teneva nayena ekekasmim pade tikkhattum paṭiññaṃ gahetvā paṭiññāgaṇanāya tīṇi tīṇi katvā nava satahassāni adāsi. Vāṇijā sabbāni pi dvādasa satahassāni labhiṃsu. Atha ne “rājā kahaṃ, tātā”ti pucchi. Pabbajissāmīti nikkhanto, devīti. “Tena hi, tātā, tumhe gacchathā”ti te uyyojetvā raññā saddhiṃ gatānaṃ amaccānaṃ mātuḡāme pakkosāpetvā “tumhe attano sāmikānaṃ gataṭṭhānaṃ jānātha ammā”ti pucchi. Jānāma, ayye, raññā saddhiṃ uyyānakīlaṃ gatāti. Āma, ammā gatā, tattha pana gantvā “buddho uppanno, dhammo uppanno, saṅgho uppanno”ti sutvā “dasabalassa santike pabbajissāmā”ti gatā, tumhe kiṃ karissathāti? Tumhe pana, ayye, kiṃ kattukāmāti? “Aham pabbajissāmi, na tehi vantavamaṇaṃ jivhagge ṭhapeyyanti. “Yadi evaṃ, mayampi pabbajissāmā”ti sabbāpi rathe yojetvā nikkhamiṃsu.

Rājāpi amaccasahashehi saddhiṃ gaṅgātīraṃ pāpuṇi, tasmim samaye gaṅgā pūrā hoti. Atha naṃ disvā “ayaṃ gaṅgā pūrā hoti caṇḍamacchākiṇṇā, amhehi ca saddhiṃ āgatā dāsā vā manussā vā natthi, ye no nāvaṃ vā uḷumpaṃ vā katvā dadeyyum. Etassa pana satthu guṇā nāma heṭṭhā avīcīto upari yāva bhavaggā patthaṭā. Sace esa satthā sammāsambuddho, imesaṃ assānaṃ khurapiṭṭhāni mā tementū”ti udakapiṭṭhena asse pakkhandāpesum. Ekassa assasāpi khurapiṭṭhamattaṃ na temi, rājamaggena gacchantā viya paratīraṃ patvā parato aññaṃ mahānadiṃ pāpuṇiṃsu. “Dutiyā kinnamā”ti pucchi. Nīlavāhinī nāma gambhīratopi puthulatopi aḍḍhayaḡanamatā devāti. Tattha añña saccakiriyā natthi, tāya eva saccakiriyāya tampi aḍḍhayaḡanavithhāraṃ nadiṃ atikkamiṃsu. Atha tatiyaṃ candabhāgaṃ nāma mahānadiṃ patvā tampi tāya eva saccakiriyāya atikkamiṃsu.

Satthāpi taṃdivasaṃ paccūsasamaye mahākaruṇāsamāpattito vuṭṭhāya lokaṃ olovento “ajja mahākappino tiyojanasatikāṃ rajjaṃ pahāya amaccasahassaparivāro mama santike pabbajitum āgacchati”ti disvā “mayā tesāṃ paccuggamaṇaṃ kātuṃ yutta”nti pātova sarīrapaṭijaggaṇaṃ katvā bhikkhusaṅghaparivāro sāvattiyāṃ piṇḍāya caritvā pacchābhattaṃ piṇḍapātaḡatikanta sayameva pattacīvaraṃ gahetvā ākāse uppatitvā candabhāgāya tīre tesāṃ uttaraṇatitthaabhimukhaṭṭhāne mahānigrodharukkho atthi, tattha pallaṅkena nisīditvā parimukhaṃ satim upaṭṭhapetvā chabbaṇṇabuddharasmiyo vissajjesi. Te tena titthena uttarantā buddharasmiyo ito cito ca dhāvantiyo oloketvā dasabalassa puṇṇacandasassirikaṃ mukhaṃ disvā “yaṃ satthāraṃ uddissa mayaṃ pabbajitā, addhā so eso”ti dassaneneva niṭṭhaṃ gantvā diṭṭhaṭṭhānato paṭṭhāya oṇamitvā vandamānā āgamma satthāraṃ vandīṃsu. Rājā goppakesu gahetvā satthāraṃ vanditvā ekamantaṃ nisīdi saddhiṃ amaccasahasena. Satthā tesāṃ dhammakathaṃ kathesi. Desanāpariyosāne sabbeva arahatte patiṭṭhāya satthāraṃ pabbajjaṃ yāciṃsu. Satthā “pubbe ime cīvaradānassa dinnattā attano pattacīvarāni gahetvāva āgatā”ti suvaṇṇavaṇṇaṃ hatthaṃ pasāretvā “etha bhikkhavo, svākkhāto dhammo, caratha brahmacariyaṃ sammā dukkhassa antakiriyāyā”ti āha. Sāva tesāṃ āyasmantānaṃ pabbajjā ca upasampadā ca ahosi, vassasatṭhikattherā viya satthāraṃ parivārayiṃsu.

Anojāpi devī rathasahassaparivārā gaṅgātīraṃ patvā rañño atthāya ābhataṃ nāvaṃ vā uḷumpaṃ vā adisvā attano byattatāya cintesi – “rājā saccakiriyāṃ katvā gato bhavissati, so pana satthā na kevalaṃ tesāṃyeva atthāya nibbato, sace so satthā sammāsambuddho, amhākaṃ rathā mā udake nimujjiṃsū”ti udakapiṭṭhena rathe pakkhandāpesi. Rathānaṃ nemivaṭṭimattampi na temi. Dutīyanadimpī tatiyanadimpī teneva saccakārena uttari. Uttaramānā eva ca nigrodharukkhamūle satthāraṃ addasa. Satthāpi “imāsam

attano sāmike passantīnaṃ chandarāgo uppajjitvā maggaphalānaṃ antarāyaṃ kareyya, dhammaṃ sotuṃ ca na sakkhissanti”ti. Yathā aññamaññaṃ na passanti, tathā akāsi. Tā sabbāpi titthato uttaritvā dasabalaṃ vanditvā nisīdīmsu. Satthā tāsāṃ dhammakathaṃ kathesi. Desanāpariyosāne sabbā sotāpattiphale patiṭṭhāya aññamaññaṃ passīmsu. Satthā “uppalavaṇṇā āgacchatū”ti cintesi. Therī āgantvā sabbā pabbājetvā ādāya bhikkhuniupassayaṃ gatā, satthā bhikkhusahassaṃ gahetvā ākāsenā jetavanaṃ agamāsi.

Athāyaṃ mahākappinatthero attano kiccaṃ matthakappattaṃ ñatvā apposukko hutvā phalasaṃpattisukhena vītināmento araññagatopi rukkhamaṃlagatopi suññāgāragatopi “aho sukhaṃ aho sukha”nti abhiññaṃ udānaṃ udānesi. Bhikkhū kathaṃ uppādesuṃ “kappinatthero rajjasukhaṃ anussaranto udānaṃ udāneti”ti. Te tathāgatassa ārocesuṃ. Bhagavā “mama putto maggasukhaṃ phalasukhaṃ ārabba udānaṃ udānesi”ti vatvā dhammapade imaṃ gāthamāha –

“Dhammapīti sukhaṃ seti, vipasanna cetasā;  
Ariyappavedite dhamme, sadā ramati paṇḍito”ti. (dha. pa. 79);

Athekadivasaṃ satthā tassa antevāsikabhikkhusahassaṃ āmantetvā āha – “kacci vo, bhikkhave, ācariyo dhammaṃ deseti”ti. Na bhagavā deseti, apposukko diṭṭhadhammasukhavihāraṃ anuyutto viharati, kassaci ovādamattampi na detīti. Satthā taṃ pakkosāpetvā “saccaṃ kira tvaṃ, kappina, antevāsikānaṃ ovādamattampi na desī”ti? Saccaṃ bhagavāti. Brāhmaṇa, mā evaṃ kari, ajja paṭṭhāya antevāsikānaṃ dhammaṃ deseḥīti. “Sādhu, bhante”ti thero satthu kathaṃ siravarena sampācchitvā ekasamodhāneyeva samaṇasahassassa dhammaṃ desetvā sabbe arahattaṃ pāpesi. Aparabhāge satthā saṅghamajjhe nisīno paṭipāṭiyā there ṭhānantaresu ṭhapento mahākappinattheraṃ bhikkhuovādakānaṃ aggaṭṭhāne ṭhapesīti.

### Sāgatattheravatthu

**232.** Dasame **tejodhātukusalānanti** tejodhātuṃ samāpajjituṃ kusalānaṃ sāgatatthero aggoti dasseti. Ayañhi thero tejodhātusamāpattiyā ambatitthanāgassa tejasā tejaṃ pariyādiyitvā taṃ nāgaṃ nibbisevanaṃ akāsi. Tasmā tejodhātukusalānaṃ aggo nāma jāto.

Tassa pañhakamme ayamanupubbikathā – ayampi hi padumuttarabuddhakāle hamsavatiyaṃ kulagehe paṭisandhiṃ gahetvā aparabhāge satthudhammadesanaṃ suṇanto satthāraṃ ekaṃ bhikkhuṃ tejodhātukusalānaṃ aggaṭṭhāne ṭhapentaṃ disvā adhiḥāraṃ katvā taṃ ṭhānantaraṃ patthesi. So yāvajīvaṃ kusalaṃ katvā devamanussesu saṃsaranto imasmiṃ buddhuppāde sāvattiyaṃ brāhmaṇakule nibbatti, sāgatamānavotissa nāmaṃ akaṃsu. So aparabhāge satthu dhammadesanaṃ sutvā paṭiladdhasaddho pabbajitvā aṭṭha samāpattiyā nibbattetvā tattha vasībhāvaṃ pāpuṇi.

Athekadivasaṃ satthā cārikaṃ caramāno kosambinagarasamīpaṃ agamāsi. Tena ca samayena nadītṭhe porāṇakanāvikkassa bahū āgantukagamikā verino hutvā taṃ pothetvā mārayīmsu. So viruddhena cittena patthanaṃ paṭṭhapetvā tasmīṃyeva titthe mahānubhāvo nāgarājā hutvā nibbatta. So viruddhacittatā akāleyeva vassāpeti, kāle pana na vassāpeti, sassāni na sammā sampajjanti. Sakalaratthavāsino ca tassa vūpasamanatthaṃ anusaṃvaccharaṃ balikammaṃ karonti, vasanatthāya cassa ekaṃ gehaṃ akaṃsu. Satthāpi teneva titthena uttaritvā bhikkhusaṅghaparivuto “tasmīṃyeva padese rattim vasissāmī”ti agamāsi.

Athāyaṃ thero “caṇḍo kirettha nāgarājā”ti sutvā “imaṃ nāgarājānaṃ dametvā nibbisevanaṃ katvā satthu vasanaṭṭhānaṃ pariyādetuṃ vaṭṭati”ti nāgarājassa vasanaṭṭhānaṃ pavisitvā pallānkaṃ ābhujitvā nisīdi. Nāgo kujjhītvā “konāmāyaṃ muṇḍako mayhaṃ vasanaṭṭhānaṃ pavisitvā nisīno”ti dhūpāyi, thero uttaritaraṃ dhūpāyi. Nāgo, pajjali, theropi uttaritaraṃ pajjalitvā tassa tejaṃ pariyādiyī. So “mahanto vatāyaṃ bhikkhū”ti therassa pādamaṃle nipatitvā, “bhante, tumhākaṃ saraṇaṃ

gacchāmi’’ti āha. Mayhaṃ saraṇagamanakiccaṃ natthi, dasabalassa saraṇaṃ gacchāti. So ‘‘sādhū’’ti saraṇagato hutvā tato paṭṭhāya na kañci viheṭheti, devampi sammā vassāpeti, sassāni sammā sampajjanti.

Kosambivāsino ‘‘ayyena kira sāgatenā ambatitthakanāgo damito’’ti sutvā satthu āgamaṇaṃ udikkhamānā dasabalassa mahāsakkāraṃ sajjayimṃsu. Te dasabalassa mahāsakkāraṃ katvā chabbaggiyānaṃ vacanena sabbagehesu kāpotikaṃ pasannaṃ paṭiyādetvā punadivase sāgatattherassa piṇḍāya carantassa gehe gehe thokaṃ thokaṃ adaṃsu. Thero apaññatte sikkhāpade manussehi yāciyamāno gehe gehe thokaṃ thokaṃ pivivā avidūraṃ gantvāva anāhārikabhāvena satimṃ vissajjetvā sankāraṭṭhāne pati.

Satthā katabhattakicco nikkhamanto taṃ disvā gāhāpetvā vihāraṃ gantvā vigarahitvā sikkhāpadaṃ paññāpesi. So punadivase satimṃ labhitvā attanā katakāraṇaṃ sutvā accayaṃ desetvā dasabalaṃ khamāpetvā uppannaṃvego vipassanaṃ vaḍḍhetvā arahattaṃ pāpuṇi. Evaṃ vatthu vināye samuṭṭhitaṃ. Taṃ tattha āgatanayeneva vitthārato veditabbaṃ. Aparabhāge pana satthā jetavane mahāvihāre nisīditvā paṭipāṭiyā there ṭhānantaresu ṭhapento sāgatattheraṃ tejodhātukusalānaṃ aggaṭṭhāne ṭhapesīti.

### Rādhattheravatthu

**233.** Ekādasame **paṭibhāneyyakānanti** satthu dhammadesanāpaṭibhānassa paccayabhūtānaṃ paṭibhājanakānaṃ bhikkhūnaṃ rādhatthero aggoti dasseti. Therassa hi diṭṭhisamudācāraṇa okappaniyasaddhaṇa āgamma dasabalassa navanavā dhammadesanā paṭibhāti. Tasmā thero paṭibhāneyyakānaṃ aggo nāma jāto.

Tassa pañhakamme ayamanupubbikathā – ayampi hi padumuttarabuddhakāle haṃsavatiyaṃ kulagehe nibbattitvā aparabhāge satthu dhammadesanaṃ suṇanto satthāraṃ ekaṃ bhikkhuṃ paṭibhāneyyakānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. So yāvajīvaṃ tathāgataṃ paricaritvā devamanussesu saṃsaranto imasmiṃ buddhuppāde rājagahanagare brāhmaṇakule paṭisandhiṃ gaṇhi, rādhamāṇavotissa nāmaṃ akaṃsu.

So mahallakakāle attano puttadārena abahumato ‘‘pabbajitvā kālaṃ vītināmessāmi’’ti vihāraṃ gantvā there pabbajjaṃ yāci. ‘‘Jiṇṇo mahallakabrāhmaṇo’’ti na koci pabbājetuṃ icchi. Athekadivasāṃ brāhmaṇo satthu santikaṃ gantvā paṭisanthāraṃ katvā ekamantaṃ nisīdi. Satthā tassa upanissayasampattiṃ disvā kathaṃ samuṭṭhāpetukāmo ‘‘kiṃ, brāhmaṇa, puttadārā taṃ paṭijaggantī’’ti? Kuto, bho gotama, paṭijaggaṇaṃ, mahallakotī maṃ bahi nīhariṃsu. Kiṃ pana te, brāhmaṇa, pabbajitūṃ na vaṭṭatīti? Ko maṃ, bho gotama, pabbājessati, mahallakabhāvena maṃ na koci icchatīti. Satthā sārīputtattherassa saññaṃ adāsi. Thero satthu vacanaṃ sirasā sampaṭicchitvā rādhabrāhmaṇaṃ pabbājetvā cintesi – ‘‘satthā imaṃ brāhmaṇaṃ sādarena pabbājāpesi, na kho me etaṃ anādarena pariharitūṃ vaṭṭatī’’ti rādhattheraṃ ādāya gāmakāvāsaṃ agamāsi. Tatrassa adhunā pabbajitattā kicchālābhissa thero attano pattaṃ āvāsaṃ deti, attano pattaṃ pañītaṃpiṇḍapātampī tasseva datvā sayāṃ piṇḍāya carati. Rādhatthero senāsanaṃ appāyaṇa bhojanasappāyaṇa labhitvā sārīputtattherassa santike kammaṭṭhānaṃ gahetvā nacirasseva arahattaṃ pāpuṇi.

Atha naṃ thero gahetvā dasabalaṃ passitūṃ āgato. Satthā jānantova pucchi – ‘‘yo te mayā, sārīputta, nissitako dinno, kīdisaṃ tassa, na ukkaṇṭhati’’ti? Bhante, sāsane abhiraṃmitabhikkhu nāma evarūpo bhavēyyāti. Athāyasmato sārīputtassa ‘‘sārīputtatthero kataññū katavedī’’ti saṅghamaṃjhe kathā udapādi. Taṃ sutvā satthā bhikkhū āmantesi – ‘‘anacchariyaṃ, bhikkhave, sārīputtassa idāni kataññūkataveditā, so atīte ahētukaṃ paṭisandhiyaṃ nibbattopi kataññūkatavedīyeva ahoṣi’’ti. Katarasmiṃ kāle bhagavāti?

Atīte, bhikkhave, pabbatapādāmi pañcasatamattā vaḍḍhakupurisa mahāaraññaṃ pavisitvā dabbasambhāre chinditvā mahāuḷumpam bandhitvā nadiyā otārenti. Atheko hatthināgo ekasmiṃ visamaṭṭhāne soḍḍāya sākhaṃ gaṇhanto sākhabhaṅgavegaṃ sandhāretuṃ asakkonto tikhiṇakhāṇuke pādena avatthāsi, pādo viddho, dukkhavedanā vattanti. So gamanam abhinīharitum asakkonto tattheva nipajji. So katipāhaccayena te vaḍḍhakī attano samīpena gacchante disvā “ime nissāyāham jīvitam labhissāmi” ti tesam anupadam agamāsi. Te nivattitvā hatthim disvā bhītā palāyanti. So tesam palāyanabhāvam ñatvā atthāsi, puna thitakāle anubandhi.

Vaḍḍhakijettako cintesi – “ayam hatthi amhesu tiṭṭhantesu anubandhati, palāyantesu tiṭṭhati, bhavissati tattha kāraṇa” nti. Sabbe tam tam rukkham āruya tassa āgamanam paṭimānentā nisīdimsu. So tesam santikam āgantvā attano pādam dassento parivattetvā nipajji. Tadā vaḍḍhakīnam sañña udapādi – “gilānabhāvena, bho, esa āgacchati, na aññena kāraṇenā” ti tassa santikam gantvā pāde pavitṭhakhāṇukam disvā “iminā kāraṇena esa āgato” ti tikhiṇavāsīyā khāṇukakoṭiyam odhim datvā dalhāya rajjuyā bandhitvā kaḍḍhitvā nīharimsu. Athassa vaṇamukham piḷetvā pubbalohitam nīharitvā kasāvodakena dhovitvā attano jānanabhesajjam makkhetvā nacirasseva phāsukam akamsu.

Hatthināgo gilānā vuṭṭhito cintesi – “ime mayham bahupakārā, ime mayā nissāya jīvitam laddham, mayā imesam kataññunā katavedinā bhavitum vaṭṭati” ti attano vasanaṭṭhānam gantvā setam gandhahatthipotakam ānesi. Vaḍḍhakino hatthipotakam disvā “amhākam hatthi puttampi gahetvā āgato” ti ativiya tuṭṭhacittā ahesum. Hatthināgo cintesi – “mayi tiṭṭhante ‘kiṃ nu kho ayam āgato’ ti mama āgatakāraṇam na jānissanti” ti thitaṭṭhānato pakkāmi. Hatthipotako pitu pacchato pacchato anupāyāsi. Hatthināgo tassa āgatabhāvam ñatvā nivattanatthāya saddasaññaṃ adāsi. So pitu katham sutvā nivattitvā vaḍḍhakīnam santikam gato. Vaḍḍhakino “imaṃ hatthipotakam amhākam dātum āgato bhavissati eso” ti ñatvā “amhākam santike tayā kattabbakiccaṃ natthi, pitu santikamyeva gacchā” ti pahimisu. Hatthināgo yāvatatiyam attano santikam āgatampi puna vaḍḍhakīnamyeva samīpam pesesi. Tato paṭṭhāya vaḍḍhakino hatthipotakam attano santike katvā paṭijagganti. Bhojanakāle ekekaṃ bhattapiṇḍam denti, bhattam tassa yāvadattham ahoṣi. So vaḍḍhakīhi antogahane koṭṭitam dabbasambhāram āharitvā aṅgaṇaṭṭhāne rāsim karoti. Eteneva niyāmena aññaṃpi upakārammaṃ karoti.

Satthā imam kāraṇam āharitvā pubbepi sārīputtassa kataññūkatavedibhāvam dīpeti. Sārīputtatthero hi tadā mahāhatthi ahoṣi, atthupattiyam āgato ossaṭṭhavīriyo bhikkhu hatthipotako ahoṣi. Saṃyuttanikāyam pana patvā sakalam rādhasaṃyuttam, dhammapade ca –

“Nidhīnamva pavattāram, yaṃ passe vajjadassinam;  
Niggayhavādim medhāvim, tādīsam paṇḍitam bhaje;  
Tādīsam bhajamānassa, seyyo hoti na pāpiyo” ti. (dha. pa. 76) –

Gāthā therassa dhammadesanā nāma. Aparabhāge pana satthā paṭipāṭiyā there thānantaresu thapento rādhattheram paṭibhāneyyakānam aggaṭṭhāne thapesīti.

### Mogharājattheravatthu

**234.** Dvādasame lūkhacīvaradharānanti lūkhacīvaram dhārentānam mogharājā aggoti dasseti. Ayam hi thero satthalūkham suttalūkham rajanalūkhanti tividhenapi lūkhena samannāgatam paṃsukūlam dhāresi. Tasmā lūkhacīvaradharānam aggo nāma jāto.

Tassa pañhakamme ayamanupubbikathā – ayampi hi padumuttarabuddhakāle haṃsavatiyam kulagehe paṭisandhim gahetvā nibbatti, tato aparabhāge satthu dhammakatham suṇanto satthāram ekam bhikkhum lūkhacīvaradharānam aggaṭṭhāne thapentam disvā adhikārammaṃ katvā tam thānantaram patthesi. So yāvajīvam kusalam katvā devamanussesu saṃsaranto kassapadasabalassa nibbattito

puretameva kaṭṭhavāhananagare amaccagehe paṭisandhiṃ gaṇhi. Aparabhāge vayappatto kaṭṭhavāhanarājānaṃ upaṭṭhahanto amaccaṭṭhānaṃ labhi.

Tasmiṃ kāle kassapadasabalo loke uppajji. Kaṭṭhavāhanarājā “buddho kira loke uppanno”ti sutvā taṃ pakkosāpetvā āha – “tāta, buddho kira loke uppanno, imaṃ paccantanagaraṃ ekappahārenea ubhohi amhehi tucchaṃ kātuṃ na sakkā, tvaṃ tāva majjhimadesaṃ gantvā buddhassa uppannabhāvaṃ ñatvā dasabalaṃ imaṃ nagaraṃ ānehi”ti purisasahassena saddhiṃ pesesi. So anupubbena satthu santikaṃ gantvā dhammakathaṃ sutvā paṭiladdhasaddho tattheva pabbajitvā vīsati vassasahassāni samaṇadhammaṃ akāsi. Tena saddhiṃ gatapurisā pana sabbepi nivattitvā puna rañño santikaṃ āgatā.

Ayaṃ thero paripuṇṇasīlo kālaṃ katvā ekaṃ buddhantaraṃ devamanussesu saṃsaranto amhākaṃ dasabalassa nibbattito puretameva sāvattthiyaṃ brāhmaṇakule paṭisandhiṃ gaṇhi, mogharājamāṇavotissa nāmaṃ akaṃsu. Kaṭṭhavāhanarājāpi kassapassa bhagavato adhikārakammaṃ katvā ekaṃ buddhantaraṃ saparivāro devamanussesu saṃsaritvā amhākaṃ dasabalassa nibbattito puretameva sāvattthiyaṃ purohitagehe paṭisandhiṃ gaṇhi, bāvarimāṇavotissa nāmaṃ akaṃsu. So aparena samayena tayo vede uggaṇhitvā soḷasannaṃ māṇavakasahassānaṃ sippaṃ vācento carati. Athassa pasenadikosalarañño kāle pitu accayena purohitatṭhānaṃ adaṃsu. Tadā ayampi mogharājamāṇavo bāvaribrāhmaṇassa santike sippaṃ gaṇhāti.

Athekadivasam bāvaribrāhmaṇo rahogato attano sippe sāraṃ olokeno samparāyikaṃ sāraṃ adisvā “ekaṃ pabbajjaṃ pabbajitvā samparāyikaṃ gavesessāmī”ti kosalarājānaṃ upasaṅkamitvā attano pabbajjaṃ anujānāpesi. So tena anuññāto soḷasahi māṇavakasahashehi parivuto pabbajjatthāya nikkhami. Kosalarājāpi tena saddhiṃyeva ekaṃ amaccaṃ kahāpaṇasahasam datvā pesesi – “yasmim ṭhāne ācariyo pabbajati, tatrassa vasanaṭṭhānaṃ gahetvā dethā”ti. Bāvaribrāhmaṇo phāsukaṭṭhānaṃ olokeno majjhimadesato paṭikkamma assakarañño ca muḷhakarañño ca sīmantare godhāvaritīre attano vasanaṭṭhānaṃ kāresi.

Atheko puriso jaṭilānaṃ dassanāya gato tesam santake bhūmiṭṭhāne tehi anuññāto attano vasanaṭṭhānaṃ akāsi. Tena kataṃ dīsvā aparaṃ kulasataṃ gehasataṃ kāresi. Te sabbepi sannipatitvā “mayam ayyānaṃ santake bhūmibhāge vasāma, mudhā vasituṃ na kāraṇaṃ, sukhavāsaṃ vo dassamā”ti ekeko ekekaṃ kahāpaṇaṃ bāvaribrāhmaṇassa vasanaṭṭhāne ṭhapesi. Sabbehipi ābhatakahāpaṇā satahasassamattā ahesuṃ. Bāvaribrāhmaṇo “kimatthaṃ ete ābhata”ti āha. Sukhavāsadanatthāya, bhanteti. Sacāhaṃ hiraññasuvaṇṇena atthiko assaṃ, ahaṃ mahantaṃ dhanarāsima pahāya na pabbajeyyaṃ. Tumhākaṃ kahāpaṇe gaṇhitvā gacchathāti. Amhehi ayyassa pariccattaṃ na puna gaṇhāma, anusaṃvaccharaṃ pana eteneva niyāmena āharissāma, ime gahetvā ayyo dānaṃ detūti. Brāhmaṇo adhivāsetvā kapaṇaddhikavaṇibbakayācākaṇaṃ dānamukhe niyyātesī. Tassa aparāparaṃ dāyaka bhāvo sakalajambudīpe paññāyittha.

Tato kāliṅgaraṭṭhe dunniviṭṭhe nāma gāme jūjakabrāhmaṇassa vaṃse jātabrāhmaṇassa brāhmaṇī utṭhāya samuṭṭhāya brāhmaṇaṃ codeti – “bāvarī, kira dānaṃ deti, gantvā tato hiraññasuvaṇṇaṃ āharā”ti. So tāya codiyamāno saṅghātuṃ asakkonto bāvarissa santikaṃ gacchamāno bāvarimhi dānaṃ datvā paṇṇasālaṃ pavisitvā nipajjitvā dānaṃ anussaramāne gato. Gantvā ca “dānaṃ me, brāhmaṇa, dehi, dānaṃ me, brāhmaṇa, dehi”ti āha. Akāle tvaṃ, brāhmaṇa, āgato, sampattayācākaṇaṃ me dinnam, idāni kahāpaṇaṃ natthīti. Na mayhaṃ, brāhmaṇa, bahūhi kahāpaṇehi attho, tava ettakaṃ dānaṃ dadantassa na sakkā kahāpaṇehi vinā bhavituṃ, mayhaṃ pañca kahāpaṇasatāni dehitī. Brāhmaṇa, pañcapi satāni natthi, puna dānakāle sampatte labhissasīti. Kiṃ panāhaṃ tava dānakāle āgamissāmīti? Bāvaribrāhmaṇassa paṇṇasāladvāre vālukaṃ thūpaṃ katvā samantato rattavaṇṇāni pupphāni vikiritvā mantam jappento viya oṭṭhe cāletvā cāletvā “muddhā phalatu sattadhā”ti vadati.

Bāvaribrāhmaṇo cintesi – “ayaṃ mahātapo tapacāraṃ gaṇhitvā caraṇabrāhmaṇako mayhaṃ sattadivasamatthake ‘sattadhā muddhā phālatū’ti vadati, mayhañca imassa dātabbāni pañca

kahāpaṇasatāni natthi, ekaṃsena maṃ esa ghāteṣṣatī”ti. Evaṃ tasmim̃ sokasallasamappite nipanne rattibhāgasamanantare anantarattabhāve bāvarissa mātā devatā hutvā nibbatti. Sā puttassa sokasallasamappitabhāvaṃ disvā āgantvā āha – “tāta, esa muddhaṃ vā muddhaphālanāṃ vā na jānāti, tvampi loke buddhānaṃ uppannabhāvaṃ na jānāsi. Sace te saṃsayo atthi, satthu santikaṃ gantvā puccha, so te etaṃ kāraṇaṃ kathessatī”ti. Brāhmaṇo devatāya kathaṃ sutakālato paṭṭhāya assāsaṃ labhitvā punadivase uṭṭhite aruṇe sabbeva antevāsike pakkositvā, “tātā, buddho kira loke uppanno, tumhe sīghaṃ gantvā ‘buddho vā no vā’ti ñatvā āgantvā mayhaṃ ārocetha, ahaṃ satthu santikaṃ gamissāmi. Apica kho pana mayhaṃ mahallakabhāvena jīvitantarāyo dujjāno, tumhe tassa santikaṃ gantvā iminā ca iminā ca niyāmena pañhe pucchathā”ti muddhaphālanapañhaṃ nāma abhisankharitvā adāsi.

Tato cintesi – “sabbe ime māṇavā paṇḍitā, satthu dhammakathaṃ sutvā attano kicce matthakaṃ patte puna mayhaṃ santikaṃ āgaccheyyūṃ vā no vā”ti. Atha attano bhāgineyyassa ajitamāṇavassa nāma saññaṃ adāsi – “tvam̃ pana ekanteneva mama santikaṃ āgantūṃ arahasi, tayā paṭiladdhaguṇaṃ āgantvā mayhaṃ katheyysāsi”ti. Atha te soḷasasahassajaṭilā ajitamāṇavaṃ jeṭṭhakaṃ katvā soḷasahi jeṭṭhantevāsikehi saddhim̃ “satthāraṃ pañhaṃ pucchissāmā”ti cārikaṃ carantā gatagataṭṭhāne, “ayyā, kahaṃ gacchatha, kahaṃ gacchathā”ti pucchitā “dasabalassa santikaṃ pañhaṃ pucchitūṃ gacchāmā”ti koṭito paṭṭhāya parisāṃ saṃkaḍḍhantā anekayojanasataṃ maggaṃ gatā. Satthā “tesaṃ āgamanadivase aññassa okāso na bhavissati, idaṃ imissā parisāya anucchavikaṭṭhāna”nti gantvā pāsānacetiyē piṭṭhipāsāṇe nisīdi. So ajitamāṇavopi sapariso taṃ piṭṭhipāsāṇaṃ āruya satthu sarīrasampattim̃ disvā “ayaṃ puriso imasmim̃ loke vivaṭacchado buddho bhavissatī”ti attano ācariyena pahite pañhe manasā pucchantova gato.

Taṃdivasaṃ tasmim̃ ṭhāne sampattaparīsā dvādasayojanikā ahoṣi. Tesaṃ soḷasannaṃ antevāsikānaṃ antare mogharājamāṇavo “ahaṃ sabbehi paṇḍitataro”ti mānatthaddho, tassa etadahosi – “ayaṃ ajitamāṇavo sabbesaṃ jeṭṭhako, etassa paṭhamataraṃ mama pañhaṃ pucchitūṃ na yutta”nti. Tassa lajjāyanto paṭhamataraṃ pañhaṃ apucchitvā tena pucchite dutiyo hutvā satthāraṃ pañhaṃ pucchi. Satthā “mānatthaddho mogharājamāṇavā, na tāvassa ñāṇaṃ paripākaṃ gacchati, assa mānaṃ nivāritūṃ vaṭṭatī”ti cintetvā āha – “tiṭṭha tvam̃, mogharāja, aññe tāva pañhe pucchantū”ti. So satthu santikā apasādaṃ labhitvā cintesi – “ahaṃ ettakaṃ kālaṃ mayā paṇḍitataro nāma natthīti vicarāmi, buddhā ca nāma ajānitvā na kathenti. Satthārā mama pucchāya doso diṭṭho bhavissatī”ti tuṅhī ahoṣi. So aṭṭhahi janehi paṭipāṭiyā pañhe pucchite adhivāsetuṃ asakkonto navamo hutvā puna uṭṭhāsi. Punapi naṃ satthā apasādesi.

So punapi tuṅhī hutvā “saṅghanavako dāni bhavitūṃ na sakkhissāmī”ti pañcadasamo hutvā pañhaṃ pucchi. Atha satthā ñāṇassa paripākabhāvaṃ ñatvā pañhaṃ kathesi. So desanāpariyosāne attano parivārena jaṭilasahassena saddhim̃ arahattaṃ pāpuṇi. Imināva niyāmena sesānipi pannarasa jaṭilasahassāni arahattaṃ pāpuṇimsu. Sabbepe iddhimayapattacīvaradharā ehibhikkhūva ahesuṃ. Sesajanā pana na kathiyanti. Ayaṃ mogharājatthero tato paṭṭhāya tīhi lūkhehi samannāgataṃ cīvaraṃ dhāreti. Evaṃ pārāyane (su. ni. 982 ādayo) vatthu samuṭṭhitāṃ. Satthā pana aparabhāge jetavane nisinnō there paṭipāṭiyā ṭhānantaresu ṭhapento mogharājattheraṃ imasmim̃ sāsane lūkhaḍḍharānaṃ aggaṭṭhāne ṭhapento “etadaggaṃ, bhikkhave, mama sāvakaṇaṃ bhikkhūnaṃ lūkhaḍḍharānaṃ yadidaṃ mogharājā”ti āha.

Catutthavaggaṇṇanā.

Ekacattālīsasuttamattāya therapāṭiyā vaṇṇanā niṭṭhitā.

## 14. Etadaggavaggo

### (14) 5. Pañcamaetadaggavaggo

## Mahāpajāpatigotamītherīvatthu

235. Theripāliyā paṭhame **yadidaṃ mahāpajāpatigotamī**ti mahāpajāpatigotamī therī rattaññūnaṃ aggāti dasseti.

Tassā pañhakamme pana ayamanupubbikathā – ayaṃ kira padumuttarabuddhakāle haṃsavatiyaṃ kulagehe paṭisandhiṃ gaṇhitvā aparena samayena satthu dhammadesanaṃ suṇantī satthāraṃ ekaṃ bhikkhuniṃ rattaññūnaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. Sā yāvajīvaṃ dānaṃ datvā sīlaṃ rakkhitvā tato cuto devaloke nibbattivā pana ekasmiṃ buddhantare devalokato cavitvā bārāṇasiyaṃ pañcannaṃ dāsisaṭānaṃ jeṭṭhakadāsī hutvā nibbatti. Atha vassūpanāyikasamaye pañca paccekabuddhā nandaṃ ulakapabbhārato isipatane otarivā nagare piṇḍāya caritvā isipataneva gantvā “vassūpanāyikakuṭiyā atthāya hatthakammaṃ yācissāma”ti cintesuṃ. Kasmā? Vassaṃ upagacchantena hi nālakapaṭipadaṃ paṭipannaṃ pañcannaṃ chadanānaṃ aññātarena chadanena channe sadvārabaddhe senāsane upagantabbaṃ. Vuttañhettaṃ “na, bhikkhave, asenāsānikena vassaṃ upagantabbaṃ, yo upagaccheyya, āpatti dukkaṭṭassa”ti (mahāva. 204). Tasmā vassakāle upakāṭṭhe sace senāsanaṃ labhati, iccetaṃ kusalaṃ. No ce labhati, hatthakammaṃ pariyesitvāpi kātabbaṃ. Hatthakammaṃ alabhanta sāmaṃpi kātabbaṃ, na tveva asenāsānikena vassaṃ upagantabbaṃ. Ayamanudhammatā. Tasmā te paccekabuddhā “hatthakammaṃ yācissāma”ti cīvaraṃ pārupitvā sāyanhasamaye nagaraṃ pavisitvā seṭṭhissa gharadvāre aṭṭhaṃsu. Jeṭṭhakadāsī kuṭaṃ gahetvā udakatitthaṃ gacchantī paccekabuddhe nagaraṃ pavisante addasa. Seṭṭhi tesāṃ āgatakāraṇaṃ sutvā “amhākaṃ okāso natthi, gacchantū”ti āha.

Atha te nagarā nikkhante jeṭṭhakadāsī kuṭaṃ gahetvā pavisantī disvā kuṭaṃ otāretvā vanditvā onamitvā mukhaṃ ukkhipitvā, “ayyā, nagaraṃ pavitṭhamattāva nikkhantā, kiṃ nu kho”ti pucchi. Vassūpanāyikakuṭiyā hatthakammaṃ yācituṃ āgatamhāti. Laddhaṃ, bhanteti? Na laddhaṃ upāsiketi. Kiṃ panesā kuṭi issareheva kātabbā, udāhu duggatehipi sakkā kātunti? Yena kenaci sakkā kātunti. Sādhu, bhante, mayaṃ karissāma, sve mayhaṃ bhikkhaṃ gaṇhathāti nimantetvā puna kuṭaṃ gahetvā āgamanatitthamagge ṭhatvā āgatāgatā avasesadāsiyo “etteva hothā”ti vatvā sabbasaṃ āgatakāle āha – “ammā, kiṃ niccameva parassa dāsikammaṃ karissatha, udāhu dāsibhāvato mucchitū icchathā”ti. Ajjeva mucchitū icchāma, ayyeti. Yadi evaṃ, mayā paccekabuddhā hatthakammaṃ alabhantā svātanāya nimantitā, tumhākaṃ sāmikehi ekadivasāṃ hatthakammaṃ dāpethāti. Tā “sādhu”ti sampaṭicchitvā sāyaṃ aṭavito āgatakāle sāmikānaṃ ārocesuṃ. Te “sādhu”ti jeṭṭhakadāsassa gehadvāre sannipatiṃsu.

Atha ne jeṭṭhakadāsī “sve, tātā, paccekabuddhānaṃ hatthakammaṃ dethā”ti ānisaṃsaṃ ācikkhitvā yepi na kātukāmā, te gālḥena ovādena tajjetvā sabbepi sampaṭicchāpesi. Sā punadivase paccekabuddhānaṃ bhattaṃ datvā sabbesaṃ dāsaputtānaṃ saññaṃ adāsi. Te tāvadeva araññaṃ pavisitvā dabbasambhāre samodhānetvā sataṃ sataṃ hutvā ekekaṃ kuṭiṃ caṅkamanādirivāraṃ katvā mañcapīṭhapānīya-paribhojanīyādīni ṭhapetvā paccekabuddhānaṃ temāsaṃ tattheva vasaṇatthāya paṭiññaṃ kāretvā vārabhikkhaṃ paṭṭhapesuṃ. Yā attano vāradivase na sakkoti, tassā jeṭṭhakadāsī sakagehato nīharitvā deti. Evaṃ temāsaṃ paṭijaggitvā jeṭṭhakadāsī ekekaṃ dāsiṃ ekekaṃ sāṭakaṃ sajjāpesi, pañca thūlasāṭakasatāni ahesuṃ. Tāni parivattāpetvā pañcannaṃ paccekabuddhānaṃ ticīvarāni katvā adāsi. Paccekabuddhā tāsāṃ passantīnaṃyeva ākāseṇa gandhamādanapabbataṃ agamaṃsu.

Tāpi sabbā yāvajīvaṃ kusalaṃ katvā devaloke nibbatiṃsu. Tāsu jeṭṭhikā tato cavitvā bārāṇasiyā avidūre pesakāragāme pesakārajeṭṭhakassa gehe nibbatti. Athekadivasāṃ padumavatiyā puttā pañcasatā paccekabuddhā bārāṇasiraññaṃ nimantitā rājadvāraṃ āgantvā kañci olokentampi adisvā nivattitvā nagaradvārena nikkhamitvā taṃ pesakāragāmaṃ agamaṃsu. Sā itthī paccekabuddhe disvā sampiyāyamaṇā sabbe vanditvā bhikkhaṃ adāsi. Te bhattakiccaṃ katvā gandhamādanameva agamaṃsu.

Sāpi yāvajīvaṃ kusalaṃ katvā devamanussesu saṃsarantī amhākaṃ satthu nibbattito puretārameva



devadahanagare mahāsuppabuddhassa gehe paṭisandhiṃ gaṇhi, gotamītissā nāmaṃ akaṃsu. Mahāmāyāya kaniṭṭhabhaginī hoti. Mantajjhāyakā brāhmaṇā lakkhaṇāni pariggaṇhantā “imāsaṃ dvinnampi kucchiyaṃ vasitadārakā cakkavattino bhavissanti”ti byākariṃsu. Suddhodanamahārājā vayappattakāle tā dvepi maṅgalaṃ katvā attano gharaṃ ānesi. Aparabhāge amhākaṃ bodhisatto tusitapurā cavitvā mahāmāyāya deviyā kucchiyaṃ paṭisandhiṃ gaṇhi. Mahāmāyā tassa jātadivasato sattame divase kālaṃ katvā tusitapure nibbatti. Suddhodanamahārājā mahāsattassa mātucchaṃ mahāpajāpatigotamiṃ aggamaheṣiṭṭhāne ṭhapesi. Tasmīṃ kāle nandakumāro jāto. Ayaṃ mahāpajāpati nandakumāraṃ dhātīnaṃ datvā sayamaṃ bodhisattaṃ parihari.

Aparena samayena bodhisatto mahābhinnikkhamaṇaṃ nikkhamitvā sabbaññutaṃ patvā lokānuggahaṃ karonto anukkamaṇa kapilavatthūṃ patvā nagaraṃ piṇḍāya pāvīsi. Athassa pitā suddhodanamahārājā antaravīthiyaṃyeva dhammakathaṃ sutvā sotāpanno ahoṣi. Atha dutiyadivase nando pabbaji, sattame divase rāhulo. Satthā aparena samayena vesāliṃ upanissāya kūṭāgārasālāyaṃ viharati. Tasmīṃ samaye suddhodanamahārājā setacchattassa heṭṭhā arahattaṃ sacchikatvā parinibbāyi. Tadā mahāpajāpatigotamī pabbajjāya cittaṃ uppādesi. Tato rohiṇīnadītīre kalahavivādasuttapariyosāne (su. ni. 868 ādayo) nikkhamitvā pabbajitānaṃ pañcannaṃ kumārasatānaṃ pādapariṇāyikā sabbāva ekacittā hutvā “mahāpajāpatiyā santikaṃ gantvā sabbāva satthu santike pabbajissāmā”ti mahāpajāpatiṃ jeṭṭhikaṃ katvā satthu santikaṃ gantvā pabbajitukāmā ahesuṃ. Ayaṃca mahāpajāpati paṭhamameva ekavāraṃ satthāraṃ pabbajjaṃ yācamānā nālattha, tasmā kappakaṃ pakkosāpetvā kese chinnāpetvā kāsāyāni acchādetvā sabbā tā sākiyāniyo ādāya vesāliṃ gantvā ānandattherena dasabalaṃ yācāpetvā atṭhahi garudhammehi pabbajjaṃca upasampadaṃca alattha. Itarā pana sabbāpi ekatova upasampannā ahesuṃ. Ayamettha saṅkhepo, vitthārato panetaṃ vatthu pāliyaṃ (cūḷava. 402 ādayo) āgatameva.

Evamaṃ upasampannā pana mahāpajāpati satthāraṃ upasaṅkamitvā abhivādetvā ekamantaṃ atṭhāsi, athassā satthā dhammaṃ desesi. Sā satthu santike kammaṭṭhānaṃ gahetvā arahattaṃ pāpuṇi. Sesā pañcasatā bhikkhuniyo nandakovādasuttapariyosāne (ma. ni. 3.398 ādayo) arahattaṃ pāpuṇiṃsu. Evametamaṃ vatthu samuṭṭhitaṃ. Aparabhāge satthā jetavane nisinna bhikkhuniyo ṭhānantare ṭhapento mahāpajāpatiṃ rattaññūnaṃ aggaṭṭhāne ṭhapesīti.

### Khemātherīvatthu

**236.** Dutiye **khemāti** evamaṇāmikā bhikkhunī. Ito paṭṭhāya ca panassā pañhakamme ayamanupubbikathāti avatvā sabbattha abhinīhāraṃ ādiṃ katvā vattabbameva vakkhāma.

Atīte kira padumuttarabuddhakāle haṃsavatiyaṃ ayaṃ parapariyāpannā hutvā nibbatti. Athekadivasaṃ tassa bhagavato aggasāvikaṃ sujātatheriṃ nāma piṇḍāya carantaṃ disvā tayo modake datvā taṃdivasameva attano kese vissajjetvā theriyā dānaṃ datvā “anāgate buddhuppāde tumhe viya mahāpaññā bhavēyya”nti patthanaṃ katvā yāvajīvaṃ kusalakammesu appamattā hutvā kappasatasahassaṃ devamanussesu saṃsaraṇtī kassapabuddhakāle kikissa kāsirañño gehe paṭisandhiṃ gahetvā sattannaṃ bhaginīnaṃ abbhantarā hutvā vīsativassasahassāni geheyeva komāribrahmacariyaṃ caritvā tāhi bhaginīhi saddhiṃ dasabalassa vasaṇapariveṇaṃ kāretvā ekaṃ buddhantaraṃ devamanussesu saṃsaraṇtī imasmīṃ buddhuppāde maddaraṭṭhe sāgalanagare rājakule paṭisandhiṃ gaṇhi, khemātissā nāmaṃ akaṃsu. Tassā sarīravaṇṇo suvaṇṇarasapiṇjaro viya ahoṣi. Sā vayappattā bimbisārarañño gehaṃ agamāsi.

Sā tathāgate rājagahaṃ upanissāya veḷuvane viharante “satthā kira rūpe dosaṃ dassētī”ti rūpamadammattā hutvā “mayhampi rūpe dosaṃ dassēyyā”ti bhayena dasabalaṃ dassanāya na gacchati. Rājā cintesi – “ahaṃ satthu aggupaṭṭhāko, mādisassa ca nāma ariyasāvakaṃsa aggamaheṣī dasabalaṃ dassanāya na gacchati, na me etaṃ rucchatī”ti. So kavīhi veḷuvanuyyānassa vaṇṇaṃ bandhāpetvā “khemāya deviyā savanūpacāre gāyathā”ti āha. Sā uyyānassa vaṇṇaṃ sutvā gantukāmā hutvā rājānaṃ paṭipucchi. Rājā “uyyānaṃ gaccha, satthāraṃ pana adisvā āgantūṃ na labhissasī”ti āha. Sā rañño

paṭivacanam adatvāva maggam paṭipajji. Rājā tāya saddhim gacchante purise āha – “sace devī uyyānato nivattamānā dasabalam passati, iccetam kusalam. Sace na passati, rājānāya nam dassethā”ti. Atha kho sā devī divasabhāgam uyyāne caritvā nivattantī dasabalam adisvāva gantum āradhā. Atha nam rājapurisā attano aruciya devim satthu santikam nayimsu.

Satthā tam āgacchantim disvā iddhiyā ekam devaccharam nimminivā tālavaṇṇam gahetvā bījamānam viya akāsi. Khemā devī tam disvā cintesi – “mānamhi natthā, evarūpā nāma devaccharappaṭibhāgā itthiyo dasabalassa avidūre tiṭṭhanti, aham etāsam paricārikāpi nappahomi, mānamadam hi nissāya pāpacittassa vasena natthā”ti tam nimittam gahetvā tameva itthim olokayamānā atthāsi. Athassā passantiyāva tathāgatassa adhiṭṭhānabalena sā itthi paṭhamavayam atikkamma majjhimavaye ṭhitā viya majjhimavayam atikkamma pacchimavaye ṭhitā viya ca valittacā palitakesā khaṇḍaviraḷadantā ahoṣi. Tato tassā passantiyāva saddhim tālavaṇṇena parivattivā paripati. Tato khemā pubbahetusampannattā tasmim ārammaṇe āpāthagate evam cintesi – “evamvidhampi nāma sarīram evarūpam vipattim pāpuṇāti, mayhampi sarīram evamgatikameva bhavissati”ti. Athassā evam cintitakkhaṇe satthā imam dhammapade gāthamāha –

“Ye rāgarattānupatanti sotam,  
Sayamkataṃ makkaṭakova jālam;  
Etampi chetvāna vajanti dhīrā,  
Anapekkhino sabbadukkham pahāyā”ti.

Sā gāthāpariyosāne ṭhitapade ṭhitāyeva saha paṭisambhidāhi arahattam pāpuṇi. Agāramajjhe vasantena nāma arahattam pattena tamdivasameva parinibbāyitabbam vā pabbajitabbam vā hoti, sā pana attano āyusānkhārānam pavattanabhāvam nātvā “attano pabbajam anujānāpessāmī”ti satthāram vandivā rājanivesanam gantvā rājānam anabhivādetvāva atthāsi. Rājā ingiteneva aññāsi – “ariyadhammam pattā bhavissati”ti. Atha nam āha – “devi gatā nu kho satthudassanāyā”ti. Mahārāja, tumhehi diṭṭhadassanam parittam, aham pana dasabalam sudiṭṭhamakāsim, pabbajam me anujānāthāti. Rājā “sādhu, devī”ti sampaṭicchitvā suvaṇṇasivikāya bhikkhuniupassayam upanetvā pabbājesi. Athassā “khemātherī nāma gihbhāve ṭhatvā arahattam pattā”ti mahāpaññabhāvo pākaṭo ahoṣi. Idamettha vatthu. Atha satthā aparabhāge jetavane nisinnā bhikkhuniyo paṭipāṭiyā ṭhānantare ṭhapento khemātherim mahāpaññānam aggaṭṭhāne ṭhapesīti.

### Uppalavaṇṇātherivatthu

**237.** Tatiye **uppalavaṇṇā**ti nīluppalagabbhasadiseneva vaṇṇena samannāgatattā evamāladhanāmā therī. Sā kira padumuttarabuddhakāle haṃsavatiyam kulagehe paṭisandhim gaṇhitvā aparabhāge mahājanena saddhim satthu santikam gantvā dhammam suṇantī satthāram ekam bhikkhunim iddhimantīnam aggaṭṭhāne ṭhapentam disvā satthāham buddhappamukhassa bhikkhusaṅghassa mahādānam datvā tam ṭhānantaram patthesi. Sā yāvajīvam kusalam katvā devamanussesu saṃsarantī kassapabuddhakāle bārāṇasinagare kikissa kāsirañño gehe paṭisandhim gaṇhitvā sattannam bhaginīnam abhantarā hutvā vīsati vassasahassāni brahmacariyam caritvā bhikkhusaṅghassa pariveṇam katvā devaloke nibbattā.

Tato cavitvā puna manussalokam āgacchantī ekasmim gāme sahatthā kammam katvā jīvanakatthāne nibbattā. Sā ekadivasam khettaṭṭim gacchantī antarāmagge ekasmim sare pātova pupphitam padumapuppham disvā tam saram oruyha tañceva puppham lājapakkipanattāyā paduminiyā pattaṅca gahetvā kedāre sālīsāni chindivā kuṭikāya nisinnā lāje bhajjitvā pañca lājasatāni gaṇesi. Tasmim khaṇe gandhamādanapabbate nirodhasamāpattito vuṭṭhito eko paccekabuddho āgantvā tassā avidūre atthāsi. Sā paccekabuddham disvā lājehi saddhim padumapuppham gahetvā kuṭito oruyha lāje paccekabuddhassa patte pakkhipivā padumapupphena pattam pidhāya adāsi. Athassā paccekabuddhe thokam gate etadahosi – “pabbajitā nāma pupphena anattikā, aham puppham gahetvā

piḷandhissāmī”ti gantvā paccekabuddhassa hatthato puppham gahetvā puna cintesi – “sace, ayyo, pupphena anattiko abhavissa, pattamatthake ṭhapetum na adassa, addhā ayyassa attho bhavissatī”ti puna gantvā pattamatthake ṭhapetvā paccekabuddham khamāpetvā, “bhante, imesaṃ me lājānaṃ nissandena lājagaṇānāya puttā assu, padumapupphassa nissandena nibbattanibbattaṭṭhāne me pade pade padumapuppham uṭṭhahatū”ti patthanam akāsi. Paccekabuddho tassā passantiyāva ākāseṇa gandhamādanapabbataṃ gantvā taṃ padumam nandamūlakapabbhāre paccekabuddhānaṃ akkamanasopānasamīpe pādapuñchanam katvā ṭhapesi.

Sāpi tassa kamma nissandena devaloke paṭisandhim gaṇhi, nibbattakālate paṭṭhāya cassā pade pade mahāpadumapuppham uṭṭhāsi. Sā tato cavitvā pabbatapāde ekasmiṃ padumassare padumagabbhe nibbatti. Taṃ nissāya eko tāpaso vasati, so pātova mukhadhovanatthāya saram gantvā taṃ puppham disvā cintesi – “idaṃ puppham sesehi mahantataram, sesāni ca pupphitāni, idaṃ makulītameva, bhavitabbamettha kāraṇenā”ti udakam otarivā taṃ puppham gaṇhi. Taṃ tena gahitamattameva pupphitam. Tāpaso antopadumagabbhe nipannadārikam addasa. Diṭṭhakālate paṭṭhāya ca dhītusineham labhitvā padumeneva saddhim paṇṇasālam netvā mañcake nipajjāpesi. Athassā puññānubhāvena aṅgutṭhake khīram nibbatti. So tasmim pupphe milāte aññaṃ navapuppham āharitvā taṃ nipajjāpesi. Athassā ādhāvanavidhāvanena kīlitum samatthakālate paṭṭhāya padavāre padavāre padumapuppham uṭṭhāsi, kuṅkumarāsissa viyassā sarīraṇṇo ahoṣi. Sā appattā devavaṇṇam, atikkantā mānusaṇṇam ahoṣi. Sā pitari phalāphalathāya gate paṇṇasālāyam ohīyati.

Athekadivasam tassā vayappattakāle pitari phalāphalathāya gate eko vanacarako taṃ disvā cintesi – “manussānaṃ nāma evaṃvidham rūpaṃ natthi, vīmaṃsissāmi na”nti tāpasassa āgamanam udikkhanto nisīdi. Sā pitari āgacchante paṭipatham gantvā tassa hatthato kājakamaṇḍalum aggahesi, āgantvā nisinnassa cassa attanā karaṇavattaṃ dassesi. Tadā so vanacarako manussabhāvaṃ ñatvā tāpasam abhivādetvā nisīdi. Tāpaso taṃ vanacarakam vanamūlaphalāphalehi ca pānīyena ca nimantetvā, “bho purisa, imasmiṃyeva ṭhāne vasissasi, udāhu gamissasi”ti pucchi. Gamissāmi, bhante, idha kiṃ karissāmīti. Idaṃ tayā diṭṭhakāraṇam etto gantvā akathetum sakkhissasīti. Sace, ayyo, na icchati, kiṃ kāraṇā kathessāmīti tāpasam vanditvā puna āgamanakāle maggasañjānanattham sākhasaññaṇca rukkhasaññaṇca karonto pakkāmi.

So bārānasim gantvā rājānam addasa, rājā “kasmā āgatosī”ti pucchi. “Aham, deva, tumhākam vanacarako pabbatapāde acchariyam itthiratanam disvā āgatomhi”ti sabbam pavattim kathesi. So tassa vacanam sutvā vegena pabbatapādam gantvā avidūre ṭhāne khandhāvāram nivesetvā vanacarakena ceva aññehi ca purisehi saddhim tāpasassa bhattakiccaṃ katvā nisinnavelāya tattha gantvā abhivādetvā paṭisanthāram katvā ekamantaṃ nisīdi. Rājā tāpasassa pabbajitaparikkhārabhaṇḍam pādāmūle ṭhapetvā, “bhante, imasmiṃ ṭhāne kiṃ karoma, gacchāmā”ti āha. Gaccha, mahārājāti. Āma, gacchāmi, bhante. Ayyassa pana samīpe visabhāgaparīsā atthīti assumha, asārūpā esā pabbajitānam, mayā saddhim gacchatu, bhanteti. Manussānaṃ cittaṃ nāma duttosayam, katham bahūnam majjhe vasissatīti. Amhākam rucitakālate paṭṭhāya sesānam jeṭṭhakatṭhāne ṭhapetvā paṭijaggissāmi, bhanteti.

So rañño katham sutvā daharakāle gahitanāmaseneva, “amma, padumavatī”ti dhītaram pakkosi. Sā ekavacaneneva paṇṇasālato nikkhamitvā pitaram abhivādetvā aṭṭhāsi. Atha naṃ pitā āha – “tvam, amma, vayappattā, imasmiṃ ṭhāne rañña diṭṭhakālate paṭṭhāya vasitum ayuttā, rañña saddhim gaccha, ammā”ti. Sā “sādhu, tātā”ti pitu vacanam sampatichitvā abhivādetvā parodamānā aṭṭhāsi. Rājā “imissā pitu cittaṃ gaṇhāmī”ti tasmimyeva ṭhāne kahāpaṇarāsīmhi ṭhapetvā abhisekam akāsi. Atha naṃ gahetvā attano nagaram ānetvā āgatakālate paṭṭhāya sesaitthiyo anoloketvā tāya saddhimyeva ramati. Tā itthiyo issāpakatā taṃ rañño antare paribhinditukāmā evamāhaṃsu – “nāyam, mahārāja, manussajātikā, kham nāma tumhehi manussānaṃ vicaraṇatṭhāne padumāni uṭṭhahantāni diṭṭhapubbāni, addhā ayam yakkhinī, nīharatha naṃ mahārājā”ti. Rājā tāsam katham sutvā tuṅhī ahoṣi.

Athassa aparena samayena paccanto kupito. So “garugabbhā padumavatī”ti taṃ nagare ṭhapetvā

paccantaṃ agamāsi. Atha tā itthiyo tassā upaṭṭhāyikāya lañjaṃ datvā “imissā dāraṃ jātamaṃ apanetvā ekaṃ dāruḡhaṭikaṃ lohiteṇa makkhetvā santike ṭhapehi”ti āhaṃsu. Padumavatiyāpi nacirasseva gabbhavuṭṭhānaṃ ahoṣi. Mahāpadumakumāro ekakova kucchiyaṃ paṭisaṇḍhiṃ gaṇhi. Avasesā ekūnapaṇcasatā dāraṃ mahāpadumakumārassa mātukucchito nikkhamitvā nipannaṃ saṃsedajā hutvā nibbattiṃsu. Athassa “na tāvāyaṃ satim paṭilabhati”ti ṇatvā upaṭṭhāyikā ekaṃ dāruḡhaṭikaṃ lohiteṇa makkhetvā samīpe ṭhapetvā tāsaṃ itthīnaṃ saññaṃ adāsi. Tā paṇcasatāpi itthiyo ekekā ekekaṃ dāraṃ gahetvā cundakāraṇaṃ santikaṃ pesetvā karaṇḍake āharāpetvā attanā attanā gahitaḍāraḡe tattha nipajjāpetvā bahi lañjanaṃ katvā ṭhapaṃsu.

Padumavatiyāpi kho saññaṃ labhitvā taṃ upaṭṭhāyikaṃ “kiṃ vijātaṃhi, amma”ti pucchi. Sā taṃ santajjivā “kuto tvaṃ dāraṃ labhissasi”ti vatvā “ayaṃ te kucchito nikkhantaḍāraḡo”ti lohitaṃ makkhitaṃ dāruḡhaṭikaṃ purato ṭhapesi. Sā taṃ disvā dānaṃ sappaṭā “siḡhaṃ naṃ phāletvā apanehi, sace koci passeyya lajjitabbaṃ bhaveyya”ti āha. Sā tassā kathaṃ sutvā atthakāma viya dāruḡhaṭikaṃ phāletvā uddhane pakkhipi.

Rājāpi paccantaḡo āgantvā nakkhattaṃ paṭimaṇento bahinagare khandhāvāraṃ bandhitvā nisīdi. Atha tā paṇcasatā itthiyo rañño paccuggamaṃ āgantvā āhaṃsu – “tvaṃ, mahārāja, na amhākaṃ saddahaṣi, amhehi vuttaṃ akāraṇaṃ viya hoti. Tvaṃ mahesiyā upaṭṭhāyikaṃ pakkosāpetvā paṭipuccha, dāruḡhaṭikaṃ te devī vijātā”ti. Rājā taṃ kāraṇaṃ na upaparikkhitvā “amaṇussajātikā bhavissati”ti taṃ gehato nikkadḡhi. Tassā rājagehato saha nikkhamaṇeva padumapupphāni antaraḡhāyaṃ, sarīracchavīpi vivaṇṇā ahoṣi. Sā ekikāva antaraṃvithiyā pāyāsi. Atha naṃ ekā vāyappaṭā mahallikā itthi disvā dhītusinehaṃ uppādetvā “kahaṃ gacchasi amma”ti āha. Āgantukamhi, vasaṇaṭṭhānaṃ oloḡenti vicarāṃti. Idhāgaccha, ammaṇi vasaṇaṭṭhānaṃ datvā bhojanaṃ paṭiyādesi.

Tassā imināva niyāmena tattha vasaṇānāya tā paṇcasatā itthiyo ekacittā hutvā rājānaṃ āhaṃsu – “mahārāja, tumhesu yuddhaṃ gatesu amhehi gaṇḡadevatāya ‘amhākaṃ deve vijitasāṇḡe āgate balikammaṃ katvā udakakīḡaṃ karissāma”ti patthitaṃ atthi, etamaṭṭhaṃ, deva, jānāpema”ti. Rājā tāsaṃ vacanena tuṭṭho gaṇḡāyaṃ udakakīḡaṃ kātuṃ agamāsi. Tāpi attanā attanā gahitaṃ karaṇḡakaṃ paṭicchannaṃ katvā āḡāya naḡim gantvā tesāṃ karaṇḡakānaṃ paṭicchādanatthaṃ pārupitvā pārupitvā udake patitvā karaṇḡake vissajjesuṃ. Tepi kho karaṇḡakā sabbe saha gantvā heṭṭhāsote pasāritajālamhi laggiṃsu. Tato udakakīḡaṃ kīḡitvā rañño uttinaṃkāle jālaṃ ukkhipantā te karaṇḡake disvā rañño santikaṃ ānayaṃsu. Rājā karaṇḡake disvā “kiṃ, tāṭā, karaṇḡakesū”ti āha. Na jānāma, devāti. So te karaṇḡake vivarāpetvā oloḡento paṭhamaṃ mahāpadumakumārassa karaṇḡakaṃ vivarāpesi. Tesāṃ pana sabbesampi karaṇḡakesu nipajjāpitadivaseyeva puññiddhiyā aṇḡuṭṭhato khīraṃ nibbatti. Sakko devarājā tassa rañño nikkāṇkhabhāvattaṃ antokaraṇḡake akkharāni likhāpesi “ime kumārā padumavatiyā kucchimhi nibbattā bārāṇasirañño puttā, atha ne padumavatiyā sapattiyo paṇcasatā itthiyo karaṇḡakesu pakkhipitvā udake khipiṃsu, rājā imaṃ kāraṇaṃ jānātū”ti. Karaṇḡake vivaritamatte rājā akkharāni vācetvā ḡāraḡe disvā mahāpadumakumāraṃ ukkhipitvā “veḡena rathe yojetha, asse kappetha, ahaṃ ajja antonagaraṃ pavisitvā ekaccānaṃ mātugāmaṇaṃ piyaṃ karissāmi”ti pāsādaṃ āruya hatthigīvāya sahasaḡhaṇḡikaṃ ṭhapetvā bheriṃ carāpesi “yo padumavatiṃ passati, so imaṃ sahasaṃ gaṇhatū”ti.

Taṃ kathaṃ sutvā padumavati mātuyā saññaṃ adāsi – “hatthigīvato sahasaṃ gaṇha, amma”ti. Ahaṃ evarūpaṃ gaṇhituṃ na viśahāṃti. Sā dutiyampi tatiyampi vutte, “kiṃ vatvā gaṇhāmi amma”ti āha. “Mama dhītā, padumavatiṃ devīṃ passati”ti vatvā gaṇhāhīti. Sā “yaṃ vā taṃ vā hotū”ti gantvā sahasaṃkoṭakaṃ gaṇhi. Atha naṃ maṇussa pucchiṃsu – “padumavatiṃ devīṃ passasi, amma”ti. “Ahaṃ na passāmi, dhītā kira me passati”ti āha. Te “kahaṃ pana sā, amma”ti vatvā tāya saddhiṃ gantvā padumavatiṃ sañjānitvā pādesu nipatiṃsu. Tasmīṃ kāle sā “padumavati devī aya”nti ṇatvā “bhāriyaṃ vata itthiyā kammaṃ kataṃ, yā evaṃvidhassa rañño mahesī samānā evarūpe ṭhāne nirāraḡhā vasi”ti āha. Tepi rājāpurisā padumavatiyā nivesanaṃ setasāṇhi parikkhipāpetvā dvāre āraḡhaṃ ṭhapetvā rañño ārocesuṃ. Rājā suvaṇṇasivikaṃ pesesi. Sā “ahaṃ evaṃ na gamissāmi, mama vasaṇaṭṭhānato paṭṭhāya yāva rājagehaṃ etthantare varappaṭṭhacittattharaṇe attharāpetvā upari

suvanṇatāarakavicittam celavitānam bandhāpetvā pasādhanatthāya sabbālaṅkāresu pahitesu padasāva gamissāmi, evaṃ me nāgarā sampattiṃ passissanti”ti āha. Rājā “padumavatiyā yathāruciṃ karothā”ti āha. Tato padumavati sabbapasādhanam pasādhetvā “rājageham gamissāmi”ti maggaṃ paṭipajji. Athassā akkantaakkantaṭṭhāne varapottakacittattharaṇāni bhinditvā padumapupphāni utṭhahiṃsu. Sā mahājanassa attano sampattiṃ dassetvā rājanivesanam āruya sabbe cittattharaṇe tassā mahallikāya posāvanikamūlam katvā dāpesi.

Rājāpi kho tā pañcasatā itthiyo pakkosāpetvā “imāyo te devi dāsiyo katvā demī”ti āha. Sādhu, mahārāja, etasam mayham dinnabhāvam sakalanagare jānāpehīti. Rājā nagare bheriṃ carāpesi – “padumavatiyā dūbbhikā pañcasatā itthiyo etissā eva dāsiyo katvā dinnā”ti. Sā “tāsam sakalanagarena dāsibhāvo sallakkhito”ti ñatvā “aham mama dāsiyo bhujissā kātuṃ labhāmi devā”ti rājānam pucchi. Tava icchā devīti. Evaṃ sante tameva bhericārikaṃ pakkosāpetvā “padumavatideviyā attano dāsiyo katvā dinnā pañcasatā itthiyo sabbāva bhujissā katāti puna bheriṃ carāpethā”ti āha. Sā tāsam bhujissabhāve kate ekūnāni pañcasattaputtāni tāsamyeva hatthe posanattāya datvā sayam mahāpadumakumāraṃyeva gaṇhi.

Atha aparabhāge tesam kumārānam kīlanavaye sampatte rājā uyyāne nānāvīdham kīlanatṭhānam kāresi. Te attano soḷasavassuddesikakāle sabbeva ekato hutvā uyyāne padumasañchannāya maṅgalapokkharāṇiyā kīlantā navapadumāni pupphitāni purānapadumāni ca vaṇṭato patantāni disvā “imassa tāva anupādinakassa evarūpā jarā pāpuṇāti, kimaṅgaṃ pana amhākaṃ sarīrassa. Idampi hi evaṃgatikameva bhavissati”ti ārammaṇam gahetvā sabbeva paccekabodhiñānam nibbattetvā utṭhāyutṭhāya padumakaṇṇikāsu pallaṅkena nisīdiṃsu.

Atha tehi saddhiṃ āgatā rājapurisā bahugataṃ divasaṃ ñatvā “ayyaputtā tumhākaṃ velam jānāthā”ti āhaṃsu. Te tuṅhī ahesuṃ. Te purisā gantvā rañño ārocesuṃ – “kumārā deva, padumakaṇṇikāsu nisinnā, amhesu kathentesupi vacībhedaṃ na karonti”ti. Yathāruciyā tesam nisīdituṃ dethāti. Te sabbarattiṃ gahitārakkhā padumakaṇṇikāsu nisinnaniyāmeneva aruṇam utṭhāpesuṃ. Purisā punadivase upasaṅkamitvā “devā velam jānāthā”ti āhaṃsu. Na mayam devā, paccekabuddhā nāma mayanti. Ayyā, tumhe bhāriyam katham kathetha, paccekabuddhā nāma tumhādisā na honti, dvaṅgulakesamassudharā kāye paṭimukkaatṭhaparikkhārā hontīti. Te dakkhiṇahatthena sīsam parāmasiṃsu. Tāvadeva gihilingam antaradhāyi, aṭṭha parikkhārā kāye paṭimukkāva ahesuṃ. Tato passantasseva mahājanassa ākāseṇa nandamūlakapabbhāram agamaṃsu.

Sāpi kho, padumavati devī, “aham bahuputtā hutvā niputtā jātā”ti hadayasokam patvā teneva sokena kālam katvā rājagahanagaradvāragāmake sahatthena kammaṃ katvā jīvanakaṭṭhāne nibbatti. Aparabhāge kulagharam gantvā ekadivasaṃ sāmikassa khettaṃ yāguṃ haramānā tesam attano puttānam antare aṭṭha paccekabuddhe bhikkhācāraṇelāya ākāseṇa gacchante disvā sīgham sīgham gantvā sāmikassa ārocesi – “passa, ayya, paccekabuddhe, ete nimantetvā bhojessāma”ti. So āha – “samaṇasakuṇā nāmete aññatthāpi evaṃ caranti, na ete paccekabuddhā”ti. Te tesam kathentānaṃyeva avidūre ṭhāne otariṃsu. Sā itthī taṃdivasaṃ attano bhattakhajjabhojanam tesam datvā “svepi aṭṭha janā mayham bhikkham gaṇhathā”ti āha. Sādhu, upāsike, tava sakkāro ettakova hotu, āsanāni ca aṭṭheva hontu, aññepi bahū paccekabuddhe disvā tava cittaṃ pasādeyyāsīti. Sā punadivase aṭṭha āsanāni paññāpetvā aṭṭhannaṃ sakkārasammānam paṭiyādetvā nisīdi.

Nimantitapaccekabuddhā sesānam saññaṃ adamsu – “mārisā, ajja aññattha agantvā sabbeva tumhākaṃ mātu saṅgaṃ karothā”ti. Te tesam vacanam sutvā sabbeva ekato ākāseṇa āgantvā mātu-gehadvāre pāturaṃhesuṃ. Sāpi paṭhamam laddhasaññatāya bahūpi disvā na kampittha, sabbepi te geḥam pavesetvā āsanesu nisīdāpesi. Tesu paṭipāṭiyā nisīdantesu navamo aññāni aṭṭha āsanāni māpetvā sayam dhurāsane nisīdi. Yāva āsanāni vaḍḍhanti, tāva geḥam vaḍḍhati. Evaṃ tesu sabbesupi nisīnesu sā itthī aṭṭhannaṃ paccekabuddhānam paṭiyāditaṃ sakkāram pañcasatānampi yāvadattham datvā aṭṭha niluppalahatthake āharitvā nimantitapaccekabuddhānaṃyeva pādāmūle ṭhapetvā āha – “mayham,

bhante, nibbattanibbattaṭṭhāne sarīraṇaṃ imesaṃ nīluppalaṇaṃ antogabbhavaṇṇo viya hotū”ti patthanaṃ akāsi. Paccekabuddhā mātu anumodanaṃ katvā gandhamādanaṃyeva agamaṃsu.

Sāpi yāvajīvaṃ kusalaṃ katvā tato cutā devaloke nibbattitvā imasmim buddhuppāde sāvattiyāṃ seṭṭhikule paṭisandhiṃ gaṇhi, nīluppalagabbhasamānavañṇatāya cassā uppalavaṇṇatveva nāmaṃ akaṃsu. Athassā vayappattakāle sakalajambudīparājāno ca seṭṭhino ca seṭṭhissa santikaṃ paṇiṃsu – “dhītaraṃ amhākaṃ detū”ti. Apahiṇanto nāma nāhosi. Tato seṭṭhi cintesi – “ahaṃ sabbesaṃ manāṃ gaṇhetuṃ na sakkhissāmi, upāyaṃ panekaṃ karissāmi”ti dhītaraṃ pakkosāpetvā “pabbajituṃ amma sakkhissāsi”ti āha. Tassā pacchimabhavikattā pituvacanaṃ sīse āsittasatapākateḷaṃ viya ahoṣi, tasmā pitaraṃ “pabbajissāmi, tātā”ti āha. So tassā sakkāraṃ katvā bhikkhuniupassayaṃ netvā pabbājesi. Tassā acirapabbajitāya eva uposathāgāre kālavāro pāpuṇi. Sā dīpaṃ jāletvā uposathāgāraṃ sammajjitvā dīpasikhāya nimittaṃ gaṇhitvā punappunaṃ olokayamānā tejakasiṇāraṃmaṇaṃ jhānaṃ nibbattitvā tadeva pādakaṃ katvā arahattaṃ pāpuṇi. Arahattaphalena saddhiṃyeva ca iddhivikubbane ciṇṇavasī ahoṣi. Sā aparabhāge satthu yamakapāṭihāriyakaraṇadivase “ahaṃ, bhante, pāṭihāriyaṃ karissāmi”ti sihanādaṃ nadi. Satthā idaṃ kāraṇaṃ aṭṭhuppattiṃ katvā jetavanavihāre nisinna paṭipāṭiyā bhikkhuniyo ṭhānantare ṭhapento imaṃ theriṃ iddhimantīnaṃ aggaṭṭhāne ṭhapesīti.

### Paṭācārātherivattu

**238.** Catutthe **vinayadharānaṃ yadidaṃ paṭācārāti** paṭācārā therī vinayadharānaṃ aggāti dasseti. Sā kira padumuttarabuddhakāle haṃsavatiyaṃ kulagehe paṭisandhiṃ gaṇhitvā aparabhāge satthu dhammadesanaṃ suṇantī satthāraṃ ekaṃ bhikkhuniṃ vinayadharānaṃ aggaṭṭhāne ṭhapentaṃ disvā adhikāraṃmaṃ katvā taṃ ṭhānantaraṃ patthesi. Sā yāvajīvaṃ kusalaṃ katvā devamanussesu saṃsaritvā kassapabuddhakāle kikissa kāsiraṇṇo gehe paṭisandhiṃ gaṇhitvā sattannaṃ bhaginīnaṃ abbhantarā hutvā vīsati vassasahassāni brahmacariyaṃ caritvā bhikkhusaṅghassa pariveṇaṃ katvā puna devaloke nibbattitvā ekaṃ buddhantaraṃ sampattiṃ anubhavitvā imasmim buddhuppāde sāvattiyāṃ seṭṭhigehe paṭisandhiṃ gaṇhi.

Sā aparabhāge vayappattā attano gehe ekena kammaṃkārena saddhiṃ santhavaṃ katvā aparabhāge attano samānajātikaṃ kulaṃ gacchantī katasanthavassa purisassa saṅghaṃ adāsi – “na tvāṃ sve paṭṭhāya maṃ paṭihārasatenapi daṭṭhuṃ labhissasi, sace te kammaṃ atthi, idāni maṃ gaṇhitvā gacchāhi”ti. So “evaṃ hotū”ti anucchavikaṃ hatthasāraṃ gaṇhetvā taṃ ādāya nagarato tīṇi cattāri yojanāni paṭikkamitvā ekasmim gāmake vāsaṃ kappesi.

Atha aparabhāge tassā kucchiyaṃ gabbho patiṭṭhāsi. Sā gabbhe paripakke “idaṃ amhākaṃ anāthaṭṭhānaṃ, kulagehaṃ gacchāma sāmī”ti āha. So “ajja gacchāma, sve gacchāmā”ti gantuṃ asakkonto kālaṃ vītināmesi. Sā tassa kāraṇaṃ ṇatvā “nāyaṃ bālo maṃ nessatī”ti tasmim bahi gate “ekikāva kulagehaṃ gamissāmi”ti maggaṃ paṭipajji. So āgantvā taṃ gehe apassanto paṭivissake pucchitvā “kulagehaṃ gatā”ti sutvā “maṃ nissāya kuladhītā anāthā jātā”ti padānupadikaṃ gantvā sampāpuṇi. Tassā antarāmaggeva gabbhavuṭṭhānaṃ ahoṣi. Tato “yassatthāya mayaṃ gaccheyyāma, so attho antarāmaggeva nipphanno, idāni gantvā kiṃ karissāmā”ti paṭinivattiṃsu. Puna tassā kucchiyaṃ gabbho patiṭṭhāsīti purimanayeneva vitthāretabbaṃ.

Antarāmagge panassā gabbhavuṭṭhāne jātamatteyeva catūsū disāsū mahāmegho uṭṭhahi. Sā taṃ purisaṃ āha – “sāmi, avelāya catūsū disāsū meghe uṭṭhito, attano vasaṇṇatthānaṃ kātuṃ vāyamāhi”ti. So “evaṃ karissāmi”ti daṇḍakehi kuṭikaṃ katvā “chadanatthāya tiṇaṃ āharissāmi”ti ekasmim mahāvammikapāde tiṇaṃ chindati. Atha naṃ vammike nippano kaṇhasappo pāde ḍaṃsi, so tasmimyeva ṭhāne patito. Sāpi “idāni āgamissati, idāni āgamissati”ti sabbarattiṃ khepetvā “addhā maṃ so ‘anāthā esā’ti magge chaḍḍetvā gato bhavissati”ti āloke saṅghāte padānusārena oloketī vammikapāde patitaṃ disvā “maṃ nissāya nattho puriso”ti paridevitvā daharadāraṃmaṃ passenādāya mahallakaṃ āṅgulīhi gāḥpetvā maggena gacchantī antarāmagge ekaṃ uttānanaḍḍiṃ disvā “dvepi dāraṃ ekappahāreṇeva

ādāya gantum na sakkhissāmī”’ti jetṭhakaṃ orimatīre ṭhapetvā daharaṃ paratīraṃ netvā pilotikacumbaṭake nipajjāpetvā puna nivattitvā “ītaraṃ gahetvā gamissāmī”’ti nadim̐ otari.

Athassā nadīmajjhaṃ pattakāle eko seno “maṃsapiṇḍo aya”’nti saññāya dāraṃ vijjhitaṃ āgacchati. Sā hatthaṃ pasāretvā senaṃ palāpesi. Tassā taṃ hatthavikāraṃ disvā mahallakadārako “maṃ pakkosati”’ti saññāya nadim̐ otaritvā sote patito yathāsotaṃ agamāsi. Sopi seno tassā asampattāya eva taṃ daharadāraṃ gaṇhitvā agamāsi. Sā balavasokābhībhūtā antarāmagge imaṃ vilāpagītaṃ gāyantī gacchati –

“Ubho puttā kālāṅkatā, panthe mayhaṃ patī mato”’ti.

Sā evaṃ vilāpamānāva sāvattim̐ patvā kulasabhāgaṃ gantvāpi sokavaseneva attano gehaṃ vavattṭhapetum̐ asakkontī “imasmim̐ ṭhāne evaṃvidhaṃ nāma kulaṃ atthi, kataraṃ taṃ geha”’nti paṭipucchi. Tvaṃ taṃ kulaṃ paṭipucchitvā kiṃ karissasi? Tesāṃ vasaṇagehaṃ vātappahārena patitaṃ, tattheva te sabbe pi jīvitakkhayaṃ pattā, atha ne khuddakamahallake ekacitakasmim̐yeva jhāpenti, passa esā dhūmavaṭṭi paññāyatīti. Sā taṃ kathaṃ sutvāva kiṃ tumhe vadathā”’ti attano nivattasāṭakaṃ sandhāretum̐ asakkontī jātaniyāmeneva bhāḥā paggayha kandaṃānā ñātīnaṃ citakaṭṭhānaṃ gantvā taṃ vilāpagītaṃ paripuṇṇaṃ katvā paridevamānā –

“Ubho puttā kālāṅkatā, panthe mayhaṃ patī mato;  
Mātā pitā ca bhātā ca, ekacitakasmim̐ ḍayhare”’ti. –

Āha. Aññena janena sāṭakaṃ dinnampi phāletvā phāletvā chaḍḍeti. Atha naṃ ditṭhaditṭhaṭṭhāne mahājano parivāretvā carati. Athassā “ayaṃ paṭācāraṃ paṭapariharaṇaṃ vinā carati”’ti **paṭācārā**teva nāmaṃ akaṃsu. Yasmā cassā so naggabhāvena alajjīcāro pākaṭo ahoṣi, tasmā patito ācāro assāti paṭācārāteva nāmaṃ akaṃsu.

Sā ekadivasāṃ sathhari mahājanassa dhammaṃ desente vihāraṃ pavisitvā parisapariyante aṭṭhāsi. Sathhā mettāpharaṇena pharitvā “satiṃ paṭilabha, bhagini, satiṃ paṭilabha, bhagini”’ti āha. Tassā saththu vacanaṃ sutvā balavahirottappaṃ āgataṃ, sā tattheva bhūmiyaṃ nisīdi. Avidūre ṭhito puriso uttarisāṭakaṃ khipitvā adāsi. Sā taṃ nivāsetvā dhammaṃ assosi. Sathhā tassā cariyavasena imā dhammapade gāthā āha –

“Na santi puttā tāṇāya, na pitā nāpi bandhavā;  
Antakenādhīpannaṃ, natthi ñātīsu tāṇatā.

“Etamatthavasāṃ ñatvā, paṇḍito sīlasaṃvuto;  
Nibbānagamaṇaṃ maggaṃ, khippameva visodhaye”’ti. (dha. pa. 288-289);

Sā gāthāpariyosāne yathāṭṭhitāva sotāpattiphale patitṭhāya sathhāraṃ upasaṅkamitvā vanditvā pabbajjaṃ yāci. Sathhā “tassā bhikkhuniupassayaṃ gantvā pabbajā”’ti pabbajjaṃ sampañcchi. Sā pabbajitvā nacirasseva arahattaṃ patvā buddhavacanaṃ gaṇhantī vinayapīṭake ciṇṇavasī ahoṣi. Aparabhāge sathhā jetavane nisīno bhikkhuniyo paṭipāṭiyā ṭhānantare ṭhapento paṭācāraṃ vinayadharānaṃ aggaṭṭhāne ṭhapesīti.

### Dhammadinnātherīvattu

**239.** Pañcame **dhammakathikā**nanti dhammakathikānaṃ bhikkhunīnaṃ dhammadinnā aggāti dasseti. Sā kira padumuttarabuddhakāle haṃsavatiyaṃ parāyattaṭṭhāne nibbattitvā padumuttarassa bhagavato aggasāvakassa sujātattherassa adhikāraṃkatvā taṃ ṭhānantaraṃ patthesi. Sā yāvajīvaṃ kusalaṃ katvā sagge nibbatti. Sabbaṃ heṭṭhā khemātheriyā abhinīhāraseneva veditabbaṃ.

Phussabuddhakāle panesā satthu vemātikānaṃ tiṇṇaṃ bhātikānaṃ dānādhikāre ṭhapitakammikassa gehe vasamānā “ekaṃ dehi”ti vuttā dve adāsī. Evaṃ sabbaṃ aparihāpentī datvā dvenavutikappe atikkamma kassapabuddhakāle kikissa kāsirañño gehe paṭisandhiṃ gaṇhitvā sattannaṃ bhaginīnaṃ abhantarā hutvā vīsati vassasahassāni brahmacariyaṃ caritvā bhikkhusaṅghassa vasanapariveṇaṃ kāretvā ekaṃ buddhantaraṃ devamanussesu saṃsarantī imasmim̃ buddhuppāde kulagehe paṭisandhiṃ gaṇhitvā aparabhāge visākhasett̃hino gehaṃ gatā. Visākhasett̃hi nāma bimbisārassa sahāyako rañña saddhiṃ dasabalassa paṭhamadassanaṃ gantvā dhammaṃ sutvā sotāpattiphale patiṭṭhito, aparabhāge anāgāmiphalaṃ sacchākāsi.

So taṃdivasaṃ gharaṃ gantvā sopānamatthake ṭhitāya dhammadinnāya hatthe pasārite hatthaṃ anālambitvāva pāsādaṃ abhiruhi. Bhuñjamānopi “imaṃ detha, imaṃ harathā”ti na byāhari. Dhammadinnā kaṭacchum̃ gahetvā parivisaṃmānā cintesi – “ayaṃ me hatthālambakaṃ dentiyaṃpi hatthaṃ na ālambi, bhuñjamānopi kiñci na katheti, ko nu kho mayhaṃ doso”ti? Atha naṃ bhuttāvim̃ “ko nu kho me, ayya, doso”ti pucchi. Dhammadinne tuyhaṃ doso natthi, ahaṃ pana ajja paṭṭhāya santhavavasena tumhākaṃ santike nisīditum̃ vā ṭhātum̃ vā āharāpetvā khādītum̃ vā bhuñjītum̃ vā abhabbo. Tvaṃ sace icchasi, imasmim̃ gehe vasa. No ce icchasi, yattakena te dhanena attho, taṃ gaṇhitvā kulagharaṃ gacchāhīti. Ayyaputta, evaṃ sante ahaṃ tumhehi chaḍḍitakheḷaṃ vavitavamaṇaṃ sīsena ukkhipitvā na carissāmi, mayhaṃ pabbajjaṃ anujānāthāti. Visākho “sādhu, dhammadinne”ti rañño ārocetvā dhammadinnaṃ suvaṇṇasavikāya bhikkhuniupassayaṃ pabbajjathāya pesesi.

Sā pabbajitvā cintesi – “ayaṃ tāva sett̃hi gharamajjhe ṭhitova dukkhassantaṃ akāsi, pabbajjaṃ laddhakālato paṭṭhāya pana mayāpi dukkhassantaṃ kātum̃ vaṭṭati”ti ācariyupajjhāyānaṃ santikaṃ gantvā, “ayye, mayhaṃ ākiṇṇaṭṭhāne cittaṃ na ramati, gāmakāvāsaṃ gacchāmi”ti āha. Theriyo tassā mahākulā nikkhama pabbajitabhāvena cittaṃ vāretum̃ asakkontiyo taṃ gahetvā gāmakāvāsaṃ agamaṃsu. Sā atīte madditasāṅkhārātāya nacirasseva saha paṭisambhidāhi arahattaṃ pāpuṇi. Athassā etadahosi – “mayhaṃ kiccaṃ matthakaṃ pattaṃ, idha vasitvā kiṃ karissāmi, rājagahameva gacchāmi, tatra maṃ nissāya bahu nātisaṅgho puññāni karissati”ti theriyo gahetvā nagarameva paccāgatā.

Visākho tassā āgatabhāvaṃ ñatvā “sīghaṃ āgatā ukkaṇṭhitā nu kho bhavissati”ti sāyanhasamaye tassā santikaṃ gantvā abhivādetvā ekamantaṃ nisinna “ukkaṇṭhitabhāvaṃ pucchitum̃ ayutta”nti pañcakkhandhādivasena pañhe pucchi, dhammadinnā khaggena uppalanālaṃ chindantī viya pucchitaṃ pucchitaṃ vissajjesi. Upāsako dhammadinnātheriyā ñāṇassa sūrabhāvaṃ ñatvā attano adhigataṭṭhāne paṭipāṭiyā tīsu maggesu sabbākārena pañhe pucchitvā uggahavasena arahattamaggepi pucchi. Dhammadinnātheripi upāsakassa yāva anāgāmiphālāva visayabhāvaṃ ñatvā “idāni attano visayaṃ atikkamitvā dhāvati”ti taṃ nivattentī “accasārā, āvuso visākha, pañhe, nāsakki pañhānaṃ pariyaṇtaṃ gahetum̃, nibbānogadhañhi, āvuso visākha, brahmacariyaṃ nibbānaparāyaṇaṃ nibbānapariyosānaṃ. Ākaṅkhamāno ca tvaṃ, āvuso visākha, bhagavantaṃ upasaṅkamitvā etamatthaṃ puccheyyāsi. Yathā ca te bhagavā byākaroti, tathā naṃ dhāreyyāsi”ti (ma. ni. 1.466) āha.

Visākho satthu santikaṃ gantvā sabbaṃ pucchāvissajjananayaṃ kathesi. Satthā tassa vacanaṃ sutvā “mama dhītāya atītānāgatapaccuppannesu khandhesu taṇhā natthi”ti vatvā dhammapade imaṃ gāthamāha –

“Yassa pure ca pacchā ca, majjhe ca natthi kiñcanaṃ;  
Akiñcanaṃ anādānaṃ, tamahaṃ brūmi brāhmaṇa”nti. (dha. pa. 421);

Tato dhammadinnāya sādhukāraṃ datvā visākhaṃ upāsakaṃ etadavoca – “paṇḍitā, visākha, dhammadinnā bhikkhunī, mahāpañña visākha, dhammadinnā bhikkhunī. Maṃ cepi tvaṃ, visākha, etamatthaṃ puccheyyāsi, ahampi taṃ evameva byākareyyaṃ, yathā taṃ dhammadinnāya bhikkhuniyā byākatā, eso cevetassa attho, evaṇca naṃ dhārehi”ti. Evametaṃ vatthu samuṭṭhitaṃ. Aparabhāge satthā jetavane nisinna paṭipāṭiyā bhikkhuniyo ṭhānantare ṭhapento idameva cūḷavedallaṃ aṭṭhuppattim̃



katvā therim imasmim sāsane dhammakathikānaṃ aggaṭṭhāne ṭhapesīti.

### Nandātherivattu

**240.** Chatṭhe **jhāyīnaṃ yadidaṃ nandāti** jhānābhiratānaṃ, nandā therī, aggāti dasseti. Sā kira padumuttarabuddhakāle haṃsavatiyaṃ kulagehe paṭisandhiṃ gahetvā aparabhāge satthu dhammaṃ suṇantī satthāraṃ ekaṃ bhikkhuniṃ jhānābhiratānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. Sā tato kappasatasahassaṃ devamanussesu saṃsaritvā amhākaṃ satthu nibbattito puretameva mahāpajāpatigotamiyā kucchimhi paṭisandhiṃ gaṇhi, nandātissā nāmaṃ akaṃsu. Rūpanandātipi vuccati. Sā aparabhāge uttamarūpabhāvena janapadakalyāṇī nāma jātā.

Sā amhākaṃ dasabale sabbaññutaṃ patvā anupubbena kapilavatthum āgantvā nandañca rāhulañca pabbājetvā pakkante suddhodanamahārājassa parinibbutakāle “mahāpajāpatigotamī ca rāhulamātā ca nikkhamitvā satthu santike pabbajitā”ti ñatvā “imāsaṃ pabbajitakālato paṭṭhāya mayhaṃ idha kiṃ kamma”nti mahāpajāpatiyā santikaṃ gantvā pabbaji. Pabbajitadivasato paṭṭhāya “satthā rūpaṃ garahatī”ti satthu upaṭṭhānaṃ na gacchati, ovādavāre sampatte aññaṃ pesetvā ovādaṃ āharāpeti. Satthā tassā rūpamadamattabhāvaṃ ñatvā “attano ovādaṃ attanāva āgantvā gaṇhantu, na bhikkhunihi añña pesetabbā”ti āha. Tato rūpanandā aññaṃ maggaṃ apassantī akāmā ovādaṃ agamāsī.

Satthā tassā caritavasena iddhiyā ekaṃ itthirūpaṃ nimminivā tālavaṇṭaṃ gahetvā bījamānaṃ viya akāsī. Rūpanandā taṃ disvā cintesi – “ahaṃ akāraṇeva pamattā hutvā nāgacchāmi, evarūpāpi itthiyo satthu santike vissatthā caranti. Mama rūpaṃ etāsaṃ rūpassa kalam nāgghati soḷasiṃ, aṇānitvāva ettakaṃ kalam na āgatamhī”ti tameva itthinimittaṃ gaṇhitvā oloketī aṭṭhāsī. Satthā tassā pubbahetusampannatāya “aṭṭhīnaṃ nagaraṃ kata”nti (dha. pa. 150) dhammapade gāthaṃ vatvā –

“Caram vā yadi vā tiṭṭhaṃ, nisinno uda vā saya”nti. (su. ni. 195) –

Suttaṃ abhāsī. Sā tasmimyeva rūpe khayavayaṃ paṭṭhapetvā arahattaṃ pāpuṇi. Imasmim ṭhāne idaṃ vatthu heṭṭhā khemātheriyā vatthunā sadisamevāti na vitthāritaṃ. Tato paṭṭhāya, rūpanandā, jhānābhiratānaṃ antare dhurappattā ahoṣi. Satthā aparabhāge jetavane nisinno paṭipāṭiyā bhikkhuniyo ṭhānantare ṭhapento nandātherim jhāyīnaṃ aggaṭṭhāne ṭhapesīti.

### Soṇātherivattu

**241.** Sattame **āraddhavīriyānanti** paggahitaparipuṇṇavīriyānaṃ soṇā aggāti dasseti. Ayaṃ kira padumuttarabuddhakāle haṃsavatīnagare kulagehe paṭisandhiṃ gahetvā aparabhāge dhammaṃ suṇantī satthāraṃ ekaṃ bhikkhuniṃ āraddhavīriyānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. Sā kappasatasahassaṃ devamanussesu saṃsaritvā imasmim buddhuppāde sāvatthiyaṃ kulagehe paṭisandhiṃ gahetvā aparabhāge gharāvāse vutthā bahū puttadhītarō labhitvā sabbepi visuṃ visuṃ gharāvāse patiṭṭhāpesi. Te tato paṭṭhāya “ayaṃ amhākaṃ kiṃ karissatī”ti taṃ attano santikaṃ āgataṃ “mātā”ti saññaṃpi na karimṣu. Bahuputtikasoṇā tesam attani agāravabhāvaṃ ñatvā “gharāvāse na kiṃ karissāmī”ti nikkhamitvā pabbaji. Atha naṃ bhikkhuniyo “ayaṃ vattaṃ na jānāti, ayuttaṃ karotī”ti daṇḍakammaṃ karonti. Puttadhītarō taṃ daṇḍakammaṃ āharantiṃ disvā “ayaṃ yāvajjadivasā sikkhāmattampi na jānāti”ti diṭṭhaditṭhāṭṭhāne uppaṇḍesuṃ. Sā tesam vacanaṃ sutvā uppannasamvegā “attano gatavisodhanaṃ kātuṃ vaṭṭatī”ti nisinnaṭṭhānēpi ṭhitaṭṭhānēpi dvattiṃsākāraṃ sajjhāyati. Sā yatheva pubbe bahuputtikasoṇattherīti paññāyittha, evaṃ pacchā āraddhavīriyasoṇattherīti pākaṭā jātā.

Athekadivasam bhikkhuniyo vihāraṃ gacchantiyo “bhikkhunisaṅghassa udakaṃ tāpeyyāsī, soṇe”ti vatvā agamaṃsu. Sāpi udakatāpanato puretameva aggisālāya caṅkamtivā caṅkamtivā dvattiṃsākāraṃ sajjhāyantī vipassanaṃ vaḍḍhesi. Satthā gandhakuṭiyaṃ nisinnova imaṃ obhāsagāthaṃ

abhāsi –

“Yo ca vassasataṃ jīve, apassaṃ dhammamuttamaṃ;  
Ekāhaṃ jīvitaṃ seyyo, passato dhammamuttama”nti. (dha. pa. 115);

Sā gāthāpariyosāne arahattaṃ patvā cintesi – “ahaṃ arahattaṃ pattā, āgantukajano ca anupadhāretvāva mayi avaññāya kiñci vatvā bahuṃ apuññampi pasaveyya, tasmā saṃlakkaṇakāraṇaṃ kātuṃ vaṭṭati”ti. Sā udakabhājanaṃ uddhanaṃ āropetvā heṭṭhā aggim na akāsi. Bhikkhuniyo āgantvā uddhanaṃ oloketiyo aggim adisvā “imaṃ mahallikaṃ ‘bhikkhunisaṅghassa udakaṃ tāpehi’ti avocumha, ajjāpi uddhane aggimpi na karoti”ti āhaṃsu. Ayye, kiṃ tumhākaṃ agginā, uṇhodakena nhāyitukāmā bhājanato udakaṃ gahetvā nhāyathāti? Tāpi “bhavissati ettha kāraṇa”nti gantvā udake hatthaṃ oṭāretvā uṇhabhāvaṃ ñatvā ekakuṭaṃ āharitvā udakaṃ gaṇhanti, gahitagahitaṭṭhānaṃ paripūrati. Tadā sabbāva tassā arahatte ṭhitabhāvaṃ ñatvā daharatarā tāva pañcapatiṭṭhitena pādesu patitvā “mayam, ayye, ettakaṃ kālaṃ tumhe anupadhāretvā viheṭhetvā viheṭhetvā kathayimha, khamatha no”ti khamāpesuṃ. Vuddhatarāpi ukkuṭikaṃ nisīditvā “khama, ayye”ti khamāpesuṃ. Tato paṭṭhāya “mahallakakāle pabbajitvāpi āraddhavīriyabhāvena nacirasseva aggaphale patiṭṭhitā”ti theriyā guṇo pākaṭo ahoṣi. Aparabhāge satthā jetavane nisīditvā bhikkhuniyo paṭipāṭiyā ṭhānantare ṭhapento soṇattheriṃ āraddhavīriyaṇaṃ aggaṭṭhāne ṭhapesīti.

### Bakulātherīvatthu

**242.** Aṭṭhame **dibbacakkhukānaṃ yadidaṃ bakulā**ti dibbacakkhukānaṃ, bakulā therī, aggāti dasseti. Ayaṃ kira padumuttarabuddhakāle haṃsavatiyaṃ kulagehe nibbattitvā satthu dhammakathaṃ suṇantī satthāraṃ ekaṃ bhikkhuniṃ dibbacakkhukānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. Sā kappasatasahassaṃ devesu ca manussesu ca saṃsaritvā imasmiṃ buddhuppāde sāvattiyaṃ kulagehe nibbattitvā aparabhāge satthu dhammadesanaṃ sutvā paṭiladdhasaddhā pabbajitvā nacirasseva arahattaṃ pāpuṇi. Sā tato paṭṭhāya dibbacakkhumhi ciṇṇavasī ahoṣi. Aparabhāge satthā jetavane nisīno bhikkhuniyo paṭipāṭiyā ṭhānantare ṭhapento imaṃ theriṃ dibbacakkhukānaṃ aggaṭṭhāne ṭhapesīti.

### Kuṇḍalakesātherīvatthu

**243.** Navame **khippābhiññānanti** khippābhiññānaṃ bhikkhunīnaṃ, bhaddā kuṇḍalakesā, aggāti dasseti. Ayampi hi padumuttarabuddhakāle haṃsavatiyaṃ kulagehe nibbattā satthu dhammakathaṃ sutvā satthāraṃ ekaṃ bhikkhuniṃ khippābhiññānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. Sā kappasatasahassaṃ devamanussesu saṃsaritvā kassapabuddhakāle kikissa kāsirañño gehe sattannaṃ bhaginīnaṃ abbhantarā hutvā vīsati vassasahassāni dasa sīlāni samādāya komārikabrahmacariyaṃ carantī saṅghassa vasanapariveṇaṃ kāretvā ekaṃ buddhantaraṃ devamanussesu saṃsaritvā imasmiṃ buddhuppāde rājaganaganare seṭṭhikule paṭisandhiṃ gaṇhi, bhaddātissā nāmaṃ akaṃsu.

Taṃdivasaṃyeva ca tasmim nagare purohitaputto jāto. Tassa jātavelāya rājanivesanaṃ ādim katvā sakalanagare āvudhāni pajjalimsu. Purohito pātova rājakulaṃ gantvā rājānaṃ sukhasyaṃ pucchi. Rājā “kuto me, ācariya, sukhasya, ajja sabbarattim rājanivesane āvudhāni pajjalitāni disvā bhayappattā ahumhā”ti āha. Mahārāja, tappaccayā mā cintayittha, na tumhākaṃyeva gehe āvudhāni pajjalimsu, sakalanagare evaṃ ahoṣīti. Kiṃ kāraṇā, ācariyāti? Amhākaṃ gehe coranakkhattena dārako jāto, so sakalanagarassa sattu hutvā uppanno, tassetam pubbanimittam. Tumhākaṃ upaddavo natthi, sace pana icchatha, hārema nanti. Amhākaṃ piḷāya asatiyā hāraṇakammaṃ natthīti. Purohito “mama putto attano nāmaṃ gahetvāva āgato”ti sattukotevassa nāmaṃ akāsi. Seṭṭhigehepi bhaddā vaḍḍhati, purohitagehepi sattuko vaḍḍhati. So attano ādhāvanavidhāvanena kiḷitum samatthakālato paṭṭhāya attano vicaraṇaṭṭhāne yaṃ yaṃ passati, taṃ taṃ sabbaṃ āharitvā mātāpitūnaṃ gehaṃ pūreti. Pitā naṃ kāraṇasahassampi

vatvā vāretuṃ nāsakkhi.

Aparabhāge panassa vayappattassa sabbākārenāpi vāretuṃ asakkuṇeyyabhāvaṃ ñatvā dve nīlasāṭake datvā sandhicchedanaupakaraṇaṇca siṅghāṭakayantaṇca hatthe datvā “tvaṃ imināva kammena jīvāhī”ti naṃ vissajjesi. So taṃdivasato paṭṭhāya siṅghāṭakayantaṃ khipitvā kulānaṃ pāsāde āruyha sandhiṃ chinditvā parakulesu nikkhattabhaṇḍaṃ attanā ṭhapitaṃ viya gahetvā gacchati. Sakalanagare tena aviluttagehaṃ nāma nāhosi. Ekadivasam rājā rathena nagare vicaranto sārathim pucchi – “kiṃ nu kho imasmiṃ nagare tasmim tasmim ghare chiddameva paññāyatī”ti. Deva imasmiṃ nagare sattuko nāma coro bhittiṃ chinditvā kulānaṃ santakaṃ haratīti. Rājā nagaraguttikaṃ pakkosāpetvā “imasmiṃ kira nagare evarūpo nāma coro atthi, kasmā naṃ na gaṇhasī”ti āha. Mayaṃ, deva, taṃ coraṃ sahoḍḍhaṃ passituṃ na sakkomāti. Sace aṃja naṃ coraṃ gaṇhasi, jīvasi. Sace na gaṇhasi, rājānaṃ te karissāmīti. Evaṃ devāti nagaraguttiko sakalanagare manusse cāretvā taṃ bhittiṃ chinditvā parabhaṇḍaṃ avaharantaṃ sahoḍḍhameva gahetvā rañño dassesi. Rājā “imaṃ coraṃ dakkhiṇadvārena nīharitvā ghāthēhā”ti āha. Nagaraguttiko rañño paṭissuṇitvā taṃ coraṃ catukke catukke pahārasahassena tālento gāhāpetvā dakkhiṇadvāraṃ gacchati.

Tasmim samaye ayaṃ bhaddā nāma seṭṭhidhītā mahājanassa kolāhalasaddena sīhapañjaraṃ ugghāṭetvā oloketī taṃ sattukaṃ coraṃ tathā nīyamānaṃ disvā ubhohi hatthehi hadayaṃ sandhārentī gantvā sirisayane adhomukhā nipajji. Sā ca tassa kulassa ekadhītā, tenassā ñātakā appamattakampi mukhavikāraṃ sahituṃ na sakkonti. Atha naṃ mātā sayane nipannaṃ disvā “kiṃ karosi, amma”ti pucchi. Etaṃ vajjhaṃ katvā nīyamānaṃ coraṃ addasa, ammaṭi? Āma, ammaṭi. Etaṃ labhamānā jīvissāmi, alabhamānāya me maraṇamevāti. Te taṃ nānappakārenapi saññāpetuṃ asakkontā “maraṇā jīvitaṃ seyyo”ti sallakkhesuṃ. Athassā pitā nagaraguttikassa santikaṃ gantvā sahasaṃ lañjaṃ datvā “mayhaṃ dhītā core paṭibaddhacittā, yena kenaci upāyena imaṃ muñcā”ti āha. So “sādhū”ti seṭṭhissa paṭissuṇitvā coraṃ gahetvā yāva sūriyassa atthaṅgamaṇā ito cito ca papañcāpetvā sūriye atthaṅgate cārakato ekaṃ manussaṃ nīharāpetvā sattukassa bandhanaṃ mocetvā sattukaṃ seṭṭhigeṃ pesetvā tena bandhanena itaraṃ bandhitvā dakkhiṇadvārena nīharitvā ghātesī. Seṭṭhidāsāpi sattukaṃ gahetvā seṭṭhino nivesanaṃ āgamaṃsu. Taṃ disvā seṭṭhi “dhītu manam pūressāmī”ti sattukaṃ gandhodakena nhāpetvā sabbālaṅkārapaṭimaṇḍitaṃ kāretvā pāsādaṃ pesesī. Bhaddāpi “paripuṇṇo me saṅkappo”ti anekālaṅkārena alaṅkaritvā taṃ paricarati.

Sattuko katipāhaṃ vītināmetvā cintesī – “imissā pasādhanabhaṇḍakaṃ mayhaṃ bhavissati, kenaci upāyena imaṃ ābharaṇaṃ gahetuṃ vaṭṭatī”ti samīpe sukkena nisinnakāle bhaddaṃ āha – “mayhaṃ ekaṃ vacanaṃ vattabbaṃ atthī”ti. Seṭṭhidhītā sahasalābhaṃ labhitvā viya tuṭṭhamānasā “vissatthaṃ vadehi, ayyā”ti āha. Tvaṃ cintesī – “maṃ nissāya iminā jīvitaṃ laddha”nti, ahaṃ pana gahitamattova corapapātapabbate adhivatthāya devatāya “sacāhaṃ jīvitaṃ labhissāmi, balikammaṃ te dassāmī”ti āyācim. Taṃ nissāya mayā jīvitaṃ laddhaṃ, sīghaṃ balikammaṃ sajjāpehīti. Bhaddā, “ahaṃ tassa manam pūressāmī”ti balikammaṃ sajjāpetvā sabbaṃ pasādhanam pasādhetvā ekayāne āruyha sāmikena saddhiṃ corapapātapabbataṃ gantvā “pabbatadevatāya balikammaṃ karissāmī”ti abhiruhituṃ āradhā. Sattuko cintesī – “sabbesu abhiruhantesu mama imissā ābharaṇaṃ gahetuṃ na okāso bhavissatī”ti tameva balibhājanaṃ gāhāpetvā pabbataṃ abhiruhi.

So bhaddāya saddhiṃ kathento piyakathaṃ na katheti. Sā iṅgiteneva tassa adhippāyaṃ aññāsī. Atha naṃ so āha – “bhadda, tava uttarisāṭakaṃ omuñcitvā kāyāruḷhaṃ te pasādhanam ettha bhaṇḍikaṃ karohī”ti. Sāmi mayhaṃ ko aparādhoti? Kiṃ panāhaṃ, bāle, balikammaṃtaṃ āgatoti saññaṃ karosi? Ahañhi imissā devatāya yakanam ubbaṭṭhetvā dadeyyaṃ, balikammāpadesena pana tava ābharaṇaṃ gaṇhitukāmo hutvā āgatomhīti. Kassa pana, ayya, pasādhanam, kassa ahanti? Mayaṃ evarūpaṃ na jānāma, aññaṃ tava santakaṃ, aññaṃ mama santakanti. Sādhu, ayya, ekaṃ pana me adhippāyaṃ pūretha, alaṅkataniyāmeneva me purato ca pacchato ca āliṅgituṃ dethāti. So “sādhū”ti sampāṭicchi. Sā tena sampāṭicchitabhāvaṃ ñatvā purato āliṅgitvā pacchato āliṅgantī viya hutvā pabbatapapāte pātesī. So patanto ākāseyeva cuṇṇavicuṇṇo ahosi. Tāya kataṃ vicitrabhāvaṃ disvā pabbate adhivatthā devatā

guṇakittanavasena imā gāthā āha –

“Na so sabbesu ṭhānesu, puriso hoti paṇḍito;  
Itthīpi paṇḍitā hoti, tattha tattha vicakkhaṇā.

“Na so sabbesu ṭhānesu, puriso hoti paṇḍito;  
Itthīpi paṇḍitā hoti, muhuttamapi cintaye”ti. (apa. therī 2.3.31-32);

Tato bhaddā cintesi – “na sakkā mayā iminā niyāmena puna gehaṃ gantum, itova gantvā ekaṃ pabbajjaṃ pabbajissāmi”ti, nigaṇṭhārāmaṃ gantvā nigaṇṭhe pabbajjaṃ yāci. Atha naṃ te āhaṃsu – “kena niyāmena pabbajjā hotu”ti? Yaṃ tumhākaṃ pabbajjāya uttamaṃ, tadeva karoṭhāti. Te “sādhū”ti tassā tālaṭṭhinā kese luñcitvā pabbājesuṃ. Kesā puna vaḍḍhantā rāsirāsivasena kuṇḍalāvattā hutvā vaḍḍhiṃsu. Sā teneva kāraṇena kuṇḍalakesā nāma jāta. Sā attano pabbajitaṭṭhāne sabbasippaṃ uggaṇhitvā “etesaṃ ito uttari viseso natthi”ti ñatvā gāmanigamarājadhāniyo vicarantī yattha yattha paṇḍitā atthi, tattha tattha gantvā tesam jānanasippaṃ sabbameva uggaṇhāti. Athassā bahūsu ṭhānesu sikkhitabhāvena paṭivādaṃ dātuṃ samatthā na honti. Sā attanā saddhiṃ kathetuṃ samatthaṃ adisvā yaṃ gāmaṃ vā nigamaṃ vā pavisati, tassa dvāre vālukarāsīṃ katvā tattha jambusākhaṃ ṭhapeti. “Yo mama vādaṃ āropetuṃ sakkoti, so imaṃ sākhaṃ maddatū”ti samīpe ṭhitānaṃ dāraḱānaṃ saññaṃ deti. Taṃ sattāhampi maddantā na honti. Atha naṃ gahetvā pakkamati.

Tasmiṃ samaye amhākaṃ bhagavā loke nibbattitvā sāvatthiṃ upanissāya jetavane viharati. Kuṇḍalakesāpi kho anupubbena sāvatthiṃ patvā antonagaraṃ pavisamānā porāṇakanīyāmeneva vālukarāsīṃhi sākhaṃ ṭhapetvā dāraḱānaṃ saññaṃ datvā pāvīsi. Tasmiṃ samaye dhammasenāpati bhikkhusaṅge pavīṭṭhe ekakova nagaraṃ pavisanto vālukāthūpe jambusākhaṃ disvā “kasmā ayaṃ ṭhapitā”ti pucchi. Dāraḱā taṃ kāraṇaṃ aparihāpetvā kathesuṃ. Evaṃ sante imaṃ gahetvā maddatha, dāraḱāti. Tesu therassa vacanaṃ sutvā ekacce maddituṃ na visahiṃsu, ekacce taṃkhaṇeyeva madditvā cuṇṇavicuṇṇaṃ akaṃsu. Kuṇḍalakesā bhattakiccaṃ katvā nikkhamantī taṃ sākhaṃ madditaṃ disvā “kassetam kamma”nti pucchi. Athassā dhammasenāpatinā kāraṇapitabhāvaṃ kathayīṃsu. Sā “attanō thāmaṃ aṅānanto imaṃ sākhaṃ maddāpetuṃ no visahissati, addhā mahanto eso bhavissati. Ahampi pana khuddikā bhavanti na sobhissāmi, antogāmaṃeva pavisitvā parisāya saññaṃ dātuṃ vaṭṭati”ti cintetvā tathā akāsi. Asītikulasahassanivāse nagare sabhāgasabhāgavasena sabbeva sañjāniṃsūti veditabbaṃ.

Theropi bhattakiccaṃ katvā aññatarasmiṃ rukkhamūle nisīdi. Athāyaṃ kuṇḍalakesā mahājanaparivutā therassa santikaṃ gantvā paṭisanthāraṃ katvā ekamantaṃ ṭhatvā, “bhante, tumhehi sākhaṃ maddāpitā”ti pucchi. Āma, mayā maddāpitāti. Evaṃ sante tumhehi saddhiṃ amhākaṃ vādo hotu, bhanteti. Hotu, bhaddeti. Kassa pucchā hotu, kassa vissajjananti? Pucchā nāma amhākaṃ pattā, tvaṃ pana tuyhaṃ jānanaṃ pucchāti. Sā therena dinnaanumatīyā sabbameva attano jānanaṃ vādaṃ pucchi, thero sabbam vissajjesi. Sā sabbam pucchitvā tuṇhī ahoṣi. Atha naṃ thero āha – “tayā bahuṃ pucchitaṃ, mayampi ekaṃ pañhaṃ pucchāmā”ti. Pucchatha, bhanteti. Ekaṃ nāma kinti? Kuṇḍalakesā “na jānāmi, bhante”ti āha. Tvaṃ ettakampi na jānāsi, aññaṃ kiṃ jānissasīti? Sā therassa pādesu patitvā “tumhākaṃ saraṇaṃ gacchāmi, bhante”ti āha. Mama saraṇagamanakammaṃ natthi, sadevake loke aggapuggalo dhuravihāre vasati, taṃ saraṇaṃ gacchāhīti. Sā “evaṃ karissāmi, bhante”ti sāyanhasamaye satthu dhammadesanāvelāya satthu santikaṃ gantvā pañcapaṭiṭṭhitena vanditvā ekamantaṃ aṭṭhāsi. Satthā tassā madditasāṅkhārāya cariyāvasena dhammapade imaṃ gāthamāha –

“Sahassamapi ce gāthā, anatthapadasaṃhitā;  
Ekaṃ gāthāpadaṃ seyyo, yaṃ sutvā upasammatī”ti. (dha. pa. 101);

Sā gāthāpariyosāne yathāṭṭhitāva saha paṭisambhidāhi arahattaṃ patvā pabbajjaṃ yāci. Satthā tassā pabbajjaṃ sampaṭicchi. Sā bhikkhunupassayaṃ gantvā pabbaji. Aparabhāge catuparisamajjhe kathā

udapādi – “mahantā vatāyaṃ bhaddā kuṇḍalakesā, yā catuppadikagāthāvasāne arahattaṃ pattā”ti. Sattā taṃ kāraṇaṃ aṭṭhuppattim katvā therim khippābhiññānaṃ aggaṭṭhāne ṭhapesīti.

### Bhaddākāpilānītherivatthu

**244.** Dasame **pubbenivāsanti** pubbe nivutthakkhandhasantānaṃ anussarantīnaṃ bhaddā kāpilānī aggāti dasseti. Sā kira padumuttarabuddhakāle haṃsavatiyaṃ kulagehe nibbattivā satthu dhammadesanaṃ suṇantī sathhāraṃ ekaṃ bhikkhuniṃ pubbenivāsaṃ anussarantīnaṃ aggaṭṭhāne ṭhapaṇtaṃ disvā adhikāraṃ katvā taṃ ṭhānantaraṃ patthesi. Sā kappasatasahassaṃ devamanussesu saṃsaritvā anuppanne buddhe bārāṇasiyaṃ kulagehe paṭisandhiṃ gaṇhitvā attano sāmibhaginiyā saddhiṃ kalahaṃ karontī tāya paccekabuddhassa piṇḍapāte dinne, “ayaṃ imassa piṇḍapātaṃ datvā attano vasaṃ vatteti”ti paccekabuddhassa hatthato pattaṃ gaṇhitvā bhattaṃ chaḍḍetvā kalalassa pūretvā adāsi. Mahājano “bālā aya”nti garahitvā, “yāya te saddhiṃ kalaho kato, tassā kiñci na karosi, paccekabuddho te kiṃ aparajjhatī”ti āha. Sā tesam vacanena lajjāyamaṇā puna pattaṃ gahetvā kalalaṃ hāretvā dhovivā gandhacūṇṇena ubbaṭṭetvā catumadhurassa pūretvā upari āsittena padumagabbhavaṇṇena sappinā vijjotamaṇaṃ paccekabuddhassa hatthe ṭhapaṇetvā “yathā ayaṃ piṇḍapāto obhāsajāto, evaṃ obhāsajātaṃ me sarīraṃ hotū”ti patthanaṃ paṭṭhapesīti sabbaṃ mahākassapattherassa vatthumhi vuttanayeneva veditabbaṃ.

Mahākassapatthero pana dakkhiṇamaggaṃ gahetvā dasabalassa santikaṃ bahuputtakanigrodhamūlaṃ gato, ayaṃ bhaddā kāpilānī vāmaṃ gaṇhitvā mātugāmassa pabbajjāya ananuññātabhāvena paribbājikāraṃ agamāsi. Yadā pana mahāpajāpatigotamī pabbajjaṇca upasampadaṇca labhi, tadā sā therī theriyā santike pabbajjaṇca upasampadaṇca labhitvā aparabhāge vipassanāya kammaṃ karontī arahattaṃ patvā pubbenivāsaṇaṃ ciṇṇavasī ahosi. Atha sattā jetavane nisīditvā bhikkhuniyo paṭipāṭiyā ṭhānantaresu ṭhapaṇto imaṃ therim pubbenivāsaṃ anussarantīnaṃ aggaṭṭhāne ṭhapesīti.

### Bhaddākaccānātherivatthu

**245.** Ekādasame **mahābhiññāppattānanti** mahatiyo abhiññāyo pattānaṃ, bhaddā kaccānā, nāma aggāti dasseti. Ekassa hi buddhassa cattārova janā mahābhiññā honti, na avasesasāvaka. Avasesasāvaka hi kappasatasahassameva anussarituṃ sakkonti, na tato paraṃ. Mahābhiññāppattā pana kappasatasahassādhikaṃ asaṅkhyeyaṃ anussaranti. Amhākampi satthu sāsane dve aggasāvaka bākulathero bhaddā kaccānāti ime cattāro ettakaṃ anussarituṃ sakkhiṃsu. Tasmā ayaṃ therī mahābhiññāppattānaṃ aggā nāma jātā. Bhaddā kaccānāti tassā nāmaṃ. Bhaddakañcanaṃ hi uttamasuvaṇṇassa viya tassā sarīraṇaṃ ahosi, sā tasmā bhaddakañcanāti nāmaṃ labhi, sā pacchā kaccānātveva saṅkhaṃ gatā. Rāhulamātāyetaṃ adhivacanaṃ.

Sā hi padumuttarabuddhakāle haṃsavatiyaṃ kulagehe paṭisandhiṃ gahetvā aparabhāge satthu dhammakathaṃ suṇantī sathhāraṃ ekaṃ bhikkhuniṃ mahābhiññāppattānaṃ aggaṭṭhāne ṭhapaṇtaṃ disvā adhikāraṃ katvā taṃ ṭhānantaraṃ patthesi. Sā kappasatasahassaṃ devamanussesu saṃsaritvā imasmiṃ buddhuppāde suppubuddhasakkassa gehe paṭisandhiṃ gaṇhi, bhaddā kaccānātissā nāmaṃ akaṃsu.

Sā vayappattā bodhisattassa gehaṃ agamāsi. Sā aparabhāge rāhulakumāraṃ nāma puttaṃ vijāyi. Tassa jātadivaseva bodhisatto nikkhamitvā bodhimaṇḍe sabbaññutaṃ patvā lokānuggahaṃ karonto anupubbena kapilavatthuṃ āgamma ñātīnaṃ saṅghaṃ akāsi. Aparabhāge parinibbute suddhodanamahārāje mahāpajāpatigotamī pañcahi mātugāmasatehi saddhiṃ satthu santike pabbaji. Rāhulamātāpi janapadakalyāṇīpi theriyā santikaṃ gantvā pabbaji. Sā pabbajitakālato paṭṭhāya bhaddakaccānattherīveva pākaṭā ahosi. Sā aparabhāge vipassanaṃ vaḍḍhetvā arahattaṃ patvā abhiññāsu ciṇṇavasī ahosi, ekapallaṅkena nisinnā ekāvajjanena kappasatasahassādhikaṃ asaṅkhyeyaṃ

anussarati. Tassā tasmim guṇe pākaṭe jāte satthā jetavane nisinno bhikkhuniyo paṭipāṭiyā ṭhānantare ṭhapento imaṃ therim mahābhīṇṇāppattānaṃ aggaṭṭhāne ṭhapesīti.

### Kisāgotamītherivatthu

**246.** Dvādasame **lūkhacīvaradharānanti** tīhi lūkhehi samannāgataṃ paṃsukūlaṃ dhārentīnaṃ, kisāgotamī, aggāti dasseti. Gotamīti tassā nāmaṃ, thokaṃ kisadhātukattā pana **kisāgotamī**ti vuccati. Ayampi padumuttarabuddhakāle haṃsavatiyaṃ kulagehe nibbattitvā satthu dhammadesanaṃ suṇantī satthāraṃ ekaṃ bhikkhuniṃ lūkhacīvaradharānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. Sā kappasatasahassaṃ devamanussesu saṃsaritvā imasmiṃ buddhuppāde sāvattiyā duggatakule nibbattitvā vayappattakāle ekaṃ kulaṃ agamāsi. Tattha naṃ “duggatakulassa dhīṭā”ti paribhaviṃsu.

Sā aparabhāge puttaṃ vijāyi, athassā sammānamakāṃsu. So panassā dārako ādhāvitvā paridhāvitvā kīlanavaye ṭhito kālamakāsi, tassā soko udapādi. Sā “ahaṃ imasmiṃyeva gehe hatalābhasakkārā hutvā puttassa jātakālato paṭṭhāya sakkāraṃ pāpuṇim, ime mayhaṃ puttaṃ bahi chaḍḍetumpi vāyameyyu”nti puttaṃ aṅkenādāya “puttassa me bhesajjaṃ dethā”ti gehadvārapaṭipāṭiyā vicarati. Diṭṭhaditṭhāṭṭhāne manussā “kattha te matakassa bhesajjaṃ diṭṭhapubba”nti pāṇim paharitvā parihāsaṃ karonti. Sā tesāṃ kathāya neva saññattim gacchati. Atha naṃ eko paṇḍitapuriso disvā, “ayaṃ puttāsokena cittavikkhepaṃ pattā bhavissati, etissā pana bhesajjaṃ na añño jānissati, dasabalova jānissati”ti cintetvā evamāha – “amma, tava puttassa bhesajjaṃ añño jānanto nāma natthi, sadevake pana loke aggapuggalo dasabalo dhuravīhāre vasati, tassa santikaṃ gantvā pucchāhi”ti. Sā “saccaṃ puriso katheti”ti puttamādāya tathāgatassa buddhāsane nisinnavelāya parisapariyante ṭhatvā “puttassa me bhesajjaṃ detha bhagavā”ti āha.

Satthā tassā upanissayaṃ disvā “bhaddakaṃ te gotami kataṃ bhesajjathāya idhāgacchantiyā, gaccha nagaraṃ pavisitvā koṭito paṭṭhāya sakalanagaraṃ caritvā yasmiṃ gehe koci matapubbo natthi, tato siddhatthakaṃ āharā”ti āha. Sā “sādhu, bhante”ti tuṭṭhamānasā antonagaraṃ pavisitvā paṭṭhamageheya “dasabalo mama puttassa bhesajjathāya siddhatthakaṃ āharāpeti, siddhatthakaṃ me dethā”ti āha. “Handa gotamī”ti nīharitvā adāṃsu. Ahaṃ evaṃ gahetuṃ na sakkomi, imasmiṃ gehe koci matapubbo nāma natthīti? Kiṃ vadesi gotami, ko idha mataka gahetuṃ sakkoti? “Tena hi alaṃ nāhaṃ gaṇhissāmi, dasabalo maṃ yattha matapubbo natthi, tato naṃ gaṇhāpeti”ti āha. Sā imināva niyāmena tatiyagharaṃ gantvā cintesi – “sakalanagare ayameva niyāmo bhavissati, idaṃ hitānukampakena buddhena diṭṭhaṃ bhavissati”ti saṃvegaṃ labhitvā tatova bahi nikkhamitvā āmakasusānaṃ gantvā puttaṃ hatthena gahetvā, “puttaka, ahaṃ imaṃ maraṇaṃ taveva uppannanti cintesiṃ, na panetaṃ taveva, mahājanasādhāraṇo esa dhammo”ti vatvā puttaṃ āmakasusāne chaḍḍetvā imaṃ gāthamāha –

“Na gāmadhammo no nigamassa dhammo,  
Na cāpiyaṃ ekakulassa dhammo;  
Sabbassa lokassa sadevakassa,  
Eseva dhammo yadidaṃ aniccatā”ti. (apa. therī 2.3.82);

Evañca pana vatvā satthu santikaṃ agamāsi. Atha naṃ satthā “laddho te, gotami, siddhatthako”ti āha. Niṭṭhitaṃ, bhante, siddhatthakena kammaṃ, patiṭṭhaṃ pana me dethāti āha. Athassā satthā dhammapade imaṃ gāthamāha –

“Taṃ puttapasusammattaṃ, byāsattamanasaṃ naraṃ;  
Suttaṃ gāmaṃ mahoghova, maccu ādāya gacchati”ti. (dha. pa. 287);

Sā gāthāpariyosāne yathāṭṭhitāva sotāpattiphale patiṭṭhāya pabbajjaṃ yāci, satthā pabbajjaṃ anujāni.

Sā tikkhattuṃ satthāraṃ padakkhiṇaṃ katvā vanditvā bhikkhuniupassayaṃ gantvā pabbajjañca upasampadañca labhitvā nacirasseva yonisomanasikāre kammaṃ karontī vipassanaṃ vaḍḍhesi. Athassā satthā imaṃ obhāsagāthamāha –

“Yo ca vassasataṃ jīve, apassaṃ amataṃ padaṃ;  
Ekāhaṃ jīvitam seyyo, passato amataṃ pada”nti. (dha. pa. 114);

Sā gāthāpariyosāne arahattaṃ pattā parikkhāravalañje paramukkaṭṭhā hutvā tīhi lūkhehi samannāgataṃ cīvaraṃ pārupitvā vicari. Aparabhāge satthā jetavane nisinno bhikkhuniyo paṭipāṭiyā ṭhānantare ṭhapento imaṃ theriṃ lūkhacīvaradharānaṃ aggaṭṭhāne ṭhapesīti.

### Singālakamātātherīvattu

247. Terasame **saddhādhimuttānanti** saddhālakkhaṇe abhiniviṭṭhānaṃ, singālakamātā, aggāti dasseti. Ayaṃ kira padumuttarabuddhakāle haṃsavatiyaṃ kulaghare nibbattā satthu dhammakathaṃ suṇantī satthāraṃ ekaṃ bhikkhuniṃ saddhādhimuttānaṃ aggaṭṭhāne ṭhapentaṃ disvā adhiḅārakammaṃ katvā taṃ ṭhānantaraṃ patthesi. Sā kappasatasahassaṃ devamanussesu saṃsaritvā imasmiṃ buddhuppāde rājagahanagare seṭṭhikule nibbattā samānajātikaṃ kulaṃ gantvā ekaṃ puttaṃ vijāyi, tassa singālakakumāroti nāmaṃ akaṃsu. Sāpi teneva kāraṇena singālakamātā nāma jātā. Sā ekadivasaṃ satthu dhammakathaṃ sutvā paṭiladdhasaddhā satthu santikaṃ gantvā pabbaji. Pabbajitakālato patṭhāya saddhindriyaṃ adhimattaṃ paṭilabhi. Sā dhammassavanatṭhāya vihāraṃ gantvā dasabalassa sarīrasampattiṃ olokayamānāva tiṭṭhati. Satthā tassā saddhālakkhaṇe abhiniviṭṭhabhāvaṃ ñatvā sappāyaṃ katvā pasādanīyameva dhammaṃ desesi. Sāpi therī saddhālakkhaṇameva dhuraṃ katvā arahattaṃ pāpuṇi. Atha naṃ satthā aparabhāge jetavane nisīditvā bhikkhuniyo paṭipāṭiyā ṭhānantare ṭhapento imaṃ theriṃ saddhādhimuttānaṃ aggaṭṭhāne ṭhapesīti.

Pañcamavaggavaṇṇanā.

Terasasuttapaṭimaṇḍitāya theripāṭiyā vaṇṇanā niṭṭhitā.

## 14. Etadaggavaggo

### (14) 6. Chaṭṭhaetadaggavaggo

#### Tapussabhallikavatthu

248. Upāsakapāṭiyā paṭhame **paṭhamaṃ saraṇaṃ gacchantānanti** sabbapaṭhamaṃ saraṇaṃ gacchantānaṃ tapusso ca bhalliko cāti ime dve vāñijā aggāti dasseti. Ime kira padumuttarabuddhakāle haṃsavatiyaṃ kulagehe paṭisandhiṃ gahetvā aparabhāge satthu dhammadesanaṃ suṇantā satthāraṃ dve upāsake paṭhamaṃ saraṇaṃ gacchantānaṃ aggaṭṭhāne ṭhapentaṃ disvā adhiḅārakammaṃ katvā taṃ ṭhānantaraṃ patthayimsu. Te kappasatasahassaṃ devamanussesu saṃsaritvā amhākaṃ bodhisattassa sabbaññutaññāpattito puretameva asitañjananagare kuṭumbiyagehe nibbattimsu. Jeṭṭhabhātiko tapusso nāma ahoṣi, kaniṭṭho bhalliko nāma.

Te aparena samayena gharāvāsaṃ vasantā kālena kālaṃ pañca sakaṭasatāni yojāpetvā vāñijakammaṃ karontā caranti. Tasmim samaye amhākaṃ bodhisatto sabbaññutaṃ patvā sattasattāhaṃ bodhimaṇḍe viharitvā aṭṭhame sattāhe rājāyatanamūle nisīdi. Tasmim samaye te vāñijā pañcamattehi sakaṭasatehi taṃ ṭhānaṃ anuppattā ahesuṃ. Tesam anantare attabhāve mātā tasmim padese devatā hutvā nibbatti. Sā cintesi – “idāni buddhānaṃ āhāro laddhuṃ vaṭṭati. Na hi sakkā ito paraṃ nirāhārehi yāpetuṃ. Ime ca me puttā iminā maggena gacchanti, tehi ajja buddhānaṃ piṇḍapātaṃ dāpetuṃ vaṭṭati”ti pañcasu sakaṭasatesu yuttaḅoṇānaṃ gamanupacchedaṃ akāsi. Te “kiṃ nāmeta”nti

nānāvidhāni nimittāni olokeṭi. Atha tesam kilamanabhāvaṃ ñatvā ekassa purisassa sarīre adhimuccitvā “kim kāraṇā kilamatha? Tumhākaṃ aṅño yakkhāvaṭṭo vā bhūtāvaṭṭo vā nāgāvaṭṭo vā natthi, ahaṃ pana vo atītatthabhāve mātā imasmim̐ ṭhāne bhummadevatā hutvā nibbattā. Esa dasabalo rājāyatanamūle nisinno, tassa paṭhamam̐ piṇḍapātam̐ dethā” ti.

Te tassā katham̐ sutvā tuṭṭhamānasā hutvā manthaṅca madhupiṇḍikaṅca suvaṇṇathālakena ādāya satthu santikaṃ gantvā “imam̐ bhojanam̐ paṭiggaṅhatha, bhante” ti āhaṃsu. Satthā atītabuddhānam̐ āciṇṇam̐ olokesi, athassa cattāro mahārājāno selamaye patte upanāmesum̐. Satthā “tesam̐ mahapphalam̐ hotū” ti cattāropi patte “ekova patto hotū” ti adhiṭṭhāsi. Tasmim̐ khaṇe te vāṇijā tathāgatassa patte manthaṅca madhupiṇḍikaṅca patiṭṭhapetvā paribhuttakāle udakam̐ datvā bhattakiccapariyosāne satthāram̐ abhivādetvā ekamantaṃ nisīdim̐su. Atha nesaṃ satthā dhammam̐ desesi, desanāpariyosāne dvepi janā dvevācike saraṇe patiṭṭhāya satthāram̐ abhivādetvā attano nagaram̐ gantukāmā, “bhante, amhākaṃ paricaraṇacetiyaṃ dethā” ti vadim̐su. Satthā dakkhiṇena hatthena sisam̐ parāmasitvā dvinnampī janānam̐ aṭṭha kesadhātuyo adāsi. Te ubhopi janā kesadhātuyo suvaṇṇasamuggesu ṭhapetvā attano nagaram̐ netvā asitañjananagaradvāre jīvakesadhātuyā cetiyaṃ patiṭṭhāpesum̐. Uposathadivase cetiyato nīlasmiyo niggacchanti. Evametam̐ vatthu samuṭṭhitam̐. Satthā pana aparabhāge jetavane nisīditvā upāsake paṭipāṭiyā ṭhānantaresu ṭhapento ime dve jane paṭhamam̐ saraṇam̐ gacchantānam̐ aggaṭṭhāne ṭhapesīti.

### Anāthapiṇḍikasetṭhivatthu

**249.** Dutiye **dāyakānanti** dānābhiraṭānam̐ sudatto, gahapati, anāthapiṇḍiko aggoti dasseti. So kira padumuttarabuddhakāle haṃsavatiyaṃ kulagehe nibbatto satthu dhammakatham̐ suṇanto satthāram̐ ekaṃ upāsakaṃ dāyakānam̐ aggaṭṭhāne ṭhapentaṃ disvā adhikārakammaṃ katvā tam̐ ṭhānantaram̐ patthesi. So kappasatasahassam̐ devamanussesu saṃsaritvā imasmim̐ buddhuppāde sāvattiyam̐ sumanasetṭhissa gehe nibbatti, sudattotissa nāmam̐ akaṃsu.

So aparabhāge gharāvāse patiṭṭhito dāyako dānapati hutvā teneva guṇena patthaṭānāmadheyyo anāthapiṇḍiko nāma ahoṣi. So pañcahi sakaṭasatehi bhaṇḍam̐ ādāya rājagahe attano piyasahāyakassa setṭhino geḥam̐ gantvā tattha buddhassa bhagavato uppanabhāvaṃ sutvā balavapaccūsakāle devatānubhāvena vivaṭena dvārena satthāram̐ upasaṅkamitvā dhammam̐ sutvā sotāpattiṭṭhale patiṭṭhāya dutiyadivase ca buddhappamukhassa bhikkhusaṅghassa mahādānam̐ datvā sāvattim̐ āgamanatthāya satthu paṭiñṇam̐ gahetvā antarāmagge pañcacattālīsajoyanamagge satasahassam̐ satasahassam̐ datvā yojanikavihāre kāretvā jetavanam̐ koṭisanthārena santharivā aṭṭhārasahi koṭiṭi kiṇitvā aṭṭhārasahi koṭiṭi vihāram̐ kāretvā vihāre niṭṭhite catunnam̐ parisānam̐ purebhattapacchābhattesu yadicchakaṃ dānam̐ dadanto aṭṭhārasahi koṭiṭi vihāramahaṃ niṭṭhāpesi. Vihāramaho navahi māsehi niṭṭhānam̐ agamāsi, “pañcahi” ti apare. Temāse pana sabbācariyānam̐ vivādo natthi.

Evam̐ catupaṇṇāsakoṭidhanam̐ vissajjetvā niccakālam̐ gehe evarūpaṃ dānam̐ pavattesi. Devasikam̐ pañca salākabhattasatāni honti, pañca pakkhikabhattasatāni, pañca salākayāgusātāni, pañca pakkhikayāgusātāni, pañca dhurabhattasatāni, pañca āgantukabhattasatāni, pañca gamikabhattasatāni, pañca gilānabhattasatāni, pañca gilānupaṭṭhākabhattasatāni, pañca āsanasatāni gehe niccapañṇāntāneva hontīti. Atha nam̐ aparabhāge satthā jetavane nisinno upāsake paṭipāṭiyā ṭhānantaresu ṭhapento dāyakānam̐ aggaṭṭhāne ṭhapesīti.

### Cittagahapativatthu

**250.** Tatiye **dhammakathikānanti** dhammakathikānam̐ upāsakānam̐ citto, gahapati, aggoti dasseti. So kira padumuttarabuddhakāle haṃsavatiyaṃ kulagehe nibbatto aparabhāge dhammakatham̐ suṇanto satthāram̐ ekaṃ upāsakaṃ dhammakathikānam̐ aggaṭṭhāne ṭhapentaṃ disvā adhikārakammaṃ katvā tam̐ ṭhānantaram̐ patthesi. So kappasatasahassam̐ devamanussesu saṃsaritvā kassapabuddhakāle



migaluddakagehe nibbatta aparabhāge araññe kammaṃ kātuṃ samatthakāle ekadivasam deve vassante migamāraṇatthāya sattim ādāya araññaṃ gantvā migarūpāni olokeno ekasmiṃ akatapabbhāre sasīsam paṃsukūlam pārupitvā pāsāṇaphalake nisinnam ekam bhikkhum disvā “eko ayyo samaṇadhammaṃ karonto nisinno bhavissatī”ti saññaṃ uppādetvā vegena gharaṃ gantvā ekasmiṃ uddhane hiyyo ābhatamaṃsam, ekasmiṃ bhattam pacāpetvā piṇḍācārike dve bhikkhū disvā tesam pattam ādāya paññattāsane nisīdāpetvā bhikkham samādāpetvā, “ayye, parivisathā”ti aññe āṇāpetvā tam bhattam kuṭe pakkhipitvā paṇṇena mukham bandhitvā kuṭam ādāya gacchanto antarāmagge nānāvīdhāni pupphāni ocinitvā pattapuṭakena gahetvā therassa nisinnatthānam gantvā kuṭam otāretvā ekamante ṭhapetvā “mayham, bhante, saṅgham karoṭhā”ti vatvā therassa pattam ādāya bhattassa pūretvā therassa hatthe patiṭṭhapetvā tehi missakapupphehi theram pūjetvā ekamante ṭhito “yathāyam rasapiṇḍapātena saddhim pupphapūjā cittam paritoseṭi, evam nibbattanibbattaṭṭhāne me paṇṇākārasahassāni ceva āgacchantu pañcavaṇṇakusumavassaṅca vassatū”ti āha.

Thero tassa upanissayam disvā dvattiṃsākārakammaṭṭhānam ācikkhitvā adāsi. So yāvajīvam kusalam katvā devaloke nibbatti, nibbattaṭṭhāne jaṇṇumattena odhinā dibbapupphavassam vassi, sayañca aññāhi devatāhi adhikatarena rūpena samannāgato ahoṣi. So ekam buddhantaram devamanussesu saṃsaritvā imasmiṃ buddhuppāde magadharatthe macchikāsaṇḍanagare seṭṭhikule nibbatti, jātakālevassa sakalanagare jaṇṇumattena odhinā pañcavaṇṇakusumavassam vassi. Athassa mātāpitaro “amhākam putto attanāva attano nāmam gahetvā āgato, jātadivasevassa sakalanagaraṃ pañcavaṇṇehi pupphehi vicittam jāta”nti **cittakumāro**ti nāmam akaṃsu.

So aparabhāge gharāvāse patiṭṭhito pitu accayena tasmim nagare seṭṭhitthānam pāpuṇi. Tasmim samaye pañcavaggiyattherānam abhantaro mahānāmatthero nāma macchikāsaṇḍanagaraṃ agamāsi. Citto gahapati tassa iriyāpathe pasīditvā pattam ādāya geham ānetvā piṇḍapātena patimānetvā katabhattakiccam ambātakārāmaṃ nāma uyyānam netvā tathassa vasanaṭṭhānam kāretvā nibaddham attano gehe piṇḍapātam gahetvā vasanaṭṭhāya patiññaṃ gaṇhi. Theropi tassa upanissayam disvā dhammam desento saḷāyanavibhattimeva desesi. Citto gahapati purimabhava madditasāṅkhārātāya nacirasseva anāgāmi phalam sampāpuṇi. Athekadivasam isidattatthero tatha gantvā viharanto seṭṭhissa nivesane bhattakiccapariyosāne āyasmatā therena pañham vissajjetum asakkontena ajjhīṭṭho upāsakassa pañham vissajjetvā tena pubbe gihisahāyakabhāve ñāte “na idāni idha vatthabba”nti yathāsukham pakkāmi. Punekadivasam, seṭṭhi gahapati, mahānāmattheram iddhipāṭihāriyakaraṇattham yāci. Sopi tassa tejosamāpattipāṭihāriyam dassetvā “idāni idha vasitum na yutta”nti yathāsukham pakkāmi.

Athekadivasam dve aggasāvaka bhikkhusahassaparivārā ambātakārāmaṃ agamaṃsu. Seṭṭhi gahapati, tesam mahāsakkāram sajjesi. Sudhammatthero tam asahamāno seṭṭhim tilasaṅgulikāvādena khumsetvā tena paṇāmito satthu santikam gantvā ovādam labhitvā dasabalassa ovāde ṭhito cittam gahapatim khamāpetvā tattheva ambātakārāme viharanto vipassanam vaḍḍhetvā arahattam pāpuṇi. Tadā upāsako cintesi – “aham dasabalam adisvāva ciraṃ vītināmesim, satthu santikam gacchantena pana ayuttam tucchahatthena gantu”nti pañcahi sakaṭasatehi telamadhuphāṇitādīni ādāya “ye dasabalam passitukāmā, te mayā saddhim āgacchantū”ti nagare bherim carāpetvā dvīhi purisasahashehi parivuto satthāram passitum pakkāmi. Tiṃsayojane magge devatā paṇṇākāram upaṭṭhapesum. So satthu santikam gantvā pañcapatiṭṭhitena satthāram vandi, tasmim khaṇe ākāsa pañcavaṇṇānam pupphānam vassam vassi.

Satthā tassa ajjhāsayasasena saḷāyanavibhattimeva kathesi. Tassa aḍḍhamāsamattam dasabalassa dānam dentassāpi sakanivesanato nītāni taṇḍulatelamadhuphāṇitādīni na khīyimsu. Rājagahavāsikehi pahitapaṇṇākārova alam ahoṣi. So satthāram passitvā attano nagaram gacchanto sakaṭehi ābhatam sabbam bhikkhusaṅghassa adāsi. Sakaṭesu tucchesu jātamattesveva devatā satta ratanāni pūrayimsu. Mahājanantare kathā udapādi “yāva sakkārasammānappatto vatāyam citto gahapatī”ti. Tam sutvā satthā dhammapade imam gāthamāha –

“Saddho sīlena sampanno, yaso bhogasamappito;  
Yaṃ yaṃ padesaṃ bhajati, tattha tattheva pūjito”ti. (dha. pa. 303);

So tato paṭṭhāya ariyasāvakaṇaṃyeva upāsakānaṃ pañcahi satehi parivuto vicarati. Atha naṃ satthā aparabhāge upāsake paṭipāṭiyā ṭhānantare ṭhapento cittasamyuttaṃ aṭṭhuppattim katvā dhammakathikānaṃ aggaṭṭhāne ṭhapesīti.

### Hatthakaālavakavatthu

**251.** Catutthe **catūhi saṅgahavatthūhī**ti catubbidhena saṅgahavatthunā parisāṃ saṅgaṇhantānaṃ hatthako ālavako aggoti dasseti. Ayaṃ kira padumuttarabuddhakāle haṃsavatiyaṃ kulaghare nibbatta aparabhāge satthu dhammakathaṃ suṇanto satthāraṃ catūhi saṅgahavatthūhi samannāgataṃ ekaṃ upāsakaṃ ṭhānantare ṭhapentaṃ disvā adhiḱārakammaṃ katvā taṃ ṭhānantaraṃ patthesi. So kappasatasahassaṃ devamanussesu saṃsaritvā imasmiṃ buddhuppāde ālaviraṭṭhe ālavinagare ālavakassa rañño gehe paṭisandhiṃ gaṇhi, sve bhattachāṭiyā saddhiṃ ālavakassa pesetabbo ahoṣi.

Tatrāyaṃ anupubbikathā – ekadivasaṃ kira ālavako rājā migavatthāya araññaṃ gantvā ekaṃ migāṃ anubandhitvā ghātetvā chinditvā dhanukoṭiyaṃ lagetvā nivattetvā āgacchanto vātāpēna kilantakāyo ekaṃ sandacchāyaṃ nigrodharukkhamūlaṃ pavisitvā nisīdi. Atha naṃ muhuttaṃ darathaṃ vinodetvā nikkhamantaṃ rukkhe adhivatthā devatā “tiṭṭha tiṭṭha, bhakkhosi me”ti hatthe gaṇhi. So daḷhaṃ gahitattā aññaṃ upāyaṃ apassanto “devasikaṃ te ekekapurisena saddhiṃ cāṭibhattaṃ pesessāmi”ti vatvā nagaraṃ gato. Tato paṭṭhāya bandhanāgārato ekekamanussena saddhiṃ cāṭibhattaṃ pesesi. Eteneva niyāmena bandhanāgāre manussesu khīṇesu “mahallakamanussesu gayhamānesu raṭṭhakobho hoti”ti te aggahetvā daharakumāre gaṇhituṃ ārabhiṃsu. Tato paṭṭhāya nagare dārakamātaro ca gabbhiniyo ca aññaṃ raṭṭhaṃ gacchanti.

Tasmiṃ samaye satthā paccūsasamayante lokaṃ volokento ālavakakumārassa tiṇṇaṃ maggaphalānaṃ upanissayaṃ disvā “ayaṃ kumāro kappasatasahassaṃ patthitapatthano devalokā cavitvā ālavakarañño gehe nibbatta, aññaṃ kumāraṃ alabhantā sve kumāraṃ cāṭibhattena saddhiṃ gahetvā gacchissanti”ti cintetvā sāyanhasamaye aññātakavesena ālavakassa yakkhassa bhavanadvāraṃ gantvā tassa dovārikaṃ gadraḃhaṃ nāma yakkhaṃ bhavanaṃ pavisanatthāya yāci. So āha – “bhagavā tumhe pavisatha, mayhaṃ pana ālavakassa anārocanaṃ nāma ayutta”nti. So himavante yakkhasamāgamaṃ gatassa ālavakassa santikaṃ agamāsi. Satthāpi taṃ bhavanaṃ pavisitvā ālavakassa nisīdanapallaṅke nisīdi.

Tasmiṃ samaye sātāgiraḥemavatā ālavakassa bhavanamatthakena yakkhasamāgamaṃ gacchantā attano gamane asampajjamāne “kiṃ nu kho kāraṇa”nti āvajjentā satthāraṃ ālavakassa bhavane nisinnaṃ disvā satthu santikaṃ gantvā vanditvā yakkhasamāgamaṃ gantvā ālavakassa tuṭṭhiṃ pavedayiṃsu – “lābhā te, āvuso ālavaka, yassa te sadevake loke aggapuggalo bhavane nisinna, gantvā satthu santike dhammaṃ suṇāhi”ti. So tesāṃ kathaṃ sutvā cintesi – “ime ekassa muṇḍakasamaṇassa mama pallaṅke nisinnabhāvaṃ kathenti”ti anattamano kodhābhībhūto hutvā “ajja mayhaṃ etena samaṇena saddhiṃ saṅgāmo bhavissati, tattha me sahāyā nāma hothā”ti dakkhiṇapādaṃ ukkhipitvā saṭṭhiyojanamattaṃ pabbatakūṭaṃ akkama, taṃ bhijjitvā dvidhā ahoṣi. Ito paṭṭhāya ālavakayuddhaṃ vitthāretabbaṃ. Ālavako pana sabbarattim tathāgatena saddhiṃ nānappakārena yujjhantopi kiñci kātuma asakkonto satthāraṃ upasaṅkamitvā aṭṭha pañhe pucchi, satthā vissajjesi. Desanāpariyosāne sotāpattiphale patiṭṭhāsi. Vitthāretvā kathetukāmena ālavakasuttavaṇṇanā (saṃ. ni. aṭṭha. 1.1.246) oloketabbā.

Punadivase uṭṭhite aruṇe cāṭibhattāharaṇavelāya sakalanagare gahetabbayuttaṃ dārakaṃ adisvā rañño ārocesuṃ. Rājā āha – “gaṇhituṃ ayuttaṭṭhāne pana atthi, tātā”ti. Āma, deva, ajja rājakule putto jātoti. Gacchatha, tātā, mayhaṃ jīvantā puttaṃ labhissāma, cāṭibhattena naṃ pesethāti. Te deviyā

vikkandamānāya dāraṅgaṃ gahetvā cāṭibhattena saddhiṃ ālavakassa bhavanadvāraṃ gantvā ‘‘handa, ayya, tava bhāgaṃ paṭicchāhi’’ti āhaṃsu. Ālavako tesam katham sutvā ariyasāvakaṭṭhā lajjamāno adhomukho nisīdi. Atha naṃ satthā āha – ‘‘idāni te, ālavaka, lajjanakkiccam natthi, dāraṅgaṃ gahetvā mama hatthe ṭhāpehi’’ti. Te rājapurisā ālavakakumāraṃ ālavakassa hatthe ṭhāpesum, ālavako taṃ ādāya dasabalassa hatthe ṭhāpesi, satthā paṭiggaṇhitvā puna ālavakassa hatthe ṭhāpesi, ālavako taṃ gahetvā rājapurisānaṃ hatthe ṭhāpesi. Itissa hatthato hattham gatattā ‘‘hatthako ālavako’’tveva nāmaṃ akāṃsu.

Atha naṃ te rājapurisā tuṭṭhamānasā ādāya rañño santikaṃ agamaṃsu. Rājā taṃ disvā ‘‘ajja cāṭibhattaṃ na sampaṭicchati’’ti saññaṃ katvā ‘‘kasmā, tātā, evameva āgatattā’’ti āha. Deva, rājakulassa tuṭṭhi ca vaḍḍhi ca, satthā ālavakassa bhavane nisīditvā ālavakaṃ dametvā upāsakatte patiṭṭhāpetvā kumāraṃ amhākaṃ dāpesīti. Satthāpi ālavakaṃ pattacīvaraṃ gāhāpetvā ālavānagarābhimukho pāyāsī. So nagaraṃ upasaṅkamanto lajjitvāva osakkati. Satthā naṃ oloketvā ‘‘lajjasi, ālavakā’’ti pucchi. Āma, bhante, nagaravāsino maṃ nissāya mātīmaraṇaṃ pitīmaraṇaṃ puttadāraṇaṇaṇa pāpuṇiṃsu. Te maṃ passitvā daṇḍhipi leḍḍhipi paharissanti. Tasmā osakkāmi, bhanteti. ‘‘Ālavaka, natthi te mayā saddhiṃ gacchantassa bhayaṃ, vissattho ehi’’ti vatvā nagarassa avidūre ṭhāne vanasaṇḍe aṭṭhāsī. Ālavakarājāpi nāgare gahetvā satthu paccuggamaṇaṃ gato. Satthā sampattaparīsāya dhammaṃ desesi, desanāvāsāne caturāsīti paṇasahassāni amatapānaṃ pivīṃsu. Te ālavakassa tattheva vasanaṭṭhānaṃ katvā anusaṃvaccharaṃ balikammaṃ paṭṭhāpesum.

Ālavakopi nāgare dhammikāya rakkhāya saṅgaṇhi. Sopi ālavakakumāro vuḍḍhippatto satthu dhammadesanaṃ sutvā tīni maggaphalāni paṭivijjhi. So sabbakālaṃ ariyasāvakaupāsakānaṃ pañcahi satehi parivuto carati. Athekadivasaṃ tehi upāsakehi saddhiṃ satthu santikaṃ gantvā vanditvā ekamantaṃ nisīdi. Satthā suvinītaṃ parisam disvā ‘‘mahatī te, ālavaka, parisā, katham taṃ saṅgaṇhāsī’’ti āha. Bhagavā dānena tussantaṃ dānena saṅgaṇhāmi, piyavacanena tussantaṃ piyavacanena saṅgaṇhāmi, uppannesu kiccesu tesam nittharaṇena tussantaṃ uppannakiccanittharaṇena saṅgaṇhāmi, samānattaṭṭhānena tussantaṃ samānattatāya saṅgaṇhāmīti. Evametaṃ vatthu samuṭṭhitaṃ. Atha satthā aparabhāge jetavane nisīditvā upāsake ṭhānantaressu ṭhāpento hatthakaṃ ālavakaṃ catūhi saṅgahavattūhi parisam saṅgaṇhantānaṃ aggaṭṭhāne ṭhāpesīti.

### Mahānāmasakkavatthu

**252.** Pañcame **paṇītaḍḍāyakaṇanti** paṇītarasāḍḍāyakaṇaṃ mahānāmo sakko aggoti dasseti. So kira padumuttarabuddhakāle haṃsavatiyaṃ kulagehe nibbatta satthu dhammakathaṃ suṇanto satthāraṃ ekaṃ upāsakaṃ paṇītarasāḍḍāyakaṇaṃ aggaṭṭhāne ṭhāpentaṃ disvā adhiḅkārakammaṃ katvā taṃ ṭhānantaraṃ patthesi. So kappasatasahassaṃ devamanussesu saṃsaritvā imasmiṃ buddhuppāde kapilavattupure sakyaṛājakule nibbattitvā vayappatto dasabalassa paṭṭhamadassaneyeva sotāpattiphale patiṭṭhāsī.

Athekasmiṃ samaye satthā verañjāyaṃ vassāvāsaṃ vasitvā anupubbena kapilavattupuraṃ gantvā nigrodhārāme paṭivasatī. Mahānāmo ‘‘satthā āgato’’ti sutvā satthu santikaṃ gantvā abhivādetvā ekamantaṃ nisīno satthāraṃ evamāha – ‘‘bhagavā sutametaṃ ‘bhikkhusaṅgho kira verañjāyaṃ bhikkhācārena kilamatī’’ti, mama catumāsaṃ bhikkhusaṅghassa paṭijaggane paṭiññaṃ detha, ahaṃ bhikkhusaṅghassa sarīre ojaṃ pavesessāmi’’ti. Satthā adhiḅvāsesi. So satthu adhiḅvāsaṃ viditvā punadivāsato paṭṭhāya buddhappamukhaṃ bhikkhusaṅghaṃ paṇītarasabhojanacatumadhurādīhi paṭijaggitvā puna catumāsaṃ paṭiññaṃ gahetvā aṭṭha māse pūretvā puna catumāsaṃ paṭiññaṃ gahetvā sakalasaṃvaccharaṃ paṭijaggi. Satthā tato paraṃ paṭiññaṃ nādāsī. Mahānāmo pana tato paṭṭhāya aparāparaṃ sampattabhikkhusaṅghassa teneva niyāmena sakkāraṃ karoti. Tassa so guṇo sakalajambudīpe pākato jāto. Evametaṃ vatthu samuṭṭhitaṃ. Satthā pana aparabhāge jetavane nisīditvā mahānāmaṃ sakkam paṇītaḍḍāyakaṇaṃ aggaṭṭhāne ṭhāpesīti.

### Uggagahapativatthu

**253.** Chaṭṭhe **manāpadāyakānanti** manāpaṃ cittarucitabhojanaṃ dāyakānaṃ uggo gahapati, vesāliko aggoti dasseti. So kira padumuttarabuddhakāle haṃsavatiyaṃ kulagehe nibbato aparabhāge satthu dhammakathaṃ suṇanto satthāraṃ ekaṃ upāsakaṃ manāpadāyakānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. So kappasatasahassaṃ devamanussesu saṃsaritvā imasmiṃ buddhuppāde vesāliyaṃ seṭṭhikule nibbatti. Tassa jātakāle nāmaṃ aniyāmitaṃ. Aparabhāge panassa attabhāvopi uggato ahosi samiddho, alaṅkatatorāṇaṃ viya ussitacittapaṭo viya ca ativirocitha. Guṇāpissa uggatā ahesuṃ. So imesaṃ dvinnampi uggatattā **uggasetṭhi**veva saṅkhaṃ gato. So panāyaṃ dasabalassa paṭhamadassaneyeva sotāpattiṭṭhale patiṭṭhāya aparabhāge tīṇipi maggaphalāni sacchākāsi. So attano mahallakakāle rahogato nisīditvā cintesi – “yaṃ yaṃ mayhaṃ piyaṃ manāpaṃ, taṃ tadeva dasabalassa dassāmi, idaṃ me satthu sammukhāpi sutamaṃ ‘manāpadāyī labhate manāpa’”nti. Athassa etadahosi – “api nu kho me cittaṃ jānitvā satthāpi nivesanadvāraṃ āgaccheyyā”ti.

Satthāpi kho tassa cittaṃ ñatvā bhikkhusaṅghaparivuto nivesanadvāreyeva pāturaḥosi. So “satthā āgato”ti sutvā ativiya ussāhajāto dasabalassa santikaṃ gantvā pañcapatiṭṭhitena vanditvā satthu pattaṃ paṭiggahetvā gharaṃ pavesetvā paññattavarabuddhāsane satthāraṃ, avasesaāsanesu bhikkhusaṅghaṃ nisīdāpetvā buddhappamukhaṃ bhikkhusaṅghaṃ nānaggarasehi parivisitvā bhattakiccapariyosāne ekamantaṃ nisīditvā evamāha – “sammukhā metaṃ, bhante, bhagavato sutamaṃ sammukhā paṭiggahitaṃ ‘manāpadāyī labhate manāpa’”nti. Yaṃ yaṃ, bhante, mayhaṃ manāpaṃ, taṃ taṃ mayā buddhappamukhassa bhikkhusaṅghassa dinnamevā”ti satthāraṃ jānāpetvā tato paṭṭhāya yaṃ yaṃ tassa manāpaṃ, taṃ taṃ buddhappamukhassa bhikkhusaṅghassa deti. Taṃ pana sabbaṃ pañcakanipāte uggasutte vitthārato āgamissati. Evametaṃ vatthu samuṭṭhitaṃ. Satthā aparabhāge jetavane viharanto taṃ upāsakaṃ manāpadāyakānaṃ aggaṭṭhāne ṭhapesīti.

### Uggatagahapativatthu

**254.** Sattame **saṅghupaṭṭhākānanti** bhikkhusaṅghassa upaṭṭhākānaṃ hatthigāmaṃ uggo gahapati, aggoti dasseti. Sopi padumuttarabuddhakāle haṃsavatiyaṃ kulagehe nibbato aparabhāge satthu dhammadesanaṃ sutvā satthāraṃ ekaṃ upāsakaṃ saṅghupaṭṭhākānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. So kappasatasahassaṃ devamanussesu saṃsaritvā imasmiṃ buddhuppāde hatthigāme seṭṭhikule nibbatti, tassa uggatakumāroti nāmaṃ akaṃsu.

So aparabhāge gharāvāse patiṭṭhito pitu accayena seṭṭhiṭṭhānaṃ pāpuṇi. Tena samayena satthā bhikkhusaṅghaparivuto cārikaṃ caranto hatthigāmaṃ patvā nāgavanuyyāne viharati. Tadā ayaṃ uggataseṭṭhi satthāhaṃ pānamadamatto hutvā nāṭakehi parivuto nāgavanuyyānaṃ gantvā paricārayamāno dasabalaṃ disvā balavahirottappaṃ paccupaṭṭhāpesi. Athassa satthāraṃ upasaṅkamantassa sabbo surāmaṃ abbatthaṃ agamāsi. So satthāraṃ vanditvā ekamantaṃ nisīdi. Athassa satthā dhammaṃ desesi. Desanāpariyosāne tīṇi maggaphalāni paṭivijjhi. Tato paṭṭhāya nāṭakāni “tumhe yathāsukhaṃ gacchathā”ti vissajjetvā dānābhīrato hutvā bhikkhusaṅghassa dānameva deti. Devatā rattibhāgasamanantare āgantvā seṭṭhissa ārocenti – “gahapati, asuko bhikkhu tevijjo, asuko bhikkhu chaḷabhiñño, asuko sīlavā, asuko dussīlo”ti. So tāsamaṃ vacanaṃ sutvāpi guṇaṃ tāva yathābhūtaṃ jānāti, deyyadhammaṃ pana samacitteneva deti. Satthu santike nisīditvāpi tameva guṇaṃ katheti. Aparabhāge satthā jetavane nisīditvā taṃ gahapatiṃ saṅghupaṭṭhākānaṃ aggaṭṭhāne ṭhapesīti.

### Sūrambaṭṭhavatthu

**255.** Aṭṭhame **aveccappasannānanti** avigacchanasabhāvena acalena pasādena samannāgatānaṃ sūrambaṭṭho aggoti dasseti. Ayaṃ kira padumuttarabuddhakāle haṃsavatiyaṃ kulagehe nibbato satthu dhammakathaṃ sutvā satthāraṃ ekaṃ upāsakaṃ aveccappasannānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. So kappasatasahassaṃ devamanussesu saṃsaritvā

imasmim buddhuppāde sāvattiyam setthikule nibbatti, sūrambaṭṭhotissa nāmaṃ akaṃsu.

So aparabhāge vayappatto gharāvāse patiṭṭhāya aññatitthiyānaṃ upaṭṭhāko hutvā carati. Atha satthā paccūsasamaye lokam volokento tassa sotāpattimaggahetuṃ disvā bhikkhācāraṇelāya nivesanadvāram agamāsi. So dasabalam disvā cintesi – “samaṇo gotamo mahākule ceva jāto, loke ca abhiññāto, tenassa santikam agamanam nāma na yutta”nti satthu santikam gantvā pādesu vanditvā pattam gahetvā gharam pavesetvā mahārahe pallanke nisīdāpetvā bhikkham datvā bhattakiccapariyosāne ekamantaṃ nisīdi. Satthā tassa caritavasena dhammam desesi. Desanāpariyosāne sotāpattiphale patiṭṭhahi. Satthāpi tam dametvā vihārameva gato.

Tato māro cintesi – “ayam sūrambaṭṭho nāma amhākam santako, satthā panassa ajja geham gato, kim nu kho satthu dhammam sutvā maggapātubhāvaṃ akaritthāti yāvassa mama visayā atikkantabhāvaṃ vā anatikkantabhāvaṃ vā jānāmī”ti attano kāmarūpitāya dasabalassa sarikkhakaṃ rūpaṃ māpetvā cīvaraggahaṇampi pattaggahaṇampi buddhākappeneva katvā dvattiṃsalakkhaṇadhāro hutvā sūrambaṭṭhassa gehadvāre aṭṭhāsi. Sūrambaṭṭhopi “puna dasabalo āgato”ti sutvā “buddhānaṃ aniyyānikagamaṇam nāma natthi, kena nu kho kāraṇena āgato”ti vegena “dasabalo”ti saññāya tassa santikam gantvā abhivādetvā ekamantaṃ ṭhito, “bhante, tumhe idāneva imasmim gehe bhattakiccam katvā gatā, kim nu kho kāraṇam paṭicca puna āgatathā”ti āha. “Sūrambaṭṭha mayā dhammam kathentena ekam anupadhāretvā kathitam. Mayā hi pañcakkhandhā ‘sabbeva aniccā dukkhā anattā’ti kathitā, na panete sabbeva evarūpā. Ekacce hi khandhā niccā dhuvā sassatā atthī”ti āha.

Tato sūrambaṭṭho cintesi – “ayam kathā ativiya bhāriyā. Buddhānañhi anupadhāretvā kathanam nāma natthi, dasabalassa māro kira paṭipakkho, addhā ayam māro bhavissatī”ti cintetvā – “mārosi tva”nti āha. Ariyasāvakena kathitakathā tassa pharasuppahāro viya ahosi, tasmā sakabhāvena ṭhātum asakkonto “āma, sūrambaṭṭha, aham māro”ti āha. “Tādisānaṃ mārānaṃ satampi sahasampi āgantvā mama saddham cāletum na sakkoti, mahāgotamo dasabalo mayham dhammam desento ‘sabbe saṅkhārā aniccā’ti bodhetvā desesi, mā me gharadvāre tiṭṭhā”ti accharam pahari. Māro tassa vacanaṃ sutvā paṭippharivā kathetum asakkonto tattheva antaradhāyi. Sūrambaṭṭhopi sāyanhasamaye satthu santikam gantvā mārena katakiriyaṃ kathetvā, “bhante, evam māro mama saddham cāletum vāyamitthā”ti āha. Satthā etadeva kāraṇam aṭṭhupattim katvā imasmim sāsane sūrambaṭṭham aveccappasannānaṃ aggaṭṭhāne ṭhapesīti.

## Jīvakavatthu

**256.** Navame puggalappasannānanti puggaliyappasādena samannāgatānaṃ upāsakānaṃ jīvako komārabhacco aggoti dasseti. So hi padumuttarabuddhakāle haṃsavatiyaṃ kulagehe nibbato. Satthu dhammakathaṃ suṇanto satthāraṃ ekam upāsakaṃ puggalappasannānaṃ aggaṭṭhāne ṭhapaṇtaṃ disvā adhikārakammaṃ katvā tam ṭhānantaraṃ patthesi. So kappasatasahassaṃ devamanussesu saṃsaritvā imasmim buddhuppāde rājagahanagare abhayarājakumāraṃ paṭicca sālavatiyā nāma rūpūpajīviniyā kucchimhi nibbato. Rūpūpajīviniyo ca nāma vijātakāle sace putto hoti, chaḍḍenti. Sace dhītā, paṭijagganti. Iti sā tam dāraṃ kattarasuppakena saṅkarakūṭe chaḍḍāpesi. Atha naṃ abhayo rājakumāro rājupaṭṭhānaṃ gacchanto tam disvā “kim, bhāṇe, etaṃ kākehi samparikiṇṇa”nti manusse pesetvā “dāraṃ devā”ti. Jīvati, bhāṇeti, “jīvati, devā”ti sutvā attano antepure posāpesi. Tassa jīvatīti kathitattā jīvakoti nāmaṃ akaṃsu, kumārena posāpitoti komārabhaccoti nāmaṃ akaṃsu.

So attano soḷasavassuddesikakāle takkasilaṃ gantvā vejjasippaṃ uggaṇhitvā bimbisārarañño santikā sakkāraṃ labhitvā caṇḍapajjotassa rañño rogaṃ phāsukaṃ akāsi. So tassa pañca taṇḍulasakaṭasatāni soḷasa kahāpaṇasahassāni dussasahassaparivāraṃ anaggham siveyyakaṃ dussayugañca pesesi. Tasmim samaye satthā rājagahaṃ upanissāya giṃjhakūṭe pabbate viharati. Jīvako satthu ussannadhātuke kāye virecanaṃ datvā bhesajjam karonto “cattāro paccayā mama santakāva hontū”ti satthāraṃ attano vihāre vasāpetvā satthu bhesajjam katvā tam dussayugaṃ upanetvā “idaṃ,

bhante, tumheyeva paribhogam karothā”ti vatvā tena saddhim laddham dussasahassam bhikkhusaṅghassa adāsi. Ayamettha saṅkhepo, vitthārena pana jīvakavatthu khandhake (mahāva. 326 ādayo) āgatameva. Sathā aparabhāge jetavane viharanto jīvakam komārabhaccam puggalappasannānam aggaṭṭhāne ṭhapesīti.

### Nakulapitugahapativatthu

257. Dasame **vissāsakānanti** vissāsikakatham kathentānam upāsakānam antare, nakulapitā gahapati, aggoti dasseti. So kira padumuttarabuddhakāle haṃsavatiyam kulagehe nibbato satthu dhammadesanam suṇanto sathāram ekam upāsakam vissāsakānam aggaṭṭhāne ṭhapatam disvā adhikārakammaṃ katvā tam ṭhānantaram patthesi. So kappasatasahassam devamanussesu saṃsaritvā imasmim buddhuppāde bhaggaṭṭhe susumāragirinagare seṭṭhikule nibbatti. Sathāpi bhikkhusaṅghaparivuto cārikam caramāno tam nagaram patvā bhesakaḷāvane viharati. Athāyam, nakulapitā gahapati, susumāragirivāsīhi saddhim satthu santikam gantvā paṭhamadassaneneva so ca bhariyā cassa dasabalam “ayam amhākam putto”ti saññam paṭṭhapetvā ubhopi satthu pādesu nipatitvā, “tāta, tvam ettakam kālam amhe chaḍḍetvā kham vicarasi”ti āhaṃsu. Ayam kira, nakulapitā gahapati, pubbe pañca jātisatāni dasabalassa pitā ahosi, pañca jātisatāni cūlapitā, pañca jātisatāni mahāpitā, pañca jātisatāni mātulo, nakulamātāpi pañca jātisatāni mātā ahosi, pañca jātisatāni cūlamātā, pañca jātisatāni mahāmātā, pañca jātisatāni pitucchā. Iti dīgharattam anugatasinehattā dasabalam disvāva “putto”ti saññam katvā saṅṭhātuṃ nāsakkhimsu. Sathā yāva tesam cittam saññattim na gacchati, tāva “apethā”ti nāvoca. Atha nesam yathāmaneneva satim paṭilabhivā majjhatabhūtānam āsayam ṇatvā dhammam desesi. Desanāpariyosāne ubhopi sotāpattiphale patiṭṭhahimsu.

Sathā aparabhāge tesam mahallakakāle puna tam nagaram agamāsi. Te “sathā āgato”ti sutvā satthu santikam gantvā pañcapatiṭṭhitena vanditvā svātanāya nimantetvā punadivase attano nivesane buddhappamukham bhikkhusaṅgham nānaggarasehi parivisitvā sathāram katabhattakiccam upasaṅkamitvā ekamantam nisīdimsu. Ekamantam nisinnō kho nakulapitā gahapati, bhagavantam etadavoca – “yato me, bhante, nakulamātā gahapatānī, daharasseva daharā ānītā, nābhijānāmi nakulamātaram gahapatāniṃ manasāpi aticaritā, kuto pana kāyena. Iccheyyāma mayam, bhante, diṭṭhe ceva dhamme aññamaññam passituṃ abhisamparāyañca aññamaññam passitu”nti. Nakulamātāpi kho, gahapatānī, bhagavantam etadavoca – “yato aham, bhante, nakulapituno gahapatissa daharasseva daharā ānītā, nābhijānāmi nakulapitaram gahapatiṃ manasāpi aticaritā, kuto pana kāyena. Iccheyyāma mayam, bhante, diṭṭhe ceva dhamme aññamaññam passituṃ abhisamparāyañca aññamaññam passitu”nti. Atha aparabhāge sathā jetavane nisīditvā upāsake paṭipāṭiyā ṭhānantaresu ṭhapento imam imesam dvinnampi katham aṭṭhuppattim katvā nakulapitaram gahapatiṃ vissāsakānam aggaṭṭhāne ṭhapesīti.

Chaṭṭhaviggavaṇṇanā.

Dasasuttapaṭimaṇḍitāya upāsakapāḷiyā vaṇṇanā niṭṭhitā.

### 14. Etadaggavaggo

#### (14) 7. Sattamaetadaggavaggo

#### Sujātāvatthu

258. Upāsikāpāḷiyā paṭhame **paṭhamam saraṇam gacchantīnanti** sabbapaṭhamam saraṇesu patiṭṭhitānam upāsikānam, sujātā nāma, seniyadhītā aggāti dasseti. Sāpi padumuttarabuddhakāle haṃsavatiyam kulagehe nibbattā aparabhāge satthu dhammakatham suṇantī sathāram ekam upāsikam paṭhamam saraṇam gacchantīnam aggaṭṭhāne ṭhapatam disvā adhikāram katvā tam ṭhānantaram patthesi. Sā kappasatasahassam devamanussesu saṃsaritvā amhākam satthu nibbattito puretameva

uruvelāyaṃ senānigame seniyakuṭumbikassa gehe nibbattivā vayappattā ekasmiṃ nigrodhamūle patthanam akāsi – “sace samajātikaṃ kulagharam gantvā paṭhamagabbhe puttam labhissāmi, anusamvaccharam balikammaṃ karissāmi”ti. Tassā sā patthanā samijjhi.

Sā mahāsattassa dukkarakārikaṃ karontassa chaṭṭhe vasse paripuṇṇe visākhapuṇṇamadivase “pātova balikammaṃ karissāmi”ti rattiyā paccūsasamayam paccuṭṭhāya dhenuyo duhāpesi. Vacchakā dhenūnam thanamūlam na āgamaṃsu, thanamūle navabhājanamhi upanītamatte attanova dhammatāya khīradhārā patimsu. Tam acchariyam disvā, sujātā, sahattheneva khīram gaṇhitvā navabhājane pakkhipitvā sahattheneva aggiṃ katvā pacitum ārabhi. Tasmim pāyāse paccamāne mahantamahantā bubbulā uṭṭhahitvā dakkhiṇāvattā hutvā sañcaranti, ekaphusitampi bahi na niggacchati. Mahābrahmā chattam dhāresi, cattāro lokapālā khaggahatthā ārakkham gaṇhimsu, sakko alātāni samānento aggiṃ jālesi. Devatā catūsu dīpesu ojam saṃharitvā tattha pakkhipimsu. Sujātā, ekadivaseyeva imāni acchariyāni disvā puṇṇādāsīm āmantesi – “amma, puṇṇe ajja amhākaṃ devatā ativiya pasannā, mayā ettakaṃ kālam evarūpaṃ acchariyam nāma na diṭṭhapubbam, vegena gantvā devaṭṭhānam paṭijaggāhī”ti. Sā “sādhu, ayye”ti tassā vacanam sampaṭicchitvā turitaturitā rukkhamūlam agamāsi.

Bodhisattopi kho bhikkhācārakālam āgamayamāno pātova gantvā rukkhamūle nisīdi. Rukkhamūlam sodhanatthāya gatā puṇṇā āgantvā sujātāya ārocesi – “devatā rukkhamūle nisinnā”ti. Sujātā, “sace je saccam bhaṇasi, adāsīm karomī”ti vatvā sabbapasādhanam pasādhetvā satahassagghanake suvaṇṇathāle pāyāsam vaḍḍhetvā aparāya suvaṇṇapātiyā pidahitvā setavatthena sampalivethetvā samantā gandhadāmamālādāmāni osāretvā ukkhipitvā gantvā mahāpurisam disvā balavapītiṃ uppādetvā diṭṭhatṭhānato paṭṭhāya oṇatoṇatā gantvā sīsato thālam otāretvā vivarivā saheva pātiyā pāyāsam mahāpurisassa hatthe ṭhapetvā vanditvā “yathā mayham manoratho nipphanno, evam tumhākampī nipphajjatū”ti vatvā pakkāmi. Bodhisatto nerañjarāya nadiyā tīram gantvā suvaṇṇathālam tīre ṭhapetvā nhatvā paccuttarivā ekūnapaṇṇāsa piṇḍe karonto pāyāsam paribhuñjitvā suvaṇṇapātiṃ nadiyā sampavāhetvā anukkamena bodhimaṇḍam āruya sabbaññutam patvā sattasattāham bodhimaṇḍe atikkamitvā isipatane migadāye pavattitavaradhammacakko sujātāya puttassa yasadārakassa upanissayam disvā gantvā aññatarasmim rukkhamūle nisīdi.

Yasopi kulaputto rattibhāgasamanantare vivaṭam itthāgāram disvā sañjātasamvego “upaddutam vata, bho, upasattham vata, bho”ti vatvā nivesanato nikkhamitvāva bahinagare satthu santikaṃ gantvā dhammadesanam sutvā tīni maggaphalāni paṭivijjhi. Athassa pitā padānupadikaṃ gantvā bhagavantam upasaṅkamtivā yasassa pavattiṃ pucchi. Sathā yasam kulaputtam paṭicchādetvā dhammam desesi. Desanāpariyosāne so seṭṭhigahapati sotāpattiphale paṭiṭṭhāsi, yaso arahattaphalam pāpuṇi. Tam bhagavā “ehi bhikkhū”ti āha, tāvadevassa gihilingam antaradhāyi, iddhimayapattacīvaradharo ahosi. Pitāpissa sathāram nimantesi. Sathā yasam kulaputtam pacchāsamaṇam katvā tassa gharam gantvā katabhattakicco dhammam desesi, desanāpariyosāne yasassa mātā, sujātā, purāṇadutiyikā ca sotāpattiphale paṭiṭṭhahimsu. Tamdivasam ayam, sujātā, tevācikasaraṇe paṭiṭṭhāsi saddhim suṇisāya. Ayamettha saṅkhepo, vitthārato panetam vatthu khandhake (mahāva. 25-28) āgatameva. Sathā aparabhāge paṭipātiyā upāsikāyo ṭhānantaresu ṭhapento imam upāsikaṃ paṭhamam saraṇam gacchantīnam aggaṭṭhāne ṭhapesīti.

### Visākhāvatthu

**259.** Dutīye **dāyikānanti** dānābhīratānam upāsikānam, visākhā migāramātā, aggāti dasseti. Sā kira padumuttarabuddhakāle haṃsavatiyam kulagehe nibbattā aparabhāge satthu dhammadesanam suṇantī sathāram ekam upāsikaṃ dāyikānam aggaṭṭhāne ṭhapentam disvā adhikārakammaṃ katvā tam ṭhānantaram patthesi. Sā kappasatasahassam devamanussesu saṃsaritvā kassapabuddhakāle kikissa kāsirañño gehe sattannaṃ bhaginīnam sabbakaniṭṭhā hutvā nibbatti. Tadā kira –

“Samaṇī samaṇaguttā ca, bhikkhunī bhikkhudāyikā;

Dhammā ceva sudhammā ca, saṅghadāsī ca sattamā’’ti.

Imā satta bhaginiyo ahesuṃ. Tā etarahi –

‘‘Khemā uppalavaṇṇā ca, paṭācārā ca gotamī;  
Dhammadinnā mahāmāyā, visākhā ceva sattamī’’ti. –

Evamnamā hutvā nibbattā. Tatrāyaṃ saṅghadāsī ekaṃ buddhantaraṃ devamanussesu saṃsaritvā imasmiṃ buddhuppāde aṅgaraṭṭhe bhaddiyanagare meṇḍakaseṭṭhiputtassa dhanañcayaseṭṭhino aggamahesiyā sumanadeviyā nāma kucchismiṃ nibbatti, **visākhā**tissā nāmaṃ akaṃsu. Tassā sattavassikakāle dasabalo selabrāhmaṇassa ca aññesañca bodhaneyyabandhavānaṃ upanissayasampattiṃ disvā mahābhikkhusaṅghaparivāro cārikaṃ caramāno tasmīṃ raṭṭhe taṃ nagaraṃ pāpuṇi.

Tasmiṃca samaye meṇḍako gahapati tasmīṃ nagare pañcamaṃ mahāpuññānaṃ jeṭṭhako hutvā seṭṭhiṭṭhānaṃ kāresi. **Pañca mahāpuññā** nāma meṇḍako seṭṭhi, candapadumā nāma tasseva aggamahesī, tassa ca putto dhanañcayo nāma, tassa bhariyā sumanadevī nāma, meṇḍakaseṭṭhissa dāso puṇṇo nāmāti. Na kevalaṅca meṇḍakaseṭṭhiyeva, bimbisāramahārājassa pana āṇāpavattiṭṭhāne **pañca amitabhogā** nāma ahesuṃ jotiko jaṭilo meṇḍako puṇṇo kākavaliyoti. Tesu ayaṃ meṇḍakaseṭṭhi dasabalassa attano nagaraṃ sampattabhāvaṃ sutvā puttassa dhanañcayaseṭṭhino dhītaraṃ visākhādārikaṃ pakkosivā evamāha – ‘‘amma, tuyhampi maṅgalaṃ amhākampi maṅgalaṃ, tava paricārikāhi pañcadārikāsatehi saddhiṃ pañca rathasatāni āruya pañcahi dāsīsatehi parivutā dasabalassa paccuggamaṃ karohī’’ti. Sā pitāmahassa vacanaṃ sutvā tathā akāsi. Kāraṇākāraṇesu pana kusalattā yāvaticā yānassa bhūmi, yānena gantvā yānā paccorohitvā pattikāva satthāraṃ upasankamitvā vanditvā ekamantaṃ aṭṭhāsi. Athassā caritavasena satthā dhammaṃ desesi. Desanāpariyosāne pañcahi dārikāsatehi saddhiṃ sotāpattiṭṭhale patiṭṭhāsi. Meṇḍakaseṭṭhipi kho satthu santikaṃ gantvā satthāraṃ vanditvā ekamantaṃ aṭṭhāsi. Atha satthā tassapi caritavasena dhammaṃ desesi. So desanāpariyosāne sotāpattiṭṭhale patiṭṭhāya satthāraṃ svātanāya nimantetvā punadivase attano nivesane paṇītena khādanīyena bhojanīyena buddhappamukhaṃ bhikkhusaṅghaṃ parivisitvā etenupāyena aḍḍhamāsaṃ mahādānaṃ adāsi. Satthā bhaddiyanagare yathābhirantaṃ viharitvā pakkāmi.

Ito paraṃ aññaṃ kathāmaggaṃ vissajjetvā visākhāya uppattikathāva kathetabbā. Sāvattiyañhi kosalarājā bimbisārassa santikaṃ pesesi – ‘‘mama āṇāpavattiṭṭhāne amitabhogavindanakulaṃ nāma natthi, amhākaṃ amitabhogavindanakulaṃ pesetū’’ti. Rājā amaccehi saddhiṃ mantesi. Amaccā ‘‘mahākulaṃ pesetuṃ na sakkā, ekaṃ pana seṭṭhiputtaṃ pesessāmā’’ti meṇḍakaseṭṭhino puttaṃ dhanañcayaseṭṭhiṃ āyaciṃsu. Rājā tesam vacanaṃ sutvā taṃ pesesi. Atha naṃ kosalarājā sāvattithito sattayojanamattake sāketanagare seṭṭhiṭṭhānaṃ datvā vāsesi.

Sāvattiyañca migāraseṭṭhino putto puṇṇavaḍḍhanakumāro nāma vayappatto ahoṣi. Athassa pitā ‘‘putto me vayappatto, gharāvāsenassa ābandhanasamayo’’ti ñatvā ‘‘amhākaṃ samānajātike kule dārikaṃ pariyesathā’’ti kāraṇākāraṇakusale purise pesesi. Te sāvattiyaṃ attano rucitaṃ dārikaṃ adisvā sāketam agamaṃsu. Taṃdivasañca, visākhā, attano samānavayehi pañcahi kumārikāsatehi parivāritā nakkhattakīḷanattāya ekaṃ mahāgāmaṃ agamāsi. Tepi purisā antonagare caritvā attano rucitaṃ dārikaṃ adisvā bahinagaradvāre aṭṭhaṃsu. Tasmīṃ samaye devo vassituṃ ārabhi. Atha tā visākhāya saddhiṃ nikkhantā dārikā temanabhayena vegena sālaṃ pavasiṃsu. Te purisā tāsampi antare yathārucitaṃ dārikaṃ na passīsu. Tāsaṃ pana sabbapacchato, visākhā, devaṃ vassantampi agaṇetvā aturitagamanena temayamānāva sālaṃ pāvisi. Te purisā taṃ disvā cintayīsu – ‘‘rūpavatī tāva kaññā etaparamā bhaveyya, rūpaṃ panetaṃ ekaccāya kāritapattaṃ viya hoti, kathaṃ samuṭṭhāpetvā kathentā jānissāma madhuravacanā vā no vā’’ti. Tato naṃ āhaṃsu – ‘‘ativiya pariṇatavayā itthī viya yāsi, ammā’’ti. Kiṃ disvā kathetha, tātāti? Aññaṃ tayā saddhiṃ kīḷanakumāriyo temanabhayena vegena āgantvā sālaṃ pavitṭhā, tvaṃ pana mahallikā viya padavāraṃ atikkamma nāgacchasi, sātakassa



temanabhāvampi na gaṇesi. Sace taṃ hatthī vā asso vā anubandheyya, kiṃ evamevaṃ kareyyāsīti? Tātā, sātakā nāma na dullabhā, sulabhā mayhaṃ kule sātakā. Vayappattā mātugāmā pana paṇiyabhaṇḍasadisā, hatthe vā pāde vā bhagge aṅgavikalaṃ mātugāmaṃ jigucchantā niṭṭhubhitvā gacchanti, tasmā saṅikaṃ āgatāmhīti.

Te cintayīṃsu – “imāya sadisā imasmim jambudīpe itthī nāma natthi, yādisā rūpena, kathāyapi tādisāva. Kāraṇākāraṇaṃ ñatvā katheti” ti tassā upari mālāguḷaṃ khipiṃsu. Atha, visākhā, cintesi – “ahaṃ pubbe apariggahitā, idāni pana pariggahitāmhī” ti vinītenākārena bhūmiyaṃ nisīdi. Atha naṃ tattheva sāṇiyā parikkhipiṃsu. Sā paṭicchannabhāvaṃ ñatvā dāsigaṇaparivutā gehaṃ agamāsi. Tepi migāraseṭṭhino purisā tāya saddhimyeva dhanañcayaseṭṭhissa santikaṃ agamaṃsu. “Kataragāmaवासिनो, tātā, tumhe” ti pucchitā “sāvattinagare migāraseṭṭhino purisamhā” ti vatvā “mayam amhākaṃ seṭṭhinā tumhākaṃ gehe vayappattā dārikā atthīti sutvā pesitā” ti. Sādhu, tātā, tumhākaṃ seṭṭhi kiñcāpi bhogena amhehi asadiso, jātiyā pana sadiso. Sabbākārasampanno nāma dullabho gacchatha tumhe seṭṭhissa amhehi sampaṭicchitabhāvaṃ ārocethāti.

Te tassa vacanaṃ sutvā sāvattim gantvā migāraseṭṭhissa tuṭṭhim vaḍḍhim ca pavedetvā “laddhā no sāmī sākete dhanañcayaseṭṭhissa gehe dārikā” ti āhaṃsu. Taṃ sutvā migāraseṭṭhi “mahākulagehe kira no dārikā laddhā” ti tuṭṭhamānaso hutvā tāvadeva dhanañcayaseṭṭhissa sāsanaṃ paṇiṇi “idāneva dārikaṃ ānayissāma, kattabbakiccaṃ karontū” ti. Sopissa paṭisāsanaṃ pesesi – “nayidaṃ amhākaṃ bhāriyaṃ, seṭṭhi pana attano kattabbakiccaṃ karontū” ti. So kosalarañño santikaṃ gantvā ārocesi – “deva, ekā me maṅgalakiriya atthi, dāsassa te puṇṇavaḍḍhanassa dhanañcayaseṭṭhino dhītaraṃ visākhāṃ nāma dārikaṃ ānessāmi, sāketagamaṃ me anujānāthā” ti. Sādhu, mahāseṭṭhi, kiṃ pana amhehipi āgantabbanti? Deva tumhādisānaṃ gamanaṃ laddhuṃ sakkāti? Rājā mahākulassa saṅghaṃ kātukāmo “hotu seṭṭhi, āgamissāmi” ti sampaṭicchitvā migāraseṭṭhinā saddhim sāketanagaraṃ agamāsi. Dhanañcayaseṭṭhi “migāraseṭṭhi kira kosalarājānaṃ gahetvā āgato” ti sutvā paccuggamaṃ katvā rājānaṃ gahetvā attano nivesanaṃ agamāsi. Tāvadeva rañño ca rājabalassa ca migāraseṭṭhino ca vasanaṭṭhānaṃ ceva mālāgandhabhattādīni ca sabbāni paṭiyādesi. “Idaṃ imassa laddhuṃ vaṭṭati, idaṃ imassā” ti sabbaṃ attanāva jānāti. Te te janā cintayīṃsu – “seṭṭhi amhākameva sakkāraṃ karontū” ti.

Athekadivasam rājā dhanañcayaseṭṭhissa sāsanaṃ paṇiṇi “na sakkā seṭṭhinā cirakālaṃ amhākaṃ bharaṇaposaṃ kātum, dārikāya gamanakālaṃ jānātū” ti. Sopi rañño sāsanaṃ pesesi – “idāni vassakālo āgato, na sakkā catumāsaṃ vicarituṃ, tumhākaṃ balakāyassa yaṃ yaṃ laddhuṃ vaṭṭati, sabbaṃ taṃ mama bhāro. Kevalaṃ devo mayā pesitakāle gacchatū” ti. Tato paṭṭhāya sāketanagaraṃ niccanakkhattagāmo viya ahoṣi. Evaṃ tayo māsā atikkantā. Dhanañcayaseṭṭhino pana dhītāya mahālatāpasādhanam na tāva niṭṭham gacchati. Athassa kammantādhiṭṭhāyakā āgantvā ārocayīṃsu – “sesaṃ asantaṃ nāma natthi, balakāyassa pana bhattapacanaḍārūni nappahontī” ti. “Gacchatha, tātā, hatthisālā assasālā viyojetvā bhattaṃ pacathā” ti. Evaṃ pacantānampi aḍḍhamāso atikkanto. Tato puna ārocayīṃsu – “dārūni sāmī nappahontī” ti. “Tātā, imasmim kāle dārūni laddhuṃ na sakkā, dussakoṭṭhāgāraṃ pana vivarivā thūlasātake gahetvā vaṭṭiyo katvā telacāṭiyaṃ temetvā bhattaṃ pacathā” ti. Iminā niyāmena pacantānaṃ cattāro māsā pūrayīṃsu.

Tato dhanañcayaseṭṭhi dhītuyā mahālatāpasādhanassa niṭṭhitabhāvaṃ ñatvā “sve dārikaṃ pesessāmi” ti dhītaraṃ samīpe nisīdāpetvā “amma patikule vasantiyā nāma imañcīmañca ācāraṃ sikkhituṃ vaṭṭati” ti ovādaṃ adāsi. Ayaṃ migāraseṭṭhi anantaragabbhe nisinna dhanañcayaseṭṭhino ovādaṃ assosi. Sopi seṭṭhi dhītaraṃ evaṃ ovadi –

“Amma sasurakule vasantiyā nāma antoaggi bahi na nīharitabbo, bahiaggi anto na pavesetabbo, dadantasseva dātappaṃ, adadantassa na dātappaṃ, dadantassapi adadantassapi dātappaṃ, sukhaṃ nisīditappaṃ, sukhaṃ paribhuñjitappaṃ, sukhaṃ nipajjitappaṃ, aggi paricaritabbo, antodevatā namassitabbā” ti.

Imaṃ dasavidhaṃ ovādaṃ datvā punadivase sabbā seniyo sannipātetvā rājasenāya majjhe aṭṭha kuṭumbike pāṭibhoge gahetvā “sace me dhītu gataṭṭhāne doso uppajjati, tumhehi sodhetabbo”ti vatvā navakoṭiagghanakena mahālatāpasādhanena dhītarāṃ pasādhetvā nhānacunṇamūlaṃ catupaṇṇāsasakaṭasataṃ dhanāṃ datvā dhītāya saddhiṃ nibaddhaṃ gamanacāriniyo pañcasatā dāsiyo pañca ājaññarathasatāni sabbūpakārañca satāṃ satāṃ datvā kosalarājānañca migāraseṭṭhiñca, vissajjetvā dhītu gamanavelāyaṃ vajādhiṭṭhāyake purise pakkosāpetvā, “tātā, mama dhītāya gataṭṭhāne khīrapānatthaṃ dhenūhi, yānayojanatthaṃ usabhehi ca attho hoti, tasmā mama dhītu gamanamagge vajadvāraṃ vivaritvā puthulato aṭṭha usabhāni gogaṇena pūretvā tigāvutamattake asukā nāma kandarā atthi, aggagoyūthe taṃ ṭhānaṃ patte bherisaññāya vajadvāraṃ pidaheyyāthā”ti. Te “sādhū”ti seṭṭhissa vacanaṃ sampaṭicchitvā tathā akaṃsu. Vajadvāre vivate ulāruḷārāyeva gāviyo nikkhamiṃsu. Dvāre pidahite pana visākhāya puññabalena balavagāvo ca dammagāvo ca bahi laṅghitvā maggaṃ paṭipajjiṃsu. Atha, visākhā, sāvatthinagaradvāraṃ pattakāle cintesi – “paṭicchannayānasmim nu kho nisīditvā pavisiṃmi, udāhu rathe ṭhatvā”ti. Athassā etadahosi – “paṭicchannayānena me pavisantiyā mahālatāpasādhanassa viseso na paññāyissati”ti. Sā sakalanagarassa attānaṃ dassenti rathe ṭhatvā nagaraṃ pāvisi. Sāvattivāsino visākhāya sampattiṃ disvā “esā kira, visākhā, nāma evarūpā, ayañca sampatti etissāva anucchavikā”ti āhaṃsu. Iti sā mahāsampattiyā migāraseṭṭhino gehaṃ pāvisi. Āgatadivase cassā sakalanagaravāsino “amhākaṃ, dhanañcayaseṭṭhi, attano nagaraṃ sampattānaṃ mahāsakkāraṃ akāsi”ti yathābalaṃ paṇṇākāraṃ pahiṇiṃsu. Visākhā, pahitapahitaṃ paṇṇākāraṃ tasmimyeva nagare aññamaññesu kulesu sabbatthakameva dāpesi. Athassā rattibhāgasamanantare ekissā ājaññavaḷavāya gabbhavuṭṭhānaṃ ahosi. Sā dāsīhi daṇḍadīpikā gāhāpetvā tattha gantvā vaḷavaṃ uṇhodakena nhāpetvā telena makkhāpetvā attano vasanaṭṭhānameva agamāsi.

Migāraseṭṭhipi sattāhaṃ puttassa āvāhasakkāraṃ karonto dhuravihāre vasantampi tathāgataṃ amanasikatvā sattame divase sakalanivesanaṃ pūrento naggasamaṇake nisīdāpetvā “āgacchatu me dhītā, arahante vandatū”ti visākhāya sāsanaṃ pahiṇi. Sā “arahantā”ti vacanaṃ sutvā sotāpannā ariyasāvikā haṭṭhatuṭṭhā hutvā tesāṃ nisinnaṭṭhānaṃ gantvā te oloketvā “na evarūpā nāma arahantā honti, hirottappavivajjitānaṃ nāma santikaṃ kasmā maṃ sasuro pakkosāpeti”ti “dhī, dhī”ti garahitvā attano vasanaṭṭhānameva gatā. Naggasamaṇā taṃ disvā sabbe ekappahārenea seṭṭhiṃ garahiṃsu – “kiṃ tvam, gahapati, aññaṃ nālattha, samaṇassa gotamassa sāvikaṃ mahākāḷakaṇṇim kasmā imaṃ gehaṃ pavesesi, vegena naṃ imasmā gehā nīharāhi”ti. Tato seṭṭhi “na sakkā mayā imesaṃ vacanena imaṃ gehā nīharitum, mahākulassa dhītā aya”nti cintetvā – “ācariyā daharā nāma jānitvā vā ajānitvā vā kareyyum, tumhe tuṇhī hothā”ti nagge uyyojetvā mahāpallaṅke nisīdāpetvā suvaṇṇakaṭacchum gahetvā visākhāya parivisiyamāno suvaṇṇapātiyaṃ appodakamadhupāyāsaṃ paribhuñji.

Tasmim samaye eko piṇḍacāriko thero piṇḍāya caranto seṭṭhissa gharadvāraṃ pāpuṇi. Visākhā, taṃ disvā “sasurassa ācikkhitum na yutta”nti yathā so therāṃ passati, evaṃ apagantvā aṭṭhāsi. So pana bālo therāṃ disvāpi apassanto viya hutvā adhomukho pāyāsameva bhūñjati. Visākhā, “therāṃ disvāpi me sasuro saññaṃ na karotī”ti ṇatvā therāṃ upasaṅkamitvā “aticchatha, bhante, mayhaṃ sasuro purāṇaṃ khādatī”ti āha. So nigaṇṭhehi tāva kathitakāle addivāsesi, “purāṇaṃ khādatī”ti vuttakkhaṇeyeva pana hatthaṃ apānetvā “imaṃ pāyāsaṃ ito haratha, etañca imasmā gehā nīharatha. Ayañhi maṃ evarūpe maṅgalagehe asucikhādakaṃ nāma karotī”ti āha. Tasmim kho pana nivesane sabbepi dāsakammakarā visākhāya santakāva, ko naṃ hatthe vā pāde vā gaṇhissati, mukhena kathetum samatthopi nāma natthi. Tato, visākhā, sasurassa kathaṃ sutvā āha – “tātā, na ettakena vacanena mayhaṃ nikkhamāma, nāhaṃ tumhehi udakatitthato kumbhadāsikā viya ānītā. Dharamānakamātāpitūnaṃ dhītarō nāma na ettakena nikkhamanti, eteneva me kāraṇena pitā idhāgamānadivase aṭṭha kuṭumbike pakkosāpetvā ‘sace me dhītarāṃ upādāya doso uppajjati, sodheyyāthā’ti vatvā tesāṃ hatthe ṭhapesi. Te pakkosāpetvā mayhaṃ dosādosāṃ sodhāpethā”ti.

Tato seṭṭhi “kalyāṇaṃ esā kathetī”ti aṭṭha kuṭumbike pakkosāpetvā “ayaṃ dārikā sattame divase aparipuṇṇeyeva maṅgalagehe nisinnaṃ maṃ ‘asucikhādako’ti vadatī”ti āha. Evaṃ kira, ammāti?  
“Tātā, mayhaṃ sasuro asuciṃ khādītukāmo bhavissati, ahaṃ pana evaṃ katvā na kathemi. Ekasmim

pana piṇḍapātikatthere gharadvāre ṭhite ayaṃ appodakamadhupāyāsaṃ bhuñjanto na taṃ manasi karoti, ahaṃ iminā kāraṇena ‘aticchatha, bhante, mayhaṃ sasuro imasmiṃ attabhāve puññaṃ na karoti, purāṇapuññaṃ khādati’ ti ettakaṃ kathayinti āha. Ayya, idha doso natthi, amhākaṃ dhītā kāraṇaṃ katheti, tvaṃ kasmā kujjhasīti? Ayyā, esa tāva doso mā hotu, ayaṃ pana dārikā āgatadivaseyeva mama putte saññaṃ akatvā attano icchitaṭṭhānaṃ agamāsīti. Evaṃ kira, ammāti? Tātā, nāhaṃ icchitaṭṭhānaṃ gacchāmi, imasmiṃ pana gehe ājānīyavaḷavāya vijātāya saññaṃpi akatvā nisīdanaṃ nāma ayuttanti daṇḍadīpikā gāhāpetvā dāsīhi parivutā tattha gantvā vaḷavāya vijātaparihāraṃ kārāpesinti. Ayya, amhākaṃ dhītā tava gehe dāsīhi akattabbakammaṃ akāsi, tvaṃ ettha kiṃ dosaṃ passasīti?

Ayyā, esa tāva guṇo hotu, imissā pana pitā idhāgamanadivase ovādaṃ dento “**antoaggi bahi na nīharitabbo**” ti āha, kiṃ pana sakkā amhehi ubhato paṭivissakagehānaṃ aggim adavā vasitunti? Evaṃ kira, ammāti? Tātā, na mayhaṃ pitā etaṃ aggim upādāya kathesi, yā pana antonivesane sassuādīnaṃ rahassakathā uppajjati, sā dāsīdāsānaṃ na kathetabbā. Evarūpā hi kathā vaḍḍhamānā kalahāya saṃvattati, idaṃ sandhāya mayhaṃ pitā kathesi, tātāti.

Ayyā, etaṃ tāva evaṃ hotu, imissā pitā “**bāhirato aggim na anto pavesetabbo**” ti āha, kiṃ sakkā amhehi antoaggimhi nibbute bāhirato aggim anāharitunti? Evaṃ kira, ammāti? Tātā, mayhaṃ pitā etaṃ aggim sandhāya na kathesi, yaṃ pana dosaṃ dāsakammakārehi kathitaṃ hoti, taṃ antomānusakānaṃ na kathetabbā...pe....

Yampi tena “**ye dadanti, tesamyeva dātabba**” nti vuttaṃ, taṃ “yācitakaṃ upakaraṇaṃ gahetvā ye paṭidadanti, tesamyeva dātabba” nti sandhāya vuttaṃ.

“**Ye na dadanti**” ti idampi yācitakaṃ upakaraṇaṃ gahetvā ye na paṭidadanti, tesam na dātabbanti sandhāya vuttaṃ.

“**Dadantassapi adadantassapi dātabba**” nti, idaṃ pana duggatesu ñātimittesu sampattesu paṭidātuṃ sakkontu vā mā vā, dātumeva vaṭṭatīti sandhāya vuttaṃ.

“**Sukhaṃ nisīditabba**” nti idampi sassusasure disvā uṭṭhātabbaṭṭhāne nisīdituṃ na vaṭṭatīti sandhāya vuttaṃ.

“**Sukhaṃ bhuñjitabba**” nti idaṃ pana sassusurasāmikehi puretaraṃ abhuñjitvā te parivisitvā sabbehi laddhāladdhaṃ ñatvā pacchā sayam bhuñjituṃ vaṭṭatīti sandhāya vuttaṃ.

“**Sukhaṃ nipajjitabba**” nti idampi sassusurasāmikehi puretameva sayanaṃ āruya na nipajjitabbaṃ, tesam kattabbayuttakaṃ vattapaṭivattaṃ katvā pacchā sayam nipajjituṃ yuttanti idaṃ sandhāya vuttaṃ.

“**Aggi paricaritabbo**” ti idaṃ pana sassumpi sasurampi sāmikampi aggikkhandhaṃ viya uragarājānaṃ viya ca katvā passituṃ vaṭṭatīti idaṃ sandhāya vuttanti.

Ete tāva ettakā guṇā hontu, imissā pana pitā **antodevatā namassāpeti**, imassa ko atthoti? Evaṃ kira, ammāti? Āma, tātā, etaṃpi hi me pitarā idaṃ sandhāya vuttaṃ – “āveṇikagharāvāsaṃ vasanakālato paṭṭhāya attano gharadvāraṃ sampattapabbajitaṃ disvā yaṃ ghare khādanīyaṃ bhojanīyaṃ atthi, tato pabbajitānaṃ datvāva khādītuṃ vaṭṭatī” ti. Atha naṃ te āhaṃsu – “tuyhaṃ pana mahāseṭṭhi pabbajite disvā adānameva rucati maññeti. So aññaṃ paṭivacanaṃ apassanto adhomukho nisīdi”.

Atha naṃ kuṭumbikā “kiṃ seṭṭhi aññopi amhākaṃ dhītu doso atthi” ti pucchīṃsu. Natthi, ayyāti. Kasmā pana naṃ niddosaṃ akāraṇā gehato nīharāpesīti? Tasmim khāṇe, visākhā, āha – “paṭhamam

tāva mayhaṃ mama sasurassa vacanena gamanaṃ na yuttaṃ, mayhaṃ pana āgamanadivase mama dosādosam sodhanatthāya mama pitā tumhākaṃ hatthe ṭhapetvā adāsi, idāni mayhaṃ gantaṃ sukha’nti dāsīdāse “yānādīni sajjāni karoṭhā”ti āṇāpesi. Atha naṃ seṭṭhi te kuṭumbike gahetvā, “amma, mayā aṅānitvā kathitaṃ, khamāhi mayha’nti āha. “Tātā, tumhākaṃ khamitabbaṃ tāva khamāmi, ahaṃ pana buddhasāsane aveccappasannassa kulassa dhītā, na mayaṃ vinā bhikkhusaṅghena vattāma. Sace mama ruciyā bhikkhusaṅghaṃ paṭijaggitaṃ labhāmi, vasissāmi”ti. “Amma, tvaṃ yathāruciyā tava samaṇe paṭijaggāhi”ti.

Tato, visākhā, dasabalaṃ nimantāpetvā punadivase nivesanaṃ pūrentī buddhappamukhaṃ bhikkhusaṅghaṃ nisīdāpesi. Naggaparisāpi satthu migāraseṭṭhino gehaṃ gatabhāvaṃ sutvā tattha gantvā gehaṃ parivāretvā nisīdimṃsu. Visākhā, dakkhiṇodakaṃ datvā “sabbo sakkāro paṭiyādito, sasuro me āgantvā dasabalaṃ parivisatū”ti sāsanaṃ pesesi. So nigaṇṭhānaṃ vacanaṃ sutvā “mama dhītā sammāsambuddhaṃ parivisatū”ti āha. Visākhā, nānaggarasehi dasabalaṃ parivisitvā niṭṭhite bhattakicce puna sāsanaṃ paḥiṇi – “sasuro me āgantvā dasabalassa dhammakathaṃ suṇātū”ti. Atha naṃ “idāni agamanaṃ nāma ativiya akāraṇa”nti dhammakathaṃ sotukamyatāya gacchantaṃ naggasamaṇā āhaṃsu – “samaṇassa gotamassa dhammaṃ suṇanto bahisāṇiyaṃ nisīditvā suṇāhi”ti. Puretameva ca gantvā sāṇiyaṃ parikkhipimṃsu. Migāraseṭṭhi gantvā bahisāṇiyaṃ nisīdi. Tathāgato “tvaṃ bahisāṇiyaṃ vā nisīda, parakuṭṭe vā parasele vā paracakkavāle vā nisīda. Ahaṃ buddho nāma sakkomi taṃ mama saddaṃ sāvetu”nti suvaṇṇavaṇṇaphalaṃ ambarukkhaṃ khandhe gahetvā cāleno viya dhammakathaṃ kathesi, desanāpariyosāne seṭṭhi sotāpattiphale patiṭṭhāya sāṇiṃ ukkhipitvā satthu pāde pañcapatiṭṭhitena vanditvā satthu santikeyeva ca “tvaṃ, amma, aṅā ādim katvā mama mātā”ti visākhāṃ attano mātutṭhāne ṭhapesi. Tato paṭṭhāya, visākhā **migāramātā**, nāma jātā.

Sā ekadivasaṃ nakkhattasamaye vattante “antonagare guṇo natthi”ti dāsīhi parivutā satthu dhammakathaṃ sotaṃ gacchantī “buddhānaṃ santikaṃ uddhatavesena gantaṃ ayutta”nti mahālatāpasādhanam omuñcitvā dāsīyā hatthe datvā satthāraṃ upasaṅkamtivā abhivādetvā ekamantaṃ nisīdi, satthā dhammakathaṃ kathesi. Sā dhammadesanāpariyosāne dasabalaṃ vanditvā nagarābhimukhā pāyāsi. Sāpi dāsī attanā gahitapasādhanassa ṭhapitaṭṭhānaṃ asallakkhetvā gacchantī pasādhanatthāya paṭinivatti. Atha naṃ, visākhā, “kahaṃ pana te taṃ ṭhapita”nti paṭipucchi. Gandhakuṭipariveṇe, ayyeti. Hotu je gantvā āhara, gandhakuṭipariveṇe ṭhapitakālato paṭṭhāya āharāpanaṃ nāma amhākaṃ ayuttaṃ. Tasmā taṃ vissajjtvā daṇḍakammaṃ karissāma. Tattha pana ṭhapite ayyānaṃ palibodho hotīti.

Punadivase satthā bhikkhusaṅghaparivāro visākhāya nivesanadvāraṃ sampāpuṇi. Nivesane ca nibaddhapaññattāni āsanāni. Visākhā, satthu pattaṃ gaṇhitvā satthāraṃ gehaṃ pavesetvā paññattāsanesuyeva nisīdāpetvā katabhattakicce satthari taṃ pasādhanam āharitvā satthu pādāmūle nikkhipitvā “idaṃ, bhante, tumhākaṃ dammi”ti āha. Satthā “alaṅkāro nāma pabbajitānaṃ na vaṭṭati”ti paṭikkhipi. Jānāmi, bhante, ahaṃ pana imaṃ agghāpetvā dhanam gahetvā tumhākaṃ vasanagandhakuṭiṃ kāressāmi. Tadā satthā adhvāsesi. Sāpi taṃ agghāpetvā navakoṭṭidhanam gahetvā gabbhasahassapaṭimaṇḍite pubbārāmahāre tathāgatassa vasanagandhakuṭiṃ kāresi. Visākhāya pana nivesanaṃ pubbaṇhasamaye kāsāvapajjotaṃ isivātaṭṭhānaṃ hoti anāthapaṇḍikassa gehaṃ viya. Tassāpi gehe sabbabhattāni paṭiyattāneva ahesuṃ. Sā pubbaṇhasamaye bhikkhusaṅghassa āmisasaṅghaṃ katvā pacchābhatte bhesajjāni ceva aṭṭhavidhapānāni ca gaṇhāpetvā vihāraṃ gantvā bhikkhusaṅghassa datvā pacchā satthu dhammadesanaṃ sutvā āgacchati. Satthā aparabhāge upāsikāyo paṭipāṭiyā ṭhānantaresu ṭhapento visākhāṃ migāramātaraṃ dāyikānaṃ aggaṭṭhāne ṭhapesīti.

### Khujjuttarā-sāmāvatīvattu

**260-261.** Tatiyacatutthesu **bahussutānaṃ yadidaṃ, khujjuttarā, mettāvihārīnaṃ yadidaṃ, sāmāvatīti** bahussutānaṃ upāsikānaṃ khujjuttarā, mettāvihārīnaṃ sāmāvatī aggāti dasseti. Tā kira dvepi padumuttarabuddhakāle haṃsavatiyaṃ kulagehe paṭisandhiṃ gaṇhitvā aparabhāge “satthu

dhammakathaṃ sossāmā”ti vihāraṃ agamaṃsu. Tattha, khujjuttarā, satthāraṃ ekaṃ upāsikaṃ bahussutānaṃ aggaṭṭhāne ṭhapentaṃ disvā adhikāraṃkatvā taṃ ṭhānantaraṃ patthesi. Sāmāvatīpi ekaṃ upāsikaṃ mettāvihārīnaṃ aggaṭṭhāne ṭhapentaṃ disvā adhikāraṃkatvā taṃ ṭhānantaraṃ patthesi. Tāsaṃ dvinnampi yāvajīvaṃ kusalaṃ katvā devaloke nibbattitvā devamanussesu saṃsaraṇānaṃyeva kappasatasahassaṃ atikkantaṃ.

Atha amhākaṃ satthu nibbattito puretameva allakappaṭṭhe ahivātakarogo nāma udapādi. Ekekasmim gehe ekappahāreṇeva dasapi vīsampi tiṃsampi janā maranti, tiroraṭṭhaṃ gatā pana jīvitam labhanti. Taṃ ñatvā eko puriso attano puttadāraṃ ādāya “aññaṃ raṭṭhaṃ gamissāmī”ti tato nikkhami. Athassa ghare gahitapātheyyaṃ antarāmagge kantāre anuttinṇeyeva parikkhayaṃ agamāsi. Tesam sarābalaṃ parihāyi, sakiṃ mātā puttaṃ ukkhipati, sakiṃ pitā. Athassa pitā cintesi – “amhākaṃ sarābalaṃ parihīnaṃ, puttaṃ ukkhipitvā gacchantā kantāraṃ nittharituṃ na sakkhissāmā”ti. So tassa mātaraṃ ajānāpetvāva udakakiccena ohīno viya puttaṃ magge nisīdāpetvā ekakova maggaṃ paṭipajji. “Athassa bhariyā āgamaṃ olokayamānā ṭhitā hatthe puttaṃ adisvā viravamānā gantvā kahaṃ me sāmī putto”ti āha. Ko te puttena attho? Jīvamānā puttaṃ labhissāmāti. Sā “atisāhasiko vatāyaṃ puriso”ti vatvā “gaccha tvam, nāhaṃ tādiseṇa saddhim gamissāmī”ti āha. So “anupadhāretvā me bhadda kataṃ, khametaṃ mayha”nti vatvā puttaṃ ādāyāgato.

Te taṃ kantāraṃ samatikkamitvā sāyaṃ ekaṃ gopālakakulaṃ sampāpuṇṇiṃsu. Taṃ divasaṅca gopālakakulavāsino nirudakapāyāsaṃ paciṃsu. Te te disvā “ime ativiya chātakā”ti pāyāsassa mahābhājanaṃ pūretvā uḷunkapūraṃ sappiṃ āsiñcitvā adāṃsu. Tesu taṃ pāyāsaṃ bhuñjantesu sā itthi pamāṇeṇeva bhuñji, puriso pana pamāṇātikantaṃ bhuñjitvā jīrāpetuṃ asakkonto rattibhāgasamanantare kālamakāsi. So kālaṃ karonto tesu sālayabhāvena gopālakānaṃ gehe sunakhiyā kucchimim paṭisandhim gaṇhi. Sunakhī nacirasseva vijātā. Gopālako taṃ kukkuraṃ sassirikaṃ disvā piṇḍena palobhetvā attani uppannasinehaṃ gahetvā saddhimeva carati.

Athekadivasaṃ eko paccekabuddho bhikkhācāraṇelāya gopālakassa gharadvāraṃ sampatto. Sopi taṃ disvā bhikkhaṃ datvā attānaṃ nissāya vasanathāya paṭiññaṃ gaṇhi. Paccekabuddho gopālakakulassa avidūre ṭhāne ekasmim vanasaṇḍe vāsaṃ upagato. Gopālako tassa santikaṃ gacchanta taṃ kukkuraṃ gahetvāva gacchati, antarāmagge ca vālamigaṭṭhāne vālamigānaṃ palāyanatthaṃ rukkhe vā pāsāne vā pahāraṃ deti, sopi kukkuro tassa karaṇavidhānaṃ vavatthapeti. Athekadivasaṃ so gopālako paccekabuddhassa santike nisīditvā, “bhante, amhākaṃ sabbakālaṃ āgamaṃ nāma na hoti. Ayaṃ pana kukkuro cheko, imassa āgatasāññāya amhākaṃ gehadvāraṃ āgaccheyyāthā”ti āha. So ekadivasaṃ “paccekabuddhaṃ gaṇhitvā ehi”ti kukkuraṃ pesesi. Kukkuro tassa vacanaṃ sutvā bhikkhācāraṇelāya gantvā paccekabuddhassa pādāmūle urena nipajji. Paccekabuddho “ayaṃ mama santikaṃ āgato”ti ñatvā pattacīvaraṃ ādāya maggaṃ paṭipajji. So tassa vīmaṃsanatthāya ukkamitvā aññaṃ maggaṃ gaṇhi, kukkuro purato ṭhatvā gopālakamaggaṃ paṭipannaṅkāle apasakki. Yasmiṃ ca yasmiṃ ca ṭhāne vālamigānaṃ palāyanatthaṃ gopālako rukkhaṃ vā pāsānaṃ vā pahari, taṃ taṃ ṭhānaṃ patvā kukkuro mahāviraṃ viravi. Tassa saddena vālamigā palāyanti. Paccekabuddhopi bhaddakiccavelāya mahantaṃ siniddhapiṇḍaṃ tassa deti. Sopi piṇḍalābhena paccekabuddhe uttaritaraṃ sinehaṃ karoti.

Gopālako temāsaṃ vutthassa paccekabuddhassa ticīvarappahonakaṃ sātakaṃ datvā, “bhante, sace vo ruccati, idheva vasatha. No ce ruccati, yathāsukhaṃ gacchathā”ti āha. Paccekabuddho gamanākāraṃ dasseti. So gopālako paccekabuddhaṃ anugantvā nivattati. Kukkuro paccekabuddhassa aññattha gamanabhāvaṃ ñatvā atisinehena uppannabalavasoko hadayaphālaṃ patvā kālaṃ katvā tāvatimsapure nibbatti. Athassa paccekabuddhena saddhim gamanākāle uccāsaddaṃ katvā vālamigānaṃ palāpitabhāvena devatāhi saddhim kathentassa saddo sakaladevapuraṃ chādetvā aṭṭhāsi. So teneva nāmadheyyaṃ labhitvā **ghosakadevputto** nāma jāto. Athassa tasmiṃ sampattiṃ anubhavantaṃ manussapathe kosambinagare udeno nāma rājā rajjaṃ paṭipajji. Tassa vatthu majjhimappaṇṇāsake bodhirājakumārasuttavaṇṇanāyaṃ (ma. ni. aṭṭha. 2.324 ādayo) vuttanayeneva veditabbaṃ.

Tasmim̄ pana rajjam̄ kārayamāne ghosakadevaputto cavitvā kosambiyam̄ ekissā rūpūpajīviniyā kucchimhi paṭisandhim̄ gaṇhi. Sā dasamāsaccayena vijāyitvā puttabhāvam̄ ñatvā saṅkārakūṭe chaḍḍāpesi. Tasmim̄ khaṇe kosambiseṭṭhino kammantiko pātova seṭṭhigharam̄ gacchanto “kiṃ nu kho imam̄ kākehi samparikiṇṇa”nti gantvā dāraḱam̄ disvā “mahāpuṇṇāvā esa dāraḱo bhavissatī”ti ekassa purisassa hatthe geham̄ pesetvā seṭṭhigharam̄ agamāsi. Seṭṭhipi rājūpaṭṭhānavelāya rājakulam̄ gacchanto antarāmagge purohitam̄ disvā “ajja kiṃ nakkhatta”nti pucchi. So tattheva ṭhito gaṇetvā “asukam̄ nāma nakkhattam̄, ajja iminā nakkhattena jātaḍāraḱo imasmim̄ nagare seṭṭhitṭhānam̄ labhissatī”ti āha. So tassa katham̄ sutvā vegena gharam̄ pesesi – “imassa purohitassa dve kathā nāma natthi, gharaṇī ca me garugabbhā, jānātha tāva nam̄ vijātā vā no vā”ti. Te gantvā jānitvā, “ayya, na tāva vijātā”ti āhaṃsu. Tena hi gacchatha, imasmim̄ nagare ajja jātaḍāraḱam̄ pariyesathāti. Te pariyesantā tassa seṭṭhino kammantikassa gehe tam̄ dāraḱam̄ disvā seṭṭhino ārocayim̄su. Tena hi gacchatha bhāṇe, tam̄ kammantikam̄ pakkosathāti. Te tam̄ pakkosim̄su. Atha nam̄ seṭṭhi “gehe kira te dāraḱo atthi”ti pucchi. “Āma, ayyā”ti. “Tam̄ dāraḱam̄ amhākam̄ dehī”ti. “Na demi, ayyā”ti. “Handa saḱassam̄ gaṇhitvā dehī”ti. So “ayam̄ jīveyya vā mareyya vā, dujjānamida”nti saḱassam̄ gaṇhitvā adāsi.

Tato seṭṭhi cintesi – “sace me bhariyā dhītarām̄ vijāyissati, imameva puttam̄ karissāmi. Sace puttam̄ vijāyissati, māressāmi”ti. Cintetvā gehe posesi. Athassa bhariyā katipāhaccayena puttam̄ vijāyi. Tato seṭṭhi “evam̄ tam̄ gāvo madditvā māressanti”ti cintetvā “imam̄ dāraḱam̄ vajadvāre nipajjāpethā”ti āha. Tam̄ tattha nipajjāpesum̄. Atha nam̄ yūthapati usabho paṭhamam̄ nikkhamanto disvā “evam̄ tam̄ añṇe na maddissanti”ti catunnam̄ pādānam̄ antare katvā aṭṭhāsi. Atha nam̄ gopālakā disvā “mahāpuṇṇo esa dāraḱo bhavissati, yassa tiracchānagatāpi guṇam̄ jānanti, paṭijaggissāma na”nti attano geham̄ nayim̄su.

Sopi seṭṭhi tassa matabhāvam̄ anuvijjanto “gopālakehi nīto”ti sutvā puna saḱassam̄ datvā āṇāpetvā āmakasusāne chaḍḍāpesi. Tasmim̄ ca kāle seṭṭhissa ghare ajapālako susānam̄ nissāya ajikā cāreti. Athekā dhenu ajikā dāraḱassa puṇṇena maggā okkamma gantvā dāraḱassa khīram̄ datvā gatā. Tato nivattamānāpi tattheva gantvā khīramadāsi. Ajapālako cintesi – “ayam̄ ajikā pātopi imasmā ṭhānā okkamitvā gatā, kiṃ nu kho eta”nti gantvā olokento tam̄ dāraḱam̄ disvā “mahāpuṇṇo esa dāraḱo, tiracchānagatāpissa guṇam̄ jānanti, paṭijaggissāmi na”nti gahetvā geham̄ gato.

Punadivase seṭṭhi “mato nu kho dāraḱo, na mato”ti olokāpento ajapālakena gahitabhāvam̄ ñatvā saḱassam̄ datvā āṇāpetvā “sve imam̄ nagaram̄ eko satthavāhaputto pavissati, imam̄ dāraḱam̄ netvā cakkamagge ṭhapetha, evam̄ tam̄ sakaṭacakkam̄ chindantam̄ gamissatī”ti āha. Tam̄ tattha nikkhittam̄ satthavāhaputtassa purimasakaṭe goṇā disvā cattāro pāde thambhe viya otāretvā aṭṭhaṃsu. Satthavāho “kiṃ nu kho eta”nti tesam̄ ṭhitakāraṇam̄ olokento dāraḱam̄ disvā “mahāpuṇṇo dāraḱo, paṭijaggitum̄ vaṭṭatī”ti gaṇhitvā agamāsi.

Seṭṭhipi tassa cakkapathe matabhāvam̄ vā amatabhāvam̄ vā olokāpento satthavāhena gahitabhāvam̄ ñatvā tassapi saḱassam̄ datvā āṇāpetvā nagarato avidūre ṭhāne papāte pātāpesi. So tattha papatanto naḱākārānam̄ kammakaraṇaṭṭhāne ekasālāya patito. Sā tassa puṇṇānubhāvena satavihatakappāsapicusamphassasadisā ahosi. Atha nam̄ naḱākārajetṭhako “puṇṇāvā esa dāraḱo, paṭijaggitum̄ vaṭṭatī”ti gaṇhitvā geham̄ gato. Seṭṭhi dāraḱassa papātato patitaṭṭhāne matabhāvam̄ vā amatabhāvam̄ vā pariyesāpento naḱākārajetṭhakena gahitabhāvam̄ ñatvā tassapi saḱassam̄ datvā āṇāpesi.

Aparabhāge seṭṭhissa sakaputtopi sopi ubho vayappattā ahesum̄. Seṭṭhi puna ghosakadāraḱassa māraṇupāyam̄ cinto attano kumbhakārassa geham̄ gantvā “ambho mayham̄ gehe evarūpo eko avajātaḍāraḱo atthi, tam̄ dāraḱam̄ yaṃkiṅci katvā māretum̄ vaṭṭati rahassenā”ti āha. So ubhopi kaṇṇe pidahitvā “evarūpam̄ nāma bhāriyam̄ katham̄ kathetum̄ na vaṭṭatī”ti āha. Tato seṭṭhi “ayam̄ mudhā na karissatī”ti cintetvā – “handa, bho, saḱassam̄ gaṇhitvā etam̄ kammam̄ nipphādehī”ti āha. Laṅjam̄ nāma abhinnaṃ bhindati, tasmā so saḱassam̄ labhitvā sampaṭicchitvā “aham̄, ayya, asukadivase nāma āvāpam̄ ālimpessāmi, tadā tam̄ dāraḱam̄ asukavelāya nāma pesehī”ti āha. Seṭṭhipi kho tassa vacanam̄

sampañcchitvā tato paṭṭhāya divase gaṇento kumbhakārena vuttadivasassa sampattabhāvaṃ ñatvā ghosakakumāraṃ pakkosāpetvā “amhākaṃ, tāta, asukadivase nāma bahūhi bhājanehi attho, tvam amhākaṃ kumbhakārassa santikaṃ gantvā ‘pitarā kira me tumhākaṃ ekaṃ kathitaṃ atthi, taṃ ajja nipphādehī’ ti vadehī” ti āha. So “sādhū” ti tassa vacanaṃ sampañcchitvā nikkhami.

Atha naṃ antarāmagge seṭṭhissa sakaputto guḷakīlaṃ kīlanto disvā vegena gantvā “ahaṃ bhātika dārakehi saddhiṃ kīlanto ettakaṃ nāma jito, taṃ me paṭijinitvā dehī” ti āha. So “mayhaṃ idāni okāso natthi, pitā maṃ accāyikakammena kumbhakārassa santikaṃ pahiṇī” ti āha. Itaro “ahaṃ bhātika tattha gamissāmi, tvam imehi saddhiṃ kīlitvā mayhaṃ lakkhaṃ paccāharitvā dehī” ti āha. “Tena hi gacchā” ti attano kathitasāsanam tassa kathetvā dārakehi saddhiṃ kīlī. Sopi kumāro kumbhakārassa santikaṃ gantvā taṃ sāsanaṃ ārocesi. So “sādhū, tāta, nipphādessāmi” ti taṃ kumāraṃ gabbhaṃ pavesetvā tikhiṇāya vāsiyā khaṇḍākhaṇḍikaṃ chinditvā cāṭiyaṃ pakkhipitvā cāṭimukhaṃ pidahitvā bhājanantare ṭhapetvā āvāpaṃ ālimpesi. Ghosakakumāro bahū jinitvā kaniṭṭhassa āgamaṇam olokeno nisīdi. So taṃ cirāyamānaṃ ñatvā “kiṃ nu kho cirāyatī” ti kumbhakāragehasabhāgaṃ gantvā katthaci adisvā “gehaṃ gato bhavissatī” ti nivattitvā gehaṃ agamāsi.

Seṭṭhi naṃ dūratova āgacchantam disvā “kiṃ nu kho kāraṇam bhavissati, mayā esa māraṇathāya kumbhakārassa santikaṃ pahito, so dāni puna idhevāgacchatī” ti āgacchantameva naṃ “kiṃ, tāta, kumbhakārassa santikaṃ na gatosī” ti āha. “Āma, tāta, na gatohī” ti. “Kasmā, tātā” ti? So attano nivattakāraṇaṇca kaniṭṭhabhātikassa tattha gatakāraṇaṇca ārocesi. Seṭṭhi tassa vacanassa sutakālato paṭṭhāya mahāpathaviyā ajjhotthaṭo viya hutvā “kiṃ nāmetaṃ tvam vadasī” ti vipphandacitto vegena kumbhakārassa santikaṃ gantvā añṇesaṃ santike akathanīyabhāvena “pekkha, bho, pekkha, bho” ti āha. “Kiṃ pekkhāpesi tvam”? Niṭṭhitaṃ etaṃ kammanti. So tatova nivattitvā gehaṃ agamāsi. Tato paṭṭhāya cassa cetasarogō uppajji.

So tasmim kāle tena saddhiṃ abhuñjitvā āsaṃ bhinditvā “yena kenaci upāyena mama puttassa sattuno antarameva passitum vaṭṭatī” ti ekaṃ paṇṇam likhitvā ghosakakumāraṃ pakkositvā “tvam imaṃ paṇṇam ādāya asukagāme nāma amhākaṃ kammantiko atthi, tassa santikaṃ gantvā imaṃ paṇṇam datvā ‘imasmim kira paṇṇe sāsanaṃ sīgham karohī’ ti vada. Antarāmagge amhākaṃ sahāyako gāmakaseṭṭhi nāma eko seṭṭhi atthi, tassa gharaṃ gantvā bhattaṃ bhuñjitvā gaccheyyāsī” ti ca mukhasāsanam adāsi. So seṭṭhim vanditvā paṇṇam gahetvā nikkhanto antarāmagge gāmakaseṭṭhissa vasanaṭṭhānaṃ gantvā tassa gehaṃ pucchitvā taṃ bahidvāraḷṭhake nisīditvā massuparikammaṃ karontaṃ vanditvā atṭhāsi. “Kuto āgacchasi, tātā” ti ca vutte “kosambiseṭṭhino puttomhi, tātā” ti āha. So “amhākaṃ sahāyaseṭṭhino putto” ti haṭṭhatuṭṭho ahoṣi.

Tasmim ca khaṇe tassa seṭṭhino dhītāya ekā dāsī seṭṭhidhītu pupphāni āharitum gacchati. Atha naṃ seṭṭhi āha – “tvam, amma, etaṃ kammaṃ ṭhapetvā ghosakakumārassa pāde dhovitvā sayanaṃ attharivitvā dehī” ti. Sā tathā katvā āpaṇam gantvā seṭṭhidhītu pupphāni āhari. Seṭṭhidhītā taṃ disvā “tvam ajja ciram bahi papañcesi” ti tassā kujjhivā “kiṃ te ettakaṃ kālam ettha kata” nti āha. “Mā kathesi, ayye, mayā evarūpo nadiṭṭhapubbo, tuyhaṃ kira pitu sahāyakaseṭṭhino putto eko, na sakkā tassa rūpasampattim kathetum. Seṭṭhi maṃ pupphānaṃ atthāya gacchantim ‘tassa kumārassa pāde dhovitvā sayanaṃ attharivitvā dehī’ ti āha, tenāhaṃ bahi ciram papañcesi” nti. Sāpi kho seṭṭhidhītā tassa kumārassa catutthe attabhāve gharasāminī ahoṣi, tasmā tassā vacanassa sutakālato paṭṭhāya neva attano ṭhitabhāvaṃ, na nisinnabhāvaṃ añṇāsi. Sā tameva dāsim gahetvā tassa nipannaṭṭhānaṃ gantvā taṃ niddāyamānaṃ oloketvā dussante paṇṇam disvā “kiṃ nu kho etaṃ paṇṇa” nti kumāraṃ anuṭṭhāpetvāva paṇṇam gahetvā vācetvā “ayaṃ attano maraṇapaṇṇam sayameva gahetvā āgacchatī” ti taṃ paṇṇam phāletvā tasmim appabuddheya “mayā tava santikaṃ putto pesito, sahāyakassa me gāmakaseṭṭhissa vayappattā dārikā atthi, tvam sīgham amhākaṃ āṇāpavattitṭhāne uppādam dhanam gaṇhitvā sabbasatena mama puttassa gāmakaseṭṭhino dhītaram gahetvā maṅgalaṃ karohi. Maṅgale ca niṭṭhite ‘iminā me vidhānena kata’ nti mayhaṃ sāsanaṃ pesehi. Ahaṃ tava idha kattabbaṃ jānissāmi” ti paṇṇam likhitvā tameva lañchanam datvā paṭṭhamam baddhaniyāmeneva dussante bandhi.

Sopi kho kumāro taṃdivasaṃ tattha vasitvā punadivase seṭṭhiṃ āpucchitvā kammantikassa gāmaṃ gantvā paṇṇaṃ adāsi. Kammantiko paṇṇaṃ vācetvā gāmike sannipātetvā “tumheva maṃ na gaṇetha, mama sāmī attano jeṭṭhaputtassa sabbasatena dārikaṃ ānetuṃ mayhaṃ santikaṃ pesesi, vegena imasmiṃ ṭhāne uppādaṃ sampiṇḍethā”ti sabbhaṃ maṅgalasakkāraṃ sajjetvā gāmakaseṭṭhissa sāsanaṃ pesetvā sampaṭicchāpetvā sabbasatena maṅgalakiriyaṃ niṭṭhāpetvā kosambiseṭṭhissa paṇṇaṃ pahīṇi “mayā tumhehi pahitapaṇṇe sāsanaṃ sutvā idaṅcīdaṅca kata”nti.

Seṭṭhi taṃ sāsanaṃ sutvā aggidaḍḍho viya “idāni naṭṭhomhī”ti cintanavasena lohitapakkhāndikarogaṃ patvā “yena kenaci taṃ upāyena pakkosivā mama santakassa assāmikaṃ karissāmī”ti “maṅgalassa niṭṭhitakālate paṭṭhāya kasmā mayhaṃ putto bahi hoti, sīghaṃ āgacchatū”ti sāsanaṃ pesesi. Sāsanaṃ sutvā kumāre gantuṃ āradde seṭṭhidhīta cintesi – “ayaṃ bālo maṃ nissāya imaṃ sampattiṃ alatthanti na jānāti, yaṃkiñci katvā imassa gamanapaṭibāhanupāyo kātuṃ vaṭṭatī”ti. Tato naṃ āha – “kumāra, mā ativegena gacchāhi, kulagāmaṃ gacchantena nāma attano parivacchaṃ katvā gantuṃ vaṭṭatī”ti.

Kosambakaseṭṭhipi tassa cirāyanabhāvaṃ ñatvā puna sāsanaṃ pahīṇi “kasmā me putto cirāyati, ahaṃ lohitapakkhāndikarogaṃ patto, jīvantameva maṃ āgantvā daṭṭhuṃ vaṭṭatī”ti. Tasmim kāle seṭṭhidhīta tassa ārocesi – “na eso tava pitā, tvaṃ pana ‘pitā’ti saññaṃ karosi. Esa tava māraṇatthāya kammantikassa paṇṇaṃ pahīṇi, ahaṃ taṃ paṇṇaṃ apanetvā aññaṃ sāsanaṃ likhitvā tava etaṃ sampattiṃ uppādayiṃ. Esa taṃ ‘aputtaṃ karissāmī’ti pakkosati, etassa kālakiriyaṃ āgamehī”ti. Athassa dharamānakasseva kālakatabhāvaṃ sutvā kosambinagaraṃ agamāsi. Seṭṭhidhītāpi tassa bahiyeva saññaṃ adāsi “tvaṃ pavisanto sakalagehe tava ārakkhaṃ ṭhapentova pavisāhi”ti. Sayampi seṭṭhiputtana saddhimeva pavisitvā ubho hatthe ukkhipitvā rodantī viya hutvā andhakāraṭṭhāne nipannakassa seṭṭhissa santikaṃ gantvā sīseneva hadayaṃ pahari. So dubbalatāya teneva pahārena kālamakāsi.

Kumāropi pitu sarīrakiccaṃ katvā “tumhe mahāseṭṭhissa maṃ sakaputtoti vadathā”ti pādāmūlikānaṃ lañjaṃ adāsi. Tato sattame divase rājā “seṭṭhiṭṭhānārahaṃ ekaṃ laddhuṃ vaṭṭatī”ti “seṭṭhissa saputtakaniputtakabhāvaṃ jānāthā”ti pesesi. Seṭṭhipādāmūlikā rañño seṭṭhissa saputtabhāvaṃ kathayiṃsu. Rājā “sādhū”ti sampaṭicchitvā tassa seṭṭhiṭṭhānaṃ adāsi. So ghosakaseṭṭhi nāma jāto. Atha naṃ bhariyā āha – “ayyaputta, tvampi avajāto, ahampi duggatakule nibbattā. Pubbe katakusalavasena pana evarūpaṃ sampattiṃ alabhimha, adhunāpi kusalaṃ karissāmā”ti. So “sādhū bhadde”ti sampaṭicchitvā devasikaṃ sahasaṃ vissajjetvā dānaṃ paṭṭhapesi.

Tasmim samaye tāsāṃ dvinnāṃ janānaṃ khujjuttarā devalokato cavitvā ghosakaseṭṭhissa gehe dhātiyā kucchimim paṭisandhiṃ gaṇhi. Sā jātakāle khujjā ahoṣīti khujjuttarātevasā nāmaṃ akaṃsu. Sāmāvatīpi devalokato cavitvā bhaddavatiyaraṭṭhe bhaddiyanagare bhaddavatiyaseṭṭhissa gehe paṭisandhiṃ gaṇhi, sāmātiṣṣā nāmaṃ akaṃsu. Aparabhāge tasmim nagare chātakabhayaṃ uppajji, manussā chātakabhayaabhīta yena vā tena vā gacchanti. Tadā ayaṃ bhaddavatiyaseṭṭhi bhariyāya saddhiṃ mantesi – “bhadde imasmiṃ chātakabhayassa anto na paññāyati, kosambinagare amhākaṃ sahāyakassa ghosakaseṭṭhissa santikaṃ gacchāma, na so amhe disvā pamajjissati”ti. Tassa kira so seṭṭhi adiṭṭhasahāyako ahoṣi, tasmā evamāha. So sesajanaṃ nivattāpetvā bhariyaṅca dhītarāṅca gaṇhitvā kosambinagarassa maggaṃ paṭipajji. Te tayopi antarāmagge mahādukkhaṃ anubhavantaṃ anupubbena kosambiṃ patvā ekāya sālāya nivāsaṃ akaṃsu.

Ghosakaseṭṭhipi kho attano gharadvāre kapaṇaddhikavanibbakayācakānaṃ mahādānaṃ dāpesi. Athāyaṃ bhaddavatiyaseṭṭhi cintesi – “na sakkā amhehi imināva kapaṇavesena sahāyakassa attānaṃ dassetuṃ, sarīre pākātikāte jāte sunivatthā supārutā seṭṭhiṃ passissāmā”ti. Te ubhopi dhītaraṃ ghosakaseṭṭhissa dānaggaṃ pahīṇiṃsu. Sā attano bhattaṃ āharaṇatthāya bhājanaṃ gahetvā dānaggaṃ gantvā ekasmiṃ okāse lajjamānarūpā aṭṭhāsi. Taṃ disvā dānakammiko cintesi – “sesajanaṃ sammukhasammukhaṭṭhāne kevaṭṭā macchavilope viya mahāsaddaṃ katvā gaṇhitvā gacchanti, ayaṃ pana dārikā kuladhīta bhavissati, upadhisampadāpissā atthi”ti.



Tato naṃ āha – “tvam, amma, kasmā sesajano viya gaṇhitvā na gacchasi”ti? Tāta, evarūpaṃ sambādhatṭhānaṃ kinti katvā pavisāmīti. Amma, kati pana janā tumheti? Tayo janā, tātāti. So tayo bhattapiṇḍe adāsi. Sā taṃ bhattaṃ māṭāpitūnaṃ adāsi, pitā dīgharattaṃ chātakattā atirekaṃ bhuñjivā kālamakāsi. Sā punadivase gantvā dveveva bhattapiṇḍe gaṇhi. Taṃdivasaṃ seṭṭhibhariyā bhattena ca kilantatāya seṭṭhino ca maraṇasokena rattibhāgasamanantare kālamakāsi. Sā punadivase seṭṭhidhītā ekameva bhattapiṇḍaṃ gaṇhi. Dānakammiko tassā kiriyāṃ upadhāretvā, “amma, tayā paṭhamadivase tayo piṇḍā gahitā, punadivase dve, ajja ekameva gaṇhasi. Kiṃ nu kho kāraṇa”nti pucchi. Sā taṃ kāraṇaṃ kathesi. Kataragāmaṃvāsino pana, amma, tumheti. Sā tampi kāraṇaṃ nippadesato kathesi. “Amma, evaṃ sante tvam amhākaṃ seṭṭhidhītā nāma ahosi, mayhañca aññā dārikā natthi, tvam ito paṭṭhāya mama dhītā, amma”ti taṃ dhītaraṃ katvā gaṇhi.

Sā utṭhāya samuṭṭhāya dānagge mahāsaddaṃ sutvā “kasmā ayaṃ, tāta, uccāsaddamahāsaddo”ti āha. Amma, mahājanassa antare nāma appasaddaṃ kātuṃ na sakkāti. Ahamettha upāyaṃ jānāmi, tātāti. Kiṃ kātuṃ vaṭṭati, ammāti? Samantā vatiṃ katvā dve dvārāni yojetvā anto bhājanāni ṭhapāpetvā ekena dvārena pavisitvā bhattaṃ gaṇhitvā ekena dvārena nikkhamaṃ karoṭha, tātāti. Sādhu, ammāti punadivasato paṭṭhāya tathā kāresi. Tato paṭṭhāya dānaggaṃ padumassaraṃ viya sannisinnasaddaṃ ahosi.

Tato ghosakaseṭṭhi pubbe dānaggasmim uccāsaddamahāsaddaṃ sutvā tadā taṃ asuṇanto dānakammikaṃ pakkosāpetvā pucchi – “tvam ajja dānaṃ na dāpesi”ti. Dinnaṃ, ayyāti. Atha kasmā pubbe viya dānagge saddo na suyyatīti? Āma, ayya, ekā me dhītā atthi, ahaṃ tāya kathitupaṃyē ṭhatvā dānaggaṃ nissaddamakāsinti. Tava dhītā nāma natthi, kuto te dhītā laddhāti? So vañcetum asakkuṇeyyabhāvena seṭṭhissa sabbaṃ dhītu āgamanavidhānaṃ kathesi. Kasmā pana bho tvam evarūpaṃ bhāriyaṃ kammamakāsi? Tvam ettakaṃ addhānaṃ mama dhītaraṃ attano santike vasamānaṃ nārocesi, vegena taṃ amhākaṃ gehaṃ āṇāpehīti. So tassa vacanaṃ sutvā akāmakko āṇāpesi. Tato paṭṭhāya seṭṭhi taṃ dhītuṭṭhāne ṭhapetvā “dhītu sakkāraṃ karomī”ti attano samānajātikehi kulehi dhītu samānavayāni pañca kumārikasatāni tassā parivāramakāsi.

Athekadivasaṃ udeno rājā nagare anusañcaranto taṃ sāmāvatiṃ tāhi kumārīhi parivāritaṃ kīlāmaṇaṃ dīsvā “kassāyaṃ dārikā”ti pucchitvā “ghosakaseṭṭhissa dhītā”ti sutvā sassāmikaassāmikabhāvaṃ pucchi. Tato assāmikabhāve kathite “gacchatha seṭṭhino kathetha ‘tumhākaṃ dhītaraṃ rājā icchatī”ti. Taṃ sutvā seṭṭhi “amhākaṃ aññā dārikā natthi, ekadhītikaṃ sapattivāse dātuṃ na sakkomā”ti. Rājā taṃ kathaṃ sutvā seṭṭhim ca seṭṭhibhariyañca bahi katvā sakalagehaṃ lañchāpesi. Sāmāvati bahi kīlītvā āgacchantī māṭāpitāro bahi nisinnake dīsvā “ammatātā, kasmā idha nisinnatthā”ti? Te taṃ kāraṇaṃ kathayiṃsu. Ammatātā, kasmā tumhe imaṃ paṭivacanaṃ na jānātha “mama dhītā sapattivāse vasantī ekikā vasitum na sakkhissati, sacassā parivārā pañcasatā kumārīyo vasāpetha, evaṃ vasissati”ti. Idāni evaṃ kathāpetha, tātāti. “Sādhu, amma, mayaṃ tava cittaṃ na jānimhā”ti vatvā te tathā kathayiṃsu. Rājā uttaritaraṃ pasīditvā “sahassampi hotu, sabba ānethā”ti āha. Atha naṃ bhaddakena nakkhattamuhuttakena pañcamātugāmasataparivāraṃ rājagehaṃ nayiṃsu. Rājā tā pañcasatāpi tassāyeva parivāraṃ katvā abhisekaṃ katvā visuṃ ekasmim pāsāde vasāpesi.

Tena ca samayena kosambiyaṃ ghosakaseṭṭhi kukkuṭaseṭṭhi pavārikaseṭṭhīti tayo janā aññamaññaṃ sahāyakā honti. Te tayopi janā pañcasate tāpase paṭijagganti. Tāpasāpi cattāro māse tesam santike vasitvā aṭṭha māse himavante vasanti. Athekadivasaṃ te tāpasā himavantato āgacchantā mahākantāre tasitā kilantā ekaṃ mahantaṃ vaṭarukkhaṃ patvā tattha adhivatthāya devatāya santikā saṅgahaṃ paccāsīanta nisīdiṃsu. Devatā sabbalaṅkāravibhūsitam hatthaṃ pasāretvā tesam pānīyapānakādīni datvā kilamathaṃ paṭivinodesi. Te devatāya ānubhāvena vimhītā pucchiṃsu – “kiṃ nu kho devate kammaṃ katvā tayā ayaṃ sampattī laddhā”ti? Devatā āha – loke buddho nāma bhagavā uppanno, so etarahi sāvatthiyaṃ viharati. Anāthapiṇḍiko gahapati taṃ upaṭṭhāti. So uposathadivasesu attano bhatakānaṃ pakatibhattavetanameva datvā uposathaṃ kārāpesi. Athāhaṃ ekadivasaṃ majjhanhike

pātārāsattḥāya āgato kañci bhatakaṃ kammaṃ karontaṃ adisvā “ajja manussā kasmā kammaṃ na karonti”ti pucchim. Tassa me etamatthaṃ ārocesuṃ. Athāhaṃ etadavocaṃ – “idāni upaḍḍhadivaso gato, sakkā nu kho upaḍḍhauposathaṃ kātu”nti. Tato seṭṭhissa paṭivedetvā “sakkā kātu”nti āha. Svāhaṃ upaḍḍhadivasam uposatham samādiyitvā tadaheva kālaṃ katvā imaṃ sampattiṃ paṭilabhinti.

Atha te tāpasā “buddho kira uppanno”ti sañjātapītipāmojjā tato sāvattiṃ gantukāmā hutvāpi “bahūpakārā no upaṭṭhākaseṭṭhino, tesampi imamatthaṃ ārocesāmā”ti kosambim gantvā seṭṭhīhi katasakkārabahumānā “tadaheva mayaṃ gacchāmā”ti āhaṃsu. “Kiṃ, bhante, turitatha, nanu tumhe pubbe cattāro pañca māsē vasitvā gacchathā”ti vuttā taṃ pavattiṃ ārocesuṃ. “Tena hi, bhante, saheva gacchāmā”ti ca vutte – “gacchāma mayaṃ, tumhe saṅkamaṃ āgacchathā”ti sāvattiṃ gantvā bhagavato santike pabbajitvā arahattaṃ pāpuṇimṃsu.

Tepi seṭṭhino pacchā pañcasatapañcasatasakaṭaparivārā sāvattiṃ gantvā jetavanato avidūre ṭhāne khandhāvāraṃ bandhitvā satthu santikaṃ gantvā pañcapaṭiṭṭhitena vanditvā ekamantaṃ nisīdimṃsu. Sattḥā tesam cariyāvasena dhammaṃ desesi. Desanāpariyosāne tayopi sotāpattiṭṭhāya svātānāya nimantetvā punadivase buddhappamukhassa bhikkhusaṅghassa mahādānaṃ datvā teneva niyāmena ajjatanāya svātānāyāti nimantetvā addhamāsaṃ khandhāvārabhattaṃ nāma datvā sattḥāraṃ attano nagaraṃ āgamanattḥāya yāciṃsu. Sattḥā “suññāgāre tathāgatā abhiramanti”ti kathesi. Te “aññātaṃ, bhante”ti vatvā “tumhe amhehi pahitasāsanena āgaccheyyāthā”ti vatvā sattḥāraṃ vanditvā tikkhattuṃ padakkhiṇaṃ katvā attano nagarameva āgantvā tayopi janā sake sake uyyāne vihāre kārāpesuṃ. Ghosakaseṭṭhinā kārito ghoṣitārāmo nāma jāto, kukkuṭaseṭṭhinā kārito kukkuṭārāmo nāma jāto, pāvārikaseṭṭhinā kāritaṃ pāvārikambavanaṃ nāma jātaṃ. Te vihāre kārāpetvā satthu dūtaṃ paṇiṃsu – “sattḥā amhākaṃ saṅgahaṃ kātuṃ imaṃ nagaraṃ āgacchatū”ti. Sattḥā “kosambim gamissāmī”ti mahābhikkhusaṅghaparivāro cārikaṃ nikkhamanto antarāmagge māgaṇḍiyabrāhmaṇassa arahattūpanissayaṃ disvā gamaṇaṃ vicchinditvā kururattḥe kammāsadammaṃ nāma nigamaṃ agamāsi.

Tasmiṃ samaye māgaṇḍiyo sabbarattiṃ bahigāme aggiṃ juhivā pātova antogāmaṃ pavisati. Sattḥāpi punadivase antogāmaṃ piṇḍāya pavisanto paṭipathe māgaṇḍiyabrāhmaṇassa attānaṃ dassesi. So dasabalaṃ disvā cintesi – “ahaṃ ettakaṃ kālaṃ mama dhītu rūpasampattiyā sadisaṃ dāraṃ pariyesanto carāmi, rūpasampattiyā ca satipi evarūpaṃ gahitapabbajjameva patthesim. Ayaṃ kho pana pabbajito abhirūpo dassaṇīyo mama dhītuyeva anucchaviko”ti vegena gehaṃ agamāsi. Tassa kira brāhmaṇassa pubbe eko pabbajitavaṃso atthi, tenassa pabbajitameva disvā cittaṃ namati. So brāhmaṇim āmantesi – “bhaddhe mayā evarūpo pabbajito nāma nadiṭṭhapubbo suvaṇṇavaṇṇo brahmavaṇṇo mama dhītuyeva anucchaviko, sīghaṃ me dhītaraṃ alaṅkarohī”ti. Brāhmaṇiyā dhītaraṃ alaṅkarontiyāva sattḥā attano ṭhitaṭṭhāne padacetiyāni dassetvā antonagaraṃ pāvīsi.

Atha brāhmaṇo brāhmaṇiyā saddhim dhītaraṃ gahetvā taṃ ṭhānaṃ āgacchanta antogāmaṃ pavitṭhakāle āgatattā ito cito ca olokento dasabalaṃ adisvā brāhmaṇim paribhāsati – “tava kāraṇaṃ bhaddakaṃ nāma natthi, tayi papañcaṃ karontiyāva so pabbajito nikkhamitvā gato”ti. Brāhmaṇa, gato tāva hotu, kataradisābhāgena gatoti? Iminā disābhāgenāti satthu gataṭṭhānaṃ olokentova padacetiyāni disvā “bhaddhe imāni tassa purisassa padāni, ito gato bhavissati”ti āha. Atha, brāhmaṇī, satthu padacetiyam disvā cintesi – “bālo vatāyaṃ brāhmaṇo attano ganthamattassāpi atthaṃ na jānāti”ti tena saddhim parihāsaṃ karonti āha – “yāva bālo cāsi, brāhmaṇa, evarūpassa nāma purisassa dhītaraṃ dassāmīti vadasi. Rāgena hi rattassa dosena duṭṭhassa mohena mūlḥassa purisassa padaṃ nāma evarūpaṃ na hoti. Loke pana vivaṭacchadassa sabbaññubuddhassa etaṃ padaṃ” passa, brāhmaṇa –

“Rattassa hi ukkuṭikaṃ padaṃ bhava,  
Duṭṭhassa hoti avakaḍḍhitaṃ padaṃ;  
Mūlḥassa hoti sahasānupīlitaṃ,  
Vivaṭacchadassa idamīdisaṃ pada”nti.

So brāhmaṇiyā ettakaṃ kathentiyaṃpi asutvā “tvam nāma caṇḍā mukharā”ti āha. Tesam dvinnampi aññamaññaṃ vivādaṃ karontānaṃyeva satthā piṇḍāya caritvā saddhiṃ bhikkhusaṅghena katabhattakicco brāhmaṇassa dassanūpacārenea nikkhami. Brāhmaṇo satthāraṃ dūratova āgacchantaṃ disvā brāhmaṇiṃ apasādetvā “ayaṃ so puriso”ti taṭṭhapahaṭṭho dasabalassa purato ṭhatvā “bho pabbajita, ahaṃ pātova paṭṭhāya taṃ pariyesanto carāmi, imasmiṃ jambudīpe mama dhītāya samānarūpā itthi nāma natthi, purisopi tayā saddhiṃ samānarūpo nāma natthi, mama dhītaraṃ tuyhaṃ posanattāya dammi, gaṇhāhi na”nti āha. Atha naṃ satthā “ahaṃ, brāhmaṇa, kāmaggavāsiniyo uttamarūpadharā nānāvaṇṇaṃ kathaṃ kathentiyo mama palobhanattameva āgantvā santike ṭhitā devadhītāpi na icchiṃ, kimaṅgaṃ pana imaṃ gaṇhissāmi”ti vatvā imaṃ gāthamāha –

“Disvāna taṇhaṃ aratiṃ ragañca,  
Nāhosi chando api methunasmim;  
Kiṃmevidaṃ muttakarīsapuṇṇaṃ,  
Pādāpi naṃ samphusituṃ na icche”ti. (su. ni. 841);

Māgaṇḍiyā cintesi – “anattikena nāma ‘ala’nti vattumeva vaṭṭati. Ayaṃ pana mama sarīraṃ muttakarīsapuṇṇaṃ nāma katvā ‘pādāpi naṃ samphusituṃ na icche’ti avoca, ekaṃ issariyaṭṭhānaṃ labhanti antamevassa passissāmi”ti āghātaṃ bandhi. Satthā taṃ amanasikatvā cariyavasena brāhmaṇassa dhammadeśanaṃ ārabhi. Desanāpariyosāne ubhopi jāyampatikā anāgāmiphale patiṭṭhāya “idāni amhākaṃ gharāvāsena attho natthi”ti dhītaraṃ māgaṇḍiyaṃ cūlapitaraṃ sampatiṇṇāpetvā ubhopi pabbajitvā arahattaṃ pāpuṇṇesu. Atha rājā udeno cūlamāgaṇḍiyena saddhiṃ vohāraṃ katvā māgaṇḍiyadārikaṃ rājānubhāvena gehaṃ ānetvā abhisekaṃ katvā tassā pañcamātugāmasataparivārāya vasanaṭṭhānaṃ visuṃ pāsādaṃ adāsi.

Satthāpi kho anupubbena cārikaṃ caramāno kosambinagaraṃ sampāpuṇi. Setṭhino satthu āgamaṇaṃ sutvā paccuggamaṇaṃ katvā pañcapatiṭṭhitena vanditvā ekamantaṃ nisinnā bhagavantaṃ etadavocaṃ – “ime, bhante, tayo vihārā tumhe uddissa katā, paṭiggaṇhatha, bhante, vihāre cātuddisassa saṅghassa saṅghatthāyā”ti. Paṭiggaṇhesi bhagavā vihāre. Tepi setṭhino satthāraṃ svātanāya nimantevā abhivādetvā gharaṃ agamaṃsu.

Māgaṇḍiyāpi kho satthu āgatabhāvaṃ sutvā chinnabhinnake dhutte pakkosāpetvā tesam lañjaṃ datvā “tumhe samaṇaṃ gotamaṃ iminā iminā ca niyāmena akkosathā”ti vatvā uyyojesi. Te satthu antogāmaṃ pavisanavelāya saparivāraṃ satthāraṃ nānāvidhehi akkosehi akkosimṃsu. Āyasmā ānando satthāraṃ āha – “bhante, evarūpe akkosanaṭṭhāne na vasissāma, aññaṃ nagaraṃ gacchāmā”ti. Satthā, “ānanda, tathāgatā nāma aṭṭhahi lokadhammehi na kampanti, ayampi saddo sattāhaṃ nātikkamissati, akkosakānaṃyeva upari patissati, tvam mā vitakkayitthā”ti. Tepi tayo nagarasetṭhino mahāsakkārena bhagavantaṃ pavesetvā mahādānaṃ adāṃsu. Tesam aparāparaṃ dānaṃ dadantānaṃyeva māso atikkami, atha nesaṃ etadahosi – “buddhā nāma sabbalokaṃ anukampamānā uppajjanti, aññesaṃpi okāsaṃ dassāmā”ti. Tato te kosambinagaravāsiniṃpi janassa okāsaṃ akāṃsu. Tato paṭṭhāya nāgarāpi vīthisabhāgena gaṇasabhāgena mahādānaṃ denti.

Athekadivasaṃ satthā bhikkhusaṅghaparivuto mālākārakajetṭhakassa gehe nisīdi. Tasmimṃ khaṇe sāmāvatiyā upaṭṭhāyikā khujjuttarā aṭṭha kahāpaṇe ādāya mālatthāya taṃ gehaṃ agamaṃsi. Mālākāraketṭhako taṃ disvā, “amma uttare, ajja tuyhaṃ pupphāni dātuṃ khaṇo natthi, ahaṃ buddhappamukhaṃ bhikkhusaṅghaṃ parivissāmi. Tvampi parivesanāya sahāyikā hohi, evaṃ ito paresaṃ veyyāvaccakaraṇato muccissati”ti āha. Tato khujjuttarā attanā laddhaṃ bhojanaṃ bhuñjitvā buddhānaṃ bhattage veyyāvaccam akāsi. Sā satthārā upanisinnakathāvasena kathitaṃ dhammaṃ sabbameva uggaṇhi. Anumodanaṃ pana sutvā sotāpattiphale patiṭṭhāsi.

Sā aññesu divasesu cattārova kahāpaṇe datvā pupphāni gahetvā gacchati, tasmimṃ pana divase diṭṭhasaccabhāvena parasantake cittaṃ anuppādetvā sabbeva aṭṭha kahāpaṇe datvā pacchiṃ pūretvā

pupphāni ādāya sāmāvatīyā santikaṃ agamāsi. Atha naṃ sā pucchi – “amma uttare, tvaṃ aññesu divasesu na bahūni pupphāni āharasi, ajja pana bahukāni, kiṃ no rājā uttaritaraṃ pasanno”ti? Sā musāvāde abhabbatāya atīte attanā kataṃ aniguhitvā sabbamā kathesi. “Atha kasmā ajja bahūni pupphāni āharasī”ti vuttā ca evamāha – “ahaṃ ajja dasabalassa dhammaṃ sutvā amataṃ sacchākāsiṃ, tasmā tumhe na vañcemī”ti. Taṃ sutvā, “amma uttare, tayā laddhamā amatadhammaṃ amhākampi dehī”ti sabbāva hatthamā pasārayiṃsu. Ayye, evamā dātum na sakkā, ahamā pana satthārā kathitaniyāmena tumhākaṃ dhammaṃ desessāmi, tumhe attano hetumhi sati taṃ dhammaṃ labhissathāti. Tena hi, amma uttare, kathehīti. “Evamā kathetum na sakkā, mayhamā uccamā āsanamā paññāpetvā tumhe nīcāsanesu nisīdathā”ti āha. Tā pañcasatāpi itthiyo khujjuttarāya uccāsanaṃ datvā sayamā nīcāsanaṃ gahetvā nisīdiṃsu. Khujjuttarāpi sekkhapaṭisambhidāsu ṭhatvā tāsamā dhammaṃ desesi. Desanāpariyosāne sāmāvatimā jeṭṭhikamā katvā sabbāva sotāpattiphale patiṭṭhahimāsu. Tato paṭṭhāya khujjuttaramā veyyāvaccakaraṇato apanetvā “tvaṃ satthu dhammakathamā sutvā āharitvā amhe sāvehi”ti āhamāsu. Khujjuttarāpi tato paṭṭhāya tathā akāsi.

Kasmā panesā dāsī hutvā nibbattāti? Sā kira kassapadasabalassa sāsane ekāya sāmaṇeriyā attano veyyāvaccamā kāresi. Tena kammaṃ pañca jātisatāni paresamā dāsīyeva hutvā nibbatti. Kasmā pana khujjā ahoṣīti? Anuppanne kira buddhe ayamā bārāṇasirañño gehe vasantī ekamā rājakulūpakamā paccekabuddhamā khujjadhātukamā disvā attanā sahavāsīnamā mātuḡāmānamā purato parihāsamā karontī khujjākārena vicari. Tasmā khujjā hutvā nibbatti. Kiṃ pana katvā sā pañnavantī jātāti? Anuppanne buddhe ayamā bārāṇasirañño gehe vasantī aṭṭha paccekabuddhe rājagehato uṇhapāyāsassa pūrite patte gahetvā gacchante disvā “ettha ṭhapetvā gacchatha, bhante”ti aṭṭha suvaṇṇakaṭake omuñcitvā adāsī. Tassa kammaṃ nissandena pañnavantī hutvā nibbatti.

Atha kho tā sāmāvatīyā parivārā pañcasatā itthiyo paṭividdhasaccāpi samānā rañño assaddhabhāvena kālena kālamā satthu santikaṃ gantvā buddhadassanaṃ na labhanti. Tasmā dasabale antaravīthimā paṭipanne vātapānesu nappahontesu attano attano gabbhesu chiddamā katvā tehi olokeni. Athekadivasamā māgaṇḍiyā attano pāsādatalato nikkhamitvā caṅkamamānā tāsamā vasanaṭṭhānamā gantvā gabbhacchiddamā disvā “kimida”nti pucchi. Tāhi tassā satthari baddhāghātataṃ ajānantīhi – “satthā imamā nagaramā āgato, mayamā ettha ṭhatvā satthāramā passāma ceva pūjema cā”ti vutte “idānissa kattabamā jānissāmi, imāpi tassa upaṭṭhāyikā, imāsampi kattabamā jānissāmi”ti cintetvā gantvā raññā saddhimā rahogatakāle, “mahārāja, sāmāvatimissakānamā bahiddhā patthanā atthi, katipāheneva te jīvitaṃ māressanti, sāmāvatī, saporivārā tumhesu sinehamā vā pemamā vā na karoti, samaṇamā pana gotamamā antaravīthiyā gacchantamā disvā vātapānesu appahontesu tāni khaṇḍitvāpi okāsamā katvā olokeni”ti āha. Rājā “na tā evarūpamā karissanti”ti na saddahati. Puna vuttepi na saddahatiyeva. Atha naṃ tikkhattum vuttepi assaddahantamā “sace me vacanamā na saddahasi, tāsamā vasanaṭṭhānamā gantvā upadhārehi, mahārāja”ti āha. Rājā gantvā gabbhesu chiddamā disvā “idamā ki”nti pucchitvā tasmimā atthe ārocite tāsamā akkujjhitvā kiñci avatvā chiddāni pidahāpesi. Rājā tato paṭṭhāya tāsamā pāsāde uddhacchiddakajālavātapānāni kāresi.

Sā tena kāraṇena rājānamā kopetumā asakkontī, “deva, etāsamā tumhesu pemamā atthi vā natthi vāti jānissāma, aṭṭha kukkuṭe pesetvā tumhākaṃ atthāya pacāpethā”ti āha. Rājā tassā vacanamā sutvā “ime pacitvā pesetū”ti sāmāvatīyā aṭṭha kukkuṭe pahīni. Sotāpannā ariyasāvīkā jīvamāne kukkuṭe kiṃ pacissati, alanti vatvā pana hatthenapi phusitum na icchi. Māgaṇḍiyā “hotu, mahārāja, eteyeva ca kukkuṭe samaṇassa gotamassa pacanattāya pesehī”ti. Rājā tathā akāsi. Māgaṇḍiyā antarāmaggeyeva kukkuṭe mārāpetvā “ime kukkuṭe pacāpetvā samaṇassa gotamassa detū”ti pahīni. Sā tesamā matabhāvena dasabalañca uddissa pahitabhāvena pacitvā dasabalassa pesesi. Māgaṇḍiyā “passa, mahārāja”ti vatvā ettakenapi rājānamā kopetumā nāsakkhi.

Ayamā pana udeno tāsū ekekissā vasanaṭṭhāne satta satta divasāni vasi. Athāyamā māgaṇḍiyā ekamā kaṇhasappapotakamā veḷupabbe pakkhipāpetvā attano vasanaṭṭhāne ṭhapesi. Rañño ca yattha katthaci gacchantassa hatthikantavīṇamā ādāyayeva gamanamā āciṇṇamā, māgaṇḍiyā rañño attano santikaṃ

āgamanakāle taṃ sappapotakaṃ antovīṇāya pakkhipitvā chiddaṃ pidahāpesi. Atha naṃ sāmāvatiyā santikaṃ gamanakāle, “mahārāja, sāmāvati nāma samaṇassa gotamassa pakkhā, tumhe na gaṇeti. Yaṃ kiñci katvā tumhākaṃ dosameva cinteti, appamattā hothā”ti āha. Rājā sāmāvatiyā vasanaṭṭhāne sattāhaṃ vītināmetvā puna sattāhe māgaṇḍiyāya nivesanaṃ agamāsi. Sā tasmim āgacchanteyeva “kacci te, mahārāja, sāmāvati otāraṃ na gavesati”ti kathenti viya rañño hatthato vīṇaṃ gahetvā cāletvā “kiṃ nu kho, mahārāja, ettha abbhantare vicarati”ti vatvā sappassa nikkhamanokāsaṃ katvā “abbhumme anto sappo”ti vīṇaṃ chaḍḍetvā palāyi. Tasmim kāle rājā padittaṃ veṇuvanaṃ viya pakkhittaloṇaṃ uddhanaṃ viya ca dosena taṭataṭāyanto “vegena saparivāraṃ sāmavatiṃ pakkosathā”ti āha. Rājapurisā gantvā pakkosimsu.

Sā rañño kuddhabhāvaṃ ñatvā sesamātugāmānaṃ saññamadāsi. “Rājā tumhe ghātetukāmo pakkosati, ajja divasaṃ odissakena mettāpharaṇena rājānaṃ pharathā”ti āha. Rājā tā itthiyo pakkosāpetvā sabbāva paṭipāṭiyā ṭhapetvā mahādhanuṃ ādāya visapītakaṇḍaṃ sannayhitvā dhanuṃ pūretvā aṭṭhāsi. Tasmim khaṇe sabbāva tā sāmavattippamukhā itthiyo odhiso mettaṃ phariṃsu. Rājā kaṇḍaṃ neva khipituṃ na apanetuṃ sakkoti, gatthehi sedā muccanti, sarīraṃ vedhati, mukhato kheḷo patati, gahetabbagahaṇaṃ na passati. Atha naṃ sāmāvati “kiṃ, mahārāja, kilamasi”ti āha. Āma, devi, kilamāmi, avassayo me hohīti. Sādhu, mahārāja, kaṇḍaṃ mahāpathavimukhaṃ karohīti. Rājā tathā akāsi. Sā “rañño hatthato kaṇḍaṃ muccatū”ti adhiṭṭhāsi. Tasmim khaṇe kaṇḍaṃ mucci. Rājā taṃkhaṇaṃyeva udake nimujjitvā āgamma allakeso allavattho sāmāvatiyā pādesu patitvā “khama, devi, mayhaṃ, bhedaḱānaṃ me vacanena anupadhāretvā etaṃ kata”nti āha. Khamāmi, devāti. “Sādhu, devi, evaṃ tayā mayhaṃ khamitaṃ nāma hoti. Ito paṭṭhāya tumhākaṃ yathāruciyaṃ dasabalassa dānaṃ detha, pacchābhattaṃ vihāraṃ gantvā dhammakathaṃ suṇātha, ajja vo paṭṭhāya parihāraṃ dammīti. Tena hi, deva, ajja paṭṭhāya ekaṃ bhikkhuṃ yācivā ānetha, yo no dhammaṃ vācessatīti. Rājā satthu santikaṃ gantvā yācanto ānandattheraṃ labhi. Tato paṭṭhāya tā pañcasatā itthiyo therāṃ pakkosāpetvā sakkārasammānaṃ katvā katabhattakiccassa therassa santike dhammaṃ pariyāpuṇanti.

Tā ekadivasaṃ therassa anumodanāya pasannā therassa pañca uttarāsaṅgasatāni adamsu. Thero kira pubbe tunnavāyakāle ekassa paccekabuddhassa ekāya sūciyā saddhiṃ hatthatalamattaṃ coḷakhaṇḍaṃ adāsi. So sūciyā phalena imasmim attabhāve mahāpañño ahoṣi, coḷakhaṇḍassa phalena imināva niyāmena pañcasatakkhattuṃ dussāni paṭilabhi.

Tato māgaṇḍiyā aññaṃ kātabbaṃ apassanti “uyyānaṃ gacchāma, mahārājā”ti āha. Sādhu, devīti. Sā rañño sampaṭicchitabhāvaṃ ñatvā cūlapitaraṃ pakkosāpetvā āha – “amhākaṃ uyyānaṃ gatakāle sāmāvatiyā vasanaṭṭhānaṃ gantvā sāmavatiṃ saparivāraṃ antokarivā ‘rañño añā’ti vatvā dvāraṃ pidahitvā palālena paliveṭhetvā gehe aggim dethā”ti. Māgaṇḍiyo tassā vacanaṃ sutvā tathā akāsi. Tasmim divase sabbāpi tā itthiyo pubbe katassa upapīḷakakammassānubhāvena samāpattiṃ appetuṃ nāsakkhiṃsu, ekappahāreneva bhusamuṭṭhi viya jhāyiṃsu. Tāsaṃ ārakkhapurisā rañño santikaṃ gantvā, “deva, idaṃ nāma kariṃsū”ti ācikkhiṃsu.

Rājā “kena kata”nti pariyesanto māgaṇḍiyāya kāritabhāvaṃ ñatvā taṃ pakkosāpetvā “bhadda, bhaddakaṃ tayā kammaṃ kataṃ mayā kātabbaṃ karontiyā, “uṭṭhāya samuṭṭhāya mayhaṃ vadhāya parisakkamānā ghātītā, pasannosmi, tuyhaṃ sampattiṃ dassāmīti tava ñātake pakkosāpehi”ti āha. Sā rañño kathaṃ sutvā aññātakepi ñātake katvā pakkosāpesi. Rājā sabbesaṃ sannipatitabhāvaṃ ñatvā rājāṅgaṇe galappamāṇesu āvāṇesu nikhanitvā upari ṭhitāni sīsāni bhindāpento mahantehi ayanaṅgalehi kasāpesi. Māgaṇḍiyampi khaṇḍākhāṇḍikaṃ chindāpetvā pūvapacanaḱāthe pacāpesi.

Kiṃ pana sāmāvatiyā saparivārāya agginā jhāpanakammanti? Sā kira anuppanne buddhe teheva pañcahi mātugāmasatehi saddhiṃ gaṅgāyaṃ kīḷitvā bahititthe ṭhitā site jāte avidūraṭṭhāne paccekabuddhassa paṇṇasālaṃ disvā anto asodhetvāva bahi aggim datvā visibbesuṃ. Antopaṇṇasālāya paccekabuddho nirodhasamāpattiṃ samāpajjitvā nisinno. Tā jālāsu pacchinnāsu paccekabuddhaṃ disvā “kiṃ amhehi kataṃ, ayaṃ paccekabuddho rañño kulūpako, imaṃ disvā rājā amhākaṃ kujjhissati, idāni

naṃ sujjhāpitaṃ kātuṃ vaṭṭatī’ ti aññānīpi dārūni pakkhipitvā aggiṃ adamsu. Puna jālāya pacchinnāya paccekabuddho samāpattito vuṭṭhāya tāsāṃ passantīnaṃyeva cīvarāni papphotetvā vehāsaṃ uppatitvā gato. Tena kammaṇa niraye paccitvā pakkāvasesena imaṃ byasaṇaṃ pāpuṇṇiṃsu. Catuparisamaṃjhe pana kathā udapādi – “bahussutā vata khujjuttarā, mātugāmaattabhāve ṭhatvā pañcannaṃ mātugāmasatānaṃ dhammaṃ kathetvā sotāpattiphale patiṭṭhāpesi. Sāmāvatīpi raññā attano appitaṃ kaṇḍaṃ mettāpharaṇena pharitvā paṭibāhī’ ti tassāpi mahājano guṇaṃ kathesi. Evametaṃ vatthu samuṭṭhitaṃ. Atha satthā aparabhāge jetavane nisinna tadeva kāraṇaṃ aṭṭhuppattim katvā khujjuttaraṃ bahussutānaṃ, sāmāvatim mettāvihārīnaṃ aggaṭṭhāne ṭhapesīti.

### Uttarānandamātāvattu

**262.** Pañcāme **jhāyīnanti** jhānābhiraṭānaṃ upāsikānaṃ, uttarā nandamātā, aggāti dasseti. Sā kira padumuttarabuddhakāle haṃsavatiyaṃ kulagehe nibbattā satthu dhammakathaṃ suṇantī satthāraṃ ekaṃ upāsikaṃ jhānābhiraṭānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. Sā kappasatasahassaṃ devamanussesu saṃsaritvā imasmiṃ buddhuppāde rājagahanagare sumanasetṭhiṃ nissāya vasantassa puṇṇasīhassa nāma bhariyāya kucchimiṃ paṭisandhiṃ gaṇhi, uttarātissā nāmaṃ akaṃsu.

Athekasmiṃ nakkhattamahadivase rājagahasetṭhi puṇṇaṃ pakkosāpetvā āha – “tāta puṇṇa, nakkhattaṃ vā uposatha vā duggatassa kiṃ karissati, evaṃ santepi vadehi ‘kiṃ nakkhattaparibbayaṃ gahetvā nakkhattaṃ kīlissasi, balavagone ca phālaṇca naṅgalaṇca gahetvā kasissasi’” ti. “Mama bhariyāya saddhiṃ mantetvā jānissāmi, ayyā’” ti taṃ kathaṃ bhariyāya ārocesi. “Setṭhi nāma ayyo issaro, tassa tayā saddhiṃ kathentassa kathā sobhati, tvaṃ pana attano kasikammaṃ mā vissajjesī’” ti āha. So tassā vacanaṃ sutvā kasibhaṇḍaṃ ādāya kasitvaṃ gato.

Taṃdivasaṇca sārīputtatthero nirodhasamāpattito vuṭṭhāya “kassa ajja mayā saṅgahaṃ kātuṃ vaṭṭatī’ ti āvajjento imassa puṇṇassa upanissayaṃ disvā bhikkhācāraṇelāya pattacīvaramādāya puṇṇassa kasaṇaṭṭhānaṃ gacchanto avidūre attānaṃ dassesi. Puṇṇo therāṃ disvā kasiṃ ṭhapetvā therassa santikaṃ gantvā pañcapatiṭṭhitena vandi. Thero taṃ oloketvā udakasabhāgaṃ pucchi. Tassa etadahosi – “ayyo mukhaṃ dhovitukāmo bhavissati’” ti. Tato vegena gantvā dantakaṭṭhaṃ āharitvā kappiyaṃ katvā therassa adāsī. There dantakaṭṭhaṃ khādante pattena saddhiṃ dhammakaraṇaṃ nīharitvā udakassa pūretvā āhari. Thero mukhaṃ dhovitvā bhikkhācāramaggaṃ paṭipajji. Puṇṇo cintesi – “thero aññesu divasesu imaṃ maggaṃ na paṭipajjati, ajja pana mayhaṃ saṅgahattāya paṭipanno bhavissati. Aho vata me bhariyā mamatthāya āharaṇakaṃ āhāraṃ therassa patte patiṭṭhapeyyā’” ti.

Athassa bhariyā “ajja nakkhattadivaso’” ti pātova attano labhanakaniyāmena khādanīyabhojanīyaṃ saṃvidhāya gahetvā sāmikassa kasaṇaṭṭhānaṃ āgacchantī antarāmagge therāṃ disvā cintesi – “aññesu divasesu mayhaṃ therāṃ disvā deyyadhammo na hoti, deyyadhamme santepi mama ayyaṃ na passāmi, ajja pana dvinnampi sammukhībhāvo jāto. Mama sāmikassa puna sampādetvā āharissāmi, imaṃ tāva āhāraṃ therassa dassāmi’” ti tīhi cetanāhi sampayuttaṃ katvā taṃ bhojanaṃ sārīputtattherassa patte patiṭṭhapetvā “evaṃvidhā duggatajīvitā mucāmī’” ti āha. Theropi “tava ajjhāsayo pūratū’” ti tassānumodanaṃ katvā tato nivattitvā vihāraṃ agamāsī.

Sāpi puna attano gehaṃ gantvā sāmikassa āhāraṃ sampādetvā ādāya kasaṇaṭṭhānaṃ gantvā sāmikassa kujjhanabhāvato bhītā “sāmi, ajja ekadivasaṃ tava manaṃ sandhārehi’” ti āha. Kiṃ kāraṇāti? Ahaṃ ajja tāva āhāraṃ āharantī antarāmagge therāṃ disvā tava bhāgabhattaṃ therassa patte patiṭṭhapetvā puna gehaṃ gantvā āhāraṃ pacitvā ādāya āgatāmhīti. Manāpaṃ te, bhadde, kataṃ, mayāpi pātova therassa dantakaṭṭhaṇca mukhodakaṇca dinnāṃ. Ajja amhākaṃ suppabhātaṃ, sabbampi therassa amhākaṃ santakameva jātanti dvinnampi janānaṃ ekasadisameva cittaṃ aho. Atha puṇṇo āhāraṃkatvā bhariyāya ūrumhi sīsaṃ katvā muhuttaṃ nipajji. Athassa niddā okkami. So thokaṃ niddāyitvā pabuddho kasitaṭṭhānaṃ olokesi, olokitolokitaṭṭhānaṃ mahākosātakipuppehi

samparikiṇṇaṃ viya ahoṣi. So bhariyaṃ āha – “bhadde, kinnāmetaṃ ajja idaṃ kasitaṭṭhānaṃ suvaṇṇavaṇṇaṃ hutvā khāyati”ti. Ayya, ajja te sakaladivasāṃ kilantatāya akkhīni maññe bhamantīti. Bhadde, mayhaṃ assaddahantī sayāṃ olokehīti. Tasmim kāle sā oloketaṃ sabhāvaṃ ayya, kathesi, evametaṃ bhavissatīti.

Puṇṇo utṭhāya ekaṃ kaṭṭhim gahetvā naṅgalasīse pahari, guḷapiṇḍo viya naṅgalasīse allīyitvā atṭhāsi. So bhariyaṃ pakkositvā āha – “bhadde, aññesaṃ vapitabījaṃ nāma tīhi vā catūhi vā māsehi phalaṃ deti, amhākaṃ pana ayyassa sārīputtattherassa antare ropitena saddhābījena ajjeva avassaṃ phalaṃ dinnaṃ. Imasmim karīsamatte padese āmalakamattopi paṃsupiṇḍo asuvaṇṇo nāma natthī”ti. Idāni kiṃ karissāma, ayyāti? “Bhadde, imaṃ ettakaṃ suvaṇṇaṃ thenetvā khādituṃ nāma na sakkā”ti bhariyaṃ tasmim ṭhāne ṭhapetvā bhattassa pūretvā ābhataṃ pātiṃ suvaṇṇassa pūretvā gantvā rañño ārocāpesi – “eko manusso suvaṇṇapātiṃ gahetvā ṭhito”ti. Rājā taṃ pakkosāpetvā “kahaṃ te, tāta, laddha”nti pucchi. “Deva, mayhaṃ ekaṃ kasitaṭṭhānaṃ sabbaṃ suvaṇṇameva jātaṃ, pahīṇitvā āharāpethā”ti āha. Tvaṃ kinnāmosīti? Puṇṇo nāma ahaṃ, devāti. Gacchatha, bhaṇe, sakaṭāni yojetvā puṇṇassa kasitaṭṭhānato suvaṇṇamāharathāti.

Sakaṭehi saddhim gatarājapurisā “rañño puñña”nti vatvā suvaṇṇapiṇḍe gaṇhanti, gahitagahitampi kasitaleḍḍuyeva hoti. Te gantvā rañño ārocesuṃ. Tena hi bhaṇe gantvā “puṇṇassa puñña”nti vatvā gaṇhathāti. Gahitagahitaṃ suvaṇṇameva hoti. Te sabbampi taṃ suvaṇṇaṃ āharitvā rājaṅgaṇe rāsiṃ akaṃsu. Rāsi ubbedhena tālappamaṇo ahoṣi. Rājā vaṇije pakkosāpetvā “kassa gehe ettakaṃ suvaṇṇaṃ atthī”ti pucchi. Natthi, deva, kassacīti. Ettakassa pana dhanassa sāmīno kiṃ kātuṃ vaṭṭatīti? Dhanasetṭhim nāma naṃ kātuṃ vaṭṭati, devāti? Tena hi puṇṇaṃ imasmim nagare dhanasetṭhim nāma karoṭhāti sabbaṃ taṃ suvaṇṇaṃ tasseva datvā taṃdivasaṃyevassa seṭṭhiṭṭhānaṃ adāsi. So seṭṭhi maṅgalaṃ karonto sattāhaṃ buddhappamukhassa bhikkhusaṅghassa mahādānaṃ adāsi. Sattame divase dasabalassa bhattānumodanāya puṇṇasetṭhipi bhariyāpi dhītāpi sabbe sotāpattiphale patiṭṭhahimsu.

Aparabhāge rājagahasetṭhi “puṇṇasetṭhino vayappattā dārikā atthī”ti sutvā attano puttassa kāraṇā tassa gehaṃ pesesi. So tassa sāsanaṃ sutvā “nāhaṃ dhītaraṃ dassāmi”ti paṭisāsanaṃ pesesi. Sumanasetṭhipi puna pesesi – “tvaṃ mama gehaṃ nissāya vasitvā idāni ekappahārenea issaro hutvā mayhaṃ dārikaṃ na desī”ti. Tato puṇṇasetṭhi āha – “imaṃ tāva tumhākaṃ seṭṭhi sabhāvameva kathesi, puriso nāma sabbakāle evaṃvidhoyevāti na sallakkhetabbo. Ahañhi idāni tādisse purise dāse katvā gahetuṃ sakkomi, tuyhaṃ pana jātiṃ vā gottaṃ vā na kopemi. Apica kho mama dhītā sotāpannā ariyasāvīkā devasikaṃ kahāpaṇagghanakehi pupphehi pūjaṃ karoti, tamahaṃ tumhādisassa micchādīṭṭhikassa gehaṃ na pesessāmi”ti. Evaṃ puṇṇasetṭhissa paṭibāhakabhāvaṃ ṇatvā rājagahasetṭhi puna sāsanaṃ pesesi – “porāṇakaṃ vissāsaṃ mā bhindatu, ahaṃ mayhaṃ suṇisāya devasikaṃ dvinnaṃ kahāpaṇānaṃ andhanakāni pupphāni sajjāpessāmi”ti. So “sādhū”ti sampaṭicchitvā dhītaraṃ tassa gharaṃ pesesi.

Athekadivasāṃ sā puṇṇasetṭhino dhītā uttarā attano sāmīkaṃ evamāha – “ahaṃ attano kulagehe māssassa atṭha divasāni nibaddhaṃ uposathakammaṃ karomi, idānipi tumhesu sampaṭicchantesu uposathaṅgāni adhiṭṭhaheyya”nti. So “na sakkā”ti taṃ na sampaṭicchī. Sā taṃ saññāpetuṃ asakkontī tuṇhī ahoṣi. Puna antovasse “uposathikā bhavissāmi”ti tadāpi okāsaṃ kārentī neva alattha. Sā antovasse aḍḍhatīyesu māsesu atikkantesu aḍḍhamāse avasiṭṭhe mātāpitūnaṃ sāsanaṃ pesesi – “ahaṃ tumhehi cārake pakkhittā ettake addhāne ekadivasampi uposathaṅgāni adhiṭṭhātuṃ na labhāmi, pañcadasa me kahāpaṇasahassāni pesethā”ti. Te dhītu sāsanaṃ sutvā “kiṃkāraṇā”ti apucchitvā pahīṇimsu. Uttarā te kahāpaṇe gaṇhitvā tasmim nagare sirimā nāma gaṇikā atthi, taṃ pakkosāpetvā “amma sirime, ahaṃ imaṃ aḍḍhamāsaṃ uposathaṅgāni adhiṭṭhahissāmi, tvaṃ imāni pañcadasa kahāpaṇasahassāni gahetvā imaṃ aḍḍhamāsaṃ seṭṭhiputtaṃ paricarāhi”ti. Sā “sādhū, ayye”ti sampaṭicchī. Tato paṭṭhāya seṭṭhiputto “ahaṃ sirimāya saddhim modissāmi”ti uttarāya aḍḍhamāsaṃ uposathakammaṃ sampaṭicchī.

Sā tena sampañcchitabhāvaṃ ñatvā divase divase pātova dāsigaṇaparivutā satthu sahatthā khādanīyabhojanīyaṃ saṃvidahitvā satthari bhattakiccaṃ katvā vihāraṃ gate uposathāṅgāni adhiṭṭhāya pāsādavaraṃ āruya attano sīlāni āvajjamānā nisīdati. Evaṃ aḍḍhamāsaṃ vītināmetvā uposathaṃ vissajjanadivase pātova yāgukhajjakādīni saṃvidahantī vicarati. Tasmīṃ samaye seṭṭhiputto sirimāya saddhiṃ uparipāsādavaragato jālavātapānaṃ vivaritvā antaravathuṃ olokeno aṭṭhāsi. Uttarā, vātapānacchiddena uddhaṃ olokesi. Seṭṭhiputto uttaraṃ oloketvā “nerayikajātikā vatāyaṃ evaṃvidhaṃ nāma sampattiṃ pahāya ukkhalikamasimakkhitā hutvā nikkāraṇā dāsīnaṃ antare vicarati”ti sitaṃ akāsi. Uttarā, tassa pamādabhāvaṃ ñatvā “ayaṃ bālo nāma attano sampatti sabbakālaṃ thāvarāti saññī bhavissati”ti sayampi sitaṃ akāsi. Tato sirimā “ayaṃ ceṭikā mayi ṭhitāya evaṃ mama sāmikena saddhiṃ sitaṃ karoti”ti kupitā vegena otari. Uttarā, tassā āgamanākappeneva “ayaṃ bālā aḍḍhamāsamattaṃ imasmiṃ gehe vasitvā mayhamevetaṃ gehantisaññī jātā”ti ñatvā taṅkhaṇaṅñeva mettājhānaṃ samāpajjitvā aṭṭhāsi. Sirimāpi dāsīnaṃ antarena āgantvā uḷuṅkaṃ gahetvā pūvapacanaṭṭhāne pakkuthitatelassa pūretvā uttarāya matthake āsiñci, mettājhānassa vipphārena uttarāya matthake āsittaṃ pakkuthitelaṃ padumapatte āsittaudakaṃ viya vinivattitvā gataṃ.

Tasmīṃ khaṇe sirimāya samīpe ṭhitā dāsīyo taṃ oloketvā, “bho je, tvaṃ amhākaṃ ayyāya hatthato mūlaṃ gahetvā āgatā imasmiṃ gehe vasamānā amhākaṃ ayyāya sadisā bhavituṃ vāyamaṣi”ti sammukhaṭṭhāne taṃ paribhāsiṃsu. Tasmīṃ khaṇe sirimā attano āgantukabhāvaṃ aṅñāsi. Sā tatova gantvā uttarāya pādesu patitvā, “ayye, anupadhāretvā me kataṃ, khamatha mayha”nti āha. Amma sirime, nāhaṃ tava imasmiṃ ṭhāne khamissāmi, ahaṃ sapitikā dhītā, dasabale khamanteyeva khamissāmi.

Satthāpi kho bhikkhusaṅghaparivāro āgantvā uttarāya nivesane paññattāsane nisīdi. Sirimā gantvā satthu pādesu patitvā, “bhante, mayā ayyāya uttarāya antare eko doso kato, tumhesu khamantesu khamissāmi vadati, khamatha mayhaṃ bhagavā”ti. Khamāmi te sirimeti. Sā tasmīṃ kāle gantvā uttaraṃ khamāpesi. Taṃdivasaṅca sirimā dasabalassa bhattānumodanaṃ sutvā –

“Akkodhena jine kodhaṃ, asādhūṃ sādhunā jine;  
Jine kadariyaṃ dānena, saccenālikavādina”nti. (dha. pa. 223) –

Gāthāpariyosāne sotāpattiphale patiṭṭhitā dasabalaṃ nimantetvā punadivase mahādānaṃ adāsi. Evametam vatthu samuṭṭhitaṃ. Aparabhāge pana satthā jetavane nisīditvā upāsikāyo ṭhānantaresu ṭhapento uttaraṃ nandaṃātaraṃ jhāyīnaṃ aggaṭṭhāne ṭhapesīti.

### Suppavāsāvattu

**263.** Chaṭṭhe **pañītaḍāyikānanti** pañītarasāḍāyikānaṃ upāsikānaṃ, suppavāsā kolyadhītā, aggāti dasseti. Sā kira padumuttarabuddhakāle haṃsavatiyaṃ kulagehe nibbattā satthu dhammadesanaṃ suṇantī satthāraṃ ekaṃ upāsikaṃ pañītaḍāyikānaṃ aggaṭṭhāne ṭhapentaṃ disvā adhikārakammaṃ katvā taṃ ṭhānantaraṃ patthesi. Sā kappasatasahassaṃ devamanussesu saṃsaritvā imasmiṃ buddhuppāde kolyanagare khattiyakule nibbatti, suppavāsātissā nāmaṃ akaṃsu. Sā vayappattā ekassa sakyakumārassa gehaṃ gatā, paṭhamadassaneyeva satthu dhammakathaṃ sutvā sotāpattiphale patiṭṭhāsi. Sā aparabhāge sīvaliṃ nāma dāraṃ vijāyi. Tassa vatthu heṭṭhā vitthāritameva.

Sā ekasmiṃ samaye buddhappamukhassa bhikkhusaṅghassa nānaggarasapañītabhojanaṃ adāsi. Satthā katabhattakicco anumodanaṃ karonto suppavāsāya imaṃ dhammaṃ desesi “bhojanaṃ suppavāse dentī ariyasāvikā paṭiggāhakānaṃ pañca ṭhānāni deti. Āyūṃ deti, vaṇṇaṃ deti, sukhaṃ deti, balaṃ deti, paṭibhānaṃ deti. Āyūṃ kho pana datvā āyussa bhāginī hoti dibbassa vā mānusassa vā...pe... paṭibhānaṃ datvā paṭibhānassa bhāginī hoti dibbassa vā mānusassa vā”ti. Evametam vatthu samuṭṭhitaṃ. Atha aparabhāge satthā jetavane nisīditvā upāsikāyo ṭhānantaresu ṭhapento suppavāsā kolyadhītaṃ pañītaḍāyikānaṃ aggaṭṭhāne ṭhapesīti.



## Suppiyāvatthu

**264.** Sattame **gilānupaṭṭhākīnanti** gilānupaṭṭhākīnaṃ upāsikānaṃ, suppiyā upāsikā, aggāti dasseti. Ayaṃ kira padumuttarabuddhakāle haṃsavatiyaṃ kulagehe nibbattā aparabhāge satthu dhammadesanaṃ suṇantī satthāraṃ ekaṃ upāsikaṃ gilānupaṭṭhākīnaṃ aggaṭṭhāne ṭhapentaṃ disvā adhikāraṃ katvā taṃ ṭhānantaraṃ patthesi. Sā kappasatasahassaṃ devamanussesu saṃsaritvā imasmiṃ buddhuppāde bārāṇasiyaṃ kulagehe nibbatti, suppiyātissā nāmaṃ akaṃsu. Aparabhāge satthā bhikkhusaṅghaparivāro bārāṇasiyaṃ agamāsi. Sā tathāgatassa paṭhamadassaneyeva dhammaṃ sutvā sotāpattiṃ phale paṭiṭṭhāsi.

Athekadivasaṃ dhammassavanatthāya vihāraṃ gatā. Vihāracārikaṃ caramānā ekaṃ bhikkhuṃ gilānaṃ disvā abhivādetvā paṭisanthāraṃ katvā “ayyassa kiṃ laddhuṃ vaṭṭatī”ti pucchi. Rasaṃ laddhuṃ vaṭṭati, upāsiketi. “Hotu, bhante, ahaṃ paṇiṇissāmī”ti therāṃ abhivādetvā antonagaraṃ gantvā punadivase pavattamaṃsatthāya dāsiṃ antarāpaṇaṃ pesesi. Sā sakalanagare pavattamaṃsaṃ alabhitvā aladdhabhāvaṃ katesi. Upāsikā cintesi – “ahaṃ ayyassa rasaṃ paṇiṇissāmīti vatvā sace na pesessāmi, ayyo aññatopi alabhanto kilamissati, yaṃkiñci katvā pesetuṃ vaṭṭatī”ti gabbhaṃ pavisitvā ūrumaṃsaṃ chinditvā dāsiyā adāsi “idaṃ maṃsaṃ gahetvā sambhārehi yojetvā rasaṃ katvā vihāraṃ netvā ayyassa dehi. So ce maṃ pucchatī, gilānāti vadehī”ti. Sā tathā akāsi.

Satthā taṃ kāraṇaṃ ñatvā punadivase bhikkhūcāravelāya bhikkhusaṅghaparivuto upāsikāya gehaṃ agamāsi. Sā tathāgatassa āgatabhāvaṃ sutvā sāmikaṃ āmantesi – “ayyaputta, ahaṃ satthu santikaṃ gantuṃ na sakkomi, gaccha tvāṃ satthāraṃ antogehaṃ pavesetvā nisīdāpehī”ti. So tathā akāsi. Satthā “kahaṃ suppiyā”ti pucchi. Gilānā, bhanteti. Pakkosatha, nantī. Atha te gantvā “satthā taṃ pakkosati”ti āhaṃsu. Sā cintesi – “sabbalokassa hitānukampako satthā na imaṃ kāraṇaṃ adisvā pakkosāpessati”ti sahasā mañcamhā vuṭṭhāsi. Athassā buddhānubhāvena taṃkhaṇaṃyeva vaṇo ruhitvā succhavi ahosi sesaṭṭhānato atirekatarāṃ vipasannaṃvaṇo. Tasmim̃ khaṇe upāsikā sitaṃ katvā dasabalaṃ pañcapaṭiṭṭhitena vanditvā ekamantaṃ nisīdi. Satthā “imissā upāsikāya kiṃ aphāsuka”nti pucchi. Sā attanā katakāraṇaṃ sabbaṃ katesi. Satthā katabhattakicco vihāraṃ gantvā bhikkhusaṅghaṃ sannipāṭepetvā taṃ bhikkhuṃ anekapariyāyena vīgarahitvā sikkhāpadaṃ (mahāva. 280) paññapesi. Evametāṃ vatthu samuṭṭhitāṃ. Aparabhāge satthā jetavane nisinna upāsikāyo ṭhānantaresu ṭhapento suppiyaṃ upāsikaṃ gilānupaṭṭhākīnaṃ aggaṭṭhāne ṭhapesīti.

## Kātiyānīvatthu

**265.** Aṭṭhame **aveccappasannānanti** adhigatena acalappasādena samannāgatānaṃ upāsikānaṃ, kātiyānī, aggāti dasseti. Sā kira padumuttarabuddhakāle haṃsavatiyaṃ kulagehe nibbattā satthāraṃ ekaṃ upāsikaṃ aveccappasannānaṃ aggaṭṭhāne ṭhapentaṃ disvā adhikāraṃ katvā taṃ ṭhānantaraṃ patthesi. Sā kappasatasahassaṃ devamanussesu saṃsaritvā imasmiṃ buddhuppāde kuraragharanagare nibbatti, kātiyānītissā nāmaṃ akaṃsu.

Sā aparabhāge vayappattā kuraragharikāya, kāḷiyā sahāyikā, daḷhamittā ahosi. Yadā pana kuṭṭikaṇṇasoṇatthero “dasabalassa kathitaniyāmena mayhampi dhammaṃ kathehī”ti mātarā yācito rattibhāge antonagare alaṅkatadhammāsane nisīditvā mātarāṃ kāyasakkiṃ katvā dhammadesanaṃ ārabhi, tadā ayaṃ kātiyānī upāsikā kāḷiyā saddhiṃ gantvā parisapariyante dhammaṃ suṇantī aṭṭhāsi. Tasmim̃ samaye pañcamattāni corasatāni antonagare divā katasaññāya koṭṭito paṭṭhāya ummaṅgaṃ khanitvā imissā kātiyāniyā gharaṃ sampāpuṇiṃsu. Tesāṃ corajēṭṭhako tehi saddhiṃ apavisitvā “kiṃ nu kho ayaṃ parisā sannipatitā”ti vīmaṃsanatthāya soṇattherassa dhammakathanatṭhānaṃ gantvā parisapariyante tiṭṭhamāno imissā kātiyāniyā piṭṭhipasse aṭṭhāsi.

Tasmim̃ samaye, kātiyānī, dāsiṃ āmantesi – “gaccha je, gehaṃ pavisitvā dīpatelaṃ āhara, mayaṃ dīpe jāletvā dhammaṃ sossāmā”ti. Sā gharaṃ gantvā ummaṅge core disvā dīpatelaṃ agaṇhitvāva

āgantvā attano ayyāya ārocesi – “ayye, gehe corā ummaṅgaṃ khaṇantī”’ti. Taṃ sutvā corajēṭṭhako cintesi – “sacāyaṃ imissā kathaṃ gaṇhitvā gehaṃ gamissati, ettheva naṃ asinā dvedhā chindissāmi. Sace pana gahitanimitteneva dhammaṃ suṇissati, corehi gahitabhaṇḍakampi puna dāpessāmi”’ti. Kātiyānīpi kho dāsīyā kathaṃ sutvā, “amma, mā saddaṃ kari, corā nāma harantā attanā diṭṭhameva harissanti, ahaṃ pana ajja dullabhassavanaṃ suṇāmi, mā dhammassa antarāyaṃ karohī”’ti āha. Corajēṭṭhako tassā vacanaṃ sutvā cintesi – “iminā ajjhāsayena ṭhitāya nāma gehe bhaṇḍaṃ harantehi amhehi mahāpathavī pavisitabbā bhavyeyā”’ti. So tāvadeva gantvā corehi gahitabhaṇḍaṃ chaḍḍāpetvā corehi saddhiṃ āgantvā dhammaṃ suṇanto parisapariyante aṭṭhāsi. Kātiyānīpi upāsikā therassa desanāpariyosāne sotāpattiṃphale patiṭṭhāsi.

Atha aruṇe uggate corajēṭṭhako gantvā upāsikāya pādesu patitvā, “ayye, sabbesaṃyeva no khamāhī”’ti āha. Kiṃ pana tumhehi mayhaṃ katanti? So sabbaṃ attanā katadosaṃ ārocesi. Tena hi, tātā, khamāmi tumhākantī. Ayye, amhākaṃ evaṃ khamitaṃ nāma na hotī, tumhākaṃ pana puttatherassa santike sabbesaṃyeva no pabbajjaṃ dāpehīti. Sā sabbepi te gahetvā kuṭikaṇṇasoṇattherassa santike pabbājesi. Tepi kho corā therassa santike pabbajitā sabbeva arahattaṃ pāpuṇṇisu. Evametaṃ vatthu samuṭṭhitaṃ. Aparabhāge satthā jetavane viharanto upāsikāyo ṭhānantaresu ṭhapento kātiyāniṃ upāsikaṃ aveccappasannānaṃ aggaṭṭhāne ṭhapesīti.

### Nakulamātāvattu

**266.** Navame **vissāsikānanti** vissāsakathaṃ kathentīnaṃ upāsikānaṃ, nakulamātā gahapatānī, aggāti dasseti. Yaṃ panettha vattabbaṃ, taṃ sabbaṃ heṭṭhā upāsakapāliyaṃ vuttameva. Kevalaṃ idha nakulamātaraṃ dhuraṃ katvā veditabbanti.

### Kālikuraragharikāvattu

**267.** Dasame **anussavappasannānanti** anussaveneva uppanna pasādena samannāgatānaṃ upāsikānaṃ antare, kālī upāsikā, kuraragharikā aggāti dasseti. Sā kira padumuttarabuddhakāle haṃsavatiyaṃ kuraragharanagare nibbattā satthu dhammakathaṃ suṇantī satthāraṃ ekaṃ upāsikaṃ anussavappasannānaṃ aggaṭṭhāne ṭhapentaṃ disvā adhikāraṃkammaṃ katvā taṃ ṭhānantaraṃ patthesi. Sā kappasatasahassaṃ devamanussesu saṃsaritvā imasmim buddhuppāde rājagahanagare kulagehe nibbatti, kālītissā nāmaṃ akaṃsu.

Sā vayappattā kuraragharanagare kulagehaṃ gatā. Athassā saṃvāsena gabbho patiṭṭhahi. Sā paripuṇṇagabbhā “paresaṃ gehe gabbhavuṭṭhānaṃ nāma appatirūpa”’nti attano kulanagaremeva āgantvā rattibhāgasamanantare attano pāsādassa upari ākāse ṭhitānaṃ sātāgīrahemavatānaṃ ratanattayassa vaṇṇaṃ kathentānaṃ kathaṃ sutvā anussavikappasādaṃ uppādetvā satthu adassaneneva sotāpattiṃphale patiṭṭhāsi, aparabhāge panassā gabbhavuṭṭhānaṃ ahoṣīti sabbaṃ vatthu heṭṭhā vitthāritameva. Aparabhāge pana satthā jetavane bhikkhusaṅghamajjhe nisīditvā upāsikāyo ṭhānantaresu ṭhapento imaṃ upāsikaṃ anussavappasannānaṃ aggaṭṭhāne ṭhapesīti.

Dasasuttaparimāṇāya upāsikāpāliyā vaṇṇanā niṭṭhitā.

Ettāvatā ca manorathapūraṇiyā

Āṅguttaranikāya-aṭṭhakathāya

Sabbāpi etadaggaṃpāliyaṇṇanā niṭṭhitā.

## 15. Aṭṭhānapāli

## (15) 1. Aṭṭhānapāli-paṭhamavaggaṇṇanā

**268.** Aṭṭhānapāliyā aṭṭhānanti hetupaṭikkhepo. Anavakāsoti paccayapaṭikkhepo. Ubhayenāpi kāraṇameva paṭikkhipati. Kāraṇaṇhi tadāyattavuttitāya attano phalassa ṭhānanti ca avakāsoti ca vuccati. Yanti yena kāraṇena. **Diṭṭhisampannoti** maggadiṭṭhiyā sampanno sotāpanno ariyasāvako. Tassa hi diṭṭhisampanno itipi, dassanasampanno itipi, āgato imaṃ saddhammaṃ itipi, passati imaṃ saddhammaṃ itipi, sekkhena ñāṇena samannāgato itipi, sekkhāya vijjāya samannāgato itipi, dhammasotasamāpanno itipi, ariyo nibbedhikapaṇṇo itipi, amatadvāraṃ āhacca tiṭṭhati itipiti bahūni nāmāni honti. **Kaṅci saṅkhāranti** catubhūmakesu saṅkhatasaṅkhāresu kaṅci ekaṃ saṅkhāraṃpi. **Niccato upagaccheyyāti** niccoti gaṇheyya. **Netam ṭhānaṃ vijjatīti** etaṃ kāraṇaṃ natthi na upalabbhati. **Yaṃ puthujjanoti** yena kāraṇena puthujjano. **Ṭhānametaṃ vijjatīti** etaṃ kāraṇaṃ atthi. Sassatadiṭṭhiyā hi so tebhūmakesu saṅkhatasaṅkhāresu kaṅci saṅkhāraṃ niccato gaṇheyyāti attho. Catutthabhūmakasaṅkhāraṃ pana tejjussadattā divasaṃsantatto ayogūlo viya makkhikānaṃ, diṭṭhiyā vā aññesaṃ vā akusalānaṃ ārammaṇaṃ na honti. Iminā nayena **kaṅci saṅkhāraṃ sukhatoti**ādīsupi attho veditabbo.

**269. Sukhato upagaccheyyāti** “ekantasukhī attā hoti ārogo parammaraṇā”ti (dī. ni. 1.76, 79; ma. ni. 3.21, 22) evaṃ attadiṭṭhivasena sukhato gāhaṃ sandhāyetaṃ vuttaṃ. Diṭṭhivippayuttacittena pana ariyasāvako pariḷāhādhibhūto pariḷāhavūpasamatthaṃ mattahatthiparittāsito viya cakkhabrahmaṇo gūthaṃ kaṅci saṅkhāraṃ sukhato upagacchati.

**270.** Attavāre kasiṇādīpaṇṇattisaṅghatthaṃ “saṅkhāra”nti avatvā **kaṅci dhammanti** vuttaṃ. Idhāpi ariyasāvakaṃ catubhūmakavasena paricchedo veditabbo, puthujjanassa tebhūmakavasena. Sabbavāresu vā ariyasāvakaṃ tebhūmakavaseneva paricchedo vaṭṭati. Yaṃ yaṃ hi puthujjano gaṇhāti, tato tato ariyasāvako gāhaṃ viniveṭheti. Puthujjano hi yaṃ yaṃ niccaṃ sukhaṃ attāti gaṇhāti, taṃ taṃ ariyasāvako aniccaṃ dukkhaṃ anattāti gaṇhanto taṃ gāhaṃ viniveṭheti. Iti imasmiṃ suttattaye puthujjanattaggāhaviniveṭhanaṃ nāma kathitaṃ.

**271. Mātaranti**ādīsū janikāva mātā, janakova pitā, manussabhūtova khīṇāsavo arahāti adhippeto. Kiṃ pana ariyasāvako aññaṃ jīvitā voropeyyāti? Etampi aṭṭhānaṃ. Sacepi bhavantaragataṃ ariyasāvakaṃ attano ariyasāvakaḥāvamaṃ ajānantampi koci evaṃ vadeyya “imaṃ kunthakipillikaṃ jīvitā voropetvā sakalacakkavāḷagabbhe cakkavattirajjaṃ paṭipajjāhī”ti, neva so taṃ jīvitā voropeyya. Athāpi naṃ evaṃ vadeyyuṃ “sace imaṃ na ghātesasi, sīsaṃ te chindissāmā”ti. Sīsamevassa chindeyyuṃ, na ca so taṃ ghāteyya. Puthujjanabhāvassa pana mahāsāvajjabhāvadassanattaṃ ariyasāvakaṃ ca balavadīpanatthametam vuttaṃ. Ayañhettha adhippāyo – sāvajjo puthujjanabhāvo, yatra hi nāma puthujjano mātughātādīnīpi ānantariyāni karissati. Mahābalo ca ariyasāvako, yo etāni kammāni na karotīti.

**274. Paduṭṭhacittoti** vadhakacittena paduṭṭhacitto. **Lohitaṃ uppādeyyāti** jīvamānakasarīre khuddakamakkhikāya pivanamattampi lohitaṃ uppādeyya.

**275. Saṅghaṃ bhindeyyāti** samānasaṃvāsakaṃ samānasīmāya ṭhitaṃ pañcahi kāraṇehi saṅghaṃ bhindeyya. Vuttampi cetam “pañcahupāli, ākārehi saṅgho bhijjati – kammena, uddesena, voharanto, anussāvanena, salākaggāhenā”ti (pari. 458).

Tattha **kammenāti** apalokaṇādīsū catūsū kammesu aññatarena kammena. **Uddesenāti** pañcasu pātīmokkhuddesesu aññatarena uddesena. **Voharantoti** kathayanto, tāhi tāhi uppattīhi **adhammaṃ dhammoti**ādīni aṭṭhārasa bhedakaravatthūni dīpento. **Anussāvanenāti** “nanu tumhe jānātha mayhaṃ uccākulā pabbajitabhāvaṃ bahussutabhāvaṃ, mādiso nāma uddhammaṃ ubbinayaṃ satthu sāsaṇaṃ gāheyyāti cittampi uppādetuṃ na tumhākaṃ yuttaṃ, kiṃ mayhaṃ avīci nīluppalavanaṃ viya sītālā, kiṃ ahaṃ apāyato na bhāyāmī”tiādīnā nayena kaṇṇamūle vacībhedaṃ katvā anussāvanena. **Salākaggāhenāti** evaṃ anussāvetvā tesam cittaṃ upatthambhetvā anivattidhamme katvā “gaṇhatha

imaṃ salāka’’nti salākaggāhena.

Ettha ca kammeva uddeso vā pamāṇaṃ, vohārānussāvanasalākaggāhā pana pubbabhāgā. Aṭṭhārasavattudīpanavasena hi voharantena tattha rucijananatthaṃ anussāvetvā salākāya gahitāyapi abhinnova hoti saṅgho. Yadā pana evaṃ cattāro vā atirekā vā salākaṃ gahetvā āveṇikaṃ kammaṃ vā uddesaṃ vā karonti, tadā saṅgho bhinno nāma hoti. Evaṃ diṭṭhisampanno puggalo saṅghaṃ bhindeyyāti netam ṭhānaṃ vijjati. Ettāvata mātughātādīni pañca ānantariyakammāni dassitāni honti, yāni puthujjano karoti, na ariyasāvako. Tesam āvibhāvattamā –

“Kammato dvārato ceva, kappatṭhitiyato tathā;  
Pākasādhāraṇādīhi, viññātabbo vinicchayo”.

Tattha **kammato** tāva – ettha hi manussabhūtasēva manussabhūtaṃ mātaraṃ vā pīturaṃ vā api parivattaliṅgaṃ jīvitā voropentassa kammaṃ ānantariyaṃ hoti, tassa vipākaṃ paṭibāhissāmīti sakalacakkavālaṃ mahācetiyaṃ paṇehipi kañcanathūpehi pūretvāpi sakalacakkavālaṃ pūretvā nisinnassa bhikkhusaṅghassa mahādānaṃ datvāpi buddhassa bhagavato saṅghāṭikaṇṇaṃ amuñcanto vicarivāpi kāyassa bhedā nirayameva upapajjati. Yo pana sayam manusso tīracchānabhūtaṃ mātaraṃ vā pīturaṃ vā, sayam vā tīracchānabhūto manussabhūtaṃ, tīracchānabhūtoyeva vā tīracchānabhūtaṃ jīvitā voropeti, tassa kammaṃ ānantariyaṃ na hoti, bhāriyaṃ pana hoti, ānantariyaṃ āhacēva tiṭṭhati. Manussajātikanāma pana vasena ayaṃ pañho kathito.

Tattha eḷakacattukkaṃ, saṅgāmacattukkaṃ, coracattukkaṃ kathetabbam. Eḷakaṃ māressāmīti abhisandhināpi hi eḷakatṭhāne ṭhitaṃ manusso manussabhūtaṃ mātaraṃ vā pīturaṃ vā mārento ānantariyaṃ phusati. Eḷakābhisandhinā mātāpitiabhisandhinā vā eḷakaṃ mārento ānantariyaṃ na phusati, mātāpitiabhisandhinā mātāpitaro mārento phusateva. Esa nayo itarasmimpi cattukadvaye. Yathā ca mātāpītūsu, evaṃ arahantepi etāni cattukāni vedittabbāni. Manussaarahantameva ca māretvā ānantariyaṃ phusati, na yakkhabhūtaṃ. Kammaṃ pana bhāriyaṃ, ānantariyasadisameva. Manussaarahantassa ca puthujjanakāleyeva sathappahāre vā vise vā dinnepi yadi so arahattaṃ patvā teneva marati, arahantaghatāko hotiyeva. Yam pana puthujjanakāle dinnam dānam arahattaṃ patvā paribhuñjati, puthujjanasēva tam dinnam hoti. Sesaariyapuggale mārentassa ānantariyaṃ natthi, kammaṃ pana bhāriyaṃ, ānantariyasadisameva.

**Lohituppāde** tathāgatassa abhejjakāyatāya parūpakkamena cammacchedam katvā lohitapaggharaṇam nāma natthi, sarīrassa pana antoyeva ekasmiṃ ṭhāne lohitam samosarati. Devadattena paviddhasilato bhijjivā gatā sakalikāpi tathāgatassa pādantaṃ pahari, pharasunā pahaṭo viya pādo antolohitoyeva ahoṣi. Tathā karontassa ānantariyaṃ hoti. Jīvako pana tathāgatassa ruciyā sathakena cammam chindivā tamhā ṭhānā duṭṭhalohitam nīharitvā phāsukamakāsi. Tathā karontassa puññakammameva hoti.

Atha ye parinibbute tathāgate cetiyaṃ bhindanti, bodhiṃ chindanti, dhātumhi upakkamanti, tesam kiṃ hotīti? Bhāriyaṃ kammaṃ hoti, ānantariyasadisam. Sadhātukaṃ pana thūpaṃ vā paṭimaṃ vā bādhamānaṃ bodhisākhāṃ chinditum vaṭṭati. Sacepi tattha nilīnā sakuṇā cetiye vaccaṃ pāteṇi, chinditum vaṭṭatiyeva. Paribhogacetiyaṃ hi sarīracetiyaṃ mahantataram. Cetiyaṃ bhinditvā gacchantam bodhimūlampa chinditvā haritum vaṭṭati. Yā pana bodhisākhā bodhigharam bādhati, tam geharakkhaṇattam chinditum na labhati. Bodhiatthañhi geham, na gehatthāya bodhi. Āsanagharepi eseva nayo. Yasmiṃ pana āsanaghare dhātu nīhitā hoti, tassa rakkhaṇattāya bodhisākhāṃ chinditum vaṭṭati. Bodhiyagganattam oḷāraṇasākhāṃ vā pūṭisākhāṃ vā chinditum vaṭṭatiyeva, sarīrapaṭijaggane viya puññampi hoti.

**Saṅghabhedepi** sīmatṭhakasaṅghe asannipatite visum parisam gahetvā katavohārānussāvanasalākaggāhassa kammaṃ vā karontassa uddesaṃ vā uddisantassa bhedo ca hoti

ānantariyakammañca. Samaggasaññāya pana vaṭṭatīti saññāya vā karontassa bhedova hoti, na ānantariyakammaṃ. Tathā navato ūnāparisāya. Sabbantimena paricchena navannaṃ janānaṃ yo saṅghaṃ bhindati, tassa ānantariyakammaṃ hoti. Tassa anuvattakānaṃ adhammavādīnaṃ mahāsāvajjakammaṃ, dhammavādīno pana anavajjā. Tattha navannaṃeva saṅghabhede idaṃ suttaṃ – “ekato, upāli, cattāro honti, ekato cattāro, navamo anussāveti, salākaṃ gāheti ‘ayaṃ dhammo ayaṃ vinayo idaṃ satthu sāsanaṃ, imaṃ gaṇhatha, imaṃ rocethā’ ti. Evaṃ kho, upāli, saṅgharāji ceva hoti saṅghabhedo ca. Navannaṃ vā, upāli, atirekanavannaṃ vā saṅgharāji ceva hoti saṅghabhedo cā’ ti (cūlava. 351). Etesu ca pana pañcasu saṅghabhedo vacīkammaṃ, sesāni kāyakammānīti evaṃ kammato viññātabbo vinicchayo.

**Dvāratoti** sabbāneva cetāni kāyadvāratopi vacīdvāratopi samuṭṭhahanti. Purimāni panettha cattāri āṇattikavijjāmayappayogavasena vacīdvārato samuṭṭhahitvāpi kāyadvārameva pūrenti, saṅghabhedo hatthamuddhāya bhedaṃ karontassa kāyadvārato samuṭṭhahitvāpi vacīdvārameva pūretīti evamettha dvāratopi viññātabbo vinicchayo.

**Kappaṭṭhitiyatoti** saṅghabhedoyeva cettha kappaṭṭhitiyo. Saṅghahante hi kappe vā kappavemajjhe vā saṅghabhedaṃ katvā kappavināseyeva muccati. Sacepi hi ‘sve kappo vinassissatī’ ti ajja saṅghabhedaṃ karoti, sveva muccati, ekadivasameva nīraye paccati. Evaṃ karaṇaṃ pana natthi. Sesāni cattāri kammāni ānantariyāneva honti, na kappaṭṭhitiyānīti evamettha kappaṭṭhitiyatopi viññātabbo vinicchayo.

**Pākatoti** yena ca pañcapetāni kammāni katāni honti, tassa saṅghabhedoyeva paṭisandhivasena vipaccati, sesāni “ahosikammaṃ nāhosi kammavipāko” ti evamādīsu saṅkhaṃ gacchanti. Saṅghabhedaḥbhāve lohituppādo, tadabhāve arahantaghāto, tadabhāve sace pitā sīlavā hoti, mātā dussīlā, no vā tathā sīlavatī, pitughāto paṭisandhivasena vipaccati. Sace mātā sīlavatī, mātughāto. Dvīsupi sīlena vā dussīlena vā samānesu mātughāto vā paṭisandhivasena vipaccati. Mātā hi dukkarakārinī bahūpakārā ca puttānanti. Evamettha pākatopi viññātabbo vinicchayo.

**Sādhāraṇādīhīti** purimāni cattāri sabbesampi gahaṭṭhapabbajitānaṃ sādhāraṇāni. Saṅghabhedo pana “na kho, upāli bhikkhunī, saṅghaṃ bhindati, na sikkhamānā, na sāmaṇero, na sāmaṇerī, na upāsako, na upāsikā saṅghaṃ bhindati. Bhikkhu kho, upāli, pakatatto samānasaṃvāsako samānasīmāyaṃ ṭhito saṅghaṃ bhindatī” ti (cūlava. 351) vacanato vuttappakārassa bhikkhunova hoti, na aññassa, tasmā asādhāraṇo. Ādisaddena sabbepe dukkhavedanāya sahatatā dosamohasampayuttā cāti evamettha sādhāraṇādīhipi viññātabbo vinicchayo.

**276. Aññaṃ satthāranti** “ayaṃ me satthā satthu kiccaṃ kātuṃ asamatto” ti bhavantarepi aññaṃ titthakaraṃ ‘ayaṃ me satthā’ ti evaṃ gaṇheyya, nettaṃ ṭhānaṃ vijjatīti attho.

**277. Ekissā lokadhātuyāti** dasasahassilokadhātuyā. Tīni hi khettāni jātikhettaṃ, āṇākhettāṃ visayakhettanti. Tattha **jātikhettaṃ** nāma dasasahassī lokadhātu. Sā hi tathāgatassa mātukucchimim okkamanakāle nikkhamanakāle sambodhikāle dhammacakkappavattane āyusaṅkhāravossajjane parinibbāne ca kampati. Koṭisatasahassacakkavālaṃ pana **āṇākhettāṃ** nāma. Āṭānāṭiyaparittamoraparittadhajaggaparittaratānāparittādīnāhi ettha āṇā pavattati. **Visayakhettassa** pana parimānaṃ natthi. Buddhānāhi “yāvatakaṃ ñānaṃ tāvatakaṃ ñeyyaṃ, yāvatakaṃ ñeyyaṃ tāvatakaṃ ñānaṃ, ñānapariyantikaṃ ñeyyaṃ, ñeyyapariyantikaṃ ñāna” nti (mahāni. 69; cūlani. mogharājamānavapucchāniddeso 85; paṭi. ma. 3.5) vacanato avisayo nāma natthi.

Imesu pana tīsu khettesu ṭhapetvā imaṃ cakkavālaṃ aññasmim cakkavāle buddhā uppajantīti suttaṃ natthi, na uppajantīti pana atthi. **Tīni hi piṭakāni** – vinayapiṭakaṃ, suttantapiṭakaṃ, abhidhammapiṭakaṃ. **Tisso saṅgītiyo** – mahākassapattherassa saṅgīti, yasattherassa saṅgīti, moggaliputtattherassa saṅgīti. Imā tisso saṅgītiyo āruḥhe tepiṭake buddhavacane imaṃ cakkavālaṃ

muñcitvā aññattha buddhā uppajjantīti suttaṃ natthi, na uppajjantīti pana atthi.

**Apubbaṃ acarimaṃ** apure apacchā, ekato na uppajjanti. Pure vā pacchā vā uppajjantīti vuttaṃ hoti. Tatha bodhipallaṅke “bodhiṃ appatvā na uṭṭhahissāmī”ti nisinnakālato paṭṭhāya yāva mātukucchimiṃ paṭisandhiggahaṇaṃ, tāva pubbeti na veditabbaṃ. Bodhisattassa hi paṭisandhikkhaṇe dasasahassacakkavāḷakampaneneva khetta-pariggaho kato, etthantare aññassa buddhassa uppatti nivāritāva hoti. Parinibbānato paṭṭhāya yāva sāsapamattāpi dhātu tiṭṭhati, tāva pacchāti na veditabbaṃ. Dhātūsu hi ṭhitāsu buddhā ṭhitāva honti. Tasmā etthantare aññassa buddhassa uppatti nivāritāva hoti. Dhātuparinibbāne pana jāte aññassa buddhassa uppatti na nivāritā.

Kasmā pana apubbaṃ acarimaṃ na uppajjantīti? Anacchariyattā. Buddhā hi acchariyamanussā. Yathāha – “ekapuggalo, bhikkhave, loke uppajjamāno uppajjati acchariyamanusso. Katamo ekapuggalo? Tathāgato arahamaṃ sammāsambuddho”ti (a. ni. 1.172). Yadi ca dve vā cattāro vā aṭṭha vā soḷasa vā ekato uppajjeyyūṃ, anacchariyā bhaveyyūṃ. Ekasmiñhi vihāre dvinnaṃ cetiyānampi lābhasakkāro uḷārā na honti, bhikkhūpi bahutāya anacchariyā jātā, evaṃ buddhāpi bhaveyyūṃ. Tasmā na uppajjanti.

Desanāya ca visesābhāvato. Yañhi satipaṭṭhānādikaṃ dhammaṃ eko deseti, aññena uppajjivāpi sova dhammo desetabbo siyā. Tato anacchariyō siyā. Ekasmiṃ pana dhammaṃ desente desanāpi acchariyāva hoti.

Vivādabhāvato ca. Bahūsu ca buddhesu uppannesu bahūnaṃ ācariyānaṃ antevāsikā viya “amhākaṃ buddho pāsādiko, amhākaṃ buddho madhurassaro lābhī puññavā”ti vivadeyyūṃ, tasmāpi evaṃ na uppajjanti.

Apicetaṃ kāraṇaṃ milindaraññā puṭṭhena nāgasenattherena vitthāritameva. Vuttañhi tatha (mi. pa. 5.1.1) –

“Bhante, nāgasena, bhāsitaṃpi hetamaṃ bhagavatā – ‘aṭṭhānametaṃ, bhikkhave, anavakāso, yaṃ ekissā lokadhātuyā dve arahanto sammāsambuddhā apubbaṃ acarimaṃ uppajjeyyūṃ, netamaṃ ṭhānaṃ vijjati”ti. Desentā ca, bhante nāgasena, sabbepi tathāgatā sattatīmsa bodhipakkhiyadhamme desenti, kathayamānā ca cattāri ariyasaccāni kathenti, sikkhāpentā ca tīsu sikkhāsu sikkhāpenti, anusāsamānā ca appamādapāṭipattiyamaṃ anusāsanti. Yadi, bhante nāgasena, sabbesampi tathāgatānaṃ eko uddeso ekā kathā ekā sikkhā ekā anusitṭhi, kena kāraṇena dve tathāgatā ekakkhaṇe na uppajjanti. Ekenapi tāva buddhuppādena ayaṃ loko obhāsajāto, yadi dutiyopi buddho bhavye, dvinnaṃ pabhāya ayaṃ loko bhivyosomattāya obhāsajāto bhavye. Ovadamānā ca dve tathāgatā sukhaṃ ovadeyyūṃ, anusāsamānā ca sukhaṃ anusāseyyūṃ. Tatha me kāraṇaṃ desehi, yathāhaṃ nissamsayo bhavyeyanti”.

“Ayaṃ, mahārāja, dasasahassī lokadhātu ekabuddhadhāraṇī, ekasseva tathāgatassa guṇaṃ dhāreti. Yadi dutiyō buddho uppajjeyya, nāyamaṃ dasasahassī lokadhātu dhāreyya, caleyya kampeyya nameyya onameyya vinameyya vikireyya vidhameyya viddhamseyya, na ṭhānamupagaccheyya.

“Yathā, mahārāja, nāvā ekapurisasandhāraṇī bhavye. Ekasmiṃ purise abhirūḷhe sā nāvā samupādikā bhavye. Atha dutiyō puriso āgaccheyya tādiso āyunā vaṇṇena vayena pamāṇena kisathūlena sabbaṅgapaccaṅgena, so taṃ nāvaṃ abhiruheyya. Api nu sā, mahārāja, nāvā dvinnampi dhāreyyāti? Na hi, bhante, caleyya kampeyya nameyya onameyya vinameyya vikireyya vidhameyya viddhamseyya, na ṭhānamupagaccheyya, osīdeyya udaketi. Evameva kho, mahārāja, ayaṃ dasasahassī lokadhātu ekabuddhadhāraṇī, ekasseva tathāgatassa guṇaṃ dhāreti, yadi dutiyō buddho uppajjeyya, nāyamaṃ dasasahassī lokadhātu dhāreyya, caleyya...pe... na ṭhānamupagaccheyya.

“Yathā vā pana, mahārāja, puriso yāvadattham bhojanam bhuñjeyya chādentam yāva kaṅṭhamabhipūrayitvā. So dhāto pīṇito paripuṇṇo nirantaro tandikato anonamitadaṇḍajāto punadeva tattakam bhojanam bhuñjeyya. Api nu kho so, mahārāja, puriso sukhito bhaveyyāti? Na hi, bhante, sakim bhuttova mareyyāti. Evameva kho, mahārāja, ayam dasasahassī lokadhātu ekabuddhadhāraṇī... pe... na thānamupagaccheyyāti.

“Kim nu kho, bhante nāgasena, atidhammabhārena pathavi calatīti? Idha, mahārāja, dve sakaṭā ratanaparipūrītā bhaveyyum yāva mukhasamā. Ekasmā sakaṭato ratanam gahetvā ekasmiṃ sakaṭe ākireyyum, api nu tam, mahārāja, sakaṭam dvinnampi sakaṭānam ratanam dhāreyyāti? Na hi, bhante, nābhipi tassa phaleyya, arāpi tassa bhijjeyyum, nemīpi tassa opateyyum, akkhopi tassa bhijjeyyāti. Kim nu kho, mahārāja, atiratanabhārena sakaṭam bhijjatīti? Āma, bhanteti. Evameva kho, mahārāja, atidhammabhārena pathavī calatīti.

“Api ca, mahārāja, imam kāraṇam buddhabalaparidīpanāya osāritam. Aññampi tattha abhirūpaṃ kāraṇam suṇohi, yena kāraṇena dve sammāsambuddhā ekakkhaṇe na uppajjanti. Yadi, mahārāja, dve sammāsambuddhā ekakkhaṇe uppajjeyyum, parisāya vivādo uppajjeyya, ‘tumhākam buddho, amhākam buddho’ ti ubhatopakkhajātā bhaveyyum. Yathā, mahārāja, dvinnam balavāmaccānam parisāya vivādo uppajjati, ‘tumhākam amacco amhākam amacco’ ti ubhatopakkhajātā honti. Evameva kho, mahārāja, yadi dve sammāsambuddhā ekakkhaṇe uppajjeyyum, parisāya vivādo uppajjeyya, ‘tumhākam buddho, amhākam buddho’ ti ubhatopakkhajātā bhaveyyum. Idam paṭhamam kāraṇam suṇohi, yena kāraṇena dve sammāsambuddhā ekakkhaṇe na uppajjanti.

“Aparampi, mahārāja, uttarim kāraṇam suṇohi, yena kāraṇena dve sammāsambuddhā ekakkhaṇe na uppajjanti. Yadi, mahārāja, dve sammāsambuddhā ekakkhaṇe uppajjeyyum, aggo buddhoti yaṃ vacanam, tam micchā bhaveyya. Jeṭṭho buddhoti...pe... seṭṭho buddhoti. Viṣiṭṭho buddhoti, uttamo buddhoti, pavaro buddhoti, asamo buddhoti, asamasamo buddhoti, appaṭisamo buddhoti, appaṭibhāgo buddhoti, appaṭipuggalo buddhoti yaṃ vacanam, tam micchā bhaveyya. Imampi kho tvaṃ, mahārāja, kāraṇam atthato sampaṭiccha, yena kāraṇena dve sammāsambuddhā ekakkhaṇe na uppajjanti.

“Apica, mahārāja, buddhānam bhagavantānam sabhāvapakatīkā esā, yaṃ ekoyeva buddho loke uppajjati. Kasmā? Kāraṇamahantattā sabbaññubuddhaguṇānam. Aññampi, mahārāja, yaṃ mahantam hoti, tam ekamyeva hoti. Pathavī, mahārāja, mahantī, sā ekāyeva. Sāgaro mahanto, so ekoyeva. Sineru girirāja mahanto, so ekoyeva. Ākāso mahanto, so ekoyeva. Sakko mahanto, so ekoyeva. Brahmā mahanto, so ekoyeva. Tathāgato araham sammāsambuddho mahanto, so ekoyeva. Yattha te uppajjanti, tattha aññesam okāso na hoti. Tasmā tathāgato araham sammāsambuddho ekoyeva loke uppajjatīti. Sukathito, bhante nāgasena, paṇho opammehi kāraṇehi” ti.

**Ekissā lokadhātuyāti** ekasmiṃ cakkavāle. Heṭṭhā imināva padena dasa cakkavālasahassāni gahitāni, tānipi ekacakkavāleneva paricchinditum vaṭṭanti. Buddhā hi uppajjamānā imasmimyeva cakkavāle uppajjanti, uppajjanaṭṭhāne pana vārite ito aññesu cakkavālesu na uppajjantīti vāritameva hoti.

Paṭhamavaggavaṇṇanā.

## 15. Aṭṭhānapāli

### (15) 2. Aṭṭhānapāli-dutiyavaggavaṇṇanā

**278. Apubbaṃ acarimanti** ettha cakkaranapātubhāvato pubbe pubbaṃ, tasseva antaradhānato pacchā carimaṃ. Tattha dvidhā cakkaranassa antaradhānam hoti cakkavattino kālakiriyāya vā pabbajjāya vā. Antaradhāyamānaṃ pana tam kālakiriyato vā pabbajjato vā sattame divase antaradhāyati, tato param cakkavattino pātubhāvo avārito.

Kasmā pana ekacakkavāle dve cakkavattino na uppajjantīti? Vivādupacchedato, acchariyabhāvato, cakkaranassa mahānubhāvato ca. Dvīsu hi uppajjantesu “amhākaṃ rājā mahanto, amhākaṃ rājā mahanto”ti vivādo uppajjeyya, “ekasmiṃ dīpe cakkavattī, ekasmiṃ dīpe cakkavattī”ti ca anacchariyo bhaveyya. Yo cāyaṃ cakkaranassa dvisahassadīparivāresu catūsu mahādīpesu issariyānuppādānasamattho mahānubhāvo, sopi parihāyetha. Iti vivādupacchedato acchariyabhāvato cakkaranassa mahānubhāvato ca na ekacakkavāle dve uppajjanti.

**279. Yaṃ itthī arahaṃ assa sammāsambuddhoti** ettha tiṭṭhatu tāva sabbaññuḅuṇe nibbattetvā lokanittaraṇasamattho buddhabhāvo, paṇidhānamattampi itthiyā na sampajjati.

“Manussattaṃ liṅgasampatti, hetu satthāradassanaṃ;  
Pabbajjā guṇasampatti, adhikāro ca chandatā;  
Aṭṭha dhammasamodhānā, abhinīhāro samijjhatī”ti. (bu. vaṃ. 2.59) –

Imāni hi paṇidhānasampattikāraṇāni. Iti paṇidhānampi sampādetuṃ asamattāya itthiyā kuto buddhabhāvoti. “Aṭṭhānametaṃ, bhikkhave, anavakāso, yaṃ itthī arahaṃ assa sammāsambuddho”ti vuttaṃ. Sabbākāraparipūrova puññussayo sabbākāraparipūrameva attabhāvaṃ nibbattetīti purisova arahaṃ hoti sammāsambuddho, na itthī.

**280. Rājā assa cakkavattītiādīsu** yasmā itthiyā kosohitavattaguyhatādīnaṃ abhāvena lakkhaṇāni na paripūranti, itthiratanābhāvena sattaratanasamaṅgitā na sampajjati, sabbamanussehi ca adhiko attabhāvo na hoti. Tasmā “aṭṭhānametaṃ, bhikkhave, anavakāso yaṃ itthī rājā assa cakkavattī”ti vuttaṃ.

**281.** Yasmā ca sakkattādīni tīṇi ṭhānāni uttamāni, itthilingāṇca hīnaṃ, tasmā cassā sakkattādīnipi paṭisiddhāni.

Nanu ca yathā itthilingaṃ, evaṃ purisalingampi brahmaloke natthi. Tasmā “yaṃ puriso brahmattaṃ kāreyya, ṭhānametaṃ vijjati”tipi na vattabbaṃ siyāti. No na vattabbaṃ. Kasmā? Idha purisassa tattha nibbattanato. Brahmattanti hi mahābrahmattaṃ adhippettaṃ. Itthī ca idha jhānaṃ bhāvetvā kālaṃ katvā brahmapārisajjānaṃ sahabyataṃ upapajjati, na mahābrahmānaṃ. Puriso pana tattha nuppajjatīti na vattabbo. Samānēpi cettha ubhayalingābhāve purisasaṅṭhānāva brahmāno, na itthisaṅṭhānā. Tasmā suvuttamevettaṃ.

**284. Kāyaduccaritasātiādīsu** yathā nimbabījakosātakibījādīni madhuraṃ phalaṃ na nibbattenti, asātaṃ amadhurameva nibbattenti, evaṃ kāyaduccaritādīni madhuraṃ vipākaṃ na nibbattenti, amadhurameva nibbattenti. Yathā ca ucchubījasālībījādīni madhuraṃ sādurasameva phalaṃ nibbattenti, na asātaṃ kaṭukaṃ. Evaṃ kāyasucaritādīni madhurameva vipākaṃ nibbattenti, na amadhuraṃ. Vuttampi cettaṃ –

“Yādisaṃ vapate bījaṃ, tādisaṃ harate phalaṃ;  
Kalyāṇakārī kalyāṇaṃ, pāpakārī ca pāpaka”nti. (saṃ. ni. 1.256);

Tasmā “aṭṭhānametaṃ, bhikkhave, anavakāso, yaṃ kāyaduccaritasā”tiādi vuttaṃ.

**290-295. Kāyaduccaritasamaṅgītiādīsu samaṅgīti** pañcavidhā samaṅgitā – āyūhanasamaṅgitā, cetanāsamaṅgitā, kammāsamaṅgitā, vipākasamaṅgitā, upaṭṭhānasamaṅgitāti. Tattha kusalākusalakammāyūhanakkhaṇe āyūhanasamaṅgitāti vuccati. Tathā **cetanāsamaṅgitā**. Yāva pana sattā arahattaṃ na pāpuṇanti, tāva sabbepi sattā pubbe upacitacetanāya samaṅgitāya cetanāsamaṅginoti vuccanti. Esā cetanāsamaṅgitā. Yāva arahattaṃ na pāpuṇanti, tāva sabbepi sattā pubbe upacitaṃ vipākārahaṃ kammaṃ sandhāya “kammāsamaṅgino”ti vuccanti. Esā **kammāsamaṅgitā**.



**Vipākasamaṅgitā** vipākakkhaṇeyeva veditabbā. Yāva pana sattā arahattaṃ na pāpuṇanti, tāva tesam tato tato cavitvā niraye uppajjamānānaṃ aggijālālohakumbhiādīhi upaṭṭhānākārehi nirayo, gabbhaseyyakattaṃ āpajjamānānaṃ mātukucchi, devesu uppajjamānānaṃ kapparukkha vimānādīhi upaṭṭhānākārehi devalokoti evaṃ upapattinimittaṃ upaṭṭhāti. Iti nesam iminā upapattinimittaupatṭhānena aparimuttatā **upaṭṭhānasamaṅgitā** nāma. Sā calati, sesā niccalā. Niraye hi upaṭṭhitepi devaloko upaṭṭhāti, devaloke upaṭṭhitepi nirayo upaṭṭhāti, manussaloke upaṭṭhitepi tiracchānayoni upaṭṭhāti, tiracchānayoniyā ca upaṭṭhitāyapi manussaloko upaṭṭhātiyeva.

Tatridaṃ vatthu – soṇagiripāde kira acelavihāre soṇatthero nāma eko dhammakathiko. Tassa pitā sunakhavājiko nāma ahoṣi, thero taṃ paṭibhantopi saṃvare ṭhapetuṃ asakkonto “mā nassi varāko”ti mahallakakāle akāmakam naṃ pabbājesi. Tassa gilānaseyyāya nipannassa nirayo upaṭṭhāsi. Soṇagiripādato mahantā sunakhā āgantvā khāditukāmā viya samparivāresuṃ. So mahābhayabhīto “vārehi, tāta soṇa, vārehi, tāta soṇā”ti āha. Kiṃ mahātherāti? Na passasi, tātāti taṃ pavattim ācikkhi. Soṇatthero “kathañhi nāma mādisassa pitā niraye nibbattissati, patiṭṭhāssa bhavissāmī”ti sāmaṇerehi nānāpupphāni āharāpetvā cetiyaṅgaṇabodhiyaṅgaṇesu talasantharaṇapūjaṃ āsanapūjañca kāretvā pitaraṃ mañcakena cetiyaṅgaṇaṃ haritvā mañce nisīdāpetvā “ayaṃ, mahāthera, pūjā tumhākaṃ atthāya katā, ‘ayaṃ me bhagavā duggatapaṇṇākāro’ti vatvā bhagavantaṃ vanditvā cittaṃ pasādehi”ti āha. Sā mahāthero pūjaṃ disvā tathā karonto cittaṃ pasādesi. Tāvadevassa devaloko upaṭṭhāsi. Nandanavana-cittalatāvana-missakavana-phārusakavana-vimānāni ceva devanāṭakāni ca parivāretvā ṭhitāni viya ahesuṃ. So “apetha, soṇa, apetha, soṇā”ti theram āha. Kimidaṃ, mahātherāti? Etā te mātaro āgacchantīti. Thero “saggo upaṭṭhito mahātherassa”ti cintesi. Evaṃ upaṭṭhānasamaṅgitā calatīti veditabbā. Etāsu samaṅgitāsu idha āyūhanacetanākamma-samaṅgitāvasena “kāyaduccaritasamaṅgi”tiādi vuttaṃ.

Tattha eke ācariyā “yasmim khaṇe kammaṃ āyūhati, tasmimyeva khaṇe tassa saggo vārito”ti vadanti. Apare pana “āyūhitakammaṃ nāma vipākavāraṃ labhantampi atthi alabhantampi. Tattha yadā kammaṃ vipākavāraṃ labhati, tasmimyeva kāle tassa saggo vārito”ti vadanti. Sesam sabbattha uttānatthamevāti.

Atṭhānapāḷivaṇṇanā niṭṭhitā.

## 16. Ekadhammapāḷi

### (16) 1. Ekadhammapāḷi-paṭṭhamavaggaṇṇanā

**296.** Ekadhammapāḷiyaṃ **ekadhammoti** ekasabhāvo. **Ekantanibbidāyāti** ekantena vaṭṭe nibbindanattāya ukkaṇṭhanattāya. **Virāgāyāti** vaṭṭe virajjanattāya, rāgādīnaṃ vā kilesānaṃ virajjanāya vigamāya. **Nirodhāyāti** rāgādīnaṃ nirodhāya appavattikaraṇattāya, vaṭṭasseva vā nirujjanattāya. **Upasamāyāti** kilesavūpasamanattāya, **abhiññāyāti** aniccādivasena lakkhaṇattayaṃ āropetvā abhijānanattāya. **Sambodhāyāti** catunnaṃ saccānaṃ bujjanattāya, “bodhi vuccati catūsu maggesu ñāṇa”nti (mahāni. 191; cūḷani. khaggavisāṇasuttaniddeso 121) evaṃ vuttassa vā catumaggañāṇassa paṭivijjanattāya. **Nibbānāyāti** appaccayanibbānassa sacchikaraṇattāya.

Iti bhagavā imehi sattahi padehi buddhānussatikammaṭṭhānassa vaṇṇaṃ kathesi. Kasmā? Mahājanassa ussāhajananttham visakaṇṭakavāṇiyo viya attano paṇiyassa. Visakaṇṭakavāṇiyo nāma guḷavāṇiyo vuccati. So kira guḷaphāṇitakhaṇḍasakkarādīni sakaṭenādāya paccantagāmaṃ gantvā “visakaṇṭakaṃ gaṇhatha, visakaṇṭakaṃ gaṇhathā”ti ugghosesi. Taṃ sutvā gāmikā “visam nāma kakkhaḷaṃ ghoram. Yo naṃ khādāti, so marati. Kaṇṭakampi vijjhivā māreti, ubhopete kakkhaḷā. Ko ettha ānisamso”ti gehadvārāni thakesuṃ, dārake ca palāpesuṃ. Taṃ disvā vāṇiyo ‘avohārakusalā ime gāmikā, handa ne upāyena gāhāpemi”ti “atimadhuraṃ gaṇhatha, atisādum gaṇhatha, guḷaṃ phāṇitaṃ

sakkaraṃ samaggaṃ labbhati, kūṭamāsakakūṭakahāpaṇādīhi vāpi labbhatī”ti ugghosesi. Taṃ sutvā gāmikā tuṭṭhapahaṭṭhā vaggavaggā gantvā bahumpi mūlaṃ datvā aggahesuṃ.

Tattha visakaṇṭakaṃ vaṇṇajassa “visakaṇṭakaṃ gaṇhathā”ti ugghosanaṃ viya bhagavato buddhānussatikammaṭṭhānakathanāṃ, visakaṇṭake vaṇṇaṃ kathetvā tassa gahaṇatthāya mahājanassa ussāhakaṇaṃ viya imehi sattahi padehi buddhānussatikammaṭṭhānassa vaṇṇabhaṇanaṃ tassa mahājanassa ussāhakaṇaṃ.

**Katamo ekadhammoti** kathetukamyatāpucchā. **Buddhānussatīti** buddhaṃ ārabha uppannā anussati, buddhaguṇārammaṇāya satiyā etaṃ adhivacanaṃ. Taṃ panetaṃ buddhānussatikammaṭṭhānaṃ duvidhaṃ hoti cittasampahaṃsanatthañceva vipassanatthañca. Kathaṃ? Yadā hi asubhārammaṇesu aññataraṃ bhāventassa bhikkhuno cittuppādo upahaññati ukkaṇṭhati nirassādo hoti, vīthiṃ nappaṭipajjati, kūṭagoṇo viya ito cito ca vidhāvati. Tasmim̐ khaṇe esa mūlakammaṭṭhānaṃ pahāya “itipi so bhagavā”tiādīnā nayena tathāgatassa lokiyalokuttaraguṇe anussarati. Tassevaṃ buddhaṃ anussarantassa cittuppādo pasīdati, vinīvaraṇo hoti. So taṃ cittaṃ evaṃ dametvā puna mūlakammaṭṭhānaṃyeva manasi karoti. Kathaṃ? Yathā nāma balavā puriso kūṭāgarakaṇṇikatthāya mahārukkaṃ chindanto sākāpalāsacchedanamatteneva pharasudhārāya vipannāya mahārukkaṃ chindituṃ asakkontopi dhuraṇikkhepaṃ akatvāva kammārasālaṃ gantvā tikhiṇaṃ pharaṃ kārāpetvā puna taṃ chindeyya. Evaṃsāmpadamidaṃ daṭṭhabbaṃ. So evaṃ buddhānussativasena cittaṃ paridametvā puna mūlakammaṭṭhānaṃ manasikaronto asubhārammaṇaṃ paṭhamajjhānaṃ nibbattetvā jhānaṅgāni sammasitvā ariyabhūmiṃ okkamati. Evaṃ tāva cittasampahaṃsanatthaṃ hoti.

Yadā panesa buddhānussatiṃ anussarivā “ko ayaṃ itipi so bhagavātiādīnā nayena anussari, itthi nu kho puriso nu kho devamanussamābrahmānaṃ aññataro nu kho”ti pariggaṇhanto “na añño koci, satisampayuttaṃ pana cittameva anussarī”ti disvā “taṃ kho panetaṃ cittaṃ khandhato viññāṇakkhandho hoti, tena sampayuttā vedanā vedanākkhandho, tena sampayuttā saññā saññākkhandho, saḥajāta phassādayo saṅkhārakkhandhoti ime cattāro arūpakkhandhā hontī”ti arūpañca vavatthapetvā tassa nissayaṃ pariyesanto hadayaṃvathuṃ disvā tassa nissayāni cattāri mahābhūtāni, tāni upādāya pavattāni sesaupādārūpāni ca pariggahetvā “sabbametaṃ rūpaṃ rūpakkhandho”ti vavatthapetvā “idañca rūpaṃ purimañca arūpa”nti saṅkhepato rūpārūpaṃ, pabhedato pañcakkhandhe puna “saṅkhepato pañcapete khandhā dukkhasacca”nti dukkhasaccaṃ vavatthapetvā “tassa pabhāvikā taṇhā samudayasaccaṃ, tassā nirodho nirodhasaccaṃ, nirodhapajānanā paṭipadā maggasacca”nti evaṃ pubbabhāge cattāri ca saccāni vavatthapetvā paṭipāṭiyā ariyabhūmiṃ okkamati. Tadāssa imaṃ kammaṭṭhānaṃ vipassanatthaṃ nāma hoti. **Ayaṃ khoti**ādi appanāvāro vuttanayeneva veditabbo.

**297. Dhammānussati**ādīsipi eseva nayo. Ayaṃ panettha vacanatto – dhammaṃ ārabha uppannā anussati **dhammānussati**, svākkhātādīdhammaguṇārammaṇāya satiyā etaṃ adhivacanaṃ. Saṅghaṃ ārabha uppannā anussati **saṅghānussati**, suppaṭipannatādisaṅhaguṇārammaṇāya satiyā etaṃ adhivacanaṃ. Sīlaṃ ārabha uppannā anussati **sīlānussati**, akhaṇḍatādisīlaguṇārammaṇāya satiyā etaṃ adhivacanaṃ. Cāgaṃ ārabha uppannā anussati **cāgānussati**, muttacāgatādicāgaguṇārammaṇāya satiyā etaṃ adhivacanaṃ. Devatā ārabha uppannā anussati **devatānussati**, devatā sakkhiṭṭhāne ṭhapetvā attano saddhādiguṇārammaṇāya satiyā etaṃ adhivacanaṃ. Ānāpāne ārabha uppannā sati **ānāpānassati**, assāsapassāsanimittārammaṇāya satiyā etaṃ adhivacanaṃ. Maraṇaṃ ārabha uppannā sati **marāṇassati**, jīvitindriyupacchedārammaṇāya satiyā etaṃ adhivacanaṃ. Kesādhībhedāṃ rūpakāyaṃ gatā, kāye vā gatāti kāyagatā, kāyagatā ca sā sati cāti kāyagatāsatiṃ vattabbe rassaṃ akatvā **kāyagatāsati**ti vuttā. Kesādikāyakoṭṭhāsanimittārammaṇāya satiyā etaṃ adhivacanaṃ. Upasamaṃ ārabha uppannā anussati **upasaṃānussati**, sabbadukkūpasamaṃārammaṇāya satiyā etaṃ adhivacanaṃ. Duvidho vā upasamo accantūpasamo ca khayūpasamo ca. Tattha **accantūpasamo** nāma nibbānaṃ, **khayūpasamo** nāma maggo. Evametaṃ duvidhampi upasamaṃ anussarantassa uppannā sati upasaṃānussatīti ayamettha attho. Iti imesu dasasu kammaṭṭhānesu ānāpānassati marāṇassati kāyagatāsatiṃ imāni tīni vipassanatthāneva honti, sesāni satta cittasampahaṃsanatthānīpi hontīti.

Paṭhamavaggavaṇṇanā.

## 16. Ekadhammapāḷi

### (16) 2. Ekadhammapāḷi-dutiyavaggavaṇṇanā

**298.** Dutīye **micchādiṭṭhī**ti dvāsaṭṭhividhāyapi micchādiṭṭhiyā etaṃ adhivacaṇaṃ. **Micchādiṭṭhikassā**ti tāya diṭṭhiyā samannāgatassa.

**299.** **Sammādiṭṭhī**ti pañcavidhāyapi sammādiṭṭhiyā etaṃ adhivacaṇaṃ. **Sammādiṭṭhikassā**ti tāya diṭṭhiyā samannāgatassa.

**302.** **Ayoniso manasikāro**ti anupāyamanasikāro.

**303.** **Yoniso manasikāro**ti upāyamanasikāro. Tattha ayoniso manasikaroto pubbe anuppannā micchādiṭṭhi uppajjati, uppannā pana yāva niyāmokkamaṇā pavaḍḍhati. Niyāme okkante vaḍḍhitā nāma hoti. Yoniso manasikaroto pubbe anuppannā sammādiṭṭhi uppajjati, uppannā pana yāva arahattamaggā pavaḍḍhati. Arahattaphale patte vaḍḍhitā nāma hoti.

**304.** **Micchādiṭṭhiyā, bhikkhave, samannāgatā sattā**ti ettha ekaccā micchādiṭṭhi saggāvaraṇā ceva hoti maggāvaraṇā ca, ekaccā maggāvaraṇāva, na saggāvaraṇā, ekaccā neva saggāvaraṇā na maggāvaraṇā. Tattha ahetukadiṭṭhi, akiriyadiṭṭhi, natthikadiṭṭhīti ayaṃ tividhā saggāvaraṇā ceva hoti maggāvaraṇā ca. Dasavattukā antaggāhikā micchādiṭṭhi maggāvaraṇāva hoti na saggāvaraṇā. Vīsativattukā sakkāyadiṭṭhi neva saggāvaraṇā na maggāvaraṇā. Idaṃ pana vidhānaṃ paṭikkhipitvā imasmiṃ sutte “micchādiṭṭhiyā, bhikkhave, samannāgatā”ti vacanato antamaso vīsativattukā sakkāyadiṭṭhiṃ upādāya diṭṭhi nāma saggāṃ upanetuṃ samattā nāma natthi, ekantaṃ nirayasmimyeva nimujjāpetīti vuttaṃ. Yathā hi muggamāsappamāṇāpi pāsāṇasakkharā uduke pakkhittā uppilavamānā nāma natthi, ekantaṃ heṭṭhāva pavisati, evamevaṃ antamaso sakkāyadiṭṭhiṃ saggāṃ upanetuṃ samattā nāma natthi, ekantaṃ apāyesuyeva nimujjāpetīti.

**305.** **Sammādiṭṭhiyā samannāgatā**ti ettha kammassakatasammādiṭṭhi, jhānasammādiṭṭhi, vipassanāsammādiṭṭhi, maggasammādiṭṭhi, phalassammādiṭṭhīti pañcavidhā sammādiṭṭhi. Tattha kammassakatasammādiṭṭhi sampattibhavaṃ ākaḍḍhati, jhānasammādiṭṭhi rūpārūpabhavaṃ paṭisandhiṃ deti, maggasammādiṭṭhi vaṭṭaṃ viddhamseti, phalassammādiṭṭhi bhavaṃ paṭibāhati. Vipassanāsammādiṭṭhi kiṃ karotīti? Sāpi paṭisandhiṃ nākaḍḍhati. Tipiṭakacūḷābhayatthero panāha “sace vipassanāsammādiṭṭhi bhāvītā diṭṭheva dhamme arahattaṃ pāpetuṃ sakkoti, iccetaṃ kusalaṃ. Sace na sakkoti, satta bhava deti, āvuso”ti. Evamayaṃ lokiyalokuttarā sammādiṭṭhi kathitā. Imasmiṃ panatthe lokikā bhavanipphādikāva veditabbā.

**306.** **Yañceva kāyakammaṃ yathādiṭṭhi samattaṃ samādinanti** ettha **yathādiṭṭhī**ti yā yā diṭṭhi, tassā tassā anurūpaṃ. **Samattanti** paripuṇṇaṃ. **Samādinanti** gahitaṃ. Tadevaṃ yathādiṭṭhiyaṃ ṭhitakāyakammaṃ, diṭṭhisahajātaṃ kāyakammaṃ, diṭṭhānulomikaṃ kāyakammanti tividhaṃ hoti. Tattha “pāṇaṃ hanato adinnaṃ ādiyato micchācāraṃ carato natthi tatonidānaṃ pāpaṃ, natthi pāpassa āgama”ti yaṃ evaṃ laddhikassa sato pāṇātipāta-adinnādāna-micchācārasaṅkhātaṃ kāyakammaṃ, idaṃ **yathādiṭṭhiyaṃ ṭhitakāyakammaṃ** nāma. “Pāṇaṃ hanato adinnaṃ ādiyato micchācāraṃ carato natthi tatonidānaṃ pāpaṃ, natthi pāpassa āgama”ti imāya pana laddhiyā iminā dassanena sahajātaṃ kāyakammaṃ **diṭṭhisahajātaṃ kāyakammaṃ** nāma. Tadeva pana samattaṃ samādinnaṃ gahitaṃ parāmaṭṭhaṃ **diṭṭhānulomikaṃ kāyakammaṃ** nāma. Vacīkammādīsopi eseva nayo. Yathā panettha “pāṇaṃ hanato adinnaṃ ādiyato micchācāraṃ carato natthi tatonidānaṃ pāpa”nti yojanā katā, evaṃ vacīkammamanokammesu “musā bhaṇato, piṣuṇaṃ kathentassa, pharuṣaṃ kathentassa, samphaṃ palapantassa, abhijjhāluno, byāpannacittassa, micchādiṭṭhikassa ca sato natthi tatonidānaṃ pāpa”nti

yojanā kātabbā.

**Yā ca cetanā**tiādīsu diṭṭhisahajātāva cetanā **cetanā** nāma, diṭṭhisahajātāva patthanā **patthanā** nāma, cetanāpatthanānaṃ vasena cittaṭṭhapanā **paṇidhi** nāma, tehi pana cetanādīhi sampayuttā phassādayo **saṅkhārā** nāma. **Diṭṭhi hissa, bhikkhave, pāpikā**ti yasmā tassa puggalassa diṭṭhi pāpikā lāmikā. **Nikkhittanti** ropitaṃ. **Upādiyātī**ti gaṇhāti. **Kaṭukattāyāti** idam purimasseva vevacanam.

“Vaṇṇagandharasūpeto, amboyaṃ ahuvā pure;  
Tameva pūjaṃ labhamāno, kenambo kaṭukapphalo.

“Pucimandaparivāro, ambo te dadhivāhana;  
Mūlaṃ mūlena saṃsaṭṭhaṃ, sākhā sākhā nisevare;  
Asātasannivāsena, tenambo kaṭukapphalo”ti. (jā. 1.2.71-72) –

Āgataṭṭhāne viya hi idhāpi kaṭukanti tittakaṃ veditabbaṃ. **Asātattāyāti** amadhurattāya.

Imasmi pana bījūpamasutte “diṭṭhīti niyatamicchādiṭṭhi gahitā”ti porāṇakattherā āhaṃsu. Tam pana paṭikkhipitvā “sabbānīpi dvāsattī diṭṭhigatāni gahitāni”ti vuttam. Anantarasutte “pāṇātipātā viramantassa, adinnādānā viramantassa, micchācārā viramantassa natthi tatonidānaṃ puñña”ntiādīnaṃ nayena yathādiṭṭhiyaṃ ṭhitakāyakammādīni yojetvā veditabbāni. Idha pana sammādiṭṭhisahajātā cittaṭṭhapanāva patthanāti veditabbā. Sammādiṭṭhi panettha lokiyalokuttarā kathitā. Sesam sabbattha uttānatthamevāti.

Dutiyavaggavaṇṇanā.

## 16. Ekaḍhammapāḷi

### (16) 3. Ekaḍhammapāḷi-tatīyavaggavaṇṇanā

**308.** Tatiyassa paṭhame **micchādiṭṭhikoti** ayāthāvadiṭṭhiko. **Viparītadassanoti** tāyeva micchādiṭṭhiyā viparītadassano. **Saddhammā vuṭṭhāpetvāti** dasakusalakammaphadhammato vuṭṭhāpetvā. **Asaddhamme paṭiṭṭhāpetīti** dasaakusalakammaphathasaṅkhāte asaddhamme paṭiṭṭhāpeti. **Ekapuggaloti** cettha chahi satthārehi saddhiṃ devadatto ca aññe ca evarūpā veditabbā.

**309.** Dutīye **sammādiṭṭhikoti** yāthāvadiṭṭhiko. **Aviparītadassanoti** tāyeva sammādiṭṭhiyā aviparītadassano. **Asaddhammāti** dasaakusalakammaphathato. **Saddhammeti** dasakusalakammaphathasaṅkhāte saddhamme. **Ekapuggaloti** cettha anuppanne buddhe cakkavattī rājā sabbaññubodhisattoti evamādayo labbhanti, uppanne buddhe buddho ceva buddhasāvaka ca.

**310.** Tatiye **micchādiṭṭhiparamānīti** micchādiṭṭhi paramā etesanti micchādiṭṭhiparamāni. Pañca hi ānantariyakammāni mahāsāvajjāni nāma, tehipi micchādiṭṭhiyeva mahāsāvajjatarāti adhippāyo. Kasmā? Tesañhi paricchedo atthi. Cattāri hi ānantariyakammāni niraye nibbattāpentīti vuttāni. Saṅghabhedakammampi niraye kappattītikameva hoti. Evametesam paricchedo atthi, koṭi paññāyati. Niyatamicchādiṭṭhiyā pana paricchedo natthi. Sā hi vaṭṭassa mūlaṃ, tāya samannāgatassa bhavato vuṭṭhānaṃ natthi. Ye tassa sotabbaṃ maññanti, tepi vipaṭipādeti. Tāya ca samannāgatassa neva saggo atthi na maggo. Kappavināse mahājane brahmaloke nibbattepi niyatamicchādiṭṭhiko tattha anibbattitvā piṭṭhicakkavāle nibbattati. Kiṃ pana piṭṭhicakkavālaṃ na jhāyatīti? Jhāyati, tasmim jhāyamānēpi esa ākāse ekasmim okāse paccatiyevāti vadanti.

**311.** Catutthe **makkhalīti** “mā khalī”ti vacanaṃ upādāya evaṃladdhanāmo titthakaro.

**Nadīmukheti** dvinnam nadīnam samāgataṭṭhāne. Desanāmetamevetam, dvinnam kandarānam, dvinnam udakānam, samuddassa ca, loṇiyā ca, samuddassa ca nadiyā cāti etesampi yassa kassaci samāgataṭṭhānam, aññampi tathārūpaṃ udakam. **Khipanti** kuminam. **Uḍḍeyyāti** oḍḍeyya. Manussā hi naḷehi vā ucchūhi vā veḷūhi vā palāsantisalākāya vā ekaṃ dve tayo vā kumbhe gaṇhanappamaṇakuminam katvā mukhavaṭṭiyā yottena bandhitvā nadīmukham netvā dvīsu passesu khāṇuke koṭṭetvā yottehi tattha bandhanti, tam sandhāyetam vuttam. Tasmiñhi pavīṭṭhassa khuddakassa macchassāpi mokkho natthi. **Anayāyāti** avadḍhiyā. **Byāsanāyāti** vināsāya. **Makkhali moghapurisoti** ayam makkhali gosālo tucchapuriso. **Manussakhippaṃ maññe loke uppannoti** mahājanassa saggamokkhagamanamagge tattha gamananivāraṇattham manussakuminam viya loke uppanno.

**312.** Pañcamādīsu **durakkhāte, bhikkhave, dhammavinayeti** durakkhātadhammavinayo nāma bāhirakasāsanam. Tattha hi satthāpi asabbaññū hoti, dhammopi durakkhāto, gaṇopi duppaṭipanno. **Yo ca samādapetīti** yo ācariyapuggalo samādapeti. **Yañca samādapetīti** yaṃ antevāsikaṃ samādapeti. **Yo ca samādapito tathattāya paṭipajjati** yo antevāsiko ācariyena samādapito tassa vacanam karonto tathābhāvāya paṭipajjati. **Bahuṃ apuññam pasavantīti** samādapako hi pāṇātipātādīsu jaṅghasatam samādapento tesam sabbesampi akusalena samakameva akusalam pāpuṇāti. Tenāha – “sabbe te bahuṃ apuññam pasavantī”ti.

**313. Svākkhātetī** suṭṭhu akkhāte sudesite. Evarūpe hi dhammavinaye satthā ca sabbaññū hoti, dhammo ca svākkhāto, gaṇo ca suppaṭipanno. **Sabbe te bahuṃ puññam pasavantīti** samādapako hi bhikkhū piṇḍāya pavīṭṭhe disvā yāgubhattādīni samādapento sabbesampi dāyakānam kusalena samakam kusalam pāpuṇāti. Tena vuttam – “bahuṃ puññam pasavantī”ti.

**314. Dāyakena mattā jānitabbāti** dāyakapuggalena pamāṇam jānitabbam, pamāṇena dātabbam, pūretvā atirekam na dātabbam. Na dātabbanti hi avatvā pamāṇavasena thokam dātabbanti vuttam. Kasmā? Pūretvā atireke dīnnepi hi atirekā manussasampatti vā dībbasampatti vā nibbānasampatti vā natthi. **No paṭiggāhakenāti** paṭiggāhakassa pana mattam jānitvā paṭiggahaṇakiccaṃ nāma natthi. Kasmā? Tassa hi mattam ñatvā pūretabbā mattapaṭiggahaṇamūlikā appicchapaṭipadā nāma natthi. Yattakam pana labhati, tattakam gahetabbam. Atirekaggahaṇamūlam hissa puttadārabharaṇam bhavissati.

**315. Paṭiggāhakena mattā jānitabbāti** paṭiggāhakupuggalena pamāṇam jānitabbam. Katham? Tena hi dāyakassa vaso veditabbo, deyyadhammassa vaso veditabbo, attano thāmo veditabbo. Yadi hi deyyadhammo bahu hoti, dāyako appam dātukāmo, dāyakassa vasena appam gaṇhitabbam. Deyyadhammo appo, dāyako bahuṃ dātukāmo, deyyadhammassa vasena appam gaṇhitabbam. Deyyadhammopi bahu, dāyakopi bahuṃ dātukāmo, attano thāmam ñatvā pamāṇeneva gaṇhitabbam. Evaṃ mattam ñatvā paṭiggāṇhanto hi appicchapaṭipadam pūreti. Anuppannassa lābho uppajjati, uppanno lābho thāvarova hoti. Appasannā pasīdanti, pasannāpi bhīyyo pasādamāpajjanti, mahājanassa cakkhubhūto hoti, sāsanam ciraṭṭhitikam karoti.

Tatrimāni vatthūni – rohaṇajanapade kira kuṭimbiyavihāre eko daharo dubbhikkhasamaye tasmim gāme ekassa kammakārassa gehe bhuñjanatthāya kaṭacchubhattam gahetvā gamanatthāya ca kaṭacchubhattameva labhati. So ekadivasam tasmim gehe ekaṃ āgantukam disvā ekameva kaṭacchubhattam gaṇhi. Athassa “kena kāraṇenā”ti vutte tamattham vatvā so kulaputto pasīditvā “amhākam kulūpakabhadanto evarūpo nāmā”ti rājadvāre mittāmaccānam kathesi. Te sabbepi tassa appicchaguṇe pasannā ekadivaseneva saṭṭhi dhurabhattāni ṭhapesum. Evaṃ **appiccho anuppannalābham uppādeti**.

Saddhātissamahārājāpi cūḷupaṭṭhākam tissāmaccam vīmaṃsitvā tena ekaṃ tittiram pacāpetvā āharāpesi. Atha paribhogasamaye “aggam datvā paribhuñjissāmī”ti aṭṭhakasālapariveṇe mahātherassa bhaṇḍaggāhasāmaṇerassa tittiramamsam dento tasmim thokamyeva paṭiggāṇhante tassa appicchaguṇe

pasīditvā “pasannosmi, tāta, aṭṭha te dhurabhattāni demī”ti āha. Mahārāja, upajjhāyassa demīti. Aparānipi aṭṭha demīti. Tāni ambhākaṃ ācariyassa demīti. Aparānipi aṭṭha dammīti. Tāni samānupajjhāyānaṃ dammīti. Aparānipi aṭṭha dammīti. Tāni bhikkhusaṅghassa dammīti. Aparānipi aṭṭha dammīti. Sāmaṇero adhivāsesi. Evamassa **uppanno lābho thāvaro hoti**.

**Appasannā pasīdantīti** etthapi – dīghabrāhmaṇo kira brāhmaṇe bhojento pañca pañca bhattasarakāni datvā santappetuṃ nāsakkhi. Athekadivasam “samaṇā kira nāma appicchā”ti katham sutvā vīmaṃsanatthāya bhattaṃ gāhāpetvā bhikkhusaṅghassa bhattakiccakaraṇavelāya vihāraṃ gantvā tiṃsamatte bhikkhū bhojanasālāyaṃ bhuñjante disvā ekaṃ bhattasaraṃ gahetvā saṅghattherassa santikaṃ agamāsi. Thero aṅgulim cāletvā thokameva aggahesi. Eteneva niyāmena ekaṃ bhattasaraṃ sabbesaṃ sampāpuṇi. Tato brāhmaṇo “saccoyeva etesaṃ samaṇānaṃ guṇo”ti appicchatāya pasanno sahasaṃ vissajjetvā tasmimyeva vihāre cetiyaṃ kāresi. Evaṃ appasannā pasīdanti.

**Pasannā bhiyyo pasīdantīti** ettha vatthunā kiccaṃ natthi. Pasannānañhi appicchaṃ disvā pasādo bhiyyo vaḍḍhatiyeva.

Majjhantikatissattherasadise pana appicche disvā mahājano appiccho bhavituṃ maññatīti appiccho **mahājanassa cakkhubhūto** nāma hoti.

“Appicchatā, bhikkhave, saddhammassa ṭhitiyā asammosāya anantaradhānāya saṃvattatī”ti (a. ni. 1.116-129) vacanato pana appiccho **sāsaṇaṃ ciraṭṭhitikaṃ karoti** nāma.

**No dāyakenāti** svākkhāte dhammavinaye pana dāyakassa pamāṇaṃ ñatvā dātabbakiccaṃ nāma natthi. Yattako deyyadhammo atthi, tattakaṃ avattharivā dātuṃ vaṭṭati. Avattharivā dinnakāraṇā hi esa manussasampattiṃ, dibbasampattiṃ, nibbānasampattiṃca avattharivā uttaruttari paṇītapāṇītameva labhati.

### **316. Yo āraddhavīriyo, so dukkhaṃ viharatīti**

pañcātapatappanamaruppapātapanādiccānuparivattana-ukkuṭikappadhānādīni anuyuñjanto diṭṭhe ceva dhamme dukkhaṃ viharati, tasseva bāhirasamaye samādinnaṃ tapacaraṇassa vipākena niraye uppajjitvā samparāyepi dukkhaṃ viharati.

**317. Yo kusīto, so dukkhaṃ viharatīti** ayampi diṭṭhe dhamme ceva samparāye ca dukkhaṃ viharati. Katham? Yassa hi pabbajitakālate paṭṭhāya yoniso manasikāro natthi, buddhavacanaṃ na uggaṇhāti, ācariyupajjhāyavattaṃ na karoti, cetiyaṅgaṇabodhiyaṅgaṇavattaṃ na karoti. Janassa pana saddhādeyyaṃ apaccavekkhitaparibhogena paribhuñjitvā divasaṃ seyyasukhaṃ passasukhaṃ anuyuñjitvā pabuddhakāle tayo vitakke vitakketi. So katipāheneva bhikkhubhāvā cavati? Evaṃ diṭṭhadhamme ca dukkhaṃ viharati. Pabbajitvā pana samaṇadhammassa sammā akatattā ca –

“Kuso yathā duggahito, hatthamevānukantati;  
Sāmaññaṃ dupparāmaṭṭhaṃ, nirayāyupakaḍḍhatī”ti. (dha. pa. 311) –

Apāyasmimyeva paṭisandhiṃ gaṇhati. Evaṃ samparāyepi dukkhaṃ viharati.

**318. Yo kusīto, so sukhaṃ viharatīti** kālena kālaṃ vuttappakāre tapacaraṇe kiñci kiñci tapacaraṇaṃ katvā kālena kālaṃ odāvatthavasano mālāgandhavilepanadharo madhurabhojanaṃ bhuñjanto mudukāsu seyyāsu sayanto diṭṭhe dhamme ceva sukhaṃ viharati samparāye ca. So hi tassa tapacaraṇassa gāḷhaṃ aggahitattā nātibahuṃ niraye dukkhaṃ anubhavati. Tasmā samparāye sukhaṃ viharati nāma.

**319. Yo āraddhavīriyo, so sukhaṃ viharatīti** āraddhavīriyo hi pabbajitakālate paṭṭhāya vattesu

paripūrakārī hoti, buddhavacanaṃ uggaṇḥāti, yoniso manasikāre kammaṃ karoti. Athassa vattapūraṇaṅceva uggahitabuddhavacanaṅca samaṇadhammakiriyaṅca āvajjentassa cittaṃ pasīdati. Evaṃ diṭṭheva dhamme sukhaṃ viharati. Diṭṭhadhamme pana arahattaṃ pāpuṇiṭṭhaṃ asakkonto nibbattabhava khippābhīṅḥo hotīti samparāyepi sukhaṃ viharati nāma.

**320. Seyyathāpi, bhikkhave, appamattakopi gūtho duggandho hotīti** idam suttam aṭṭhuppattiyam vuttam. Kataraaṭṭhuppattiyanti? Navakanipāte (a. ni. 9.12) sattuppādasutta aṭṭhuppattiyam. Tathāgato hi taṃ atthaṃ kathento – “nava puggalā nirayato muttā, tiracchānayanito muttā, pettivisayato muttā”ti kathesi. Athassa etadahosi – “sace kho pana me puttā imaṃ dhammadesanaṃ sutvā khīṇanirayamhā khīṇatiracchānayanonikā khīṇapettivisayā khīṇāpāyaduggativinipātāti maññamānā uparimaggaphalattāyā vāyamituṃ na maññeyyūṃ, tesam saṃvegamaṃ janessāmī”ti saṃvegajananatthaṃ “seyyathāpi, bhikkhave”ti imaṃ suttamārabhi. Tattha **appamattakoti** thokamattako parittappamāṇo, antamaso kusaggenapi gahetvā upasiṅghiyamāno duggandhova hoti. **Appamattakampi bhavaṃ na vaṇṇemīti** appamattakampi kālam bhava paṭisandhiṃ na vaṇṇayāmi. Idānissa upamaṃ dassento āha – **antamaso accharāsaṅghātamattampīti**. Sabbantimena paricchhedena dve aṅguliyo ekato katvā paharaṇamattampi kālanti vuttam hoti. Sesam sabbattha uttānatthamevāti.

Tatīyavaggavaṇṇanā.

## 16. Ekadhammapāli

### (16) 4. Ekadhammapāli-catutthavaggavaṇṇanā

**322.** Catutthavaggassa paṭhame **jambudīpeti** jambuyā paññāto pākaṭo dīpoti jambudīpo. Imassa kira dīpassa saññābhūtā yojanasatubbedhā paññāsayojanasākhā pañcadasayojanāvattakkhandhā himavantapabbate jātā kappatṭhāyinī mahājambū nāma atthi, tāya ayam dīpo jambudīpoti vuccati. Yathā ca imasmim dīpe jamburukkho kappatṭhāyī, tathā aparagoyāne kadambarukkho, uttarakurūsu kapparukkho, pubbavidehe sirīsarukkho, asurānaṃ cittapāṭalirukkho, supaṇṇānaṃ simbalirukkho, devānaṃ pāricchattakoti imepi kappatṭhāyīnova.

“Pāṭalī simbalī jambū, devānaṃ pāricchattako;  
Kadambo kapparukkho ca, sirīso bhavati sattamo”ti.

**Ārāmarāmaṇeyyakanti** pupphārāmaphalārāmānaṃ rāmaṇeyyakaṃ veḷuvana-jīvakambavana-jetavanapubbārāmasadisam. Taṃ imasmim jambudīpe appamattakaṃ parittakaṃ, na bahukanti attho. Sesapadesupi eseva nayo. Ettha **vanarāmaṇeyyakanti** nāgavanasālanacampakavanādisadisam vaṅkapabbatahimavantapabbatapadesādīsu araññavanaṃ veditabbaṃ. **Bhūmirāmaṇeyyakanti** jetavanavihāramagadhakkhattādisadisam samaṃ bhūmitṭhānaṃ. **Pokkharāṇirāmaṇeyyakanti** jetavanapokkharāṇigagarāpokkharāṇisadisānaṃ vaṭṭacaturassadīghavaṅkādisaṅghānānaṃ pokkharāṇīnaṃ sannivesanaṭṭhānaṃ. **Ukkūlavikūlanti** ukkūlaṅca vikūlaṅca. Tattha ukkūlam unnataṭṭhānaṃ, vikūlam ninnataṭṭhānaṃ. **Nadīvidugganti** nadīnaṃ bhinnataṭṭhānaṃ taṃ duggamattā nadīvidugganti vuccati. **Khāṇukaṅṭakataṭṭhānanti** tathajātakānaṅceva āhariyamānānaṅca khāṇukaṅṭakādīnaṃ paṭiṭṭhānaṭṭhānaṃ. **Pabbatavisamanti** girivisamaṃ. **Ye odakāti** ye ca udaye jāyanti, teyeva bahutarā. Ito kira suvaṇṇabhūmi sattamattāni yojanasatāni hoti, ekena vātena gacchantī nāvā sattahi ahorattehi gacchati. Athekasmim samaye evaṃ gacchantī nāvā sattāhampi nandiyāvattamacchapiṭṭheneva gatā. Evaṃ odakānaṃ sattānaṃ bahubhāvo veditabbo.

Apica thalaṭṭhānassa parittabhāvena udakassa ca bahubhāvenāpi ayamatto veditabbo. Yathā hi mahātalāke ekova uppalagaccho assa, tassa cattāri ca paṇṇāni, majjhe ca ekaṃ uppalamakulam assa. Evamevaṃ cattāri paṇṇāni viya cattāro dīpā, majjhe uppalamakulam viya sinerupabbato, sesam udakam

viya udakaparikkhito okāso. Tassa mahantabhāvo iddhimantānaṃ pākaṭo hoti. Tesañhi ākāsenā gacchantānaṃ cattāro mahādīpā cattāri paṇṇāni viya upatthahanti, sinerupabbato majjhe uppalamakulaṃ viya, sesaṃ udakaṃ viya udakaparikkhito okāso. Evaṃ mahante udake jātattā odakāva bahutarā veditabbā.

**323.** Dutiyādīsu aññatra manussehīti idha cattāro apāyā aññatra manussehīti adhippetā.

**Majjhimesu janapadesūti** “puratthimāya disāya gajaṅgalaṃ nāma nigamo, tassa parena mahāsālā, tato parā paccantimā janapadā, orato majjhe. Puratthimadakkhiṇāya disāya sallavatī nāma nadī, tato parā paccantimā janapadā, orato majjhe. Dakkhiṇāya disāya setakaṇṇikaṃ nāma nigamo, tato parā paccantimā janapadā, orato majjhe. Pacchimāya disāya thūṇaṃ nāma brāhmaṇagāmo, tato parā paccantimā janapadā, orato majjhe. Uttarāya disāya usīraddhajo nāma pabbato, tato parā paccantimā janapadā, orato majjhe”’ti (mahāva. 259) evaṃ paricchinne janapadeti attho. Ayañhi janapado mudiṅgasaṅghāno ujukena katthaci asītiyojano hoti, katthaci yojanasatiko, katthaci dviyojanasatiko, majjhena pana tiyojanasatiko, pariyantaparikkhepena navamattayojanasatiko hoti. Ettake thāne buddhaccekabuddhā mahāsāvaka buddhupaṭṭhākā buddhasāvaka buddhamātā buddhapitā cakkavattī rājāti ime sattā nibbantanti. Apica upādāyupādāyāpi majjhimapadeso labbhati. Sakalopi hi jambudīpo majjhimapadeso nāma, sesadīpā paccantimā janapadā. Tambapaṇṇidīpe anurādhapuraṃ majjhimapadeso nāma, seso paccantoti evaṃ nayo veditabbo.

**324. Paññavanto ajaḷā aneḷamūgāti** ettha kammassakatapaññā, jhānapaññā vipassanāpaññā, maggapaññā, phalapaññāti etāhi samannāgatā paññavanto nāma, amūḷhā ajaḷā nāma. Yesaṃ eḷā mukhato na galati, te aneḷamūgā nāma, aneḷamukhā niddosamukhāti attho. **Paṭibalāti** samatthā, kāyabalena ceva ñāṇabalena ca samannāgatā. **Atthamaññātunti** atthānattham kāraṇākāraṇaṃ jānitum. **Duppaññāti** appaññā nippaññā. **Jaḷāti** mandā momūhā.

**325. Ariyena paññācakkhunāti** sahavipassanena maggena. **Avijjāgatāti** avijjandhakārena samannāgatā.

**326. Ye labhanti tathāgataṃ dassanāyāti** ye tathāgatassa guṇe jānitvā tathāgataṃ cakkhuviññāṇena passitum labhanti.

**327. Tathāgatappaveditanti** tathāgatena pavidetaṃ pakāsetvā kathitaṃ. **Savanāyāti** sotaviññāṇena sotum.

**328. Dhārentīti** na pammussanti.

**329. Dhātānaṃ dhammānaṃ atthaṃ upaparikkhantīti** paguṇāya pāḷiyā atthānattham upaparikkhanti.

**330. Atthamaññāya dhammamaññāyāti** atthakathaṅca pāḷiṅca jānitvā. **Dhammānudhammaṃ paṭipajjantīti** anulomapaṭipadaṃ pūrenti.

**331. Saṃvejanīyesu thānesūti** saṃvegajanakesu kāraṇesu. **Saṃvijjantīti** saṃvegaṃ āpajjanti.

**332. Yoniso padahantīti** upāyena padhānavīriyaṃ karonti.

**333. Vavassaggārammaṇanti** vavassaggo vuccati nibbānaṃ, taṃ ārammaṇaṃ karitvāti attho. **Labhanti samādhinti** maggasamādhīṅca phalasangādhīṅca pāpuṇanti.



**334. Annaggarasaggānanti** uttamannānañca uttamarasānañca. **Uñchena kapālābhatena yāpentī** uñchācārena vanamūlaphalāphalena vā kapālena ābhatabhāttena vā yāpenti. Ettha ca yo kassacideva khādanīyassa bhojanīyassa atthāya citte uppanne taṃkhaṇaṃyeva na taṃ labhati, ayaṃ annaggarasaggānaṃ na lābhī nāma. Yassapi taṃkhaṇaṃyeva labhitvā oloketassa vaṇṇagandharasā amanāpā hontī, ayaṃ annaggarasaggānaṃ na lābhī nāma. Yassa pana vaṇṇagandharasā paṭilabhanti, manāpā hontī, ayaṃ annaggarasaggānaṃ lābhī nāma. So uttamakoṭiyā cakkavattī rājā, heṭṭhimakoṭiyā dhammāsoko veditabbo. Saṅkhepato hi yassa bhātassa ekapāti satasahassaṃ agghati, idaṃ annaggarasaggaṃ nāma. Yaṃ pana bhikkhusaṅghaṃ piṇḍāya carantaṃ disvā manussā uttamapaṇītaṃ bhātantaṃ denti, idaṃ kiṃ nāmāti? Idaṃ uñchena kapālābhatena yāpente upādāya annaggarasaggaṃ nāma vuccatīti.

**335. Attharasassāti**ādīsu attharaso nāma cattāri sāmāññaphalāni, dhammaraso nāma cattāro maggā, vimuttirasaso nāma amatanibbānaṃ. Sesamaṃ sabbattha uttānatthamevāti.

Catutthavaggavaṇṇanā.

Jambudīpapeyyālo niṭṭhito.

## 17. Pasādakaradhammavaggavaṇṇanā

**366. Addhamidanti**ādīsu **addhanti** ekaṃsādhivacanametamaṃ, addhā idaṃ lābhānaṃ, ekaṃso esa lābhānanti vuttaṃ hoti. **Yadidaṃ āraññīkattanti** yo esa āraññīkabhāvo. Idaṃ vuttaṃ hoti – āraññīkabhāvo nāma lābhānaṃ ekaṃso avassabhāvitā na sakkā āraññīkena lābhaṃ na labhitunti. Āraññīko hi bhikkhu “attano araññāvāsassa anucchavikaṃ karissāmi”ti pāpakaṃ nāma na karoti, athassa “āraññīko ayaṃ bhikkhū”ti sañjātagāravo mahājano catupaccayena pūjamaṃ karoti. Tena vuttaṃ – “addhamidaṃ, bhikkhave, lābhānaṃ yadidaṃ āraññīkatta”nti. Sesapadesupi eseva nayo. Ettha pana **bāhusaccanti** bahussutabhāvo. **Thāvareyyanti** cirapabbajitattā thāvarappattabhāvo. **Ākappasampadāti** cīvaraggahaṇādino ākappaṃ sampatti. **Parivārasampadāti** suciparivāratā. **Kolaputtīti** kulaputtabhāvo. **Vaṇṇapokkharatāti** sampannarūpatā. **Kalyāṇavākkaraṇatāti** vacanakiriyāya madhurabhāvo. **Appābādhatāti** ārogyasampatti. Arogo hi bhikkhu attano sarīrakalyāṇatāya vipassanādhure ca ganthadhure ca paripūrakārī hoti, tenassa lābho uppajjatīti.

Soḷasa pasādakaradhammā niṭṭhitā.

## 18. Aparaccharāsaṅghātavaggavaṇṇanā

**382. Accharāsaṅghātamattampīti** idampi suttaṃ aggikkhandhūpamaaṭṭhuppattiyamaṃyeva (a. ni. 7.72) vuttaṃ. Appanāppattāya hi mettāya vipāke kathāyeva natthi. Tassāyeva aṭṭhuppattiyā ayaṃ desanā āradhātī veditabbā. Tattha **paṭhamanti** “gaṇanānupubbatā paṭhamaṃ, idaṃ paṭhamaṃ samāpajjatīti paṭhama”nti vibhaṅge (vibha. 568) vuttatthameva. **Jhānanti** jhānaṃ nāma duvidhaṃ ārammaṇūpaniijhānañca lakkhaṇūpaniijhānañcāti. Tattha **ārammaṇūpaniijhānaṃ** nāma aṭṭha samāpattīyo. Tā hi pathavīkasiṇādino ārammaṇassa upaniijhānato ārammaṇūpaniijhānanti vuccanti. **Lakkhaṇūpaniijhānanti** vipassanāmaggaṃphalāni. Vipassanā hi aniccādivasena saṅkhāralakkhaṇassa upaniijhānato lakkhaṇūpaniijhānaṃ nāma, vipassanāya pana lakkhaṇūpaniijhānakiccaṃ maggena sijjhatīti maggo lakkhaṇūpaniijhānaṃ, phalaṃ suññatānimittaappaṇihita-lakkhaṇassa nibbānasseva upaniijhānato lakkhaṇūpaniijhānanti vuccati. Tattha imasmiṃ pana atthe ārammaṇūpaniijhānaṃ adhippetamaṃ. **Ko pana vādo ye naṃ bahulīkarontīti** ye naṃ paṭhamajjhānaṃ bahulī karonti, punappunaṃ karonti, tesu vattabbameva natthi. Sesamettha heṭṭhā vuttanayeneva veditabbaṃ.

**383. Dutiyaṇṭī**ādīsupi “gaṇanānupubbatā dutiya”ntiādīnā (vibha. 579) nayena attho veditabbo.

**386-387. Mettanti** sabbasattesu hitapharaṇaṃ. **Cetovimuttinti** cittavimuttiṃ. Idha appanāpattāva mettā adhippetā. **Karuṇādīsupi** eseva nayo. Ime pana cattāro brahmavihārā vaṭṭaṃ honti, vaṭṭapādā honti, vipassanāpādā honti, diṭṭhadhammasukhavihārā honti, abhiññāpādā vā nirodhapādā vā honti. Lokuttarā pana na honti. Kasmā? Sattārammaṇattāti.

**390. Kāye kāyānupassīti** ānāpānapabbāṃ, iriyāpathapabbāṃ, catusampajaññapabbāṃ, paṭikūlamanasikārapabbāṃ, dhātumanasikārapabbāṃ, navasivathikāpabbāni, ajjhattaparikkammavasena cattāri nīlādikasiṇānīti imasmiṃ aṭṭhārasavidhe kāye tameva kāyaṃ paññāya anupassanto. **Viharatīti** iriyati vattati. Iminā imassa aṭṭhārasavidhena kāyānupassanāsatiṭṭhānabhāvakkassa bhikkhuno iriyāpatho kathito hoti. **Ātāpīti** tasseva vuttappakārassa satipaṭṭhānassa bhāvanakavīriyena vīriyavā. **Sampajānoti** aṭṭhārasavidhena kāyānupassanāsatiṭṭhānassa pariggāhikapaññāya sammā pajānanto. **Satimāti** aṭṭhārasavidhena kāyānupassanāpariggāhikāya satiyā samannāgato. **Vineyya loke abhijjhādomanassanti** tasmimyeva kāyasaṅkhāte loke pañcakāmaguṇikataṇhaṅca paṭighasampayuttadomanassaṅca vinetvā vikkhambhetvā kāye kāyānupassī viharatīti vuttaṃ hoti. Ettāvata kāyānupassanāsatiṭṭhānavasena suddharūpasammasanameva kathitanti veditabbāṃ.

**Vedanāsu vedanānupassīti** sukhādibhedāsu vedanāsu “sukhaṃ vedanaṃ vediyamāno sukhaṃ vedanaṃ vediyāmīti pajānāti. Dukkhaṃ, adukkhamasukhaṃ, sāmisaṃ vā sukhaṃ, nirāmisaṃ vā sukhaṃ, sāmisaṃ vā dukkhaṃ, nirāmisaṃ vā dukkhaṃ, sāmisaṃ vā adukkhamasukhaṃ, nirāmisaṃ vā adukkhamasukhaṃ vedanaṃ vediyamāno nirāmisaṃ adukkhamasukhaṃ vedanaṃ vediyāmīti pajānāti”ti (dī. ni. 2.380; vibha. 363; ma. ni. 1.113) evaṃ vuttaṃ navavidhaṃ vedanaṃ anupassanto. **Ātāpīti**adinā panettha navavidhena vedanānupassanāsatiṭṭhānassa bhāvanāpariggāhikānaṃ vīriyapaññāsatiṇaṃ vasena attho veditabbo. **Lokoti** cettha vedanā veditabbā.

**Cittadhammesupi** eseva nayo. Ettha pana **citte cittānupassīti** “sarāgaṃ vā cittaṃ sarāgaṃ cittanti pajānāti”ti (dī. ni. 2.381; vibha. 365; ma. ni. 1.114) evaṃ vitthārite soḷasappabhede citte tameva cittaṃ pariggāhikāya anupassanāya anupassantoti attho. **Dhammesu dhammānupassīti** “pañca nīvaraṇāni, pañcupādānakkhandhā, cha ajjhattikabāhirāyatanāni, satta bojjhaṅgā, cattāri ariyasaccāni”ti (dī. ni. 2.382-403; vibha. 367-373; ma. ni. 1.115-136) evaṃ koṭṭhāsavasena pañcadhā vuttetu dhammesu dhammapariggāhikāya anupassanāya te dhamme anupassantoti attho. Ettha pana vedanānupassanāsatiṭṭhāne ca cittānupassanāsatiṭṭhāne ca suddhaarūpasammasanameva kathitaṃ, dhammānupassanāsatiṭṭhāne rūpārūpasammasanaṃ. Iti imāni cattāripi satipaṭṭhānāni lokiyalokuttaramissakāneva kathitānīti veditabbāni.

**394. Anuppannānanti** anibbattānaṃ. **Pāpakānanti** lāmakānaṃ. **Akusalānaṃ dhammānanti** akosallasambhūtānaṃ lobhādiddhammānaṃ. **Anuppādāyāti** anibbattanatthāya. **Chandaṃ janetīti** kattukamyatākusalacchandaṃ uppādeti. **Vāyamatīti** payogaṃ parakkamaṃ karoti. **Vīriyaṃ ārabhatīti** kāyikacetasikavīriyaṃ karoti. **Cittaṃ paggaṇhātīti** teneva sahaṃjātavīriyena cittaṃ ukkhipati. **Padahatīti** padhānavīriyaṃ karoti.

**Uppannānanti** jātānaṃ nibbattānaṃ. **Kusalānaṃ dhammānanti** kosallasambhūtānaṃ alobhādiddhammānaṃ. **Ṭhitiyāti** ṭhitatthaṃ. **Asammosāyāti** anassanatthaṃ. **Bhiyyobhāvāyāti** punappunabhāvāya. **Vepullāyāti** vipulabhāvāya. **Bhāvanāyāti** vadḍhiyā. **Paripūriyāti** paripūraṇatthāya. Ayaṃ tāva catunnaṃ sammappadhānānaṃ ekapadiko atthuddhāro.

Ayaṃ pana sammappadhānakathā nāma duvidhā lokiyā lokuttarā ca. Tattha lokiyā sabbapubbabhāge hoti, sā kassapasamuyuttapariyāyena lokiyamaggakkhaṇeyeva veditabbā. Vuttañhi tattha –

“Cattārome, āvuso, sammappadhānā. Katame cattāro? Idhāvuso, bhikkhu ‘anuppannā me pāpakā akusalā dhammā uppajjamānā anattāya saṃvatteyyu’nti ātappaṃ karoti, ‘uppannā me

pāpakā akusalā dhammā appahīyamānā ananthāya saṃvatteyyu’nti ātappaṃ karoti,  
 ‘anuppannā me kusalā dhammā anuppajjamānā ananthāya saṃvatteyyu’nti ātappaṃ karoti,  
 ‘uppannā me kusalā dhammā nirujjhamānā ananthāya saṃvatteyyu’nti ātappaṃ karoti’ (saṃ.  
 nī. 2.145).

Ettha ca **pāpakā akusalā**ti lobhādayo vedītabbā. **Anuppannā kusalā dhammā**ti samathavipassanā  
 ceva maggo ca. **Uppannā kusalā** nāma samathavipassanāva. Maggo pana sakiṃ uppajjitvā  
 nirujjhamāno ananthāya saṃvattanako nāma natthi. So hi phalassa paccayaṃ datvāva nirujjhati.  
 Purimasmimpi vā samathavipassanāva gahetabbāti vuttaṃ, taṃ pana na yuttaṃ. Evaṃ lokiyā  
 sammappadhānakathā sabbapubbabhāge kassapasamuyuttapariyāyena vedītabbā. Lokuttaramaggakkhaṇe  
 panetaṃ ekameva vīriyaṃ catukiccasādhana vasena cattāri nāmāni labhati.

Tattha **anuppannānaṃ pāpakānanti** ettha “anuppanno ceva kāmaccando” tiādīsu vuttanayena  
 attho vedītabbo. **Uppannānaṃ pāpakānanti** ettha catubbidhaṃ uppannaṃ vattamānuppannaṃ,  
 bhutvāvigatuppannaṃ, okāsakatuppannaṃ, bhūmiladdhuppannanti. Tattha ye kilesā vijjamānā  
 uppādādisamaṅgino, idaṃ **vattamānuppannaṃ** nāma. Kamme pana javite ārammaṇarasam  
 anubhavitvā niruddhavipāko bhutvā vigataṃ nāma, kammaṃ uppajjitvā niruddhaṃ bhutvā vigataṃ  
 nāma. Tadubhayampi **bhutvāvigatuppannanti** saṅkhaṃ gacchati. Kusalākusalakammaṃ  
 aññakammaṃ vipākaṃ paṭibāhitvā attano vipākassa okāsaṃ karoti, evaṃ kate okāse vipāko  
 uppajjamāno okāsakaraṇato paṭṭhāya uppannoti vuccati, idaṃ **okāsakatuppannaṃ** nāma.  
 Pañcakkhandhā pana vipassanāya bhūmi nāma, te atītādibhedā honti. Tesu anusayitakilesā pana atītā vā  
 anāgatā vā paccuppannā vāti na vattabbā. Atītakkhandhesu anusayitāpi hi appahīnāva honti,  
 anāgatakkhandhesu anusayitāpi appahīnāva honti, paccuppannakkhandhesu anusayitāpi appahīnāva  
 honti, idaṃ **bhūmiladdhuppannaṃ** nāma. Tenāhu porāṇā – “tāsu tāsu bhūmisu asamugghātagatā  
 kilesā bhūmiladdhuppannāti saṅkhaṃ gacchanti” ti.

Aparampi catubbidhaṃ uppannaṃ samudācāruppannaṃ, ārammaṇādhiḡgahituppannaṃ,  
 avikkhambhituppannaṃ, asamugghātītuppannanti. Tattha sampatī vattamānaṃyeva  
**samudācāruppannaṃ** nāma. Sakiṃ cakkhūni ummīletvā ārammaṇe nimitte gahite  
 anussaritānussarītakkhaṇe kilesā nuppajjissantīti na vattabbā. Kasmā? Ārammaṇassa adhiḡgahitattā.  
 Yathā kiṃ? Yathā khīrukkhassa kuṭṭhāriyā āhatāhataṭṭhāne khīraṃ na nikkhamissatīti na vattabbā, evaṃ.  
 Idaṃ **ārammaṇādhiḡgahituppannaṃ** nāma. Samāpattiyā avikkhambhitakilesā pana imasmiṃ nāma  
 ṭhānena uppajjissantīti na vattabbā. Kasmā? Avikkhambhitattā. Yathā kiṃ? Yathā khīrarukkhaṃ  
 kuṭṭhāriyā āhaneyyūṃ, imasmiṃ nāma ṭhāne khīraṃ na nikkhameyyāti na vattabbā, evaṃ. Idaṃ  
**avikkhambhituppannaṃ** nāma. Maggena asamugghātītakilesā pana bhavagge nibbattassāpi  
 uppajjantīti purimanayeneva vitthāretabbā. Idaṃ **asamugghātītuppannaṃ** nāma.

Imesu uppannesu vattamānuppannaṃ, bhutvāvigatuppannaṃ, okāsakatuppannaṃ,  
 samudācāruppannanti catubbidhaṃ uppannaṃ na maggavajjhaṃ, bhūmiladdhuppannaṃ,  
 ārammaṇādhiḡgahituppannaṃ, avikkhambhituppannaṃ, asamugghātītuppannanti catubbidhaṃ  
 maggavajjhaṃ. Maggo hi uppajjamāno ete kilese pajahati. So ye kilese pajahati, te atītā vā anāgatā vā  
 paccuppannā vāti na vattabbā. Vuttampi cetam –

“Hañci atīte kilese pajahati? Tena hi khīnaṃyeva khepeti, niruddhaṃ nirodhetti,  
 atthaṅgataṃ atthaṅgamaṃ, atītaṃ yaṃ natthi, taṃ pajahati. Hañci anāgate kilese pajahati? Tena  
 hi ajātaṃ pajahati, anibbattaṃ anuppannaṃ apātubhūtaṃ pajahati, anāgataṃ yaṃ natthi, taṃ  
 pajahati. Hañci paccuppanne kilese pajahati? Tena hi ratto rāgaṃ pajahati, duṭṭho dosaṃ, mūlho  
 moham, vinibaddho mānaṃ, parāmaṭṭho diṭṭhiṃ, aniṭṭhaṅgato vicikiccham, thāmagato anusayam  
 pajahati, kaṇhasukkā dhammā yuganaddhā vattanti, saṃkilesiyā maggabhāvanā hotīti...pe...  
 tena hi natthi maggabhāvanā, natthi phalāsacchikiriyā, natthi kilesappahānaṃ, natthi  
 dhammābhisamayoti. Atthi maggabhāvanā...pe... atthi dhammābhisamayoti. Yathā kathaṃ

viya? Seyyathāpi taruṇo rukkho...pe... apātubhūtāyeva na pātubhavanti’’ti (paṭi. ma. 3.21).

Iti pāliyaṃ ajātapphalarukkho āgato, jātapphalarukkho pana dīpetabbo. Yathā hi saphalo taruṇambarukkho, tassa phalāni manussā paribhuñjeyyūṃ, sesāni pātetvā pacchiyo pūreyyūṃ, athañño puriso taṃ pharasunā chindeyya. Tenassa neva atītāni phalāni nāsītāni honti, na anāgatapaccuppannāni ca nāsītāni. Atītāni hi manussehi paribhuttāni, anāgatāni anibbattāni, na sakkā nāsetuṃ. Yasmiṃ pana samaye so chinno, tadā phalāniyeva natthīti paccuppannāni anāsītāni. Sace pana rukkho acchinno assa, athassa pathavīrasañca āporasañca āgamma yāni phalāni nibbatteyyūṃ, tāni nāsītāni honti. Tāni hi ajātāneva na jāyanti, anibbattāneva na nibbattanti, apātubhūtāneva na pātubhavanti. Evameva maggo nāpi atītādībhede kilese pajahati, nāpi na pajahati. Yesañhi kilesānaṃ maggena khandhesu aparīññātesu uppatti siyā, maggena uppajjitvā khandhānaṃ pariññātattā te kilesā ajātāva na jāyanti, anibbattāva na nibbattanti, apātubhūtāva na pātubhavanti. Taruṇaputtāya itthiyā puna avijāyanatthaṃ byādhitānaṃ rogavūpasamanatthaṃ pītabhesajjehi vāpi ayamattho vibhāvetabbo. Evaṃ maggo ye kilese pajahati, te atītā vā anāgatā vā paccuppannā vāti na vattabbā. Na ca maggo kilese na pajahati. Ye pana maggo kilese pajahati, te sandhāya “uppannānaṃ pāpakāna’’ntiādi vuttaṃ.

Na kevalaṃca maggo kileseyeva pajahati, kilesānaṃ pana appahīnattā ye uppajjeyyūṃ upādinnakkhandhā, tepi pajahatiyeva. Vuttampi cetam – “sotāpattimaggañāṇena abhisankhāraviññāṇassa nirodhena satta bhavē tḥapetvā anamatagge saṃsāre ye uppajjeyyūṃ nāmañca rūpañca, etthete nirujjhanti’’ti (cūḷava. ajitamāṇavapucchānidde 6) vitthāro. Iti maggo upādinnato anupādinnato ca vuṭṭhāti. Bhavavasena pana sotāpattimaggo apāyabhavato vuṭṭhāti, sakadāgāmimaggo sugatibhavekadesato, anāgāmimaggo sugatikāmbhavato, arahattamaggo rūpārūpabhavato vuṭṭhāti. Sabbabhavehi vuṭṭhātiyevātipi vadanti.

Atha maggakkhaṇe kathaṃ anuppannānaṃ uppādāya bhāvanā hoti, kathaṃ vā uppannānaṃ tḥitīyāti? Maggappavattiyā eva. Maggo hi pavattamāno pubbe anuppannapubbattā anuppanno nāma vuccati. Anāgatapubbañhi tḥānaṃ gantvā ananubhūtapubbaṃ vā ārammaṇaṃ anubhavītvā vattāro bhavanti; “anāgataṭḥhānaṃ āgatamha, ananubhūtaṃ ārammaṇaṃ anubhavāmā’’ti. Yā cassa pavatti, ayameva tḥiti nāmāti “tḥitīyā bhāvetī’’ti vattūṃ vaṭṭati. Evametassa bhikkhuno idaṃ lokuttaramaggakkhaṇe vīriyaṃ “anuppannānaṃ pāpakānaṃ akusalānaṃ dhammānaṃ anuppādāyā’’tiādīni cattāri nāmāni labhati. Ayaṃ lokuttaramaggakkhaṇe sammappadhānakathā. Imasmīṃ pana sutte lokiyalokuttaramissakāneva sammappadhānāni kathitāni.

**398-401.** Iddhipādesu chandaṃ nissāya pavatto samādhi **chandasamādhi**, padhānabhūtā saṅkhārā **padhānasāṅkhārā**. **Samannāgatanti** tehi dhammehi upetaṃ. Iddhiyā pādaṃ, iddhibhūtaṃ vā pādanti **iddhipādaṃ**. Sesesupi eseva nayo. Ayamettha saṅkhepo, vitthāro pana iddhipādavibhaṅge (vibha. 431 ādayo) āgato eva. Visuddhimagge (visuddhi. 2.382) panassa attho dīpito. Tatrāyaṃ bhikkhu yadā chandādīsu ekaṃ dhuraṃ nissāya vipassanaṃ vaḍḍhetvā arahattaṃ pāpuṇāti, tadāssa paṭhamiddhipādo pubbabhāge lokiyo, aparabhāge lokuttaro. Evaṃ sesāpīti. Imasmīṃ sutte lokiyalokuttarāva iddhipādā kathitā.

**402-406. Saddhindriyaṃ bhāvetī**tiādīsu saddhāva attano saddhādhure indaṭṭhaṃ karotīti **saddhindriyaṃ**. **Vīriyindriyādīsupi** eseva nayo. **Bhāvetī**ti ettha pana ādikammiko yogāvacaro tīhi kāraṇehi saddhindriyaṃ visodhento saddhindriyaṃ bhāveti nāma. Vīriyindriyādīsupi eseva nayo. Vuttañhetam –

“Assaddhe puggale parivajjayato, saddhe puggale sevato bhajato payirupāsato, pasādanīye suttante paccavekkhato imehi tīhākārehi **saddhindriyaṃ** visujjhati.

“Kusīte puggale parivajjayato, āraddhavīriye puggale sevato bhajato payirupāsato, sammappadhāne paccavekkhato imehi tīhākārehi **vīriyindriyaṃ** visujjhati.

“Mutṭhassatī puggale parivajjayato, upaṭṭhitassatī puggale sevato bhajato payirupāsato, satipaṭṭhāne paccavekkhato imehi tīhākārehi **satindriyaṃ** visujjhati.

“Asamāhite puggale parivajjayato, samāhite puggale sevato bhajato payirupāsato, jhānavimokkhe paccavekkhato imehi tīhākārehi **samādhindriyaṃ** visujjhati.

“Duppaññe puggale parivajjayato, paññavante puggale sevato bhajato payirupāsato, gambhīrañānacariyaṃ paccavekkhato imehi tīhākārehi **paññindriyaṃ** visujjhatī”ti (paṭi. ma. 1.184-185).

Ettha ca **gambhīrañānacariyaṃ paccavekkhatoti** saṅhasukhumaṃ khandhantaraṃ, āyatanantaraṃ, dhātantaraṃ, indriyabalabojjhaṅgantaraṃ, maggantaraṃ, phalantarañca paccavekkhantassatī attho. Imesañhi tiṇṇaṃ tiṇṇaṃ kāraṇānaṃ vasena akatābhiniveso ādikammiko yogāvacarō saddhādhurādīsu abhinivesaṃ paṭṭhapetvā bhāvento avasāne vivatṭetvā arahattaṃ gaṇhati. So yāva arahattamaggā imāni indriyāni bhāveti nāma, arahattaphale patte bhāvitindriyo nāma hotīti. Evaṃ imānipi pañcindriyāni lokiyalokuttarāneva kathitānīti.

Saddhābalādīsu saddhāyeva akampiyaṭṭhena balanti **saddhābalaṃ**. **Vīriyabalādīsupi** eseva nayo. Ettha hi saddhā assaddhiye na kampati, vīriyaṃ kosajjena na kampati, sati mutṭhassaccena na kampati, samādhi uddhacce na kampati, paññā avijjāya na kampatīti sabbānipi akampiyaṭṭhena balānīti vuccanti. Bhāvanānayo panettha indriyabhāvanāyaṃ vuttanayeneva veditabboti. Imāni lokiyalokuttarāneva kathitānīti.

**418. Satisambojjhaṅgaṃ bhāvetīti** ettha ayaṃ ādikammikānaṃ kulaputtānaṃ vasena sadhim atthavaṇṇanāya bhāvanānayo. Tattha satisambojjhaṅgantiādīnā nayena vuttānaṃ sattannaṃ ādīpadānaṃ tāva ayamattavaṇṇanā – satisambojjhaṅge tāva saraṇaṭṭhena sati, sā panesā upaṭṭhānalakkhaṇā, apilāpanalakkhaṇā vā. Vuttampi cetam – “yathā, mahārāja, rañño bhaṇḍāgāriko rañño sāpateyyaṃ apilāpeti ‘ettakaṃ, mahārāja, hiraññaṃ, ettakaṃ suvaṇṇaṃ, ettakaṃ sāpateyya’nti. Evameva kho, mahārāja, sati uppajjamānā kusalākusalasāvajjānavajjahīnappaṇītakāṇhasukkasappaṭṭibhāge dhamme apilāpeti ime cattāro satipaṭṭhānā”ti (mi. pa. 2.1.13) vitthāro. Apilāpanarasā, kiccavaseneva hissā etaṃ lakkhaṇaṃ therena vuttaṃ. Asammosarasā vā, gocarābhimukhībhāvapaccupaṭṭhānā. Sati eva sambojjhaṅgoti **satisambojjhaṅgo**.

Tattha bodhiyā, bodhissa vā aṅgoti **bojjhaṅgo**. Kiṃ vuttaṃ hoti? Yā hi ayaṃ dhammasāmaggīyāya lokiyalokuttaramaggakkhaṇe uppajjamānāya līnuddhaccapatiṭṭhānāyūhanakāmasukhaattakilamathānuyogaucchedasassatābhinivesādīnaṃ anekesaṃ upaddavānaṃ paṭipakkhabhūtāya satidhammavicayavīriyapītipassaddhisamādhiupekkhāsāṅkhātāya dhammasāmaggiyā ariyasāvako bujjhatīti katvā bodhīti vuccati, **bujjhatīti** kilesasantānaniddāya utṭhahati, cattāri vā ariyasaccāni paṭivijjhati, nibbānameva vā sacchikarotīti vuttaṃ hoti. Yathāha – “satta bojjhaṅge bhāvetvā anuttaraṃ sammāsambodhim abhisambuddho”ti (saṃ. ni. 5.378; dī. ni. 3.143). Tassā dhammasāmaggisāṅkhātāya bodhiyā aṅgotipi **bojjhaṅgo** jhānaṅgamaggaṅgādayo viya. Yopesa yathāvuttappakārāya etāya dhammasāmaggiyā bujjhatīti katvā ariyasāvako bodhīti vuccati, tassa aṅgotipi **bojjhaṅgo** senaṅgarathaṅgādayo viya. Tenāhu aṭṭhakathācariyā – “bujjhanakassa puggalassa aṅgāti vā bojjhaṅgā”ti.

Apica “bojjhaṅgāti kenatṭhena bojjhaṅgā? Bodhāya saṃvattantīti bojjhaṅgā, bujjhantīti bojjhaṅgā, anubujjantīti bojjhaṅgā, paṭibujjantīti bojjhaṅgā, sambujjantīti bojjhaṅgā”ti iminā paṭisambhidānayanāpi (paṭi. ma. 2.17) bojjhaṅgattho veditabbo. Pasattho sundaro ca bojjhaṅgo sambojjhaṅgo, sati eva sambojjhaṅgo **satisambojjhaṅgo**, taṃ satisambojjhaṅgaṃ.

**Dhammavicayasambojjhaṅgantiādīsupi** catusaccadhamme vicinatīti **dhammavicayo**. So

pavicayalakkhaṇo, obhāsanaraso, asammohapaccupaṭṭhāno. Vīrabhāvato, vidhinā īrayitabbato ca **vīriyaṃ**. Taṃ paggahalakkhaṇaṃ, upathambhanarasaṃ, anosīdanapaccupaṭṭhānaṃ. Pīṇayatīti **pīti**. Sā pharaṇalakkhaṇā, tuṭṭhilakkhaṇā vā, kāyacittānaṃ pīṇanarasa, nesamyeva odagyapaccupaṭṭhānā. Kāyacittadarathapassambhanato **passaddhi**. Sā upasamalakkhaṇā, kāyacittadarathamaddanarasa, kāyacittānaṃ aparipphandasītibhāvapaccupaṭṭhānā. Samādhānato **samādhi**. So avikkhepalakkhaṇo, avisāralakkhaṇo vā, cittacetāsikānaṃ sampiṇḍanaraso, cittaṭṭhitipaccupaṭṭhāno. Ajjupekkhanato **upekkhā**. Sā paṭisaṅkhānalakkhaṇā, samavāhitalakkhaṇā vā, ūnādhikanivāraṇarasa, pakkhapātipaccchedanarasa vā, majjhatabhāvapaccupaṭṭhānā. Sesam vuttanayameva. **Bhāvetīti** brūheti vaḍḍheti, uppādetīti atho.

Tattha cattāro dhammā **satisambojjhaṅgassa** uppādāya saṃvattantīti veditabbā satisampajaññaṃ muṭṭhassatipuggalaparivajjanatā upaṭṭhitassatipuggalasevanatā tadadhimuttatīti. Abhikkantādīsu hi sattu suttānesu satisampajaññaṇa, bhattanikkhittakākasadise muṭṭhassatipuggale parivajjanena, tissadattatheraabhayattherādisadise upaṭṭhitassatipuggale sevanena, ṭhānanisajjādīsu satisamuṭṭhāpanatthaṃ ninnapoṇapabbhāracittatāya ca satisambojjhaṅgo uppajjati. Tasmā ādikammiko kulaputto imehi catūhi kāraṇehi satisambojjhaṅgaṃ samuṭṭhāpetvā tadeva dhuraṃ katvā abhinivesaṃ paṭṭhapetvā anukkamena arahattaṃ gaṇhātī. So yāva arahattamaggā satisambojjhaṅgaṃ bhāveti nāma, phale patte bhāvito nāma hoti.

Satta dhammā **dhammavicayasambojjhaṅgassa** uppādāya saṃvattanti paripucchakatā, vatthuvisadakiriyā, indriyasamattapaṭipādanā, duppaññapuggalaparivajjanā, paññavantapuggalasevanā, gambhīraññācarīyapaccavekkhaṇā, tadadhimuttatīti. Tattha **paripucchakatāti** khandhadhātuāyatanaindriyabalabojjhaṅgamaggaṅgajhānasamathavipassanānaṃ atthasannissitaparipucchābahulatā.

**Vatthuvisadakiriyāti** ajjhattikabāhirānaṃ vatthūnaṃ visadabhāvakaraṇaṃ. Yadā hissa kesanakhalomā dīghā honti, sarīraṃ vā uppannadosañceva sedamalamakkhitañca, tadā ajjhattikaṃ vatthu avisadaṃ hoti aparisuddhaṃ. Yadā pana cīvaraṃ jīṇaṃ kiliṭṭhaṃ duggandhaṃ vā hoti, senāsaṇaṃ vā uklāpaṃ, tadā bāhiraṃ vatthu avisadaṃ hoti aparisuddhaṃ. Tasmā kesādicchedanena uddhaṃvirecanaadhovirecanādīhi sarīrasallahukabhāvakaraṇena ucchādanāhāpanena ca ajjhattikavatthu visadaṃ kātabbaṃ. Sūcikkammadhovanarajanaparibhaṇḍakaraṇādīhi bāhiraṃvatthu visadaṃ kātabbaṃ. Etasmiñhi ajjhattikabāhiraṃ vatthumhi avisade uppannesu cittacetāsikesu ñāṇampi avisadaṃ hoti aparisuddhaṃ aparisuddhāni dīpakapallavaṭṭitelādīni nissāya uppannadīpasikhāya obhāso viya. Visade pana ajjhattikabāhiraṃ vatthumhi uppannesu cittacetāsikesu ñāṇampi visadaṃ hoti parisuddhāni dīpakapallavaṭṭitelādīni nissāya uppannadīpasikhāya obhāso viya. Tena vuttaṃ – ‘‘vatthuvisadakiriyā dhammavicayasambojjhaṅgassa uppādāya saṃvattatī’’ti.

**Indriyasamattapaṭipādanā** nāma saddhādīnaṃ indriyānaṃ samabhāvakaraṇaṃ. Sace hissa saddhindriyaṃ balavaṃ hoti, itarāni mandāni, tato vīriyindriyaṃ paggahakiccaṃ, satindriyaṃ upaṭṭhānakiccaṃ, samādhindriyaṃ avikkhepakiccaṃ, paññindriyaṃ dassanakiccaṃ kātuṃ na sakkoti. Tasmā taṃ dhammasabhāvapaccavekkhaṇena vā, yathā vā manasikaroto balavaṃ jātaṃ, tathā amanasikārena hāpetabbaṃ. **Vakkalittheravatthu** cettha nidassanaṃ. Sace pana vīriyindriyaṃ balavaṃ hoti, atha neva saddhindriyaṃ adhimokkhakiccaṃ kātuṃ sakkoti, na itarāni itarakiccabhedam. Tasmā taṃ passaddhādībhāvanāya hāpetabbaṃ. Tatrāpi **soṇattherassa vatthu** dassetabbaṃ. Evaṃ sesesupi ekassa balavabhāve sati itaresaṃ attano kicesu asamattatā veditabbā.

Visesato panettha saddhāpaññānaṃ samādhivīriyānañca samataṃ pasamsanti. Balavasaddho hi mandapañño mudhappasanno hoti, avatthumhi pasīdati. Balavapañño mandasaddho kerāṭīkapakkhaṃ bhajati, bhesajjasamuṭṭhito viya rogo atekiccho hoti. Cittuppādāmatteva kusalaṃ hotīti atidhāvitvā dānādīni akaronto niraye uppajjati. Ubhinnaṃ samatāya vatthusmiṃyeva pasīdati. Balavasamādhimā pana mandavīriyaṃ samādhissa kosajjapakkhattā kosajjaṃ abhibhavati. Balavavīriyaṃ mandasamādhimā

vīriyassa uddhaccapakkhattā uddhaccaṃ abhibhavati. Samādhi pana vīriyena saṃyojito kosajje patitum na labhati, vīriyaṃ samādhinā saṃyojitaṃ uddhacce patitum na labhati. Tasmā taṃ ubhayaṃ samaṃ kattabbaṃ. Ubhayasamatāya hi appanā hoti.

Apica samādhikammikassa balavatīpi saddhā vaṭṭati. Evañhi saddahanto okappento appanaṃ pāpuṇissati. Samādhipaññāsu pana samādhikammikassa ekaggatā balavatī vaṭṭati. Evañhi so appanaṃ pāpuṇāti. Vipassanākammikassa paññā balavatī vaṭṭati. Evañhi so lakkhaṇapaṭivedhaṃ pāpuṇāti. Ubhinnaṃ pana samatāyapi appanā hotiyeva. Sati pana sabbattha balavatī vaṭṭati. Sati hi cittaṃ uddhaccapakkhikānaṃ saddhāvīriyapaññānaṃ vasena uddhaccapātato kosajjapakkhikena ca samādhinā kosajjapātato rakkhati. Tasmā sā loṇadhūpanaṃ viya sabbabyañjanesu, sabbakammiko amacco viya ca sabbarājakicesu, sabbattha icchitabbā. Tenāha – “sati ca pana sabbatthikā vuttā (saṃ. ni. 5.234) bhagavatā. Kiṃ kārāṇā? Cittañhi satipaṭisaraṇaṃ, ārakkhapaccupaṭṭhānā ca sati, na vinā satiyā cittassa paggahaniggaho hoti”ti.

**Duppaññapuggalaparivajjanā** nāma khandhādibhedesu anogāḷhapaññānaṃ dummedhapuggalānaṃ ārakā parivajjanaṃ. **Paññavantapuggalasevanā** nāma samapaññāsalakkhaṇapariggāhikāya udayabbayapaññāya samannāgatapuggalasevanā. **Gambhīraññācariyapaccavekkhaṇā** nāma gambhīresu khandhādīsu pavattāya gambhīrapaññāya pabhedapaccavekkhaṇā. **Tadadhimuttatā** nāma ṭhānanisajjādīsu dhammavicayasambojjhaṅgasamuṭṭhāpanatthaṃ ninnapaṇapabbhāracittatā. Tasmā ādikammiko kulaputto imehi sattahi kārāṇehi dhammavicayasambojjhaṅgaṃ samuṭṭhāpetvā tadeva dhuraṃ katvā abhinivesaṃ paṭṭhapetvā anukkamena arahattaṃ gaṇhāti. So yāva arahattamaggā dhammavicayasambojjhaṅgaṃ bhāveti nāma, phale patte bhāvito nāma hoti.

Ekādasa dhammā **vīriyasambojjhaṅgassa** uppādāya saṃvattanti – apāyabhayapaccavekkhaṇatā, ānisaṃsadassāvītā, gamanavīthipaccavekkhaṇatā, piṇḍapātāpacāyanatā, dāyajjamahattapaccavekkhaṇatā, satthumahattapaccavekkhaṇatā, jātimahattapaccavekkhaṇatā, sabrahmacārimahattapaccavekkhaṇatā, kusītapuggalaparivajjanatā, āraddhavīriyapuggalasevanatā, tadadhimuttatāti.

Tattha “nirayesu pañcavidhabandhanakammakaraṇato paṭṭhāya mahādukkhaṃ anubhavanakālepi, tīracchānayanīyaṃ jālakhipakuminādīhi gahitakālepi, pājanakaṇṭakādīppahāratunnassa pana sakaṭavahanādīkalepi, pettivīsaye anekānīpi vassasahassāni ekaṃ buddhantarampi khuppipāsāhi āturībhūtakālepi, kālakañjikaasuresu saṭṭhihatthaasītihatthappamāṇena aṭṭhicammamatteneva attabhāvena vātātapādidukkhānubhavanakālepi na sakkā vīriyasambojjhaṅgaṃ uppādetum. Ayameva te bhikkhu kālō”ti evaṃ **apāyabhayaṃ paccavekkhantassāpi** vīriyasambojjhaṅgo uppajjati.

“Na sakkā kusītena nava lokuttaradhammā laddhum, āraddhavīriyeneva sakkā, ayamānisaṃso vīriyassā”ti evaṃ **ānisaṃsadassāvīnopi** uppajjati. “Sabbabuddhapaccekaḥ buddhamahāsāvakehi gatamaggova gantabbo, so ca na sakkā kusītena gantu”nti evaṃ **gamanavīthiṃ paccavekkhantassāpi** uppajjati.

“Ye taṃ piṇḍapātādīhi upaṭṭhahanti, ime te manussā neva nītakā, na dāsakammakarā, nāpi taṃ nissāya jīvissāmāti te paṇītāni piṇḍapātādīni denti. Atha kho attano kārāṇaṃ mahapphalataṃ paccāsīsamānā denti. Satthārāpi ‘ayaṃ ime paccaye paribhuñjitvā kāyadaḷhībahulo sukhaṃ viharissatī’ti na evaṃ sampassatā tuyhaṃ paccayā anuññātā, atha kho ‘ayaṃ ime paribhuñjamāno samaṇadhammaṃ katvā vaṭṭadukkhato muccissatī’ti te paccayā anuññātā. So dāni tvam kusīto viharanto na taṃ piṇḍapātaṃ apacāyissasi. Āraddhavīriyasēva hi piṇḍapacāyanaṃ nāma hotī’ti evaṃ **piṇḍapātāpacāyanaṃ paccavekkhantassāpi** uppajjati mahāmittattherassa viya piṇḍapātiyatissattherassa viya ca.

**Mahāmittatthero** kira kassakaleṇe nāma paṭivasati. Tassa ca gocaragāme ekā mahāupāsikā theram puttam katvā paṭijaggati. Sā ekadivasam araṇṇam gacchantī dhītaram āha – “amma, asukasmim ṭhāne purānataṇḍulā, asukasmim khīram, asukasmim sappi, asukasmim phāṇitam, tava bhātikassa ayyamittassa āgatakāle bhattam pacitvā khīrasappiphāṇitehi saddhim dehi, datvā tvañca bhuñjeyyāsi. Aham pana hiyyo pakkam pārivāsikabhattam kañjiyena bhuttamhī”ti. Divā kim bhuñjissasi, ammāti? Sākapaṇṇam pakkhipitvā kaṇataṇḍulehi ambilayāguṃ pacitvā ṭhapehi, ammāti.

Thero cīvaram pārupitvā pattam nīharantova tam saddam sutvā attānam ovadi – “mahāupāsikā kira kañjiyena pārivāsikabhattam bhuñji, divāpi kaṇapaṇṇambilayāguṃ bhuñjissati, tuyham atthāya pana purānataṇḍulādini ācikkhati. Tam nissāya kho panesā neva khetam na vatthum na bhattam na vattham paccāsīsati, tisso pana sampattiyo patthayamānā deti. Tvam etissā tā sampattiyo dātum sakkhissasi, na sakkhissasīti, ayam kho pana piṇḍapāto tayā sarāgena sadosena samohena na sakkā gaṇhitu”nti pattam thavikāya pakkhipitvā gaṇṭhikam muñcitvā nivattitvā kassakaleṇameva gantvā pattam heṭṭhāmañce, cīvarañca cīvaravaṃse ṭhapetvā, “arahattam apāpuṇitvā na nikkhamissāmī”ti vīriyam adhiṭṭhahitvā nisīdi. Dīgharattam appamatto hutvā nivutthabhikkhu vipassanam vaḍḍhetvā purebhattameva arahattam patvā vīkassamānamiva padumam mahākhīṇāsavo sitam karontova nikkhami. Leṇadvāre rukkhamhi adhivatthā devatā –

“Namo te purisājañña, namo te purisuttama;  
Yassa te āsavā khīṇā, dakkhiṇeyyosi mārisā”ti. –

Udānam udānetvā, “bhante, piṇḍāya pavitṭhānam tumhādisānam arahantānam bhikkham datvā mahallakittiyō dukkhā muccissantī”ti āha. Thero utṭhahitvā dvāram vivaritvā kālam olovento “pātoyevā”ti ñatvā pattacīvaram ādāya gāmaṃ pāvīsi.

Dārikāpi bhattam sampādetvā “idāni me bhātā āgamissati, idāni me bhātā āgamissati”ti dvāram olokayamānā nisīdi. Sā there gharadvāram sampatte pattam gahetvā sappiphāṇitayojitassa khīrapīṇḍapātassa pūretvā hatthe ṭhapesi. Thero “sukham hotū”ti anumodanam katvā pakkāmi. Sāpi tam olokayamānāva aṭṭhāsī. Therassa hi tadā ativiya parisuddho chavivaṇṇo ahoṣi, vippasannāni indriyāni, mukham bandhanā pavuttatālapakkam viya ativiya virocittha.

Mahāupāsikā araṇṇato āgantvā “kim, amma, bhātiko te āgato”ti pucchi. Sā sabbam tam pavattim ārocesi. Upāsikā “ajja me puttassa pabbajitakiccam matthakam patta”nti ñatvā “abhiramati te, amma, bhātā buddhasāsane, na ukkaṇṭhatī”ti āha.

**Piṇḍapātikatissattheravatthu** pana evam veditabbam – mahāgāme kira eko daliddapuriso dāruvikkayena jīvīkam kappeti. So teneva kāraṇena nāmam labhitvā dārubhaṇḍakamahātisso nāma jāto. So ekadivasam attano bhariyam āha – “kim amhākam jīvītam nāma, satthārā daḷiddadānassa mahapphalabhāvo kathito, mayañca nibaddham dātum na sakkoma, pakkhikabhattamattam datvā puna uppannam salākabhattampi dassāmā”ti. Sā “sādhu sāmī”ti sampācchitvā punadivase yathālābhena pakkhikabhattam adāsī. Bhikkhusaṅghassa ca paccayehi nipparissayakālo hoti, daharasāmaṇera paṇītabhojanāni bhuñjitvā “ayam lūkhāhāro”ti tesam pakkhikabhattam gahitamattakameva katvā tesam passantānamyeva chaḍḍetvā gacchanti.

Sā itthī tam disvā sāmikassa kathesi, “mayā dinnam chaḍḍentī”ti na pana vipaṭṭisārīnī ahoṣi. Tassā sāmiko āha – “mayam duggatabhāvena ayyānam sukkena paribhuñjāpetum nāsakkhimha. Kim nu kho katvā ayyānam manam gahetum sakkhissāmā”ti? Athassa bhariyā āha – “kim vadesi, sāmi, saputtakā duggatā nāma natthīti ayam te dhītā, imam ekasmim kule ṭhapetvā dvādasa kahāpaṇe gaṇhitvā ekam khīradhenuṃ āhara, ayyānam khīrasalākabhattam dassāma, evam tesam cittam gaṇhitum sakkhissāmā”ti. So sādhuṭi sampācchitvā tathā akāsī. Tesam puñṇena sā dhenu sāyam tīṇi māṇikāni, pāto tīṇi māṇikāni khīram deti. Sāyam laddham dadhim katvā punadivase tato gahitanavanītena sappim



katvā sasappiparisekaṃ khīrasalākabhaddaṃ denti. Tato paṭṭhāya tassa gehe salākabhaddaṃ puññavantāva labhanti.

So ekadivasaṃ bhariyaṃ āha – “mayā dhītu atthitāya lajjitabbato ca muttā, gehe ca no bhaddaṃ ayyānaṃ paribhogārahaṃ jātaṃ. Tvaṃ yāva ahaṃ āgacchāmi, tāva imasmiṃ kalyāṇavatte mā pamajji. Ahaṃ kiñcīdeva katvā dhītaraṃ mocessāmi”ti. So ekaṃ padesaṃ gantvā ucchuyantakammaṃ katvā chahi māsehi dvādasa kahāpaṇe labhitvā “alaṃ ettakaṃ mama dhītu mocanattāyā”ti te kahāpaṇe dussante bandhitvā “gehaṃ gamissāmi”ti maggaṃ paṭipajji.

Tasmiṃ samaye ambariyamahāvihāravāsī piṇḍapātiyatissatthero “tissamahāvihāraṃ gantvā cetiyaṃ vandissāmi”ti attano vasanaṭṭhānato mahāgāmaṃ gacchanto tameva maggaṃ paṭipajji. So upāsako therāṃ dūratova disvā “ekakova agantvā iminā ayyena saddhiṃ ekaṃ dhammakathaṃ suṇanto gamissāmi. Sīlavanto hi sabbakālaṃ dullabhā”ti vegena therāṃ sampāpuṇitvā abhivādetvā saddhiṃ gacchanto velāya upakaṭṭhāya cintesi – “mayhaṃ hatthe puṭakabhaddaṃ natthi, ayyassa ca bhikkhākālo sampatto, ayañca me paribbayo hatthe atthi, ekaṃ gāmadvāraṃ pattakāle ayyassa piṇḍapātaṃ dassāmi”ti.

Tassevaṃ citte uppannamatteyeva eko puṭakabhaddaṃ gahetvā taṃ ṭhānaṃ sampatto. Upāsako taṃ disvā, “bhante, thokaṃ āgamethā”ti vatvā taṃ upasaṅkamtivā āha – “kahāpaṇaṃ te, bho purisa, dammi, taṃ me puṭakabhaddaṃ dehi”ti. So cintesi – “imaṃ bhaddaṃ imasmiṃ kāle māsakampi na agghati, ayañca mayhaṃ ekavāreṇeva kahāpaṇaṃ deti, bhavissatthā kāraṇa”nti cintetvā “nāhaṃ kahāpaṇena demī”ti āha. Evaṃ sante dve gaṇha, tīṇi gaṇhāti iminā niyāmena sabbepi te kahāpaṇe dātukāmo jāto. Itaro “aññepissa atthi”ti saññāya “na demī”cceva āha. Atha naṃ so āha – “sace me, bho, aññepi assu, tepi dadeyyaṃ. Na kho panāhaṃ attano atthāya gaṇhāmi, etasmiṃ me rukkhamaṇe eko ayyo nisīdāpito, tuyhampi kusalaṃ bhavissati, dehi me bhadda”nti. Tena hi, bho, gaṇha, āhara te kahāpaṇeti kahāpaṇe gahetvā puṭakabhaddaṃ adāsi. Upāsako bhaddaṃ gahetvā hatthe dhovivā therāṃ upasaṅkamtivā “pattaṃ nīharatha, bhante”ti āha. Thero pattaṃ nīharitvā upaḍḍhabhatte dinne pattaṃ pidahi. Upāsako āha – “ayaṃ, bhante, ekasseva paṭiviso, na sakkā mayā ito bhujjituṃ. Tumhākaṃyeva me atthāya imaṃ pariyesitvā laddhaṃ, gaṇhatha naṃ maṃ anukampaṃ upādāyā”ti. Thero “atthi ettha kāraṇa”nti gahetvā sabbāṃ paribhuṅgi. Upāsako dhamakaraṇena pāṇīyaṃ parissāvetvā adāsi. Tato niṭṭhitabhaddakicce there ubhopi maggaṃ paṭipajjimsu.

Thero upāsakaṃ pucchi – “kena kāraṇena tvaṃ na bhujjasi”ti. So attano gamanāgamanavidhānaṃ sabbāṃ kathesi. Thero taṃ sutvā saṃvegappatto cintesi – “dukkaraṃ upāsakena kataṃ, mayā pana evarūpaṃ piṇḍapātaṃ paribhuṅgitvā etassa kataññunā bhavitabbaṃ. Sappāyaseṇāsaṇaṃ labhitvā tattheva chavimaṃsalohitesu sukkhantesupi nisinnapallaṅkeneva arahattaṃ appatvā na utṭhahissāmi”ti. So tissamahāvihāraṃ gantvā āgantukavattaṃ katvā attano pattaseṇāsaṇaṃ pavisitvā paccattharaṇaṃ attharivā tattha nisinno attano mūlakammaṭṭhānameva gaṇhi. So tāya rattiyā obhāsamattampi nibbattetuṃ nāsakkhi. Punadivāsato paṭṭhāya bhikkhācārapalibodhaṃ chinditvā tadeva kammaṭṭhānaṃ anulomapaṭilomaṃ vipassi. Etenupāyena vipassanto sattame aruṇe saha paṭisambhidāhi arahattaṃ patvā cintesi – “ativiya me kilantaṃ sarīraṃ, kiṃ nu kho me jīvitāṃ ciraṃ pavattissati, na pavattissati”ti. Athassa appavattanabhāvaṃ disvā seṇāsaṇaṃ paṭisāmetvā pattacīvaramādāya vihāramajjhaṃ gantvā bheriṃ paharāpetvā bhikkhusaṅghaṃ sannipātesi.

Saṅghatthero “kena bhikkhunāsaṅgho sannipātito”ti pucchi. Mayā, bhanteti. Kimatthaṃ sappurisāti. Bhante, aññaṃ kammaṃ natthi, yesaṃ pana magge vā phale vā kaṅkhā atthi, te maṃ pucchantūti. Sappurisa tādisā nāma bhikkhū asantaṃ guṇaṃ na kathenti, amhākaṃ ettha kaṅkhā natthi. Kiṃ pana te saṃvegakāraṇaṃ ahosi, kiṃ paccayaṃ katvā arahattaṃ nibbattanti. Bhante, imasmiṃ mahāgāme vallyavīthiyaṃ dārubhaṇḍakamahātisso nāma upāsako attano dhītaraṃ bahi ṭhapetvā dvādasa kahāpaṇe gaṇhitvā tehi ekaṃ khīradhenuṃ gahetvā saṅghassa khīrabhattasālākaṃ paṭṭhapesi, so “dhītaraṃ mocessāmi”ti cha māse yantasālāya bhatim katvā dvādasa kahāpaṇe labhitvā “dhītaraṃ

mocessāmī”ti attano geḥaṃ gacchanto antarāmagge maṃ disvā bhikkhācāraṇāya sabbepi te kaḥāpaṇe datvā puṭakabhattaṃ gaṇhitvā sabbam mayhaṃ adāsi. Ahaṃ taṃ piṇḍapātaṃ paribhuñjitvā idhāgantvā sappāyaseṇāsaṇaṃ labhitvā “piṇḍapacāyanakammaṃ karissāmī”ti viṣesaṃ nibbattesiṃ, bhanteti. Taṃ ṭhānaṃ sampattā catassopi parisā therassa sādhuḥkāraṃ adāsu. Sakabhāvena saṅghātaṃ samattho nāma nāhosi. Thero saṅghamajjhe nisīditvā kathento kathentova “mayhaṃ kūṭāgāraṃ dārubaṇḍakamahātissassa hatthena puṭṭhakāleyeva calatū”ti adhiṭṭhāya anupādisesāya nibbānadhātuyā parinibbāyi.

Kākavaṇṇatissamahārājā “eko kira thero parinibbuto”ti sutvā vihāraṃ gantvā sakkārasammānaṃ katvā kūṭāgāraṃ sajjetvā theram tattha āropetvā “idāni citakaṭṭhānaṃ gamissāmā”ti ukkhipanto cāletuṃ nāsakkhi. Rājā bhikkhusaṅghaṃ pucchi – “atthi, bhante, therena kiñci kathita”nti. Bhikkhū therena kathitavidhānaṃ ācikkhimsu. Rājā taṃ upāsakaṃ pakkosāpetvā “tayā ito sattadivasamatthake kassaci maggapaṭipannassa bhikkhuno puṭakabhattaṃ dinna”nti pucchi. Āma, devāti. Kena te niyāmena dinnanti? So taṃ kāraṇaṃ sabbam ārocesi. Atha naṃ rājā therassa kūṭāgāraṭṭhānaṃ pesesi – “gaccha taṃ theram sañjāna, so vā añño vā”ti. So gantvā sāṇiṃ ukkhipitvā therassa mukhaṃ disvā sañjānitvā dvīhi hatthehi hadayaṃ sandhārento rañño santikaṃ gantvā, “deva, mayhaṃ ayyo”ti āha. Athassa rājā mahāpasādhanam dāpesi. Taṃ pasādhetvā āgataṃ “gaccha bhātika mahātissa mayhaṃ, ayyāti vatvā kūṭāgāraṃ ukkhipā”ti āha. Upāsako “sādhu, devā”ti gantvā therassa pāde vanditvā ubhoḥi hatthehi ukkhipitvā attano matthake akāsi. Tasmimyeva khaṇe kūṭāgāraṃ ākāse uppatitvā citakamatthake patiṭṭhāsi. Tasmim kāle citakassa catūhipi kaṇṇehi sayameva aggijālā utṭhahimsūti.

“Mahantaṃ kho panetaṃ satthu dāyajjaṃ, yadidaṃ satta ariyadhaṇāni nāma, taṃ na sakkā kusītena gahetuṃ. Yathā hi vipaṭipannaṃ puttaṃ mātāpitaro ‘ayaṃ amhākaṃ aputto’ti paribāhiraṃ karonti, so tesam accayena dāyajjaṃ na labhati, evaṃ kusītopi idaṃ ariyadhaṇādāyajjaṃ na labhati, āradhaviṛiyova labhatī”ti **dāyajjamahattaṃ paccavekkhatopi** uppajjati.

“Mahā kho pana te satthā. Satthuno hi te mātukucchimhi paṭisandhiṃ gahaṇakālepi, abhinikkhamaṇepi, abhisambodhiyampi, dhammacakkappavattanaṃ apāṭihāriyadevorohanaāyusaṅkhāravossajjanepi, parinibbānakālepi dasasahassilokadhātu kampittha. Yuttaṃ nu te evarūpassa satthuno sāsane pabbajitvā kusītena bhavitu”nti evaṃ **satthumahattaṃ paccavekkhatopi** uppajjati.

“Jātiyāpi tvaṃ idāni na lāmakajātiko, asambhinnāya mahāsammatapaveṇiyā āgataokkākarājavamse jātosi, suddhodanamahārājassa ca mahāmāyādeviyā ca nattā, rāhulabhaddassa kaniṭṭho, tayā nāma evarūpena jinaputtena hutvā na yuttaṃ kusītena viharitu”nti evaṃ **jātimahattaṃ paccavekkhatopi** uppajjati.

“Sāriputtamoggallānā ceva asīti mahāsāvaka ca viṛiyeneva lokuttaradhammaṃ paṭivijjhimsu, tvaṃ etesaṃ sabrahmacārīnaṃ maggaṃ paṭipajjasi, na paṭipajjasi”ti evaṃ **sabrahmacārimahattaṃ paccavekkhatopi** uppajjati.

Kucchiṃ pūretvā ṭhitaajagarasadiṣe viṣatṭhakāyikacetāsikavīriye kusītapuggale parivajjentaṃ, āradhaviṛiye pahitatte puggale sevantaṃ, ṭhānanisajjādīsū viriyuppādanatthaṃ ninnapaṇapabbhāracittasāpi uppajjati. Tasmā ādikammiko kulaputto imehi ekādasahi kāraṇehi viṛiyasambojjhaṅgaṃ samuṭṭhāpetvā tadeva dhuraṃ katvā abhinivesaṃ paṭṭhapetvā anukkamaṇa arahattaṃ gaṇhāti. So yāva arahattamaggā viṛiyasambojjhaṅgaṃ bhāveti nāma, phale patte bhāvito nāma hoti.

Ekādasā dhammā **pītisambojjhaṅgassa** uppādāya saṃvattanti – buddhānussati, dhammasaṅghasīla<sup>^</sup> cāgadevatānussati upasamānussati, lūkhapuggalaparivajjanatā, siniddhapuggalasevanatā, pasādanīyasuttantapaccavekkhanatā, tadadhimuttatāti.

Buddhagūṇe anussarantassāpi hi yāva upacārā sakalasarīraṃ pharamāno pītisambojjhaṅgo uppajjati, dhammasaṅghagūṇe anussarantassāpi, dīgharattaṃ akhaṇḍaṃ katvā rakkhitaṃ catupārisuddhisīlaṃ paccavekkhantassāpi, gihino dasasīlaṃ pañcasīlaṃ paccavekkhantassāpi, dubbhikkhabhayādīsu paṇītabhojanaṃ sabrahmacārīnaṃ datvā “evaṃnāma adamhā”ti cāgaṃ paccavekkhantassāpi, gihinopi evarūpe kāle sīlavantānaṃ dinnadānaṃ paccavekkhantassāpi, yehi guṇehi samannāgatā devattaṃ pattā, tathārūpānaṃ guṇānaṃ attani atthitaṃ paccavekkhantassāpi, samāpattiyā vikkhambhite kilesā saṭṭhipi sattatipi vassāni na samudācarantīti paccavekkhantassāpi, cetiyadassanabodhidassanatheradassanesu asakkaccakiriyāya saṃsūcitalūkkhabhāve buddhādīsu pasādasinehābhāvena gadrabhapiṭṭhe rajasadise lūkhapuggale parivajjentassāpi, buddhādīsu pasādabahule muducitte siniddhapuggale sevantassāpi, ratanattayaguṇaparidīpake pasādanīyasuttante paccavekkhantassāpi, ṭhānanisajjādīsu pītiuppādanatthaṃ ninnapoṇapabbhāracittassāpi uppajjati. Tasmā ādikammiko kulaputto imehi ekādasahi kāraṇehi pītisambojjhaṅgaṃ samuṭṭhāpetvā tadeva dhuraṃ katvā abhinivesaṃ paṭṭhapetvā anukkamena arahattaṃ gaṇhāti. So yāva arahattamaggā pītisambojjhaṅgaṃ bhāveti nāma, phale patte bhāvito nāma hoti.

Satta dhammā **passaddhisambojjhaṅgassa** uppādāya saṃvattanti – paṇītabhojanasevanatā, utusukhasevanatā, iriyāpathasukhasevanatā, majjhataṭṭhapayogatā, sāraddhakāyapuggalaparivajjanatā, passaddhakāyapuggalasevanatā, tadadhimuttatāti.

Paṇītañhi siniddhaṃ sappāyabhojanaṃ bhuñjantassāpi, sītuṇhesu ca utūsu ṭhānādīsu ca iriyāpathesu sappāyautuñca iriyāpathañca sevantassāpi passaddhi uppajjati. Yo pana mahāpurisajātiko sabbautiriyāpathakkhamo hoti, na taṃ sandhāyetaṃ vuttaṃ. Yassa sabhāgavisabhāgatā atthi, tasseva visabhāge utuiriyāpathe vajjetvā sabhāge sevantassa uppajjati. Majjhataṭṭhapayogo vuccati attano ca parassa ca kammassakatapaccavekkhaṇā. Iminā majjhataṭṭhapayogena uppajjati. Yo leḍḍudaṇḍādīhi param viheṭṭhayamāno vicarati, evarūpaṃ sāraddhakāyaṃ puggalaṃ parivajjentassāpi, saṃyatapādapaṇiṃ passaddhakāyaṃ puggalaṃ sevantassāpi, ṭhānanisajjādīsu passaddhiuppādanatthāya ninnapoṇapabbhāracittassāpi uppajjati. Tasmā ādikammiko kulaputto imehi sattaḥi kāraṇehi passaddhisambojjhaṅgaṃ samuṭṭhāpetvā tadeva dhuraṃ katvā abhinivesaṃ paṭṭhapetvā anukkamena arahattaṃ gaṇhāti. So yāva arahattamaggā passaddhisambojjhaṅgaṃ bhāveti nāma, phale patte bhāvito nāma hoti.

Ekādasa dhammā **samādhisambojjhaṅgassa** uppādāya saṃvattanti – vatthuvisadakiriyatā, indriyasamattapaṭipādanatā, nimittakusalatā, samaye cittassa paggaṇhanatā, samaye cittassa niggaṇhanatā, samaye sampahaṃsanatā, samaye ajjupekkhanatā, asamāhitapuggalaparivajjanatā, samāhitapuggalasevanatā, jhānavimokkhapaccavekkhanatā, tadadhimuttatāti. Tattha **vatthuvisadakiriyatā** ca **indriyasamattapaṭipādanatā** ca vuttanayeneva veditabbā.

**Nimittakusalatā** nāma kasiṇanimittassa uggahakusalatā. **Samaye cittassa paggaṇhanatāti** yasmiṃ samaye atisithilavīriyatādīhi līnaṃ cittaṃ hoti, tasmīṃ samaye dhammavicayavīriyapītisambojjhaṅgasamuṭṭhāpanena tassa paggaṇhanaṃ. **Samaye cittassa niggaṇhanatāti** yasmiṃ samaye accāraddhavīriyatādīhi uddhataṃ cittaṃ hoti, tasmīṃ samaye passaddhisamādhiupekkhāsambojjhaṅgasamuṭṭhāpanena tassa niggaṇhanaṃ. **Samaye sampahaṃsanatāti** yasmiṃ samaye cittaṃ paññāpayogamandatāya vā upasamasukhānadhigamena vā nirassādaṃ hoti, tasmīṃ samaye aṭṭhasaṃvegavatthupaccavekkhaṇena saṃvejeti. **Aṭṭha saṃvegavatthūni** nāma – jātijarābyādhimaraṇāni cattāri, apāyadukkhaṃ pañcamaṃ, atīte vaṭṭamūlakaṃ dukkhaṃ, anāgate vaṭṭamūlakaṃ dukkhaṃ, paccuppanne āhārapariyeṭṭhimūlakaṃ dukkhanti. Ratanattayaguṇānussaraṇena ca pasādaṃ janeti. Ayaṃ vuccati “samaye sampahaṃsanatā”ti.

**Samaye ajjupekkhanatā** nāma yasmiṃ samaye sammāpaṭipattiṃ āgamma alīnaṃ anuddhataṃ anirassādaṃ ārammaṇe samappavattaṃ samathavīthipaṭipannaṃ cittaṃ hoti, tadāssa paggaṇhaniggahasampahaṃsanesu na byāpāraṃ āpajjati sārathi viya samappavattesu assesu. Ayaṃ

vuccati “samaye ajjupekkhanatā”ti. **Asamāhitapuggalaparivajjanatā** nāma upacāraṃ vā appanaṃ vā appattānaṃ vikkhittacittānaṃ puggalānaṃ ārakā parivajjanaṃ. **Samāhitapuggalasevanatā** nāma upacārena vā appanāya vā samāhitacittānaṃ sevanā bhajanā payirupāsana. **Tadadhimuttatā** nāma ṭhānanisajjādīsu samādhiuppādanatthaṃyeva ninnapoṇapabbhāracittatā. Evañhi paṭipajjato esa uppajjati. Tasmā ādikammiko kulaputto imehi ekādasahi kāraṇehi samādhisambojjhaṅgaṃ samuṭṭhāpetvā tadeva dhuraṃ katvā abhinivesaṃ paṭṭhapetvā anukkamena arahattaṃ gaṇhāti. So yāva arahattamaggā samādhisambojjhaṅgaṃ bhāveti nāma, phale patte bhāvito nāma hoti.

Pañca dhammā **upekkhāsambojjhaṅgassa** uppādāya saṃvattanti – sattamajjhataṭṭā, saṅkhāramajjhataṭṭā, sattasaṅkhāra kelāyanapuggalaparivajjanatā, sattasaṅkhāramajjhataṭṭapuggalasevanatā tadadhimuttatāti. Tattha dvīhākārehi **sattamajjhataṭṭaṃ** samuṭṭhāpeti “tvaṃ attano kammena āgantvā attanova kammena gamissasi, esopi attano kammena āgantvā attanova kammena gamissati, tvaṃ kaṃ kelāyāsī”ti evaṃ kammassakatapaccavekkhaṇena ca, “paramatthato sattoyeva natthi, so tvaṃ kaṃ kelāyāsī”ti evaṃ nissattapaccavekkhaṇena cāti. Dvīhevākārehi **saṅkhāramajjhataṭṭaṃ** samuṭṭhāpeti “idaṃ cīvaram anupubbena vaṇṇavikāraṇeṃva jinṇabhāvañca upagantvā pādapuñchanacoḷakaṃ hutvā yatṭhikoṭiyā chaḍḍanīyaṃ bhavissati, sace panassa sāmiko bhavēyya, nāssa evaṃ vinassituṃ dadeyyā”ti evaṃ assāmikabhāvapaccavekkhaṇena ca, “anaddhaniyaṃ idaṃ tāvakālika”nti evaṃ tāvakālikabhāvapaccavekkhaṇena cāti. Yathā ca cīvare, evaṃ pattādīsupi yojanā kātabbā.

**Sattasaṅkhāra kelāyanapuggalaparivajjanatā**ti ettha yo puggalo gihī vā attano puttadhītādike, pabbajito vā attano antevāsikasamānupajjhāyakādike mamāyati, sahattheneva nesaṃ kesachedanasūcikkamma cīvaradhovanarajanapattapacanādīni karoti, muhuttampi apassanto “asuko sāmaṇero kuhiṃ, asuko daharo kuhi”nti bhantamigo viya ito cito ca oloketi, aññena kesachedanādīnaṃ atthāya “muhuttaṃ tāva asukaṃ pesethā”ti yāciyamānopi “amhepi taṃ attano kammaṃ na kārema, tumhe naṃ gahetvā kilamissathā”ti na deti, ayaṃ **sattakelāyano** nāma. Yo pana cīvarapattathālakakattarayatṭhiādīni mamāyati, aññassa hatthena parāmasitumpi na deti, tāvakālikaṃ yācito “mayampi imaṃ dhanāyantā na paribhuñjāma, tumhākaṃ kiṃ dassamā”ti vadati, ayaṃ **saṅkhāra kelāyano** nāma.

Yo pana tesu dvīsupi vatthūsu majjhato udāsino, ayaṃ **sattasaṅkhāramajjhato** nāma. Iti ayaṃ upekkhāsambojjhaṅgo evarūpaṃ sattasaṅkhāra kelāyanapuggalaṃ ārakā parivajjentassāpi, sattasaṅkhāramajjhataṭṭapuggalaṃ sevantassāpi, ṭhānanisajjādīsu taduppādanatthaṃ ninnapoṇapabbhāracittassāpi uppajjati. Tasmā ādikammiko kulaputto imehi pañcahi kāraṇehi upekkhāsambojjhaṅgaṃ samuṭṭhāpetvā tadeva dhuraṃ katvā abhinivesaṃ paṭṭhapetvā anukkamena arahattaṃ gaṇhāti. So yāva arahattamaggā upekkhāsambojjhaṅgaṃ bhāveti nāma, phale patte bhāvito nāma hoti. Iti imepi satta bojjhaṅgā lokiyalokuttaramissakāva kathitā.

**419. Sammādiṭṭhiṃ bhāvetīti** aṭṭhaṅgikassa maggassa ādibhūtaṃ sammādiṭṭhiṃ brūheti vaḍḍheti. Sesapadesupi eseṃ nayo. Ettha pana sammādasānalakkhaṇā **sammādiṭṭhi**. Sammāabhiniropānalakkhaṇo **sammāsāṅkappo**. Sammāpariggāhalakkhaṇā **sammāvācā**. Sammāsamuṭṭhāpanalakkhaṇo **sammākammanto**. Sammāvodāpanalakkhaṇo **sammāājīvo**. Sammāpaggāhalakkhaṇo **sammāvāyāmo**. Sammāupaṭṭhānalakkhaṇā **sammāsati**. Sammāsamādhānalakkhaṇo **sammāsamādhi**.

Tesu ekekassa tīṇi tīṇi kiccāni honti. Seyyathidaṃ, sammādiṭṭhi tāva aññehipi attano paccanīkalesehi saddhiṃ micchādiṭṭhiṃ pajahati, nirodhaṃ ārammaṇaṃ karoti, sampayuttadhamme ca passati tappaṭicchādakamohavidhamanavasena asammohato. Sammāsāṅkappādayopi tatheva micchāsāṅkappādīni ca pajahanti, nirodhañca ārammaṇaṃ karonti. Visesto panettha sammāsāṅkappo sahaṃjātadhamme sammā abhiniropeti, sammāvācā sammā pariggaṇhāti, sammākammanto sammā samuṭṭhāpeti, sammāājīvo sammā vodāpeti, sammāvāyāmo sammā paggaṇhāti, sammāsati sammā upaṭṭhāti, sammāsamādhi sammā padahati.

Api cesā sammādiṭṭhi nāma pubbabhāge nānākkhaṇā nānārammaṇā hoti, maggakāle ekakkhaṇā ekārammaṇā. Kiccato pana dukkhe ñānantiādini cattāri nāmāni labhati. Sammāsaṅkappādayopi pubbabhāge nānākkhaṇā nānārammaṇā honti, maggakāle ekakkhaṇā ekārammaṇā. Tesu sammāsaṅkappo kiccato nekkhammasaṅkappo avihiṃsāsaṅkappo abyāpādasāṅkappoti tīṇi nāmāni labhati. Sammāvācādayo tayo pubbabhāge viratiyopi honti cetanāyopi, maggakkhaṇe pana viratiyova. Sammāvāyāmo sammāsatīti idampi dvayaṃ kiccato sammappadhānasatipaṭṭhānavasena cattāri nāmāni labhati. Sammāsamādhi pana pubbabhāgepi maggakkhaṇepi sammāsamādhiyeva.

Iti imesu aṭṭhasu dhammesu bhagavatā nibbānādhigamāya paṭipannassa yogino bahukārattā paṭhamam sammādiṭṭhi desitā. Ayañhi “paññāpajjoto paññāsattha”nti (dha. sa. 16, 20, 29, 34) ca vuttā. Tasmā etāya pubbabhāge vipassanāññāsaṅkhātāya sammādiṭṭhiyā avijjandhakāraṃ vidhamitvā kilesacore ghātento khemena yogāvacarō nibbānaṃ pāpuṇāti. Tena vuttam – “nibbānādhigamāya paṭipannassa yogino bahukārattā paṭhamam sammādiṭṭhi desitā”ti.

Sammāsaṅkappo pana tassā bahukāro, tasmā tadanantaram vutto. Yathā hi heraññiko hatthena parivattetvā parivattetvā cakkhunā kahāpaṇam olokeno ‘ayaṃ kūṭo, ayaṃ cheko’ti jānāti, evaṃ yogāvacaropi pubbabhāge vitakkena vitakketvā vitakketvā vipassanāpaññāya olokayamāno “ime dhammā kāmāvacarā, ime dhammā rūpāvacarādayo”ti jānāti. Yathā vā pana purisena koṭiyam gahetvā parivattetvā parivattetvā dinnam mahārukham tacchako vāsiyā tacchetvā kamme upaneti, evaṃ vitakkena vitakketvā vitakketvā dinnadhamme yogāvacarō paññāya “ime dhammā kāmāvacarā, ime dhammā rūpāvacarā”tiādinaṃ nayena paricchinditvā kamme upaneti. Tena vuttam – “sammāsaṅkappo pana tassā bahukāro, tasmā tadanantaram vutto”ti.

Svāyam yathā sammādiṭṭhiyā, evaṃ sammāvācāyapi upakārako. Yathāha – “pubbe kho, gahapati, vitakketvā vicāretvā pacchā vācam bhindatī”ti (ma. ni. 1.463). Tasmā tadanantaram sammāvācā vuttā.

Yasmā pana idaṅcīdaṅca karissāmāti paṭhamam vācāya saṃvidahitvā loke kammante payojenti, tasmā vācā kāyakammasa upakārikāti sammāvācāya anantaram sammākammanto vutto.

Catubbidham pana vacīduccaritam, tividham kāyaduccaritam pahāya ubhayaucaritam pūrentasseva yasmā ājivaṭṭhamakasīlam pūreti, na itarassa. Tasmā tadubhayānantaram sammāājīvo vutto.

Evaṃ suddhājīvena “parisuddho me ājīvo”ti ettāvātā paritosam katvā suttappamattena viharitum na yuttam, atha kho sabbairiyāpathesu idam vīriyamārabhitabbanti dassetum tadanantaram sammāvāyāmo vutto.

Tato āradhāvīriyenāpi kāyādīsu catūsu vatthūsu sati sūpaṭṭhitā kātābbāti dassanattham tadanantaram sammāsatī desitā.

Yasmā pana evaṃ sūpaṭṭhitā sati samādhissa upakārānupakārānam dhammānam gatiyo samanvesitvā pahoti ekattārammaṇe cittam samādhetum, tasmā sammāsatīyā anantaram sammāsamādhi desitoti veditabbo. Iti ayampi aṭṭhaṅgiko maggo lokiyalokuttaramissakova kathito.

**427. Ajjhattam rūpasaññītiādīsu** ajjhatarūpe parikkammavasena ajjhattam rūpasaññī nāma hoti. Ajjhatañhi nīlaparikammaṃ karonto kese vā pitte vā akkhitarākāya vā karoti, pītaparikammaṃ karonto mede vā chaviyā vā hatthapādatalesu vā akkhīnam pītakaṭṭhāne vā karoti, lohītaparikammaṃ karonto maṃse vā lohite vā jivhāya vā akkhīnam rattatṭhāne vā karoti, odātaparikammaṃ karonto aṭṭhimhi vā dante vā nakhe vā akkhīnam setaṭṭhāne vā karoti. Tam pana sunīlam supītam sulohitakam suodātakam na hoti, avisuddhameva hoti.

**Eko bahiddhā rūpāni passatīti** yassevaṃ parikammaṃ ajjhattaṃ uppannaṃ hoti, nimittaṃ pana bahiddhā. So evaṃ ajjhattaṃ parikammassa bahiddhā ca appanāya vasena “ajjhattaṃ rūpasaññī eko bahiddhā rūpāni passatī”ti vuccati. **Parittānīti** avaḍḍhitāni. **Suvaṇṇadubbaṇṇānīti** suvaṇṇāni vā honti dubbaṇṇāni vā, parittavaseneva idaṃ abhibhāyatanaṃ vuttanti veditabbaṃ. **Tāni abhibhuyyāti** yathā nāma sampannagahaṇiko kaṭacchumattaṃ bhattaṃ labhitvā “kiṃ ettha bhuñjitabbaṃ atthī”ti saṅkaḍḍhitvā ekakabalameva karoti, evameva ñāṇuttariko puggalo visadañño “kiṃ ettha parittake ārammaṇe samāpajjitabbaṃ atthi, nāyaṃ mama bhāro”ti tāni rūpāni abhibhavitvā samāpajjati, saha nimittuppādenevettha appanaṃ pāpetīti attho. **Jānāmi passāmīti** iminā panassa ābhogo kathito. So ca kho samāpattito vuṭṭhitassa, na antosamāpattiyāṃ. **Evamsaññī hotīti** ābhogasaññāyapi jhānasaññāyapi evamsaññī hoti. Abhibhavasaññā hissa antosamāpattiyampi atthi, ābhogasaññā pana samāpattito vuṭṭhitasseva.

**Appamāṇānīti** vaḍḍhitappamāṇāni, mahantānīti attho. **Abhibhuyyāti** ettha pana yathā mahagghaso puriso ekaṃ bhattavaḍḍhitakaṃ labhitvā “aññampi hotu, kiṃ etaṃ mayhaṃ karissatī”ti taṃ na mahantato passati, evameva ñāṇuttaro puggalo visadañño “kiṃ ettha samāpajjitabbaṃ, nayidaṃ appamāṇaṃ, na mayhaṃ cittekaggaṭākaraṇe bhāro atthī”ti tāni abhibhavitvā samāpajjati, saha nimittuppādenevettha appanaṃ pāpetīti attho.

**Ajjhattaṃ arūpasaññīti** alābhitāya vā anattikatāya vā ajjhatarūpe parikammasaññāviraḥito.

**Bahiddhā rūpāni passatīti** yassa parikammampi nimittampi bahiddhāva uppannaṃ, so evaṃ bahiddhā parikammassa ceva appanāya ca vasena “ajjhattaṃ arūpasaññī ekova bahiddhā rūpāni passatī”ti vuccati. Sesametta catutthaabhibhāyatane vuttanayameva. Imesu pana catūsu parittaṃ vitakkacaritavasena āgataṃ, appamāṇaṃ mohacaritavasena, suvaṇṇaṃ dosacaritavasena, dubbaṇṇaṃ rāgacaritavasena. Etesañhi etāni sappāyāni, sā ca nesam sappāyatā vitthārato visuddhimagge cariyānidese vuttā.

Pañcamaabhibhāyatanaḍḍisu **nīlānīti** sabbasaṅgāhakavasena vuttaṃ. **Nīlavaṇṇānīti** vaṇṇavasena. **Nīlanidassanānīti** nidassanavasena, apaññāyamaṇavivarāni asambhinnavaṇṇāni ekanīlāneva hutvā dissantīti vuttaṃ hoti. **Nīlanibhāsānīti** idaṃ pana obhāsavasena vuttaṃ, nīlobhāsāni nīlappabhāyuttānīti attho. Etena nesam suvisuddhataṃ dasseti. Visuddhavaṇṇavaseneva hi imāni cattāri abhibhāyatanaṇi vuttāni. “Nīlakasiṇaṃ gaṇhanto nīlasmim nimittaṃ gaṇhāti pupphasmim vā vatthasmim vā vaṇṇadhātuyā vā”tiādikam panettha kasiṇakaraṇaṇca parikammaṇca appanāvidhānaṇca sabbam visuddhimagge vitthārato vuttameva. Imāni pana aṭṭha abhibhāyatanaṇijhānāni vaṭṭānīpi honti vaṭṭapādakānīpi vipassanāpādakānīpi diṭṭhadhammasukhavihārānīpi abhiññāpādakānīpi nirodhapādakānīpi, lokiyāneva pana na lokuttarānīti veditabbāni.

**435. Rūpī rūpāni passatīti** ettha ajjhattaṃ kesādīsu nīlakasiṇādīsu nīlakasiṇādivasena uppāditaṃ rūpajjhānaṃ rūpaṃ, taṃ assa atthīti rūpī. **Bahiddhā rūpāni passatīti** bahiddhāpi nīlakasiṇādīni rūpāni jhānacakkhunā passati. Iminā ajjhattabahiddhāvattukesu kasiṇesu uppāditaṃjjhānassa puggalassa cattāripi rūpāvacarajjhānāni dassitāni. **Ajjhattaṃ arūpasaññīti** ajjhattaṃ na rūpasaññī, attano kesādīsu anuppāditarūpāvacarajjhānoti attho. Iminā bahiddhāparikammaṃ katvā bahiddhāva uppāditaṃjjhānassa puggalassa rūpāvacarajjhānāni dassitāni.

**Subhantveva adhimutto hotīti** iminā suvisuddhesu nīlādīsu vaṇṇakasiṇesu jhānāni dassitāni. Tattha kiñcāpi antoappanāyaṃ subhanti ābhogo natthi, yo pana visuddhaṃ subhaṃ kasiṇārammaṇaṃ katvā viharati, so yasmā “subhanti adhimutto hotī”ti vattabbaṃ āpajjati, tasmā evaṃ desanā katā. Paṭisambhidāmagge pana “kathaṃ subhantveva adhimutto hotīti vimokkhu – idha bhikkhu mettāsahagatena cetasā ekaṃ disaṃ pharitvā viharati...pe... mettāya bhāvitattā sattā appaṭikkūlā honti. Karuṇāsahagatena...pe... muditāsahagatena...pe... upekkhāsahagatena cetasā ekaṃ disaṃ pharitvā viharati...pe... upekkhāya bhāvitattā sattā appaṭikkūlā honti. Evaṃ subhantveva adhimutto hotīti

vimokkho’’ti (paṭi. ma. 1.212) vuttaṃ. **Sabbaso rūpasaññānantiādīsu** yaṃ vattabbaṃ, taṃ sabbam visuddhimagge vuttameva.

**443. Pathavikasiṇaṃ bhāvetīti** ettha pana sakalaṭṭhena kasiṇaṃ, pathavi eva kasiṇaṃ **pathavikasiṇaṃ**. Parikamma pathaviyāpi uggahanimittassāpi paṭibhāganimittassāpi taṃ nimittaṃ ārammaṇaṃ katvā uppannajjhānassāpi etaṃ adhivacanaṃ. Idha pana pathavikasiṇārammaṇaṃ jhānaṃ adhippettaṃ. Taṃ hesa bhāveti. **Āpokasiṇādīsupi** ese va nayo.

Imāni pana kasiṇāni bhāventena sīlāni sodhetvā parisuddhasīle paṭiṭṭhitena yvāssa dasasu palibodhesu palibodho atthi, taṃ upacchinditvā kammaṭṭhānadāyakaṃ kalyāṇamittaṃ upasaṅkamitvā attano cariyānukūlavasena yaṃ yassa sappāyaṃ, taṃ tena gahetvā kasiṇabhāvanāya ananurūpaṃ vihāraṃ pahāya anurūpe viharantena khuddakapalibodhupacchedaṃ katvā sabbam bhāvanāvidhānaṃ aparihāpentena bhāvetabbāni. Ayamettha saṅkhepo, vitthāro pana visuddhimagge (visuddhi. 1.38 ādayo) vutto. Kevalaṅhi tattha viññāṇakasiṇaṃ nāgataṃ, taṃ atthato ākāsakasiṇe pavattaviññāṇaṃ. Tañca kho ārammaṇavasena vuttaṃ, na samāpattivāsena. Tañhi anantaṃ viññāṇanti ārammaṇaṃ katvā esa viññāṇaṅcāyatanasamāpattiṃ bhāvento viññāṇakasiṇaṃ bhāvetīti vuccati. Imānipi dasa kasiṇāni vaṭṭānipi honti vaṭṭapāda kānipi vipassanāpāda kānipi diṭṭhadhammasukhavihāratthānipi abhiññāpāda kānipi nirodhapāda kānipi, lokiyāneva pana na lokuttarānīti.

**453. Asubhasaññaṃ bhāvetīti** asubhasañña vuccati uddhumātakādīsu dasasu ārammaṇesu uppannā paṭhamajjhānasahagatā sañña, taṃ bhāveti brūheti vaḍḍheti, anuppannaṃ uppādeti, uppannaṃ anurakkhatīti attho. Dasannaṃ pana asubhānaṃ bhāvanānayo sabbo visuddhimagge (visuddhi. 1.102 ādayo) vitthāritoyeva. **Maraṇasaññaṃ bhāvetīti** sammutimaraṇaṃ, khaṇikamaraṇaṃ, samucchadamaraṇanti tividhampi maraṇaṃ ārammaṇaṃ katvā uppajjanakasaññaṃ bhāveti, anuppannaṃ uppādeti, uppannaṃ anurakkhatīti attho. Heṭṭhā vuttalakkhaṇā vā maraṇassatiyeva idha maraṇasaññāti vuttā, taṃ bhāveti uppādeti vaḍḍhetīti attho. Bhāvanānayo panassā visuddhimagge (visuddhi. 1.167 ādayo) vitthāritoyeva. **Āhāre paṭikūlasaññaṃ bhāvetīti** asitapītādibhede kabalīkāre āhāre gamanapaṭikūlādīni nava paṭikūlāni paccavekkhantassa uppajjanakasaññaṃ bhāveti, uppādeti vaḍḍhetīti attho. Tassāpi bhāvanānayo visuddhimagge vitthāritoyeva. **Sabbaloke anabhiratisaññaṃ bhāvetīti** sabbasmimpi tedhātuke loka anabhiratisaññaṃ ukkaṇṭhitasaññaṃ bhāvetīti attho. **Aniccasaññaṃ bhāvetīti** pañcannaṃ upādānakkhandhānaṃ udayabbayaññāthattapariggāhikaṃ pañcasu khandhesu aniccanti uppajjanakasaññaṃ bhāveti. **Anicce dukkhasaññaṃ bhāvetīti** anicce khandhapañcake paṭipīḷanasāṅkhātadukkhakkhaṇapariggāhikaṃ dukkhanti uppajjanakasaññaṃ bhāveti. **Dukkhe anattasaññaṃ bhāvetīti** paṭipīḷanaṭṭhena dukkhe khandhapañcake avasavattanākārasāṅkhātānattalakkhaṇapariggāhikaṃ anattāti uppajjanakasaññaṃ bhāveti. **Pahānasaññaṃ bhāvetīti** pañcavidhaṃ pahānaṃ ārammaṇaṃ katvā uppajjanakasaññaṃ bhāveti. **Virāgasaññaṃ bhāvetīti** pañcavidhameva virāgaṃ ārammaṇaṃ katvā uppajjanakasaññaṃ bhāveti. **Nirodhasaññaṃ bhāvetīti** saṅkhāranirodhaṃ ārammaṇaṃ katvā uppajjanakasaññaṃ bhāveti. Nibbānaṃ ārammaṇaṃ katvā uppajjanakasaññanti pi vadanti. Ettha ca sabbaloke anabhiratisañña, aniccasañña, anicce dukkhasaññāti imāhi tīhi saññāhi balavavipassanā kathitā. Puna aniccasaññaṃ bhāvetītiādīkāhi dasahi saññāhi vipassanāsamārambhova kathito.

**473. Buddhānussatintiādīni** vuttatthāneva.

**483. Paṭhamajjhānasahagatanti** paṭhamajjhānena saddhiṃ gataṃ pavattaṃ, paṭhamajjhānasampayuttanti attho. **Saddhindriyaṃ bhāvetīti** paṭhamajjhānasahagataṃ katvā saddhindriyaṃ bhāveti brūheti vaḍḍheti. Esa nayo sabbattha.

Aparaaccharāsaṅghātavaggavaṇṇanā.

## 19. Kāyagatāsativaggavaṇṇanā

**563. Cetasā phuṭoti** ettha duvidhaṃ pharaṇaṃ āpopharaṇaṃca dibbacakkhupharaṇaṃca. Tattha āpokasiṇaṃ samāpajjitvā āpena pharaṇaṃ āpopharaṇaṃ nāma. Evaṃ phuṭepi mahāsamudde sabbā samuddaṅgamā kunnadiyo antogadhāva honti. Ālokaṃ pana vaḍḍhetvā dibbacakkhunā sakalāsamuddadassanaṃ dibbacakkhupharaṇaṃ nāma. Evaṃ phuṭepi mahāsamudde sabbā mahāsamuddaṅgamā kunnadiyo antogadhāva honti. **Antogadhā tassāti** tassa bhikkhuno bhāvanāya abhantaragatāva honti. **Vijjābhāgiyāti** ettha sampayogavasena vijjaṃ bhajantīti vijjābhāgiyā, vijjābhāge vijjakoṭṭhāse vattantītipi vijjābhāgiyā. Tattha vipassanāññaṃ manomayiddhi cha abhiññāti atṭha vijjā, purimena atthena tāhi sampayuttadhammāpi vijjābhāgiyā. Pacchimena atthena tāsu yā kāci ekā vijjā vijjā, sesā vijjābhāgiyāti evaṃ vijjāpi vijjāsampayuttadhammāpi vijjābhāgiyāteva veditabbā.

**564. Mahato saṃvegāyāti** mahantassa saṃvegassa atthāya. Uparipadadvayepi eseva nayo. Ettha ca mahāsaṃvego nāma vipassanā, mahāattho nāma cattāro maggā, mahāyogakkhemo nāma cattāri sāmāññaphalāni. Atha vā mahāsaṃvego nāma saha vipassanāya maggo, mahāattho nāma cattāri sāmāññaphalāni, mahāyogakkhemo nāma nibbānaṃ. **Satisampajaññāyāti** satiyā ca ñāṇassa ca atthāya. **Ñāṇadassanaṇapaṭilābhāyāti** dibbacakkhuññāyā. **Diṭṭhadhammasukhavihārāyāti** imasmimyeva paccakkhe attabhāve sukhavihāratthāya. **Vijjāvimuttiphalasacchikiriyāyāti** vijjāvimuttīnaṃ phalassa paccavekkhakarāṇatthāya. Ettha ca vijjāti maggapaññā, vimuttīti taṃsampayuttā sesadhammā. Tesā phalaṃ nāma arahattaphalaṃ, tassa sacchikiriyāyāti attho.

**571. Kāyopi passambhatīti** nāmakāyopi karajakāyopi passambhati, vūpasantadaratho hoti. **Vitakkavicārāpīti** ete dhammā dutiyajjhānena vūpasammanti nāma, idha pana oḷārikavūpasamaṃ sandhāya vuttaṃ. **Kevalāti** sakalā, sabbe niravasesāti attho. **Vijjābhāgiyāti** vijjakoṭṭhāsiyā, te heṭṭhā vibhajitvā dassitāva.

**574. Avijjā pahīyatīti** atṭhasu ṭhānesu vaṭṭamūlakaṃ bahalandhakāraṃ mahātamaṃ aññānaṃ pahīyati. **Vijjā uppajjatīti** arahattamaggavijjā uppajjati. **Asmimāno pahīyatīti** asmīti navavidho māno pahīyati. **Anusayāti** satta anusayā. **Samyojanānīti** dasa samyojanāni.

**575. Paññāpabhedāyāti** paññāya pabhedagamanattham. **Anupādāparinibbānāyāti** apaccayaparinibbānassa sacchikiriyatthāya.

**576. Anekadhātupaṭivedho hotīti** atṭhārasannaṃ dhātūnaṃ lakkhaṇapaṭivedho hoti. **Nānādhātupaṭivedho hotīti** tāsamyeva atṭhārasannaṃ dhātūnaṃ nānābhāvena lakkhaṇapaṭivedho hoti. **Anekadhātupaṭisambhidā hotīti** iminā dhātubhedaññaṃ kathitaṃ. Dhātupaṭivedhaññaṃ nāma “imāya dhātuyā ussannāya idaṃ nāma hoti”ti jānanaṇā. Taṃ panetaṃ dhātubhedaññaṃ na sabbesaṃ hoti, buddhānameva nippadesaṃ hoti. Taṃ sammāsambuddhena sabbaso na kathitaṃ. Kasmā? Tasmim kathite attho natthīti.

**584. Paññāpaṭilābhāyāti**ādīni soḷasa padāni paṭisambhidāmagge “sappurisasamsevo, saddhammasavanaṃ, yonisomanasikāro, dhammānudhammapaṭipatti. Ime kho, bhikkhave, cattāro dhammā bhāvitā bahulīkatā paññāpaṭilābhāya saṃvattanti ...pe... nibbedhikapaññatāya saṃvattanti”ti evaṃ mātikaṃ ṭhapetvā vitthāritāneva. Vuttañhetam (paṭi. ma. 3.4) –

**Paññāpaṭilābhāya saṃvattantīti.** “Katamo paññāpaṭilābho? Catunnaṃ maggañāṇānaṃ, catunnaṃ phalañāṇānaṃ, catunnaṃ paṭisambhidāñāṇānaṃ, channaṃ abhiññāñāṇānaṃ, tesattatīnaṃ ñāṇānaṃ, sattasattatīnaṃ ñāṇānaṃ lābho paṭilābho pattisampatti phassanā sacchikiriyā upasampadā, paññāpaṭilābhāya saṃvattantīti ayaṃ paññāpaṭilābho.



**Paññāvuddhiyā saṃvattantīti.** “Katamā paññāvuddhi? Sattannañca sekkhānaṃ puthujjanakalyāṇakassa ca paññā vaḍḍhati, arahato paññā vaḍḍhitavaḍḍhanā, paññāvuddhiyā saṃvattantīti ayaṃ paññāvuddhi.

**Paññāvepullāya saṃvattantīti.** “Katamaṃ paññāvepullaṃ? Sattannañca sekkhānaṃ puthujjanakalyāṇakassa ca paññā vepullaṃ gacchati, arahato paññā vepullaṃ gatā, paññāvepullāya saṃvattantīti idaṃ paññāvepullaṃ.

**Mahāpaññatāya saṃvattantīti.** “Katamā mahāpaññā? Mahante atthe pariggaṇhātīti mahāpaññā, mahante dhamme...pe... mahantā niruttiyo, mahantāni paṭibhānāni, mahante sīlakkhandhe, mahante samādhipaññāvimutti vimuttiñānadassanakkhandhe, mahantāni ṭhānāṭṭhānāni, mahantā vihārasamāpattiyo, mahantāni ariyasaccāni, mahante satipaṭṭhāne, sammappadhāne, iddhipāde, mahantāni indriyāni, mahantāni balāni, mahante bojjhaṅge, mahante ariyamagge, mahantāni sāmāññaphalāni, mahābhinnāyo, mahantaṃ paramatthaṃ nibbānaṃ pariggaṇhātīti mahāpaññā, mahāpaññatāya saṃvattantīti ayaṃ mahāpaññā.

**Puthupaññatāya saṃvattantīti.** “Katamā puthupaññā? Puthu nānākkhandhesu ñāṇaṃ pavattatīti puthupaññā. Puthu nānādhātūsu, puthu nānāyatanesu, puthu nānāpaṭiccasamuppādesu, puthu nānāsuññatamanupalabbhesu, puthu nānāatthesu, dhammesu, niruttīsu, paṭibhānesu, puthu nānāsīlakkhandhesu, samādhipaññāvimuttivimuttiñānadassanakkhandhesu, puthu nānāṭṭhānāṭṭhānesu, puthu nānāvihārasamāpattīsu, puthu nānāriyasaccesu, puthu nānāsatipaṭṭhānesu, sammappadhānesu, iddhipādesu, indriyesu, balesu, bojjhaṅgesu, puthu nānāriyamaggesu, puthu nānāsāmāññaphalesu, puthu nānābhinnāsu ñāṇaṃ pavattatīti puthupaññā. Puthu nānājanasādhāraṇe dhamme samatikkamma paramatthe nibbāne ñāṇaṃ pavattatīti puthupaññā. Puthupaññatāya saṃvattantīti ayaṃ puthupaññā.

**Vipulapaññatāya saṃvattantīti.** “Katamā vipulapaññā? Vipule atthe parigaṇhātīti vipulapaññā... pe... vipulaṃ paramatthaṃ nibbānaṃ parigaṇhātīti vipulapaññā, vipulapaññatāya saṃvattantīti ayaṃ vipulapaññā.

**Gambhīrapaññatāya saṃvattantīti.** “Katamā gambhīrapaññā? Gambhīresu khandhesu ñāṇaṃ pavattatīti gambhīrapaññā. Puthupaññāsadiṣo vitthāro. Gambhīre paramatthe nibbāne ñāṇaṃ pavattatīti gambhīrapaññā, gambhīrapaññatāya saṃvattantīti ayaṃ gambhīrapaññā.

**Asāmantapaññatāya saṃvattantīti.** “Katamā asāmantapaññā? Yassa puggalassa atthavavattānato atthapaṭisambhidā adhigatā hoti sacchikatā phassitā paññāya. Dhammaniruttipaṭibhānavavattānato paṭibhānapaṭisambhidā adhigatā hoti sacchikatā phassitā paññāya, tassa atthe ca dhamme ca niruttiyā ca paṭibhāne ca na añño koci sakkoti abhisambhavituṃ, anabhisambhavanīyo ca so aññehīti asāmantapañño.

Puthujjanakalyāṇakassa paññā aṭṭhamakassa paññāya dūre vidūre suvidūre na santike na sāmantā, puthujjanakalyāṇakaṃ upādāya aṭṭhamako asāmantapañño. Aṭṭhamakassa paññā sotāpannassa paññāya dūre...pe... aṭṭhamakaṃ upādāya sotāpanno asāmantapañño. Sotāpannassa paññā sakadāgāmissa paññāya. Sakadāgāmissa paññā anāgāmissa paññāya. Anāgāmissa paññā arahato paññāya. Arahato paññā paccekabuddhassa paññāya dūre vidūre suvidūre na santike na sāmantā, arahantaṃ upādāya paccekabuddho asāmantapañño. Paccekabuddhañca sadevakañca lokaṃ upādāya tathāgato arahantaṃ sammāsambuddho aggo asāmantapañño.

Paññāpabhedakusalo pabhinnañāṇo...pe... te paññaṃ abhisankharitvā abhisankharitvā tathāgataṃ upasaṅkamitvā pucchanti gūlāni ca paṭicchannāni ca, kathitā visajjitā ca te paññā bhagavatā honti niddiṭṭhakāraṇā, upakkhattakā ca te bhagavatā sampajjanti. Atha kho bhagavā tattha atirocati yadidaṃ paññāyāti aggo asāmantapañño, asāmantapaññatāya saṃvattantīti ayaṃ asāmantapaññā.

**Bhūripaṇṇatāya saṃvattantīti.** “Katamā bhūripaṇṇā? Rāgaṃ abhibhuyyatīti bhūripaṇṇā, abhibhavitāti bhūripaṇṇā. Dosam, moḥam, kodham, upanāham, makkham, palāsam, issam, macchariyam, māyam, sātheyyam, thambham, sārambham, mānam, atimānam, maḍam, pamādam, sabbe kilese, sabbe duccharite, sabbe abhisankhāre, sabbe bhavagāmikamme abhibhuyyatīti bhūripaṇṇā, abhibhavitāti bhūripaṇṇā. Rāgo ari, taṃ ariṃ maddanipaṇṇāti bhūripaṇṇā, doso, moho...pe... sabbe bhavagāmikammā ari, taṃ ariṃ maddanipaṇṇāti bhūripaṇṇā. Bhūri vuccati pathavī, tāya pathavisamāya vitthatāya vipulāya paṇṇāya samannāgatoti bhūripaṇṇo. Apica paṇṇāya etaṃ adhivacanaṃ bhūri medhā pariṇāyikāti, bhūripaṇṇatāya saṃvattantīti ayaṃ bhūripaṇṇā.

**Paṇṇābhullāya saṃvattantīti.** “Katamaṃ paṇṇābhullaṃ? Idhekacco paṇṇāgaruko hoti paṇṇācarito paṇṇāsayo paṇṇādhimutto paṇṇādhaḥo paṇṇāketu paṇṇādhipateyyo vicayabahulo pavicayabahulo okkhāyanabahulo samokkhāyanabahulo sampekkhāyanadhammo vibhūtavihārī taccarito taggaruko tabbahulo tanninno tappoṇo tappabbhāro tadadhimmutto tadādhipateyyo, yathā gaṇagaruko vuccati gaṇābhulīkotī, cīvaragaruko pattagaruko senāsanagaruko vuccati senāsanābhulīkotī, evamevaṃ idhekacco paṇṇāgaruko hoti paṇṇācarito...pe... tadādhipateyyo, paṇṇābhullāya saṃvattantīti idaṃ paṇṇābhullaṃ.

**Sīghapaṇṇatāya saṃvattantīti.** “Katamā sīghapaṇṇā? Sīghaṃ sīghaṃ sīlāni paripūretīti sīghapaṇṇā. Sīghaṃ sīghaṃ indriyasamvaraṃ, bhojane mattaṇṇutaṃ, jāgariyānuyogaṃ, sīlakkhandhaṃ, samādhi-paṇṇā-vimutti-vimuttiṇṇadassanakkhandhaṃ paripūretīti sīghapaṇṇā. Sīghaṃ sīghaṃ thānāṭṭhānāni paṭivijjhati. Vihārasamāpattiyo paripūreti. Ariyasaccāni paṭivijjhati. Satipatṭhāne bhāveti. Sammappadhāne iddhipāde indriyāni balāni bojjhaṅge ariyamaggaṃ bhāvetīti sīghapaṇṇā. Sīghaṃ sīghaṃ sāmāññaphalāni sacchikarotīti sīghapaṇṇā. Sīghaṃ sīghaṃ abhiññāyo paṭivijjhatīti sīghapaṇṇā. Sīghaṃ sīghaṃ paramatthaṃ nibbānaṃ sacchikarotīti sīghapaṇṇā, sīghapaṇṇatāya saṃvattantīti ayaṃ sīghapaṇṇā.

**Lahupaṇṇatāya saṃvattantīti.** “Katamā lahupaṇṇā? Lahaṃ lahaṃ sīlāni paripūretīti lahupaṇṇā...pe... lahupaṇṇatāya saṃvattantīti ayaṃ lahupaṇṇā.

**Hāsapaṇṇatāya saṃvattantīti.** “Katamā hāsapaṇṇā? Idhekacco vedabahulo tuṭṭhibahulo hāsabahulo pāmojjabahulo sīlāni paripūretīti hāsapaṇṇā...pe... paramatthaṃ nibbānaṃ sacchikarotīti hāsapaṇṇā, hāsapaṇṇatāya saṃvattantīti ayaṃ hāsapaṇṇā.

**Javanapaṇṇatāya saṃvattantīti.** “Katamā javanapaṇṇā? Yaṃ kiñci rūpaṃ atītānāgatapaccuppannaṃ, yā kāci vedanā, yā kāci saññā, ye keci saṅkhārā, yaṃkiñci viññānaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhamaṃ vā hīnaṃ vā paṇītaṃ vā yaṃ dūre santike vā, sabbaṃ viññānaṃ aniccato khippaṃ javatīti javanapaṇṇā, dukkhato, anattato khippaṃ javatīti javanapaṇṇā. Cakkhuṃ...pe... jarāmaṇaṃ atītānāgatapaccuppannaṃ aniccato, dukkhato, anattato khippaṃ javatīti javanapaṇṇā. Rūpaṃ atītānāgatapaccuppannaṃ aniccaṃ khayatṭhena, dukkhaṃ bhayaṭṭhena, anattā asāraṭṭhenaṭī tulayitvā tīrayitvā vibhāvayitvā vibhūtaṃ katvā rūpanirodhe nibbāne khippaṃ javatīti javanapaṇṇā...pe... jarāmaṇanirodhe nibbāne khippaṃ javatīti javanapaṇṇā. Rūpaṃ...pe... jarāmaṇaṃ atītānāgatapaccuppannaṃ khayadhammaṃ vayadhammaṃ virāgadhammaṃ nirodhadhammanti tulayitvā tīrayitvā vibhāvayitvā vibhūtaṃ katvā jarāmaṇanirodhe nibbāne khippaṃ javatīti javanapaṇṇā, javanapaṇṇatāya saṃvattantīti ayaṃ javanapaṇṇā.

**Tikkhapaṇṇatāya saṃvattantīti.** “Katamā tikkhapaṇṇā? Khippaṃ kilese chindatīti tikkhapaṇṇā. Uppannaṃ kāmavitakkaṃ, vyāpādavitakkaṃ, vihiṃsāvitakkaṃ uppannuppanne pāpake akusale dhamme nādhivāseti pajahati vinodeti byantīkaroti anabhāvaṃ gametīti tikkhapaṇṇā. Uppannaṃ rāgaṃ, dosaṃ, moḥaṃ...pe... sabbe bhavagāmikamme nādhivāseti pajahati vinodeti byantīkaroti anabhāvaṃ gametīti tikkhapaṇṇā. Ekasmiṃ āsane cattāro ariyamaggā cattāri sāmāññaphalāni catasso

paṭisambhidāyo cha abhiññāyo adhigatā honti sacchikatā phassitā paññāyāti tikkhapaññā, tikkhapaññatāya saṃvattantīti ayam tikkhapaññā.

**Nibbedhikapaññatāya saṃvattantīti.** ‘‘Katamā nibbedhikapaññā? Idhekacco sabbasaṅkhāresu ubbegabahulo hoti uttāsabāhulo ukkaṅṭhanabahulo aratibāhulo anabhiratibāhulo bahimukho na ramati sabbasaṅkhāresu, anibbidhappubbaṃ appadālitapubbaṃ lobhakkhandhaṃ nibbijjhati padāletīti nibbedhikapaññā, anibbidhappubbaṃ appadālitapubbaṃ dosakkhandhaṃ, mohakkhandhaṃ, kodhaṃ, upanāhaṃ...pe... sabbe bhavagāmikamme nibbijjhati padāletīti nibbedhikapaññā, nibbedhikapaññatāya saṃvattantīti ayam nibbedhikapaññā’’.

Evam paṭisambhidāmagge vuttanayenevettha attho veditabbo. Kevalaṅhi tattha bahuvacaṇaṃ, idha ekavacaṇanti ayameva viṣeso. Sesam tādisamevāti. Imā ca pana soḷasa mahāpaññā lokiyalokuttaramissakāva kathitā.

Kāyagatāsativaggavaṇṇanā.

## 20. Amatavaggavaṇṇanā

**600-611. Amataṃ te, bhikkhave, na paribhuñjantīti** maraṇavirahitaṃ nibbānaṃ na paribhuñjantīti attho. Nanu ca nibbānaṃ lokuttaraṃ, kāyagatāsati lokiyā, kathaṃ taṃ paribhuñjantā amataṃ paribhuñjantīti? Taṃ bhāvetvā adhigantabbato. Kāyagataṅhi satim bhāvento amatamadhigacchati, abhāvento nādhigacchati. Tasmā evaṃ vuttaṃ. Etenupāyena sabbattha attho veditabbo. Api cettha **viraddhanti** virādhitaṃ nādhigataṃ. **Āraddhanti** paripuṇṇaṃ. **Pamādiṃsūti** pamajjanti. **Pamuṭṭhanti** sammuṭṭhaṃ vissaritaṃ naṭṭhaṃ vā. **Āsevitanti** ādito sevitāṃ. **Bhāvitanti** vaḍḍhitaṃ. **Bahulīkatanti** punappunaṃ kataṃ. **Anabhiññātanti** ñātaabhiññāya ajānitaṃ. **Apariññātanti** ñātapariññāvaseneva apariññātaṃ. **Asacchikatanti** apaccakkhataṃ. Sesam sabbattha uttānatthamevāti.

Amatavaggavaṇṇanā.

Manorathapūraṇiyā aṅguttaranikāya-aṭṭhakathāya saḥassasuttantaparimāṇassa

Ekakanipātassa saṃvaṇṇanā niṭṭhitā.